











ANTONII  
Bernardi Mirandulani Insti-  
tutio in uniuersam  
Logicam.

EIVSDEM ANT. BERNARDI IN  
EANDEM COMMENTARIVS.

I T E M,

APOLOGIAE LIBRI VIII.

Omnia nunc primum in lucem edita, cum gratia & priuile-  
gio Cæsareo ad quinquennium, & Pontificio ipsi autori  
ad decennium concesso, cuius exemplum uersa  
pagina legendum exhibet.

*Accessit quoque rerum & uerborum in hisce  
memorabilium Index.*



BASILEAE, PER [REDACTED]

# PRIVILEGII PONTIFICII

EXEMPLVM.

PAVLVS PP. III.

VNIVERSIS & singulis præsentis literas in specturis Salutem,  
& Apostolicam benedictionem. Cum dilectus filius Antonius Bernardus de Mirandula, familiaris noster, sicut ipse nobis exponi fecit, tria eius opera, quorum unum Institutio in uniuersam Logicam, alterum Cōmentarius, tertium uero Apologia nuncupantur, edere & imprimi facere intendat, uereaturq; ne alij huiusmodi opera sine eius consensu imprimendo, fructum laborum & impensarum suarum iniuste intercipient: Nos honestis eius precibus inclinati, omni bus & singulis bibliopolis, ac librorum impressoribus, ubicunq; locorum existentibus, sub excommunicationis: hisu ero qui nobis & Sanctæ Romanæ ecclesiæ mediatè uel immediatè subiecti existunt, sub dicta excommunicationis, & insuper quingentorum ducatorū auri pro una Cameræ apostolicæ, pro alia uero medietatibus ipsi Antonio applicandorum, & librorum impressorum amissionis ipso facto incurrendis, pœnis, præcipimus & inhihemus, ne intra decennium proximè futurum opera prædicta simul uel separatim imprimere, aut impressos uendere, aut uenales exponere, uel habere sine dicti Antonij licētia & concessione audeant, uel præsumant. Mādātes nihilominus quibusuis locorū ordinarijs, et insuper uniuersis Prouinciarum & urbium nostræ ditionis temporalis gubernatoribus, ut præsentis nostras cum pro parte dicti Antonij requisiti fuerint, ab omnibus inuiolabiliter obseruari faciant, & ipsi ad executionem plenè deduci curent, in contrarium facientibus non obstantibus quibuscunq;. Volumus quoq; ut præsentium literarū transsumptis manu Notarij publici subscriptis, & sigillo alicuius curiæ episcopalis uel archiepiscopalis, aut personæ in dignitate ecclesiastica constitutæ munitis, tam in iudicio quàm extra, eadem fides adhibeatur, quæ originalibus literis adhiberetur, si essent exhibitæ, uel ostensæ.

Dat. Romæ apud Sanctum Petrum, sub annulo Piscatoris, die viii. Ianuarij. M.D. XLV. Pontificatus nostri Anno undecimo.

Blo. cl. Fulgin.

ALEXANDRO  
Cardinali Farnesio, S. R. E.  
Vicecancellario, Antonius  
Bernardus Mirandula  
nus. S. D.



SEST SCRIBENDI MOS

*Aristotelis, ea docendi ratio, ut non minus fe  
re multa sint, quæ aut refellendis antiquo-  
rum opinionibus, aut amouendis erroribus  
ijs qui ex eius dictis possunt existere, aut a-  
lijs rebus explicandis, quarum incidit men-  
tio, scribit, quàm quæ sunt cum illius rei natu-  
ra, quam tractat, prorsus coniuncta, sine quibus ea ipsa res nullo mo-  
do cognosci potest. Hinc fit, ut quæ ille de arte Logica tradiderit,  
hec non modo obscurius sua consuetudine pertractet, sed etiam fusi-  
us, quàm ut ea quis uel facile possit, uel celeriter omnino discere. Qua-  
re inuenti sunt non pauci, qui, ut rationibus adolescentum in ea re,  
commodisq; consulerent, conati sunt Institutiones conficere, quibus il-  
los ad ea quæ scripsit Aristoteles, percipienda, iuari posse existi-  
marent. In his fuit Paulus Venetus, et Petrus Hispanus, qui præ-  
ter cæteros leguntur. Sed eorum quidem magis probanda uidetur esse  
uoluntas, consiliumq; quàm eo ipsi laudandi, quod quæ uellent, præsti-  
terint: tantum enim absunt (ut uerè dicam) à sternenda ad Aristote-  
lis cognitionem uia, ut omnem etiam ad illam aditum præclusisse uide-  
antur. Atq; utinam suis illis Institutionibus non plures à discenda  
Logica per ingeniosos homines deterruissent, quàm quot ad eius per-  
ceptionem adhortati sunt, ac planè iuuerunt. Nimirum enim cum non  
pauca docet, quæ superuacanea sunt, idq; perplexè nimis, et obscurè:  
tum pleraq; etiam tradunt, quæ à Peripatetica ratione, doctrinaq;  
penitus abhorrent. Hæc ego cum uiderem, Alexander ornatis-  
sime, tibiq; placuisset, mea ad Logicam percipiendam opera uti, quod  
nemo hactenus perfecisse uideretur, id mihi planè tentandum censui,  
ut Institutionem aliquam conscriberem, qua tum in uniuersa Aristo-  
telis Logica, quàm plurimum possem lucis & adiumenti asferrem:*

P R A E F A T I O.

tum eorum etiam utilitati consulerè, qui cum alia sibi literarū studia  
 proposita habeant, huius artis discendæ causa, quæ quidē ars in omni  
 disciplinarū genere utilissima est, tanq̃ ad Aristotelē diuercentes,  
 in eius lectione diutius commorari non possunt. Omnia igitur quæ  
 cunq; tradidit Aristoteles, sine quibus ars illa perdisci nullo modo  
 potest, hæc sum, reliquis omisis, quoad potui, breuiter, dilucideq;  
 persecutus, ut nonnulla etiam quæ perobscura essent Aristotelis  
 loca, satis (ut ego quidem arbitror) illustrarem, ac patefacerem.  
 Hanc autem ipsam Institutionem, cum tua potissimū causa confe-  
 cta esset, in tuo etiam nomine edendam putavi, ut & ipsa summo Am-  
 plitudinis tuæ splendore, incredibiliq; gratia, commendatior in ho-  
 minum manus exiret, & hoc, quaecunq; est, meæ singula-  
 ris erga te obseruantia, studiūq; monumentum  
 extaret. Val.

# RERVM ET VERBORVM TO- to hoc Opere memorabilium

## I N D E X.



Abstractum	112	Anima passionibus	397
Abstractū esse declarari per motum	118	Antecedens	35. 94
Abstracta quomodo sunt abstracta	165	Antepredicamentalis primæ regulæ expositio	388
Accidens demonstrant subiecta	128	Antiquos philosophos non reijciendos	154
Accidens & substantiam entis esse differentias	65	Argumentationem non esse Logicæ subiectum	57
Accidens	44	Argumentatio Logicæ instrumentum	265
Accidens prædicatio de subiecto	390	Argumenta Dialecticæ ex quib. consent	97
Accidens universalitatis necessario non sequi rerum similitudines	87	Aristoteles de notioribus quomodo intelligendus	168
Aenesidemius	150	Aristot. librorum ordinem ignoramus	312
Actio semper est in duobus	110	Aristoteles de dubijs disputat	156
Actus & potentia sunt affectiones entis	520	Aristoteles quomodo loquatur de materia & forma	112
Actum & potentiam ad Primum pertinere philosophum	148	Aristotelem sibiipso de universalibus repugnare	170
Ad aliquid	216	Aristoteles cur neglexerit plures qualitates tractare in predicamento qualitatis	67
Aequiuoca & uniuoca pertinere ad Metaphys.	77	Aristoteles quid primo Primæ philosophiæ libro tractet	154
Aequiuocatio	157	Aristotelis circa animæ definitionem indagandam industria	235
Aequiuoca, Aequiuocata	176	Aristoteles de quibus substantijs agat	145
Affectio	154	Aristotelis de naturali tractatione librorum ordo	152. & 153
Affectus	394	Aristotelem sæpe sumere personam alterius artificis	71
Affectiones prædicamentorum non sunt actus & potentia	321	Aristoteles quid in Prædicamentorum libro maximè uelit	59
Affectiones entis	246. 247	Aristoteles de animalibus illustratur	60
Affectus non consistunt in rationali appetitu	394. 396	Aristoteles de prima & secunda substantia à seipso dissentire uidetur	218
Affectus entis uerum & falsum	256	Aristoteles universalibus demonstrationibus diuersus utitur modis	147
Affirmatio dicitur de omni	27	Aristoteles quid in libro de Historia animalium tractet 159. quid de Partib. ibid.	
Affirmatio universalis	7	Aristoteles quomodo philosophiæ naturalis subiectum describat	159
Affirmatio quid	6. 94	Aristoteles quid in quinto Metaphysicorum agat 157. 174. 175. quid in septimo	177
Affirmatio ad Primum philosoph. spectat	323	Ars	49. 233
Alexander Aphrodisæus	60	Ars que in re consideretur	69
Analogum de suis omnibus analogatis contemplari	324	Ars habuit est effectiuus cum ratione, &c.	90. 231
Analytica, prima pars Topicorum	417	Artes à scientijs differre	74
Animal prius homine fieri	81	Artes omnes utuntur definitione & diuisione	235
Animal, homo, & similia non sunt affectus entis	255	Ars nulla uacat nomine scientiæ	230
Animal uniuersaliter & particulariter accipitur	381. 385	Artes duci scientias, & scientias artes	232
Anima non est principium cæli primi	137		
Animata substantiæ diuisio	167		
Anime intellectus & passionibus sunt similitudines singularium	227		
Anime definitionem præcedit prædicamentorum cognitio	90		

# I N D E X.

Artes tripartite	231	Cognoscendi instrumenta ad duo tantum re-	
Artes cur necessario concludant	231	ferenda	56
Artium tria genera	307	Commune bis sumi ante conclusionem	13
Artifex nō potest demonstrare subiectū sue		Commune accipitur tripliciter secundum na-	
artis	131	turam	18
Astrologia est theoria	182	Communia entibus omnibus philosophia fo-	
Astrologia mutuatur principia à Geometria.		la tractat	74
ibidem		Comparisonem obiectorum non esse in pri-	
Auerroës putat prædicamenta esse partes Lo-		ma operatione intellectus	249
gica	66	Complexa non nisi ex simplicibus consui-	
Auerroës à seipso dissentit	120. 124	posse	66
Author unius Aristotelis sententiam sequi-		Complexum ignotum quomodo discatur	67
tur	118	Componimus & diuidimus secunda intelle-	
Author quæ in re dissentiat à vulgarib. Ari-		ctus operatione	80
stotelicis	55	Compositum magis decet appellari substan-	
		tiam, quàm materiam	65
		Concauum	158
B		Conclusio superioris propter quid est in in-	
Bonū error	334	feriori	179
Boetij locus	67. 177	Concludere non licere ex una disciplina a-	
Bonum	141. 190	liam	161. 261
Bonū totidem modis dici, quot ens dicitur	73		
C			
Causa sunt sempiternæ	133	Conclusiones ex præcognitione subiecti &	
Causa rei est dignior causato	65	prædicti inferuntur	68
Cause non omnes percipiuntur demonstra-		Concreta nonora abstractis	145
tione	277	Confidere non est passio anime intellective	
Causam notam esse, de finito ignoto	127	392. 394. 396.	
Causa dignior causato	142	Consequentia	35
Cause distinguuntur	126	Consideratio de quibus esse debeat	190
Cause à philosopho primo cōsiderari	120.	Consideratio de dispositionibus formarū ab-	
125		stractarum primæ philosophiæ est	118
Cause naturæ sunt notiores	42	Consuetudinis notus est	155
Causas non esse principia	157	Consuetudinis aut	ibid.
Cause sunt res	226	Copulatio & tactus differunt	162
Cause ex notioribus sunt inuestigandæ	189	Contingens natum quid sit	27
Cause omnes demonstrant	277	Contingens in syllogismo contingenti quo-	
Cause entis veri nō sunt perscrutandæ	160	modo sumetur	27
Cælum est animatum	137	Contingens tripliciter dicitur	ibidem
Cælum est separatum à materia	137	Contingens multa significat	16
Cælum dicitur elementum	167	Contingentia quo modo in lib. Periberm.	
Cognitio perfecta compositione simplicium		tradantur	316
esse nequit	272	Contingens æquivocè de necessario, de in-	
Cognitio est passio ipsius anime	4	esse, & de possibili dicitur	28
Cognitionem rerum perfectam ex ipsarum		Contingens pro necessario accipitur	15
substantia oriri	59	Contingens indefinitum	17
Cognoscere	39	Contingens ex affirmationibus & negatio-	
Cognoscendi principia	142 (256)	nibus colligi	ibidem.
Cognoscendi modus	412. finis dialectices	Contingentia corrumpuntur	39
Cognitio principiorum & principium scien-		Contingens ualet necessarium	16
tiae	292. 294	Contraria quomodo suscipiuntur	210
Cognoscendi modus, ut finis, Logico quæ acci-		Contradictoria æquipollentia ubi intelli-	
piendus	412	debeat	9
Cognoscendi modus generaliter sumptus, nō		Contrariorum natura	8
est subiectum dialectices	415	Contraria quæ dicantur	7
Cognosci omnia tribus modis	407. 410	Cōtradictor. quomodo inter se æquipollēt	9
Cognoscendi modus quid	58	Contradictoria	8

Decipi

# INDEX

D		Definitio non fit ex causis non propriis de-	
Deicipi	50	etis	ibid.
Defectus quid sit	198	Definitio unde sumatur	399
Definitio	40. 45. 128. 291. 342. 408	Definitio unde intelligatur	341
Definitio quid	96. 190. 273	Definitio principium demonstrationis quo-	
Definitio instrumentum sciendi	264. 270	modo sit	409
Definitio cur ab Aristotele post demonstra-		Definitiones substantiae Primi philosophi et	
tionem tractata sit	279. 280	Logici conferuntur	206
Definitio est ex causis intrinsecis	45	Definitiones quae sunt in Logica, in prima et	
Definitio naturalis	114	tum philosophiae sunt	406 (51
Definitionis natura ubi docetur	283	Definitiones quomodo considerari debeant	
Definitiones nominis et uerbi ad enuncia-		Definitio non fit ex translatis	46
iones referuntur	272	Definitiones ex generibus et differentiis co-	
Definitio, siue quid est, demonstratione non		sistere	68
cognoscitur	264. 275	Definitiones unde sumantur	198
Definitio et quid est, non haberi posse per		Definitio Logices instrumentum	43
demonstrationem	813	Definitio quomodo in Topicis tradatur	282
Definitio est instrumentum cognoscendi	264	Definitio quaestionis medium	56
Definitiones et simplicia Logica ad opus re-		Definitio prior demonstratione	412
feruntur	273	Definiri et demonstrari posse etiam Prædi-	
Definitio Mathematica quid	95	camentorum ignorata coordinatione	237
Definitio unde oritur	115	Definitio principium est demonstrationis	264
Definitio est ex notioribus	46	Definitio per se consideratur per accidentis,	
Definitio per se in Logica consideratur	271. 289	ut medium	271. 272. 289
Definitio non est demonstratio	277	Definitiones unius rei plures non sunt	275
Definitiones omnes Logice esse communes	71	Definitionis proprietates	46. 38
Definitio utilis est	290	Definitiones Logicae ex communibus sunt	68
Definitiones necessario quaerendae	56	Definitionem non esse Logicae subiectum	57
Definitio neque uniuersalis, neque affirmatiua		Demonstratio ostendit aliquid de aliquo, de-	
Definitio constat ex causis essendi	45 (43	finitio uero non	275
Definitionis regule cur in Logica traden-		Demonstratio unde	141
tur	280. 281	Demonstrationem non esse Logicae subie-	
Definitio quatenus definitio est, non refer-		ctum	57
tur ad demonstrationem	295	Demonstratiua usum consistere in utendo	
Definitio dicitur sola ipsum quid est	276	principijs	90
Definitio sui gratia in Logica consideratur		Demonstrandum quomodo sit	205
288		Demonstrationem affirmatiuam digniorem	
Definitio in definitione, non refertur ad demon-		esse negatiua	167
strationem	409	Demonstratio omnis est syllogismus	163
Definitio non ordinatur ad demonstrationem		Demonstrationem Logicae finem esse, dixe-	
271. 272		runt Graeci, idque dupliciter intelligendum	
Definitio constat ex genere proximo, et ex		70	
differentia proxima	49	Demonstratio indiget prædicamentis	185
Definitio aliter in prima philosophia accipi-		Demonstratio et definitio duo instrumenta	
tur, atque in Dialectica	281	cognoscendi	405. 411
Definitionem Aristoteli in secundo Poster. tra-		Demonstratio	38
dit ut instrumentum Dialecticum	279	Demonstratiua scientia est ex ueris	151
Definitio et descriptio differunt	47	Demonstratione perdiscitur ipsum quid est,	
Definitio est ex prioribus	46	quoties per essentialia discitur	276
Definitio non pertractatur syllogis. causa	256	Demonstrationis proprietates	38
Definitio superior de inferiori dicitur	539	Demonstratiuius Logicae	273. 289. 299
Definitio non fit ex nominibus obscuris	ibid.	Demonstrationes in unaquaque scientia re-	
Definitio quibus natura prior sit	57	gulas spectant Logices, proprios tamen ha-	
Definitio non concluditur ex demonstratio-		bent terminos	70
ne	275	Demonstratio Logices instrumentum	43

Demonstrationib. quomodo usatur Logica	71	Differentia prædicatio	143 144
Demonstratio quia	131	Differentia 4.4. quorum sit	144
Demonstratio ex quibus fiet	38	Differentia compositæ	145
Demonstratio	118	Differentias prædicari in quid	ibidem.
Demonstrationis principium	40	Differentia quomodo sumantur	ibid.
Desiderare non est passio animæ intellectu- uæ	336. 332	Differentia & genus aliquo modo sunt idem	45
Deus est substantia	135	Dici de omni non differi à propositione uni- uersali	13
Deum esse intellectum purum per se ipsum existentem, philosophia naturalis est	120	Dici per se	38
Deus est abstractus à magnitudine	ibid.	Dicere acta de subiecto	13
Deus quare dicitur ens & substantia	140	Dici de omni	ibidem
Deus principium primum	133	διωξας	416
Deus est animal perpetuum	137	Dici de omni in propositione contingenti	28
Deus est ens absolute	136	Dici de nullo 13. in proposione contin- genti	28
Deus est ultimus finis	119	Discendi instrumenta duo	264. & 280
Deus duobus modis accipitur	137	Discursus cum demonstratione idem	231
Dialectica à Logica differt	3	Disciplina omnis intellectus sit ex præexis- tenti cognitione	37
Dialectica habet finem omnium Methodo- rum	419	Disciplina omnis præterea nota efficiuntur	128
Dialectica propriè non est ars	304	Diversa scientia	201
Dialectica Methodus quasi doceat	415	Divisio rerum	167
Dialectica quid	414 304. 87. 3. 419	Divisiones utiles ad definitiones & demon- strationes	278
Dialectica non est scientia, nec certum ge- nus habet	306	Divisio non instrumentum cognoscendi	234
Dialecticū syllogismum non esse Logica sub- iectum	57	Divisio infirmus syllogismus	233
Dialectica unde constat	375. 417	Divinus philosophus peti à naturali substan- tiam sui subiecti	121
Dialecticam multum differre à Logica pro- priè sumpta	58	Divina philosophia in ordine doctrina præ- cedit	172
Dialecticam non uno tantum modo usitari	86 87.	Divina philosophia causas entis quærit	125
Dialecticus qui interroget	340	Doctrina quæq; unde notetur	222
Dialectica non est Logica	314. 375	Doctrina omnis causas quærit de bet sui subiecti	377 (4
Dialectici munus	336	Doctrina omnis ex antecedente doctrina sit	
Dialectica & Logica differunt	260	Doctrina nulla potest cõplexæ aliud de quærit ex simplicibus colligere	66
Dialectica ubi propriè dicitur	3	Dubitare necessariū est perscrutantib.	156
Dialectica utilis	376	Duo simul considerari non posse	150
Dialectica usus duplex, non facit cum Ari- stotelica disciplina	88	E	
Dialectica non est subiectum Logices	415	Elapsus	128
Dialectica non est propriè ars, nec scientia	419	Efficiens	45
Dialectica cur non dicatur certi finis esse, vel generis	97	Elementa inter se sunt contraria	212
Dialectica cur coniuncta sit cum Logica li- bris	ibidem	Elementa primo a naturali philosopho per- tractari oportet	269. 269
Dialectica utens & docens	307	Elementa prius pertractantur in se, quam in ordine admixta	270
Differentia inter Mathematicas & naturalem, quare non possit esse secundum formā	222	Elementum	125
Differentia quomodo sint qualitates	146	Elencorum locum illustrat	67
Differentia in prædicamentis substantiæ	146	Enthymema	35
Differentias esse qualitates	145	Ens quomodo dividitur	167
Differentia propria quales sunt	144	Ens quatenus ens, est subiectum Primæ phi- losophiæ	138
Differentia formam refert	45	Ens, & unum non sunt genus 143. neg. de diffe.	



# INDEX.

differentijs prædicantur	144	res	38
Ens dividitur in decem prædicamenta	137	Exemplum	34
Ens et unum, idem sunt	311	Exemplum ab inductione differt	35
Ens ut ens præscindere à substantia et acci-		Existentia ex materia et forma constant	117
dente	245	Expositorium syllogismum Logicus sibi non	
Ens solum est in anima	225	conficit	338
Entis per accidens nulla est scientia	160		
non Entia non habent motum	149	F	
non Entia intelligibilia et desiderabilia sunt		Faber quid doceat 173. et consideret	190
ibid.		Fabrilis quomodo à Geometra distingua-	
Entis affectiones dici entia	140	tur	74
Ens multipliciter dicitur	130	Facere et agere differunt	302
Ens philosophiæ naturalis quid in se habeat		Facere	217
157		Factio hominis quid	233
Ens, omne quod est	257	Facultas prior quid habeat	186
Ens et substantia sunt composita	139	Facultas subalternata subijcitur superiori	
Entia quare dicantur entia	139	179	
Ens dupliciter dicitur	137	Facultas naturalis circa mobilia	222
Ens illud duplex necoticorum non inveni-		Facultas omnis unius est subiecti	318
ri	89	Facultas interior sapientie principia à supe-	
Ens est compositum	135	riori	65
Ens subiectum Primæ philosophiæ	100	Facultates omnes à Logica materiâ sumunt	3
Entis differentia	184	Facultas quælibet proprios habet terminos	
Ens subiectum in divina philosophia	111	336	
Ens non est analogon	223. 402	Facultatibus nihil inest per se, præter propo-	
Ens verum ubi consistat	160	sitiones, et ex ijs conclusiones	68
Entis prima diffusio in substantiam et acci-		Facultates distinctæ	421
dens	234	Facultatis alicuius illud non debet dici pars,	
Ens ut ens abstrahi à decem generibus	247	quod assumitur ad illius eiusdem explica-	
Ens et substantia non eadem ratione conue-		tionem	71
niam:	142	Facultas unde nomen accipiat	58
Ens per se dividitur in decem genera	159	Facultas quælibet proprias habet proposi-	
Ens rationis uel reale non esse Logica subie-		tionem, demonstrationes, et principia	69
ctum	57	Facultas nulla præter philosophiam veris ra-	
Entis differentia quæ	65	tionib. potest communia omnibus entibus	
Ens est subiectum doctrinæ Prædicamenta-		tractare	79
rum	316	Facultas unaquæq. terminos habet proprios	
Entia ex quibus causis tradantur	112	alijs facultatibus ignotos	66
Entium cause quatuor	115	Facultates omnes regulis uti Logici in de-	
Ens reale est subiectum Metaphysices	160	monstrando	70
Entis species à quo considerentur	192	Facultas docens operari non est scientia	202
Ens et unum non propriè genus, nec species		Facultatem naturæ posteriorem esse, licet se-	
247		cundum nostrum cognoscendi modum ui-	
Entia quomodo comprehenduntur	191. 190	deatur prior	75
Enunciatio particularis 7. singularis eod.		Facultas prima nulli potest subalternari	75
Enunciationes plures partes	5	Facultas unaquæq. habet aliquid principale	
Enunciationis ex simplicibus terminis com-		57	
flare	68	Facultas omnis proprios habet terminos	365
Enunciatio indefinita	7	Fallacia ex diversis locis duci potest	388
Enunciatio quid	94	Figure argumentandi tres	317
Enunciationis modi quot	10	Figure fallacia	387
Enunciationis diffusio	6	Figure quid	5. 9. 13. 19
Error facile admodum in definitionibus, et		Finis facultatum	296
syllogismis inveniendis	56	Finem magis eligendum esse, quàm ea quæ ad	
Essentiam rei non exprimit quicquid non est		ipsum finem pertinent	97
		Finis	45
		Finis	Finis

Finis duplex	300	Genera & species entis affectus sunt	404
Finis scientiæ	129	Genera & species non traduntur, ut sunt in	
Finis Logicæ quis, & quæ ipsius finis causa		Prædicamentis	331-334
56		Genera & species quid in Metaphysica sint	212
Finis primus & prima forma à philosopho naturali considerantur	117	Genera causæ in infinitum non progredi	160
Finis primus ad philosophum naturalem pertinet	120	Genus ut genus est, spectare ad Primum philosophiam	63-354
Finis facultatis, & eius subiectum idem	396	Genus & eius species ab eadem facultate considerantur	230
Forma	44-116	Genus & differentia quid in definitione	123
Forma composita magis est substantia quam materia	208	Geometra	117-101
Forma cuius sint	184	Geometriam non tradere definitionem culti, propter quid	131
Forma & materia non vocantur substantiæ	139	Geometrica	178
Forma est separabilis ratione	139	Grammatica	316
Formæ abstractæ sunt intelligentes	121	Grammaticam non posse addisci sine simplicium terminorum cognitione	72
Forma facit materiam in actu esse	65	Grammatica non docet nomen significatio-	
Forma prima ad philosophum naturalem pertinet	120	nes	316
Formam magis decet appellari substantiam, quam compositum	65	Græcorum interpretum de fine Logicæ opinionem refellit	64
Forma & materia non prædicantur in recto	45	H	
Forma magis est substantia quam materia	139	Habere est de rebus	217
Formalis causa	398	Habere	ibid.
Formæ naturales per materiam definiuntur	112	Habitus operativi duplices	74
Forma prima est ultimus finis	121	Habitus quinque, quibus assentiendo vel dissentiendo perficimus	49
Forma est causa essendi	45	Habitus speculativum ab operativum sine distinctione	89
Forma & materia generis differentie exemptoria	45	Habitus intellectivi sunt quinque	232
G		Habitus primus substantialis	240
Generatio	163	Habitus	394
Generationem continuam ostendit philosophus naturalis, ex Deo	219	Hammonius	100-145
Genus	44-255-392	Hammonij de differentiis error	145
Genus considerare ut genus quid	354	Harmonica	178
Genus est univocum	44	Harmonica refertur in habitus activos	130
Genus & differentia aliquo modo sunt idem	45	Hominis ultimus finis est ultimus rerum omnium finis	110
Genus sumitur à forma	ibid.	Homines nominibus ad sensum exprimitur deduxisse	63
Genus affectus entis est	63	I	
Genus prius est specie	259	Iacomellus bonarum literarum ignarus	311
Genus et species, an affectus sint entis	243-244-245-246	Iacomellus Averroem esse animam Aristotelis existimat	269
Genera non à speciebus proprie extare, quomodo dicendum sit	81	Iacomelli inconstancia	304
Genus & species eius de facultatis sunt	410	Iacomellus ab Aristotele & scipio dissentit	265-287-etc.
Genus & species quatenus relativa	253-254	Idea	125
Genus magis est substantia quam species	218	Ideas primus philosophus excludit	ibid.
Genera non esse principia	157	Ideam omnem pertinere ad Primum philosophiam	78
Genus intermit specie & differentiam	123	Idem, ut sit, & non sit, quidem affirmabant.	57
Genus affectus entis	353	Idem proprie non est sui ipsius causa	46
			ignotum

# I N D E X.

ignotum duplex	235	Intelligi non est passio animæ intellectivæ	392.
ignotum per ignotius non manifestatur			394. 396.
100		L	
Imagines sunt opera intellectus agentis	250	Lineæ eadē Mathematicæ et naturales	221
Immobile	122	Lineæ definitio	27
Impossibilia	156	Lineæ Mathematicæ quæ sūt	222
Indivisa de nullo subiecto dicuntur	208.	Litteræ significant voces	4.
substantiæ sunt	ibid.	Litteræ et voces non eadē apud omnes gentes	ibid.
Inductio quid sit	34. 123	Loci Dialectici quales sunt	261
Inductiones quare dicantur fieri ex singularibus	81	Logici manus quod	178. 236. 237. 370. 374.
Inductio quibus propositionibus utatur	34.	405	
Inductio	251	Logici quatenus cognoscat definitione	345
Inductio est syllogismus	405. 410	Logices instrumenta demonstratio et definitio	43
Inductio quomodo ad syllogismum redigatur	34.	Logica	414. 416. 419
Inductio et demonstratio	252	Logica unde dicta	58 311
Inductio ab exemplo differt	31	Logica esse sub ipsa Prima philosophia	179
Inquirere	111	Logici quid dederit Metaphysicæ	116
Inscriptio non semper omnes partes comprehendit operis	285	Logica quid	3. 18
Instrumenta cognoscendi sunt quatuor	233	Logica finis dubia cognoscere	297
Intellectus prima operatio non refertur ad secundam, neque secunda ad tertiam naturam	272	Logici non cognoscit animal esse genus hominis	341
Intellectus duplex	250	Logica non est communior Dialecticæ	307
Intellectus passibilis	ibid.	Logica quomodo accipitur in alijs scientijs	
Intellectus	4. 397	52	
Intellectus percipit res ut sunt	250	Logica est subalternata Metaphysicæ	179
Intellectus potentia non cognit universalis	251	Logica non habere terminos proprios simpliciter consideratos	74
Intellectus passiones similitudines sunt plurimum singularum	392. 397	Logices non est definire	345
Intellectus quomodo ex simplicibus concipiat	272	Logica facultatem excedit facere omnes enunciationes	28
Intellectus agentis officium	271	Logica quomodo consideret orationem	414
Intellectus prima apprehensio, operatio dicitur	72	Logica non est ars artium, et scientia scientiarum	419
Intellectus obiectum qui percipiat	398. 399	Logica non esse facultatem perspicendi probabile circa unamquamque rem	86
Intellectus et sensus ad philosophum spectant	335	Logica quare sit scientia realis	180
Intellectus agens	250	Logica manus et officium	222
Inventiones secundæ non extare in rerum natura	78	Logica non utitur ut instrumento, sed ut regula instrumenti	87
Intentio secunda	298	Logica regulas tradere	178
Intentio scientiæ naturalis	130	Logica non est contemplativa	297
Intentio	274	Logica non cognoscere propriè voces prædicamentorum	263
Intentiones secundæ	176	Logica non esse convertibilem cum Rhetorica	16
Interpres Aristotelis quare librum Posteriorum perturbavit	277. 278	Logica à Dialecticæ differt	3
Interpretationis libri ordine reliquos libros in Aristotele enarrando præcedere	55	Logica uti demonstrationibus in docendo	
Intentio mediæ	31	71	
Interrogatio omnis non est Logica	319	Logica non indiget cognitione Prædicamentorum	238
Inventionis loci quibus serviant	374	Logica non est scientia	3
		Logica facultas omnis instrumenta sciendi docet	43
		Logica	

Logicem non esse de secundis intentionib. eo modo quo neoterici cōmimisebantur	79	Logica docendæ initium unde sumendū	55
Logicam non descendere in Primam philosophiam. ut aliquid probet	75	Logica quid non possit cognoscere	60
Logica à Prima philosophia quid mutuetur	74	Logica non est scientia	230
Logicem non indigere terminis simplicibus	220	Logica caret absoluta perfectiōe demonstratione	ibid.
Logica est ars	344	Logices usus	235
Logicus de Prædicamentis ut sunt in anima agitur	223	Logica non esse inferendum Prædicamentorum doctrinam	56
Logica non scientia. sed ars	230	Logica nō sui. sed alterius gratia inuenta	234.
Logica cum sit ars. constat ex ijs quæ à nobis sunt	75	Logica finis	236
Logicum non facere instrumenta aliarum scientiarum	130	Logica et Prima philosophiæ discrimē	230
Logicem aliuē exempla petere	69	Logica institutiones quæ	69
Logicus considerat definitionem ut est definitio	289	Logice	3
Logica magis ars quàm scientia	233	Ludovicus Buccafertreus	227
Logica quibus terminis utitur	341	Luna obscurata	166
Logicum negotium	274		
Logica finis modus cognoscendi	263	M	
Logica subiectum quod	57	M. Adius notatus	193 207. inde
Logica docet constructionem syllogismi	261	Maior extremitas dicitur de medio	20
Logicus quomodo de nominibus agit	176	M. Antonius Genua contra Commentariū authoris scripsit	109
Logica non est scientia	301	M. Ant. Genuæ rationes quatuor. quibus theoris sententiam refutat	109
Logica subiectum	311	Materialis causa facilius est efficiente	153
Logica quatenus ars	233	Materia	44
Logica docet constituere demonstrationes. definitiones et syllogismos	98	Materia esse substantiam in potentia	65
Logicam sub Prima philosophia subalternari	74	Materia prima duplex est	162
Logicus nō tractat substantias abstractas	214	Materia et forma est in ipsis causis	112
Logica finis non est uerum à falso discernere	297	Materia syllogismorum tres	177
Logica tradit conditiones instrumentorū	87	Materia est causa essendi	45
Logica docet opinari	3	Materia prima non declaratur nisi per signū naturale	118
Logica quid tradat	185. 311	Materiam primam considerat unaquæq. scientia	126
Logica subiectū cognoscendi modus	412	Materiæ proprium	206
Logica non tradit res	363	Materia est eorum quæ sunt ad aliquid	113
Logica communis ratio	370	Materia prima	139
Logica propositionibus non in omnibus disciplinis ut Dialecticis utitur	263	Materia et forma. generis et differentie exemplaria	45
Logica initium unde sumendum	193	Materialis causa natura prior est	152
Logica definitionem uulgarem reprehendit	58	Materia non est substantia	139
Logica scientia realis	233	Materia quare sit substantia	219
Logicus non potest cognoscere an aliquid sit genus speciei	335	Mathematicorum contemplatio	152
Logicam non syllogizare contraria	86	Mathematica quid	123
Logica subiicitur Primæ philosophiæ	243	Mathematici causarum demonstrationē tractant	240
Logica subiecta	ibid.	Mathematica considerat ea quæ sunt cum materia	158
Logica cui subiicitur	379. 381	Mathematica est speculativa	158
Logice principia operis gratia traduntur	380	Mathematica circa immobilia et inseparabilia uersatur	112
		Mathematica est de quantitate	159
		Mathematica demonstratio quando petenda	125
		Mathematicus	114
		Mechanica in quibus sita	179
		Mechanici	

# I N D E X.

Mechanici à Mathematicis quomodo differunt	74	Motum non esse in substantia, ubi probetur ab Aristotele	65
Mechanica, Geometriae sunt principia	179	Mutationis principium	149
Medicus	187. 114	N	
Medicina quatenus sub Geometria	242	Nasci quae dicantur	162
Medicina sua cognoscendi principia unde accipiat	74	Natura quid	153. 162. 163
Medio inuenito tollitur omnis questio	16	Natura simplex quae dicatur	167
Mediae res	122	Natura quae constant	266
Memoria intelligentiae, non sensus	393	Naturalis quid pertractet	169
Mentis dubitatio	156	Natura composita quae sit	167
Metaphysica munus	213	Naturalis philosophia uersatur circa inseparabilia & mobilia	112
Metaphysica sine materia definit	117	Natura quomodo ad diuinum philosophum & naturalem spectet	164
Metaphysica per materiam definit	ibid.	Natura omnis materiam habet	155
Metaphysica de Prædicamentis agit ut sunt in re	213	Naturales res agunt propter ultimum finem	119
Metaphysica postremum cur obtineat locum	167	Natura constat de materia & forma	156
Metaphysices definitio	100	Natura diuersis dicitur modis	162
Metaphysicæ substantiam & eius proprietates considerat	322	Naturam quae forma dicitur substantiae esse	65
Methodus Aristotelis liber Posteriorum per totum	274	Natura est materia prima	162
Mirandulenus Peripateticos sequitur	271	Natura habet materiam 150. est primi philosophi	152
Miranduleni propositum in probando	341	Naturalis circa quae uersetur	123
Mirandulenus reprehensus quod Aristotelem sequatur solum	262	Natura semper melius desiderat	119
Mixtio contingentis & de inesse in secunda figura	32	Necessarium	256
Mixtio necessarij, contingentis, & de inesse in tertia figura	33	Necessarij definitio	223
Mixtio coniungentis, & de inesse in prima figura	29	Necessarium quomodo sequatur	33
Mixtio necessarij & de inesse in secunda & tertia figura	26	Necessarium & possibile à metaphysico & Logico diuersis consideratur modis	223
Mixtio contingentis & necessarij in secunda figura	33	Necessarium & possibile tractat metaphysicæ ibidem	
Modum sciendi non esse Logicae subiectum	57	Negatio quid	6
Modus cognoscendi quis	93	Negatio dicitur de omni	27
Modum cognoscendi, esse Logicae subiectum	57	Negatio primi philosophi est	323
Motus quid	163	Negatio universalis	7
Motus species sex	217	Nomen quid	5
Motus continuus nullus est	124	Nomina quae sunt affectiones entis	77
Motus est actus	149	Nominum secunda consideratio 332. 343. 351	
Motum non tantum philosophiae naturalis esse	147	Nomina cur inuenta sint	357
Motu ignorato ignoratur & potentia	140	Nomina secundae intentionis sine primis esse nequeunt	351
Motu ad naturalem pertinere philosophum	150	Nominum qui usus sit hominibus	53
Motus potentia est substantia	124	Nominum prima positio	332. 248. 351
Motus est species entis	148	Nomina infinita non reduci ad finita per Aristotelem	67
Motus perinde continuus est	124	Nomina primae intentionis in Prædicamentis tradantur	313
Motus sine operatione esse non potest	124	Notiora quae uocentur	168
Motus pertinet ad primum philosophum	148	Notiora quae sint	167
Motus est naturalis philosophi	118	O	
		Occurrere reiciendus	271
		Officium Logices	3
		Operationes intellectus nostri tres	215
		Operatiuus habitus à speculatiuis esse distinctos	

# I N D E X.

Ætos	74	Philosophia non ante Logicam discenda, cū-	
Operationem dici primam intellectus appre-		hensi hanc ipsam complectatur, & prior d-	
hensionem	79	la sit	76
Opinionis principia à sensu oriuntur	49	Philosophia cum constet ex ijs quæ à natura	
Opinionem quorundam refellit Aristotelem		sunt, nihil potest à Logico mutare	75
interpretantium	59	Philosophia prima à consideratione naturali	
Opinari	50	differt	134
Opposita primi philosophi	322	Philosophia non explicat propter quid prin-	
Opus considerat Mechanicus	74	cipiorum quæ sunt in Logica	76
Oratio quid	5	Philosophi naturalis est indagare substantias	
Oratio ex nomine & uerbo componitur	6	113. & earum causas	158
Oratio cognoscendi quid	2	Prima philosophia qualis	155
Oratio enunciativa quæ	5	tres Philosophiæ contemplatrices eundē ha-	
Oratio materia Logices	359	bent finem	159
Orationem docere construere quid sit	413	Philosophia naturalis à diuina differt	113.
Oratio quæ cognoscitur quid est, ex quibus		114. 125	
constet	96	Physicum quæ oportet cognoscere	113. 200
Oratio uerum aut falsum significat	6	Physicorum subiectum res naturalis	369
Orationem simpliciter sumptam non esse Lo-		Physicus à Mathematico quomodo differt	
gica subiectam	57	222	
Oratio quæ definitio esse possit, & quomo-		Porphyrij de quinq; uocibus liber non collo-	
do	60	candus initio Logices	235. 238
Oratio quæ subiectum Logices	413	Positio	40
Ordo rerum obseruandus	5. 15. 107	Possibile quomodo accipitur	10
P		Possibile actū & potentia	ibid.
P Affibulis qualitates	216	Posterius	157
Paffiones intellectiua	248. 249	Potentia	124. 149. 394
Paffiones de subiecto quaeruntur	129	Potentia aliquid esse	40
Paffiones referunt res	4	Potentia primæ definitio	149
Pati	217	Potentia aliquando operatur	124
Paulus Venetus	271	negat	302
Perspectiua ex quibus constet	241	negat & mouet differunt	302
Perspectiua magis Geometricam dici quam		Prædicatum	6
naturalem	ibid.	Prædicatio	312. 319
Perspectiua subalternata Geometriæ	ibid.	Prædicatum dicitur omni inesse subiecto	14
Præcognosci omnia duobus modis	37	Prædicatum manifestat subiectum	219
Philosophiæ naturalis subiectum	115	Prædicatio denominatiua	211
Philosophus primus quid de substantia deter-		Prædicamenta cur sic dicta	402
minet	122	Prædicamenta ut res considerari	237. 259
Philosophia qualis	157	Prædicamentorum libro quid maxime uelit	
Philosophiam primam naturæ priorē esse Lo-		Aristoteles	59. 109
gica	75	Prædicamenta nō considerari ut genera	314
Philosophiæ minus	189	Prædicamenta uel esse definitionibus	236
Philosophia sola ueris rationibus tractet com-		Prædicamenta ubi locanda	109. 312. 315. 350
munia entibus	74	Prædicamenta non esse necessaria ad Logi-	
Philosophum naturalem definire per mate-		cam	56. 68. 370. 371
riem	112. 195	Prædicamenta esse de uocibus per accidentis,	
Philosophia prima circa quæ sit	158	non per se	63
Philosophiæ naturalis proprium munus	48	Prædicamenta non ponenda inter Logicos li-	
Philosophia prima ex ipsa materia cūstat	112	brōs Aristotelis	55. 234. 235. 263
Philosophiæ diuinæ subiectum	116	Prædicamentorum liber pars primæ philoso-	
Philosophia quomodo appelletur ab Aristo-		phia	100. 316. 329
tele	163	Prædicamentum non esse subiectū libri præ-	
Philosophia naturalis quatenus subalterna-		dicamentorum	368
tur perspectiua	242	Prædicamentorum quodlibet seu sim dici ge-	

# I N D E X.

nus posse	353	Probabile quod nō est, utrū esse potest	315
Prædicamentorū librū esse imperfectū	173	Probabilia	50.97
Prædicamentorū doctrinam cur scorsim tra-		Prolegomena	207
ctari Aristoteles	90	Pronunciatum	40
Prædicamentorum liber est de rebus	182.	Propositiō 13 34. Particularis 13. Vniuer-	
237 343. 356 361. 366		salis	13
Prædicamenta esse Metaphysices partē	217	Propositiō indefinita	ibid.
in ipsēd quid consideretur. ibid. et	461.	Propositiones de esse quæ uocentur	25
402. 186. 234 257		Propositiones contingentes quomodo con-	
Prædicamentorum proprietates	258	uertantur	18
Prædicamentorum doctrinam non docere ra-		Propositiō quando uera	142
nōnem generum & specierum	329 348	Propositiones necessariae eodem modo con-	
Prædicamenta in lib. Prædicamentorum con-		uertuntur. quo propositiones de uesse	15
siderari ui sunt	315 318 326. 330	Propositiō negatiua	353
Prædicamenta non ut genera tractari ab Ari-		Propositiones Dialecticæ quatenus Logicæ	
stotele	61 63		373
in Prædicamentis res an uoces ponantur		Propositiō particulariter negatiua quatenus	
190. 191. 192 3 5		conuertitur	16 333
Prædicamenta quatenus in anima sunt, esse		Propositiones, ex quibus syllogismi confici-	
partem Logices	225	untur, esse extra prædicamenta	98
Primi philosophia, Metaphysica	163	Propositiones ex prædicamentis confectæ	
Primum philosophiam querere principia &		quales	402
causas rerum	191. 352 353	Propositiō affirmatiua	373
Prima philosophia quid consideret	115. 116.	Propositionū materiæ errorē & Logices	338
174. 162 196 194. 301. 327		Propositiones ueras esse, aut falsas, non nos-	
Prima philosophia quomodo genus cōsideret	352	se Logicum	336
Prima philosophia ceteris perfectior	153	Propositiō immediata	40
Principia	3 9	Proprium	44
Principiorum non est ars, neque prudentia		Proprium non esse quod est in omnibus	320
49		Proprietates quæ demonstrentur de aliquo	
Principia sempiterna uerissima semper	142	subiecto, quomodo considerandæ	61 62
Principia scientiarum experientia consistere		Proterum	407
199		Prudentia	49
Principiorum cognitio ab omni ratione seiun-		Pythagoras	138
ctā	49		
Principia natura per se	134. 153	Q	
Principia sola à sensu & in omne intellectus		Qualitas	216
proficisci	335 337	Qualitatis species	217
Principia unde	357	Qualitati inesse aliquid contrarium	218
Principia non comprehendit habitū inel-		Qualitates plures esse quàm enumerat Ari-	
lectus	49	stot. in prædicamento qualitatū	67
Principia subalternatæ et subalternatū	377	Qualitatis prædicatio essentialis	213
Principia quando ueram demonstrationem ef-		omnia referri ad Quid est, & propter	
ficient	230	quid	1
Principiorum nulla est demonstratio	49	Quantitatis diuisio	215. 259
Principia non spectare ad Logicam	357	Quantitas discreta 215. Continua eod.	
Principiorum non esse scientiam	292	Quantitas distrahi potest à materia	159
Priora	167	Quantitas nihil contrarium	218
Priora & notiora duplicia	163	Quæ sita totidem esse quos opinata, uel scien-	
à Prioribus incipendum	168	do cognita	56
Prædictio primi philosophi est	322	Quæstionum quatuor genera	1. 25. 236
Prædictio	217	Quæstiones si est, quis est, & propter quid	
Prædictio quo ad nos	163	est. de demonstratione discernitur	278
Prædictio natura	ibid.	Quæstio quid est definitionem explicat	1
Prædictio & posterius effectus entis	257	Quæstionis modū dubium esse debet	ibid.
		Quæstiones substantiæ	122

# I N D E X.

Quæstiones quatuor, ac totidem res quæ sci- untur	275	Scientia non est sciendi modus	291. 294	
Quæstione quæle est, & propter quid, quæ- rendæ sunt definitiones & syllogismi	71	Scientia una quæ sit	286. 221	
Quæstionis medium	275. 226	Scientia & artes quorum sint	258	
Quid est definitio tantum percipi	56	Scientia particularis	201	
Quia est, de axioma	37	Scientia ab artibus differre	74	
Quid est, & quia est, simul de subiecto	ibid.	Scientia semper cum aliquatatione est con- iuncta	49	
Quid est, de affectu	ibid.	Scientiam non esse rerum infinitarum	66	
R		Scientia quid est, est uniuersalis	43. & o- mnium maxime	42
Rationibus pugnandum	228	Scientias esse de uocibus significantibus res		
Regule	229	Scientia demonstratione non indigent	205	
Regulas Dialecticas & Logices non differ- re	308	Scientia est etiam, quæ per definitionem co- gnoscitur	291	
Relatiua certam habere naturam	226	Scientias omnes: proprias habere causas	193	
Relatio quale sit accidens	73	Scientia unius rei una est	264	
Relatiui prædicationis	226	Scientia pro noticia	203	
Repugnantia	35	Scientia quæ nam ratione supernacante red- duntur	60. 61	
Res omnis per se potest trahi, etiam si ad al- lum referatur	273	Scientiam nullam sua principia à prima phi- losophia petere	199	
Res uocibus significari	310	Scientia diuina quomodo entia & principia corporis naturalis consideret	125	
Res quælibet prius est in se, quàm ad alium referatur	270	Scientia nobis de natura est	163	
Res non nisi per uoces significari posse	66	Sciendi modus rationibus & syllogismis do- cetur	263	
Rerum diuisio	167	Sciendi modi duo	223	
Res naturales sine motu non definiuntur	113	Scire	37 38. 39. 291	
Res omnes aut per se, aut per accidens tra- hi	358	Scire essi reminisci, ueteres philosophi exi- stunt	37	
Res descendæ per uoces	183	Scire est signotum quippiam addiscere	ibid.	
Reignota ignorari etiam ipsam esse in quod quid est	61	Scire simpliciter	45. 39	
Res significantur conceptibus	190	Scire propter quid	240	
Res primo considerantur	370	Scire quæ à scire propter quid differt	41	
Res, & rerum significatio, iuncta	122	Scita totidem numero quot quæstus	16. 53	
Rerum uoces causæ	320	Secundas intentiones non tantum ignora- uisse Aristotelem, sed ne extare quidem in rerum natura	78	
Res infinitas ad finitas deduci posse, docuit Aristoteles	66	Secundæ philosophiæ officium	200	
Resolutiui cur dicantur libri de argumenta- tione	235	Secundas intentiones esse affectus entis	79	
Rhetorica ante ciuilem facultatem descenda 76		Secunda figura	19	
Rhetorica unde constet	375. 417	Secundus modus secundæ figuræ	22. tertie figuræ	21
S		Sempiternum	122	
Sapiens quis	169	Sempiternus, sempiterna sunt principia	142	
Sapientia circa primas causas & principia	133	Sensus	199	
Scibile	127	Sensus interior cognoscit ex exteriori	251	
Scientia	308	Sensus memoriam, memoria experimentum, experimentum uniuersale in anima gignit	251	
Scientia non declarat suum subiectum esse	118	Sensa animi cur sint	267	
Scientia operatiua non meretur dici specu- latiua	231	Sensa propter res esse	63	
Scientia diuina de rebus abstractis conside- rat	117	Sextus modus tertie figuræ	22	
Scientia quid faciat	296	Significationes nominum ex communi ho- minum		



# I N D E X.

minum usu absumi	64
similitudines rerum	4
simile, gignit sibi simile	119
simile & æquale ad primum philosophum spectent	313
similitudo secundum naturam refert id cuius est similitudo	79
similitudines in prima intellectus operatione esse	ibid.
simplicia quomodo considerantur	270
simplicis non sunt causæ componentes	111
simplices voces traduntur in omnibus disciplinis	364
simplex natura quoduplex	167
simul	217
singulare	44
Singularia faciliora esse universaliorib.	170
Singularia generis & speciei sunt extra animam	404
Solutio argumentorum Iacomelli	263
Species	44
Species & genus non sunt primæ intentionis	255
Specie nota noscitur & genus	128
Species eiusdem generis ab eadem facultate tractantur	280, 327
Species est propinquior primæ substantiæ	219
Species manifestant substantiam	218
Species diuersæ diuersas requirunt materias	113
Species quare magis sit substantia	219
Speusippus	133
Subalternans	178
Subalternatio	178
Subalternari quid	577
Subalternarum facultatum differentia	242
Subalternans & subalternata facultas	377
Subalternans facultas subalternatæ principia non ostendit	ibid.
Subalternatæ facultates copiosius interdum tractantur quæ ad subalternantes pertinent	243
Subalternata	178
Subcontrariæ	8
Subcontrariorum natura	ibid.
Subcontrariæ quomodo inter se æquipolent	9
Subiectum	6, 57
Subiectum unaquæq. facultas habet	1
Subiectum Logices est modus sciendi	2
Subiectum diuinæ philosophiæ	116
Subiectum scientiæ subalternantis prædicationis	179
Subiecti partes à signo probantur	132


Subiectum facultatis	299
Subiectum unius quomodo sit subiectum aliterius	179
Subiectum & prædicatū ad quod primum spectet	210
Subiectum in unoquoque prædicamento esse	160
de Subiecto supponi quid & quia	128, 129
Subiectum, ut tale est, ad primum philosophum pertinere	220
Subiectum primæ philosophiæ	139, 136
Subiectum Logices	2
Subiecti proprietates	1
Subiecto aliquid inesse, cuius ratione rei sciuntur	258
Substantia est primum ens	140, 177
Substantia sunt tres	113
Substantia proprietates	210
Substantia proprium	144
Substantia abstractæ non sunt causæ & principia entis	115
Substantia perpetua immobilis est	123
Substantia cur uniuocè prædicetur	278
Substantias sempiternas facere inutile est	124
Substantia abstractæ subiecti species	133
Substantia ad diuinum philosophum pertinent	124
Substantia est subiectum naturalis philosophiæ	158
Substantia abstractæ sunt principia	134
Substantia sensibilis	122
Substantia multipliciter dicuntur	137
Substantia primum ens	137
Substantia separata	123
Substantia dupliciter diuiditur	118
Substantia abstractæ sunt sempiternæ	133
Substantia abstractæ non sunt subiecta primæ philosophiæ	134
Substantia abstractæ sunt plures	131
Substantia quomodo nihil sit contrarium	213
Substantia est aliquo modo materies	146
Substantiam considerare ut genus quid sit	350
Substantiam considerari ut est substantia, quid sit	100, 315
Substantia motus est actus	124
Substantiæ tres	123
utrum una sit substantia de omnibus scientiis	156
Substantiam esse immobilem, atque à sensibili separatam	114
Substantiæ consideratio cuius sit scientiæ	63

# INDEX.

Substantia non suscipit magis & minus	214	Syllogismi bipartiti diuiduntur	ibid.
Substantia non potest considerari ut genus	211	Syllogismorum tres figurae	12
Substantiam considerari ut Prædicamentū quid	315-331	Syllogismus est ipsa demonstratione uniuersalior	17
Substantia prima est separabilis	207	Syllogismi secunda & tertia figurae non habent uim dici effectū	14
Substantia non consideratur ut prædicamentum	334	Syllogismus non fit si aliquod prædicamentū concludat de subiecto	18
Substantiam susceptible esse contrarium	214	Syllogismi secunda et tertia figurae rediguntur ad primam	23
Substantia duobus modis dicitur	208	Syllogismus natura prior demonstratione	188
Substantia mixta quomodo duplex	167	Syllogismo quæli discamus	411
Substantia contraria est substantiæ	212	Syllogismus Dialecticus ex quibus constat	ibid.
Substantia competet corporibus	112	208. & ex quibus Logicus	ibid.
Substantia separata est ultimus finis	110	Syllogismo & inductione omnia cognosci quomodo intelligendum	408
Substantiam substantiæ non esse contrariam	61	Syllogismi Dialectici quatenus ad Logicum pertinent	371
Substantia prima quare dicatur prima	219	Syllogismus uniuersalior demonstratione	284
Substantiæ naturam in prædicamentis non perfecte explicari	113	Syllogismum simpliciter sumptum, non esse Logicæ subiectum	17
Substantia prima	140	Syllogismus demonstrationis causa tractatur	264
Substantiæ nihil est contrarium	212	Syllogismus refertur ad demonstrationē	221
Substantiæ tractatio ubi non perfecte tradita ab Aristotele	12	Syllogismus per se ad finē Logices nihil proficit	ibid.
Substantia prima quomodo in propositione subiiciatur	213	Syllogismus siue argumentatio non est subiectum Logicæ	257 300
Syllogismus omnis ex propositionibus et terminis constituitur	17	Syllogismus simpliciter non docet	411
Substantia composita duplex	110	Syllogismus & argumentatio aliquando idem	165
Substantiam de qua prædicatur ens, esse compositam	167	Syllogismus de contingenti in secunda figura	31
Substantia primo hoc aliquid significat	218	Syllogismus sophisticus ex his quæ probabilitate uidentur constat	50
Substantiæ non potest considerari ut subiectum	221	Syllogismi demonstratiui tres figurae	42
Substantia consideratur ut substantiæ, in libro Prædicamentorum	316	Syllogizandi methodus	373
Secunda substantiæ	144 219	Syllogismus libr. priorum qualis sit	268
Substantiam eandem esse & in Prima philosophia, & ubique	12		
Suppositio	40		
Syllogismus quid	11 238		
Syllogismi Dialectici usus	2		
Syllogismus ex nomine & uerbo	4		
Syllogismus sophisticus	10 21		
Syllogismus perfectus	13		
Syllogismus quomodo constituitur	4		
Syllogismus necessarius	23		
Syllogismus imperfectus	13		
Syllogismus Dialecticus	50 21		
Syllogismus de contingenti in prima figura	23. & tertia		
Syllogismi ex suppositione qui	33		
Syllogismus quæstionis medium	16		
Syllogismi ostensiu	11		
		Actus & copulatio differunt	163
		Terminus quid	11 27
		Terminum Logices qui sunt	220
		Terminos in Logica totidem modis dici, quod dicitur ens	71
		Termini Logices sunt effectus entis	ibid.
		Terminos omnes in Logica esse communes	72-77
		Termini sunt affectiones entis	224
		Terminos uniuersuales facultatis diuersos esse, nec aliter cognoscere	66
		Termini simplices Logici	214
		Tertius modus primæ figurae	20. secunda
		Themistius	187

# INDEX.

Thomas Latinorum interpres optimus	84.	nibus	31
Thomas interpretationem respuit in	quero	Vniuersale de subiecto dicitur	207
Metaphys.	87	Vniuersalia & singularia eiusdem sunt facul-	
Tonitrus quid	128	tatis	337
Topica Aristotelis quid tradant	335	Vniuersalia non esse substantias	206.207
Topica subiectum incertum	374.	Vniuersalia non in natura	245
Topica & Dialectica idem	ibid.	Vniuersalis affirmatiua necessario conuer-	
Topicorum duplex usus & utilitas	57.	tur in partic. affirm.	14
Topica quid tradant	375.	Vniuersalitas quod non sit accidens	81
Topica non est pars Logices	374.376	Vniuersalis propositio non conuertitur	16
Topica facultatis finis	374.	Vniuersalia prius occurrunt	172
Triangulus	129	Vniuersalia nobis sunt notiora	167
	V	Vniuersalia particularibus in qualibet di-	
Verbum quid	5	sciplina precedunt	17
Verisimium	141	Vniuersales non sunt res posite extra ani-	
Veritas in rebus est, non in nocibus	310	mam	327
Veritas finis est omnis contemplatiue philo-		Vniuersalia aliquo modo esse in rebus, etiam-	
sophiæ	144.359	si sunt in intellectu	81
Veritas unde petatur	155	Vniuersalia quæ maxime sunt	169
Veritatis contemplationem non esse diffici-		Vniuersalia sunt abstracta à materia	112
lem	154	Vniuersalia dupliciter fiunt	142
Veritatis causa est uerissima	141	Vniuoce	403
Verum sine causa scimus	ibid.	Vniuoce, Vniuoce	176
Verum est id quod scitur	ibid.	Vniuoce, Arquiuoce, quomodo ad Prædica-	
Verum sciri per demonstrationem	ibid.	menta conferantur	173
Verum scitur per causam	ibid.	Vocabula intentionum quid significant	281.
Verum	ibid.		121
Virtus	324	Voces significant passionem	4
Virtus arte melior	ibid.	Voces car sunt infinitæ	67
Vniuersale	2.44.63.167.328	Voces significant passionem animæ	71
Vniuersale multis modis dicitur	169	Voces sunt determinatæ	370
Vniuersale caret nomine proprio	171	Voces considerari ut subiecta & prædicata	
Vniuersalia fieri ex pluribus singularib.	231.	quid	358
	262	Voces considerantur per accidens	357
Vniuersalia magis sunt quam singularia sub-		Voces simplices esse in prædicamentis	185
stantia	218	Voces quatenus significant, non consideran-	
Vniuersale in multis distribuitur partes	44	tur à Logico	260
Vniuersa corruptibilia	123	Ex usu quibus affectat audire.	35.45
Vniuersalia quare dicantur fieri ex inductio			



ANTONII BERNARDI MIRANDV  
LANI INSTITVTIONIS IN VNI

uersam Logicam exordium, in quo Logicae finis principalis, ipsiusq;  
finis causa, simul et quid Logica sit, et quo à Diale-  
ctica differat, declaratur.



**P**A QV AE QV AE RIMVS, SVNT NV-  
mero totidē, quot ea quæ uel opinando, uel  
sciendo cognoscimus. Querimus autē qua-  
tuor: ac primum quidē secundum nostrū co-  
gnoscendi modum, an sit res. Quod cum as-  
secuti sumus, sequitur illa quæstio quid sit,  
deinde qualis sit, postremò propter quid sit.  
Cum uerò (ut dictū est) quatuor sint ea quæ  
querimus, totidē sunt, quæ inuenientes uel opinando, uel sciendo  
cognoscimus. Cæterum, quia omnis quæstio mediū aliquod, tan-  
quam instrumentum, quærit, quo eius rei cognitionem consequa-  
mur, qua de re ambigitur (id quod ex eo facile intelligi potest, quòd  
illo reperto tollitur omnis quæstio) necesse est, ut hoc ipsum mediū  
quærentes, aliquam ex ijs quæ suprà dictæ sunt, quæstionibus inue-  
stigemus. Cum autem huiusmodi medium, aut instrumentum (ut  
nemini dubium esse debet) sit definitio, & syllogismus, uel demon-  
stratiuus, uel dialecticus (omnia enim his tribus tantūmodo cogno-  
scuntur. nam quid est, definitione tantū percipitur: in eo enim non  
dicitur aliquid de aliquo. Si est, quale est, & propter quid est, demon-  
stratione, & syllogismo Dialectico) necessariò quærendæ sunt ipsæ  
definitiones, & syllogismi. nam cætera, quæ uidentur esse cognosce-  
di instrumenta, ad hæc duo sunt omnino referenda. Sed cum ita fere  
usu ueniat, ut in huiusmodi definitionibus, & syllogismis reperti dis,  
conficiendisq; sæpenumero erremus, existimantes ueram nos rerū  
cognitionem esse consecutos, cum tamen postremò reperiamus, lon-  
ge deceptos esse: necesse est, si hanc rerum cognitionem consequi uo-  
lumus (uti sanè debemus, omnes enim homines natura scire deside-  
rant) inuenire artem, quæ ars horum instrumentorum, quibus om-  
nium dubiarum rerum acquiritur cognitio, regulas tradat, ex quib.  
intelligamus, utrum rectè cognoscamus, nec ne. Neq; uerò id planè  
difficile erit. nam quicquid sine arte, ac studio ullo quandoq; sit, mul-  
to sanè magis arte, curaq; adhibita fieri potest.

Sed quoniam unaquæq; facultas habet unum aliquid principale,  
quod subiectum dicitur (est enim subiectum id, cuius quidem causa  
cætera, quæ in illa facultate sunt, cōsiderantur, atq; ad unum illud re-  
feruntur: quod item complectitur omnia, quæ per se tractantur. ha-  
bent enim partes, & proprietates, quæ probantur de ipso, ac de eius  
partibus, neq; illam ipsam facultatem cuius est subiectū excedit. à cui-  
us etiam unitate suam quæq; facultas accipit unitatem: aliter enim

neq; principale, neq; idoneum, nec unum subiectū esset) consequens esse uidetur, ut huius quoq; facultatis unū sit aliquod huiusmodi subiectū: quod quidē erit uel oratio simpliciter, uel syllogismus simpliciter, uel demonstratio, uel syllogismus Dialecticus, uel definitio, uel argumentatio, uel ens rationis, uel ens reale, uel modus sciendi, uel modus cognoscendi. ex his enim aliquod unum maximē uidetur esse Logice subiectum. Sed fieri nō potest, ut sit oratio simpliciter sumpta, quōd neq; ipsa propter se, sed ob definitionē, & demonstrationē, & ceteros syllogismos cōsideratur, nec per illā cognoscimus quicq; eorū quæ dubia sunt. Neq; syllogismus simpliciter, propter hanc eandem causam. si enim liceret sine syllogismo simpliciter demonstratiōnem, & syllogismum Dialecticum discere, nulla ipsius syllogismi simpliciter mentio fieret: id enim quod nobis propositum est, sine ipso assequeremur. Neq; item demonstratio. cum enim excluderetur syllogismus Dialecticus, quem tamen per se considerari oportet, efficit enim rerum dubiarum opinionē, quam etiam exoptamus: tum definitio, quæ scientiam gignit omnium maximam, quippe quæ declarat ipsum quid, tolleretur. quod quidem absurdū esse, præ ceteris ostendit maximē huius ipsius facultatis finis causa, & nos alio loco plurib. declarabimus. Neq; syllogismus Dialecticus: quia nec demonstratiōni, nec definitioni locus esset in hac facultate. Neq; item definitio: demonstratio enim, ac syllogismus Dialecticus, omnino tollerentur. Neq; argumentatio: quia siue comprehendat ea per quæ scimus, aut opinamur cōplexa, siue nihil differat à syllogismo simpliciter, ex his quæ dicta sunt, excluditur. Neq; ens rationis: uel quia comprehenderet etiam ea quæ non considerantur per se, itaq; ea quæ per accidens tractantur, æquē subiecto continerentur: uel quia non reperitur hoc ipsum ens, quomodo quidem isti loquuntur, ut alibi ostendimus. Neq; ens reale, quōd complectitur cum ea quæ per se, quæq; per accidens in hac facultate considerantur: tum etiā quæ nullo modo considerantur. omne enim quod est, ens est. Neque modus sciendi: quia non complectitur syllogismum Dialecticum. Neque omnia simul possunt esse subiectum, uel quia quæ per accidens considerata sunt, per se considerarentur: uel quia facultas hæc nullam haberet unitatē, quod est omnium absurdissimum. Reliquū igitur est, ut sit modus cognoscendi. is enim & comprehendit omnia quæ per se cōsiderantur in hac facultate, & aliquam habet unitatem, à qua hæc ipsa facultas potest una nominari: quæ quidem est unitas ad unum. natura enim definitio est prior demonstratione, & syllogismo Dialectico, ac propter hunc ipsum cognoscendi modū cetera considerantur. Qui & si non explicite definitur, definitur tamē implicite, quoniam illius definitio elicitur ex definitionibus specierum eius, quæ quidem definitiones sunt huiusmodi, uidelicet orationes, ex quib. cognoscimus dubia. Nec quicquam obstat, quo minus subiectorum definitiones omittantur, cum per se perspicuæ sunt.

Quoniā uero iste cognoscendi modus est oratio, qua uel opinando,

do, uel sciendo cognoscimus ignota, facultas ea quæ docet hūc modum constituere, merito dicitur, docere orationem constituere.

Ac cum rationi consentaneum sit, ut facultates omnes ab ea, quam primò & principaliter considerant materiam, suum accipiant nomē, hæc facultas, cuius proprium munus est atq; officium, orationē duntaxat eo quo dictum est modo sumptam contemplari, Logica uero titulo inscribi poterit. Quæ planè cum ita esse appareat, non erit fortasse à ratione alienū, si ipsam describentes, dicamus esse artem, quæ orationem, qua ignota uel opinando, uel sciendo consequamur, docet principaliter constituere, constitutamq; iudicare. Non ab re autē diximus artem esse, quia propriè non est scientia, cum manifestè doceat operari. Ex qua quidem re uidetur patère, plurimū interesse inter Logicam propriè sumptam, & Dialecticam: cum Dialectica sit facultas perspicendi probabile in unaquaq; re, idq; quod includit locos communes, qui non magis ad ipsam Logicam pertinent, quàm ad reliquas facultates. Atque hanc quidem ob causam dicitur syllogizare cōtraria, & habere aditum ad propria omnium facultatum initia, quod per ea probabilia quæ in unaquaq; re sunt, de singulis potest agere. Dicit quoq; uersari probabiliter circa id, circa quod prima philosophia ueris ac necessarijs modis elaborat: quam quidē rem præstare non posse Logicam, ex ijs quæ dicta sunt, minime in dubiū uenire potest. Quòd si quis dicat, ipsam Dialecticam constare ex resolutione scientia, id est, ex ea parte quæ docet conditiones syllogismi Dialectici, & ex locis cōmunibus, atq; ita esse partē Logices, quemadmodū dicitur de Rhetorica: hæc quidem pars Logica est, sed ab illa parte tantummodo, quæ locos includit, propriè dicitur Dialectica. uersatur enim inter opponentem & respondentē, & est ea de qua uerè enunciantur, quæ dicta sunt. Itaque non recte quidem uidentur illi facere, qui definiunt Dialecticam esse artem artium, & scientiam scientiarum, & cætera huiusmodi, intelligendo Logicam. huic enim definitioni nihil planè conuenit cum ipsa Logica, quia non uera est de illa quoq; parte Dialecticæ, quæ tradit regulas, quæq; uerè est Logica. Quòd si rationes, quæ sunt ex locis communibus, dicantur Logicæ, propterea sic dicuntur, quia sunt probabiles & uerisimiles. *17.* enim præter cætera id quoq; significat. Qui sit igitur finis Logicæ, & quæ huius ipsius finis causa, quidq; sit ipsa Logica, & quid à Dialectica differat, perspicuè patet.

## LIBRI PERIHERMENIAS

E X O R D I V M.



V M igitur finis sit artis Logicæ (ut declaratū est) agere de modo cognoscendī, qui cōprehendit syllogismos & demonstratiuos, & Dialecticos, & definitiones, huius scilicet ipsius modi regulis tradendis, quibus eū recte cōstituamus, cōstitutumq; iudicemus: cūq; syllogismi demonstratiui & Dialectici, quos uolumus in primis docere cōficere (sunt enim, ut apparet, instrumenta) sint syllogismi simpliciter, docendū est primò, cōstituere syllogismos simpliciter. Ac quoniā syllogismi omnes cōstituunt ex propositionib. siue enūciationib., affirmationib., & negationib. nobis qui illud propositū habemus, ut huius facultatis q̄ breuissimā possumus rationē institutionēq; tradamus, necesse est primū docere, quemadmodū ipse propositiones, siue enūciationes, affirmationes, & negationes cōstituant. Sed cū demonstrandū sit has ipsas enūciationes, affirmationes, & negationes ex nominib. & ex uerbis cōponi, oportet primū ponere quid sit nomē, quid uerbū, deinde quid negatio, affirmatio, enūciatio, & oratio. Affectuū enim, uel eorū quæ aliquo modo affectuū uim obtinent, quæ quidē sunt ea quæ de aliquo sunt probanda, ut hoc loco nomē & uerbū, eorūq; de quibus illa ipsa quæ probanda sunt, probari debent, cuiusmodi est enūciatio, affirmatio & negatio, ponendū esse quid est, qui dubitet arbitror esse neminē. Notū est enim, omnē doctrinā, et omnē disciplinā, qua aliquid de aliquo dicit, fieri ex antecedente cognitione, & quid est, cūm prædicat quod dicitur de aliquo, tū etiā subiecti, de quo dicitur ipsum prædicatū, & quia est dignitatis. Rationi igitur cōsentaneum est, ut ponamus primò quid sit nomen, quid uerbū: si prius tamen (ut ea quæ in ipsis definitionib. ponunt, facilius intelligantur) hæc dixerimus, literas significare uoces, uoces aut pāsiones animæ, quæ deinde eferūt res, ex quo quidē patet, res tantum significari, literas significare: pāsiones uerò animæ & uoces nō modo significare, sed etiā significari. Ex his aut quatuor, literæ, & uoces nō sunt eadē apud omnes gentes. nam alijs & literis & uocibus Græci, alijs Latini utuntur: itaq; significant ex cōmuni ipsorū hominum cōsensu. Similitudines uerò rerū, quæ sunt pāsiones animæ, & res ipsæ sunt eadē apud omnes. equus enim albus, atq; eius similitudo est eadē apud omnes homines: atq; hæc idcirco dicūtur esse eadem secundū naturā. Præterea illud ponendū est, quemadmodū est in anima cognitio, quæ quidē est passio ipsius animæ, quæ interdū neq; uerū neq; falsum exprimit, interdū aut uerū, aut falsum refert: sic esse in uocibus, quæ pāsiones animæ explicāt. Idq; patet ex eo, quod in sola uel affirmatione, uel negatione, licet reperire aut uerū, aut falsum. In intellectu autē aliquādo est cognitio, quæ est affirmatio, uel negatio: aliquando nō, ut de cognitionib. seorsum sumptis. Itaq; in intellectu aliquādo est aut ueritas, aut falsitas: quandoq; non.

Sectio



## SECTIO PRIMA.



Omen est uox significatiua iuxta hominū cōsensionem, sine tempore, cuius nulla pars separatim per se significat, certum ac definitū aliquid significans uerbo Est, uel Nō est, uel Erit adiuncta, exprimens uerum, uel falsum. Dictum est autem, definitum aliquid significans, propter nomina infinita, quæ nihil planè significant, ut non homo, nō asinus. Siquidem dicuntur infinita, quoniam æquè sunt in quolibet, & quod est, & qd non est. atq; ita patet, ipsa non esse nomina propria, sed nomina infinita. quod si appellantur nomina, cōmuniore uocabulo ita dicuntur. Præterea additum est, uerbo est, uel non est, & reliqua huiusmodi: propter obliquos casus, qui non sunt nomina, sed casus nominū, qui tamen & ipsi latius nomina dici possunt.

## SECTIO II.



Erbum est uox rei definite significatiua, cum tempore præsentis propriè, cuius nulla pars separatim per se significat, & quæ semper indicat, prædicatum dici de altero, id est de subiecto. Diximus autem, Rei definite, propter uerba infinita: ut nō currit, non laborat. Positum est etiam Propriè, propter uerborum casus: ut currebat, curret: quæ propriè non sunt uerba, sed uerborum casus. cōmuniore tamen uocabulo nuncupantur aliquando uerba. Dictum est autem indicare, prædicatū dici de subiecto, quia quod semper cōiungit prædicatū cum subiecto, hoc indicat, prædicatū dici de subiecto. Verbū autem cum est uerbū, semper cōiungit prædicatū cum subiecto. nō enim uerbū est, nisi in enunciatione, nam uerba seorsum prolata, nomina sunt. Quare uerbū, cum est uerbū, indicat prædicatū dici de subiecto. Atq; hæc quidē pars uidetur posita, ut uerbū distinguatur à se ipso, cum scilicet non est uerbum, sed nomen. Quo circa definitio nominis, si recte consideret, ac cōmodanda est ad hunc sensum: atq; ut perfecta sit, addendū est, uel cum tempore, sed non indicans prædicatum dici de subiecto.

## SECTIO III.



Ratio est uox significatiua, iuxta hominū consensum, cuius aliqua pars seorsum significat, ut dictio semper, nō ut affirmatio, uel negatio. Illud tamē existimandū nō est, fieri nō posse, ut partes orationis aliquando nō sint uel affirmationes, uel negationes, sed hoc loco sic interpretandū uidetur. Non omnis aut oratio enunciativa dicitur, sed tantūmodo quæ uel ueritatem uel falsitatem habet. Quare cū huius facultatis finis sit, agere de oratione enunciativa, reliqua orationū genera, uidelicet imperatiuā, optatiuā, subiunctiuā, ac infinitiuā, Rhetoricæ ac Poeticæ, quæ præcepta mouendi affectus tradunt, pertractandas relinquit. Enunciatio in plures distribuitur partes. alia enim dicitur una, alia plures. atq; earū, quæ sunt una, alia est una simpliciter, et per, se alia cōiunctio ne una, quæ scilicet ex plurib. cōstat enūciationibus. Enunciatio una simplex est, quæ significat unā rem de una re: quæ est duplex. altera

enim est affirmatio, altera negatio. Siquidē affirmatio est enuntiatio alicuius prædicati de aliquo subiecto: id est, qua enunciamus prædicatum aliquod, quod significat unam rem, inesse alicui subiecto, ut Homo est animal. enunciamus enim, animal inesse ipsi homini.

Negatio est enuntiatio alicuius prædicati ab aliquo subiecto, id est, in qua enunciamus prædicatum scingi ab aliquo subiecto: ut, homo non est leo. Atq; hæc simplex dicitur, & una Subiectum uocatur, id de quo aliquid enunciatur: Prædicatum, quod enunciatur. Enunciatio una coniunctione est, quæ plura quidem, sed coniuncte significatur Si homo est, animal est: Tu curris, uel tu stas, Tu es homo, & legis: quarū nōnullæ dici possunt hypotheticæ, quæ sanè omnes sunt plures, sed ratione coniunctionū quas includunt, dicuntur unæ & cōpositæ. Enunciatio plures dicitur, quæ significat uel plura de pluribus, uel plura de uno, uel unum de pluribus, uel sine cōiunctione. Plura de pluribus enūciantur, si prædicatū & subiectū nomē sitæqui uocū, ut Canis est sanus: aut si ita dicamus, Homo, asinus, bos, currunt & comedūt. Plura de uno, ad hunc modū: Piscis marinus est canis, uel homo est albus ambulans. ex his enim nō fit unum. Vnum de pluribus, si ita dicamus, Tunica est alba, fingendo nomen illud Tunica significare, & equum, & hominem. Plura incōiuncte, ut homo disputat, asinus currit, leo rugit.

#### SECTIO IIII.



Vm omnia aut quæ hucusq; sunt ab initio huius facultatis posita, sint principia cognoscendi, quæ sumpta sunt sine probatione, ponenda iam uidetur esse prima conclusio, quæ quidē (ut nostra fert opinio) ita sese habet. Omnis enuntiatio, id est affirmatio, uel negatio, cōponitur ex nomine & ex uerbo, uel finito, uel infinito: aut ex casu uerbi. Sic aut uidetur confirmari posse. Omnis oratio quæ est ex uocibus significatiuis, ex comuni hominum consensu, sine tempore, quarū nulla pars separatim per se significat, & quæ definitum aliquid uel indefinitum significat, & uerbo Est, uel Nō est adiunctæ, uel obliquis eius, uerū aut falsum exprimunt. Item ex uocibus quæ aut consignant præsens tempus cum re definita, uel indefinita, aut quæ sunt circa præsens tēpus, talis inquam oratio dicitur componi ex nomine & ex uerbo, uel finito, uel infinito, aut ex casibus uerbi. hæc autem propositio manifesta est ex definitione nominis & uerbi.

Sed omnis oratio quæ significat aliquid de aliquo, constat ex huiusmodi uocibus, & cetera: hæc quoq; manifesta est. Non enim significari potest aliquid de aliquo sine uoce, quæ significat sine tempore. est enim illa per quam significatur res, quæ de altera re enūciatur, & de qua enūciatur aliquid: & sine uoce, quæ significat cum tempore. hæc enim una indicatur aliquid inesse alicui. Ergo omnis oratio quæ significat aliquid de aliquo, uel ab aliquo, componitur ex nomine & ex uerbo, uel finito, uel infinito, aut ex casu uerbi. Sed omnis enuntiatio, uel affirmatio, uel negatio, est oratio, quæ significat ali-

quid

quid de aliquo, uel ab aliquo, ut patet ex ipsarum definitionibus. ergo omnis enunciatio, affirmatio, uel negatio, constat ex nomine & ex uerbo, uel finito, uel infinito, aut ex casu uerbi. Hac ratione docemur conficere enunciationes.

## SECTIO V.



Ed quoniam ueritati est opposita falsitas, in affirmatione autem & negatione reperitur aut ueritas, aut falsitas, sunt enim enunciationes, affirmatio & negatio inter se opposuntur. Per hanc aut oppositionem intelligitur contradictio eiusdem prædicati de eodem subiecto: ut homo, qui est animal, potest dici non esse animal: idemque qui non est asinus, dici potest esse asinus: quæ quidem sunt falsæ enunciationes. Ac rursus, hominem qui est animal, dicere possumus esse animal: eundemque qui non est asinus, non esse asinum: quæ quidem sunt ueræ. atque ita in alijs temporibus, quæ præsens circumuolunt tempus, eodemque modo negari licet quicquid affirmat ab aliquo, uel contra. Itaque patet, in enunciatione reperiri ueritatem & falsitatem. Sed cum omne quod est, necessarium aut uniuersale sit, aut singulare: omnis autem affirmatio, uel negatio, sit enunciatio de eo quod est, uel ab eo quod est: sequitur, ut omnis affirmatio uel negatio sit enunciatio, uel affirmatiua, uel negatiua, alicuius de aliquo, quod aut est uniuersale, aut singulare. Vniuersale autem dicitur, quod de pluribus prædicari potest, ut homo: singulare, quod de nullo prædicari licet, ut Plato. Affirmationes autem, uel negationes, quæ sunt in uniuersalibus, multifariam diuiduntur. sumuntur enim aut uniuersaliter, aut particulariter, aut indefinite. Vniuersalis affirmatio, uel negatio est, in qua enunciamus prædicatum inesse, uel omni subiecto, uel nulli, quæ quidem est in nominibus uniuersalibus uniuersaliter acceptis: ut omnis homo est animal. in hac enim est homo & animal, quæ (ut diximus) sunt uniuersalia: est etiam uox Omnis, quæ non significat rem uniuersalem, sed uniuersaliter accipi rem ipsam uniuersalem: quod idem dicendum est de hoc nomine Nullus, & dereliquis huiusmodi, ut Nullus asinus est homo.


Particularis enunciatio est, in qua enunciat prædicatum inesse alicui subiecto, ut Aliquod animal est homo: uel non inesse, ut Aliquod animal non est homo. Quod autem dictum est de uocibus Omnis, & Nullus, hoc idem dicendum est de hac uoce Aliquod, uide licet non significare rem uniuersalem, sed particulariter accipere rem ipsam uniuersalem.

Indefinita est, in qua enunciat prædicatum inesse subiecto, uel non inesse, simpliciter sine ullo signo: ut Homo est animal, asinus non est homo. Quæ propterea dicitur indefinita, quod utrum sit uniuersalis propositio, nec ne, incertum est.

Singularis dicitur, in qua enunciat prædicatum inesse subiecto singulari, ut Socrates est homo.

Affirmatiuas autem & negatiuas propositiones, inter se contrarias esse dicemus, si ita erunt oppositæ, ut altera sit affirmatiua, al-

tera negatiua in eisdem nominibus uniuersalibus uniuersaliter, & non æquiuocè sumptis. Quarum quidem est hæc natura, ut possint simul esse falsæ, non autem simul ueræ. id quod sanè facile intelligitur, si dicemus hanc propositionem, Omnis homo est albus, illi esse contrariam, quæ in eisdem nominibus uniuersalibus uniuersaliter sumptis negatiuè enunciatur ad hunc modum, Nullus homo est albus. Contradictorias, uel in figura per obliquū inter se oppositas, dicimus eas, quæ ita sese habent, ut una sit in nominibus uniuersalibus uniuersaliter, & affirmatiuè sumptis, non æquiuocè: altera particularis, uel indefinita in eisdem nominibus, sed negatiuè acceptis. uel contrā, ut particularis sit affirmatiua, uniuersalis autem negatiua. uel utraq; sit in eisdem nominibus, & singularibus, quarum tamen una affirmatiuè enunciatur, altera negatiuè: quæ quidem tales habent affectus, ut neq; ueræ, neq; falsæ pariter esse possint, sed si una uera est, altera necessariò sit falsa, & è contrario. Id quod ex inductione faciliè intelligi licet, si eas quæ subiicientur inspiciamus, quæ quidem ad hūc modum explicantur, Omnis homo est albus, Aliquis homo non est albus: Nullus homo est albus, Aliquis homo est albus. His aut (ut res de qua loquimur, facilius percipiatur) subiungemus eas quæ ex subiecto singulari constant, quæ quidem huiusmodi sunt: Socrates est albus, Socrates non est albus, cum de eodem Socrate intelligatur. Præterea his quæ suprā positæ sunt oppositionibus, quæ quidem magis proprio oppositionis uocabulo inter se opponuntur, subiicientur eas, quæ quoniam sumuntur sub contrarijs, appellari possunt subcontrariæ. Ex his una consistit in nominibus uniuersalibus, non uniuersaliter sumptis, & affirmatiuè. altera in iisdem nominibus, sed negatiuè acceptis. quas, si diligenter earum naturam perscrutabimur, hanc subire legem reperiemus, ut utraq; simul uera esse possit, sed non falsa. Quod si conferantur cum uniuersalibus ijs, quibus supponuntur, statim subalternarum nomen consequentur, earumq; sub quibus ponuntur uniuersalium naturam, quod ad ueritatem attinet, non quod ad falsitatem, obtinebunt, id quod considerantibus planè manifestū erit. Vt omnia tamen clariora dilucidioraq; fiant, hanc figuram aliorū more descriptam, subiiciendam duximus,



## SECTIO VI.



TUcrò quæ dicta sunt, quæq; dicent, facilius percipiant, operæ precium uidetur esse, modum subijcere, quo modo eæ propositiones, quæ (ut dictū est) sibi inuicem opponuntur per negationes uel præpositas, uel postpositas, inter se æquipolleant. Qui quidē modus eiusmodi est, ut quotiescunque particula quæ negandi uim obtinet, præponitur toti propositioni, contradictoria propositio æquipolleat suæ contradictoriæ, ut exempli causa hæc, Non omnis homo est albus; æquipollet illi, Aliquis homo non est albus, quæ ex regulis iam traditis opponitur propositioni uniuersali affirmatiuæ, quemadmodum dictum est. Quoties autem ipsa negatiua particula ponitur post subiectum, cōtraria propositio contrariæ æquipollet: ut hæc, Omnis homo nō est albus, illi, Nullus homo est albus; & hæc, Nullus homo nō est albus, illi, Omnis homo est albus. Sed cū negatio & præponit, & postponit, subalternæ æquipollent subalternis: ut hæc, Non omnis homo nō est albus, æquipollet illi, Aliquis homo est albus, & ē cōtrario. Atq; ut ea quæ dicta sunt, firmitus memoria teneant, uersum illū, qui à recentioribus ponit, qualiscunq; est, subiungemus. Hic aut huiusmodi est: Præ, contradic. post, contra. præ, postq; subalter. qui uersus indicat omnes eas, quas demonstrauimus, consequentias.

## SECTIO VII.



ILLud autem in primis animaduertendum uidetur, ea quæ dicta sunt, intelligi oportere in eis contradictionibus, quæ sunt in præsentī & in præterito tempore: nō autem in eis quæ sunt in futuro, quæq; possunt & fieri, & non fieri. Nam etsi in huiusmodi cōtradictionibus necesse est hanc uel illam partem contradictionis, tam in eis quæ singularia sunt, quàm in his quæ sunt uniuersalia, esse ueram uel falsam, quia hoc omni conuenit cōtradictioni: tamē si ita enunciemus, Socrates cras leget, Socrates cras nō leget, nō licet pro certo affirmare, aut hāc Socrates leget, aut illā Socrates nō leget, esse ueram uel falsam. Nam si quis ita affirmaret, multa ex hac eius positione insequerentur absurda: in quibus hoc esset absurdissimū, quod omnia necessariō euenirēt. Quod quidem quàm alienum sit à ueritate, nemo est credo qui dubitet. tollere enim cōtingens ad utrumlibet, quod quidē ita sese habet, ut nullo discrimine possit esse, uel nō esse. ut exempli causa, Cōtingit hanc uel illā incendi, & nō incendi. item cōtingens ut in plurib. quod quidē nō semper euenit, sed ut in pluribus: ut, Contingit hominem in senectute calescere. & contingens rarō, ut si quis terram fodiens reperiat thesaurum. Neque deliberari liceret, nam quodcunque caperetur consilium, inane esset, si quidem omnia necessariō euenirent. Hoc autem sequi, ex eo uidetur colligi posse, quod si fingamus ab hinc decē menses licuisse uerē illud dicere, crastina die Socrates leget, fieri non poterit, quin legat. aliter enim falsum erit, quod ab hinc decē menses dictum fuerat, quod tamen positum est uerum esse, quod si fieri non potest,

potest, quin cras legat, necessariò leget. Hoc autem eodem modo cū sese habeant reliqua omnia, quæ possunt esse & non esse, sequitur ut omnia necessariò eueniant, atq; ea quæ sunt, ex necessitate sint. Neque uerò licet illud dicere, si non proferantur huiusmodi contradictiones, futurum ut hæc minimè necessariò eueniant. necessariò enim euenire, quòd ita uoce efferantur. Nam siue proferatur, siue nō proferantur, idem omnino contingere, hinc faciliè intelligi potest, quod non propter nostram affirmationem uel negationē, res sunt, aut nō sunt, non enim quòd te quis albū esse dicat, idcirco es albus: sed quia tu es albus, propterea uerum dicit, qui te album esse dicit. Quamobrem si quid aliquando futurū esse uerè dicatur, necesse erit hoc fieri: eaq; quæ ita fiunt, necessariò fiunt. Quòd si aliquis dicat, futurū quipiam esse, propterea quod illud ipsum nō poterit nō fieri, quodq; factum est, id uerum semper fuisse dicere futurū, sequetur ut omnia necessariò & sint, & futura sint, quod quidem est absurdissimum.

SECTIO VIII.



Vm hætenus egerimus de enunciationibus, in quibus prædicatum simpliciter dicitur inesse subiecto, consentaneum est rationi, ut de his quoq; enunciationibus disseramus, in quibus prædicatum non simpliciter, sed aliquo modo dicitur inesse subiecto: si prius tamen, quid per modos intelligatur, exemplo docuerimus. Modi igiŕ sunt huiusmodi: Possibile, Contingens, Non possibile, Non contingens. Necessarium. qui modi diuersas ostendunt materias. Illud autem neminem latebit, multa nos quæ ante modorū istorum pertractationē attingenda uidebantur, de industria prætermisisse, quod arbitrati sumus (nec foras se sine ratione) ea esse ab hac nostra institutione aliena.

Verumcū uero ne temere frustra q; uideamur ad ipsos modos propositionum tractandos aggredi, in primis hanc conclusionē ponemus. Propositiones eas, in quib. aliquis est modus, esse negatiuas, si earū modus sit negatus. Cuius rei illa uidetur esse ratio, quòd contingeret, duo contradictoria esse simul uera: quod fieri nō posse, iam demonstratum est. Hoc autem ex eo faciliè intelligi potest, quòd si ita dicamus, Possibile est Socratem ambulare, et Possibile est Socratem non ambulare, ambæ sunt simul ueræ. Quare dicendum est, eas esse negatiuas, in quibus modus est negatus, ut Possibile, Nō possibile. siquidem modus in hoc propositionum genere obtinet uim & naturam, quam uerbum Est in eis quæ absolute proferuntur.

Quamobrem si uolumus contrarias & contradictorias propositiones cum ipsis modis redigere ad ordinem earum propositionū, quas supra posuimus, illud necessariò ponendū uidetur, has propositiones, Necesse est esse, Necesse est nō esse, quæ sunt cōtrariæ, cum proprietatē earū quas supra demonstrauimus, cōtrariarū obtineant, posse quidē simul esse falsas, at nō posse simul esse ueras: quod etiam insequitur ex natura equipollentiarum. quia negatio postposita, alteram facit alteri æquipollere. Item ponendū est, has propositiones,  
Necesse

Necesse est esse, Non necesse est esse: & has, Necesse est nō esse, Non necesse est nō esse, esse cōtradiCTORIAS: fieri enim nequit, ut simul sint aut ueræ, aut falsæ: id quod patet etiā, si præponatur negatio. ex qua quidem re sequitur, ut istę, Non necesse est non esse, Non necesse est esse, obtrineant uim subcōtrariarum: & istæ, Necesse est esse, Non necesse est nō esse, ex una parte, & Necesse est nō esse, Non necesse est esse, ex altera parte, ita sese habeant, quemadmodum subalternæ, hac ratione duntaxat, quod sunt sub ipsis contrarijs. Quocirca recte uidetur poni posse altera figura ad hunc modum, Necesse est esse, Impossibile est esse, quæ sunt cōtrariæ: deinde Possibile est esse, Impossibile est esse, ex una parte, & Possibile est non esse, Necesse est esse, ex altera parte, quæ sunt contradiCTORIÆ: sunt enim sibi inuicem ex obliquo oppositæ, nam Impossibile sequitur hanc, Necesse est non esse, & Possibile hanc, Non necesse est nō esse. Illæ autem, Necesse est nō esse, Non necesse est non esse, sunt primò contradiCTORIÆ. Itaq; Possibile est esse, & Impossibile est esse, sunt contradiCTORIÆ, ea enim contradiCTORIA sunt, quæ sequuntur ipsa contradiCTORIA. Item etiam Possibile est non esse, cōtradiCTORIÆ opponitur huic, Necesse est esse: quia consequitur primo eius contradiCTORIO, Non necesse est esse. Illud autem sciendum est, Possibile est esse, & Possibile est non esse, in hac figura sumi pro possibili uero, non pro possibili quod est actu, uel necessarium, uel non necessarium. Possibile enim significat & id quod est actu, & id quod est potentia. Possibile uerò quod est actu, bifariā diuiditur, aut enim ita est actu, ut possit tamen nō esse actu: ut, possibile est hominem currere. Illud autem dicitur propriè esse potentia, quod non est actu, sed potest esse, ita tamen, ut possit etiam non esse, ut in sequenti libro docebimus. Quamobrem etsi hæc propositiones, Possibile est esse, Necesse est esse: & illę, Possibile est non esse, Impossibile est esse, in hac figura uidentur esse subalternæ, non tamen si loquamur de Possibili uero, ut dictum est, altera insequitur alteram ita, ut ualeat, Necesse est esse, ergò Possibile est esse: quemadmodum particularis affirmatiua (ut demonstrauiamus) insequitur uniuersalem affirmatiuam in eis quæ sunt de ineffe. sed ipsi Necesse tantummodo consequitur illud Possibile, quod nō ualeat ad opposita: quod idem de possibili nō intelligendū est, ratione habita ad Impossibile. Nam tantum abest ut ex his altera insequatur alteram, ut penitus etiam euertat: siquidē Possibile est esse de uero Possibili, euertit Necesse est esse: quia ualeat, Possibile est esse, ergo Possibile est non esse, quo tollitur, Necesse est esse. Item Possibile est nō esse, tollit Impossibile: quia Possibile est esse, in quod conuertitur ipsum Possibile est non esse, tollit Impossibile est esse. Quare si recte considerentur & rerum naturæ, & æquipollentiæ, sic ordinandæ uidentur huiusmodi consequentiæ:

Necesse

Necesse est esse  
 Non possibile est non esse  
 Non contingens est non esse  
 Impossibile est non esse

Necesse est non esse  
 Impossibile est esse  
 Non possibile est esse  
 Non contingens est esse.

Non necesse est non esse  
 Possibile est esse  
 Contingens est esse  
 Non impossibile est esse

Non necesse est esse  
 Possibile est non esse  
 Contingens est non esse  
 Non impossibile est non esse.

Quamquam uero de his rebus multa præterea dici possent, tamē quia non erant huius institutionis propria, ea omnia missa fecimus. His igitur, quæ ad enunciationum constitutionē pertinebant, quàm breuissimē potuimus, absolutis, consequens esse uidetur, ut ad ea quæ dicenda restant, aggrediamur.

ANTONI



13

ANTONII BERNARDI MIRANDV  
LANI IN LIB. PRIORVM ANA-  
lyticorum, Institutio.



**D**ICENDVM est primum, quid pertractaturi si-  
mus, et cuius rei causa, ne qui legerint suspensio sint  
animo: sed ante intelligat, qua de re in primis agen-  
dum sit. agatur autem de demonstratione, atque eius  
ipsius causa. Deinde definiendum est quid sit pro-  
positio, quid terminus, quid syllogismus. Expli-  
candum etiam, qui perfectus sit syllogismus, qui imperfectus. Quid  
item sibi uelit, dici de omni, quid de nullo. haec enim sunt principia  
cognoscendi ipsum syllogismum.

SECTIO PRIMA.



**P**ropositio est oratio simpliciter affirmatiua, uel negati-  
ua alicuius praedicati de aliquo subiecto, uel alicuius pra-  
dicati ab aliquo subiecto. Diuiditur autem in uniuersa-  
lem, particularem, & indefinitam. Vniuersalis proposi-  
tio est, in qua praedicatum aut omni subiecto inest, aut nulli. Particu-  
laris, in qua praedicatum inest alicui subiecto, aut non omni. Indefi-  
nita, in qua praedicatum enunciat, aut inesse subiecto, aut non in-  
esse, sine signo, uel uniuersali, uel particulari. Terminus est, in quem  
resoluitur ipsa propositio, ut praedicatum, & id de quo praedicatur:  
hoc est, Terminus est praedicatum, uel subiectum propositionis, siue  
in ea propositione exprimitur uerbum Est, aut affirmatiue, ut Homo  
est animal, aut negatiue, ut Homo non est asinus: siue non exprima-  
tur, sed loco eius ponatur aliud uerbum, uel affirmatum, uel negatum.  
Verbum enim ac caeterae partes propositionis, praeter subiectum &  
praedicatum, non appellantur termini.

Syllogismus est oratio, ex qua sequitur per se aliud quid necessario.

Syllogismus perfectus dicitur is, qui nulla re extrinsecus indiget,  
ut appareat ex necessitate inferre id, quod ex ipso consequitur neces-  
sario. sed ex ipsis propositionibus acceptis hoc liquidum intelligitur.

Imperfectus syllogismus dicitur, qui aut una re, aut pluribus indi-  
get, ut appareat ex necessitate inferre id, quod tamen re ipsa infert, cum  
non satis manifestum sit ex eis quae assumptae sunt, propositionibus.

De omni subiecto dicitur enunciari praedicatum, cum nihil est su-  
mere subiecti, uel quod ad subiectum pertineat, de quo non dicatur  
praedicatum eo ipso modo, quo dicitur de subiecto. Quod si neces-  
sario praedicatum dicatur de subiecto, de ipsis quoque omnibus neces-  
sario dicitur, quae sint sub ipso subiecto. Sin actu tantum de subiecto  
dicatur, actu etiam dicitur de his quae sunt sub ipso subiecto.

De nullo autem, cum nihil est sumere quod ad subiectum pertineat,  
a quo non amouetur praedicatum eo ipso modo, quo amouebatur a  
subiecto. Id ipsum autem quod appellatur dici de omni, nihil dif-  
fert a propositione uniuersali affirmatiua, nisi quemadmodum desi-

nitio, aut pars definitionis cōuertibilis differt ab ipso definito. Nam propositio uniuersalis est, in qua prædicatum inest omni subiecto. Prædicatum autem dicitur inesse omni subiecto, cum nihil est sumere, quod ad ipsum subiectum pertineat, de quo non dicatur prædicatum. Sic etiam accipiendum est dici de nullo, ut uidelicet idem sit, quod propositio uniuersalis negatiua. Illud autem animaduertendum est, syllogismos, uel in secunda, uel in tertia figura, actū non dici habere uim, per dici de omni, aut de nullo, etsi habeant propositionē uniuersalē: quia (ut infra patebit) non est in his quicquid assumere sub subiecto, quod idem nisi cōprehendatur sub prædicato, possit inferri falsum esse, prædicatū illud inesse omni subiecto, quemadmodum à sumptū fuerat. Quod idē dicendū est de eo quod appellat dici de nullo, hoc enim planē est, habere uim per dici de omni, uel de nullo.

## SECTIO II.



Voniam uero omnis propositio significat, prædicatum aut inesse, ut Homo currit: aut necessariò inesse, ut Homo est animal necessariò: aut contingenter inesse, ut Cōtingit hominem sedere: totidem enim sunt rerū naturæ, ex hisq; aliæ sunt affirmatiuæ, aliæ negatiuæ: quarū rursus (ut initio dictum est) partim sunt uniuersales, partim particulares, aliæ indefinitæ: quo facilius ea quæ dicenda sunt, percipi possint, necesse est docere, quemadmodū conuertantur inter se huiusmodi propositiones sic, ut ex subiecto fiat prædicatū, uel contrā. Primum igitur uniuersalis negatiua, quam de inesse uocant, cōuertitur necessariò in terminis, hoc est in uniuersalē negatiuam ita, ut si uerè dicatur, Nulla uoluptas est bonum, necessariò cōsequatur, ut nullum bonū sit uoluptas. atq; hæc quidem uocatur propositionum conuersio. Quòd si quis nega uerit hanc, quæ cōuertens appellatur, esse uerā, concedens priorē ueram esse, cogetur is fateri falsam esse hanc, Nonnullū bonū est uoluptas: quæ est prima eius cōtradictoria. nō enim magis unquē cōtradicitur, quā cū negatio toti propositioni præponit. Superiore aut libro ostensum est, cōtradictoriarū enunciationū, si altera sit falsa, alteram necessariò esse uerā. Quare hæc, Aliquod bonū est uoluptas, erit omnino uera, quippe quæ sequitur primā cōtradictoriā. Sed fingamus illud ipsum bonū uocari A, tunc sic argumentor. A est bonū, A est uoluptas, ergo aliqua uoluptas est bonū. Itaq; falsum est, Nullam uoluptatē esse bonū, siquidē A est uoluptas, & bonū. At positū fuerat, nullā uoluptatē esse bonū: ergo falsum est, aliquā uoluptatē esse bonū. Falsum itē hoc, Aliquod bonū esse uoluptatē, falsum est enim, ipsum A, quod bonū uocatur, esse uoluptatē. Sequitur ergo, ut uera sit ea quæ proposita fuerat propositio, uidelicet Nullum bonum esse uoluptatem. Vniuersalis affirmatiua necessariò conuertitur in particularem affirmatiuā. Nam si uerū est, omnem uoluptatē esse bonum, sequitur necessariò, ut uerū sit etiam, aliquod bonū esse uoluptatem. Quòd si quis hoc nō concesserit, fateatur oportet hanc propositionem esse uerā, Non aliquod bonū est uoluptas: quæ est prima eius  
contra-

cōtradictoria, ex qua sanè infertur, Nullum bonum esse uoluptatem. ex hac autem per conuersionem (ut dictum est) sequitur, Nullam uoluptatem esse bonum: quæ quidem omnino tollit illam, quam posueramus esse ueram, Omnem uoluptatem esse bonum. Contrariæ enim propositiones non possunt simul esse ueræ, ergo planè confirmatur, quod dictum est.

Particularis affirmatiua, uel indefinita necessariò cōuertitur in particularem, uel in indefinitam. Nam si uerè illud dicatur, Aliquam uoluptatem esse bonum, necessariò cōcedendum erit, Aliquod bonum esse uoluptatem. Si hoc enim falsum sit, uerum erit, Non aliquod bonum esse uoluptatē: quæ prima est illius contradictoria. quo sanè concessio, cōcedendum etiam erit, Nullum bonum esse uoluptatē: itemq̃, Nullā uoluptatem esse bonum: quo planè tollitur id quod suprà positum est, uidelicet, Aliquam uoluptatem esse bonum. Particularem uerò negatiuam, uel indefinitam minimè necessariū esse conuerti, ex hoc facile constat, quòd tamen si uerum est, Aliquod animal non esse hominem, non tamen necesse est, Aliquem hominem nō esse animal, quandoquidem omnis homo uerè est animal.

## SECTIO. III.



Necessariæ propositiones eodem modo cōuertuntur, quod propositiones, quas uocant de inesse. Nam si necesse est, Nullum hominem esse asinum, quæ est uniuersalis negatiua: necesse est etiam, Nullum asinum esse hominem. Si enim hæc dicatur esse falsa, uera erit quæ illi opponitur, uidelicet Non necesse est nullū asinum esse hominem. ex qua quidem sequitur hæc, Contingit aliquem asinum esse hominē. ex hac ipsa autem per assumptionē alicuius sensibilis, ac per ea quæ superius declarata sunt (nam Contingit accipitur pro necessariò. aliter enim adhiberi nō posset huiusmodi probatio) infertur hæc, Contingit aliquem hominem esse asinum: quæ quidem illam, Necesse est nullum hominem esse asinum, quam posuimus esse ueram, penitus euertit.

Propositio uniuersalis affirmatiua necessaria, itemq̃ particularis affirmatiua necessaria, conuertitur in particularem affirmatiuam necessariam. ut si exempli causa dicamus, Necesse est omnem, uel aliquē hominem esse animal: sequitur hæc, Necesse est aliquod animal esse hominem. quæ quidem si negetur esse uera, uera omnino erit prima illi opposita, Non necesse est aliquod animal esse hominem: quæ per negationem præpositam idem ualeat, quod hæc, Necesse est nullum animal esse hominem. hæc autem conuertitur in illam, Necesse est nullum hominem esse animal: ex qua infertur hæc, Non necesse est aliquem hominem esse animal. quæ quidem non uideretur ex ea quæ accepta est, prima opposita inferri, nisi illa ipsa prima opposita idē ualeret, quod negatiuæ et quas diximus. hac autem demum euertitur illa, Necesse est omnem, uel aliquem hominē esse animal. Particularis negatiua necessaria non conuertitur, ob eam quam suprà attulimus causam.

## SECTIO IIII.



Vod autem ad propositiones attinet, quas de cōtingenti nuncupant, cum multa uox Contingens significet, quò facilius ea quæ dicenda sunt, intelligantur, sciendū est, Contingens ualere necessariū, id est quod actu est, nec potest non esse eodem modo quo est: & non necessarium, id est quod actu est, potest tamen non esse: & id quod propriè dicitur possibile, quod quidē est ens, quod non necesse est non esse. In huiusmodi igitur propositionibus de contingenti affirmatiuis eodem modo fiunt conuersiones, quo demonstrauimus fieri in eis quæ significant uel inesse, uel necessariò inesse. Nam si contingat omne B, aut aliquod B esse A, necessariò cōtinget aliquod A esse B. quod si negetur ab aliquo, fatendum illi erit uerā esse hanc, Non contingit aliquod A esse B. ex qua uel hæc sequitur, Necesse est nullum A esse B: quæ (ut ex eis constat, quæ dicta sunt) conuertitur in hanc, Necesse est nullū B esse A. uel illa, Contingit nullum A esse B, si contingens quidem accipiat pro necessario: quæ deinde cōuertitur in hanc, Contingit nullum B esse A, quæ tollit eas quas posuimus esse ueras. Caterū in negatiuis nō uidetur eodem modo dicendum esse, nisi in eis quæ significant necessariò nō inesse, et nō necessariò inesse: ut ex eis quæ dicentur, erit manifestū. Nam si cōtingat nullum hominem esse equum, quod necessariò non inest, cōtinget etiam nullum equum esse hominem. Item si contingat nullā uestem esse albam, quæ quidem propositio nō necessarium significat: necessariò sequetur, ut cōtingat nullum album esse uestem. Hoc autem si quis erit qui negare audeat, cogetur ille idem fateri, ueras esse illas propositiones, Nō contingit nullum album esse uestem, & Non contingit nullū equum esse hominem. Ex quibus quidem in hoc sensu cōtingentis necessariò sequitur, ut Aliquod album sit uestis, & aliquis equus sit homo. Ex his autem necesse est inferri, necessariò aliquā uestem esse albā, & necessariò aliquem hominem esse equum: quibus planè tolluntur ea quæ dicta sunt. Ex negatiuis de cōtingenti propriè, ut in pluribus, quomodo suprà demonstrauimus accipi contingens, particularis quidem propositio cōuertitur, uniuersalis uerò nō conuertitur. id quod tum maximè perspicuum fiet, cum de ipso contingenti agemus. omnes autem quas demonstrauimus cōuersiones, ab istis recentioribus per insequentem uersum indicari solent.

” Feci, simpliciter, conuertitur, eua per acci.

Vbi A, quemadmodū in modis syllogismorū, de quib. infra agemus, indicat uniuersalē propositionē affirmatiuā, E uniuersalem negatiuā, I particularem affirmatiuam, O particularem negatiuam.

## SECTIO V.



Is cognoscendi iniitijs constitutis, ex quibus ferè omnis cognitio corū quæ in hac facultate dubia sunt, eliciē, docendum iam uidetur, ex quot terminis, quibusq; propositionibus, & quando, & quomodo ipsis terminis inter se habentibus cōstituat omnis syllogismus: tum demonstrationē quoq; pertractabimus. Nā etsi illud nobis maximè propositū est, ut agamus de

de demonstracione, nō de syllogismo: tamen prius loquendū est de syllogismo, quoniā syllogismus est ipsa demonstracione uniuersalior. omnis enim demonstratio est syllogismus, at nō omnis syllogismus est demonstratio. In qualibet autē disciplina debēt uniuersaliora praeccedere ea quae sunt particularia, quāq; ipsis uniuersaliorib. cōtinentur. Quare si propositio est oratio uel affirmatiua, uel negatiua alicuius de aliquo, uel alicuius ab aliquo, si terminus est aut praedicatū propositionis, aut subiectum, si syllogismus est oratio, ex qua sequitur per se aliud quid necessariō, necesse est oēm syllogismū secundū naturā cōfici ex propositionibus, & ex terminis. Nam aliter falsum esset, syllogismū esse orationē necessariō aliquid aliud per se inferentē, quae tamen definitio ab omnib. planē cōceditur. Hoc autē quod diximus ita esse, ex eo colligi potest, quod necesse est id quod ex syllogismo inferri dicitur, esse cōclusionem qua cōcludatur aliquod praedicatū: ut A inesse, uel nō inesse alicui subiecto, ut B: idq; aut uniuersaliter, aut particulariter, cuius quidē cōclusionis praedicatū uocatur maior extremitas, subiectū minor. cumq; ea ipsa cōclusio finis sit syllogismi, ut perspicuum est ex eius descriptione, quemadmodū illa quidem postulat, sic oportet cōficere syllogismum. Quamobrē si huiusmodi sit cōclusio, ut ea uelimus cōcludere A de B, uel affirmatiuē, uel negatiuē, necessariō sumendū est aliquod praedicatum uel affirmatiuē, uel negatiuē dici de aliquo subiecto. aliter enim nullo modo cōcludi posset, aliquid dici de aliquo. At sumere id quod hoc modo sese habeat, est sumere propositionē: quia propositio (ut docuimus) est ora o uel affirmatiua, uel negatiua alicuius de aliquo, uel alicuius ab aliquo. Ergo illud sequitur, ut syllogismus cōstet ex propositionibus, et ex terminis. Propositiones enim cōstituuntur ex terminis. nam terminus (ut definitū est) dicitur id ad quod redigitur ipsa propositio, quod quidē est subiectū & praedicatū. Syllogismus igitur erit ex propositionib. & ex terminis, quia est oratio quae cōcludit aliquid de aliquo necessariō. Verū cū generatim demonstratū sit, omnes syllogismos esse ex propositionib. & ex terminis, explicandū uidetur esse particularius, ex quot propositionibus, & quot terminis, atq; his quo modo inter se habentibus cōstituatur omnis syllogismus, quod quidē est tractare figurā & modum: uerū prius de figura agemus. Si uolumus igitur cōcludere A de B, uel inesse, uel nō inesse, necessariū est (ut diximus) accipere, aliquid dici de aliquo. Quod si accipiamus, A dici de B, ut concludamus ipsum A de B, sumemus id quod probare uolumus, ad probandū illud ipsum quod nobis propositum est ostendere, quod quidem fieri nequit. Si uerō accipiat, A dici de C, ipsum C autē nō accipiat, praedicari de quopiā alio, aut aliud quicq; dici de ipso C, itemq; nullum praedicatū sumatur praedicari de A, nullum cōficiemus syllogismum: quandoquidē nulla accepta sit propositio, praeter hanc unam, omne C est A: ex qua nō sequitur illa, omne B est A, quam uolumus cōcludere. Cuius quidē rei hęc uidetur esse ratio, quia ex eo quod enūciatur unum praedicatū de uno aliquo subiecto, hoc est ex una propositione, nihil sequitur necessariō. Itaq; fieri nō potest, ut, quemadmodum ex definitione syllogismi patet, sequatur syllogisticē. Quare neces-

farium est, præter eam quæ accepta est, sumere aliam aliquā propositionem. Quod si sumatur A, quæ erat maior extremitas, dici de aliquo, ut uerbi gratia de X, sic, ut dicamus omne X est A, simul cū illa propositione, omne C est A: uel si cum eadem propositione sumatur aliquod prædicatū dici de A, ut F, atq; ita dicamus, omne A est F: aut sumamus aliud aliquod prædicatū dici de C, ut H, ad hunc modum, omne C est H: si aliquid inquam huiusmodi acceptū fuerit, nihil fortasse obstabit, quo minus syllogismus ita fiat, omne A est F, omne X est A, ergo omne X est F. nō tamen ex eis quæ sumpsimus, cōcludemus A de B, id qđ nobis propositū erat. Neq; item si fingamus ipsum C, de quo (ut positum fuerat) prædicabatur A, prædicari de alio, ut de N, sic ut dicamus, Omne D est C, omne N est D: Nautē dici de alio, ut de I. nō enim fiet syllogismus, qui concludat omne B esse A. ex quo sanē (ut rem paucis absoluiam) cōstat, nullum unq; syllogismum fieri posse, qui concludat aliquod prædicatū de aliquo subiecto, ut A de B, nisi sumatur aliquod medium, quod medium aliquo modo refcratur ad utraq; extremitatem secundū predicationes, cū syllogismus simpliciter cōstet ex propositionibus: syllogismus autem sit ad hoc, id est ad certā definitamq; cōclusionem, ut ad hanc, omne B est A. Quamobrē fieri non potest, ut sumamus propositiones accōmodatas ad B, quæ aut nō efferantur affirmatiuē, uel negatiuē de ipso B, aut nihil habeāt quod cōmune sit ipsi A cum B. Vt igitur syllogismus cōcludat aliquod prædicatū de aliquo subiecto, ut A de B, uel affirmatiuē, uel negatiuē, necesse est aliquid sumere quod sit mediū inter duas illas extremitates sic, ut prædicationes cōiungat. Verū cum illud commune, quod oportet accipi tripliciter tantummodo secūdū naturā, referri possit ad utraq; extremitatem, (nam aut est subiectum maioris extremitatis, & prædicatū minoris: aut prædicatum utriusq;, aut subiectum, ut in eo quo semel usi sumus exemplo persistamus) aut A, quæ est maior extremitas, dicitur de C, qđ fingamus esse cōmune illud de quo diximus, & C de B: aut ipsum C de utroq; dicitur, & de A, & de B: aut utrunq; de ipso C. nō enim ullo alio modo secundū naturā hoc fieri potest. Quod quidem cum ita sit, necessariō cōmune illud in omni syllogismo erit, uel subiectū maioris extremitatis, & prædicatum minoris, uel prædicatū utriusq;, uel subiectum. Atq; ita quidem patet, cōmune illud quod nūcupatur medium, bis semper sumi ante cōclusionem. Cum mediū autē terminus triplici ratione (ut dictū est) in syllogismo cōstituat, tres cōstat esse syllogismorum figuras. figura enim nihil aliud est, nisi ipsius mediij termini dispositio ad extrema, omnis ergo syllogismus secundū naturā est in una aliqua harū trium figurarū, quæ quidem est cōclusio illa quam uolumus probare. Quod si A pluribus medijs probabitur inesse ipsi B, hoc fiet uel in eadē figura, uel in pluribus. accipit enim semper (ut ostensum est) medium terminū syllogismus. Huiusmodi autem figuræ optimū inter se nactæ sunt ordinem. nam dispositio illa mediij termini, in qua ipse medius terminus est subiectū maioris extremitatis, & prædicatum minoris, in primo collocatur ordine, primaq; nuncupatur figura.

est

est enim perfectior dispositio. Illa aut in qua medius terminus est prædicatū utriusq; extremitatis, uocatur secunda. Illa uerò in qua est subiectum, dicitur tertia. hæc enim est ipsius medij imperfectior dispositio.

Cum igit in omni syllogismo sumatur medius terminus, qui in propositionibus eo quo dictum est modo, ad utraq; refertur extremitatē, necesse est omnē syllogismū esse tantummodo ex tribus terminis, uidelicet ex maiori extremitate, & minori, & ex medio termino. itēq; ex duabus propositionibus: aliter enim ea quæ dicta sunt, non essent uera. Ex quo illud etiā consequitur, ut omnis syllogismus sit ex duabus omnino propositionib. quarū altera maior dicit, altera minor. Nam ex tribus terminis ita se habentibus, quemadmodum dictum est, duæ tantummodo propositiones constituuntur.

Neq; uerò quòd demonstratum est, syllogismū generatim esse ex terminis, quia sit ex propositionibus: ac rursus esse ex duabus propositionibus, quia sit ex tribus terminis, conficitur circulus. quoniā (ut patet) non ab eodem omnino proceditur ad idem, neq; eodem planē modo.

## SECTIO VI.



Vanquam autē dictū est, omnē syllogismū fieri in una aliqua trium figurarū, nemo tamē existimabit oēm orationē, quēcūq; sit in una aliqua trium figurarum, esse syllogismū. nam alia quædā requiruntur, quæ nobis deinceps explicanda sunt. nō enim ex huiusmodi oratione sola quicq; sequitur necessariò.

In prima ergo figura si maior extremitas, ut A, dicatur de medio termino, ut C, uniuersaliter & affirmatiuē: medius autē terminus dicatur uniuersaliter & affirmatiuē de minori, qd est B: necesse est per id quod uocat de omni, maiorē extremitatē quæ est A, dici de minori extremitate quæ est B, uniuersaliter & affirmatiuē. atq; ita cōstituitur syllogismus q̄ necessariò concludit: ut omne C est A, omne B est C, ergo omne B est A. Atq; hic erit primus syllogizandi modus in prima figura: qui quidē modus quoniā habet tres ppositiones uniuersales affirmatiuas, indicat hac uoce Barbara: in qua quidē cū ter ponat A, quod significat propositionē uniuersalem affirmatiuā, ex eo intelligimus primū modū primæ figuræ includere tres propositiones uniuersales affirmatiuas.

Si uerò maior extremitas per negationē sciungatur à medio termino uniuersaliter, medius aut terminus uniuersaliter et affirmatiuē prædicet de minori extremitate, sequitur per id qd de nullo dicit, ut maior extremitas necessariò per negationē remoueaturn à minori uniuersaliter: ut Nullū C est A, omne B est C, ergo nullū B est A. aliter enim falsum fuisset, A dici de nullo C: qd tamen posuit esse uerū. Atq; hic sanē modus dicitur Celarent: qui quoniā bis habet uocālē E, qua propositionē uniuersalē negatiuā significari dictū est, & A semel, qd significat uniuersalem affirmatiuā, ostendit primā propositionē esse uniuersalem negatiuā, alteram uniuersalem affirmatiuā, tertiam uniuersalem negatiuā.

Si uerò maior extremitas dicatur de medio uniuersaliter & affirmatiuē, medius aut terminus de minori extremitate particulariter & affirmatiuē: sequitur necessariò per id quod de omni dicit, ut maior extremi

tas dicatur particulariter & affirmatiue de minori, aliter enim falsum fuisset, maiore extremitate dici de omni medio: quod tamen positum est esse uerum. Atque hic tertius est argumentandi modus in hac prima figura, qui nominatur *Darii*, qui quidem indicat primam esse uniuersalem affirmatiuam, cum in prima eius syllaba sit *A*: alteram particularem affirmatiuam, quæ significatur per alterum *I*. Quod si maior extremitas dicatur uniuersaliter & negatiue de medio, medium uero particulariter & affirmatiue de minori extremitate, sequitur necessarium per id quod de nullo dicitur, ut maior extremitas per negationem amouetur particulariter à minori. Qui quidem quartus est argumentandi modus in hac prima figura, & *Ferio* nuncupatur, ostenditque primam esse uniuersalem negatiuam, alteram particularem affirmatiuam, tertiam particularem negatiuam, siquidem *O*, quod in uoce *Ferio* tertium atque ultimum locum obtinet, indicat particularem negatiuam. Quod autem dicitur de particulari propositione, idem etiam intelligendum est de indefinita. Cum uero syllogismus sit oratio, ex qua sequitur aliquid per se necessarium, fieri non potest, ut sint alij modi argumentandi secundum naturam in hac figura. Cumque ex his tantummodo quos posuimus (ut patet per id quod de omni & de nullo dicitur) necessarium inferatur conclusio, necesse est hos ipsos esse optimos argumentandi modos. Duo autem ex illis uniuersales sunt, duo particulares, qui omnes his notantur uocibus:

Barbara, Celarent, *Darii*, *Ferio*.

Reliqui argumentandi modi qui in hac figura numerantur, uel non inferuntur necessarium, atque idcirco non sunt utiles: uel si inferunt, non inferunt secundum naturam, ut scilicet maior extremitas de minori dicatur, sed ut tantummodo minor de maiori enuncietur secundum artem. Qui quidem modi nuncupantur: *Baralipon*, *Celantes*, *Dabitis*, *Fapesmo*, *Frisesomoru*, qui eo modo quo ceteri, notantur uocalibus suis quas includunt.

#### SECTIO VII.



Vm uero syllogismus sit oratio, ex qua sequitur per se aliud quid necessarium, necesse est in secunda figura medium terminum, quæ fingamus esse *M*, dici negatiue de maiori extremitate quæ sit *N*, & affirmatiue atque uniuersaliter de minori, quæ sit *X*, si uolumus concludere necessarium, *N*, quæ est maior extremitas, per negationem se iungi ab *X*, quæ est minor extremitas. Si enim propositio uniuersalis negatiua conuertatur in terminis, prima fiet figura, cuius quidem necessitas apparebit ex eo quod de nullo dicitur. Nam si nullum *N* est *M*, omne autem *X* est *M*, sequitur omnino nullum *X* esse *N*. conuertitur enim hæc, Nullum *N* est *M*, in illam, Nullum *M* est *N*. Cum uero omne *X* sit *M*, consequens est, ut nullum *X* sit *N*. Hæc autem est prima figura. Atque hic est primus argumentandi modus, qui *Celare* nuncupatur. Quid autem notent huiusmodi uoces, satis à nobis in prima figura dictum est. In hac igitur figura necesse est syllogismum fieri eo modo quo diximus, uel medium terminum uniuersaliter & affirmatiue dici de maiori extremitate, uniuersaliter et negatiue de minori, ut necessarium maior extremitas uniuersaliter & negatiue remoueat à minori. Ita enim sequetur id necessarium, atque hic argumentandi modus erit bonus.



nus. bonos enim in ipso cōficiemus syllogismos, cuius quidem modi hoc erit exemplū. Omne  $N$  est  $M$ , nullū  $X$  est  $M$ , ergo necesse est nullū  $X$  esse  $N$ : quia si nullū  $X$  est  $M$ , ac rursus nullū  $M$  est  $X$ , positiū est aut omne  $N$  esse  $M$ , cōsequens est ut nullū  $N$  sit  $X$ . Quia uerò cōuertitur negatiua propositio, sequitur ut nullū  $X$  sit  $N$ , id quod uoluimus ostendere. Hic aut secundus erit argumentationis modus, qui appellatur Camestres. Sic igitur (ut demonstrauimus) fit syllogismus. Vel oportet mediū terminū uniuersaliter & negatiue dici de maiori extremitate, particulariter uerò et affirmatiue de minori. Ita enim sequetur, maiorē extremitatē per negationē particulariter remoueri à minori extremitate, ut Nullū  $N$  est  $M$ , aliquod  $X$  est  $M$ , ergo aliquod  $X$  nō est  $N$ . Conuersa enim negatiua propositione habemus hanc, Nullū  $M$  est  $N$ , & sic primā figurā. Atque hic tertius est modus, qui appellatur Festino. Vel necessariū est in hac secunda figura mediū terminū dici uniuersaliter & affirmatiue de maiori extremitate, particulariter aut & negatiue de minori. Ita enim sequetur necessariò, ut maior extremitas particulariter & negatiue remoueat a minori extremitate, ut omne  $N$  est  $M$ , aliqd  $X$  nō est  $M$ , ergo aliquod  $X$  nō est  $N$ : quoniam si omne  $X$  est  $N$ , cū omne  $N$  sit  $M$ , necessariū erit omne  $X$  esse  $M$ . sed hoc fieri nō potest, cū positiū sit,  $M$  nō inesse alicui  $X$ : igitur recte illatū est, aliqd  $X$  non esse  $N$ . Hic aut quartus est argumentandi modus, qui nūcupatur Baroco. Omnis igitur ut syllogismus sit oratio, ex qua sequatur per se aliud quid necessariò, oportet oēs syllogismos secundæ figuræ esse in uno aliquo horum quatuor modorum: quandoquidē in his duntaxat licet inferre ex necessitate. soli enim isti ad primā figurā redigi possunt, ex quibus quidem duo sunt uniuersales, duo particulares. Illud aut facile cōstare arbitror, oēs syllogismos huius figuræ esse imperfectos, quādoquidem omnes perficiuntur sumptis quibusdā extrinsecus, quæ uel in sunt terminis ex necessitate, ut conuersiones: uel sunt uti positiones, ut cū per id quod fieri nequit, ostendimus uerā esse cōclusionem eam quæ illata est, id quod accidit in quarto modo secundæ figuræ.

## SECTIO VIII.

**T**ertia figura, ut syllogismus sit oratio, qualē esse oportere diximus, necesse est fieri ipsum syllogismū in uno aliquo ex illis sex modis quos dicemus. Cōstituunt ergo syllogismus in hac figura in primo modo tum, cū maior extremitas, itemque minor dici uniuersaliter & affirmatiue de medio termino: ut si omne  $S$  sit  $P$ , omne aut  $S$  sit  $R$ , sequitur maiorē extremitatē, quæ est  $P$ , dici necessariò de minori extremitate, quæ est  $R$  particulariter. Idque quoniam minor propositio, quæ est uniuersalis affirmatiua, cōuertitur in hanc particularē, aliquod  $R$  est  $S$ : itaque fit prima figura, & hic modus uocatur Darapti. In secundo modo fit syllogismus in hac figura, cū maior extremitas, ut  $P$ , remouetur uniuersaliter per negationē à medio termino, ut ab  $S$ : minor aut extremitas, ut  $R$ , dicitur uniuersaliter & affirmatiue de ipso medio. Ita enim sequitur per cōuersionē secundæ propositionis, ut  $P$  necessariò nō in sit ipsi  $R$ . hec enim est prima figura. Atque hic modus, qui est secundus, dicitur Felapton.

Præterea



Præterea fit syllogismus in hac figura tum, cū maior extremitas, ut P, dicitur de aliquo medio, ut de aliquo S, affirmatiuè: minor aut extremitas, ut R, dicitur de omni medio uniuersaliter, & affirmatiuè. Sequitur enim, ut maior extremitas, quæ est P, dicatur de aliquo R affirmatiuè, nam cum hæc, Aliquod S est P, cōuertatur in illā, Aliquod P est S, sequitur, ut aliquod P sit R, quæ est prima figura. Atq; ita quidem (ut ex regulis cōuersionum facile constat) illud cōsequitur, ut ali quod R sit P. Hic autem tertius est modus, qui nominatur *Disamis*.

In hac etiam figura fit syllogismus, si maior extremitas uniuersali ter, & affirmatiuè enuncietur de medio: minor autem de eodem parti culariter, & affirmatiuè. Nam sequitur, ut maior extremitas particula riter dicatur de minori affirmatiuè, quia per conuersionē minoris pro positionis, quæ est particularis, constituitur prima figura. Atq; hic est quartus modus, qui uocatur *Datifi*. Si uerò maior extremitas, ut P, dicatur particulariter, & negatiuè de medio termino, ut S: minor autem, ut R, dicatur uniuersaliter, & affirmatiuè de eodem medio: se quitur, ut maior extremitas remoueat necessariò particulariter à mi nori, ut P ab R. Quia si dicatur, omne R esse P, quod quidē est cōtra dictorium ipsius cōclusionis, cum omne S sit R, omne S est P, contrā q̃ assumptum fuerat. Hic autē quintus est modus, qui dicit̃ *Brocardo*.

Quòd si maior extremitas, ut P, uniuersaliter, & negatiuè dica de medio termino, ut de S: R autē quæ est minor extremitas, particula riter, & affirmatiuè de eodē medio termino: sequitur, ut maior extremi tas necessariò remoueat particulariter à minori, idq; per cōuersionem propositionis particularis in particularē, quo quidē modo prima cō stituitur figura. Atq; hic est sextus argumētandi modus in hac figura, qui uocat̃ *Ferison*. In hac ergo figura si fiat syllogismus, cōstat, illū fieri oportere in uno aliquo ex illis sex modis, quia si aliter fiat (ut faci le intelligi licet, si diligēter attendat) nō sequetur necessariò cōclusio. Manifestū etiā uidetur esse ex his quæ dicta sunt, tertię quoq; figuræ syllogismos oēs esse imperfectos, quippe qui oēs perficiuntur sumptis quibusdā extrinsecus, quemadmodū ostendimus. Omnī autē figura rum modos uisum est, memoriæ causa, simul oēs cōprehendere his in frā scriptis uersib. quale scūq; sint, qui ab istis recentiorib. inuenti sunt.

- » Barbara, Celarent, Darij, Ferio, Baralipton,
- » Celantes, Dabitis, Fapesmo, Frisefomorum,
- » Cesare, Camestres, Festino, Baroco, Darapti,
- » Felapton, Disamis, Datifi, Brocardo, Ferison.

#### SECTIO IX.



Voniā uerò demonstrauimus, oēs syllogismos secundæ & tertię figuræ esse imperfectos, perficiq; si redigant̃ ad pri mā figurā, qd sit uel cōuersione terminorū, uel deductione ad id quod fieri nequit, cū scilicet ex opposito eius qd inserit, cū altera illarū propositionū quæ sumptæ fuerāt, inserimus op positū alterius propositionis acceptę, ut in quarto modo secundæ figu ræ, & in quinto tertię explicatū est. Quoniā ergo syllogismi secundæ

& tertię figurę ad hunc modũ perficiuntur, non erit alienũ docere, quã ratione illi ipsi modi redigant ad primam figurã. Primę igitur literę quatuor dictionũ primę figurę, sunt hę quatuor cõsonantes, B, C, D, F. quibus sanẽ literis illud notatur, omnes reliquarũ figurarũ modos incipientes à B, redigi ad Barbara, qui primus est modus: à C, ad Celarẽ: à D, ad Dariũ: ab F, ad Ferio. Omnium autẽ figurarũ modi omnino ab una aliqua istarum literarũ incipiunt. Illud quoq; animaduertendum est, in quocunq; horũ modorũ reperitur S, nobis per illud indicari propositionẽ eam, quę notatur uocali, quę illam ipsam cõsonantem S antecedit, simplici cõuersione cõuerti oportere, id est in terminis, si modus ille in quo reperitur S, ad primã redigatur figurã. Per P autẽ significari, conuertendam esse propositionẽ per accidens, id est ex aliqua parte. Per M, ex minori maiorem fieri oportere, uel cõtrã. Per C, eos modos in quibus reperitur, ad primam figurã esse reuocandos, deductione ad id quod fieri nequit. Quę omnia per hos uersus, qui infra scripti sunt, ab istis recitiorib. designari solent. Simpliciter uerti uult S, P uerò per acci.

M uult transponi, C per impossibile duci.

Quod quidem cum ita sit, recte cõcludi potest hęc uniuersalis cõclusio, oēs syllogismos redigi ad uniuersales syllogismos primę figurę: si quidẽ & ij qui sunt particulares in prima figura, & si per se perfecti sunt, tamẽ possunt deductione ad id quod fieri nequit, redigi ad uniuersales secundę figurę syllogismos, qui postmodũ redigunt ad uniuersales primę. Cuius rei hæc erũt exempla. Omne B est A, aliquod H est B, ergo aliqd H est A. Omne B est A, nullũ H est A, ergo nullũ H est B. Sed positũ fuerat, aliqd H esse B: ergo manifestũ est, illam cõclusionẽ, Aliquod H est A, necessariò sequi ex illis propositionib. Ita in syllogismo negatiuo, Nullũ B est A, aliquod H est B, ergo aliqd H non est A. quod si nõ ita sit, omne H erit A. Itaq; licebit argumentari, Nullũ B est A, omne H est A, ergo nullũ H est B. At positũ fuerat, aliqd H esse B, ergo uera est cõclusio illa, aliqd H nõ est A. Particula res igitẽ syllogismi primę figurę primũ redigunt ad secundã figuram, deinde reuocant ad primã. itaq; omnes syllogismi redigunt ad duos uniuersales modos primę figurę. Iam de syllogismis qui ostẽdunt inesse, uel non inesse, satis dictũ est, quomodo se habeant, & secundũ se, qui eiusdem sunt figurę, & ad se inuicem, qui diuersarũ.

#### SECTIO X.

##### *De syllogismis de necessario.*



Verum enim uerò, quoniam inter se differunt propositiones, quę significant predicatum inesse subiecto, & quę necessariò inesse, & quę contingenter (alia enim prædicata, quemadmodum suprã dictum est, insunt subiectis, quę non insunt necessariò, ut Homo currit: alia necessariò insunt: alia non insunt quidem, possunt tamen inesse) consentaneũ est, ut syllogismi, qui ex his cõficiuntur propositionibus, candẽ inter se differentia habeant, ut alij quidẽ sint tantũmodo de inesse, alij de inesse necessariò, alij ex contingentibus. Cæterũ cum explicatum sit,

sit, quo pacto ex materia, quæ inesse significat, cōstituantur syllogismi, explicandum iam uidetur esse, quemadmodum ex reliquis quouque materijs constitui possint, aliter enim imperfectam ipsius syllogismi simpliciter cognitionem traderemus. Primum autem ostendemus, quæ ratione hiant ex materia illa, quæ significat necessariò inesse: quod quidē quàm breuissimè fieri poterit, docere conabimur.

Eodem igitur ferè modo constitutis & terminis, & propositionibus, erit, ac rursus non erit syllogismus ex propositionibus necessarijs, iuxta atq; ex propositionibus de inesse. Hoc autē interest, quòd in his additur ex necessitate: itaq; dicitur inesse ex necessitate, aut non inesse. Id quod à nobis facillimè intelligetur, si illud in tueamur, propositiones necessarias uniuersales, uel particulares, siue negatiuæ sint, siue affirmatiuæ, eandem subire cōuersionum legem, quam quæ sunt de inesse. Huc etiam accedere, ut id quod de omni, & de nullo dicitur, eodem modo accipiat in necessarijs propositionibus, quemadmodum in eis quæ significant inesse, uti supra explicatum est. Quare in cæteris figuris, præter primam, per cōuersionem ostenditur, hos ipsos syllogismos qui ex materia necessaria constituuntur, conclusionem necessariam concludere, similiter atq; eos qui inesse significant: excepto tamen quarto modo secundæ figuræ, qui Baroco, & quinto tertiæ, qui Brocardo dicitur. In his enim duobus modis, propter materiæ & modorum difficultatem, longè facilius ostenditur, sequi conclusionem necessariam per expositionem, quàm per deductionē ad id quod fieri nequit: propterea quod perinde erit, ac si per ipsos terminos adhibeatur ostensio, qua quidem ostensione nulla fere alia in his rebus clarior adhiberi potest, ut ex eis quæ infra dicentur, perspicuè patebit. Sumamus igitur aliquid, quod comprehendatur sub minori extremitate, à quo perspicuè remoueatur medius terminus uniuersaliter, & de hoc ipso conficiamus syllogismum in eadem figura: ita enim sequetur, ut maior extremitas necessariò remoueatur ab eo quod sumptum est, itemq; ab eo sub quo id quod sumptum est comprehenditur. ut si dicamus, omne B est A necessariò, aliquod C non est A necessariò, ergo aliquod C non est B necessariò. Hoc autē si fortè dubium sit, accipiamus aliquid quod comprehendatur sub C, & perspicuè amoueatur ab A uniuersaliter, idq; sit D, atq; ita dicamus: omne B est A necessariò, nullum D est A necessariò, ergo nullum D est B necessariò. Cum autem ex eo quod pro certo, cōcessoq; sumptum est, constet, aliquod C esse D necessariò, sequitur, ut aliquod C necessariò non sit B: quod quidē nobis propositum fuerat ostendere. Itaque uerè dictum est, si syllogismus necessarius sit de eo quod sumptum est, fore item necessarium de eo sub quo comprehenditur id quod sumptum est. Hoc idem de quinto modo tertiæ figuræ dicendum est: sed ut diximus, syllogismum in eadem tertia figura fieri oportet.

Sectio

*Mixtio necessarij, & de inesse in prima figura.*

Vm uerò syllogismorum materizæ non sint eæ tantummodo quas diximus, uerum etiam accedat alia, quæ ex illis est admixta: necessariū uidetur esse, declarare, & quomodo ui principiorum syllogisticorum inferant huiusmodi syllogismi, & quid inferant. Prius tamē agemus de syllogismis his, qui ex materia de inesse, & necessaria confecti sunt: utranq; enim huiusmodi materiam satis iam pertractauimus, illud in prinitis admonentes, nos propositiones de inesse uocare eas, quas diximus esse ab ipsis necessarijs & contingentibus distinctas: aliter enim frustra fuissent distinctæ. Si maior igitur propositio necessaria sit, minor autem de inesse, necessariò sequitur necessarium in prima figura, id quod ex dicto de omni facili patet. Quod quidem ita definitum est, cum nihil est sumere, quod ad subiectum pertineat, de quo non dicatur prædicatum eo ipso modo, quo dicitur de subiecto. Nam si omne B sit A necessariò, omne C autem sit B actus: sequitur, ut A dicatur de omni C necessariò, aliter enim cum C pars sit ipsius B, sequeretur, A non dici de B: id quod tamen pro certo concessio positum est. Quamobrem illud consequitur, ut ui principij syllogistici, ex maiori necessaria, & ex minori de inesse, inferatur conclusio necessaria. Quod autem dictum est de modo uniuersali affirmatiuo, idem etiam dicendū est de negatiuo ex definitione ipsius dici de nullo.

Si uero maior propositio fuerit de inesse, minor autem necessaria, sequitur conclusio de inesse, & non necessaria. Quod etsi satis perspicuum fieri potest ex dicto de omni, tamen nō alienum erit, hoc idem ostendere de ducendo aduersarium ad id quod fieri nequit. Prius tamen faciemus hunc syllogismum: Omne B est A de inesse, omne C est B necessariò, ergo omne C est A de inesse: quæ quidem non est conclusio necessaria, quia contingeret aliquod B esse A necessariò, quod omnino falsum est. Consequi autem absurdum hoc quod positum est, ex prima & ex tertia figura licet intelligere. Nam cū ex aduersarij sententia omne C sit A necessariò, aliquod B autem sit C necessariò, per conuersionem minoris propositionis, in tertio modo primæ figuræ sequetur, ut aliquod B sit A necessariò: quod quidem falsum est, quia B tale est, ut ei nulli insit A. In tertia uerò figura hoc idem ostenditur ad hunc modū: Omne C est A necessariò, aliquod C est B necessariò, ergo aliquod B est A necessariò: quod quidem fieri nequit, ut ex eo quod positum est, constat. Eodem quoq; modo dicendum erit, si prior propositio uniuersalis negatiua fuerit: eadē est enim demonstrandi ratio. Cum ergo id quod de omni dicitur, ostendat sequi conclusionem de inesse, itemq; deductio ad id quod fieri nequit, quæ in hoc alia est, ab ipso dici de omni. Item etiam termini ad hunc modū, Omne animal mouetur, omnis homo est animal necessariò, ergo omnis homo mouetur: non ex necessitate, quia neq; ani-

mal mouetur ex necessitate. Cum inquam ita sit, nō licet illud dicere, per deductionem ad id quod fieri nequit, posse ostendi, sequi conclusionem necessariā: quia neq; affirmatiua necessaria sequi poterit, neq; negatiua necessaria. affirmatiua enim de inesse tollit utranq;. Neq; itē sequitur conclusio contingens, quia nulla huiusmodi propositio est accepta. Quōd si maior propositio, siue sit affirmatiua, siue negatiua, erit uniuersalis, & necessaria: minor autem particularis, & de inesse: sequitur conclusio particularis affirmatiua, uel negatiua eodem modo, secundum proportionē, ut in uniuersalibus dictum est, & in particularibus, quod quidē patet ex definitione eius quod de omni, uel de nullo dicitur. Sin autē ē contrario cōstitutæ fuerint propositiones, nō sequitur cōclusio necessaria, sed de inesse: ut patet ex definitione de omni, & de nullo, et ex terminis, quemadmodū ostēsum est.

#### SECTIO XII.

##### *Mixtio necessarij, & de inesse in secunda & tertia figura.*

**I**N secunda autē et in tertia figura, in qua sit huiusmodi mixtio, si ea propositio sit necessaria, quæ cū syllogismus ad primā redigitur figurā, sit maior, sequitur conclusio necessaria. Si uerō illa quæ nō sit maior, sed minor, sit necessaria, sequitur (ut ex eis patet quæ superius dicta sunt) conclusio de inesse. In Baroco autē, & in Brocardo, cū syllogismus nō possit per cōuersionem ad primā figurā redigi, tradi nō potest regula. Quoquo modo tamē se habeant propositiones, ex illis nō inferitur cōclusio necessaria, sed de inesse: quia termini ostendunt, sequi cōclusionem de inesse, ut in Baroco ad hunc modū, Omne ambulans mouetur de necessitate, aliquis homo nō mouet, ergo aliquis homo nō ambulat de inesse: potest enim ambulare. Item etiā, omnis homo ambulat: aliqd, qd mouetur, nō ambulat necessariō: ergo aliquid quod mouet, non est homo de inesse. Cōtingit enim, aliquid qd mouetur, esse hominē. In Brocardo uerō sic, Aliquis homo nō uigilat, omnis homo est animal necessariō, ergo aliqd animal nō uigilat de inesse, uel ad hunc modū, Aliqd animal nō est bipes necessariō: omne animal mouet: ergo aliquid, quod mouetur, nō est bipes de inesse. Cū ergo termini ostendant, sequi conclusionem de inesse, non potest sequi, neq; conclusio necessaria affirmatiua, neq; negatiua, quia de inesse evertit utranq;.

Quod cum ita sit, non licet per deductionem ad id quod fieri nequit, ostendere, sequi negatiuam necessariam. Recte igitur dictū est, quoquo modo ponantur propositiones in hac mixtione, sequi conclusionem de inesse, quōd hoc ex terminis ipsis patet.

#### SECTIO XIII.

##### *De syllogismis de contingenti.*

**V**M suprà egerimus de syllogismis, qui ex propositionibus de inesse, et necessarijs conficiuntur, deq; eorundem mixtione, ut perfectam syllogismorum omnium cognitionem consequamur: explicandum uidetur, quando, et quomodo,

quomodo, & ex quibus sint syllogismi de contingenti. Verum antequam ad ea quæ dicenda sunt, ueniamus, necesse est declarare, quid sit contingens illud, de quo nunc loquimur.

Huiusmodi ergo contingens est ens, quod non necesse est non esse. Per ens, distinguitur ab his quæ omnino non sunt: quæ quidē sunt ea, quæ neq; actu, neq; potentia extant. Per id autem quod non est, distinguitur ab eis quæ sunt, siue actu tantum sint, siue necessario. huiusmodi enim contingens non est, illa uerò sunt. Per uoces, Non necessario non est, seiungitur etiam ab ijs quæ non sunt, sed tamen necessario uel futura sunt: ut, sol cras orietur (quod enim non necessario non est proprie, fieri potest ut sit, idemq; non sit: quæ uerò necessario futura sunt, hæc non possunt non esse. itaq; non proprie dicitur posse id esse, quod necessario futurum est) uel non futura sunt, ut nullus homo est asinus. talia enim necessario nō sunt. Contingens autem non est, sed non est necessarium ut non sit.

Huiusmodi autem esse contingens, uidetur colligi posse ex affirmationibus & negationibus sibi inuicē oppositis. quia si, Non contingens est esse, & Impossibile est esse, et Necesse est non esse, uel sunt eadem, uel sequuntur se inuicem, consequens est, ut quæ his ipsis opposita sunt, uidelicet, Cōtingit esse, Possibile est esse, Non necesse est non esse, uel sint eadem, uel se inuicem sequantur. De omni enim dicitur uel affirmatio, uel negatio. Quod si, Necesse est non esse, consequitur huic, Non cōtingit esse, uel nihil ab eo differt, Non necesse est non esse, quod quidē illi oppositū est: consequē huic, Cōtingit esse, uel nihil ab eo differt. Itaq; cōtingens erit, Non necesse est non esse: ac rursus, Non necesse non esse, erit contingens: quia necesse est non esse, est non contingens esse. Ex quo sanè patet, contingens esse illud ens, quod cum non sit necessarium, si ponatur inesse, nihil sequitur absurdi. hæc enim eadem est definitio, quæ superior. Nam per illam particulam, si ponatur inesse, nihil sequitur absurdi, circumscribitur non esse. non enim uerè dicitur poni inesse, nisi quod non est. Itaque perinde ualet, ac si diceretur, Contingens est ens, quod non necessarium est non esse. Contingens autem, quod definitum est, tripliciter dicitur. nam aliud dicitur Contingens natum, siue ut in pluribus, aliud, ut in paucioribus, siue à fortuna: aliud indefinitum. Contingens natum dicitur id, quod tametsi nō semper eueniat, euenit tamē ut in pluribus, eo scilicet tempore, quo aptum est euenire, ut Contingit hominem masculum suo tempore barbam emittere. id enim (ut patet) non semper est, sed frequenter euenit. nam nō semper quis huius est ætatis: cum autem est, non necesse est hoc euenire.

Contingens à fortuna dicitur, quod non est, sed potest esse, raro tamen accidit: ut si quis terram sodiens thesaurum reperiat.

Contingens indefinitum dicitur id, quod nullo discrimine sese habet ad esse, & ad non esse, ut, Contingit hominem ambulare. De quibus etiam superiore libro egimus.

Animaduertendū est aut, quo melius ea quæ dicenda sunt, per ci-

pianitur, cōtingens dici de necessario, et de inesse, & de possibili æqui uocē. Hęc enim omnia cōtingentia appellari possunt, sed æqui uocē illud tamen quod propriē dicitur cōtingens, est quod definiuimus.

## SECTIO XIII.



Is ita expositis, sciendum est, omnes propositiones, quæ uerī contingentis naturam obtinent, conuerti inter se: non tamen sic, ut eæ quæ in lib. de Enunciatione appellatæ sunt uerē affirmatiuæ, cōuertantur in eas quæ uerē negatiuæ dictæ sunt. hoc enim fieri non posse, nulli planē potest esse dubium. sed eæ quæ uerē affirmatiuæ sunt, conuertuntur in eas quæ non uerē sunt negatiuæ, quia non habent modum negatum, sed relatione aliqua dicuntur negatiuæ, quia negatiuam habent figuram, cum tamen re uera affirmatiuæ sint. in his enim modus ita se habet, ut uerbum Est, in eis quæ sunt de inesse. modus autem ipse non negatur, sed uerbum. quod tamen ad conuersiones atinet, quas supra demonstrauius, similiter se habent, ac uerē negatiuæ. Cuius quidem rei hæc uidetur esse causa, quod contingens est nō necessarium, non necessarium autem contingit non inesse. Manifestum est igitur, si contingit A inesse B, contingere etiam non inesse. Vniuersales autem conuertuntur in uniuersales, itemq; particulares in particulares. Quæ enim conuersiones sic accipiendæ sunt, ut contingens natum non conuertatur in contingens natum, sed in contingens ut in pluribus, atque ita ē contrariū. Indefinitum uerō contingens conuertitur in contingens indefinitum: non enim magis hoc modo sese habet, quàm illo.

## SECTIO XV.



Æterum explicandum etiam uidetur, quid sit dici de omni, uel de nullo, in propositionibus de cōtingenti. nam sine his definitionibus, nulla syllogismorum de contingenti comparari posset cognitio. De omni igitur subiecto dicitur aliquod prædicatum in propositionibus de contingenti, cum nihil est sumere, quod ad subiectum pertineat, uel actu, uel contingenter, de quo non dicatur contingenter ipsum prædicatum. De nullo autem, cum nihil est sumere, quod ad subiectum pertineat, uel actu, uel contingenter, à quo non remoueat prædicatum ipsum contingenter.

## SECTIO XVI.

*De syllogismis de contingenti in prima figura.*

Is ita positus, consequens est ut dicamus primū, quis erit syllogismus ex propositionibus ambabus de contingenti. Ex utraque igitur propositione de contingenti in quatuor modis primæ figuræ, sequitur semper conclusio per se de contingenti eo modo, quo dictum est in propositionibus de inesse, & de necessario. ut si exempli causa dicamus, Contin-

git




git omne uigilans currere, contingit omnem hominem esse uigilantem, ergo contingit omnem hominem currere. Id quod patet ex definitione de omni, quam posuimus.

Si uerò in prima figura ponantur ambæ propositiones uniuersales negatiuæ, uel si prior uniuersalis sit, & affirmatiua, altera uniuersalis, aut particularis negatiua, ex huiusmodi propositionibus non concludetur necessariò conclusio de contingenti. sed tamen, quoniã huiusmodi propositiones conuertuntur in affirmatiuas, quibus quidem ita conuersis fit syllogismus, ex his inferri dicitur conclusio contingens. at hi imperfecti sunt syllogismi, ut si ita dicamus: Contingit nullum uigilantem currere, cōtingit nullum hominem esse uigilantem, ergo contingit omnem hominem currere. Conuertantur autem ambæ propositiones in affirmatiuas: uel hæc, Contingit nullum hominem currere, sit tantum minor. si aliter uerò sese habuerint huiusmodi propositiones, ex his confici non potest syllogismus, ut in omnes modos primæ figuræ intuenti patebit.

#### SECTIO XVII.

##### *Mixtio contingentis, & de inesse in prima figura.*

 I uerò ita se habuerint propositiones syllogismi, ut una sit contingens, altera de inesse: contingens autem ponatur cum maiori extremitate, uel affirmatiuè, uel negatiuè, de inesse uerò cum minori affirmatiuè, aut uniuersaliter, aut particulariter: sequitur conclusio de contingenti. atque hi quidem syllogismi sunt perfecti: recte enim constitui possunt per id quod de omni, uel de nullo dicitur.

Si uerò propositiones è contrario se habuerint, ut prior sit de inesse, altera de contingenti, uel uniuersaliter, uel particulariter, prior autem sit affirmatiua, concludent conclusionem de contingenti uero. Sin autem sit negatiua, concludent conclusionem quidem de contingenti, sed non de contingenti uero, quod definitum est esse illud ens, quod non necessarium est non esse, sed contingenti pro inesse. Atque imperfecti quidem sunt hi syllogismi. non enim demonstrantur per id quod de omni, uel de nullo dicitur, sed per deductionem ad id quod fieri nequit. Quod quidem ita esse, ex hoc facile intelligi potest, si ponatur, ex falso possibili non sequi falsum impossibile. Si igitur omne B sit A de inesse, contingat autem omne C esse B, sequitur ut contingat omne C esse A: quia nisi sequatur hæc conclusio, sequetur eius opposita, Non contingit omne C esse A: quæ idem ualere quod hæc, Necessè est aliquod C non esse A. Huic autem si adiungamus minorem propositionem, quæ ex contingenti facta est de inesse, uidelicet omne C est B, quæ quidem falsa est, sed non impossibilis, ut ex his quæ superius dicta sunt patet, in tertia figura sequitur, ut aliquod B non sit A, quæ tollit maiorem primi syllogismi, id quod fieri nequit. Falsa ergo est talis conclusio, & impossibilis. Sed cum falso posito, at non impossibili, id quod accidit, non possit esse

impossibile, necesse est cōclusionem eam quæ falsa est, & impossibilis, sequi (ut ita dicam) impossibilitatē maioris propositionis, ex qua infertur id quod uolumus. Verū in huiusmodi mixtione non uidentur accipiendæ, nisi propositiones uniuersales affirmatiuæ de inesse, quarum subiectum nō latius pateat, quā prædicatum: ut Omnis homo currit, cōtingit omnem uigilantem esse hominem, igitur cōtingit omnem uigilantem currere. Nam huiusmodi propositiones dicuntur simpliciter de inesse, & nō definite iuxta tempus aliqd, propterea quod his nihil opus est illa temporis cōditione, qua indigent quarum subiectū plura cōprehendit, quā prædicatum: ut, Omne quod mouet, est homo. Necessariō enim dicendū est, ne propositio uideatur falsa, nihil ob stare, quo minus aliquādo omni quod mouetur, insit homo: ut, si nihil aliud moueat, quia si ita dicamus, Omne quod mouet, est homo: cōtingit autem, omnē equum moueri: sequitur necessariō, nullū equum esse hominē. Item si dicamus, Omne quod mouet, est animal: cōtingit autē omnem hominē moueri: sequitur necessariō, omnē hominē esse animal. Ex his tamen nō fit syllogismus, ut patet, ppter ea quod pugnant cū eis quibus cum cōiunguntur, cōtingentibus. Nam illa propositio, Omne quod mouet, est homo: si intelligatur uniuersaliter, falsa est. Sin autē de animali rationali tantū, uera est, sed cōtingens falsa. Falsum est enim, cōtingere equum esse tale quod moueat, quale est animal rationale. Si uerō qd mouetur, in una propositione alio modo accipiat, atq; in altera, syllogismus erit in quatuor terminis. Hoc idem dicendū est de illa propositione, Omne quod mouetur est animal. nam si sumatur uniuersaliter, falsa est: sin autē de eo tantū quod moueatur, quod est animal, falsum est, cōtingere hominem, de uero contingenti, esse idem quod moueatur, quod est animal. quia si animal actu mouetur, non solum non cōtingit, de uero contingenti, hominem moueri, sed etiam necessariō mouetur. Quapropter aperte falsa est illa propositio, Cōtingit hominē moueri de uero cōtingenti, ratione illius quod actu mouetur. Pugnant igitur inter se huiusmodi propositiones. itaq; nō hæ accipiendæ sunt, sed illæ quarum subiectum non cōprehendit plura quā prædicatū: ex quibus quidem nihil tale sequitur, quod absurdum sit. Si uerō fingatur nullum B esse A, cōtingat autē omne C esse B, necessariō sequet, ut cōtingat nullū C esse A de inesse: quia nisi id sequat, necesse erit aliquod C esse A. Cum autē omne C sit B, necessariō aliqd B erit A: quæ cōclusio planē maiore evertit propositionem. Non igitur fieri potest, ut sequatur cōclusio de uero cōtingenti: quia termini ipsi ostendunt, sequi cōclusionem necessariā. ut, Nullū ambulans est coruus: cōtingit, omnem hominē ambulare: ergo necesse est, nullū hominem esse coruū. Itaq; nō sequitur cōclusio cōtingens, uerū neq; necessaria semper. ut, Nullū quiescens est ambulans, cōtingit omnem hominē quiescere, igitur nullus homo est ambulans. Quia uerō cū huiusmodi ostensione terminorū coniuncta est deductio ad id quod fieri nequit, sequi fortasse potest cōclusio de inesse.

Præterea

Præterea si minor negatiua sit, quæ tamen potest conuerti in affirmatiuam, etsi imperfecti sunt hi syllogismi, concludunt tamen huiusmodi conclusionem contingentem.

Quod autem dictum est de mixtione contingentis, cum eo quod est de inesse, hoc idem uidetur quodammodo dicendū de mixtione necessarij & cōtingentis, uidelicet terminis simpliciter se habētibz, futurum ut fiat, ac non fiat syllogismus in prima figura.

#### SECTIO XVIII.

##### *De syllogismis de cōtingenti in secunda figura.*



Nsecunda uerò figura confici non potest syllogismus ex ambabus propositionibus de contingenti, quomodo-  
cunque ponantur. Cuius quidem rei hæc uidetur esse ratio, quia neq; si ambæ sint affirmatiuæ, recte constitui potest syllogismus (in hac enim figura, ut nemini obscurum est, ex ambabus affirmatiuis nullus fit syllogismus) neq; si una sit affirmatiua, altera negatiua. nam oporteret redigi ad primam figuram. Quod quidem nullo modo fieri posse, hinc faciliè intelligi licet, quòd in huiusmodi syllogismo ad primam figuram redigendo, conuertenda esset uniuersalis negatiua de contingenti in terminis, quod planè absurdum est. sequeretur enim, ut uniuersalis affirmatiua (quemadmodum ex eis quæ dicta sunt, perspicuum est) conuerti posset in uniuersalem affirmatiuam, id autem quàm à ueritate alienum sit, nemini obscurum esse arbitror. Hoc autem insequi perspicue apparet, quia superius explicatum est, contingentes affirmationes conuerti cum negationibus. Nam si contingat omne B esse A, contingit etiā Nullum B esse A: quæ si conuertatur, conuertetur in hanc, Contingit nullum A esse B: quæ ex ea quam diximus regula, conuertitur in illam, Contingit omne A esse B. itaque à primo ad extremum ualebit, Contingit omne B esse A: ergo cōtingit omne A esse B, id quod nobis propositū fuerat ostendere. In illo etiam modo qui Baroco dicitur, cuius quidem maior est uniuersalis affirmatiua, minor particularis negatiua, non erit syllogismus. non enim per deductionem ad id quod fieri nequit, redigi potest ad primam figuram. Nam uniuersalis affirmatiua de contingenti, quam oportet concludi per syllogismum, cuius minor sit contradictoria particularis negatiuæ de contingenti, quæ concludebatur per priorem syllogismum, non tollit particularem negatiuam de contingenti. ut, Contingit omne B esse A, contingitaliquod C non esse A, ergo contingitaliquod C non esse B. Si enim per deductionem ad id quod fieri nequit, liceret ostendere, ad hunc modum fieret, Contingit omne B esse A, necesse est omne C esse B, ergo contingit omne C esse A: quæ conclusio non euerit illam, Contingitaliquod C non esse A. Præterea, si fieret ex huiusmodi complicatione syllogismus, sequeretur conclusio de contingenti, quia non accepta est ulla propositio,

quæ non sit de contingenti: sed non potest esse de contingenti, ergo nullo modo fieri potest syllogismus. Hoc autem ita esse, ex eo patet, quod huiusmodi conclusio de contingenti, aut affirmatiua esset, aut negatiua. sed non potest esse neque affirmatiua, neque negatiua: ergo nullus fit syllogismus. Illam autem non posse neque affirmatiuam esse, neque negatiuam, ex eo colligi licet, quod termini ipsi declarant, sequi conclusionem negatiuam necessariam, quæ quidem euerit utranque contingentem. ut si ita dicamus, Contingit omnem hominem esse album, Contingit aliquem equum non esse album, ergo necesse est nullum equum esse hominem. Non sequitur autem necessaria negatiua, propterea quod nulla accepta est propositio necessaria. Quod autem dictum est de Baroco, hoc idem licet dici de omnibus modis secundæ figuræ secundum proportionem.

#### SECTIO XIX.

##### *Mixtio contingentis, et de inesse in secunda figura.*

**I**N secunda figura si propositio quæ conuertenda est, in syllogismo ad primam figuram redigendo, sit de inesse, altera uero de contingenti, syllogismus concludit conclusionem contingentem pro de inesse, quia semper in prima figura maior est de inesse, minor autem de contingenti. Si uero hæc ipsa quam conuerti oportet, sit contingens, nullus fit ob eam quam attulimus causam syllogismus, siue negatiuæ sint ambæ propositiones, siue altera sit affirmatiua. Nam hoc tantum uidetur interesse, quod ex negatiuis, ut negatiuæ sunt, nihil sequitur necessario, nisi conuertantur in affirmatiuas, in quas diximus contingentem posse conuerti. Atque hoc quidem uerum est in omnibus modis secundæ figuræ, præterquam in eo modo, cuius maior est uniuersalis affirmatiua, minor particularis negatiua, qui dicitur Baroco: in quo quidem quomodocumque ponantur propositiones, nulla omnino sequitur conclusio. Non enim (ut perspicuum est) neque per conuersionem potest ad primam redigi figuram, neque per deductionem ad id quod fieri nequit: siquidem ipsi termini ostendunt, sequi conclusionem necessariam. ut Contingit omnem hominem esse album, aliquis equus non est albus, ergo necesse est nullum equum esse hominem. Hoc idem planè sequitur, si minor sit contingens: ut, Omnis homo currit, contingit aliquem asinum non currere, igitur necesse est nullum asinum esse hominem. Cum ergo termini ipsi ostendant, sequi conclusionem necessariam, non potest sequi conclusio, neque de inesse, neque contingens, siue affirmatiua sit, seu negatiua, necessarium enim neque est contingens, neque de inesse. Manifestum est autem, sequi non posse conclusionem necessariam: quia necessarium inferri non potest, nisi aut ex ambabus necessarijs, aut certè ex altera necessaria. Cum uero in tali mixtione nulla sit propositio necessaria, nullus id eo fit syllogismus.

## SECTIO XX.

*Mixtio contingentis, & necessarij  
in secunda figura.*

N hac secunda figura eodem modo dicendum uidetur de mixtione necessarij, & contingentis: uidelicet fieri syllogismū, ac non fieri, sicut in eis quæ sunt de inesse. Nam in Baroco etiam termini ipsi declarant, sequi conclusionem necessariam: ut Necesse est omnem cygnum esse album, contingit aliquē hominem nō esse album, ergo necesse est nullū hominē esse cygnum. nō igitur cōtingens, neq; de inesse. Neq; etiam sequitur cōclusio necessaria, quia necessarium uidetur sequi, aut ex duabus necessarijs, aut certe ex altera negatiua uniuersali necessaria. Idem etiā, si negatiue ponetur necessaria: ut, Contingit omnem equum moueri necessariō, aliqua substantia abstracta non mouetur, igitur necessariō nulla substantia abstracta est equus.

## SECTIO XXI.

*De syllogismis de contingenti in tertia figura, de q; mixtione necessarij, contingentis, & de inesse.*

N tertia figura si utraq; propositio sit de contingenti, uel altera de contingenti, altera autem de inesse, aut de necessario, erit utiq; syllogismus, eamq; concludet conclusionem, quam in prima figura cōcludit modus ille, ad quem redigitur. Modus autem is qui uocatur Brocardo, in mixtione, non in simplicibus de contingenti, concludit conclusionem contingentem per deductionem ad id quod fieri nequit: ut, Contingit aliquod C nō esse A, omne C est B, ergo contingit aliquod B nō esse A. uel, Necesse est omne B esse A, omne C est B, ergo necesse est omne C esse A. uel, Contingit aliquod C non esse A, omne C est B necessariō, ergo contingit aliquod B non esse A. uel, omne B est A necessariō, ergo omne C est B necessariō, ergo omne C est A necessariō.

## SECTIO XXII.



Vm uerò syllogismi bipartitō diuidantur (alij enim sunt ostensiuī, alij ex suppositione dicuntur, in quibus sunt qui ad impossibile uocantur) hæcenus autem declaratum sit, syllogismos ostensiuos fieri in una aliqua trium figurarum, faciendum esse uidetur, ut declarem etiam reliquos syllogismos fieri in una aliqua trium figurarum: cum prius tamē ostenderimus, qui sint huiusmodi syllogismi.

Ostensiuī igitur syllogismi sunt, qui ex propositionibus simpliciter & absolue sumptis, recta ratione concludunt eam cōclusionem, quam nobis propositum est concludere.

Ex suppositione dicuntur, qui nō ita se habent, sed procedunt supponendo

ponendo aliquid: ut si est A, est B: sed nō est B, ergo nō est A. Vel cōtrā: sed est A, ergo est B. item, Aut est dies, aut est nox: sed est dies, ergo nō est nox. Syllogismo enim ostēsiuo probaremus uel A esse, uel B nō esse: B uerō esse, si A sit, intelligitur ex suppositione. aliter enim non esset syllogismus ex suppositione. Cuius lanē generis (ut diximus) est syllogismus is, qui ad impossibile nuncupatur, propterea quod ostendit id quod fieri nequit, syllogismo ostensiuo. Quod autē à principio erat ex suppositione, monstrat. Dico ex suppositione, propterea quod id supponūt, cuius oppositū uolunt demonstrare. Differt tamen syllogismus ad impossibile, ab eo qui simpliciter dicitur ex suppositione, quoniā in hoc opus est sateri antē, si debeat quis assentiri: ueluti si monstrata erit una cōtrariorum potentia, & scientiā eandem esse. In illis autem hoc minimē sit, sed cōcedunt per id quod perspicuē est falsum: ueluti si positum fuerit, Diametri commensurabilis imparia æqualia esse paribus. Cum igitur omnes hi syllogismi indigeant ostensiuo syllogismo, fiunt in una aliqua trium figurarū.

SECTIO XXIII.



Vm omnis autē cognitio dubij complexi, & in Dialectica, & in Rhetorica, & in reliquis omnibus artibus, comparetur per eas quas diximus figuras, non erit alienum exponere etiam, quemadmodū inductio & exemplum fiant per huiusmodi figuras. Inductio igitur est processus à singularibus ad uniuersalia: ut Socrates currit, Plato, hic & ille: ergo omnis homo currit. Redigitur autē ad syllogismū, qui quidem syllogismus probat, maiore extremitatē inesse medio per minorem extremitatem, ad hunc modū, ut in superiore exemplo persistamus: Omnis homo currit: Socrates, Plato, Cicero, hic & ille sunt homines: ergo Socrates, Plato, Cicero, hic & ille currūt. Quod si cōuertatur, fiet syllogismus ex inductione: Omne quod est Socrates, Plato, & Cicero, & sic de singulis, currit: omnis homo est Socrates, Plato, Cicero, & sic de singulis: ergo omnis homo currit. accipienda enim sunt singularia omnia. Tali autē syllogismo utimur ad declarandas primas & immediatas propositiones, syllogismo autem mediatas.

SECTIO XXIII.

*De exemplo.*



Exemplum est, cum ostendimus maiorem extremitatem inesse medio, per id quod est simile minori extremitati, sed oportet & medium minori extremitati, & maiorem extremitatem simili euidentius inesse: ut, Omnis petens custodiam tyrannidi insidiatur, Dionysius petit custodiam, ergo Dionysius tyrannidi insidiatur. Probatur maior, quia Pisistratus petens custodiam tyrannidi insidiatus est: item etiam Theogenes, & alij, quos constat idem fecisse: Petentes ergo custodiam tyrannidi insidiantur. Cum igitur Dionysius sit sub hoc uniuersali, concludimus, ipsum quoq; de quo nondum aliquid scimus, si petat custodiam,

custodiam, tyrannidi insidiari. Atq; hoc pacto exemplum à parte ad partem procedit: còq; ab inductione differt, quòd hæc ab omnibus singularibus, ipsum uerò non ab omnibus procedit.

## SECTIO XXV.

*De Enthymemate.*

E Enthymemate, quia ex eis quæ dicta sunt, facile intelligi licet, redigi ad eas quas suprà diximus figuras (est enim syllogismus imperfectus, ut Omne animal est substantia, ergo omnis homo est substantia) nullā eius mentionem faciendam esse arbitramur.

## SECTIO XXVI.

*De inuentione medij.*

Voniam uerò oportet, non modo syllogismi conficiendi rationē tenere, uerum etiā inueniendi facultatem adipisci, operæ precium est tradere modū, quo suppetent propositiones ad concludendū, quod ostendere uelimus. In primis autem illud ponendum est, eorum quæ sunt, alia esse singularia, quæ quidē de nullo prædicantur per se: alia uniuersalia, ut superiore libro dictum est. Ac uniuersalium rursus alia esse, quæ quidem ipsa de alijs prædicantur, ipsis aut nulla alia sunt priora: (non enim in eis quæ prædicant, datur processus in infinitum) alia esse, quæ & ipsa de alijs, & alia de ipsis prædicantur, ut homo de Socrate, & de homine animal, de quibus potissimū hoc loco nos agimus.

Exponendum est autem prius, quæ sint antecedentia, quæ consequentia, & quæ repugnantia. Antecedens est, subiectum secundum naturam uel prædicati, uel subiecti conclusionis, quæ quidē sunt maior & minor extremitas: ut si cōclusio sit, Homo est animal, Socrates dicitur antecedens hominis, & animalis.

Consequentia dicuntur, quæ cūq; secundum naturā prædicant uel de subiecto, uel de prædicato: idq; aut uerè, aut secundum opinionē.

Repugnantia sunt, quæcunque non possunt uerè & affirmatiuè prædicari, uel de prædicato, uel de subiecto, aut illis subijci: ut lapis, ratione habita ad animal.

His ita expositis, si uelimus cōcludere aliquā conclusionē uniuersalem affirmatiuā, accipienda sunt ea quæ prædicati quidē sunt antecedentia, cōsequentia uerò subiecti, modo sint eadē: ut si uelimus cōcludere, oēm hominē esse corpus, sumendū est animal, qd est antecedens corporis, & cōsequens hominis. Quòd si uelimus cōcludere cōclusionē particularē, sumemus ea quæ utrūq; antecedunt. ut si uelimus cōcludere, aliqd animatū esse animal, sumemus hominē, qui & animal, & animatū antecedit. Sin aut negatiua erit cōclusio uniuersalis, sumenda erūt quæ repugnēt prædicato, & cōsequentia sint subiecti, uel e cōtrario: ut si cōclusio sit, Nullus homo est lapis, sumemus animal, quod repugnat prædicato, & sequitur subiectū: uel insensibile, quod

quod sequitur prædicatum, & repugnat subiecto. Si uerò conclusio fuerit particularis negatiua, accipienda erunt antecedentia subiecti, & repugnantia prædicato: uel consequentia prædicati, & repugnantia subiecto, ut in Baroco. Eodem modo dicendum uidetur etiam de necessarijs, & de contingentibus in inuentione medijs termini, nisi quod in contingentibus non accipiuntur ea solum, quæ insunt, sed etiam quæ non insunt, possunt tamen inesse. Animal uerò esse antecedens corporis, & consequens hominis, & repugnans lapidi, non est artis Logicæ tradere, sed eius facultatis, ad quam spectat considerare hominē, & animal, & lapidem: itaq; secundum proportionem dicendum est de reliquis. Sed de his rebus in sequenti libro copiosius agemus. His, quod ad medijs inuentionem attinet explicatis, consequens esset, ut doceremus redigere syllogismos ad eas quas diximus figuras, multaq; item alia, ad perfectiorem ipsorū syllogismo- rum cognitionē traderemus. Sed quoniam uel ex eis quæ dicta sunt, satis hoc consequi licet, uel huius non uidetur esse Institutionis, hæc omittenda ducimus, satis à nobis instituto nostro factum esse existimantes, cum syllogismos conficiendi rationem, medijsq; terminis inueniendi facultatem, quàm breuissimè fieri potuit, tradiderimus.

ANTONI



ANTONII BERNARDI MIRANDV  
LANI INSTITVTIONIS IN PO-  
steriora Analytica. Liber primus.

SECTIO PRIMA.



V M declaratum sit superiore libro, quemad-  
modum conficiatur omnis syllogismus, con-  
sequens est ob eam, quam diximus, causam,  
ut doceatur quo pacto fiat demonstratio. Ita-  
que necessario ponenda sunt quædam princi-  
pia, quibus eam quam quærimus cognitionē  
consequi possimus. In primis autem traden-  
da est, cum ipsius scire, tū etiam demonstra-  
tionis definitio: hinc enim præcipue omnis eorū quæ docenda sunt,  
oritur cognitio. Sed ne uideamur prorsus inania eorum quæ tradi-  
turi sumus, quasi fundamenta iacere, illud primum explicandum est,  
scire, esse ignotū quippiam addiscere. Quidam enim, & illi sanē per-  
egregij Philosophi existimauerūt, scire esse reminisci: argumētantes  
ad hunc modū. Quod quis addiscit, aut prius nō sciebat, aut sciebat,  
si nō sciebat, nō addiscit: quia si occurrat, nō cognoscit. Sin aut scie-  
bat, discit, quod nouerat: at discere, quod quis nouerat, est reminisci:  
scire igitur est reminisci, nō per causam cognoscere. Vt ergo ostendat,  
scire, esse ignotū quippiā addiscere, necessario ponēda est illa propo-  
sitiō: Omnis doctrina, & omnis disciplina intellectiua fit ex præce-  
denti cognitione axiomatis, affectionis, & subiecti. quæ omnia duo-  
bus omnino præcognoscuntur modis, ut scilicet teneatur quid est,  
& quia est: Quia est de axiomatico, ut omnis affirmatio uel negatio ue-  
ra est: Quid est de affectu, ut triangulus est figura, quæ ex tribus li-  
neis constat: Quid est, & quia est, simul de subiecto, ut linea est lon-  
gitudine sine latitudine. Cuius quidem propositionis ueritas ex eo fa-  
cile perspicui potest, quòd omnes scientiæ, omnes artes & facultates,  
ex aliqua antecedente cognitione, quæ ad ipsas propriè pertineat,  
constituunt eorum quæ ignorantur doctrinam. Quare minime qui-  
dem absurdū uidetur, illud fateri, nos, ante demonstrationes factas,  
quibus demonstrationibus addiscimus ea quæ ignorabamus, par-  
tim scire, partim ignorare: scire, quatenus antè cognoscimus ea quæ  
suprà diximus, quæ quidem hac de causa præcognita uocantur, qui-  
bus quodammodo, hoc est in potentia, ea ipsa continentur, quæ di-  
scimus: ignorare autem res ipsas propriè, ac per se, quia nondum ex  
conclusionē cognitæ sunt. Id quæ ita esse, pater: cum statuerimus om-  
nem doctrinam, & omnem disciplinam existere ex priore aliqua co-  
gnitione, sicuti demonstrauimus. Id quod non solum accipiendum  
est de uera scientia, quæ est uniuersalium rerum cognitio, sed etiā de  
cognitione alicuius rei singularis, nobis ignotæ, quæ comprehenda-  
tur sub aliquo uniuersali, quod uniuersale cognitum habeamus. ut si

d exempli

exempli causa, nescientes, hanc figuram, quæ sit in semicirculo, habere tres angulos: discamus id ex præcedente illa cognitione, omnem triangulum habere tres angulos. Quo quidem in genere, antequam confectus esset syllogismus, uerè illud dici potuit, nos aliquo modo scire, uidelicet per ipsum uniuersale præcognitum: & aliquo modo non scire, uidelicet hanc figuram habere tres angulos, quod ignoramus eam esse triangulum. Itaque minime à ratione abhorret, si dicatur disci id, quod aliquo modo sciretur. Abhorreret quidem certè, si quod addiscitur, hoc ipsum cognitum fuisset eò ipso modo, quo discitur. Ex quo sanè concludendum uidetur, scire non esse reminisci, sed id quod ignoraretur, addiscere. Talis igitur erit eius definitio.

## SECTIO II.



**S**cire unumquodque complexorum simpliciter, est cognoscere illud per causam, propter quam est: atque exploratum habere, eam esse illius causam: neque fieri posse, quin ab illa causa existat. Quare cuius simpliciter est scientia, id nullo pacto potest aliter se habere: quod autem non potest aliter se habere, hoc ipsum perfectio necessarium est. Demonstratio est syllogismus, per quem sciuntur complexa. De omni dicitur prædicatum illud, quod & in omnibus, & semper inest: nec in alio quidem inest, in alio uerò non inest: aut aliàs inest, aliàs non inest. ut, Omnis cygnus est albus. Per se dicitur esse id, quod inest omni subiecto secundum naturam, quodque in ipsius subiecti definitione ponitur, ut homo est animal. Per se etiam dicitur, quod de omni subiecto enunciat secundum naturam ita, ut subiectum ipsum ponatur in definitione prædicati. Atque hic sanè dicitur secundus modus per se, ut homo est risibilis.

Vniuersale uocatur id quod inest omni subiecto, quatenus ipsum est, uel primò, ut triangulus habet tres angulos.

His ita constitutis (cætera enim quanquam sunt cognitu necessaria, tamen omittenda duximus, quod essent manifesta) necessario illud consequitur, ut demonstratio sit ex ueris, ex necessarijs, ex eis quæ dicuntur de omni per se & primò, ex proprijs, ex causis, ex prioribus, ex immediatis, ex perpetuis, ex incorruptibilibus, ex notioribus, non solum quod ad nos, sed etiam quod ad naturam ipsam attinet. Quæ omnia facile ostendi posse arbitror.

Ac primùm quidem, demonstrationem esse ex ueris, quod hæc communiora sunt, ita ostendemus. Si demonstratio esset ex falsis, cum dictum sit, illam facere scire, falsum faceret scire: sed falsum non potest sciri (illud enim quod non est, non potest sciri esse: Falsum autem non esse, perspicuum est) ergo demonstratio non est ex falsis, itaque est ex ueris.

Deinde cum expositum sit, fieri non posse, ut id quod propriè scitur, aliter se habeat, itaque esse necessarium: recte dictum est, demonstrationem non solum ex ueris constitui oportere, sed etiam ex ueris quæ

quæ sunt necessaria : quia si non esset ex necessarijs , esset ex contingentibus : ex contingentibus autem non faceret scire necessarium : igitur non potest esse ex contingentibus. Probatum autem quod assumptum est, ad hunc modum : Contingentia possunt corrumpi necessarijs manentibus, at contingentibus corruptis, necessarium non potest sciri per ipsa contingentia. quod enim semper est, non potest sciri per id quod non est. nam quod non est, non potest facere ut aliquid sit : ergo neque ut sciatur, quia scire aliquid est cognoscere eius causam, propter quam est. ergo demonstratio, si esset ex contingentibus, non faceret scire necessarium. at positum est, eam facere scire necessarium : ergo est ex necessarijs. Neque uerò ( mea quidem sententia ) hoc absurdum quisquam effugere potest, si dicat, Per medium contingens sciri tum, cum non est corruptum. nam quod accidit medio corrupto, hoc idem euenit, si fieri potest, ut corrumpatur. Itaque demonstratio erit ex propositionibus de omni, quia omne prædicatum de omni est necessarium. Præterea, cum id quod proprie scitur, sciatur simpliciter, & propter quid, consequens est, ut demonstratio sit ex propositionibus, in quibus uel prædicatum sit causa propria subiecti, uel subiectum prædicati. Nam si non esset ex huiusmodi propositionibus, non faceret scire simpliciter, & propter quid : quia scire simpliciter, & propter quid, est cognoscere aliquid per causam propriam. At cognoscere aliquid per id in quo subiectum, non est propria causa prædicati, uel contrà, non est cognoscere per causam propriam : itaque non est scire simpliciter, neque propter quid. Quare si demonstratio non esset ex huiusmodi propositionibus, non faceret scire simpliciter, et propter quid : contrà quàm positum est. Ergo recte diximus, illam constare ex huiusmodi propositionibus, ex quo quid est sequitur, ut sit ex necessarijs simpliciter : quoniam ea in quibus uel prædicatum est causa propria subiecti, uel subiectum prædicati, ita se habent, ut sint necessaria simpliciter. Quoniam uerò demonstratio est ex necessarijs simpliciter, hæc autem ( ut constat ) sunt per se, quatenus ipsa sunt, & primò, demonstratio est ex eis quæ sunt per se, quatenus ipsa sunt, & primò. Itaque in ipsa demonstratione oportet medium inesse minori extremitati propter ipsam, & maiorem extremitatem inesse medio propter ipsum. Nam quod inest alicui, quatenus ipsum est, inest etiam propter ipsum : ergo demonstratio erit ex proprijs, quia quod inest alicui propter ipsum, & primò, hoc illi uni, & non alij inest : quod quia ita inest, dicitur proprie inesse. Ex causis etiam dicitur esse demonstratio, quia ( ut dictum est ) uerè scimus tum, cum causas cognitas habemus. Item ex prioribus, quoniam causa est prior effectui.

Præterea dictum est, demonstrationem esse ex immediatis, quia si esset ex mediatis, necessarium esset illa demonstrari, quod enim per demonstrationem scitur, id sciri non potest sine demonstratione. Sic autem in infinitum procederetur, ac priora essent ignota : in-

finita enim percipi non possunt. At ignoratis prioribus, ignorantur & posteriora. ergo demonstratio non faceret scire. At positum est, illam facere scire: ergo necesse est esse ex immediatis.

Cum uerò (ut dictum est) ex uniuersalibus constet, quæ sunt & perpetua, & incorruptibilia, necessariò constat etiam ex ipsis perpetuis, & incorruptibilibus.

Cæteræ particulae à nobis infra explicabuntur.

#### SECTIO III.



Ed quo melius ea quæ dicta sunt, intelligantur, non erit fortasse alienum docere, quid sit principium demonstrationis. Principium igitur demonstrationis est, propositio immediata: hæc autem propositio dicitur ea, qua nulla est prior secundum naturam, id est, inter cuius prædicatum & subiectum, nullum intercedit medium secundum naturam. Hæc autem in duas partes diuiditur, in pronunciatum quod uocant, seu dignitatem, & in positionem. Dignitas, seu pronunciatum est, principium demonstrationis, quod nullo modo demonstrari potest: necesse tamen est, ut ab eo sciatur, qui uult discere aliquid. ut quicquid enunciat, id aut uerum esse, aut falsum. Positio dicitur esse id, quod nec demonstrari potest, nec necesse est ab eo teneri, qui uult aliquid discere. quæ quidem positio diuiditur in suppositionem & definitionem.

Suppositio uocatur positio, quæ exprimit aliquid aut esse, aut non esse. id est, quæ est aut affirmatiua, aut negatiua. Definitio est, quæ non declarat aliquid esse, uel non esse, sed apprehenditur simplici apprehensione, nec enunciat aliquid de aliquo: atque idcirco definitio dicitur esse principium demonstrationis, quod scilicet potest esse principium demonstrationis, non quòd re ipsa sit. Nam principium demonstrationis est, propositio immediata: propositio autem est oratio uel affirmatiua, uel negatiua alicuius de aliquo. Definitio uerò (ut patet ex ijs quæ dicta sunt) neque affirmatiue, neque negatiue enunciat aliquid de aliquo. itaque re ipsa definitio non est principium demonstrationis, sed uocatur principium, quia potest esse principium: ac tum quidem est, cum non est definitio. Quare principium demonstrationis, cum diuisum est in dignitatem, & in positionem, diuisum est & in id quod re ipsa huiusmodi est, et in id quod potentia tale est. non enim omnis positio re ipsa est principium, cum definitio sit positio. Sed de hac re in quinto nostræ Apologiæ libro, pluribus differuimus. Neque uerò absurdum est, si id quod est potentia aliquid, dicatur esse illud ipsum quod est potentia. nam quod uel potentia, uel re ipsa uidet, uidens dicitur esse: itemque quiescere tam id cui quies iam inest, quam id quod quiescere potest. Si uerò ullum fuerit ex his principijs, quod amplitudine sua transiliat genus subiectum, de quo aliquid probare uolumus, accommodandū erit illi ipsi subiecto, ut ex proprietatibus demonstrationis facile intelligi potest.

Sectio

## SECTIO IIII.



Voniam uerò id quod scire quia appellatur, ab eo quod dicitur propter quid, differt, & satis superq̃ sam dictum uidetur esse de ipso scire propter quid, & de demonstratione quæ est illius causa, consentaneum est rationi, si uolumus perficere omnia instrumenta, quibus sciuntur complexa, uel à priori, uel à posteriori, ut agamus etiam de scire quod appellatur quia, & de demonstratione quæ efficit huiusmodi scire. sed antè definiendum est, quid sit. Scire igitur quia, est cognoscere aliquid uel per causam remotam, ex qua modo aliquo necessariò pendet: uel per effectum necessarium, siue reciprocet, siue sit minoris ambitus. Quod cum ita esse, & ex communi hominum loquendi more, & ex ipsa rei ueritate concedendum sit, haud dubium esse potest, quin fateri oporteat, necessarium esse, eam demonstrationem quæ efficit huiusmodi scire, esse syllogismum ex ueris, ex necessarijs, ex causis remotis, uel effectibus, ex perpetuis & incorruptibilibus, ex prioribus & notioribus. aliter enim non faceret scire, contrà quàm positum est. Quemadmodum autem hoc sequatur, patet ex his quæ dicta sunt. Atque hoc ipsum scire quia, differt à scire propter quid, aut in eadem scientia, aut in diuersa. In eadem scientia bifariam: uel per effectum, uel per causam remotam. Per effectum: ut, Quicquid non scintillat propè est, planetæ non scintillant, ergo propè sunt. hic enim syllogismus neque est propter quid, neque per causam, sed per effectum. nam planetæ non sunt nobis propinqui, quòd non scintillant: sed quia propè sunt, idcirco non scintillant. Quare si ita dixerimus, Quod est propè non scintillat, planetæ sunt propè, ergo non scintillant: hic erit syllogismus per causam, atque ita dicetur propter quid. Neque hoc absurdum uideri debet. fieri enim potest, ut ex eis quæ inter se conuertantur, aliquando id quod non est causa, sit ipsamet causa notius. sicut etiam fit in his quæ non conuertuntur. Scire autem quia, per causam remotam differt ab ipso scire propter quid, hoc modo. Nam si ita dicamus, Quicquid respirat est animal, paries non est animal, ergo non respirat: hic est syllogismus per causam remotam. Quòd si ita dicamus, Omne respirans habet pulmonem, paries non habet pulmonem, igitur non respirat: est syllogismus propter quid. etenim non habere pulmonem, est causa, cur paries non respiret: propterea quod habere pulmonem, est causa respirandi. omne enim habens pulmonem, respirat. In diuersa uerò scientia scire quia, & scire propter quid, hoc inter se differunt, quòd in una scientia sciur quia, in altera propter quid. Atque hæc quidem scientiæ ita se necessariò habent, ut una sit sub altera sic, ut ea quæ declarat quia, sit sub ea quæ explicat propter quid: ut Perspectiua sub Geometria, Musica sub Arithmetica. Nam Geometria tradit propter quid, complurium rerum, quæ sunt in ipsa Perspectiua, principia. Arithmetica item

complurium, quæ sunt principia in Musica, ac propterea subalternat utraque sibi eam, cuius principiorum causam aperit. Sed de his & in Commentario nostro, & in Apologia satis dictum est. Si uerò id cuius scientiam consequi uolumus, fuerit ex ijs quæ ut in pluribus eueniunt, necesse erit, principia, quibus illud ipsum declaratur, quæ quidem media appellantur, esse item ex ijs quæ ut in pluribus eueniunt, huiusmodiq; ratiocinationem communiori uocabulo demonstrationem uocabimus.

## SECTIO V.

**R**ius, & notius, duobus inter se distingui modis, nemo est, credo, qui dubitet. alterum enim, quod ad naturam attinet, prius & notius dicitur: alterum, quod ad nos. Quod ad nos autem attinet, priora & notiora dicuntur effectus: quod ad ipsam naturam, causæ. Nihil tamen obstat, quo minus aliquando idem sit, & nobis, & naturæ notius, aliter enim ueræ tollerentur demonstrationes: siquidem dictum est in utroque demonstrationum genere illas esse ex prioribus, & notioribus, siue quod ad nos tantum attinet, ut demonstrationes quia: siue quod ad nos, & quod ad naturam simul, ut demonstrationes simpliciter. Propositiones autem, ex quibus una aliqua conclusio discitur, dicuntur esse illa ipsa conclusione notiores: propterea quod quoties est aliqua affectio accidentalis, quæ duabus rebus non propriè conueniat, & uni quidem propterea conueniat, quod alteri prius conuenit, tunc his conditionibus diligenter consideratis, uidebimus illam affectionem magis semper conuenire causæ, quàm effectui. Quod quidem euenire in omni demonstrationum genere, ratione eorum quæ discuntur, planè perspicuum est.

## SECTIO VI.

**U**m uerò iam explicata sit natura, & affectiones demonstrationis, dictum sit etiam, illam esse syllogismum, tres autem sint syllogismorum figuræ, operæ precium est declarare, quæ figura, quicq; ipsius figuræ modus maxime faciat scire, quò perfectiorem absolutioremq; ipsius demonstrationis cognitionem consequamur. Prima igitur figura, primusq; illius modus hac in re longè cæteris præstat: cuius quidem rei illud argumento est, quod Mathematicæ facultates, quæ sciendi ratione facile inter omnes excellunt, in hac figura, & in hoc modo præcipuè demonstrationes constituunt. Præterea scire propter quid, est maxime scire: in prima autem figura potissimum fiunt demonstrationes propter quid, ut patet, si rectè consideretur: ergo prima figura, atque huius primus præcipuè modus, facit maxime scire. Id etiam ex eo confirmari posse uidetur, quod scientia ipsius quid est, uno omnium consensu, est maxima. hanc autem scientiam existere tantum ex prima figura, illud facile declarat, quod neque in secunda figura est conclusio affirmatiua, neque in tertia uniuersalis, quod quidem maxime necessarium

necessarium est, cum huiusmodi scientia & affirmatiua sit, & uniuersalis. Quòd si quaerat aliquis, quo id pacto fieri possit, cum in definitione, quæ facit scire quid est, non dicatur aliquid de aliquo: quod autem scitur per definitionem, non possit sciri per demonstrationem: unius enim rei, quatenus una est, non potest esse nisi una scientia, cum item definitio neque uniuersalis sit, neque affirmatiua, ut supra dictum est: prima uerò figura efficiat scientiam ipsius quid est, quæ quidem scientia est uniuersalis, & affirmatiua. Dicimus, primam figuram concludere, uerbi gratia, animal rationale inesse omni homini, ut prædicatum, cum scilicet ignotum est, quod mox considerantibus intelligitur esse substantia hominis, ut in Apologia nostra disseruimus. Quare prima figura dicitur efficere scientiam ipsius quid est, quæ quidem scientia est uniuersalis, & affirmatiua, quòd scilicet huius cognitionis occasionem præbet ex conuisione uniuersali, & affirmatiua: non quòd re uera efficiat talem scientiam, & talis scientia sit uniuersalis, & affirmatiua, ob eas quas attulimus rationes. Ita enim demonstratio sese habet ad scientiam ipsius quid est, ut sensus ad scientiam. Huc etiam accedit, quòd secunda & tertia figura redigitur ad primam, ut ex necessitate uideatur concludere, atque ita faciat scire. Prima uerò non redigitur ad ipsas, neque eis planè quicquam indiget, ut faciat scire, quemadmodum illæ prima indigent, ex qua quidem re perspicuum est, eam maximè facere scire. id enim quod per se ipsum habet aliquid, dicendum est magis habere, quàm illud quod accipit ab eo. Multa uerò alia dici potuerunt, quæ tamen nos idcirco omisimus, quod ab instituto nostro, qui breuitatem, quantum rei natura patitur, sequi statui-

mus, ualde erant aliena.

## INSTITVTIONIS IN LIBRVM

POSTERIORVM ANALYTICORVM,

LIBER II.

SECTIO PRIMA.



QUONIAM Logicæ facultati illud inprimis propositum est, ut doceat, quonam pacto conficiantur omnia sciendi instrumenta: hæc autem (ut ostensum est in exordio) sunt duo, Demonstratio, & definitio: cum satis iam egerimus de demonstratione, propter eam, quam in Apologia diximus, causam, etsi natura demonstratio est posterior definitione, consequens est, ut definitionem tanquam alterum sciendi instrumentum, pertractemus. Cæterum, quia eius natura & affectus recte explicari non possunt, nisi ea ratione, qua explicauimus naturam & affectus demonstrationis, uidelicet ex finis cognitione, necessarium

est ponere definitiones huiusmodi quæ erunt uti positiones, si prius tamen alia quædam, quæ maxime sunt necessaria, docuerimus. Eorum igitur quæ sunt, alia sunt uniuersalia, alia singularia, ut superioribus quoque libris satis pro nostræ Institutionis ratione explicatū est. Vniuersale dicitur illud ens, quod de pluribus enunciat, ut homo. Singulare, quod de nullo efferri potest, ut Socrates, Plato.

Vniuersale autem in multas distribuitur partes. nam aliud dicitur esse genus, aliud differentia, aliud species, aliud proprium, aliud acci dens: quæ omnia propter eam, quam demonstrauius, causam, de finienda sunt. Genus dicitur illud uniuersale, quod de pluribus specie differentibus pariter enunciat, in eo quod quid est, ut animal: quod dicitur de homine, de asino, de boue, & cæteris huiusmodi, atque eodem modo uniuersaliter explicat horum omnium quid est, itaque commune est eorū genus. Diximus autem eodem modo efferri de omnibus illis, quia aliter non esset uerum genus. uerum enim genus necessariò est uniuocum. In eo autem quod quid est, ponuntur ea quibus explicari oportet ipsum quod quid est eius rei, quæ definit.

Differentia appellat uniuersale illud, quod de pluribus, uel specie, uel numero differentibus, eodem modo prædicatur, duntaxat in eo quod quale quid, ut rationale. Dictum est autem in eo quod quale quid, quia re uera prædicantur in quid. Dicuntur uerò prædicari in quale, propterea quòd significant formam, quæ se habet instar qualitatis, ratione materiæ, quæ per genus refertur. Species est illud uniuersale, quod æquè de pluribus numero differentibus dicitur in eo quod quid est, ut homo. dicitur enim de Socrate, de Platone, & reliquis id genus. Proprium simpliciter uocatur illud uniuersale, quod de pluribus, uel specie, uel numero tantum differentibus effer tur, nec explicat quod quid est, soli quæ inest, & semper, ac uicissim de illa re prædicatur, cuius est proprium: ueluti hominis proprium est, natum esse ad percipiendam Grammaticam. nam si homo sit, est id etiam quod natum est ad percipiendam Grammaticam. ac rursus, si id sit quod natum est ad percipiendam Grammaticam, est homo.

Accidens dicitur esse illud uniuersale, quod eidem eorum, de quibus dicitur, potest & inesse, & non inesse, ut sedere. contingit enim alicui eidem, & inesse, & non inesse. Atque hæc quidem definitio uidetur accidenti duntaxat separabili conuenire. Quòd si communior accidentis definitio tradenda sit, ita fortasse recte definitur. Accidens est illud uniuersale, quod quidem prædicari potest: sed non explicat substantiam eius rei, qua de prædicatur, quemadmodum genera & differentia: neque uicissim illa ipsa res de illo prædicatur, sicut propria simpliciter. Atque hæc mihi quidem definitio uidetur comprehendere non minus inseparabile accidens, quàm separabile: ut nigredo dicitur esse accidens corui.

Materia est causa, quæ secundum se non est hoc aliquid, sed est potentia, & inest.

Forma est causa, qua unumquodque dicitur esse hoc aliquid.

Efficiens



Efficiens est causa, unde motus.

Finis est causa, cuius gratia cætera fiunt.

Scire simpliciter unumquodq; incomplexorum, est cognoscere illud per causam, propter quam est, cognoscendo illam esse ueram eius causam, neque fieri posse quin ab illa causa existat.

Definitio, cuius naturam, affectionesq; siue ea quæ affectionum uim obtinent, hoc loco declaraturi sumus, ut sciamus ipsas etiam definitiones conficere, confectasq; iudicare: est oratio, quæ id quod definitur, explicat quid sit. Quare necessariò constat ex genere proximo, & ex differentia proxima: uel ex genere remoto, & reliquis omnibus usque ad differentiam, quæ recipiuntur cum re quæ definitur. Nam quæ probè declarant quid est, sunt sola genera, & differentiæ. definitio autem (uti patet) constat ex eis quæ declarant quid est, igitur est ex huiusmodi. Quocirca necesse est, ut sit etiam ex causis. tunc enim scimus, cum causas cognitās habemus, itaque constat ex materia & forma. nam causæ quæ sunt intrinsecus, sunt materia & forma, ut ex earum definitionibus perspicuum est. Definitionem autem esse ex causis, quæ sunt intrinsecus, sic ostendi potest. Quod explicat uerè quid est alicuius rei, dicitur esse illi intrinsecus: definitio uera, est ex eis quæ uerè explicant quid est: igitur est ex eis quæ sunt intrinsecus. Maior propositio hinc manifestata est: quia id quod est idem, quod aliqua una res, omnino dicitur inesse illi intrinsecus: quod autem explicat quid est alicuius rei, uerè dicitur esse idem quod illa ipsa res. aliter enim non explicaret uerè, quid sit illa res. Ergo id quod explicat quid est alicuius rei, inest illi intrinsecus.

His ita constitutis, illud inferri licet, genus & differentiam esse idem modo aliquo, quod est materia & forma. ea enim ex quibus constat definitio, sunt tantummodo materia & forma. siquidem hæ unæ constituunt definitum. Genus autem, & differentia, sunt ea ex quibus (ut ostensum est) constat definitio. ergo sunt idem quod materia & forma. Sed cum genus & differentia non sint omnino idem quod materia & forma, propterea quòd hæ non prædicantur in recto, neque possunt ostendere (ut ita dicam) identitatem ipsius definiti, id quod exigitur, necesse est ob ea quæ dicta sunt, ut in definitionibus, quibus explicari debet rei identitas, sint materiæ & formæ exemplaria. Sed cum differentia perspicuè formam referat, consequens est, ut genus, quamuis sumatur à forma, quæ est principium & essendi, & cognoscendi, tamen referat materiam, & sit eius exemplar. Genus igitur, & differentia, ut significetur rerum identitas, quam non potest significare neq; materia, neq; forma, sumuntur in definitionibus, prout locū obtinent materiæ & formæ, suntq; earum exemplaria. Quod cū ita sit, patet, definitionem cōstare ex causis essendi. materia enim & forma (ut ostendimus) sunt causæ essendi, & per consequens genus & differentia, quæ sunt earum exemplaria. Sed definitio non potest esse ex huiusmodi causis, cum sunt

d 5 coniunctæ:

coniunctæ: quia tunc sunt idem quod definitum, idem autem propriè non dicitur sui ipsius causa. Igitur cum definitio dicitur esse ex causis ipsius definiti, dicitur esse ex ijs quæ erant cause, antequam essent coniuncta.

Dicitur item esse ex prioribus, quia causa est prior effectu: & ex notioribus, non solum quod ad naturam attinet, quia sunt cause, sed etiam quod ad nos: quoniam per illas uerè discimus, & cognoscimus. Hanc etiam ob causam dicendum uidetur, definitionem non fieri ex translatis: quoniam ea quæ translata dicuntur, obscura sunt. ut si quis definiat, scientiam esse rem, quæ excidere atque amitti non potest. Neque item ex nominibus, quæ usitata non sunt. obscurum est enim omne insolens uerbum: ut si oculum definiamus esse umbricilium, & medullam ossigenam. Nec etiam ex causis, quæ non propriè dicuntur: ut si lex definiatur esse mensura uniuersalis, & imago quædam eorum quæ natura iusta sunt. hæc enim obscuriora uidentur etiam translatione, quippe quæ aliquo modo tamen rem declarat, atque aperit per similitudinem: siquidem ab aliqua semper similitudine ducitur. In hoc autem quod proximè allatum est exemplum, nulla planè uidetur inesse similitudo, quare lex ita dicatur: quocirca obscure admodum dicitur. Neque item ex eis debet esse definitio, ex quibus non eliciatur, intelligaturque contrarium definiti: ut si album definiatur, ex illius autem definitione non manifesta sit nigri quoque definitio, non erit hæc uera ipsius albi definitio. Neque etiam ex eis quæ si per se proferantur, non pateat cuius rei definitio sit. Nam si statuamus, animal rationale esse definitionem hominis, necesse est, simulatque hoc prolatum sit, appareat, esse ipsius hominis definitionem. aliter enim uera non erit definitio. Ex his quæ dicta sunt, illud consequi uidetur, ut definitio non possit esse ex negationibus, nisi priuatiuæ sint: ut si quis definiat, Cæcū esse eum qui nihil cernit, cuius tamè alioqui proprium est cernere. Neque ex specie, tanquam ex differentia: ut si conuicium definiatur esse iniuria cum illusione. illusio enim dicimus esse iniuriam quandam: quocirca illusio non potest poni in definitione conuicij, cum sit ipsius iniuriæ species. Nec etiam definitio potest confici ex ijs quibus idem frequenter significatur: res enim definita uideretur sapius esse illa ipsa res, per quam definita esset. quod quidem ex eis quæ dicta sunt, patet esse absurdissimum. Nec item potest esse ex ijs quæ insunt omnibus, quæ quidem à nulla re id quod definitur separant. necesse est enim genera distinguere rem quæ definitur, ab omnibus ijs quæ non continentur eodem genere. Neque item per oppositum definiatur oppositum: ut bonum, quod malo est oppositum, per malum. nam cum opposita simul natura sint, definitio non posset esse ex prioribus, nisi opposita essent relatiua. cum enim eorū essentia sit in ordine ad aliud, fieri non potest, ut essentia unius percipiatur absque alterius cognitione, cum alterū necessariò pereipiatur ex alterius definitione, quo coninetur (ut ita dicam) eius essentia. Neque etiam definitio erit ex eisdem:

eisdem : ut si quis definiat, solem esse stellam, quæ die appareat. qui enim diem dicit, is solem quoque nominat, quoniam dies est radiorum solis effusio super terram : quocirca qui radiorum solis effusionem dixit, diem etiam dicit : ex quo sequitur, ut qui solem dicit, diem etiam dicat. Neque item ex eis quæ ex eodem genere diuerso diuiduntur. nō enim definiendum est, imparem numerum esse, qui uno parem superet, aut ab eo superetur. simul enim ex eodem genere diuerso diuiduntur. Neque erit ex inferioribus : non enim recte definitur, bonum esse uirtutis habitum, cum uirtus sit bonum quoddam : quare qui uirtutem, idem bonum quoque dicit. Neque etiam erit ex eis quæ admittunt magis et minus, non admittente illa re quæ definitur. oportet enim uel utrunq; admittere, uel certe neutrum, cū definitio idem planè sit quod definitum. Neque item ex eis quæ magis quidem & minus recipiunt, at non simul : ut si quis definiat, amorem esse concupiscentiam coitus. non enim uerum est semper, qui plus amet, hunc etiam magis coitum concupiscere : quod quidem omnino consequeretur, si recta fuisset amoris definitio. Multa præterea fuissent ab ipsis definitionibus excludenda. sed quoniam ex his quæ dicta sunt, reliqua satis faciliè intelligi posse uiderentur, breuitatis causa omitrenda duximus. Multa etiam ex his quæ connumerata sunt, omitti potuissent, ut quæ se inuicem sequuntur, atque ex alijs mutuò pendent. Sed quo res plenius, dilucidiusq; explicaretur, non missa facienda esse statuimus.

Cæterum, orationes quæ non ex huiusmodi generibus differentijsq; & causis (ut docuimus) confectæ sunt, tamen dicuntur aliquo modo declarare quid est, communiori uocabulo definitiones appellantur, quemadmodum etiam de demonstrationibus à posteriori dictum est, propriè autem descriptiones uocandæ sunt. Quæ tamen definitiones, aut si mauis, descriptiones, inter se differunt : quòd aliæ sunt perfectiores, aliæ minus perfectæ, atque eiusdem etiã rei plures possunt esse huiusmodi definitiones. Quòd longè aliter euenit in ea quæ simpliciter est definitio, quemadmodum etiam in demonstratione simpliciter euenire, ex eis quæ dicta sunt, faciliè intelligi potest. Hæc nos, quæ ad definitionem pertinerent, idcirco pluribus exposuimus, quòd cognitionem definitionum, quibus ipsum quid est explicatur, maxime necessariam esse, cæterisq; omnibus cognitionum generibus præstare iudicauimus.

#### SECTIO II.



**Q**uòd si quid à nobis definiendum sit, illud primum quærendum est, nisi perspicuum sit, sub quo ex decem generibus sit res ea quam definire uolumus : si tamen est ex his, quæ decem illius generibus continentur. Deinde pergemus diuidere usq; ad differentiam tam quæ cum re, quæ definienda sit, conuertatur, aut inuento, sub quo res erit genere generalissimo, uti uocant : omisis omnibus ijs quæ diximus, tanquam manifestis,

nifestis, breuitatis causa sumemus tantummodo genus proximum cum differentia eius propria, itaque perfectam rei definitionem constituemus. Vtrum autem ea res quæ definitur, ut (uerbi gratia) homo, sub eo sit genere quod sumplerimus, nec ne, ex ijs quæ docentur in Prædicamentis, nec ulla omnino alia ratione, propriè licebit intelligere. An uerò ea quæ definitur res, comprehendatur, exempli causa, sub corpore animato, & sub animali: item an ipsum corpus animatum, & animal, sint in quod quid est rei illius, cuius definitio quæritur, ut hominis, non à Prædicamentis (ut plerique omnes, meo quidem iudicio, non recte existimant) sed ab ipsa potissimum naturali philosophia petendum esse arbitramur. Cuius quidem philosophiæ proprium munus esse constat, naturam, affectusque corporis animati, & ipsius animalis cognitam, perceptamque habere, quorum nihil sanè ad prædicamenta pertinet. Quæ uerò sint genera, quæ item differentiæ, ex eorum definitione licebit intelligere. Definitio itaque ex eis quæ de definitionibus dicta sunt, & ex doctrina Libri Prædicamentorum, & ex earum rerum cognitione, quæ ad illam facultatem pertinent, ad quam spectat & animal, & homo, cæteraque his consimilia, facillè constabit, an recte inuenta, confecta que sit, nec ne. Non enim generis, aut ipsius definitionis definitio sola potest hoc præstare. Neque tamen idcirco existimandum est, Logicam esse superuacaneam, quodd, nunquid animal sit in homine uerè, & in quod quid est, nunquid item animal rationale mortale sit in hominis definitione, ne, aut risibile omni homini, illique uni & semper conueniat, eodemque modo de cæteris huiusmodi, ipsa per se intelligere non potest. hæc enim si Logica intelligeret, ociosæ essent (ut ego quidem arbitror) aut nihil planè agerent reliquæ facultates. Nam etsi hoc quod dictum est, præstare non potest Logica, tamen utilis est: sicuti ex eis quæ dicta sunt, quæque dicuntur, facillè intelligi licet. Etenim Philosophus naturalis (quod idem cæteri faciunt artifices) intelligens ex ijs quæ à se pertractantur, animal rationale esse in substantia hominis, ex regulis, quas Logica tradit, facillè cognoscit, huiusmodi orationem esse ipsius hominis definitionem. id quod etiam de demonstratione dicendum est. Itaque nouit sese ea tenere, quorum habentur definitiones, & demonstrationes. Atque hæc utilitas est, quam nobis potissimum affert ars ea, quæ Logica appellatur, sine qua nullam haberemus cognitionem instrumentorum, quibus cognoscimus ignota. Quod uerò dictum est de homine, & de animali, hoc ipsum intelligendum est de cæteris omnibus, cum quadam tamen similitudine. Neque uero cuique mirum uidebitur, quod cum nobis illud propositum fuerit, ut Institutionem quandam in Posteriorum lib. describeremus, non eandem tamen definitionis naturam, eosdemque affectus esse statuerimus, quos Aristoteles in eo ipso libro tradidit. hoc enim à nobis idcirco factum est, quod existimamus, ea quæ ibi scripserit Aristoteles, non ut quod ipse sentiret, ueramque definitionum naturam doceret, scripsisse: sed ut ea quæ ex ipsa loquendi consuetudine

tudine magis manifesta erant, sequeretur. Quod quare ab eo factum sit, diligentius alio loco, quantum quidem per nos poterit, explicabitur. Iam uerò de demonstratione, ac definitione, quæ sunt ueluti instrumenta quædam, per quæ omnem rerum scientiam consequimur, satis superq; pro instituti nostri ratione dictum esse arbitramur.

## SECTIO III.



Erumenimucò cum dixerimus, principia, ex quibus constituuntur demonstrationes, nullo modo posse demonstrari, ut omnis quæ hinc oriri possit dubitatio tollatur, declarandum esse ducimus, quãnam ratione cognoscantur. & cum quinque sint habitus, quibus uerum uel assentiendo, uel dissentiendo perspicimus, ars uidelicet, scientia, prudentia, sapientia, intellectus: opinione uerò fiat, ut interdum decipiamur: quærendum est etiam, quo habitu illa ipsa principia percipiantur. Sed prius dispiciendum esse uidetur, quònam illa pacto in nobis reperiantur. Cum ergo fieri non possit, ut nascentibus illa nobis insint, sequeretur enim (quòd quidem ab omni ratione prorsus abhorret) ut nos laterent, quæ nobis ineffent, admodum perspicue cognitiones: cum item haberi non possint (ut superius dictum est) ex præcedente aliqua cognitione, sic enim principiorum essent principia, & doctrinæ doctrinæ: sciendum est, eum à nobis perspicue teneantur, à sensu illa oriri. cui sensui cum sese offerant singularia, ex eorum similitudine intellectus colligit uniuersalia, atque huiusmodi, de quibus loquimur, principia: idq; quòd sensu efficitur memoria, memoria experimentum, experimento uniuersali, quòd quidem artis est, uel scientiæ principium, quatenus ratione diuersas res ipsas artes & scientiæ considerant. Itaque satis patere uidetur, nobis illa nascentibus non ineffe, sed acquiri, & comparari, idq; nullo alio habitu notiore fieri, nisi (ut diximus) sensitiua cognitione: quæ quidem etsi imbecillior est intellectuua cognitione, ea tamen est, sine qua intellectus nihil intelligat. Vt autem satis alij dubitationi faciamus, dicendum restat, non posse principia & intellectus habitu, quæ scientia dicitur, percipi. nam cum sit omnis scientia cum ratione aliqua coniuncta, principiorum cognitio ab omni ratione seiuncta est. aliter enim in infinitum procederetur. Neque illud item dici posse arbitror, ipsorum principiorum esse uel artem, uel prudentiam, propterea quòd hæ uersantur in eo quòd potest aliter esse, & non esse, quòdq; potest à nobis aut agi, aut fieri. nec à ratione planè sciungi possunt, siquidem prudentia est habitus cum ratione actiuus, ars uerò habitus cum ratione effectiuus, principiorum autem longè alia est cognitio. Neque item ipsorum est habitus ille, qui sapientia nuncupatur, cum sapientia ea quoq; comprehendat, quorum habentur demonstrationes, principiorū autem nulla

nulla planè queat esse demonstratio. Cæterùm, cum numero quinque sint (ut dictum est) habitus intellectus, quibus uerum aut assentiendo, aut dissentiendo perspicimus: ipsorum autem principiorum neque sit ars, neque prudentia, neque sapientia, neque scientia: reliquum est, ut eorum sit ille habitus, qui dicitur intellectus. Quòd si aliquando huiusmodi cognitio appelletur scientia, existimandum est, nomen scientiæ accipi communiori uocabulo, pro cognitione scilicet, uel noticia: nisi uelimus omnia quæ dicta sunt, funditus euertere, quod quidem esset omnium absurdissimum.

#### DE SYLLOGISMO DIALECTICO.



Um uerò (uti sæpe iam diximus) ille sit finis huius facultatis, ut regulas tradat, quibus regulis conficiuntur omnia instrumenta cognoscendi: hæc autem ipsa instrumenta sint, demonstratio, definitio, & syllogismus Dialecticus: ac satis iam de demonstratione, & de definitione egerimus: reliquum est, ut syllogismum Dialecticum tractemus.

Opinari igitur uerè, est cognoscere aliquid per ea probabilia, quæ sunt circa illud.

Probabilia sunt autè, quæ probantur aut omnibus, aut plurimis, aut sapientibus: atque ipsi quidè uel omnibus, uel plurimis, uel ipsi quorum sapientia maximè cognita est, & perspecta.

Syllogismus Dialecticus, est syllogismus qui gignit opinionem: quare necesse est, ut ex probabilibus constet, omnis enim syllogismus qui gignit opinionem, est ex his quæ probantur aut omnibus, aut plurimis, aut sapientibus, & quæ sequuntur. Ea autem quæ probantur aut omnibus, aut plurimis, sunt probabilia: igitur syllogismus Dialecticus est ex probabilibus, quod quidem satis per se liquet.

#### *De syllogismo, quem litigiosum uocant.*



Via uerò non ea solum pertractanda sunt, ex quibus uera opinantur homines: sed illa etiam, quibus decipiuntur, non ut his quidem utamur, sed ut ea facilius uitemus: non alienum esse uidetur, docere etiam conficere syllogismum sophisticum.

Decipi igitur est, credere aliquid, aut ex his quæ probabilia quidè uidentur, tamen non sunt: aut ex probabilibus, quæ & in modo, & in figura rectè constituta uidentur, non autem sunt: aut ex his quæ hæc omnia quæ dicta sunt, habere uidentur, tamen non habent.

Quæ aut uidentur probabilia, quæ tamen non sunt, sunt ea quæ non probantur aut omnibus, aut plurimis, aut sapientibus: & ipsi uel omnibus, uel plurimis, uel maximè notis, & egregijs: sed uidentur probari.

Syllogismus sophisticus est, syllogismus quo decipimur. quamobrem necesse est, syllogismum sophisticum aut ex his constare quæ probabilia uidentur, tamen non sunt: aut ex his quæ cum probabilibus sint,

sint, recte uidentur constituta & in modo, & in figura, tamen non sunt: aut ex ijs quæ uidentur habere hæc omnia, tamen non habent. Atque hæc ipsa quidem ita sequi, patet, quemadmodum in syllogismo Dialectico demonstrauius. His absolutis, perfectam nobis uidemur instrumentorum omnium cognitionem tradidisse, sicuti initio polliciti sumus. Locienim communes, & probabiles, qui sunt in Topicis, & loci ij qui uocantur apparentes, qui sunt in Elenchis, nihil ad Logicam pertinent, sed Dialecticæ propriè sunt. Quæ quidem Dialectica (ut in proœmio uniuersali ostendimus) longè alia est à Logica. Nihil hic autem nos de Dialectica, quòd uoluimus Logicam tantum pertractare. Aristoteles uerò (ut in Commentario diximus) utraq; simul complexus est. Quare nos ad ea quæ de Dialectica ipse disseruit, planè reijcimus.

INSTITVTIONIS IN VNIVERSAM  
LOGICAM FINIS.

ANTONII





ANTONII BER  
NARDI MIRANDVLANI  
COMMENTARIVS.



ALEXANDRO CARDINALI FAR-  
NESIO S. R. E. VICECANCELL-  
lario, Antonius Bernardus S. D.



*V* M summo nobilitatis & amplitudinis  
tuæ splendori præclara literarum ornamen-  
ta adiungenda putasses: statuissesq; sublimem  
& præstantem animum tuum, quem ab incun-  
te ætate Græcis Latinisq; literis excoluis-  
ses, Philosophiæ studio perpolitè, ac planè  
instituire: cumq; tibi non inutilem operam no-  
stram, ac laborem fore duxisses in hoc studiorum genere, in quibus nos  
scetres omnem ætatem consumpsisse: equidem illud sedulo agendum mi-  
hi sum arbitratus, ut te, quasi in amœnissimos, locupletissimosq; Phi-  
losophiæ hortos, quàm breuissima possem, rectissimaq; uia, deduce-  
rem. Sed cum & tu à me, dum Aristotelem interpretarer, sæpius  
quæsissem, & multi præterea satis mirari non desinerent, cur tanto-  
pere ab ijs qui ante hoc idem Philosophiæ studium professi sunt, dis-  
sentirem, ut non ab ipsis decem rerum generibus, sicuti factum est ha-  
ætenus, sed ab eo qui de Interpretatione inscribitur liber, Logicæ  
docendæ initium sumerem: ut intelligeres, non temere me, sed cum di-  
ligenti, assiduaq; Aristotelis lectione, tum etiam multis rationibus,  
& ijs (meo quidem iudicio) firmissimis, adductum in hanc sententiã  
uenisse, huiusce rei rationem tibi reddendam existimaui. Quam in  
Commentarium retuli, idq; ad te misi, ut tuis potissimum auspicijs in  
doctissimorum manus exiret, illiq; hoc rogatu tuo diligenter accura-  
teq; perlegerent. Cum enim ego in tantarum obscuritate facile er-  
rare ac decipi possem, ita quidem sperabam fore, ut aut illi me ex hoc  
errore (sitamen esset error) eximerent: aut ipse ex eorum animis ue-  
rustam illam ac penitus insitam opinionem euellerem, nostraq; omnis  
in Philosophia dissensio tolleretur. Quorum quidem alterum etsi mi-  
hi maxime optandum uidetur, alterum tamen non minus  
certè gratum, iucundumq; acciderit. *V*ale.

## AD ALEXANDRVM CARDINALEM

FARNESIVM S. R. E. VICECANCELLARIVM,

ANTONII BERNARDI MI-

randulani Commentarius.

## SECTIO PRIMA.



QUONIAM propositum nobis est, ut (quantum per nos fieri poterit) ostendamus, eam quæ habetur in libro Prædicamentorū doctrinam, ex Aristotelis sententia, nō esse partē Logicæ, faciendū nobis esse iudicauimus, ut primò exordium poneremus, quod etiā in Logica institutione posuimus, ut seorsum & hic libet, & illa institutio haberi posset: quo exordio finē principale huius facultatis, ipsiusq; finis causam, simul & quid ipsa sit, & quo differat à Dialectica, exponeremus. His enim cognitis futurū esse cōfidimus, ut huius rei ueritas faciliè perspicui possit.

Ea quæ querimus, sunt numero totidem, quot ea quæ uel opinando, uel sciendo cognoscimus. Querimus autem quatuor: ac primū quidem, secundū nostrum cognoscendi modum, An sit res. Quod cum assecuti sumus, sequitur illa quæstio, Quid sit: deinde, Qualis sit: postremò, Propter quid sit. Cum uerò (ut dictum est) quatuor sint ea quæ querimus, totidem sunt quæ inuenientes, uel opinando, uel sciendo cognoscimus. Cæterū quia omnis quæstio mediū ali-quod, tanquam instrumentū, querit, quo eius rei cognitionem consequamur, qua de re ambigitur (id quod ex eo faciliè intelligi potest, quod illo reperto tollit̃ omnis quæstio) necesse est ut hoc ipsum mediū quærentes, aliquā ex ijs quæ suprà dictæ sunt, quæstionibus, inuestigemus. Cum autē huiusmodi mediū, aut instrumentū, (ut ne mini dubiū esse debet) sit definitio, & syllogismus, uel demonstratiuus, uel dialecticus (omnia enim tribus his tantū cognoscūtur. nā Quid est, definitione tantū percipit: in eo enim nō dicitur aliquid de aliquo. Si est, & quale est, & propter quid est, demonstratione, & syllogismo Dialectico) necessariò quærendæ sunt ipsæ definitiones, & syllogismi. nā cætera quæ uidentur esse cognoscendi instrumenta, ad hæc duo sunt omnino referenda. Sed cum ita ferè usu ueniat, ut in huiusmodi definitionibus & syllogismis reperiendis cōficiendisq; erremus, existimantes uerā nos rerū cognitionem esse cōsecutos, cū tamen postremò reperiamus, longè deceptos esse: necesse est, si hanc rerum cognitionem cōsequi uolumus, uti sanè debemus (omnes enim homines natura scire desiderant) inuenire artem, quæ ars horum instrumentorum, quib. omnium dubiarum rerum acquiritur cognitio, regulas tradat, ex quibus intelligamus utrū recte cognoscamus, nec ne. Neq; uerò id planè difficile erit. nā quicquid sine arte ac studio ullo quandoq; sit, multo sanè magis arte curaq; adhibita fieri potest. Sed

Sed quoniā unaquēq; facultas habet unum aliquod principale, qd subiectū dicitur, est enim subiectū id, cuius quidem causa cetera quæ in illa facultate sunt, cōsiderantur, atq; ad unum illud referuntur: quod item cōplectitur omnia quæ per se tractantur (habet enim & partes, & proprietates, quæ probantur de ipso, ac de eius partibus) illam q; ipsam facultatem cuius est subiectum, non excedit: à cuius etiam unitate suam quēq; facultas accipit unitatem: aliter enim neq; principale, neq; idoneum, nec unum subiectum esset: consequens esse uidetur, ut huius quoque facultatis unum sit aliquod huiusmodi subiectum, quod quidem erit uel oratio simpliciter, uel syllogismus simpliciter, uel demonstratio, uel syllogismus Dialecticus, uel definitio, uel argumentatio, uel ens rationis, uel ens reale, uel modus sciendi, uel modus cognoscendi. ex his enim aliquod unum maximè uidetur esse Logicæ subiectum. Sed fieri non potest, ut sit oratio simpliciter sumpta, quod neq; ipsa propter se, sed ob definitionem & demonstrationem, & ceteros syllogismos cōsideratur, nec per illam cognoscimus quicq; eorum quæ dubia sunt. Neq; syllogismus simpliciter, propter hanc eandē causam. Si enim liceret sine syllogismo simpliciter demonstrationē & syllogismum Dialecticū discere, nulla ipsius syllogismi mentio fieret, id enim quod nobis propositū est, sine ipso assequeremur. Neq; item demonstratio, cum enim excluderetur syllogismus Dialecticus, quē tamen per se cōsiderari oportet, efficit enim rerum dubiarum opinionē, quam etiam exoptamus: tum definitio, quæ scientiam gignit omnium maximā, quippe quæ declarat ipsum quid est, tolleretur. Quod quidem absurdum esse, præ cæteris ostendit maximè huius ipsius facultatis finis causa, & nos alio loco pluribus declarabimus. Neq; syllogismus Dialecticus, quia nec demonstrationi, nec definitioni locus esset in hac facultate. Neq; item definitio, demonstratio enim, ac syllogismus Dialecticus, omnino tollerentur. Neq; argumentatio, quia siue cōprehendat ea per quæ scimus, aut opinamur cōplexa: siue nihil differat à syllogismo simpliciter, ex his quæ dicta sunt, excluditur. Neq; ens rationis, uel quia cōprehenderet etiam ea quæ non considerantur per se, itaq; ea quæ per accidens tractantur, æquē subiecto cōtinerentur: uel quia nō reperitur hoc ipsum ens (quo modo quidē isti loquuntur) ut alibi ostendimus. Neq; ens reale, quod complectitur cum ea quæ per se, quæq; per accidens in hac facultate considerantur: tum etiam quæ nullo modo considerantur, omne enim quod est, ens est. Neq; modus sciendi, quia non cōplectitur syllogismum Dialecticū. Neq; omnia simul possunt esse subiectū, uel quia quæ per accidēs cōsiderata sunt, per se cōsiderarentur: uel quia facultas hæc nullā haberet unitatem, quod est omnium absurdissimū. Reliquum igitur est, ut sit modus cognoscendi, is enim & cōprehendit omnia, quæ per se considerantur in hac facultate: & aliquam habet unitatem, à qua hæc ipsa facultas potest una nominari, quæ quidē est unitas ad unū (natura enim definitio est prior demonstratione, & syllogismo Dialectico) ac propter

hoc ipsum cætera considerantur. quòd etsi explicitè non definiatur, definitur tamen implicitè, quoniam illius definitio dicitur ex definitionibus specierum eius, quæ quidem definitiones sunt huiusmodi, uidelicet orationes, ex quibus cognoscimus dubia. nec quicquā obstat, quo minus subiectorū definitiones omittantur tum cum per se perspicuæ sunt.

Quoniam uerò iste cognoscendi modus est oratio, qua uel opinando, uel sciendo, cognoscimus ignota: facultas ea quæ docet hunc modum constituere, merito dicitur docere orationem constituere.

Ac cum rationi sit consentaneum, ut facultates ab ea quam primò & principaliter considerant materiam, suam accipiant nomen: hæc facultas, cuius proprium munus est, atq; officium, orationem duntaxat eo quo dictum est modo sumptam contemplari, Logica uero titulo inscribi poterit. Quæ planè cum ita esse appareat, non erit fortasse à ratione alienum, ut ipsam describentes, dicamus esse artem, quæ orationem, qua ignota uel opinando, uel sciendo cōsequamur, docet principaliter constituere, constitutamq; iudicare. Non ab re autem diximus artem esse, quia propriè non est scientia, cum manifestò doceat operari. Ex qua quidem re uidetur patère, plurimum interesse inter Logicam propriè sumptam, & Dialecticam: cum Dialectica sit facultas perspicendi probabile in unaquaq; re, idq; quòd includit locos communes, qui non magis ad ipsam Logicam pertinent, quàm ad reliquas facultates. atq; ob hanc quidem causam dicitur syllogizare contraria, & habere aditum ad propria omnium facultatum initia, quòd per ea probabilia, quæ in unaquaq; re sunt, de singulis rebus potest differere. Dicitur quoq; uersari probabiliter circa id, circa quod Prima philosophia ueris ac necessarijs modis elaborat. Quam quidem rem præstare non posse Logicam, ex ijs quæ dicta sunt, minimè in dubium uenire potest. Quòd si quis dicat, ipsam Dialecticam cōstare ex resolutiua scientia, id est ex ea parte quæ docet conditiones syllogismi Dialectici, & ex locis communibus, atque ita esse partem Logices, quemadmodum dicitur de Rhetorica, hæc quidem pars Logica est, sed ab illa parte tantummodo quæ locos includit, propriè dicitur Dialectica: uersatur enim inter oppositam & respondentem, & est ea de qua uerè enunciantur quæ dicta sunt. Itaque non rectè quidem uidentur illi facere, qui definiunt, Dialecticam esse artem artium, & scientiam scientiarum, & cætera huiusmodi, intelligendo Logicam. Huic enim definitioni nihil planè conuenit cum ipsa Logica: quia non uera est de illa quoque parte Dialecticæ, quæ tradit regulas, quæq; uerè est Logica. Quod si rationes, quæ sunt ex locis communibus, dicantur Logicæ, propterea sic dicuntur, quia sunt probabiles, & uerisimiles. *27.* enim, præter cætera, id quoque significat. Qui sit igitur finis Logicæ, & quæ huius ipsius finis causa, quidq; sit ipsa Logica, & quid à Dialectica differat, perspicuè patet.

## SECTIO II.



Is quasi totius causæ nostræ fundamentis factis, ad id quod querebatur, respondemus, nos ideo nullam fecisse mentionē eorum quæ pertractantur eo libro, quem Prædicamenta inscripsit Aristoteles, propterea quod nō sine optimis fortasserationibus in hanc opinionem discessimus, ut ea ab his quæ in hac facultate traduntur, planē remota, aliena& esse arbitremur. Facile enim quilibet intelligere potest, eo libro Aristotelē substantiæ, cæterorumq; generum, quatenus talia sunt, & specierum eorum, quatenus continentur ipsis generibus, naturam & affectus, quoad eius fieri potuit, declarare. Non enim aliter describi possunt, ut talia sunt: neque aliæ possunt eorum proprietates afferri. substantia enim est, quæ non est in subiecto, & in Prima philosophia, & ubique, itaq; de cæteris, ut inferius dicitur. Neq; etiā ordinatur ad opus, ut patet, & ex eis quæ dicentur, perspicuum esse poterit.

Præterea nisi Aristoteles in Prædicamentis egisset de substantia, ut substantia est, illiusq; affectiones ostendisset, ac ita de cæteris generibus, mancus esset, atq; imperfectus. siquidem nusquam alibi hanc rem perfectē tractavit. Neq; enim quinto Primæ philosophiæ libro id præstitit: nam eo libro, ut Aristoteles ipse, ac interpretes isti asserunt, tantummodo distinguit ea nomina quæ uariē sumuntur. neq; alibi aut de ipsis rerum generibus meminit, aut de eorum speciebus, quatenus cōtinentur ipsis generibus, quemadmodū quidem oportuit. Quare imperfectā omnino rerum cognitionē traderet Aristoteles, quod quidē ualde absurdū est. Perfectā enim omnium rerum cognitionem ex ipsarū substantia, proprietatibusq; & speciebus oriri, qui dubitet, arbitror esse neminem. Quæ quidem omnia nobis luce clarius ostendunt, eo libro substantiam, ut substantia est, itemq; cætera omnia genera, ut talia sunt, considerari. Ex qua planē perspicuū esse potest, huiusmodi pertractationem ad eam pertinere facultatem, quæ ens naturam, quatenus ens, contemplatur.

Neque uerō illud dici posse arbitror, hæc eo libro diuersis modis pertractari, qui modi per se ad diuersas pertineant facultates, uel quia eo quo dictum est modo considerantur, uel quia hoc apertē repugnat naturæ facultatum, quæ quidem sunt unius generis, cuius ratione à cæteris distinguuntur scientijs. res enim illa diuersis illis modis considerata, duo efficeret subiecta: id quod minime uidetur intelligi posse. Quod si dicatur, duobus quidem modis, sed uno principaliter considerari, hic ipse principalis modus erit primæ philosophiæ, ut patet ex eis quæ diximus, quæq; dicentur.

Falsam quoq; & ab Aristotelis sententiā planē alienam eorum opinionem ducimus, qui existimauerunt, hominem & animal, triangulum & figuram, cæteraq; his consimilia, quæ inter se rationem habent generum & specierum, eo libro, ut superiora & inferiora tractari. siquidem hæc doctrina minime id præstare potest: quippe quæ non transcendit naturam substantiæ, reliquorumq; generum. nihil

enim habet, quod non pertineat ad ipsa decem genera. neq; ulla tradit eorum proprietates, ex quibus hæc cognosci possint. nam quicquid de generibus illis, ac speciebus tractat, tractat quatenus substantia est, siue aliud quodlibet prædicamentum. supponit enim, animal esse genus, & hominem speciem, tanquam id quod propriè ab alio artifice declarari oporteat: & probat, hominem qui dicitur species, esse magis substantiam, quàm animal quod dicitur genus. Ac sane tantùm abest ut hoc contra nos faciat, ut etiam maximè nostræ faueat opinioni. Nam probare, aliquid esse magis substantiã, ad primã pertinere philosophiã, ostendit apertissimè Aristoteles, ubi demonstrat, formã esse magis substantiam, quàm materiã: idq; eo libro præstari oportere, quarto Primæ philosophiæ libro his uerbis declarat:

” Quapropter & eius quod est, ut ens est, quæcunq; sunt species,  
” unius est scientiæ genere, & specierum species contemplari.

” Quibus uerbis, inquit Alexander Aphrodisæus, aperitur, diuisionem entis in decem genera ad primam spectare philosophiam,  
” quam ipse fecit in prædicamentis. Aperitur etiã, oportere (id quod  
” à nobis dictum est) in eisdem Prædicamentis de speciebus illorum  
” generum, quatenus talia sunt, agere.

Si enim de homine ageret, ut homo est, & de animali, ut animal est, itaq; de reliquis speciebus, de quibus mentionem fecit in Prædicamentis, superuacaneæ essent cæteræ scientiæ, ut patet: sola enim relinquenter Prædicamenta. Illud etiam sequeretur, ut eisdem illi planè sibi contradicerent, quandoquidem animal & homo sic considerata, ut superius & inferius, ad secundam (ut nonnulli istorum dicunt) intellectus operationem spectarent, de qua quidem hoc libro nulla ex ipsorum sententia fieri potest mentio.

Neq; si talis cognitio ex eo libro colligeretur, dici omnino posset, huiusmodi doctrinam esse Logicæ facultatis partem. cum enim Logica cognoscere non possit, neq; substantiã esse genus corporis, neq; corpus animalis, neq; animal hominis, ac ita de cæteris: eadè ratione ignorat, animal esse superius ad hominem, & hominè inferius ad animal. Consequens igitur est, ut decem illa genera considerari nō possint, uti superiora & inferiora.

Quod planè ex hoc, præter alia, maximè intelligi posse arbitror, quòd cū Logicus, ut Logicus, nō possit cognoscere, animal rationale esse definitionem hominis, eodèq; modo de cæteris definitionib; sequitur, ut non possit etiã cognoscere, substantiã esse genus corporis, neq; corpus animalis, neq; animal hominis. Probatur consequentiã, quia nō maior est ratio unius quàm alterius, ut cōsideranti constat. Antecedens uerò confirmatur uerbis Aristotelis, qui 1. t. Posteriorū libro scribit, oratione sumpta ex definitione definitionis minimè ostendi posse, exempli gratia, animal rationale esse definitionem hominis, ad hunc modū: Oratio, quæ constat ex ijs quæ sunt, in quod quid est, est definitio: animal rationale est oratio, quæ constat ex ijs  
quæ



quæ sunt in quod quid est hominis: ergo, animal rationale est definitio hominis. Cum enim illa res nobis ignota sit, ignoramus etiam ipsam esse, in quod quid est. Ex Aristotelis igitur sententia Logicus, ut Logicus, non potest ostendere, an talis oratio sit in quid est hominis, quod assumit huiusmodi orationes sine probatione, quas tamen ostendi oporteret. Ita de genere, cæterisque huiusmodi erit, quia ex sola generis definitione intelligi non potest, animal esse genus hominis. itaque de reliquis: eadem enim est ratio. Quod si hoc præstare posset Logicus, falsum esset quod scribit Aristoteles. Sed secundo nostræ Institutionis libro, quem in secundum Posteriorum librum consecimus, hanc rem pluribus persecuti sumus: simulque addidimus, quænam sit utilitas, quam nobis præstat hæc facultas. Quod cum ita sit, patet, Logicum non posse intelligere, animal esse superius ad hominem, & hominem inferius ad animal, & sic de reliquis omnibus. itaque non posse ab eo considerari decem illa genera, ut inferiora & superiora: id quod nobis propositum fuit ostendere.

Præterea, si hoc esset proprium Logici munus, cum de cæteris idem æquè dicendum sit, ac de animali, & de homine: sequeretur omnino, quod dictum est, ut reliquæ facultates superuacaneæ essent. quoniam hæc facultas una omnium rerum naturas & affectus consideraret. fieri enim non potest, ut ea quæ dicta sunt, sine huiusmodi cognitione intelligantur. Qui enim potest aliquis cognoscere, animal esse genus hominis, non cognita ipsius animalis natura, quæ est in homine & asino, cæterisque huiusmodi: Ita uerò nihil relinquetur cæteris facultatibus, quippe quæ solas rerum naturas & affectiones cōtemplantur. siquidem hoc est proprium illarum officium. Quod si iam huiusmodi res in Logica cognite fuerint, frustra omnino tradentur in alijs scientijs: quod quidem omnium est absurdissimum.

Illud etiam ab omni ratione alienum existimamus, quod nonnulli dicunt, neque substantiam tractari ut substantiam, neque qualitatem ut qualitatem, eodemque modo de reliquis, sed ut genera. Nam si ita esset, definitio substantiæ, atque eius proprietates cōuenirent ipsi substantiæ, ut genus est: itaque de cæteris. Definitiones enim, & proprietates, quæ in una aliqua facultate ostenduntur de aliquo subiecto, debent ei conuenire, ut patet primo Posteriorum lib. cap. 4. & 5. quatenus tale est sic, ut conuertatur. Proprietates & definitiones huius rei primò considerantur in hac facultate, ergo hæc res est subiectum. Rursus, hæc res est subiectum, ergo primum definiri oportet, probandaque sunt de illa proprietates, quæ ipsi, quatenus talis est, conueniunt, ut docet Aristoteles primo Posteriorum libro his uerbis:

*Omnis namque demonstratiua scientia circa tria uersatur. sunt enim ea, quæ ponit esse: hæc autem sunt genus, cuius per se affectionum, est contemplatrix. & ea, quæ communes dignitates dicuntur, ex quibus primis demonstrat. & tertium affectus, quorum unumquodque quid significat, sumit.*

Paulo

Paulo antè etiam dixerat:

„ *Uniuersale autem dico, quod cum sit de omni, & per se, secundum quod ipsum est. Manifestum igitur est, quod quæcunq; sunt uniuersalia, ex necessitate insunt rebus. Per se autem, & secundum quod ipsum idem est: ut per se inest lineæ punctum, & rectitudo. namq; secundum quod linea est, & triangulo, secundum quod triangulus est, duo recti, etenim per se triangulus duobus rectis æqualis est.*

Et quæ sequuntur. Ex quibus quidem apparet, nisi proprietates, quæ ostenduntur de subiecto, ostendantur quatenus tale est, nō demonstrari per se. subdit enim:

„ *Quod igitur quodlibet primum duos rectos habet, aut quodcunq; aliud huic primo inest, uniuersale, & per se demonstratio huius uniuersalis est. Aliorum autem quodammodo non per se, nec enim isosceles uniuersaliter, sed in plus.*

Et alio capite:

„ *Propter hoc si aliquis monstret triangulum demonstratione una, aut altera, quod duos rectos habet, unusquisq; seorsum nondum cognouit triangulum, quod duos rectos habet, nisi sophistico modo, neq; uniuersale trianguli, nec et si nullus est præter hunc triangulus alter secundum quod triangulus est. neq; omnem triangulum, secundum nomen: secundum speciem autem non omnem, est nullus est qui nō nouit.*

Et paulo post:

„ *Manifestum, quoniam remoto ipso primum, ut isoscele æneo, triangulo insunt duo recti, sed æneo esse remoto: & isoscele, sed non figura: & termino, sed non primis, secundum hoc inest & alijs, & huiusmodi.*

Et capite x vii.

„ *Primum quidem nihil magis in uniuersali, quam in particulari ratio est. si enim quod duobus rectis inest, non secundum quod est æquilateralum, sed secundum quod triangulus est, cognoscens, quoniam ipsum minus cognoscit, in quantum ipsum est, quam cognoscens, quoniam triangulus est. & omnino si non scitur quidem secundum quod est triangulus, postea demonstrat, non utiq; erit demonstratio. si uero sit cognoscens unum quodq; secundum quod unum quodq; magis cognouit.*

Quæ omnia declarant, necessarium esse, ut proprietates, quæ demonstrantur de aliquo subiecto, demonstrentur de eo quatenus tale est. aliter enim nō habebitur eius scientia, nisi modo sophistico. Quare si substantia ut genus considerata, subiectum est in prædicamento substantiæ, definitio, quæ ibi traditur, atq; illius proprietates conuenient ipsi substantiæ, ut genus est, eodemq; modo reliquis. Sed res longè aliter se habet: ergo non possunt ita considerari. Quod quidē ex eo colligi posse uidetur, quia si proprietates illæ non esse in subiecto, & non suscipere magis & minus, cæteraq; his conuinentes

nrent

nirent substantiæ, ut genus est, necessario conuenirent omni generi. ostendit enim Aristoteles primo Posteriorum libro, capite quarto:

*Quod conuenit alicui secundum quod ipsum, hoc eidem conuenire uniuersaliter.*

Sed quod conuenit alicui uniuersaliter eo modo, quo loquitur ibi Aristoteles de uniuersali, conuenit omni illi, & primò illi, quia uniuer-  
sale est tum, cum in quolibet, & primò demonstratur. Inesse autem  
alicui primò, & secundum quod ipsum, & propriè, est unum & idem.  
Quòd si ea quæ dicta sunt, conueniunt substantiæ, ut genus est:  
conuenient omni generi. itaq; non esse in subiecto, & suscipere con-  
traria, cæteraq; huiusmodi, conuenient quantitati, qualitati, & reli-  
quis prædicamentis, sunt enim genera, atque ex istorum sententia  
considerantur ut genera. Item æquale & inæquale cōueniet ipsi sub-  
stantiæ, ac ita de cæteris. Quæ omnia sunt absurdissima.

Præterea si considerarentur ut genera, spectarent ad Primam phi-  
losophiam, quia genus ut genus, spectat ad Primam philosophiam:  
est enim (ut etiã probabitur) affectus entis, quatenus ens est, siquidẽ  
est in omni ente. Neq; huic sententiæ aduersatur (ni fallor) id quod  
scriptum reliquit Aristoteles in fine libri Prædicamentorũ, ubi ait:

*De propositis itaq; generibus dicta sufficiant.*

Nam cum omnia ipsa decem genera in hoc inter se consentiant, ut  
appellentur genera, in epilogo, ut omnia unico uerbo cōprehende-  
rentur, cōmuninomine sic appellari potuerunt: non tamen (ut pro-  
batum est) si demonstrarentur proprietates substantiæ, demonstrantẽ  
quatenus illa genus est, et si re uera est genus. Nam licet in Geometria  
probentur pãssiones de magnitudine, quæ est ens, tamen nõ dicun-  
tur probari de ea, quatenus est ens. Rationes autem, quæ ostendunt  
hæc non posse considerari ut genera, ostendunt etiã non posse consi-  
derari ut inferiora & superiora, itemq; ut subiectum & prædicatum.

Quòd si aliquis existimaret, hanc doctrinã esse de uocibus signifi-  
cantibus res, quatenus significantes sunt, & hanc ob causam esse Lo-  
gicæ facultatis partẽ, erraret quidẽ mea sententia toto (quod aiunt)  
cœlo. Perspicuè enim ex hac positione sequitur oppositũ magis, q̃  
id quod probare uolunt. Declaratum est enim ab ipso Aristotele  
quarto Primæ philosophiæ libro, & primo Elenchorũ, nos uti no-  
minib. quæ rerũ signifiatiua sunt, pro ipsis rebus, quia res ipsas non  
possumus asserre in disputatione: atq; ita notari res, & significari no-  
minibus. Sunt ergo prædicamẽta de rebus, ac de illis quidẽ primò.

*Propter quod enim unumquodq; est, ex illud magis.*

Hoc etiã cõfirmari potest ex eis quæ ab ipsis Græcis concedun-  
tur. cū enim dicant, homines nominibus indiguissẽ, ut tantũmodo  
sensa exprimerent: sequit̃, ut Prædicamenta sint de uocibus per acci-  
dens, nõ per se, propter enim aliud cõsiderantur. Cũ uerò sensa ipsa  
sint p̃pter res, sequit̃ omnino, ut sint de rebus. nõ ergo dici possunt  
partes Logicæ ex eorũ opinione, qui statuũt illam nõ esse de rebus.

Præterea

Præterea si sunt de uocibus significantibus res, quatenus significantes sunt, non sunt partes Logicæ. Logica enim non est de uocibus significantibus res, quatenus significantes sunt: secundum eorum sententiam, qui ponunt eam esse de secundis intentionibus. aliter non esset de secundis intentionibus. Cum uero inferunt, ipsa Prædicamenta esse de uocibus principaliter, quia omnis ars Logica est de oratione, petunt id (de Logica enim re Logico more loquar, ut alijs etiam, & pluribus locis facturus sum) quod est in principio: hoc enim probandum fuerat.

Præterea cogermur fateri, ceteras facultates neque esse de rebus, & esse ipsius Logicæ partes, quippe quæ considerant uoces significantes res, quatenus significantes sunt: siquidem (ut isti sentiunt) ea est causa, cur aliquid non sit de rebus, & sit pars Logicæ. Ipsas autem scientias esse de uocibus significantibus res, ut significantes sunt, perspicue docet Aristoteles, neque ego sane intelligo (quod ad hoc quidem attinet) quid hæ propositiones, Homo est substantia, Substantia manens una & eadem numero, suscipit contraria, differant ab illis, Triangulus habet tres angulos, Homo est animal. Nihil enim, si diligenter considerentur, inter se differunt, quamobrem hæ magis dicantur esse de rebus, quam illæ. æque igitur omnes erunt de rebus.

Quod si quis illud etiam uelit asserere, hanc doctrinam esse de uocibus significantibus res, ut dicunt, non de rebus, id propterea erit, quod ostendit uocum significationes, ut (uerbi gratia) hanc uocem Homo significare substantiam, quemadmodum ipsi dicunt, quod hoc scilicet dubium sit. aliter enim superuacanea esset omnino hæ doctrina. Aut ergo (ut dixi) ostendit uocum significationes, aut non ostendit. Si non ostendit, uti quidem ex eo libro apparet, superuacanea est, quia nullam affert cognitionem. Sin autem ostendit, euerit illud Aristotelis 11. Posteriorum libro:

„ *Amplius nec una scientia demonstrat, quod hoc nomen significat hoc.*

Quod quidem cum uerissimum sit, nam significationes nominum ex communi hominum usu sumuntur, non possunt hoc libro huiusmodi uoces simplices ita considerari. Ergo sequitur, ut considerentur pro rebus sic, uti dictum est.

Quod si concederemus, hanc doctrinam aliquo modo dedarare, hoc nomen Homo significare substantiam, & hoc nomen Linea quantitatem, & ita de cæteris, ac propterea dici de simplicibus, & ad Logicam pertinere, tunc ostendendus esset hic modus. Sed hic modus non potest esse alius, nisi ut per naturam substantiæ, qualitatis, & earum affectiones, itaque cæterorum prædicamentorum, ostendatur, Homo esse substantiam: quia manens unus & idem numero suscipit contraria, quemadmodum Aristoteles in Prædicamento qualitatis ostendit, Nigredinem & Pallorem esse qualitatem ex definitione qualitatis, quoniam scilicet dicimur Quales ex ipsa nigredine & pallore. Quod si ita faciendum est, ut facit Aristoteles, hoc uero est ostendere

rem,

rem, quæ nominatur Homo, esse substantiam, non hoc nomen Homo significare substantiam. Nam quod manens unus & idem numero suscipiat contraria, hoc est ratione rei (ut patet) non uocis. Quod quidem ostendit Aristoteles in Prædicamento qualitatibus, ubi ait:

*Tertia uero species qualitatis passibiles qualitates, & passionēs. sunt autem huiusmodi, dulcedo, amaritudo, & austeritas, & omnia his cognata: amplius calor, & frigus. Et quod hæc qualitates sint, manifestum est. quæ enim ipsa susceperunt, qualia dicuntur secundum ea.* Hæc autem sunt de rebus, ergo & reliqua huiusmodi.

Præterea iidem ipsi interpretes aduersus hæc instant, & urgent, quod non ita reperitur in uocibus: ac difficultates omnes tollunt, ac commodando hæc rebus, deinde negant esse de rebus, quod planè mirum est. Quod tamen ex hoc etiam colligi posse arbitror, quod Aristoteles quinto Physicorum libro probauit, in substantia non esse motum, quia substantia non est contraria substantiæ. & hoc idem x i. Primæ philosophiæ libro scriptum reliquit. Quod patet etiam ex septimo Physicorum, ubi ponit quatuor species qualitatis: hæc ergo proprietas est de rebus. Itaque probare, aliquid esse substantiam per illas proprietates, quas attribuit Aristoteles substantiæ, est ratione rerum, non uocis, id quod nobis propositum fuit, ostendere.

Amplius, cur Aristoteles non tradidit aliam doctrinam, quæ declararet aliquo modo, Hominem significare animal rationale, quod quidem est illius magis proprium, & ita de cæteris: qua item doctrina egemus, sicut altera ex eorum sententia: Quod si tradit, atque ea est philosophia naturalis, cur ipsam non statuunt esse partem Logicæ: & item de reliquis. Non enim maiorem doctrina illa, quam hæc, rationem habet, cur debeat esse pars Logicæ. Sin minus hanc tradidit Aristoteles, mancus erit, atque imperfectus, cum hæc non tractentur (ut patet) in Prædicamentis.

Item primi philosophi esse, probare, aliquid esse substantiā, præterquam quod & ex his quæ dicta sunt, quæque dicent, & ex multis locis Aristotelis intelligi potest, præterea ex ipso Auerroë colligi posse arbitror, qui in secundo Physicorum libro exponens illa uerba Aristotelis:

*Naturam autem habent, quæcunque huiusmodi habent principia: Et quæ sequuntur,*

Sed uidetur, inquit, quod hoc concedendum est à naturali, & accipit à philosopho. I. quod natura, quæ dicitur de forma, est substantia: & uniuersaliter considerare de substantia, non est proprium huius scientiæ. Substantia enim, & accidens, sunt differentiæ entis, secundum quod est ens: & apparet illis, quod materia est substantia in potentia, & quod forma est illa propter quam est substantia in actu. Compositum igitur est dignius habere hoc nomen substantia, quam materia, quia est in actu, & materia est in potentia: & forma est dignior habere hoc nomen substantia, quam compositum, quoniam per illam est compositum in actu: & causa rei est dignior causato, &

f omnes

omnes istæ propositiones sunt cōmunes, & essentielles enti, & ideo  
ponendum est hoc in hac scientia positione.

Hoc idem uisus est sentire in 1. lib. Metaphys. textu x v. x v i i i.  
& in v i i. lib. textu v. i x. & x x x i x. Metaphys. i. v. & v i. Me-  
taphys. i. & i i i i. Si igitur hoc libro declaratur, nomen Homo si-  
gnificare substantiam, eo modo quo dictū est, ex ipsius Auerrois sen-  
tentia, qui tamē putat, ipsa Prædicamenta esse partes Logicæ: seque-  
tur, ut non sint partes Logicæ, erunt enim partes Metaphysicæ.

Amplius, ex ijs quæ dicunt nonnulli Græcorum interpretum, se-  
quetur, ut omnes scientiæ sint de uocibus, aut ipsa Prædicamenta de  
rebus. Sic enim argumentantur aduersus eos, qui dicunt illa esse de  
rebus. Si Aristoteles hoc libro tradit cognitionē rerum, tradit etiam  
uocum. nam fieri nō potest ut res significantur, nisi per ipsas uoces.  
Quod si ita est, quemadmodū ipsi putant, reliquæ item scientiæ quæ  
dicuntur de rebus, erunt de uocibus, quia tradunt cognitionē rerum:  
quæ quidem res ex eorū sententia nō possunt significari, nisi per uo-  
ces. itaq; omnes scientiæ erunt de uocibus, quod quidē maximē ab-  
surdum est. Quod si cōcedant, cæteræ scientiæ similiter tractabunt,  
atq; ipsa Prædicamenta. Quare uel Prædicamenta erunt de rebus,  
& non partes logicæ: uel omnes scientiæ erunt partes logicæ, & non  
de rebus, quemadmodū ipsa prædicamēta. Sed cum notū sit, scientias  
esse de rebus, quamuis sint de uocibus, Prædicamenta erunt de re-  
bus, licet sint de uocibus. itaq; Græci interpretes illi nihil cōcludent.

Non enim possunt dicere, eorum partim esse de rebus, partim nō  
esse de rebus. Nam præterq̃ quod sibi metipsis repugnarent dicenti-  
bus, illa esse de uocibus significantibus res principaliter, tollerent etiā  
unitatē illius facultatis: quod quidē (ut dictū est) fieri nullo modo po-  
test. Huc accedit, quod ociosa esset illa rerū pertractatio, quippe qua  
nihil opus sit in logica, ubi ex eorū sententia nō agitur de rebus. Item,  
etiā nō magis pertinerent ad logicā, quā ad aliā facultatē, ut liquet.

Neq; illud dici potest, cæteras facultates esse de rebus complexis,  
ipsa uerò Prædicamēta de simplicibus: quia cæteræ facultates sunt et-  
iam de simplicibus. Non enim potest ulla doctrina constituere com-  
plexa, nisi ex simplicibus: quia unaquæq; facultas habet terminos sim-  
plices proprios, qui ignoti sunt alijs facultatibus, & suas definitiones  
eo modo quo potest, quæ sunt ipsius principia.

Illud etiam fortasse ad hanc opinionem confirmandam addi licet,  
quod dicunt istimet Interpretes, hanc doctrinam ideo ab Aristotele  
seorsum esse traditam, ut doceremur infinitas res, quarū non potest  
esse scientia, redigere ad finitas. Ex qua quidem positione præterq̃  
quod fortasse rectius dici potuit, ut inferius ostendetur, præterea se-  
qui manifestē uidetur, ut hæc doctrina sit de rebus, siquidem tradita  
est (quemadmodum ipsi fatentur) ut cognoscamus res, quæ enim  
non sunt res, his minimē cognosci possunt ea quæ sunt res. Quod cū  
ita sit, planē constat ex eis quæ superius dicta sunt, ipsam nō esse par-  
tem eius facultatis, quæ non est, ut ipsimet asserunt, de rebus.

Illud

Illud etiam quod nonnulli dicunt, ut Boëtius, res esse infinitas, atque ob hanc causam necessariò infinitas esse voces, quæ ipsas res significant: itaque uelle reddere causam huius doctrinæ, aperte dissentit ab Aristotele, qui primo Elenchorum libro ita scribit:

*Nomina quidem finita sunt, & orationum multitudo, res autem numero infinitæ. Necessse ergo erit, plura eandem orationem, & unum nomen significare.*

Non ergo uult Aristoteles redigere infinita nomina ad numerum finitum: quæ etiam cum redigi non possint, nisi quomodo dictum est, non erunt de nominibus, sed de rebus. Quomodo cumque igitur isti dicant, mihi uidentur semper eodem reuolui. nisi enim hoc præstet ea quam ostendimus ratione, inanis erit illa doctrina, nec quicquam nobis proderit.

Amplius, hoc idem, uidelicet decem illa genera esse de rebus, uidetur sequi ex eis etiam quæ scripta reliquit Boëtius in Prædicamento qualitatis, his uerbis:

Ipse enim testatur, esse quoque alias qualitates, quas modo omnes numerare neglexit. Sed cur neglexerit, multæ sunt causæ. Prima, quod elementum uicem hic obtinet liber, nec perfectam scientiam tradit, sed tantummodo aditus, atque pons quidam in altiora philosophiæ introitum pandit. Quocirca si hoc ita est, tantum dicere oportuit, quantum ingredientibus satis esset, nec eorum animos nodum ad scientiæ firmos, multiplici doctrinæ subtilitate confundere. Quæ uero hic desunt, in libro qui Prima philosophia inscribitur, posuit perfectius: namque opus illud non ingredientibus præparatur. Quæ etsi multas habent, ac eas quidem per arduas difficultates, tamen non est hic eas attingendi locus. Tantum dicimus, ex his sequi quod dictum est. Nam si hic liber aditum aperit ad altiora philosophiæ, Philosophia autem est de rebus, hic liber etiam est de rebus: quia si non esset de rebus, non aperiret aditum ad philosophiam: quippe qui non posset, quemadmodum etiam nequit Logica, ut ex eis quæ ab ipso dicuntur, facile patet.

Præterea, si posuit in Prima philosophia quæ hic desunt, eodem modo hic, atque ibi pertractantur. aliter enim non esset appositæ. Sed ibi agitur de rebus, ergo & hic. Cum igitur omnia quæ dicunt isti, à ratione aliena uideantur, recte dictum est, huiusmodi pertractationem Primæ esse philosophiæ, atque ita quidem nullo modo partem esse Logicæ.

### SECTIO III.



Uod autem nullo modo sit pars Logicæ, facile ex ipsius Logicæ sine colligi posse arbitror. Nam si illius finis est, docere conficere ea quæ diximus instrumenta, constar, illorum constitutionem rationibus & syllogismis, qui communiori uocabulo demonstrationes appellantur, doceri oportere.

tere. ignotum enim complexum aliter perdisci non potest, ut patet in procemio. Quare ad illud docendum, demonstrationem esse ex ueris primis immediatis, necesse est utatur demonstratione: eodemque modo de enunciatione, ut ostendat illam esse ex nomine & ex uerbo. At huiusmodi demonstrationes constabunt ex enunciationibus, siue propositionibus (non enim possunt aliter fieri) hæc uero enunciationes necessario erunt, uel ex simplicibus terminis, qui sunt Prædicamenta, ut ex substantia, & qualitate: uel ex terminis ijs qui sunt in Prædicamentis, ut ex homine, linea, & huiusmodi: uel ex communibus, ut ex necessario, genere, specie, & cæteris, quæ communia sunt omnibus Prædicamentis, & per consequens decem genera erunt constituta, non enim datur medium. At fieri non potest, ut constituantur ex eis terminis qui sunt Prædicamenta, neque item ex eis quæ dicuntur esse in Prædicamentis, ergo fient ex communibus. quod quidem notum erit insipienti omnes enunciationes, quæ sunt in Logica. Nam ipsa Logica neque ex substantia, quantitate, qualitate, neque ex homine, & reliquis huiusmodi, suas facit propositiones, & per consequens demonstrationes, ex quibus concludat, enunciationes constitui ex nominibus, & ex uerbis: syllogismos in una aliqua trium figurarum confici, & ex tribus terminis: demonstrationes ex ueris immediatis, & reliquis constare: syllogismos Dialecticos ex probabilibus, definitiones ex generibus & differentiis. Quæ quidem serè sunt omnes conclusiones, quæ præcipuè ex hac facultate colliguntur. Atque id sanè patet, ut dixi, accipiendo omnes syllogismos & propositiones, quæ sunt in Logica, quæ neque sunt factæ ex huiusmodi terminis, neque ulla ratione fieri possunt, ut apparebit etiã inferius in tabula. nõ enim ex eis regule generales tradi potuissent. Consequens est igitur, ut ex communibus fiant.

Præterea, cum istæ conclusiones non sint ex huiusmodi terminis, ut patet (inferuntur enim conclusiones ex præcognitione subiecti & prædicati) neque item sunt propositiones, ex quibus rationes ex constitui dicuntur. Quare necesse est (ut diximus) propositiones Logicæ facultatis ex terminis communibus esse constitutas, itaque non possunt fieri ex terminis ijs qui sunt Prædicamenta, neque item ex eis quæ dicuntur esse in Prædicamentis, ergo Prædicamenta nihil ad ipsam Logicam pertinent. Non enim quicquam est per se in ulla facultate, præter propositiones & conclusiones, quæ oriuntur ex propositionibus: ut ex eis quæ primo Posteriorum libro scripta reliquit Aristoteles, perspicuum est, ubi dixit,

„ Omnem scientiam esse circa tria.

Quod si quis instaret, quòd in Logica reperiantur huiusmodi propositiones, Homo est substantia, Linea est ex punctis, Nulla substantia est quantitas, Omnis homo est animal, Omne animal est substantia: & inferri diceret, Omnē hominem esse substantiã, & reliqua huiusmodi: negamus, has esse partes huius facultatis, ut ex eis quæ nò perime dicta sunt, colligi potest. Non enim tales sunt, neque propositiones



positiones, ex quibus inferantur et addiscantur conclusiones, quæ sunt in Logica: neque ipsæ conclusiones, quæ concluduntur: ergo sunt extra hanc artem. Itaque sequitur, ut exempla sint aliunde petita.

Præterea declarat Aristoteles, ea quæ in deliberatione & consultatione posita sunt, quæ ipse in Rhetoricis exponit, pertinere ad civilem facultatem, eaque ibi se pertractare, sumpta civilis artificis persona: ergo et hæc ad suos quoque artifices pertinere, facile apparet. sunt enim ex terminis aliarum facultatum propriis, non ex eis quæ sunt in Logica, ut dictum est.

Hoc si quis negauerit, idem ille, mea quidem sententia, fateri cogetur, cæteras omnes facultates pariter esse Logicæ partes, quandoquidem licet in ipsa omnium facultatum exempla deprehendere: quæ planè res esset, ipsorum etiam interpretum sententia, omnium absurdissima. cæteræ enim facultates (ut patet) essent omnino superuacaneæ.

Quod autem suas quæque facultas propositiones habeat, itemque demonstrationes, & principia, cum ex alijs compluribus locis Aristotelis intelligi licet, tum uerò maximè, ni fallor, ex primo Rhetoricorum lib. ubi hæc ille scripta reliquit.

*Propria uero quæcunque ex his sunt, quæ circa unamquamque speciem ac genus propositionum sunt. sunt enim propositiones de Physicis, ex quibus nec enthymema, nec syllogismus de moralibus. et de his aliæ, ex quibus non erit syllogismus de physicis, eodem de cæteris.*

Ac ne longius faciam, quoquo modo prædicamenta ipsa considerari dicuntur, atque ita pertinere ad logicam, si diligenter, attentèque res consideretur: nihil prohibet, quò minus hoc idem de reliquis facultatibus dici possit. Nam in cæteris facultatibus sunt uoces simplices, sunt complexæ, aliter enim complexæ non fierent ex simplicibus, ut dicitur inferius. In cæteris itè facultatibus sunt uoces, ac res eodem modo, quo in Prædicamentis, ergo quicquid dicitur de uno, dicitur etiam de altero.

Neque item licet dicere, Prædicamenta, ut talia sunt, esse Logicæ, non Philosophiam, aut primam philosophiam. Ars enim, ut ostendit Aristoteles VI. Metaphysic. lib. & XII. non in re facta, sed in faciente consideratur. Eisi fateri debemus, ea esse secundum artem confecta, licet et nominari ex arte, secundum quam sunt facta.

Cum igitur ex eis quæ dicta sunt, pateat, quod item inferius ostenditur, satis esse ad Logicam artem instituendam, tradendamque, si hæc ratione doceantur, enunciationes componi ex nominibus & ex uerbis, quæ sunt orationes, in quibus dicitur aliquid de aliquo, uel aliquid ab aliquo: Syllogismos fieri in tribus figuris, & ex tribus terminis: quia omnis oratio, ex qua sequitur aliquid necessariorum, componitur ex eis quæ dicta sunt: Demonstrationes constitui ex ueris primis immediatis, prioribus notioribus, et causis conclusionis, quia est syllogismus faciens scire per causam, atque omnis huiusmodi syllogismus ita componitur: Syllogismum dialecticum ex probabilibus, quia fidem facit. Cum hæc inquam doceri satis sit (his enim solis consequitur hæc ars finem

suum) perspicuè sequitur, ut superuacaneum sit, ad hanc doctrinam, quatenus docet sic operari, illa adiungere, substantiam non suscipere, neque magis, neque minus: eandem, cum maneat una & eadem numero, susceptibilem esse contrariorum: & sic de cæteris affectibus, qui in Prædicamentis cõnumerantur. Item hominẽ esse substantiã, Lineã quantitã, & ita de reliquis: quandoquidẽ nihil præterea (ut dictũ est) ex hac facultate queritur, nisi ut doceamur cõstituere ea quę demonstrauimus, cognoscendi instrumẽta, id quod satis superq; ostendũt, quę diximus. Nõ ergo alijs indigemus: ac quomodo quę accipiat doctrina prædicamentorum, superuacanea est huic facultati. Quamobrem ex his quoq; refelli posse putamus argumentum illud, quo utuntur Græci isti interpretes, ut ostendãt, doctrinam libri Prædicamentorũ esse huius facultatis partem necessariã: quòd scilicet finis Logicæ facultatis est de demonstratione, quę percipi non potest, anteq; discatur syllogismus simpliciter: qui item disci non potest sine propositionibus, de quibus egit Aristoteles lib. Perihermenas, quę quidẽ cognosci non possunt sine uocibus simplicibus, ex quibus cõstituũtur. Sic intulerunt, Aristotelẽ prædicamenta tradidisse, atq; in his docere simplicium uocum potestates, & significationes. Ita suam putarunt satis confirmari opinionem. Verum tamen si apparet ex eis quę diximus, falsam esse horum interpretum de fine huius facultatis opinionem: atq; argumentum hoc, quo ipsi utuntur, ex eis quę dicta sunt, faciliẽ mea quidem sententia dissolui potest: tamen faciendum esse putauimus, quò res ista melius intelligi posset, ut dissolutio nem ipsius argumenti poneremus: illud primũ admonentes, duplicem sensum habere posse id quod dicunt, huius uidelicet facultatis finem esse demonstrationem. quoniam uel intelligunt finem esse facere demonstrationem ex quibuscunque terminis: atq; hunc quidem sensum falsum esse, ex eis quę dicta sunt, perspicuè patet. Nam Philosophus naturalis, & Mathematici sibi quisq; suas constituunt demonstrationes ex proprijs terminis, spectantes tamen regulas eas quę uidelicet ob hanc causam in Logica traduntur. Vtuntur enim facultates omnes his regulis, ad quas quasi dirigant syllogismos, & definitiones, ut artifices ad perpendicularum parietes, & reliqua huiusmodi: quod tamen perpendicularum non dicitur esse pars parietum, neq; e contrario. Vtuntur etiam facultates his regulis ad illos refellendos, qui fortẽ negarent, rectẽ nos uel definiisse, uel demonstrasse. siquidẽ non utimur Logica ad concludendam ullam rem in aliqua facultate, sed solum ad id quod diximus, ut ostendit Aristoteles in libro Posteriorum, his uerbis:

» *Amplius sicut nec in syllogismo accipitur, quid est syllogizare*  
 » *(semper enim aut ut totum, aut pars est, propositio, ex quibus est syllo-*  
 » *gismus) sic neq; quod quid erat esse, oportet esse in syllogismo, sed se-*  
 » *orsum hæc opposita esse, & ad dubitantem, si syllogizatum est, aut nõ*  
 » *est, obuiare, quoniam hoc erat syllogismus, & adhuc neq; quod quid e-*

rat esse, syllogizatum est: quoniam sine eo quod quid est syllogismus, aut quod quid erat esse syllogizare aliquid.

Sequitur ergo ex uerbis Aristotelis, id quod dictum est. Huc accedit, ut facultates omnes ipsa Logica continerent, quia hæc nō possunt fieri sine cognitione naturæ ipsarū rerū, atq; eorum quæ illis insunt.

Vel igitur sic intelligunt, ut demonstrauiamus: uel ad hunc modū, qui quidem uerior est sensus, huius facultatis finem esse, docere conficere ipsam demonstrationē, in eaq; docenda uti demonstrationibus. atq; ex hoc planē sequitur, ut primū docere oporteat, ex propositionibus cōponi syllogismos simpliciter, ex simplicibus aut propositiones: qui quidē termini simplices sunt, nomen, uerbum, affirmatio, negatio, enūciatio, oratio. Hæc igitur sunt, quæ debemus supponere.

Quōd si definitio nominis, uerbi, negationis, affirmationis, enunciationis, orationis, principia sunt cognoscendi in lib. Perihermenias, ut suprā demonstrauiamus, (his enim ostenditur, quomodo fiant enunciationes) nihil præter illas definitiones possumus accipere: uel quia ista quæ posuimus nos esse principia, non erunt principia: uel quia falsa erit propositio illa,

Omnem doctrinam & disciplinam fieri ex præexistenti cognitio-  
ne prædicati & subiecti.

Alia enim quoq; requirentur præter has cognitiones. Quod cum apertē falsum sit, constat, uerum esse id quod diximus.

Nec itē dicere possumus, quod quidā innuit, ea quæ sunt in Prædicamentis, declarare has definitiones: quia præterq; quōd hoc falsum est, pariter etiam cæteræ facultates (uti demonstrauiamus) eas declararent. itaq; sequeretur, ut omnes essent Logicæ partes.

Nec illud quicquam ualet, quod nomina & uerba non possint ad disci sine simplicibus uocibus, quia quodlibet horum est uox significatiua: idcirco de uocibus simplicibus, ante definitionem ipsius nominis & uerbi, agendum esse in Prædicamentis. nam hæc simplices uoces, homo, asinus, & bos, non declarant definitionem nominis: sed hoc quidem ualet, declarari oportere, quid significēt uoces, quia uox significatiua ponitur in definitione nominis. Atq; ob hanc causam uidemus, Aristotelem, sumpta alterius artificis persona, ostendisse, uoces significare passiones animæ. Quōd si liber Prædicamentorum præponendus esset Logicæ, frustra in lib. Perih. posuisset Aristoteles, uoces significare passiones animæ.

Præterea, nō omne quod ex alia facultate accipit ad explanationē alterius, dici esse pars illius, ut de his ipsis patet, quæ citauimus ex lib. Perih. quæ ipsemet Aristoteles dicit pertinere ad lib. de Anima. Sic igitur quomodo quidē statuūt ipsi finē Logicæ, atq; argumentant, nō solum dissoluitur illorū argumentū, sed illud mihi luce clarius uidet cōsequi, ut hæc facultas nihil eis quæ sunt in Prædicamentis indigeat.

Præterea, si ita esset ut isti dicunt, sequeretur, ut Aristoteles bis eadē res tractasset: quippe qui hæc simplicia lib. etiā Perih. tractauerit.

Quod si respondeatur, quomodo quidem respondent interpretes isti, qui hanc opinionem sequuntur, diuersa illa pertractandi ratione, qua usus est Aristoteles, fieri, ut multus sit, cum enim de simplicibus egisse libro Prædicamentorum, ut significant simplices conceptus, uel res: in lib. uero Periherm. ut sunt partes enunciationis, ex hac ipso rû responsione sequitur id, quod nos probare uoluimus, ut hæc doctrina non indigeat eis, quomodo ibi pertractatur. Ex illorum enim argumento perspicue apparet, hæc in Logica esse necessaria propter enunciationem. Ex eo uero quod respondet, constat, non considerari propter enunciationem. Manifesta igitur in illorum dictis uidetur inesse contra dictio, ac planè sequitur, ut ea quæ tractantur libro Periherm. satis sint ad ipsas enunciationes docendas, nulliusq; præterea opus sit.

Huc accedit, quòd non sunt eadem simplicia hic, & ibi. Nam ibi simplicia sunt, homo, alinus, bos, & huiusmodi: in lib. uero Periherm. nomen, uerbum, oratio, affirmatio, & negatio, cæteraq; huiusmodi, ut ipsi concedunt: ergo non possunt asserere hanc distinctionem.

Illud etiam ex ipsis quærendum esset, cur non dicant, prædicamentum esse partem Græmaticæ, quæ non potest cognosci sine simplicibus terminis, qui ex eorum sententiâ tractantur in Prædicamentis: ex quo quidem sequi uidetur, ut ipsis indigeat. Quicquid autem afferent illi, ut hoc resellant, asseram ego etiam ad refutandum id quod ipsi dicunt, ut ostendant prædicamenta pertinere ad Logicam, quandoquid ipsa græmatica eandem accipit nominis & uerbi definitionem, quâ Logica.

#### SECTIO IIII.



Erum iam reuertamur, fusiusq; & apertius ostendamus, omnes terminos et definitiones quæ in Logica reperiuntur, esse communes, atq; extra decem genera: id quod superius sumptum est, atq; aliquo modo probatum. ex quo planè perspicui poterit huius rei ueritas. Cû igitur illi ipsi termini sint affectus entis, quatenus ens est, sunt communes, atq; extra prædicamenta. ens enim est extra prædicamenta, itemq; illius affectus. Quòd autem ita se habeat ad ens, hac ratione probari posse existimamus. Necessarium, contingens, genus, species, causa, principium, et omnes quibus Logica utitur termini, sunt in substantia, & in cæteris Prædicamentis, ut constat ex inductione, et ex 1. Topicorum libro: ergo conueniunt enti, quatenus ens est: non substantiæ propriæ, neq; cæteris Prædicamentis. Latius enim patet ipsum ens: eoq; primo posito, ponuntur & ipsi termini, atq; eodem sublato tolluntur, ut patet ex 1. lib. Posteriorum, loco superius citato. Quod cum ita sit, dubitare non possumus, quin hi termini atq; hæc definitiones sint omnino communes, & extra decem Prædicamenta.

Præterea totidem modis hi termini dicuntur, quot dicitur ens: ergo sunt communes, & extra decem genera. ens enim commune est, atq; extra prædicamenta. Probatum antecessens ex Aristotele primo Ethicorum libro, cuius hæc sunt uerba:

Præterea

*Præterea cum bonum tot modis dicatur, quot modis ens, nam & in eo quod quid, ut Deus, & mens, & in quali ut reutes, & in quanto mensuratum, & ad aliquid utile, & in tempore occasio, & in loco dicta, eodemque modo reliqua huiusmodi, manifestum est non commune esse uniuerſale.*

Quòd si probatur, bonum totidem modis dici, quot dicitur ens, quia est in quolibet Prædicamēto: illi etiam termini, quos diximus, quia sunt in quolibet Prædicamento, dicuntur totidem modis, quot dicitur ens: itaque sunt extra Prædicamenta. Quod cum ita sit, sequitur id quod probare uoluimus, ut Logica non utatur Prædicamentis eo modo, quo dicuntur isti.

Quòd si quis hoc minus percipiens uellet inferre, sequi ex hac opinione, ut Logica non habeat terminos, & definitiones proprias, ipsaque sit sub Metaphysica, atque illis (ut more nostro loquar) subalternetur, quæ planè omnia ab omnibus istis existimantur absurda, dicimus, tantum abesse, meo quidem iudicio, ut hæc absurda sint, ut sint etiam uerissima, maximeque necessaria. Quæ quidem licet ex eis quæ dicta sunt, satis patere possint, tamen non recusabimus, propter communem uulgatamque consuetudinem, quæ uerum sæpenumero in falsi speciem atque opinionem adducit, rem magis etiam inuestigare, præsertim cum ex eis quæ dicuntur, facile (ni fallor) huius facultatis artificium intelligi possit. Logica igitur utitur his, quas habet, definitionibus in ordine ad opus. ex his enim (ut dictum est) docet conficere, & confectas iudicare enunciationes, syllogismos, demonstrationes, syllogismos Dialecticos, & definitiones. Id quod luce clarius patet, cum ex eis quæ suprà dicta sunt, tum etiam ex his quæ tractantur in Logica, quemadmodum primo libro Priorum testatum reliquit Aristoteles, his uerbis:

*His uero determinatis dicendum est, per quæ, & quando, & quomodo fiat omnis syllogismus.*

*Et I. Posteriorum:*

*De syllogismo igitur, & demonstratione, quid utrumque sit, & quomodo fiat, manifestum est: simul autem & de scientia demonstratiua, idem enim est.*

Quòd si Logica (ut dictum est) utitur his definitionibus in ordine ad opus, necesse est, huiusmodi definitiones primò & simpliciter in aliqua alia superiori facultate tractatas esse: quia unumquodque prius est in se, quàm ad aliud referatur. Relatio enim est accidens, quod in aliquo absoluto fundatur.

Quod planè declarant ea quæ dixit Aristoteles primo Ethicorum libro, ad hunc modum:

*Quod uero per se, ac substantia, prius est naturæ, quàm id quod ad aliquid est, nam id tanquam adiacens quiddam, & accedens substantiæ uidetur esse.*

Quod

Quod si quis assereret, fieri posse, ut idem in eadem facultate his duobus modis consideretur, idq; ipsum de principijs fateretur, aut diceret, hunc diuersum considerandi modum non ostendere diuersitatem ullam inter habitus intellectus: complura ex hac illius opinione, mea quidem sententia, sequerentur absurda. in quibus hæc essent absurdissima, quod fateri cogeremur, artes Mechanicas, quæ considerant easdem figuras quas Mathematici, nihil ab ipsis Mathematicis differre, cum tamen artes Mechanicæ hoc uno secundum formam differant à Mathematicis. Quod quidem facile probari potest ex eis, quæ primo Ethicorum libro ita scribit Aristoteles:

- ” *Faber, & Geometra differenter rectum inquirunt: alter, quantum ad opus utile est: alter, quod sit, & quale. contemplator enim ueritatis.*

Cum igitur non maior sit ratio de recto, quam de reliquis, quæ considerantur à Mechanicis, cumq; hoc ipso ordine distincta sit ars fabrilis à Geometra, consequens est, ut huiusmodi ordine distinguere oporteat reliquas artes Mechanicas. Sed cum ex istorum sententia minimè distinguantur, falsa est omnino, ualdeq; improbanda hæc ipsorum opinio. Sequeretur etiam, ut Medicina, quæ sua cognoscendi principia à philosophia petit, nihil ab ipsa philosophia differret, ac deniq; ut omnes habitus operatiui, qui sunt uel actiui, uel effectiui, non essent à speculatiuis distincti. Nam cum easdem res considerent, si eodem quoq; modo considerarent, atq; hic ipse considerandi modus non ostenderet ullam eorum diuersam rationem, nihil planè inter ipsos interesset, cum nulla eorum possit esse alia differentia: atque ita quidem nihil inter se differrent scientiæ, & artes. Quod quàm absurdum sit, neminem latere arbitror.

Hoc etiam ab eo discreparet, quod libro tertio de Anima scribit Aristoteles,

- ” *Intellectum speculatiuum differre à practico fine.*  
Et secundo Metaphysicæ, his uerbis:

- ” *Nam finis quidem contemplatiuæ ueritas est, actiuæ autem opus.*

Quæ cum ita sint, sic argumentor: Artes Mechanicæ quicquid considerant, considerant in ordine ad opus: itaq; facultates omnes, quarum finis est opus aliquod, supponunt considerationem simplicem, & absolutam esse factam in superiori aliqua facultate: ergo & hæc facultas similiter facit.

Verùm, cum superior illa facultas non possit alia esse, nisi prima philosophia, nulla enim alia rationibus ueris potest pertractare communia omnibus entibus: ipsa Logica est sub prima philosophia, atque illi subalternatur. Quod etiam ex eo patet, quod ab ipsa prima philosophia, sua mutuatur cognoscendi principia, ut ex eis quæ dicta sunt, constat. sunt enim affectiones entis ea, quæ sumit cognoscendi principia. Atq; ita concedimus, illud consequi, ut non habeat terminos proprios simpliciter consideratos.

Idem

Idem etiam Aristoteles eodem libro Metaphys. & x. lib. scribens, Primi philosophi esse de omnibus ijs contrarijs agere, de quibus ipse differuit in Logica: ostendit hanc rem. necessarium est enim hec primò pertinere ad Metaphysicā, in Logica uerò tractari in ordine ad opus: itaq; ipsam Logicam cōstitui sub Prima philosophia. Quod si neget aliquis, illud consequetur, ut aut Logica & Prima philosophia non sint habitus distincti, quod tamen ipsi etiam concesserint esse falsum: aut si distincti sint, liceat descendere de genere in genus, nec tamē fiat scientia subalternata: quia Prima philosophia descendet in Logicā, neq; tamē Logica erit, & subalternata. Quod quidem evertit locum illum 1. Posteriorum libro, ubi ait, nō licere descendere de genere in genus, ut dictum est superius, nisi ita se habuerint scientiæ, ut altera sit sub altera, quemadmodum Prospectiva sub Geometria, & consonantia sub Arithmetica. Quare cum uideamus, Primam philosophiam descendere in Logicam, dubitare non possumus, quin Logica sit sub Prima philosophia eo modo, quo diximus.

Neminem tamē in eam opinionem uenire uelim, ut existimet, Logicam descendere in Primam philosophiam, at nō ē contrariò: quia præterquam quòd huic opinioni multa aduersantur, quæ superius dicta sunt, ubi ostensum est, hæc in Prima philosophia cōsiderari simpliciter, & absolutè, in Logica uerò in ordine ad opus: præterea illud cōsequitur (quod quidem omnium est absurdissimum) ut facultas ea quæ natura est posterior, suppeditet materiā facultati natura priori: quod nullo sanè pacto fieri licet, facultas enim prior, quatenus est prior, suam habet materiam propriam. Primam autē philosophiam esse natura priorem, quàm Logicā, etsi Logica est secundum nostrū cognoscendi modum prior, nihil attinet ostendere: Logica est enim ex ijs quæ sunt à nobis, quia est ars: Prima uerò philosophia ex ijs quæ naturæ sunt, nec quicq; per se potest à Logica mutuari. Quòd uerò ex regulis instrumentorū traditis à Logica sumit, non eius hoc naturæ, sed nostro cognoscendi modo assignandū est. Itaq; minime licet illud dicere, Logicā descendere in Primam philosophiā, sed Primam philosophiā in Logicam, ut probet aliquid.

Præterea prima facultas nulli potest subalternari: non enim esset prima, ergo Logica nō potest descendere in Primam philosophiam, ut probet aliquid, sed Prima philosophia descendit in Logicam. Item, Prima philosophia non esset contemplatiua, sed consideraret ea quæ considerat Logica, in ordine ad opus: nam ea quæ tractat ipsa, prius tractata essent in Logica simpliciter, & absolutè, ergo necessariò ipsa Prima philosophia eadem contemplaretur in ordine ad opus, aliter enim superuacanea esset eius contemplatio. itaque non esset iam contemplatiua: ac falsum esset, quod Aristoteles sexto Primæ philosophiæ libro sic scribit

*Philosophiæ tres erunt contemplatrices: Mathematica, Naturalis, & Theologia.*

Quod

Quod quidem cum uerum esse ipsa ratio ostendat, sequitur, ut Logica non possit in Primam philosophiam descendere, sed ipsa Prima philosophia descendat in Logicam. Itemque, ut ea quæ sunt in Logica, quemadmodum diximus, pertineant ad Primam philosophiam simpliciter, & absolute, & sic Logica sub illa constituatur, ut ars fabrilis sub Geometria.

Neminem tamen adduci uelim, ut existimet, Primam philosophiã explicare oportere propter quid principiorum, quæ sunt in Logica, etenim hoc tum accidit, cum principia inferioris facultatis sunt in superiori facultate conclusiones. Quòd si facultas inferior sumat eadem, quæ sunt in superiori facultate principia, id quod sæpenumero accidit, fieri non potest, ut facultas superior explicet propter quid eorum, non enim in ipsa essent principia. Neque hoc uideri debet abhorere à doctrina Peripatetica. quia etsi fortè omnis facultas, quæ propter quid principiorum alterius facultatis explicat, sibi hanc ipsam facultatem subiicit, atque adeò subalternat, si minus simpliciter & absolute, at ex ea certe parte, cuius partis explicat propter quid, ut in Medicina, & Geometria accidit: non tamen sequitur ut omnis facultas, quæ sibi aliam subalternet, dicat propter quid omnium principiorum illius facultatis. Nam interdum nullius principij propter quid explicat, interdum aliorum quidem principiorum tradit propter quid, aliorum uerò non. Etenim quis est tam rerum ignarus, qui dicat Geometriam ostendere propter quid definitionis circuli & trianguli & reliquorum quæ sua sunt ipsius initia, cum tamen eadem sumant Mechanicæ artes omnes, quæ sunt sub ipsa Geometria, ut Prospectiua, & Astrologia, eisque utantur pro principijs. Definitiones autem Logicæ esse principia in Prima philosophia, ex eo intelligi posse arbitror, quod sunt affectus & proprietates entis, de quibus necessarium est sumere quid est quod dicitur. aliter enim (ut liquet) non possent quicquam de suis subiectis ostendere.

Nec illud quenquã opinari uellem, Primam philosophiam, quòd natura prior sit, & Logicam ipsam complectatur, esse prius discendam: quia hoc minime necessarium est ex nostro cognoscendi modo, quanquam secundum naturam ita sit. quandoquidem nihil prohibet, quo minus positis eis, quas diximus, definitionibus, atque his pro ueris ex suppositione acceptis (cum item in Prima philosophia sine ulla probatione accipiantur) perdiscamus, quemadmodum constituantur ea quæ sunt cognoscendi instrumenta. Sicuti constat etiam, Rhetoricam prius quàm ciuilem facultatem esse discendam, quæ tamen complura ab ipsa ciuili facultate mutuatur, & à philosophia, ut affectus, definitiones, multaque alia. id quod planè ostendit Aristoteles, cum ait:

” *Rhetoricam ex resolutius scientia, et ex ea ciuili quæ de moribus est, esse compositam.*

Quia ciuilis prior est, non tamen prius addiscitur, multa enim incidunt



cidunt impedimenta, quibus sit, ut ea quæ secundum naturam priora sunt, posterius discantur: quod in multis sanè accidit, ut in Metaphysicis, quòd ad philosophiâ naturalem attinet. Id quoque ex lib. v. Primæ philosophiæ elici posse arbitror, ubi ita scribit Aristoteles:

*Principium quoque aliud id, unde unumquodque optime fieri possit: ut in eruditione, non à primo interdum, & ab ipso principio ret, sed unde facillime quispiam discere poterit, inchoandum esse uidetur.*

Quamuis igitur Prima philosophia prior sit Logica, quippe quæ illius est principium, tamen non prius discenda est, quia cōmodius ab ipsa Logica initium ducitur. Nam Prima philosophia præbet tantummodo principia Logicæ, quæ quidem ipsa non potest probare, sed sumit ex communi more loquendi hominum: Logica uerò præbet illi regulas instrumentorum, sine quibus intelligere non potest, recte sciat, nec ne. Sed hoc, quod ad nos attinet. Logica autem suppositis principiis illis, tanquam manifesta sint, quod quidem ipsi satis est, ex his docet operari, ut suprà dictum est.

Cum igitur illa nomina sint affectiones entis, quatenus ens est, facile intelligi licet, subiectum & prædicatum, quibus nominibus utitur Aristoteles in Prædicamentis, quibusque inscripsit illum librum, non ostendere hanc doctrinā (ut multi perperam, mea quidem sententia, arbitrati sunt) ad Logicam primo, & per se spectare, sed contra pertinere ad Primam philosophiam: quippe quæ sunt ipsius entis, quatenus est ens, affectus. sunt enim in omni ente. Quòd si reperiuntur in Logica, referuntur ad opus, ut ostensum est.

Præterea Aristoteles quarto Primæ philosophiæ libro,

*Idcirco, inquit, Geometriæ non est, quod nam sit contrarium, aut perfectum, aut ens, aut unum, aut idem, aut diuersum, considerare, nisi ex suppositione.*

Quòd si Geometriæ non est, quid sit contrarium, aut perfectum, considerare, quia pertinent ad ens: Logicæ item non erit cōsiderare, quid sit subiectum, quid prædicatum, quid necessarium, quid contingens, & reliqua id genus, qui sunt affectus entis, nisi in ordine ad opus. Non ergo uerum est, quod isti dicunt.

Amplius, æquivoca & uniuoca pertinent ad Metaphysicū: ergo falsum est, quod aiunt isti, Prædicamenta esse partes Logicæ, quòd ibi definiuntur æquivoca. Nam ex hoc sequitur cōtrarium, uel quia sunt affectus entis, quatenus ens: uel quia sunt in omni ente, uel quia primo Ethicorum libro ita scribit Aristoteles:

*Non est ergo bonum commune aliquod secundum unam ideam, quemadmodum ergo dicuntur, neque enim similia uidentur his quæ fortuito æquivoca sunt, sed uidelicet ex eo quia ab uno sunt, aut quia ad unum cuncta conterminant: uel secundum potius analogiam, ut in corpore uisus, in anima mens, & aliud certe in alio. Sed hæc fortasse relinquenda nunc sunt. nam trité discutere, aliterius esset philosophiæ magis, similiter de idea.*

Quæ uerba & D. Thomas, & nonnulli alij, ut Eustratius, & Do-  
natus sic exponunt, ut dicant omnem ideam pertinere ad Primā phi-  
losophiam. Auerroës uel ad Logicam, uel ad Primam philosophiā,  
ergo ex ipsorum sententia, pertinent etiam ad Metaphysicam.

Neque illud contra nostram opinionem facere arbitramur, quod  
Aristoteles primo Posteriorum libro ostendens reperiri proposi-  
tionem negatiuam immediatam, ita subiunxit:

” Si enim nihil eorum in *a b c d*, coordinatione de nullo prædican-  
tur eorum quæ sunt in *a b c*.

Et cætera quæ sequuntur. Nam illa sumpsisse dicitur pro exemplo,  
& explanatione:

” Quod autem contingat *b* non esse, in quo toto est *a*: aut uerum *a*,  
” in quo est *b*, manifestum est ex coordinationibus, quæ cunctæ non con-  
uertantur inuicem, & eis utuntur ex suppositione.

Neque item nobis aduersatur, quod eodem primo libro scripsit, o-  
stendens in Prædicamentis non esse processum in infinitū, idque pro-  
bans per decem genera, quoniam ipsemet declarauit, eam rationem  
esse ex communibus, non ex proprijs Analyticorum. Quod si eadem  
quoque primo libro Topicorum accipiat, nihil id refert. accipit enim  
ex suppositione, ut scilicet ostendat, in illis esse prædicata Dialectica,  
& communia: id quod proprium est Dialecticæ, non Logicæ. Neque  
etiam obstat, quod dicit in fine vi. Primæ philosophiæ, de affirmatio-  
ne & negatione. nam præterquā quod i x. Metaphys. hanc rationē  
aperit ipse Aristoteles, D. quoque Thomas, & Alexander hanc instan-  
tiam dissolunt.

#### SECTIO V.



Quod si quis illud etiam addat, ex hac nostra positione in-  
sequi, ut hæc doctrina non sit de secundis intentionibus,  
uel per se, uel adiunctis primis: quæ quidem positio non  
solum ē medio doctrinam omnium ferē recentiorum tol-  
lere uidetur, sed etiam statuit, Logicam esse de rebus, id quod doctri-  
næ omnino Peripateticæ isti repugnare putant: etsi ex eis quæ dicta  
sunt, satis responsum esse arbitramur, tamen ad maiorem explanatio-  
nem eorum quæ dicta sunt, quæque dicuntur, non recusabimus respon-  
dere. Atque in primis negamus, quæ isti de secundis intentionibus  
scribunt, eo quidem modo acceptis, quo ipsi accipiunt. illudque addi-  
mus, tantum abesse, ut ullam planē huius nominis, aut rei mentionē  
fecerit Aristoteles, ut ne facere quidem potuerit, quippe cum nullo  
modo reperiantur. Nam aut istis secundis intentionibus, ut uerbi  
gratia, generi, speciei, necessariò contingenti, & reliquis huiusmodi,  
si sunt, respondet aliquid in re, aut nihil respondet. Si nihil respōdet,  
(dicunt enim non inueniri in rerum natura, sed cōsiderationem ratio-  
nis cōsequi, ut ait D. Thomas) tota sunt ipsius intellectus figmenta,  
atque non possunt eis quas isti primas nuncupant intentiones adiungi.  
nam si adiungerentur, necesse esset adiungere rationem rerū. Hæc enim  
propositio,

propositio, Animal est genus, in qua genus adiungitur animali, non potest esse uera, nisi quia id quod dicitur animal, re ipsa inest eis quæ specie differunt. Sed cū ipsis secundis intentionibus non respondeat quicquid in re, nō possunt adiungi primis ratione rerum: ergo Logica non potest esse de secundis intentionibus, quæ primis adiungendæ sint, id quod isti asserunt. Neque potest esse de secundis tantum, quia inanes essent, ac planè furiles. Quod si ita res sese habet, illis respōdet illud accidens, quod enti in re accidit: sunt enim cōmunia, nec aliud quicquid potest respondere. non enim existentia, quia cōuenit tantummodo ei quod uerè est. Sed accidens ipsius existentia, & sic accidens ipsius entis, cui enti respondet in re existentia. Itaque nostra confirmatur opinio, secundas intentiones esse affectus entis, quatenus ens est: & Logicam esse de huiusmodi affectibus, non tamen simpliciter, & absolute, sed quatenus rationibus appositis docentur ex arte constitui, quemadmodum medicina de ualitudine agit, ut doceat ex arte illam in humanum corpus inducere, nō simpliciter, & absolute. Atque ita Logica non erit de secundis intentionibus eo modo quo dicunt. nisi uelint has ipsas secundas intentiones appellare, quia sunt affectus, qui quidem affectus sunt posteriores suo subiecto: quod tamen ex uerbis eorum minimè colligi posse uidetur. non enim negarent (ut faciunt) Logicam descendere à Prima philosophia.

Quod etiam declarari posse uidetur ex eorum natura, quæ dicuntur uniuersalia, & ex ea ratione, qua fiunt ipsa uniuersalia, assumpta hac uniuersali enunciatione, passionibus intellectibus esse similitudines cōplurium singularium, quod patet ex 1. lib. Periher. & 11. Poster. Ex quo quidem sequitur, ut huiusmodi similitudines, simulac factæ sunt, complura nobis singularia significant, atque referant. Similitudo enim secundum naturam refert id cuius est similitudo: nam aliter nō esset similitudo, neque per eam possemus ullam rerum cognitionem consequi. Sed in prima intellectus apprehensione, quam nunc appellamus operationem, fiunt rerum similitudines. intellectus enim non percipit, nisi rerum similitudines: non enim lapis est in anima. ergo in prima ipsius intellectus operatione complura nobis singularia significant, ac referunt: itaque huiusmodi passionibus eodem temporis momento sunt uniuersales. In prima enim operatione complura referunt. quod autem ita se habet, uniuersale est: ergo non fiunt conferendo unam aliquam rem cognitā cum alia re cognita, quia fierent in secunda intellectus apprehensione, nō in prima. Nam cum prius intellectus apprehendisset obiectas res, mox illas inter se conferret, atque ita prius operaretur per primam intellectus apprehensionē. Sed ostensum est, huiusmodi similitudines fieri in prima intellectus apprehensione: ergo non fiunt eo modo, quo dicunt. Huc accedit, ut superuacanea esset illa collatio, quippe quæ poneret ipsas secundas intentiones fieri tum, cum iam essent factæ: quod quidem est absurdum. sequeretur enim, ut & factæ essent, & non essent factæ. nam dicunt fieri, postquam sunt in anima, atque intellectū comparando (uerbi

gratia) animal cognitum cum homine cognito, ex ea comparatione efficere secundas intentiones, quæ sunt genus & species, ac ita de cæteris. Quas mihi quidem sic definire videntur, esse cõparationes intellectus, quibus una aliqua similitudo cognita cõfertur cum alia. Ex quo planè constat, eos ponere, has similitudines fieri per secundam intellectus operationem, aut certe in secundo (ut dicunt) instanti, prius enim intellectus simplicia apprehendit. Quod si ita esset, pãssiones animæ simulac essent cõplurium rerum similitudines, & complura referrent, non essent uniuersales: quod quidem est manifestè falsum. Non essent autem uniuersales, quia aliter non indigremus secunda illa operatione, quæ ipsas reddit uniuersales. Sed declaratum est, simulac sunt similitudines complurium rerum, esse uniuersales: ergo non efficiuntur per secundam illam operationem, cum ex illa prima abstractione à pluribus profisciscantur. Ergo perperã (ut diximus) facere videntur, qui eas ponunt. Intellectus enim nõ potest abstrahere similitudines illas, quæ plura referunt, nisi cognita illorũ plurium conuenientia. quæ si erit in genere tantũ, illa erunt genera: sin autem in specie, species: ac ita de cæteris. cum uerò hæc habeantur ex prima operatione, minimè opus est alia.

Præterea essent complexa, non simplicia, si fierent per illam secundam operationem. cõponimus enim & diuidimus hac secunda operatione. Huc accedit, ut esset necessarium, cognito genere, cognoscere etiam speciem, si id quod est genus ita fieret, quod quidem est falsum. Cognitis enim superioribus, nõ est necessariũ cognoscere inferiora. nã aliter intellecto libro Phisicorũ, in quo agitur de causis uniuersalibus, intelligeremus reliquos omnes: quod quidem falsum est.

Præterea, cum aliquid prius fiat planta quàm animal, & animal quàm homo, prius poterit intelligi planta quàm animal, & animal quàm homo. quemadmodũ enim res se habet ut sit, ita etiã ut cognoscatur, & sic genus nõ fiet ex illa cõparatione. Hoc autẽ ita esse, patet ex ijs quæ I. lib. de Genere animalium ita scribit Aristoteles:

- » Conceptũ enim inanimatũ esse nemo statuerit uita omnibus modis  
 » priuatũ, quippe cum nihilominus semina et cõceptus animalũ uiuant,  
 » quàm stirpes, & aliquandiu prolifica sunt: ergo animam in eis haberi  
 » æget alem, palam est. Sed quamobrem eam primũ haberi necesse sit,  
 » ex his quæ alibi de anima disseruimus, apertũ est. sensualem etiã, qua  
 » animal est, tempore præcedente recipi: & rationalem, qua homo, cer-  
 » tum est. non enim simul & animal sit homo, nec animal, & equus: ea-  
 » demq; in cæteris animalibus est ratio. finis enim postea contingit, pro  
 » prium autem est finis cuiusque generationis.

Patet ergo prius fieri animal, quàm hominẽ, atq; etiam prius intelligi posse, & sine inferiore haberi, quia sine eo potest esse, itaq; prius esse genus. Cõcedimus ergo, sequi ex nostra positione, ut Logica neque sit de secundis intentionib. eo modo quo loquunt, uel per se, uel adiunctis primis, & aliquo modo sit de rebus. est enim de affectibus  
 entis,

entis, quæ sunt res. Quod tamen non ita absurdū putamus. nam et si multorū egregiorum uirorū evertuntur opinionēs, tamē id recte uidemur posse statuere, cum Aristotelē, tūm ipsam etiam rationē secuti.

Quod si aliter declarētur huiusmodi intentiones, quemadmodū nonnulli ex istis interpretibus fecerunt, sic ut diuersē statuantur ab affectibus entis, ex eis quæ diximus, quæq; dicemus, hoc facile refelli posse arbitramur. Quoniā autem ad hunc locū peruentū est, nō alienum esse uidetur, aliquid de natura ipsorū uniuersaliū disserere. Ex eis igitur quæ dicta sunt, illud consequi, ut uniuersalitas sit quoddā accidens, quod necessariō insequitur similitudines rerū abstractas ex cōuenientia cōplurium particularium, nō ex ipsis particularib. quatenus particularia sunt, & distincta, sed quatenus illis inter se conuenit. Hoc autē ipsum accidens uniuersalitatis necessariō insequitur rerum similitudines, sicut umbra necessariō insequitur corpus, atq; ita quidē uocatur ipsa uniuersalitas, quod cū ex pluribus abstracta sit, plura refert indistinctē, & indifferenter, neq; magis hoc, quā illud. Quod quidem in dubiū nemo uocare potest, cū ostenderit illas similitudines, simulac similitudines sunt, necessariō esse uniuersales,

Quare uniuersale erit huiusmodi similitudo, nō absolute, sed quatenus refert plura: perinde ac si dicere, uniuersale esse ens, quod refert plura, quatenus plura refert. Atq; ob hanc causam uniuersalia dicuntur fieri ex inductione, inductionem autem ex singularibus. Itaq; uniuersalia fiunt ex singularibus, non ut singularia & disuncta sunt, sed quatenus inter se consentiunt. Non enim à speciebus propriè existunt genera, ut actu sunt species, sed à singularibus (ut ita dicamus) generi. Quamobrem sic definiri possunt genera esse ea, quæ de pluribus inter se differentibus specie, id est forma, prædicantur in quid est, antequam fiant species actu. fiunt enim à singularibus generum, quæ inter se differunt specie, id est forma. Quocirca Aristoteles secundo Posteriorum libro,

*Iterum, inquit, in his statuitur, quousq; impartibilia stent, & uniuersalia, ut puta huius animalis, quousq; animal.* "

Vult ergo animal fieri ex hoc animali, & ex illo: nō ex homine, neque ex specie, quæ actu sit species. Quia uerò huiusmodi conuenientia est ex parte rei, uniuersalitas dicitur ex parte rei aliquo modo. Hanc etiam ob causam cum dicimus,

Uniuersale esse id, quod aptum est esse in pluribus: describimus ens illud, cui inest necessariō illa uniuersalitas, quatenus ei inest, quia sic aptum est esse in pluribus. Sunt igitur aliquo modo in re, quamuis sint in intellectu. referunt enim res, & sumuntur à rebus. Quare in Prædicamentis ait Aristoteles,

*Mertito post principales substantias, solas aliorum species & genera uera esse secundas substantias:* "

Quia scilicet ex ijs quæ prædicantur, sola ipsa principaliter substantiam indicant.

Ex his mihi uidetur etiam dissolui posse argumentum illud, Animal est genus, homo est animal, ergo homo est genus: quod est falsum. Peccat enim per fallaciam figuræ dictionis, quia animal in altera propositione accipitur uniuersaliter, ut refert naturam animalis in uniuersali: in altera uerò particulariter, quia homo non est simpliciter & absolute animal, sed animal quoddam. animal autem acceptum uniuersaliter, & particulariter, non est idem. cumq; id quod non est idem, interpretatur ut idem, inest fallacia figuræ dictionis. Quare argumentum illud peccat secundum hanc fallaciam. Sic autem accipi animal, cum dicitur de homine, declarant ea quæ scribit Aristoteles 11. lib. Periherm. his uerbis:

- ” Sic igitur possibile non est uerum de necessario simpliciter dicere.  
 ” alterū autem uerum est, quoniam partem uniuersalem sequitur illud,  
 ” quod ex necessitate est, sequitur posse esse, sed non omnino.

Cum ex his igitur inferat Aristoteles, uniuersale, cum prædicatur de aliquo suo inferiori, non prædicari secundum totum de illo, accipitur animal in hac prædicatione secundum partem, in altera uerò secundum totum: itaq; inest fallacia ea quam diximus. Neque ualeat argumentum, ut ob hanc uidelicet causam sint secundæ intentiones, quomodo isti loquuntur: quia hic uariis modis accipiendi ipsum uniuersale, fieri potest etiam sine illis, atq; est in re, quemadmodum dictum est: quod item de reliquis eodem modo sumptis dicendum est.

#### SECTIO VI.



Erūm ut id quod superius de his terminis diximus, illos uidelicet esse affectus entis, eaq; quæ proxime disseruimus, magis magisq; confirmantur, neq; istis qui in uerba interpretum iurarunt, nobis hæc finxisse uideamur, nobis omnino faciendum putamus, ut adscribamus illa Aristotelis uerba quarti Primæ philosophiæ libri.

- ” Perspicuum igitur est, ad unam scientiam pertinere id quod est,  
 ” ut ens est, & ea quæ insunt ipsi, ut tale est, contemplari, & non solum  
 ” substantiarū, sed etiam eorum quæ competunt, scientiam eandem esse  
 ” contemplatricem, eorum inquam quæ diximus, & de priore, postero  
 ” re lic, ut genere, & toto, & specie, ac parte, & butusmodi cæteris.

Quibus sanè uerbis aperitur, terminos qui sunt in Logica, ad Primam philosophiam spectare, atq; entis esse, quatenus ens est affectus, quod quidem ens subiectum est Primæ philosophiæ. Itemq; communes esse, & extra decem genera, idq; quod insequitur res: atq; ita Logicam statui sub Prima philosophia, nec poni ab Aristotele huiusmodi secundas intentiones eo modo, quo isti dicunt. Quæ sunt omnia superius explicata. Neq; enim putandū est, genus & speciem, de quibus loco citato 1111. lib. Metaphys. accipi uel pro animali & substantia, uel pro homine & animo, ut multi perperam (mea quidem sententia) existimarunt. Nam hæc interpretatio apertissime ea quæ ibi scribit

bit Aristoteles, euerteret, si quidem animal, substantia, homo, asinus, & huiusmodi, non sunt affectus entis, non enim sunt in omni ente, ergo necessarium est, accipi genus pro eo quod in quid est prædicatur, de pluribus inter se specie differentibus. Quod etiam ita confirmari licet, quia eo modo debemus intelligere genus pertinere ad Metaphys. quo modo definitur ab ipso.

Sed genus v. Metaphys. lib. definitur esse, quod prædicatur in quid est: ergo debemus intelligere, ipsum genus sic acceptum pertinere ad Primam philosophiam. Perperam igitur locum illum Aristotelis interpretantur, quomodo dictum est.

Quod autem de genere, & de specie dicitur, de reliquis item omnibus dici potest, nam infert Aristoteles,

*Et huiusmodi cæteris.*

Quibus uerbis ostendit, se uelle comprehendere enunciationem, & cætera ad hunc modum cõmunia, quamuis tacitam eorũ definitionẽ præterierit: eadẽ enim est ratio. Præsertim cũ docuerit 1. Poster. lib.

*Nihil prohibere quasdam scientias quasdam horum despicere, ut genus, non supponere esse, si sit manifestum, quoniam est, passiones nõ recipere, quod sunt, si sint manifestæ.*

Hæc autem cum ex his quæ consimilia sunt, manifesta essent, nihil necesse fuit eorum mentionem facere. Nam cum pateat, genus, speciem, totum, partem, ad ipsam Primam philosophiam spectare, quia sunt affectus entis: patet etiam, ad eandem spectare nomen, uerbum, quæ item affectus sunt entis, & in omni ente reperiuntur.

Quantũ illud etiam sine nefario scelere dici potest, nõ esse omnia relicta. Nam cum dicat Aristoteles quarto Metaphys. lib.

*Uniuersalis artificis esse de principio illo uniuersali, de quolibet dicitur affirmatio, uel negatio, agere eo modo, quo agi potest de eis quæ per se nota sunt: atq; ad eundem artificem pertinere, disputare, ostendere, contraria non posse eidem simul inesse: contradictoria uerò non posse, neq; simul esse uera, neq; simul falsa:*

Minimè dubitandum uidetur, quin intelligendum sit, factam esse mentionem de affirmatione, negatione, enunciatione, & de cæteris huiuscemodi. aliter enim nõ possemus intelligere illud principium, si ignoraremus, quid sit affirmatio, quid negatio, & per consequens quid sit enunciatio, cum affirmatio & negatio sint enunciationes, & orationes, quia ipsa enunciatio est oratio.

Quòd si minus exactè facta est de omnibus his mentio in Metaphysic. quàm in Logica (quanquam etiam complura huiuscemodi accuratius pertractata sunt in ipsa Prima philosophia, quam in Logica) tamen ex hoc non possumus inferre, illa non pertinere ad Metaphysicam, quod quidem declarat pertractatio affectuum in Rhetoricis. Ibi enim accuratius multò pertractantur ipsi affectus, quàm in philosophia, & in Ethicis, ad quæ tamen propriè spectat huiuscemodi pertractatio. Sed huius rei causam alibi ostendemus.

hoc loco satis est ostendisse, non sequi id quod complures dixerunt. Præterea hæc sunt Aristotelis uerba 1111. *Metaphys. lib.* quæ quidem maximè uidentur opinionem nostram confirmare:

- » *At uerò neq; sit, ut inter contradictoria quicq; cadat, sed ut affir-*  
 » *metur de uno quoduis, aut negetur, necesse sit. Patebit autè id ita esse*  
 » *uerum, ubi quid nam sit uerum, & quid falsum, definiemus. Nam di-*  
 » *cere quidem id quod est, non esse, aut quod non est, esse, est falsum. Di-*  
 » *cere uerò id quod est, esse, & id quod non est, non esse, est uerum.*  
 » *Quare qui dicit illud medium esse, aut non esse, uerum aut falsum di-*  
 » *cet, sed neq; id quod est, neq; id quod non est, esse.*

Præterea luce clarius uidetur sic ostendi posse, hæc ipsa de quibus agimus, primò & per se speciare ad Primam philosophiam: quoniã Prima philosophia debet primò, & per se probare, in omni affirmatione & negatione reperiri aut ueritatem, aut falsitatem: item entia necessaria priora, posteriora, item etiam uniuersalia: & sic genera, & species, non esse substantias. hæc enim manifesta sunt, ex Prima philosophia. ergo necesse est, ipsam per se cognoscere quid sit uerum, quid falsum, quid necessarium, quid contingens, quid prius, quid posterius, quid uniuersale. Quod quidem uniuersale septimo *Metaphys. libro*, sicut primo *Perihermenias*, definitur esse, quod de pluribus dicitur. Item quid sit genus, quid species. de his enim quæ sunt probanda per se de aliquo, & de subiectis, de quibus illa probari debent, supponi oportet quid est quod dicitur. Consequitur ergo, ut per se, & primò à Metaphysico considerentur, non à Logico.

#### SECTIO VII.



Vam quidem rem (nisi mea me fallit opinio) confirmare etiam possumus ex eis quæ D. Thomas, Latinorum interpres optimus, initio v. Primæ philosophiæ libri scripta reliquit: ut faciliè appareat, ipsosmet ueritate compullos, eam, quam diximus, sententiam uel inuitos comprobasse.

Hæc igitur sunt ipsius Thomæ uerba:

- » In præcedenti libro determinauit Philosophus, quid pertineat ad  
 » considerationem huius scientiæ. hic incipit determinare de rebus,  
 » quæ scientia ista considerat. Et quia ea quæ in hac scientia conside-  
 » rantur, sunt omnibus communia, nec dicuntur uniuocè, sed secun-  
 » dùm prius & posterius de diuersis, ut in quarto libro habitum est:  
 » Ideo prius distinguit intentiones nominum, quæ in huius scientiæ  
 » consideratione cadunt. Secundò incipit determinare de rebus, quæ  
 » sub consideratione huius scientiæ cadunt, in VI. lib. qui incipit ibi,  
 » Principia & cause. Eiusdem autem scientiæ est considerare subiectū,  
 » & passionem, & causas: quare hic quintus liber diuiditur in tres par-  
 » tes. Primò determinat Aristoteles distinctiones nominum quæ si-  
 » gnificant causas: deinde nominum quæ significant subiectum, uel  
 » partes huius scientiæ, eo loco unum dicitur aliud secundùm acci-  
 » dens.



dens. Postremò nominum quæ significant passionem entis, quatenus ens, ibi, Perfectum uerò dicitur.

Cum ergo eo libro definiatur necessarium, cōtingens, causa, principium, genus, accidens, & reliqua huiusmodi, hæc per se, & primò, ex ipsius Thomæ sententia, spectant ad Primam philosophiā, quia uel sunt causæ subiecti, uel subiectum ipsum, seu partes subiecti, uel passionem entis, quæ quidem primò pertinent ad illum artificem. Sed cum hæc omnia sint in Logica, non possunt simpliciter & absolute considerari in ipsa Logica: aliter enim Logica non erit distincta à Prima philosophia. itaq; superuacanea erit ipsarum altera: quod quidem fieri non potest.

Cum uerò eadem sit reliquorum omnium ratio, recte diximus, omnes terminos qui sunt in Logica, simpliciter & absolute pertinere ad Metaphysicam, neq; esse proprios ipsius Logicæ, nisi quatenus referunt ipsos ad opus. non enim eodem modo possunt (ut dictum est) in diuersa facultate considerari. atq; id ipsum quod diximus, satis perspicuum est, cum dicat D. Thomas in IIII. Metaphysicæ lib. exponens ea quæ citauimus uerba, species esse accidentia entis, quatenus ens est.

Auerroës quoq; uelit nolit, idem sentire cogitur, nam initio eiusdem quinti Primæ philosophiæ libri,

Intendit, inquit, in hoc tractatu distinguere significationes nominum, secundum intentiones considerandas in hac scientia, & omnia ista nomina dicuntur secundum relationem ad unum quid modis diuersis. Et ideo expositio horum nominum est pars huius scientiæ per se. fit enim ad numerandum ea de quibus agit hæc scientia, non uti consuetudo est in naturali scientia, exponendo nomina in quaestione illa, ad quam pertinent, ut appareat sensum accipiant. Ratio igitur de nominibus, est de genere considerationis in modis subiecti, in quo considerat ista scientia, & ideo oportet poni per se. & cum hoc latuit Nicolaum, uidebit, quod melior ordo est in scientia exponere nomen apud considerationem de intentione illius nominis, non ut ponatur pars istius scientiæ per se, sicut latuit illum dispositio & ordo sermonum Logicorum in hac scientia, sicut diximus in tractatu tertio.

Quod si termini distinguuntur quinto libro, pertinent ad Metaphysicam, sequitur, ut non possint pertinere primò & principaliter ad Logicam, ut probatum est aduersus D. Thomam. Cumq; sint affectus entis, quatenus ens est, ut ipse etiam Auerroës in quarto & sexto Metaphysicorum libro, de genere ac specie testatur reliquit, consequens est, ut Logica non indigeat eis quæ sunt in Prædicamentis. itaq; sibi non constet Auerroës, cum dicat, librum Prædicamentorum esse partem Logicæ.

Sequitur etiam ex eo quod isti ponunt, ut hæc facultas sit sub Metaphysica, eo modo quo dictum est: neq; sit facultas ex se ipsa.

Neq; illud opinioni nostræ aduersatur, quod Aristoteles in Prædicamento quantitatis posuerit orationem: quia ex eis quæ ibi dixit,

patet

patet ipsum accepisse ibi orationem, quatenus illum metimur syllaba breui, uel longa. in Logica uerò, & Metaphysica accipitur, ut est uox significatiua ad placitum, cuius aliqua pars per se significat separata, ut dictio, & cætera.

Neq; item, quòd in Prædicamento relationis posuerit scientiam. Nam quod ibi de scibili & scientia dixit, ut sentit etiã Hammonius, ex communi hominũ opinione dixit, nō ut sese res habet: sicuti multis alijs in locis interpretari cogimur. Præsertim uerò, cum eam attulerint instantiam, quam non tollit. Quare ipsi expositores, prout sibi uidetur, respondent. Quanquã licet etiã aliter dicere, nempe illud exemplum esse. Alia multa dici possent, sed nihil hoc loco attinet.

#### SECTIO VIII.



Eque fieri (mea quidem sententia) potest, ut ad ea quæ dicta sunt, ita respondeamus, hæc poni in Logica, & in Metaphysica, quod dixit Auerroës in septimo libro Metaphys. de ratione illa, qua probat Aristoteles, substantiam esse primum ens, his uerbis:

- „ Sciendum est, inquit, quòd ista declaratio est Logica, & plures de-  
 „ monstrationes in hac scientia sunt Logicæ, quoniam scilicet propo-  
 „ sitiones eius sunt acceptæ à Dialectica. Dialectica enim usitatur duo-  
 „ bus modis. uno modo secundum quòd est instrumentũ, & sic usita-  
 „ tur in scientijs alijs: & alio modo, ut accipitur illud quod est declara-  
 „ tum in aliqua scientia speculatiua ad aliam scientiam, cum istæ con-  
 „ derent de ente simpliciter, et propositiones Dialecticæ sunt entis sim-  
 „ pliciter, & sic definitiones, & descriptiones, & alia dicta in eis. Ita ut  
 „ secundum hanc sententiam dicendum sit, ea sic accepta esse Logica,  
 „ id quod nonnulli perperam dicunt. Nam utcunq; sit, quòd ad ratio-  
 „ nem illam Aristotelis attinet, satis est hoc loco huiusmodi responsio-  
 „ nem redargui, cum ex eis quæ dicta sunt (probauimus enim has de-  
 „ finitiones, ex sententia etiã ipsius Auerrois, per se considerari in  
 „ Metaphys. neq; sumi ex Logica) tum etiã, quia hæc Auerrois di-  
 „ stinctio non uidetur Peripatetica, neq; ad rem facere. Nam uel idem  
 „ uoce Logica & Dialectica intelligit, uel contrã. si intelligit idem, ut  
 „ quidem præ se fert, ex eis quæ in 1. lib. Phys. dixit, & loquitur de ea  
 „ quam isti interpretes Logicam appellant, quæ uidelicet est illa quæ  
 „ tradit regulas conficiendi instrumenta, aduersatur ijs quæ scribit  
 „ Aristoteles locis citatis in procemio uniuersali. Neque enim Logica  
 „ est facultas perspiciendi probabile circa unamquamq; rem, neq; syl-  
 „ logizat contraria, neque est generis indeterminati, neque est conuer-  
 „ tibilis cum Rhetorica, neque potest probare rationibus probabili-  
 „ bus id quod demonstrat Primus philosophus: sed solum tradit regu-  
 „ las, ex quibus discimus conficere instrumenta cognoscendi, & con-  
 „ secta iudicare, cuiusmodi quidem non est ipsa Dialectica.

Præterea illa distinctio nō conuenit Logicæ: non enim quod de-  
 claratum est in Logica, accipitur in alijs scientijs, quemadmodũ acci-  
 pitur

pitur id quod declaratum est in aliqua scientia speculatiua, si accipiat in alia quapiam scientia. Nam ex eis quæ sunt in huiusmodi facultate, non possumus declarare quicquid aliarum, ut dictum est, nisi illud, instrumenta recte esse facta. Neque utimur ea ut instrumento, sed ut regula instrumenti. instrumenta enim sunt uniuscuiusque facultatis propria. ergo huiusmodi distinctio non conuenit Logicæ, si accipiat, nihil inter Logicam & Dialecticam interesse. Non possunt ergo dicere, ea quæ sunt in Metaphysica, esse in Logica, ut nonnulli uidentur uelle dicere.

Si uero non intelligat idem esse Dialecticam & Logicam, de qua nos loquimur, sed rationibus Logicis accipiat rationes ex communibus, ut usurpat Aristoteles, nihil ad rem facit quod ait: quia nos loquimur de Logica, quæ tradit conditiones instrumentorum.

Præterea si accipiant Logicam pro omnibus locis communibus, ut idem est, ac Dialectica, neque huiusmodi Logicæ & Dialecticæ conuenit illa distinctio, quia huiusmodi Dialectica neque docet regulas instrumentorum, neque est instrumentum discernendi uerum à falso, comprehendit enim tantummodo probabilia, quibus non efficit scientiam, sed opinionem: neque uerum est alterum membrum, quia non utimur propositionibus declaratis in una scientia, ad concludendum aliquid per se in alia scientia, non enim licet descendere de genere in genus eo modo, quo utimur propositionibus Dialecticis, quæ accommodantur omnibus rebus. Non ergo apta est & congrua similitudo, & per consequens recta distinctio: non enim Dialectica possumus uti, nisi uno modo, ut ex ijs quæ dicta sunt, patet, est enim uis inueniendi probabilia, ex quibus fiunt syllogismi Dialectici de omni proposito problemate.

Sin autem accipiant Dialecticam pro eo quod constat ex uera Dialectica, & ex parte resolutiua, quæ docet proprietates syllogismi Dialectici, quæ non est propriè Dialectica, ut diximus in exordio, & dicemus inferius, erit diuisio Dialecticæ communiter sumptæ, ut scilicet comprehendit diuersas partes. Neque illud recte dictum erit, Dialecticam duobus modis usurpari: quia quod duobus modis usurpatur, propriè debet esse unum, quod hic secus est. Huc accedit, quod iste sensus quem dixi, non uidetur Auerrois, ut patet ex primo Physicorum libro. Hæc igitur distinctio neque est Peripatetica, neque ad rem facit.

Neque item audiendus est D. Thomas in 1111. lib. Metaphys. exponens uerba illa Aristotelis, quibus ostendit circa idem uersari Dialecticū, Metaphys. & Sophisticū. habet enim easdem omnes difficultates, quas commemorauimus aduersus Auerroem, quia ponit Logicam & Dialecticā idem esse, saltē quatenus est pars & totū, genus & species. Ponit etiam Dialecticam per entia rationis probare eadem accidentia entis, quæ probat Metaphysica, ex proprijs principijs. Item duplex ens, naturæ scilicet & rationis, quod (ut ipse ait) non inuenitur in rerum natura, sed insequitur considerationem rationis: quibus  
quidem

quidem in uerbis habet omnes difficultates, quas demonſtrauimus aduerſus Auerroë, quia per ea quæ ſunt in Logica, quæ (ut opinatur ipſe) ſunt entia rationis, & regulæ, non poſſumus concludere, Deum eſſe, & cætera huiusmodi, quæ cõcludit Metaphyſ. Ac ſi ſunt entia rationis, quæ ex illius opinione non inueniuntur in rerum natura, ut genus & ſpecies, & huiusmodi, non poſſunt eſſe accidentia entis, quatenus ens eſt, ſed ipſe paulo poſt ait eſſe accidentia entis: falſum eſt igitur, eſſe entia rationis eo modo, quo dixit. Probatur cõſequentia: quia ſi ſunt accidentia entis, quatenus ens eſt, ſunt realia, quæ enim conueniunt per ſe, & ſecundum quod ipſum enti reali, neceſſario ſunt realia. Sed quæ per ſe, & ſecundum ipſum conueniunt enti, quatenus ens eſt, conueniunt per ſe, & ſecundum ipſum enti reali: ergo quæ conueniunt per ſe, & ſecundum quod ipſum enti, quatenus ens eſt, ſunt realia. Maiorem propoſitionem hinc confirmari poſſe arbitramur. Quæ conueniunt alicui, uel primo, uel ſecundo modo prædicandi per ſe, ita ſe ſe habent, ut aut prædicatum inſit in definitione ſubiecti, aut ſubiectum prædicati. Sed quæ conueniunt enti reali per ſe, & ſecundum ipſum, conueniunt ei uel primo, uel ſecundo modo prædicandi per ſe: ergo ita ſe habent, ut aut prædicatũ inſit in definitione ſubiecti, aut ſubiectum prædicati. At ea quorum uel ſubiectum reale eſt in definitione prædicati, uel prædicatum ſubiecti realis, ſunt realia. definitio enim & definitum idem ſunt re, ut oſtendere etiam uidetur Ariſtoteles 1. Poſteriorum lib. his uerbis:

- „ Præterea quod ſubſtantia ſignificat id, quod ſi illud eſt, aut quod  
 „ illud eſt quoddam, id eſſe ſignificat de illo quo prædicatur: quod uerò  
 „ non ſubſtantiam ſignificat, ſed de ſubiecto dicitur alio, quod quidem  
 „ nec eſt idipſum, quod illud eſt quoddam, id omne accidens eſt. ut cum  
 „ album cum homine prædicatur, homo neq; id eſt quod album, neq; id  
 „ quod album eſt quoddam, ſed animal fortaffe.

Si ergo prædicata ſubſtantialia non ſignificarent illud idem quod ſubiecta, eſſent (ut patet) accidentia. at ſuppoſitum eſt, eſſe eſſentialia: ergo ſunt idem re, quod eorum ſubiecta. itaque ſunt realia. Præterea qui fieri poteſt, ut id quod nõ eſt res, exprimat eſſentiam illius quod eſt res: Ea ergo quorum uel ſubiectum reale eſt in definitione prædicati, uel prædicatum ſubiecti realis, ſunt realia: ſed quæ conueniunt per ſe, & ſecundum quod ipſum enti reali, ſunt huiusmodi: ergo quæ cõueniunt per ſe, & ſecundum quod ipſum enti reali, ſunt realia. Sed genus, & ſpecies, & huiusmodi (ut ait Ariſtoteles, & ipſe D. Thomas) ſunt accidentia entis, quatenus ens eſt. ens enim quatenus ens, reale eſt, quia eſt ſubiectum Metaphyſ. Et ſic conueniunt per ſe, & ſecundum quod ipſum enti reali, igitur ſunt realia. Non ſunt igitur entia rationis, ut ipſe dicit: neq; reperitur duplex illud ens. Quæ quidem (ut patet) inter ſe pugnant.

Præterea diſtinctio illa, ut Dialectica poſſit cõſiderari, ut do cens, atq; ut ens, uidetur à Peripatetica diſciplina abhorreſcere. Nam quæ ab

eo uocatur docens, hæc (ut ipse etiam concedit) modum argumendi tradit. Itaque non potest esse scientia, quia instituta est propter operationem: habitus autem operatiui, & speculatiui, sine distinguuntur. Quod si est, propter ipsum operari, ut fatetur ipse, non est propter ipsum scire, quo circa propriè non potest esse scientia. Habitum autem speculatiuum & operatiuum sine distingui, cum ex eis quæ superius dicta sunt, perspicui potest, tum etiam ex multis alijs rationibus. Dissentit etiam ab Aristotele, qui 1. Rhetor. libro ita scribit:

*Si quis autem aut hanc, aut Dialecticam, non ut facultates, sed ut scientias instruere ac docere conatur, is naturam earum hoc transiit interimere uidetur, cum non solum in sermonis, sed in quarundam subiectarum rerum scientias redigat.*

Ac de ea loquitur, quam ipse D. Thomas appellat docentem, quia est illa quæ tradit in Topicis. Dixit enim, esse facultates quasdam inueniendi rationes probabiles: non uult ergo, Dialecticam esse scientiam. Negare igitur non possumus, falsam esse de hac re, & contra Aristotelis dicta, ipsius Thomæ opinionem.

Præterea, aut illa utens est eadem, atque ipsa docens, sed aliter considerata: ut, exempli gratia, hæc est Dialectica docens, syllogismus Dialecticus est ex eis quæ apparent pluribus, aut sapientibus, & cætera: atque hæc ipsa etiam est utens, cum scilicet ea utimur, aut diuersa. At non potest esse eadem, quia (ut ipse ait) utens est, quatenus modo adiuncto usurpatur ad concludendum quippiam probabiliter in singulis scientijs. Falsum est autem per huiusmodi regulas (ut dictum est) concludi posse quicquam probabiliter in singulis scientijs. Primum, quia huiusmodi non sunt res, secundum eorum sententiam: Deinde, quia ostensum est superius ex Aristotelis sententia, huiusmodi Dialecticam non adhiberi, nisi ad ostendendum, aliquam orationem esse, uel syllogismum, uel demonstrationem, uel syllogismum Dialecticum, uel definitionem. At hæc non sunt probabilia, sed necessaria, ut concedit etiam ipse D. Thomas: quia demonstrantur per propositiones necessarias: ergo non potest esse eadem.

Quod si diuersa est, ut diximus, & docens constat ex illis intentionibus rationis, utens non erit ex iisdem intentionibus, quod quidem illi repugnat: quippe qui dixerat,

*Dialecticus autem procedit ad ea considerata ex intentionibus rationis, quæ sunt extranea in natura rerum.*

Illud etiam quod dicit, in ea parte Logicæ, quæ demonstratiua dicitur, doctrinam solum pertinere ad Logicam, usum uero ad philosophiam, & ad reliquas particulares scientias, quæ sunt de rebus naturalibus: & usum demonstratiuæ consistere in utendo principijs rerum, de quibus fit demonstratio, quæ ad scientias reales pertinet, non utendo intentionibus Logicis: magnam habet difficultatem. Nam quemadmodum se habent regulæ, quæ traduntur in Poster,

ad ea quæ constituuntur per ipsas regulas, ita se habent regulæ quæ traduntur in Top. ad ea quæ cōstituuntur per ipsas regulas. eadē est enim planē similitudo. Quare ut doctrina quæ habetur Poster. pertinet solum ad Logicā, usus autē ad alias particulares scientias, quæ sunt de rebus naturæ: Ita etiā doctrina quæ habetur ex regulis, quæ docent cōstituere syllogismū Dialecticū, pertinet ad solam Logicā: usus uerò ad eam tantum facultatē quæ realis est, quia in unaquaq; re sunt sua probabilia, quæ quidē sunt res, sicut etiam sunt principia.

Præterea quemadmodū usus demonstratiuæ cōsistit in utendo principijs rerū, de quibus fit demonstratio, quæ ad scientias reales pertinet, nō utendo intentionibus Logicis: sic item usus Dialecticæ est ea doctrina, quam dicit D. Thomas.

Neq; uerò illud dici potest, in Logica effici scientiam, quod in ea sint demonstrationes, & definitiones, quæ faciunt scire: quandoquidē nō dicuntur simpliciter & absolute demonstrationes, sed cōmuniuocabulo, quamuis sint ex ueris necessarijs: quia nō factæ sunt ad sciendū tantum, sed ad operandū, Nam (ut dictū est) accipiuntur, et referuntur ad opus. aliter enim artes Mechanicæ, ac omnes deniq; artes essent scientiæ, quippe quæ utuntur huiusmodi rationibus: cū ars nihil aliud sit, nisi habitus effectiuus cū ratione. Sed cū in illis huiusmodi rationes adhibeantur ad cōcludendas earum cōclusiones, itaq; referantur ad opus, cognitio illa non potest esse scientia.

#### SECTIO IX.



Vr autē hæc doctrina seorsum tradita sit, id (ni fallor) causæ fuit, quod cum scopus & finis Primæ philosophiæ esset, causas entis, quatenus ens est, & x. generum, ut talia sunt, inuestigare, ut patet ex I. & IIII. & VI. & XII. Primæ philos. lib. & multis alijs locis: atq; ex his causis substantiæ à materia separatæ principem locū obtinerent: neq; ex Aristotelis sententia perfectē indagari possent, nisi per motum: necesse fuit, ut cognitio motus earū cognitionem præcederet. Cum uerò uisum esset Aristoteli, ac fortasse non sine optima ratione, naturā & affectiones motus pertractare in Phys. siue quia motus, ut est actus entis simpliciter, ad Primā spectat philosophiam, ut uerò est actus entis naturalis ad naturalem: siue quia semper philosophi naturalis est, de ipso motu agere (nihil enim id hoc loco refert) necessariò philosophia prima quæ est natura prior, quippe quæ est uniuersalior & perfectior, collocanda fuit post naturālē philosophiam, quæ est natura posterior & imperfectior. idq; satis declarant ea quæ XII. Primæ philos. lib. scribit Aristoteles, ubi ponit eas rationes, quas V III. lib. de Physic. auditu scriptas reliquerat, licet alio modo: Cæterum cum necesse esset, ut reliquas facultates omnes quæ de rebus particularibus agunt, antecederet cognitio decem generū, quippe quæ sunt uniuersaliora, atq; in ipsis scientijs necessariò insunt: aliter enim fieri nō potuisset, ut philosophia naturalis definiret hominē, naturāq; ipsius hominis cognoscere, nisi notū illi fuisset, hominē autē esse, aut non esse substantiam, quod

quod idem de reliquis scientijs dicendū est, quæ decem illis generibus subiiciunt. Cum igitur inquā necessariū esset, ut cognitio decē generū cæteras scientias antecederet, ex Prima philosophia, quā posteriore loco statui oporteret, necessariò extrahenda fuerunt decē ipsa genera, illaq; describenda: simul ostendēdæ proprietates, quæ eis cōueniunt, quatenus talia sunt, ut per cognitionē quæ substantiæ, ut substantia est, ac ita reliquorū generum habetur, uti sanè fateri cogimur (nō enim absoluta perfectiō esset rerū cognitio) itemq; per naturas, & affectus ipsorū generū, intelligere liceret, quæ res eisēt substantiæ, quæ quantitates, quæ deniq; qualitates: quæ omnia haberi poterant ante exactā motus cognitionē. id quod planè declarat, huiusmodi cognitionē ad Primā spectare philosoph. cū istæ res ostendānt per naturā substantiæ, quatenus est substantia, & per proprios eius affectus. Id aut cū per se ipsum satis perspicuū est, tum multis etiā locis ab Aristot. præcipuè uerò I. de Anima lib. his uerbis ostēdi uidet:

*Primum autem necessarium est diuidere, in quo genere, & quod sit. dico autem utrum sit hoc aliquid, & substantia, aut qualitas, aut etiam quoddam aliud dictorum Prædicamentorum.*

Cum ergo ex Aristotelis sententiā (ut recte definiamus animam) ante nobis cognoscendū est, utrum sit substantia, an aliud aliquod prædicamentū, ac ita de cæteris: omnium enim eadē est ratio. Cum autē huiusmodi cognitio non possit haberi, nisi ex natura ipsius substantiæ, atq; ex illius proprietatib. eo modo quo habet: facile cōstat, haberi posse tantummodo ex lib. Prædicamentorū. Cum uerò hæc cognitio præcedat omnē philosophiam naturalē, sequitur, ut Prædicamenta debeant præcedere. Sed de his in II. Poster. lib. cap. III. pluribus differemus. Scūdum ergo nostrū cognoscendū modum, liber ille collocandus est post Logicam, & ante philosophiā naturalē.

Quod si quærat aliquis, quo loco in Metaphys. hæc pertractata fuissent, si non opportuisset seorsum tractari, præsertim cum dictum sit, aliter pertractari v. lib. Metaphys. ubi de illis agit Aristoteles, atq; hic pertractata sunt: responderi potest, ea pertractanda fuisse initio v. lib. ubi ita scribit Aristoteles,

*Id quod est, multipliciter dici, ut prius in hisce quæ dicta sunt de uno quoq; quot modis dicatur, distinximus. Præterea enim quod est, & hoc aliquid partim quale, aut quantum, aut cæterorum quodque, quæ hoc prædicantur pacto, significat.*

Deinde persecutus esset naturam, & affectus singulorum Prædicamentorum, ac postea subdidisset:

*Cum autem id quod est, tot modis dicatur, patet eorum primum ens esse ipsum quid est,*

Et cætera quæ sunt septimo illo libro pertractata.

Quod quidem ex hoc colligi posse arbitror, quod ea pertractatio quæ v. lib. habetur, supponit cognitionē naturæ substantiæ, & cæterorum Prædicamentorū, affectuumq; illorū: quæ quidē cognitio

habetur ex solo libro Prædicamentorū, ac sequitur ea quæ superiōribus sex libris pertractata sunt, ut ipse innuit proœmio illius libri.

SECTIO X.



X hac autem causa, propter quam diximus, doctrinam Prædicamentorum seorsum esse traditam, ut ex eis quæ in ipsis Prædicamentis tractantur, facile apparet, doctrinam illam nō esse de simplicibus, nisi eo modo quo sunt reliquæ facultates, in quibus sunt simplicia, & simplices definitiōes, & composita, seu complexa, quæ probantur ex illis (ut dictum est superius) quæ cuiusq; doctrinæ sunt propria. In ea enim doctrina sunt definitiōes, ex quibus probantur proprietates de illis decem generibus, quæ sunt complexiones, non secus atque in Geometria, quæ probat triangulum habere tres angulos, & ita de cæteris.

Nisi ita dicatur, esse de simplicibus, quam ob causam seorsum tradita est: ut intelligamus, exempli gratia, hoc simplex Homo esse substantiam, non hoc compositum, Homo est albus, quod quidem ex substantia & qualitate aggregatum est, & sic de reliquis.

Atq; ob hanc differentiam, Aristotelem ita scripsisse arbitror:

” *Eorum quæ sine ulla complexione dicuntur singulum, aut substantiam significare, aut quantitatem, aut qualitatem.*

Atque ostendere voluisse, doctrinam Prædicamentorum debere præcedere omnes particulares facultates, quia sub illis omnia, propter eam quam diximus causam, continentur, nō id significare, quod aiunt isti interpretes. Agere uerò de simplicibus eo modo quo diximus, nihil planè adiuuat artem Logicam. In ea enim nō definimus quicq; eorum quæ ipsis decem generibus subiiciuntur, neq; item facimus enunciationes ex ipsis generibus, ut dictum est.

Præterea dubitari non potest, quin illæ cognitiones, quæ de simplicibus habentur, sint complexæ, ut hominem esse substantiam, lineam quantitatem: addiscuntur enim per rationationem. Quocirca non uidetur Aristoteles eo loco aliter interpretari posse.

Quòd si ita scribit,

” *Singula eorum quæ dicta sunt, ipsa quidē secundum se in nulla affirmatione dicitur, eorū autē ad se inuicem affirmatione fit cōplexione.*

Non uult tamen inferre, illa esse partes Logicæ: quoniā affirmationes quæ fiunt ex illis simplicibus, spectant ad facultates, quæ de rebus dicuntur agere, non ad Logicam.

Ac propterea quidē illud recte diximus, ea ut sint de uocibus primò, siue de rebus, non pertinere tamen ad Logicā, quia Logica (uti demonstraui) non utitur huiusmodi rebus, aut uocibus. Hoc autem loquendi modo non significari Logicā, patet ex eis quæ scribit Aristoteles lib. III. de Anima, II. & IX. Metaphys. ubi quidē ait,

” *Ex indiuisibilibus intelligentia fieri compositionem, & diuisionem.*

Quod quidem nihil aliud sibi uult, nisi ex simplicibus fieri cōplexiones,



xiones, affirmationes, & negationes. Cum enim ex his non liceat inferre, librum illum esse partem Logicæ, neq; item ex his.

Neq; uerò hanc nostrâ opinionem illud uidetur refellere, quòd in omnibus libris impressis hic ipse liber ante omnes Logicæ libros cõstitutus reperit, cum liceat uidere multos libros in philosophia non eum ex Aristotelis sententia obtinere locũ, quem in impressis libris sortiti sunt: ut liber de Generatione animalũ, qui collocat post librũ de Partib. cum tamen suus nõ sit hic locus. Id quod eo magis confirmari uidet, quod apud Macrobiũ & alios cõplures scriptũ est, libros Aristotelis plenos & mendis, & confusione, sub terra esse repositos.

## SECTIO XI.



Nimuerò, ut ea quæ dicta sunt, præcipuè in tertia sectione, facilius percipi possent, nobis faciendum esse putauimus, ut tabulã quandã subscriberemus, in qua primò sitæ essent omnes principales cõclusiones, quæ sunt in Logica, & ea ex quibus illæ cõcluduntur: simul & quo pacto facultates omnes utantur regulis quas tradit Logica, & quemadmodũ rationes ex quibus Logica utit, cõstent ex propositionib. quæ cõstitutæ sunt ex simplicibus terminis, quæ quidẽ omnia sunt extra x. Prædicamenta. Sed prius ea quæ in initio dicta sunt, breui recensebimus: quæscilicet, ac dubitationes esse omnino quatuor, an res sit, quid sit, qualis sit, propter quid sit. Cum uerò scita totidẽ numero sint, quot quæscita, sequit, ut quatuor sint: quid res est, quid est, qualis est, propter quid est. Modus cognoscendi est oratio, qua quæscita illa & dubia assequimur. Logica est ars, quæ (uti demonstrauimus) docet constringere hunc ipsum cognoscendi modum: quare illũ pertractat non simpliciter, & absolute, sed ut ex arte docetur cõstitui. Ac propterea quidẽ necessariò docendus fuit hic modus, & hæc Logica, ut exploratum nobis fieret, utrum quatuor illa quæscita assecuti essemus, nec ne, qui quidem modus diuiditur in omnes has species: Definitionem, Demonstrationem, syllogismum Dialecticum, & Sophisticũ, ut comprehendamus etiam modum cognoscendi apparentem.

Quoniã uerò nobis propositũ est docere, quemadmodũ constituuantur hæ species, atq; in primis demonstratio, prius docendũ est cõstituere ipsum syllogismũ. omnis enim demonstratio est syllogismus, at nõ cõtrario. Sed anteq; doceamus cõstituere ipsum syllogismũ, necessariò docendũ est cõstituere enunciationẽ. Quia uerò enunciationes constituuntur ex nominibus & ex uerbis, necesse est initium ducere à definitione nominis, uerbi, negationis, affirmationis, enunciationis, orationis: siquidem omnis doctrina, & omnis disciplina oritur ex illa antecedente cognitione, quid sit prædicatum, quid subiectum. Describendum est etiam, quemadmodum fiant in scientijs enunciationes. Ad hunc igitur modum describemus tabulam.

A

Enunciatio Metaphysica: Homo est ens, homo est substantia.

Enunciatio naturalis: Homo est risibilis.

h 3 Enunciatio

Enunciatio Mathematica: Triangulus est figura tribus lineis cōtenta.

Enunciatio medicinæ: Corpora plethorica sunt phlebotomāda.

Enunciatio ciuilis: Ex bonis actibus fiunt boni habitus.

Enunciatio Logica: Syllogismus est ex tribus terminis. & ita dereliquis.

Hæ omnes sunt enunciationes, quæ docentur fieri per primā rationem, quæ uocata est A.

Atq; ex his patet, non magis eas quæ sunt in Prædicamentis, esse necessarias ad lib. Periherm. quàm quæ sunt in ceteris facultatibus.

## LIBER PERIHERMENIAS.



Omen est uox significatiua ad placitū, sine tempore, cuius nulla pars, & cætera: quæ dicta sunt in Institutione.

Verbum est uox significatiua cum tempore, &c.

Oratio est, cuius aliqua pars est significatiua, separata per se, &c. Enunciatio est, in qua reperitur ueritas, uel falsitas.

Affirmatio est enunciatio alicuius de aliquo.

Negatio est enunciatio alicuius ab aliquo.

Antecedens cognitio, ex qua oritur & discitur illa cōclusio, enunciationes, affirmationes, negationes confici ex nomine, & ex uerbo, est definitio nominis, uerbi, enūciationis, affirmationis, negationis. Nomen aut, & uerbū, hoc loco sunt prædicata: cætera sunt subiecta. Atq; ita patet, definitionē nominis, uerbi, enunciationis, affirmationis, negationis esse principia, ex quibus addiscimus hanc cōclusionem: Omne enunciationem cōponi ex nomine, & ex uerbo. Cuius quidē cognitio appellatur doctrina. Ex eo uerò quod hæc sunt principia, cōstat, nihil opus esse ulla alia cognitione. Omnis oratio, in qua dicitur aliquid de aliquo, constat ex nomine, & ex uerbo.

Omnis enunciatio, affirmatio, negatio, est oratio, in qua dicitur aliquid de aliquo.

Ergo omnis enunciatio, affirmatio, negatio, cōstat ex nomine, & ex uerbo. Quòd si redigatur ad immediata, patebit necessarium esse assumere definitionem nominis & uerbi. Atq; eodem modo dicendum est de reliquis rationibus, quæ insequuntur.

B.

Omne B est A,

Omne C est B,

Ergo omne C est A.

Nullum M est N, Omne X est M,

Huiusmodi autem rationes, qui sunt syllogismi, ex secunda ratione, quæ uocata est B, docentur constitui.

Omne S est P,

Omne S est R,

Ergo aliquod R est P.

Ergo nullum X est N.



Ropositio est affirmatio alicuius de aliquo, uel negatio alicuius ab aliquo, quæ uel est uniuersalis, &c.

Omnis oratio, ex qua sequitur aliquid necessarium, cōstat ex tribus ter

alis, uel particularis, uel indefinita.

Terminus est, in quem redigitur propositio, hoc est prædicatum, & id de quo prædicatur.

Figura est dispositio medijs termini inter extrema. De omni dicitur, cum nihil est sumere subiecti, de quo non dicatur prædicatum, & de nullo similiter. Hæ sunt antecedentes cognitiones, ex quibus addiscimus hanc conclusionem:

Omnis syllogismus constat ex tribus terminis, & ex duabus propositionibus, & conficitur in una aliqua trium figurarum.

minis, & ex duabus propositionibus. & conficitur in una aliqua trium figurarum.

Omnis syllogismus est oratio, ex qua sequitur aliquid necessarium: ergo constat ex tribus terminis, & ex duabus propositionibus, & conficitur in una aliqua trium figurarum.

Demonstratio Metaphysica: Omne quod est ens, est aliquid: Omnis homo est ens: Ergo omnis homo est aliquid.

Demonstratio naturalis: Omne animal rationale est risibile, Omnis homo est animal rationale, Ergo omnis homo est risibilis.

Demonstratio Mathematica: Omnis figura tribus lineis contenta, est collocabilis super datam lineam: Omnis triangulus est figura tribus lineis contenta: Ergo omnis triangulus est collocabilis super datam lineam. Eodemque modo de reliquis demonstrationibus, in cæteris facultatibus. Atque hæc quidem fiunt per tertiam rationem, quæ uocata est C.

## LIBER POSTERIORVM PRIMVS.

**S**ic autem opinamur unumquodque complexum simpliciter, non sophisticomore, hoc est secundum accidens, cum causam arbitramur cognoscere, propter quam res est, atque hanc illius esse causam, neque continere hoc aliter se habere.

Demonstratio est modus cognoscendi, an res sit, qualis sit, propter quid sit, uerè sciendo. Hæc est præcedens cognitio, ex qua oritur illa conclusio, omnem ueram demonstrationem fieri ex ueris primis immediatis, prioribus, notioribus, & ex causis conclusionis.

Definitio Metaphysica: Deus est ens perfectissimum.

Definitio naturalis: Homo est animal rationale.

Definitio Mathematica: Linea est longitudo, sine latitudine. & sic de reliquis definitionibus in cæteris facultatibus. Atque hæc docentur constitui per quartam rationem, quæ dicta est D.

Omnis syllogismus faciens scire, est ex ueris primis immediatis, prioribus, notioribus:

Omnis uera demonstratio est syllogismus faciens scire:

Ergo omnis uera demonstratio est ex ueris primis immediatis, prioribus, notioribus.

## LIBER POSTERIORVM II.



Genus est, quod prædicatur de pluribus differentiis specie, in eo quod quid est.

Differentia est, quæ prædicatur de pluribus differentiis specie, uel numero, in eo quod quale quid.

Species est, quæ prædicatur de pluribus differentiis numero, in eo quod quid.

Proprium autem est, quod quidem non indicat quid est, soli autem inest, atque ita prædicatur de re, ut illa rursus de ipso prædicari possit: ut proprium est hominis, Grammaticæ esse susceptibilem.

Accidens est, quod contingit et inesse cuilibet uni, & eidem etiam non inesse: ut sedere contingit alicui uni, & inesse, & non inesse.

» Scire autem unumquodque incōplexū opinamur simpliciter, nō sophisticō  
» more, quod est secundum accidens, cū causam arbitramur cognoscere,  
» propter quam res est, atque hanc illius esse causam, neque contingere  
» hoc aliter se habere.

Definitio est modus sciendi uerè quid est, si est uera definitio. Sed de his habitus est sermo exactius in Institutione nostra, quam conscripsimus in II. Poster. lib. hic uerò posuimus has definitiones, ut tantummodo eorum quæ dicerentur, essent exempla. Hæ sunt antecedentes cognitiones, ex quibus discimus hanc conclusionem. Definitio est composita ex genere & differentia.

Omnis oratio qua cognoscitur quid est, est cōposita ex genere & differentia. Ergo omnis definitio est cōposita ex genere & differentia.

Ex quibus planè cōstat, libro Porphyrij locū nō esse, nisi in ea parte, ubi ostendunt proprietates definitionis. Huiusmodi enim definitiones referunt tantummodo ad opus in hac facultate, neque debent præcedere definitionē nominis. omne enim genus est nomē, at nō ē contrariō. Neque illud quicquid obstat, quod ad intelligendā nominis definitionē, an recte constituta sit, necessariū est scire, in illa esse genus & differentia. Nā pariter ad cognoscendā definitionē generis, an recte cōfecta sit, oporteret scire, quid esset genus & differentia: atque ita genus præcederet genus, & oporteret scire proprietates definitionis: quod minimè fieri potest. ergo nihil repugnat, quod dictū est. Necessarium est igitur, in principijs quædam intelligere, quæ quidē est simplex cognitio: quædam uerò supponere, atque ita fit exacta cognitio. Præterea si ad cognoscendā definitionē nominis necessariū esset intelligere quid sit genus, quid differentia: ad cognoscendā item æquiuocorū & uniuocorū definitionē, necessariū fuisset eandē ipsam generis definitionē cognoscere, quæ (ut uidere licet) cū minimè sumpta sit, reprehendendus uidetur esse Aristot., qui necessaria omiserit. Quod si quis dicat, illā quidem necessariam non esse, sed utilē, atque ita recte omitti potuisse, item etiā ante definitionem nominis omitti potuit, itaque nihil id contra nos facit. At nō animaduertunt interpretes isti, dum uolunt Porphyrium tueri, sese Aristotelem ipsum redarguere: quia nō modo est utile (ut ipsi dicunt) ad illa quatuor cognoscere

scere hæc, sed est ita necessarium, ut aliter fieri non possit. Falsa enim esset propositio illa,

*Omnis doctrina, & omnis disciplina fit ex præexistenti cognitione prædicati, & subiecti.*

Nam liceret addiscere, definitionem cõponi ex generibus & differentijs, quæ sunt prædicata, sine illa præexistenti cognitione. Falsum etiam esset, quod scribit Aristoteles initio Periherm.

*Oportere primum ponere quid sit nomen, quid uerbum, & cætera.*

Quia nullã aliam ob causam id necessarium fuit, nisi ut ostenderet enunciationes cõponi ex nominibus & uerbis. Præterea si necessarium est ad cognitionẽ Prædicamentorũ Aristotelis, intelligere prius quid sit genus, quid differentia, quæ quidẽ cognitio habet in Logica, dicendũ omnino uidet, librũ ipsum Prædicamentũ artis Logicæ lib. insequi oportere, non antecedere, quemadmodũ illi falsio fortasse putant.

E.

#### DIALECTICI SYLLOGISMI.

Si quod minus uidetur fieri posse, tamen fit, multo magis id fiet, quod magis uidetur fieri posse: At minus uidetur fieri posse, ut miles capiat urbem, tamen cæpit: Ergo & exercitus capiet.

Id quod per se est causa boni, magis eligendum est, quàm id quod est causa per accidens: At uirtus per se est causa boni, fortuna per accidens: Ergo uirtus magis est eligenda, quàm fortuna.

Finis est magis eligendus, quàm ea quæ ad ipsum finem pertinet: Operatio secundũ uirtutem est finis, at diuitiæ & sanitas ad finem pertinent: Ergo operatio secundũ uirtutem est magis eligenda.

Hæc sunt argumenta Dialectica. cõstant enim ex rationibus communibus, quæ ad omnes accõmodantur. Ac propterea quidẽ Dialectica dicitur non esse cuiusq; certi definitiue generis, quia uersatur in omni subiecto. Hæc uerò rationes dicuntur cõstitui per quintã rationem, quæ dicitur E. Atq; is liber inscribitur Topica, qui quidem duplicem nobis usum utilitatẽq; affert. eius enim altera pars, ne frustra id fieret per plura, qd potuit fieri per pauciora, atq; æquẽ bene perficit, atq; absoluit Logicã. tradit enim conditiones syllogismi Dialectici, sine quibus perfecta nõ erat Logica. Altera uerò cõstituit Dialecticam, quatenus habet locos illos communes, ex quibus de omni re differere possumus. In hoc autẽ ipso libro Topic. agit Aristoteles de proprietatibus Dialecticorũ syllogismorum per accidens, quatenus scilicet Logici personã suscipit, quemadmodũ etiam in Rhetor. cum Politica pertractat, Politicum ipsum agere dicitur. Vno igitur libro duo nobis præstitit Aristoteles. principaliter tamen cognitio illa est Dialectica, quæ idcirco quidem coniuncta est cum Logicæ libris, quod in ea traduntur proprietates syllogismi Dialectici, quæ perficiunt ipsam Logicam, ne (ut diximus) frustra fieret per plura, quod non minus recte per pauciora fieri posset. Probabilia sunt, quæ uidentur omnibus, aut pluribus, aut sapientibus, & his quidem uel omnibus, uel pluribus, uel maximẽ notis, ac præcipuis.

Syllogismus

Syllogismus Dialecticus est, qui facit opinari: hæc sunt antecedentes cognitiones, ex quibus oritur hæc doctrina. Syllogismus Dialecticus est ex probabilibus, &c. Omnis syllogismus faciens opinari, est ex eis quæ uidentur omnibus, aut pluribus, aut sapientibus, &c.

Omnis syllogismus Dialecticus, est syllogismus faciens opinari: ergo huiusmodi syllogismus est ex eis quæ uidentur omnibus, aut pluribus, aut sapientibus. hæc autem huiusmodi sunt probabilia, igitur est ex probabilibus.

F.

SOPHISTICVS SYLLOGISMVS.

Omnis canis currit, Sidus ecclesie est canis, Ergo sidus ecclesie currit. Fel est coloris citrini, Mel est coloris citrini, Ergo mel est fel. Hæc docentur confici per sextam rationem, quæ dicitur F.

LIBER ELENCHORVM.



Væ autem uidentur probabilia, tamen non sunt, sunt ea quæ non apparent omnibus, uel pluribus, uel sapientibus: & his uel omnibus, uel pluribus, uel maxime notis & eximjs, sed uidentur apparere.

Syllogismus litigiosus, uel sophisticus est, qui gignit deceptionē. hæc sunt antecedentes cognitiones, ex quibus addiscimus hanc cognitionem, & conclusionem.

Omnis syllogismus qui gignit deceptionē, est ex eis quæ uidentur probabilia, tamen nō sunt: uel ex probabilib. Sed est apparens syllogismus, uel ex eis quæ uidentur probabilia, et est apparēs syllogismus.

Omnis syllogismus litigiosus, uel sophisticus, gignit deceptionē: Ergo omnis syllogismus litigiosus, est ex eis quæ uidentur probabilia, at nō sunt: uel ex probabilibus. Sed est apparens syllogismus, uel ex eis quæ uidentur probabilia, & est apparens syllogismus. Hæc sunt, quæ docentur in tota Logica principaliter.

Paret ergo, propositiones, ex quibus cōficiuntur omnes quas enu merauimus rationes, & termini simplices, ex quibus cōstituunt ipsæ propositiones, esse extra Prædicamēta, ut dictū est. Nam sunt affectus entis, quatenus ens est. reperiunt enim in omni ente. Atq; ita patet, Logicā docere cōstituere demonstrationes, definitiones, syllogismos Dialecticos, et sophisticos. Sophisticos tamē docet cōstituere, nō ut illis utamur, sed ut eos refellamus. Cum autem docendo utatur syllogismis & propositionibus, quæ non constant ex terminis simplicibus, qui sunt in Prædicamētis (nō enim ex homine; neq; ex animali, neq; ex substantia, neq; item ex reliquis, qui sunt in Prædicamentis, ut dictum est, conficitur ulla propositio in Logica) patet, nihil nos indigere Prædicamentis in Logica. Cæteræ enī facultates suas quæque constituit demonstrationes & enunciationes ex proprijs nominibus simplicibus. Non enim Logicæ facultatis est, facere omnes enunciationes, sed docere facere, quanq; docendo ex communibus (ut dictum est) nominibus illas constituit.

Sectio



X doctrina igitur quæ habetur in Prædicamentis, ex eis quæ in Logica facultate concluduntur ac discuntur, ex fine huius ipsius facultatis, ex natura artificij quo traduntur omnes facultates, ex necessitate qua seorsum tradita sunt Prædicamenta, ex multis alijs quæ superius in medium protulimus, illud constare arbitramur, doctrinam libri Prædicamentorū, neque esse partem Logicæ facultatis, neque ad illam quicquid pertinere. Non ab re igitur interpretaturi nos artem Logicam, cuius propriū munus est atque officium, tradere regulas cōficiendi instrumenta, quibus instrumentis omnia dubia assequamur, omissa ea quæ Prædicamentis traditur doctrina, à lib. Periher. initium docendi duximus.

Neque uerò (mea quidem sententia) parum interest, ad hūc, an ad illum modum dicatur. Nam qui putauerit, huiusmodi doctrinā esse Logicæ facultatis partem, cum minimè sit, ut opinamur, omnem huius facultatis naturā prorsus ignorabit: siquidē ea illi attribuet, quæ ab ipsa planè sunt aliena, remotaque, ac ita quidem miscet quadrata rotundis. Huc accedet etiā, ut naturā Primæ philosophiæ peruertat, cum ea ipsi adimat, quibus ademptis, mutilata sit ac imperfecta, necesse est. Quid dicam de philosophia naturali, cæterisque facultatibus, quæ res per se tractant? Nonne necesse est, quod nam sit earum munus, quæ partes, & quid quæque supponat, ignorare? Ex cōmuni enim illa, vulgataque opinione sequitur, ut huiusmodi facultates definire possint res in particulari, atque illas ignorare in uniuersali. Ac ita quidē fieri potest, ut philosophia naturalis definiat, animā esse actū corporis: ignoret autem, illam esse substantiam. & sic de reliquis scientijs. Quod quidē quā ab omni ratione alienū sit, facile constat.

Habes præstantiss. Alexander, quæ ego, ut tuæ morem gererem uoluntati, in medium asserenda duxi. In quibus si quid fortè cū Aristotelica doctrina, quam unam his in rebus nobis sectandam statuimus, minus consentire uidebitur, admonitus equidē facile & libenter sententiam commutabo. Non enim, ut aut nouas opiniones infererem in hominum animos: aut meam doctrinam, quæ nulla est, aut certe perexigua, ostentarem, id sum aggressus: sed ut ueritatem, ad quam nati sumus omnes, quæque cæteris rebus longè anteposenda est, in tanta re excitare conarer, atque in lucem proferre. Quod si fortè assecutus nō ero, certè uoluisse sat erit. Tu iam optime Alexander, ut quid tandem sentiendum sit, appareat, uiros eos qui hæc ipsa profitentur literarum studia, quique eruditissimi habentur, confules. Ego enim (ut inquit Plato) ἐμὶ τῶν ἡλιχθίνων, εἰ τι μὴ ἀληθὲς λέγοιμι. ἢ οὐκ οἶσθ' ὅτι αὐτὸν ἡλεῖται, εἰ τίς τι μὴ ἀληθὲς λέγοι. ἀλλ' ἀποδείξω μοι πῶς αὐτὸν ἡλεῖται, ἢ ἡλεῖται. μείζων γὰρ αὐτὸν ἀγαθὸν ἢ γῶμαι, ὅσα πῶς μείζων ἀγαθὸν ἴσιν αὐτὸν ἀπ' ἀλλ' αὐτοῦ κακῶς. ἢ μείζων, ἢ ἀλλοῦ ἀπ' ἀλλ' αὐτοῦ οὐδ' ἄν γὰρ διμὰ τοὺς ὅτι κακῶς εἶναι αὐτὸν πῶς, ὅσοι δόξα. λευδ' ἴσ.





ANTONII BER  
NARDI MIRANDVLANI  
APOLOGIAE  
LIBRI OCTO.

THE HISTORY  
OF THE  
CITY OF  
NEW-YORK  
FROM 1609 TO 1801  
BY  
JOHN B. HEATON

ALEXANDRO CARDINALI FAR-  
NESIO S. R. E. VICECAN-

cellario, Antonius Bernardus Miran-  
dulanus S. D.



*SUPERIORE* anno, cum alijs tu-  
stis de causis, tum quod ipse, ornatissime  
*ALEXANDER*, cum ad  
perdiscendam Logicam opera mea utere-  
re, de me quaesieras, quid esset causa, cur non  
ueterum Philosophorum omnium consuetu-  
dine a decem generibus initium sumerem:

scriptum est a me Commentarium, quo rationes omnes et argumen-  
ta congeffi, quibus opinionem meam de decem illis generibus confir-  
mari sum arbitratus. Idque tibi detuli, ut cum tua potissimum causa con-  
fectum esset, illud tu ad Philosophos omnes, qui tota Italia longe ca-  
teris praestaret, mitteres, ab ijsque per literas peteres, ut de ea re quid  
sentirent, libere omnino indicarent, scriptasque mitterent rationes eas,  
et argumentationes, quibus meam illam opinionem confirmari ac tolli  
putarent. Idque a me eo certe factum est animo, ut si ueritatem ab illis  
esse intelligerem, in eorum sententiam continuo, libenterque discedere,  
nec quicquam omnino repugnarem. Sin minus, ut Apologiam conscribe-  
rem, quas rationes omnes, et argumenta, quae contra me essent allata,  
diluere conarer, meamque ipsam opinionem tuerer. Scripsere peregre-  
gij in primis Philosophi, Buccaferrus, Genua, Madius, complures  
item alij, quorum nomina longum esset persequi. Ex his quidem non-  
nulli, ijsque praesertim quos nominauimus, doctè admodum, per ingenio-  
seque argumentati sunt, ac nihil ferè uidentur praetermisisse, quod ad  
tue ndam interpretum opinionem posset afferri. Sed tamen ea sunt, ut  
fallor, quibus ipsi nituntur, rationes, ut plane dissoluti possint. Quare  
adductus sum, ut Apologiam conficerem, eamque ipsam tuis auspicijs  
in lucem ederem, non tam quod uelim ego, quemadmodum ferè consue-  
uerunt, qui opus aliquod principi uitro dicat in uulgus emittit (quod  
tamè ipsum nec a me negligitur) tuae illam Amplitudinis nomine, stu-  
dioque tutiorem esse (hanc enim statuo ratione una, atque Aristotelis  
auctoritate etiam, munitamque exire oportere) quam ut studiosi ueri-  
tatis homines, si quid ex ea fructus perceperint, id omne tibi in primis  
acceptum referant: Cui sane ego omnia debere me, et uebe-  
menter laetor, et libentissime praedico. Vale.

ANTONIVS BERNARDVS MIRAN  
DVLAVS LECTORI S. D.



V M cæteris in rebus, tum uerò præcipuè in literis ita ferè natura comparatum est, ut quæ diuturna consuetudine semel nostris animis inhaerint, hæc inde difficillimè euellantur: tantumq; sæpe uim habet inueterata falsi opinio, ut nullis penè rationibus possit ipsa probari ueritas. Idq; ex eo præcipuè accidit, quòd quæ longo usu, aut maiorum auctoritate, nostris mentibus penitus insita habemus, hæc pro ueris ita ducimus, ut cum ea se aliter habere non posse, nobis planè persuasum sit, si quid unquam contrà afferatur, statim circumueniri nos, ac decipi suspicemur, rationesq; omnes antè reijciamus, quàm planè audierimus. Quòd si quis aliquando rem ipsam diligentius perpendat, tum facile à multis opinionem illam comprobari uidemus, quàm antè, omnes ne audiendam quidem iudicauerant. Nam quid obsecro uerius in remedia, quid etiam quod cum scriptis Hippocratis illius antiquissimi medici, atque adeò ipsius medicinæ parentis, magis consentiret, excogitari aut dici potuit, quàm quæ medicorum omnium post Hippocratem ipsum facile princeps Galenus literarum monumentis mandauit? Sed tamen quòd illius temporibus planè confirmatus erat corruptus quidam medendi usus, quot, dii boni, turbas, ut ipsemet narrat, quot clamores illorum hominum excitauit hæc ipsa ab eo ueritatis amissæ reuocatio? Multa alia possunt àfferri huiuscerei exempla, sed quòd satis res ipsa per se nota est, hoc uno contenti erimus. Cum igitur tantum apud homines ualeat inueterata maiori opinio, tantumq; præiudicij habeat, illud quidem nobis, qui uidemur afferre noua, maxime uerendum est, ne cōtra nos antè sententiam ferant homines: quàm nostra planè legerint, aut certè diligentius expendierint: simul ne interpreti illorū Aristotelis, à quibus nos dissentimus, nomen, & auctoritas, quali iam alius elata, rationum nostrarū luminibus officiat, aditūq; ad illas obstruat. Præsertim cum pleriq; homines ita planè sint affecti, ut apud eos longè maiorem uim obineat magni alicuius uiri auctoritas, quàm uel innumerabiles, certissimæq; rationes, quòd uidelicet sibi penitus persuasum habeant, cuius uiri opinionem una aliqua comprobari ætas, ita hunc nullo modo falli potuisse, ut nefas sit cū eo ulla re omnino dissidere. Atqui illud potius cogitandum fuerat, & homines illos fuisse, & humano ingenio præditos, ut æquè ac nos, errare, decipi potuerint. Hoc certe propolitu sibi uidentur habuisse præstantiores in unoquoq; disciplinarū genere uiri, dum ab aliorum opinione, quibus in rebus dissentindū putarent, nulla temporum, aut cuiusquam auctoritatis ratione habita, facile discrepant. Nunquid enim Aristotelē deterruit, uel summa magistri, uel antiquorum philosophorum auctoritas, quo minus & huic, & illis, pro uenda ueritate aduersaretur? Quid? Aristotelē ne ipsum tutata est incredibilis ingenij uis, ac propè infinita rerum omnium scientia, quo minus ab illo dissentiret interdū Theophrastus? Illumq; quoadq; relinquere omnes ipsius interpretes, & in alia omnia discederent? Ut uerò ad interpretes ipsos ueniam, quibuscum mihi res omnis est, quàm uariè illi inter se, cū Græci, tum Latini, in Aristotele interpretando dissentiant: quàm acriter interdum (propè dicam) digladiari uidentur? Alexandro cuncti sine cōtrouersia, rectè in Aristotele explanando, primas deferunt, illumq; apud omnes constat penè amissam temporibus suis Peripateticæ Philosophiæ rationem, doctrinamq; restituisse. Cum enim diu antea perditæ infestæ tenebris obsita, & quasi sepulta iacuilset, illā primus ipse penè è mortuis excitauit, atq; in uitam & in lucem reuocauit. Ab eius nihilominus sententia quot in rebus recedūt, cū ueteres, tum uerò recentiores pleriq; interpretes?

Necq;

Nec tamen eo quinquā nomine reprehendendum arbitror, sed potius probandum esse, mirificeq; amandum, in Philosophia præsertim, liberū cuiusq; hominis ingenium, qui cætera contemnat, unius ueritatis studio teneatur. Quam quidem ueritatem, cum omnibus, tum uerò in primis homini philosopho maximè semper propositā esse oportet. Atq; hæc ipsa à me nunc dicta eò pertinent, amice Lector, ut intelligas, nunquam nō licuisse in literis, licetq; adhuc, à magnis interdum uiris discrepare, nec in his auctoritati locū esse, sed omnia in ratione esse posita. Quare si ego noua dicere uidebor, uel potius uetera renouare (quid enim noua magis quàm uetera appellentur, ea quæ ex uerbis Aristotelis eruta, ratione planè confirmantur?) peto, ne id te à nostris legendis, perpendendisq; deterreat: sed quemadmodum ipse cæteris omisissis, unam in his rationem sectatus sum, simul & Aristotelis auctoritatē, quam quidem Peripatetico uiro rationis inlar ducendā arbitror (cum præsertim, si quis diligenter attendat, difficillimum sit, quicquam apud Aristotelem deprehendere, quod uel tantillum à ratione recedat) sic tu, & suadeo, & rogo, hæc duo tibi in primis proposita habeas, ita nostra legas, accurateq; perpendas, deinde sententiam feras. Ac tum quidem ego, si aliter fortè senseris, non recuso, quo minus liberè, ut tibi uidebitur, iudices. At uerò me non latet, quàm difficile id præstaturi sint, qui publicè Aristotelem ipsum interpretantes, aliam docendi uiam, rationemq; & antea secuti sunt, & hocetiam tempore sequuntur. Eos enim ut ipse arbitror, permulta impediunt, quo minus de tota re, æquo planè animo, recteq; iudicent. Nam primū doctrinæ illorum initia, unde omnis oritur cognitio, pleriq; in rebus longè alia sunt, penitusq; cōtraria. Nimirum enim cōplura illi, quæ sibi planè finxere, commentis sunt interpretes, quæq; plurimum ab Aristotelis sententiā uidentur abhorre, sic sectantur, & amplectūtur, ut uerissima esse ducant. Nos nihil in Aristotele interpretando, quod non ex illius uerbis eliciatur, probandū esse, aut omnino audiendum arbitramur. Huc accedit, quod haud scio an maximum sit, priuati commodi, gloriæq; ratio, quibus rebus in ductos per sepe homines aliud loqui, aliud sentire uidemus. Sed tamen hos etiam uehementer rogo, ac per ueritatem, & Philosophiam ipsam obtestor, ut tantisper certè, dum mea legant, ab omni alia cogitatione animū eò traducant, ut cum omnes rationes & argumentationes, quas assero, tum ea quæcunq; à me citantur Aristotelis loca diligenter considerent, nec ipsum Aristotelem magis ex aliorū sensu, arbitrioq;, quàm ex ipsiusmet uerbis interpretentur. Quod si ab illis impetra uerò, quam uerò postea sententiam ferant, quid ūe pronuncient, uiderint ipsi. Illa quidem certe spes me ualde consolatur, futurum aliquando, ut ueritas ipsa, cuius unius ego sanè studio adductus, quid sentirem liberè protuli, penitus exillat, elucescatq; tum scilicet, cum nulla re obstrictum erit hominū iudicium, nec illorum cuiusquā magis hoc quàm illud iudicare intererit, sed una fuerit ipsis proposita ueritas. At uerò, ne quis fortè me putet, temere ab aliorum consensu, sententiæq; recessisse, sed ipsa coactum ratione, uerbisq; Aristotelis intelligat, mihi sanè faciendum arbitror, ut quod mihi inueni acciderit, quemadmodumq; nihil tale cogitans in aliā ab ea quæ passim circūfertur, opinionem discesserim, quàm breuissimè potero, exponā. Ego me cum ab humanioribus literis ad Philosophiæ studiū, annos circiter quindecim natus, cōtulissem, Paulum Venerum, Occam, Egidium, Thomam, Scotum, Albertū, Auerroem, Themistiū, Ioannem Grammaticum, Simplicium, Alexandrum, aliosq; item complures tanta apud doctores meos auctoritate esse cognoui, ut oraculorum inlar eorum dicta, & tradi ab illis, & excipi uiderentur. Ex quo quidem ego tum, aliquotq; deinceps annos, illos omnes maximè admirabar, ac penè nefas esse iudicabā contra eos quicq; proferre. Interim tamen, quanta maxima poteram diligentia, Aristotelis non modo sensa, sed uerba etiam ipsa notabam, memoriæq; sedulo mandabam, iam uerò cum circiter x. v. ætatis annum attigissem, atque

ut ætate, sic etiā studio longè factus essem prouectior, animaduertere cœpi, quān inter se disiderent omnes Aristotelis interpretes. Cumq̃ unā tantum in rebus omnibus ueritatē esse intelligerem, haud fieri posse arbitrabar, ut illam omnes, qui inter se tantopere dissentirent, assecuti essent, potuisse quidē ab illa cunctos aberrare. Ita cum me ad uerba Aristotelis accuratius, studiosiusq̃ legenda atq̃ examinanda conuertissem, uix dici potest, quantum inde uel breui tempore, lucis nobis allatum sit: quā multa senserimus interpretes dicere, quæ & à ueritate, & ab Aristotelis sententiā abhorrerent. Tum de mum in intelleximus, quā stultum esset, riuulos magis quā fontes ipsos petere: quā turpe, Aristotelis disciplinā profiteri, illius uerò interpretes potius quā illū consecrari. Itaq̃ mihi cum statutū omnino esset, ad ipsummet Aristotelem studium omne meum transferre, atq̃ illi unī penitus addictum esse, nec quicq̃ quod ab eius interpretibus diceretur, probare, nisi hoc idem apud ipsum Aristotelē deprehendissem, quotidie aliquid exisitebat, in quo animaduertem, interpretes ipsos lapsos esse, longeq̃ ab Aristotelis sententiā recessisse. Ita cum nō pauca iam haberē, in quib. Aristotelē secutus, ab ipsis interpretibus dissentire: necdum tamen quid in illis planē sentiendū esset, mihi satis esset exploratum. multi me, quibuscum magna mihi erat familiaritas atq̃ necessitudo, rogabant, uti iam & ipse publicē aliquid interpretarer, utiq̃ aliquando doctoribus operam dare desinerem, quippe qui decem ferē annos continenter illos audiuissem. Tamen eorū precibus orationeq̃ adduci nunquam potui, ut quod illi à me contenderent, facere auderem: nimis enim mihi turpe futurum existimabam, si cum auctorem alijs interpretandum sumerem, in quo ipse tantopere hæsitarē. Quare cum flagrantissimo studio qua tuor deinceps annos in Aristotele uersatus essem, tū eos diligenter audiens, qui publicē profiterent, tum ipse per me dies noctesq̃ in eius lectione plurimū elaborans, uisum est mihi tandē facere, ut quæ doctoratus insignia uocant, his ornare: quæ adeptus, tum demū cōstitui amicorū meorū & necessariorum monitis ac precibus obtemperare. Itaq̃ Logicā in celeberrimo Bononiensi gymnasio publicē profiteri cœpi, illud mihi statuens in primis propositū esse oportere, ut quæ uera ipse iudicārē, hæc nō qui me audirent, libere candidēq̃ indicarem, nec quicq̃ omnino celarem. Quid enim, per deos, homini philosopho turpius esse potest, quā ea quæ à ratione ipsa, ueritateq̃ aliena existimet, docere, ac pro ueris tradere? Cum igitur hæc primū ostendissem, librum illum Aristotelis, qui Prædicamenta inscribitur, non esse Logicæ partem: Logicam planē seiunctam esse à Dialectica: Secundas, quas uocant, intentiones, interpretum esse commentum quoddam, ac figmentū, aliāq̃ eiusdem generis permulta: quantæ (dij boni) turbæ in me commotæ sunt: quot clamores hominum excitati: cum sui quisq̃ interpretis, cuius in uerba iurasset, opinionem confutari, pari nullo modo posset, crebroq̃ nomē illius & auctoritatem iactaret. Reclamabant enim, qui Auerroem, qui D. Thomam, qui Scotum, qui Græcos, aliosq̃ interpretes sectarentur, ac me unum cuncti pariter, quali grauissimum aliquod admisisset facinus, in quo animo petebant. Ego uerò illud excusare: quæ dicerem, nullius me odio, nulla adductum inuidia dicere, sed unius ueritatis studio atq̃ cupiditate: libenterq̃ sententiā commutaturum esse tum, cum ostendisset aliquis, falli me, ac decipi: nihil uerò apud me ualere, præter rationem ipsam, atq̃ Aristotelis auctoritatem. Dies itaque & noctes publicē mihi, priuatimq̃ disputandum erat: idq̃ perlibenti sanē animo, ueritatis indagandæ causa, faciebam. Illud autem mihi uerē dicere uideor, neminem me unquam reperis, cuius non argumentationes, rationesq̃ omnes mihi planē uiderer, uel facillimē, dissoluere ac refutare posse. Qua quidem re fiebat, ut magis magisq̃ quotidie meæ illæ confirmarentur opinioniones, cum apud meipsum, tum apud nonnullos etiam alios, quibus cum in ipsdem studijs familiariter atq̃ assidue uersabar, reliquis omnibus planē dissentientibus, ac contra dicentibus. Nec sanē mi-

rum.

rum. Illi enim, cum penitus interpretes sectarentur, uel rationes eorum afferebant, uel certe quas ex illis excogitassent ipsi. Ego autem unum mihi Aristotelem sequendum in omnibus proponebam, cuius à me cum loca plurima citarentur, ad hæc illi, ut mihi quidem, atque alijs etiam uidebantur, aut nihil, aut certe perinania respondebant. Neque tamen à suis illis inueteratis opinionibus, ulla ratione sese dimoueri pariebantur: ob id, credo, ut ille ait.

Neque imberbes didicere, senes perdenda fatari cogentur. Ita ego Bononiæ sex annos tum Logicam, tum Philosophiam publicè magna cum animi mei uoluptate sum professus, ac uix dici potest, quàm me libenter in hoc studiorum curriculo exercuerim. Postea uerò cum accidisset, ut grauissimis mihi de causis inde omnino discendum esset, maximo quidem cum illius urbis desiderio, Romam sum profectus cum Ioanne Baptista Campegio Maiorensi episcopo. quò ubi perueni, incredibilis me tumultus atque inuidia exceptit illorum, quibus tunc fortè meæ hic notæ erant opiniones, atque uisus cum his disputandi labor. Sed nondum anno planè perfectio, quo Romam ueneram, ipsi Campegio, apud quem eram, quo commodius ad literas incumberet, quarum sanè minico studio flagrabam, uisum est Parauium se conferre. Me autem, cum iustissimis de causis ab Vrbe discedere non possem, retinuit apud se frater eius Alexander Bononiensis episcopus. Cuius ego domi non ita multo post, eius rogatu, compluriumque ornatissimorum uirorum, quibus nihil à me satis honestè negari posse uidebatur, ingressus sum ad explicandam Aristotelis Rhetoricen, eam quæ ad Theodecten inscribitur. Idque cum aliquot dies satis diligenter, accurateque fecissem (ad audiendum enim complures quotidie docti ac honesti uiri confluébant) per quosdam homines mihi pernecessarios egit Hieronymus Saulius Archiepiscopus Barrensis, uir omni laude cumularus, ut me apud se quàm honestissimis conditionibus haberet. Quod cum assecutus esset, apud eum aliquot menses ita quidem fui, ut me, quæ summa eius est humanitas liberalitasque, fratris loco haberet, ac perhonorificè tractaret. Postea reuersus ex Belgis Alexander Farnesius Cardinalis, quò legatus de pace ad Imperatorem Carolum, & Franciscum Gallorum Regem, ab auo eius summo Pont. Paulo tertio missus fuerat, ut erat humanioribus literis planè imbutus, ita Philosophiæ omnium bonarum artium parentis cognitione exornari, perpoliri que cupiens, cum intelligeret, me in Vrbe tum esse (nouerat autem me pridem Bononiæ, ubi humanioribus literis operam dederat) planè curauit, effecitque, ut Hieronymus Saulius, me libi inuitum sanè inuitus dimitteret: quem ille quidem singulari comitate, liberalitateque complexus est. Cum enim permulta alia, magnaque in me studia & beneficia contulit, tum honestissimo patriæ meæ sacerdotio, ab auo suo Paulo tertio, Pont. max. ornandum curauit. An tequam uerò me apud se haberet, uoluit disputantem audire. Itaque mihi sæpe coram ipso cum eruditissimis ornatissimisque nonnullis uiris differendum fuit. Cum autem plurima alia nobis in disputatione uenerunt, tum magna in primis de ijs, in quibus ego à cæteris interpretibus Aristotelis discrepare, præcipueque de Prædicamentis disputatio fuit. Sed cum his disputationibus nullus posset inueniri modus, Cardinalis ipse de me quæsisset, cum illum iam Logica instituire cepissem, cur non à Prædicamentis, quemadmodum cæteri consueuerunt omnes, initium ducerem: mihi omnino faciendum esse putauit, ut Commentarium scriberem, in quo rationes eas, quibus opinio meâ de Prædicamentis confirmari arbitraret, exponerè. Hoc pertumultuaria quadam opera paucis diebus à me cōfectum Farnesio ipsi tradidi, id ab eo postulans, ut ad philosophos omnes, qui non in urbe modo, sed tota Italia longè clarissimi essent, illud mitteret, eosque rogaret, ut, quid sentirent, libere omnino sincereque significarent, ac rationes omnes, & argumentationes, quas excogitare potuissent, scriptas mitterent: eo scilicet consilio, ut si ratione me, ac Aristotelis auctoritate cōuicissent, manus illico darem, libenterque sententiam cōmutarem

tarem (nec enim me errasse aliquando, cum id humanū sit, mihi unq̃ turpe futurum existimaui: sed cognitō errore, in eo tamē uelle perseuerare) simul etiā grātiās illis & agerem, & haberem in perpetuum maximas, per quos de errore essem admonitus. Scripsere autem cum alijs permulti, tum, quos honoris causa hic appellandos cenleo, excellentissimi Philosophi, Buccaferreus, Genua, Madius: quorū ille Bononiæ, Patavij hi publicum Aristotelis interpretandi munus sustinent. Horum autem rationes omnes, atque argumentationes, cum eiusmodi fuerint, ut nō modo me de mea sententia nō depellerent, sed in ea magis etiā confirmarent, quippe quas mihi uiderer nō magno admodum ne gocio posse dissolvere, Apologiam cōscribendam putavi, qua tūm eorū quos nominaui, tum reliquorum etiā rationes omnes & argumenta, quantum quidem possem, infirmare ac tollere conarer.

Habes iam amice Lector, quemadmodum ego in eas (quas isti quidem non uas inuidiose uocant, ego autē per ueteres arbitror, quippe quæ & ratione, & uerbis Aristotelis omnino nitunt̃) opinioniones discesserim. Habes etiā, quæ mihi necessitas allata sit, eas in uulgus citius omnino q̃ putarā, edendi. Tu, quæso, omnia æqui boniq̃ cōsule, quodq̃ me ueritatis studium impulit, ut inuidiæ fluctuū tot subirem tempestates atq̃ procellas, idem te ad mea legenda, accuratēq̃ perpendenda incitet: eaq̃ probanda sint, nec ne, tuū sit iudicium. Illud autē, uti quidē debes, spero, lubens omnino q̃ putarā, edendi. Quod cum mihi p̃positum fuerit, ut nō modo rationes eas quæ cōtra me allatæ essent, infirmarem atq̃ diluerem, sed multa etiā, quæ ad rem tamen facerent, suis explicarem, nō tam mihi breuitatem sectandam cen sui, quā communī studio forum hominum utilitati, quoad eius per me fieri potuit, consulendū. Quoq̃ facilius ueritas deprehendi posset, pluribus etiā locis Aristotelis, q̃ interdum fortasse necesse fuit, quæ dicerem, cōfirmare uolui. Reliquū est, ut ijs respondeam, qui πῶς διὰ τὴν ἀπὸ τῆς ἀρετῆς, ἀπεκρίσθησαν, nihil, aut certe parū referre, quo loco statueretur hic Prædicamentorū liber: utrum cum Logica cōiungatur, ad illamq̃ ipsam pertinere dicatur, an uerō ab ea penitus seiungatur. Quid? ut artem aliquā, scientiam ūe teneamus, necesse nō est, quæ ad illā pertineant, quæ item nō pertineant, scire? Equidem neminem tam fatuum esse arbitror, tam rationis omnis expertem, qui hoc fateatur. Ex eo enim planē liquet, ut qui cuiusq̃ artis, scientiæq̃ finis sit, ignoremus, quo quidē in uno omnis posita uidetur esse cognitio. At uerō, si Logicæ tribuas, quæ ab ea aliena omnino sint, atq̃ hæc ipsa illius esse propria existimes, qui fiet unquam, ut eam recte percipias, ac nō tota semper (ut aiunt) uia ridiculē turpiterq̃ nimium erres? Quid? nōne Primæ philosophiæ naturā omnem, rationemq̃ penitus ignorabis, ac illā quasi mutilatā reddideris, si ei, quæ sua sunt, ademeris, atque aliæ planē facultati assignaueris? Quid hoc, obsecro, aliud est, nisi totam philosophiæ rationem perturbare & confundere, atq̃ (ut Poëtæ illius uerbis utar) mutare quadrata rotundis, & terræ (quod aiunt) cœlū penitus miscere? Sexcenta possem Aristotelis asserre loca, quibus ob hanc ipsam rem (meo quidem iudicio) lapsi sunt interpretes omnes. Sed, quod ex Cōmentario nostro, atq̃ ex Apologia satis hoc facili pericipi potest, simul ne epistola ipsa planē iam in uolumen excreseat, plura non scribam. Vnum illud addam, hoc etiā compulso esse ingeniosos homines, cum ex interpretū opinione putarent, Aristotelem librum illum Prædicamentorū ante Logicam collocasse, ut in Aristotelem ipsum inueherent, totamq̃ reprehenderent illius docendi rationem. Cuius quidem generis editus est in lucem Petri Ramii liber: ut hinc etiā, quanti res illa æstimanda sit, quiuis facili possit intelligere, cum ex ea princeps omnium Philosophus, idemq̃ summus docendi artifex, nō in leuem inscitia atq̃ imprudentiæ culpam uocerur.

Vale amice lector, nostraq̃ non alio, atq̃ à nobis quidem scripta sunt, animo lege.

Antonij



ANTONII BERNARDI MIRAN-  
DULANI APOLOGIAE

LIBER PRIMVS.



**P**LV RIBVS rationibus, acutis sanè, & ingeniosis, conati sunt multi ea refellere, quæ à me scripta sunt in Commentario, quod ad doctissimos ac celeberrimos tota Italia Philosophos legendum, examinandumq; perferri uoluit amplissimus Patronus meus. Verùm quoniam ea quæ eo libello sum complexus, existimo neq; à ueritate, neque ab Aristotelis sententia aliena esse, conabor ad ea quæ contrà sunt allata, respondere, nostramq; opinionem & Aristotelis auctoritate, & ipsa ratione tueri. Ac ne quis fortè putet, quicquam cuiquam falso ascribi, eorum qui contrà argumentati sunt, uerba ipsa recitabo, ac deinceps, ut poterò, ad rationes eorum dissoluendas aggrediar. Ego enim, quæ & antea dixi, & nunc sum dicturus, cum Peripareticorū doctrina consentire, mihi penitus persuasum habeo: aliorum tamen, qui non iurunt in uerba cuiusquam, erit iudicium. Primus autem, qui contra ipsum libellum nostrū scripserit, extitit M. Antonius Genua, uir quidē & in Philosophiæ disciplina clarissimus, & omnium bonarū artiū peritissimus. Quare is etiam primus fuit, cui ipse respondeā.

Quæritur, an Prædicamentorum liber inter Logicæ libros, uel GENVA diuinae potius scientiæ sit annumerandus. Excellentissimus Antonius Mirandula librum hunc tenet non Logicum esse, sed Metaphysicum, de Metaphysicâq; modo quodam extractū esse, ac post Logicam repositum, quandoquidem eorum quæ in libro illo continentur, noticiæ præexigatur ijs, quæ in naturalibus traduntur.

Fundamenta, quibus suam hanc tueretur opinionem, ut colligere potui, quatuor sunt, ac super his multa argumentorum series ordinata. Quorum primum: In Prædicamentis res, non rerum uoces considerantur, cum genera, ac generis species cū suis cognoscantur proprietatibus, qui cognoscendi modus rei, uti res illa est, dici debet.

Secundum: Ens, ut ens, atq; entis species, quæ genera ista decem sunt, à Metaphysico cognoscuntur, quam quidem noticiam nō alia intentione accepit Philosophus in Prædicamentis. inde sequi indubiè uidetur, noticiam hanc, uel Primam esse philosophiam, uel saltē aliquam eius partem. Tertium: Quoniam quæ in Prædicamentis traduntur, regulæ non sunt, quibus ualeamus in opus exire, quomodo quæ in alijs tradita sunt Logicæ libris, non Logicæ itaq; particula erit. Quartum: Quæ ad uniuersam Logicam attinent, pro reperiendis huius instrumentis, definitione scilicet, ac demonstratione, omnibus numeris habentur perfectæ, si initium fiat à libro Perihermeniarum, & in nouissima parte Logicæ reponatur terminus.

Super.

Superfendendum itaq; erit à libro Prædicamentorum.

Oppositam huic sententiam tenent omnes, quos legerim, auctoritate digni exponentes, Græci scilicet, Latini, & Auerrois: cum eorum monumenta, in exponendo librum hunc, tanquam primum inter Logicæ libros, clara legantur: quamuis non defuerit, qui opinionem illam de rebus Eustratio attribuerit, Hammonius. In hoc arduo quæsito duo mihi videntur considerata, uero doctore mentem nostram illuminante. Alterum, de quo in libro isto Aristotelis fuerit intentio, rebus scilicet, uel rerum potius intentionibus. Reliquum, quem ordinem tenere debeat. Sit ad primæ euidentiæ, pro sententia expositorum ferme omnium, conclusio talis: intentionem esse de simplicibus uocibus res ipsas exprimentibus, non autem de rebus, neq; de ente, ut ens est. Secunda conclusio ad reliquam euidentiæ, librum hunc ante cæteros totius Logici negotij libros locandum esse. Cõfirmatur prima, nam si de generibus istis, ut entia sunt, intentio esset, ergo ut abstracta ab omni materia, atq; immobilia legerentur. Sic requirit Metaphysica definitio, quæ à cæteris distinguitur proprijs disciplinis, v. l. Metaphysicæ 11. Vel igitur per essentiam abstracta erunt, quod dicendum non est: uel (ut aiunt) per indifferentiam. At talia, ut sciantur, egent necessariò eorum quæ naturalia sunt: ideo ante naturales legendus non erit liber iste. Quod si dicatur noticia confusa, ante libros philosophicos librum hunc cognoscit: tunc perinde dicendū erit de his, quæ per genera hæc manifestantur in naturalibus, ac si ignotum per ignotius manifestari diceretur:

#### SECTIO PRIMA.

ANT.



D hæc ipsa nunc respondebimus, reliqua deinceps intermissa repetemus, simul & dissoluere conabimur. Primum, quod dicit, genera, ut abstracta ab omni materia pertractari, si ut entia sunt, tractantur: negamus, nos dixisse, in libro Prædicamentorum agi de generibus illis, ut entia sunt: sed substantiam pertractari, ut substantia est, quantitatem, ut quantitas est, eodemq; modo reliqua. Quod si uir iste doctissimus illud opponeret, me ita existimasse, ens, ut ens, subiectum esse huius libri, ac propterea necessariò genera illa ibi pertractari sub ratione subiecti: sciendum est, ita me sensisse, ens huius libri subiectum esse, quia est subiectum Primæ philosophiæ, cuius hic ipse liber (ut ostendimus) est pars. Suum tamen in quoq; prædicamento esse subiectum, ut in Prædicamento substantiæ ipsam substantiam, in qualitate qualitatem. Itaq; necessariò ibi esse aliquod subiectū, quod illi doctrinæ unitatē tribuat simul cum cæteris partibus Primæ philosophiæ: quia x. Prædicamenta sunt instar decem librorū, quorum in alio de substantia agitur, in alio de quantitate, eodemq; modo de reliquis generibus sigillatim. Consentiant autem inter se, & cum cæteris partibus Primæ philosophiæ in communi subiecto, quod subiectum illi doctrinæ suam tribuit unitatem cum cæteris partibus, non tamen potest

potest esse subiectum illi adæquatum, cum non sit una aliqua doctrina separatim, sed pars diuinæ doctrinæ, ut liber de Cælo & mundo, & liber Meteororum conueniunt in subiecto communi, quod subiectum tamen non est singulis eorum adæquatum. Quod quia hic ipse liber inscribatur liber Prædicamentorum numero plurali, uidetur non nihil fauere nostræ opinioni: etsi fieri potest, ut appelletur liber numero singulari, & complectatur multas res diuersas. Quod uero insert, oportere decem illa genera ibi considerari sub ratione illius generis: responderim (ut ego quidem sentio) non modo necesse esse, species considerari in tota illa facultate, cuius illud est subiectum, sub ratione illius ipsius generis, sed necessario illas ipsas species in aliqua parte illius totius facultatis, considerari sub ratione propria. Aliter enim illud negandum esset, unius scientiæ unum esse subiectum, cuius illa partes & passionis consideret, nisi naturas proprias illarum partium, propriosque affectus contempleretur. Quo quidem eueritur illud Aristotelis 1. Posteriorum lib. Vnam scientiam esse, quæ considerat genus aliquod subiectum, eiusque generis partes, & passionis. “  
In tota igitur diuina philosophia agitur de ente, quatenus ens est: & de omnibus ijs quæ enti subiiciuntur, quatenus entia sunt. In hac tamen ipsius diuinæ philosophiæ parte, hoc est in lib. Prædicamentorum, agitur de Prædicamentis, eorumque propria natura: & affectus ostenduntur, quemadmodum in tota Logica agitur de modis cognoscendi, ut arte docentur constitui. In priore tamen Posteriorum lib. agitur de demonstratione, quatenus demonstratio est: in Posteriore item lib. de definitione, quatenus definitio est, commune tamen subiectum est modus cognoscendi. Si quis autem uelit scire, cur huiusmodi doctrina, quæ est Primæ philosophiæ pars, à reliquis ipsius Primæ philosophiæ partibus seiuncta sit, is Commentarium legat, in quo (nisi mea me fallit opinio) satis huiusce rei causa ostenditur.

At quamquam ex his dissolutum putamus esse doctissimi uiri argumentum (quod enim diximus, patet ex nostro libello) tamen non grauabimur, ut occasio detur nonnulla declarandi, quæ difficilia sunt, posito etiam antecedente, negare id quod infertur. Quod quidem doctissimus uir iste non probauit, sed forte tanquam manifestum supposuit, nos ita probari potuisse putamus. Ens, ut ens, est abstractum ab omni materia: decem genera sunt entia, atque ut entia considerantur: ergo considerantur, ut abstracta ab omni materia. Quod si ad hunc modum proberetur, quod insert uir excellens, priorem negamus propositionem, idque hac ratione confirmamus. Ens, ut ens, quod quidem est subiectum in diuina philosophia, suas habet causas, ut patet ex primo Metaphysicæ libro X VII I. & I I I I. I. & V I. I. & multis alijs in locis. In ipsis autem causis est materia & forma, ut patet ex primo lib. & duodecimo Metaphysicæ. ergo est compositum: simplicis enim non sunt causæ componentis. Non ergo dicendum est, abstrahi id à materia, quod ex ipsa materia constet, & ex forma: nisi propterea abstractum uocemus, quia est uniuersale: omnia  
autem

autem uniuersalia sunt abstracta à materia, quod quidem nihil contra nos facit.

Quòd si dicatur definitio Primæ philosophiæ abstracta esse, atq; ex eo sequi, ut ens, quatenus ens, sit abstractum, negamus id quod assumptum est. Definitiones enim entium, quæ entia per se sunt, atque ut entia considerantur, traduntur per illas causas, ex quibus entia illa dicuntur constitui. hæc est enim ipsius definitionis natura: hæc autem causæ sunt materia & forma, ut ostensum est: ergo traduntur per materiam & formam, eo tamen ordine, quo forma materiâ præcedit, atq; ideo Aristoteles in Metaphys. loquitur de materia & forma. Quod autem ad illū Aristotelis locum VI. Primæ philosophiæ lib. attinet, dicimus, Aristotelem noluisse uerbis illis negare, Primā philosophiā definire per materiam, ob eas quæ allatæ sunt, rationes. Quòd si dixerit Philosophū naturalem definire per materiam: nos id esse causæ credimus, quòd naturalis abstracta primò nō considerat, etsi reuera abstracta ipsa considerat.

#### SECTIO II.



Ed quoniam nobis in animo est, ut in proemio diximus, non modo ea dissoluere, quæ contra nos allata sunt, sed etiam, quo facilius nostra perspicui possit dissolutio, aperire multa, quibus (ut opinamur) decepti homines longè ab Aristotelis sententiâ aberrarunt, multas in medium dubitationes proferemus.

Primum igitur dicat aliquis: Quid uidēris illud sentire, Primam philosophiā pertractare materiam, et quæ ex ipsa materia cōstant, & forma: itaq; definire per materiam. Quæ omnia Aristotelis testimonio cōpluribus in locis apertissimè tolluntur. Is enim VI. Primæ philosophiæ lib. text. 11. Philosophiā naturalem distinguit à cæteris scientiis, propterea quòd uersatur circa ens mobile, & circa substantiam inseparabilem duntaxat. Idem text. tertio ostendit, res naturales definiri per materiam; atq; idcirco distinguit ipsam naturalem philosophiā à Mathematicis. Et text. quarto ponit, naturalem philosophiā uersari circa inseparabilia, & mobilia, & quasdam Mathematicas circa immobilia, sed inseparabilia: ut in materia, primam circa separabilia & immobilia. Et lib. octauo, text. 1111. tradit formas naturales definiri per materiam: quod quidem non ita foret, nisi hoc esset proprium naturalis Philosophiæ. Et lib. secundo, text. xxvi.

» Quoniam autem est, inquit, scientia quædam ipsius entis, e ratione qua est ens, ac separabile, considerandum est, utrum eadem, an  
 » diuersa potius à naturali sit ponenda. Naturalis itaq; circa ea uersa  
 » tur, quæ motionis principium in se habent. Mathematica uero est  
 » quidem contemplatrix quædam, et circa immobilia uersatur & ipsa,  
 » at non separabilia, uti patet. est ergo circa ens separabile, atq; immo-  
 » bile, quædam ab his utrisq; diuersa, si sit in ratione rerū quædam sub-  
 » stantia,

*stantia, talis separabilis inquam, atque immobilis, quod quidem enite-*  
*mur postea demonstrare.*

Nam propter genera contemplatiuarum scientiarum, & propter  
 ipsas substantias separatas dicit, diuinam philosophiam esse prestan-  
 tissimam, & distinctam à philosophia naturali. Et duodecimo libro  
 Primæ philosophiæ, text. II.

*Substantiæ autem tres sunt. una est sensibilis, cuius alia est per-*  
*petua, alia corruptibilis, quam omnes fatentur, quales sunt plantæ,*  
*ac animalia: atque huius elementa sumantur necesse est, siue unum*  
*sit, siue multa. Alia autem est immobilis, hanc quidem inquirunt se-*  
*parabilem esse, alij diuidentes in duas, alij in una natura ponentes for-*  
*mas ipsas, & Mathematica, alij Mathematica solum esse dicen-*  
*tes. Illa igitur naturalis scientiæ sunt, sunt enim cum motu: hæc ad*  
*aliā scientiam spectant.*

Et primo libro de Physico auditu, text. ultimo.

*De principio autem secundum speciem, utrum unum, an plura,*  
*aut quot, aut quæ sunt, per certitudinem Primæ philosophiæ opus*  
*est determinare: ergo in illud tempus apponatur. De Physicis au-*  
*tem, & corruptilibus speciebus in posterius durandis dicemus.*

Item II. lib. Physicorum, text. XIX. tradit, res naturales nō definiri  
 sine motu. ubi perspicuè constat, eum definitionem cum motu ap-  
 pellare eam, quæ cum materia est. & eodem lib. text. XXVI.

*Amplius, inquit, eorum quæ sunt ad aliquid, materia est: in alia*  
*autem specie alia materia, usque ad quantum. Ergo Physicum oportet*  
*cognoscere speciem, & quod quid est? aut, quemadmodum Me-*  
*dicum neruum, aut fibrum æs, usque ad quendam terminum alicu-*  
*tus. Cuius enim causa unumquodque rei & circa hæc, quæ sunt se-*  
*paratæ quidem species in materia. Homo enim, & hominem gene-*  
*rat ex materia, & sol. Quomodo autem se habeat hæc separabilis,*  
*& quid sit, Philosophiæ primæ est determinare.*

Et text. LXXI.

*Et tenetur Physicus considerare omnia, quæcunque mota mo-*  
*uent: quæcunque autem non, non amplius Physicæ sunt. Non enim in*  
*seipsis habentia motum, neque principia motus mouent, sed immo-*  
*bilis sunt. Vnde tria negotia sunt. hæc quidem circa immobile, a-*  
*liuero circa mobile quidem incorruptibile, quædam autem circa*  
*corruptibilia.*

Et lib. I. de Generatione & corruptione, textu decimoquarto, di-  
 stinguuit diuinam philosophiam à naturali, his uerbis:

*Existente autem causa una quidem, unde principium motus esse*  
dicimus,

» dicimus, una autem materia: talem causam dicere oportet. de illa e-  
 » nim dictum est prius in de motu sermonibus, quod est hoc quidem im-  
 » mobile per omne tempus, illud uero quod mouetur semper. Horum  
 » autem de immobili quidem principio distinguere, prioris est philoso-  
 » phiæ. De eo autem quod, propter ea quod continue mouetur, alia mo-  
 » uet, posterius assignandum est, quod tale horum, quæ singularium di-  
 » cuntur causa.

Et primo libro de Anima, xv.

» Si autem sic se habet, manifestum, quoniam passionum rationes  
 » in materia sunt: quare termini tales. ut tracti quidem, motus talis  
 » corporis, aut partis, aut potentiæ, ob hoc, & gratia butus, & pro-  
 » pter hæc. Igitur iam Physici est considerare de anima, aut omni,  
 » aut tali.

Atque ita patet, quæcunque sunt cum materia, esse Physicæ con-  
 siderationis: non ergo pertinent ad Primam philosophiam. Item eo-  
 dem libro, textu decimo sexto scribit, definitionem naturalem esse,  
 quæ ex materia & forma constet, & textu decimo septimo:

» Aut uero est, inquit, aliquis qui circa passionem materiæ non se-  
 » parabilis: sed Physicus circa omnes, quæcunque huius corporis, &  
 » huius materiæ opera & passionem sunt. Circa quasque autem, non  
 » butus, alius: ut circa aliqua quidem artifex est, si contingat, ut instru-  
 » tor, aut Medicus, non separabilium quidem. in quantum autem non  
 » talis corporis passionem, ut ex abstractione, Mathematicus: secun-  
 » dum autem, quod omnino separata, primus philosophus.

Quibus omnibus uidetur Aristoteles aperte ostendere, hoc in-  
 teresse inter diuinam philosophiam, & naturalem, quod diuina phi-  
 losophia pertractat ea quæ materia carent, naturalis autem ea quæ  
 ex materia constant. Itaque perspicue apparet, primum philosophum  
 non considerare composita ex materia & ex forma, neque etiam ip-  
 sam materiam. Quæ omnia sunt à nobis posita.

#### SECTIO III.



T uero, quoniam & rationes prius allatæ, quæque affe-  
 rentur, & Aristotelis auctoritates, uidentur id quod à  
 nobis dictum est, comprobare, nisi uelimus, Aristote-  
 lem cum sibi metipsi, tum etiam rationi aduersari: ope-  
 ra precium est interpretari eos, quos proximè recitauimus, Aristo-  
 telis locos. Quare alius repetentes, uberioris, clariorisque doctri-  
 næ causa, quoque, quid inter diuinam philosophiam et naturalem in-  
 ter sit, appareat, dicimus, & diuinam philosophiam, & naturalem con-  
 siderare materiam & formam, & composita ex ipsa materia & for-  
 ma, abstracta etiam à materia, quod ad ipsum esse attinet, quod item  
 ad quid est. Quæ omnia sic ostendi posse arbitramur.

Philosophi

Philosophi naturalis est, substantias quoque separatas contemplari, eo quo dictum est modo. nam philosophi est, quatuor genera causarum entis naturalis inuestigare, ut rerum naturalium scientiam consequatur, id quod ostendit Aristoteles text. primo primi Physicorum libri. Substantiæ autem separatae sunt, unum ex quatuor illis causarum generibus, ut constat. ergo philosophi naturalis est, inuestigare ipsas substantias separatas, itemque scire illas esse (sunt enim omnino ignotæ) & ipsarum naturam cognitam habere. Scimus enim verum, cum illarum, quæ quidem haberi potest, hanc habemus cognitionem. Huiusmodi autem cognitio est, quod ad ipsum esse attinet, quod item ad quid est: ita philosopho naturali causas cognitæ esse oportet. quod enim illius proprium est, id ab alio perdisci non potest: nam descenderetur de genere in genus. Huc accedit, ut subiectum philosophiæ naturalis perfectius cognoscere in alia scientia, quam in ipsa naturali philosophia. Præterea, si philosophi naturalis est cognoscere materiam & formam, quod ad ipsum esse pertinet, & quod ad quid est, quia sunt causæ corporis naturalis, cur non est illius etiam cognoscere formas abstractas, & quod ad ipsum esse attinet, & quod ad quid est, quæ item sunt causæ corporis naturalis: eadē est enim, ut constat, ratio. Philosophi ergo naturalis est, indagare substantias separatas, quod ad ipsum esse pertinet, & ad quid est. Ab illo autem materiam & formam, quæque ex his composita sunt, considerari oportere, nemo sane in dubium uocare potest.

Primæ etiam philosophiæ est, considerare causas entis, quatenus ens est. hoc enim ostendit Aristoteles IIII. Primæ philosophiæ lib. & VI. primo, ultimoque. & VII. primo, & XI. primo, & II. lib. Vbi ostendit, in quatuor causis non esse progressum in infinitum. & XI. lib. ubi re ipsa docet omnes causas. Sed cum horum entium causæ sint quatuor, formalis, materialis, finalis, efficiens, ut ex eisdem ferè locis Aristotelis patet, considerabit primus philosophus materiam, formam materiale, finem, & causam efficientem. In quibus sunt formæ etiam abstractæ à materia, & quod ad si est pertinet, & quod ad quid est. Itaque considerabit composita ex materia & forma, cum enim considerentur causæ, & elementa compositorum, considerantur ipsa composita. Hoc enim cum satis ipsum per se constat, tum verò maximè ex XI. Primæ philosophiæ lib. text. I. Ergo definit per materiam & formam, id quod nobis propositum fuit ostendere. Definitio enim oritur ex causis rei, quæ definitur. aliter enim non explicaret quid est rei definitæ.

Ipsa quoque Prima philosophia considerat substantias separatas, & quod ad si est pertinet, & quod ad quid est, ob easdem rationes, quibus ostendimus, philosophiam naturalem eas contemplari. sunt enim & ipsæ causæ entis, quatenus ens est, atque omnino latet.

Cæterum, cum naturalis philosophiæ subiectum sit corpus naturale (ut inferius ostendemus, cum de connexionem VI. lib. Primæ philosophiæ cum cæteris libris disputabimus) diuinæ autem philo-

phiæ sit ens, ut ens, si quærant causas suorum subiectorum, necesse est, alteram eas quærere ut sunt causæ corporis naturalis, itaq; angustius & particularius; alteram, ut sunt causæ entis, quatenus ens est, & sic latius atque uniuersalius, cumq; eadem sint causæ, distinguí illas oportet distinctione subiecti. Easdem uerè esse, præterquam quòd satis apparet, cum ex uniuersa diuina philosophia, tum etiã ex libro Physicorum, præterea ostendit Aristoteles lib. XI. tex. XII. his uerbis:

- » *Eodem modo se habet, & circa scientiam naturalem. ipsa namq;*  
 » *naturalis facultas accidentia, principiaq; eorum quæ sunt, ea ratione*  
 » *qua mouentur, non ut entia sunt, contemplatur.*

At quia ens, quod diuina philosophia contemplatur, per se prius natura est, quàm ens naturale, quod philosophia naturalis considerat (ab eo enim nō conuertitur subsistendi cōsequentiā) huiusmodi causæ sunt prius causæ entis, quatenus ens est, quàm entis naturalis. Prioris enim rei causæ, necessariò sunt priores. At in his causis sunt substantiæ abstractæ: substantiæ igitur abstractæ sunt prius causæ entis, ut ens est, quàm entis naturalis: itaq; prius naturā pertinet ad diuinā philosophiā, quàm ad naturālē. Non igitur ab re dicere licet, Aristotelem in omnibus locis citatis distinguere ipsam diuinā philosophiam à cæteris scientiis, quòd cōsiderat has causas primò. Ac licet diuina philosophia cōsideret reliquas causas primò eadem ratione, tamen Aristoteles mentionē fecit de substantiis separatis à materia, quòd ex his diuina philosophia suā præstantiā consequit̃. Dixit aut̃ philosophiam naturalem cōsiderare materiā, quia materia nullā affert excellētiam diuinæ philosophiæ, licet ab ipsa cōsideretur. Sed de his infra pluribus. Quòd autem Aristoteles (ut diximus) tradat, illas esse primæ philosophiæ, quòd primò ad ipsam pertinent, colligipotest etiam ex tertio libro de Cælo, ubi ait:

- » *Esse enim quædam entia ingenta, & totaliter immobilia, magis*  
 » *est alterius, & prioris, quàm Physicæ considerationis.*

Quo in loco, aduerbium Magis earū contemplationem philosopho naturali non derogat, quam primò tamen ipsi primo philosopho tribuit. Aristotelem uerò ita solere loqui, ut dicat quædā aliud habere, quòd hoc primò habeant: aliud nō habere, quòd primò nō habeāt, cū ex multis alijs locis colligi potest, tū uerò maximè ex VII: Prime philosophiæ lib. ubi sepe ait, quiditatem & definitionem esse substantiarū, non accidentiū, idq; non quòd accidentium nullæ sint quiditates & definitiones, sed quòd nō primò sunt ipsorum accidentium, quemadmodum substantiarum. Quia igitur, ut ostensum est, Philosophus naturalis cōsiderat easdem causas, ut sciat sua subiecta (scimus enim uerè tum, cum causas cognitās habemus, ut patet ex I. Posteriorū lib. cap. II. & II. lib. cap. III. & I. lib. Physicor. tex. I. & II. lib. XXXVII. & I. Primæ philosophiæ x VII.) ac dicitur definire per materiam, necessariò dicendū est, primum philosophum etiā definire



finire per materiam eadem ratione. Ex quo quidem facile constat, recte dissolutum esse huius præclari uiri argumentum, recteque interpretatas esse auctoritates eas, quas diximus. aliter enim sibi non constaret Aristoteles. totaque euerteretur Primæ philosophiæ doctrina, ac in primis XII. liber, in quo maxime de his causis agit.

Ac ne forte isti existiment, noua quædam nos, planeque *absurda* in medium protulisse, non alienum erit (ut intelligant, quanta sit ueritatis uis, quæ quidem sæpe uel inuitos homines ad se trahit) interpretibus istis quos ipsi sequuntur, testibus uti, horumque ipsorum uerbis ex aliqua parte opinionem nostram confirmare. Ex Latinis igitur D. Thomas in VI. Primæ philosophiæ lib. ita scribit:

Auertendum est autem, quod licet ad considerationem Primæ philosophiæ pertineant ea quæ sunt separata, secundum esse, & secundum rationem, à materia & motu: non tamen solum ea, sed etiam de sensibilibus, in quantum sunt entia, philosophus perscrutatur. nisi forte dicamus, ut Auicenna, quod huiusmodi communia, de quibus hæc scientia perscrutatur, dicuntur separata secundum esse, non quia semper sint sine materia, sed quia non de necessitate habere esse in materia, sicut Mathematica.

Auerroës quoque in II. lib. Primæ philosophiæ, Com. LXXI.

Et scientia, inquit, diuina non considerat de rebus abstractis tantum, sed & de rebus existentibus, secundum quod existunt.

At quæ existunt, constant ex materia, & ex forma. Sentit igitur, Primam philosophiam considerare etiam composita ex materia & forma. Ioannes item Gandauen. in XII. Primæ philosophiæ lib. quæstione secunda, hæc scripta reliquit:

Cum dicis, inquit, quod Metaphysica definit sine materia, conceditur, quod ad tractatū de substantijs abstractis: sed quod ad alios tractatus præcedentes, bene definit per materiam, non in quantum est substantiam transmutationis, sed in quantum est substantia, & ens.

Nihil ergo noui nos, aut absurdi diximus, cum idem etiam asserant interpretes istius, quibus isti plurimum tribuunt. Hæc ipsa autem argumenti Genuæ dissolutio, infra etiam magis perspicua fiet, ubi quemadmodum sextus Primæ philosophiæ liber cum cæteris superioribus libris connectatur, quidque eo ipso libro propositum fuerit Aristoteli facere, ostendemus.

SECTIO IIII.



Thic illico mihi uidere uideor, qui sectantur Auerroëm, quique Aristotelis animam in eum illapsam esse iactitant, hos omnes contra nos consurgere, ingenti spiritum clamare, nos omnem Aristotelis doctrinam penitus euertere. Ac primum quidem negabunt, fieri posse, ut primus finis, & prima forma à philosopho naturali considerentur, ut Auerroës in procemio de Physico auditu lib. testatum reliquit: Considerari autem à primo philosopho sine ulla controuersia, idque ob eas for-

tasse auctoritates, quas antè protulimus, eo enim loco Auerroës nulla ratione suam hanc opinionem confirmat.

Deinde clamabunt, illud omnino à ueritate abhorrere, primum philosophum considerare si est substantiarum separatarum, Naturalem quid est: idq̃ ex sententia etiā Auerrois in primo Physicorū libro, Com. ultimo. cuius hæc sunt uerba:

- ” Sed notandum est, quod istud genus entium, esse scilicet separatum à materia, non declaratur, nisi in hac scientia naturali. Et qui dicit, quod Prima philosophia nititur declarare entia separabilia esse, peccat. Hæc enim entia sunt subiecta Primæ philosophiæ, & declaratum est in Posterioribus analyticis, quod impossibile est, aliquam scientiam declarare suum subiectū esse. Sed concedit, ipsum esse, aut quia manifestum est per se, aut quia demonstratū est in alia scientia.

Eiusdem est etiā sententiæ in 11. Physic. lib. XXVI. Item in secundo Physicorum lib. eodem loco.

- ” Consideratio autem, inquit, de dispositionibus formarum abstractarum, secundum quod sunt abstractæ, & de quiditatibus earum, est propria Primæ philosophiæ, non scientiæ naturalis.

Quod habetur ex eis, quæ ad hunc modum scripta reliquit Aristoteles eo loco:

- ” Quomodo autem se habeat hæc separabilis, & quid sit, Primæ philosophiæ est determinare.

Idem Auerroës in extremo Com. primi Physicorum lib.

- ” Si hic non demonstraretur, inquit, hoc genus entium non esset, si scientia naturalis, & doctrinalis.

Et in 11. Physicorum lib. Com. XXII.

- ” Videtur, inquit, quod prima materia non possit declarari, nisi per signum naturale. Via autem, qua processit Auicenna, iam probando primum principium, est uia loquentium.

Et in 11. Primæ philosophiæ lib. Com. v.

- ” Impossibile est declarare, abstractum esse, nisi per motum.

Sed motus, dicent ipsi, est naturalis philosophi: ergo fieri non potest, ut Prima philosophia probet, primam materiam esse, & substantias separatas esse. Quæ quidem omnia ex ipsius Auerrois sententia repugnant ijs, quæ superius à nobis dicta sunt.

Sed quoniam uidentur ea, quas attulimus ipsi, & rationes, & auctoritates Aristotelis ostendere, eos hac in re decipi, respondebimus ad ea quæ isti proferre possunt ex Auerrois opinione.

Prima igitur forma, & primus finis considerantur à philosopho naturali, ut sunt causæ corporis naturalis, quemadmodum dictum est de cæteris causis: à primo uerò philosopho, ut sunt causæ entis, quatenus ens est. Hoc autem ita esse, facile & ex rationibus, & ex ipso Aristotele intelligi licet. Nam cum prima forma, & primus finis sint etiam rerum naturalium causæ, debent cognosci à philosopho naturali. Scimus enim uerè tum, cum causas cognitās habemus.

Antecedens

Antecedens autem sic probatur. Res naturales agunt propter ultimum finem, ut est ultimus finis: ergo ultimus finis est causa ipsarum, in genere causae finalis. Id enim dicitur alicuius rei causa finalis, cuius gratia illa ipsa res fit. Confirmatur sic antecedens: Deus est ultimus finis, res naturales agunt propter Deum, ergo agunt propter ultimum finem. Prior propositio ipsa per se nota est. alteram propositionem comprobatur Aristoteles libro secundo de Anima, text. xxx. his uerbis:

*Naturalissimum enim operum utuentibus est, quaecunque per se  
ita, & non orbata, aut generationem spontaneam habent facere al-  
rerum, quale ipsum, Animal quidem animal, planta autem plantam,  
quatenus ipso semper, & diuino participant, secundum quod possunt.  
omnia enim illud appetunt, illius causa agunt, quaecunq; agunt secun-  
dum naturam.*

Quod ipsum ostendens Aristoteles eodem lib. text. xxxv.

*Dupliciter, inquit, est hoc quidem cuius, illud uero cui. Quoniam  
igitur communicare non possunt ipso semper, & diuino, continua-  
tione propter id, quod nihil contingit corruptibilem idem & unum  
numero permanere, secundum quod potest participare unumquod-  
que, se communicat, hoc quidem magis, illud uero minus, & perma-  
net non ipsum, sed ut ipsum, numero quidem non unum, specie autem  
unum.*

Secundo item de Generatione & corruptione libro, alijs causis con-  
tinuae generationis allatis:

*Hoc autem, inquit, rationabiliter contingit. quoniam enim in om-  
nibus inquirimus, quod melius desiderare naturam: semper melius au-  
tem est esse, quam non esse (esse autem quot modis dicimus, in alijs di-  
ctum est) hoc autem in omnibus impossibile existere, propter longè  
à principio distare, reliquo modo compleuit omne Deus faciens con-  
tinuam generationem. Ita enim maximè continuabitur esse, quia pro-  
ximè est substantiae fieri per generationem.*

Si ergo philosophus naturalis ostendit continuam generatio-  
nem ex Deo, Deus autem (ut ex ipso Aristotele constat) est finis,  
necesse est ipsi philosopho naturali cognitum habere hunc finem,  
ut finis est: aliter enim non redderet causam continuae generatio-  
nis ex Deo, & ex fine. Quod si illi necesse non esset cognoscere per-  
fectè hunc finem, non item necesse esset cognoscere cæteras causas  
entium naturalium. eadem enim est ratio. nam quærentur tan-  
tummodo, ut sciamus res naturales. Secundo etiam libro de Cœ-  
lo & Mundo, textu lxxiii. uidetur prius ostendisse Aristoteles,  
res naturales (ut dictum est) agere propter Deum, quem dicit esse  
cæterorum finem.

„ Quod autem est, inquit, ut optime habens, nihil indiget actione:  
 „ etenim ipsum est, cuius gratia cetera agunt. actio enim semper est in  
 „ duobus, cum & cuius gratia sit, & quod huius gratia. aliorum autem  
 „ animalium pauciores, plantarum autem parua quædam, & una for-  
 „ te, aut enim unum aliquid est, quo sortietur utique, quemadmodum  
 „ & homo: aut & multa alia præuia sunt ad optimum. Hoc quidem  
 „ igitur habet, & participat optimo: hoc autem attingit propè per-  
 „ paucos motus, hoc autem permultos: hoc autem neque participat, sed  
 „ sufficiens ad propè extrema uenire. Puta, si sanitas finis, hoc qui-  
 „ dem semper sanum est, hoc quidem extenuatum, hoc autem aliquid  
 „ aliud opus currendi gratia, quare hoc autem plures motus:

ET TEXU LXVI.

„ Maxime quidem illo sortiri sine, optimum omnibus: si autem non  
 „ semper, melius erit, quanto utiq; propinquius sit optimo.

Confirmatur autem sic. Si substantia separata, quæ est ultimus fi-  
 nis, consideratur à primo philosopho, ea omnino ratione conside-  
 ratur: ut est etiam causa finalis entis, quatenus ens est. Non enim ul-  
 lo alio modo possunt causæ considerari à primo philosopho, ut ipse  
 etiam Aristoteles locis suprà citatis testatum reliquit. Ergo oportet  
 item considerari à philosopho naturali. est enim finis rerum natura-  
 lium, ut ex eis quæ antè dicta sunt, facile constat.

Præterea conclusio illa, Deus est abstractus à magnitudine, est  
 philosophi naturalis, ut sentit ipsemet Auerroës: ergo hæc, Deus est  
 intellectus purus per seipsum existens, separabilis, indiuisibilis, im-  
 mobilis, erit philosophi naturalis. Talis autem est primus finis, &  
 prima forma: ergo primus finis, & prima forma, spectant ad philo-  
 sophum naturalem. Probatur consequens ex eo, quod illud uim ha-  
 bet: hæc substantia est abstracta à materia, ergo est intelligentia pu-  
 ra, separabilis, indiuisibilis, immobilis, ut concedit etiam ipse Auer-  
 roës: qui ex eo quod substantiæ primæ abstractæ sunt à materia, illas  
 infert esse intelligentes, ut paulò infrà dicitur, quanquam satis etiam  
 res ipsa per se manifesta est. At ex illius sententia antecedens est  
 philosophi naturalis, ergo & consequens. Confirmatur autem, pro-  
 pterea quod in lib. 1. de Anima, Com. 11. scribit,

„ Philosophum naturalem declarare ultimum finem hominis, qua-  
 „ tenus homo est.

At hic ipse ultimus finis hominis, est ultimus rerum omnium  
 finis, quippe qui Deus est: ergo ex ipsius Auerrois sententia, decla-  
 rat philosophus naturalis ultimum finem. Nec (meo quidem  
 iudicio) quisquam potest eius opinionem tueri, si dicat, natura-  
 lem declarare ultimum finem hominis non simpliciter, hoc enim  
 perperam dicitur, tum quia eundem ultimum finem habent om-  
 nia entia, ut ostendunt ea quæ suprà recitauimus, Aristotelis loca:  
 tum quia si naturalis philosophus medium habet ad declarandum  
 ultimum

ultimum finem hominis, quatenus homo est, habebit etiam medium ad declarandum ultimum omnium rerum finem. Nihil enim refert, quod ad hoc quidem attinet, utrum ea res cuius ultimus finis ostenditur, homo sit, an alia quævis res. Quare Auerroës suam ipsius sententiam euerit.

Hic ipse Auerroës eodem loco :

Diuinus autem, inquit, suscipit ab ea substantiam sui subiecti: hic enim declarabitur, quoniam formæ abstractæ sunt intelligentes, & alia multa de cognitione dispositionum consequentium intelligentiam in eo, quod intelligentia & intellectus.

Ergo naturalis considerat ipsum quid est subiecti Primæ philosophiæ. Probatur consequens à simili ex auctoritate Aristotelis, qui libro primo de Anima, textu tertio,

*Inquirimus autem, inquit, considerare, & cognoscere naturā ipsius, & substantiam, postea quæcunque accidunt circa ipsam.*

Quibus uerbis ostendit, philosophum naturalem considerare, quid sit anima, propterea quia uult inquirere ipsius substantiam. Quod si diuinus philosophus petit à naturali substantiam sui subiecti, petit etiā ipsum quid est: ergo petit à naturali quid est substantiæ abstractæ, itaque naturalis considerat quid est substantiarū abstractarū. Sibi igitur nō constat Auerroës, quippe qui contrarium dixerat, ut ostensum est. Cum uerò sentit, à naturali considerari quid est substantiarum abstractarū, earumque accidentia, sequitur, ut ab eodem consideretur prima forma, ut prima forma est: & ultimus finis, quatenus ultimus finis. Non enim illi deest medium substantiarum abstractarum, quæ substantiæ sunt primus finis, & prima forma. Quod si à naturali consideratur ipsum quid est, & accidentia, consequens est, ut consideretur primus finis, & prima forma. A seipso igitur dissentit Auerroës, utpote qui ante id negauerat, quod ex eius dictis sequitur. Iam uerò, ut ad argumenti formam respondeamus, negamus primam formam, ut ipsa est, & primum finem non considerari à philosopho naturali: considerantur enim & ab ipso, & à primo philosopho, eodem modo, quo ipsemet Auerroës ponit, omnes causas considerari & à primo philosopho, & à naturali, à primo scilicet, ut sunt causæ entis, quatenus ens est: à naturali, ut sunt causæ corporis naturalis, sicuti ostendunt & rationes, & Aristotelis auctoritates.

SECTIO V.



Vod uerò secundo loco obijcitur, negamus quoque genus illud entium non probari esse, nisi in philosophia naturali: quod cū ex Aristotelis auctoritatibus, tum etiam ex rationibus facile intelligi potest. Nam ad primū philosophum pertinere, ostendere substantias separatas esse, tradit Aristoteles tertio Primæ philosophiæ libro, text. v. his uerbis:

*Et si sit huiusce scientiæ circa substantias uersari, utrum una sit cir-*

ca om-

» ea omnes, an plures: & si sint plures, utrum omnes generis sint eius-  
 » dem, an alie ipsarum sapientiæ, alie aliquo alio nomine sint appel-  
 » landæ: hoc etiam ipsum quærere necessarium esse uidetur, utrum sub-  
 » stantias sensibiles solum, an præter has, alias esse, sit asserendum. &  
 » utrum unum sit genus, an genera substantiarum sint plura, ut ij qui for-  
 » mas faciūt, censent, ac inter has & sensibilia, res Mathematicas me-  
 » dias collocant. De his igitur (ut diximus) cōsiderandū esse uidetur.

Et textu IX. eiusdem tertij libri:

» Maxime uerò quærendum est, atq; tractandum, si præter mate-  
 » riam sit aliqua per se causa, atq; hæc sit separabilis, nec ne: & utrum  
 » una, an plures numero sint.

Itaq; proponit in Prima philosophia quærendū esse, an sit aliqua  
 » separabilis causa, atq; utrum hæc una sit. & textu XXVIII.

» Præterea utrum solas substantias sensibiles esse, an præter hasce  
 » dicendum est alias esse: & utrum unum sit genus, an plura substantia-  
 » rum sint genera, ut ij putant, qui formas inquirunt & res eas media  
 » esse, circa quas Mathematicas uersari dicunt.

Hæc autem, ut cōstat, sunt substantiæ separatæ. ergo sentit, ad Pri-  
 mam philosophiam pertinere, non modo quid sint substantiæ sepa-  
 ratæ, sed an sint, etiam inquirere, & probare. omnis enim quæstio  
 (ut patet ex II. Posteriorum lib. cap. I.) est mediæ quæstio. Idem etiā  
 lib. VI. Primæ philosophiæ, text. IIII. confirmat his uerbis:

» Quod si quippiam sit in ratione rerum immobile, sempiternum, ac  
 » separabile, patet ad contemplatricem quidem scientiam illius cog-  
 » tionem spectare, non tamen ad naturalem, quippe cum naturalis facul-  
 » tas circa mobilia quædam uersetur, neq; ad Mathematicam, sed ad  
 » aliam his utriusq; priorem.

Septimo autē libro eiusdem Primæ philosophiæ text. IIII. uide-  
 tur hanc rem luce clarius ostendere.

» Sed de his, inquit, quid recte dicitur, quid non recte, & quæ sub-  
 » stantia sunt, & utrum sint quædam præter sensibiles, an non sint, &  
 » eæ quoquo modo, utrum sit quædam separata substantia, & cur sit,  
 » & quo pacto sit, an nulla sit præter substantias sensui subiectas, con-  
 » siderandū deinceps est, antea quidnam sit ipsa substantia designata.

Si ergo spectat ad hunc artificē quærere, nunquid sint substantiæ:  
 spectat etiam ob eam quam attulimus rationē, ostendere ipsas esse,  
 Textu item XLV. eiusdem libri:

» Quid autem, inquit, & quale quid substantiam dicere oporteat,  
 » rursus alio quasi principio sumpto, dicamus. ex his enim & de sub-  
 » stantia illa patebit, quæ a sensibilibus substantijs est separata.

Quo loco perspicue ostendit, uelle se de substantijs separatis, ex eis  
 quæ ad Primam philosophiam pertinent, agere. Item lib. XI. tex. VI.

Quoniam

Quoniam, inquit, aliquam substantiam separatam, præter sensibiles substantias, & eas quæ sunt hic, putandum esse, an non putandum: sed hæc esse ea quæ sunt, & circa hæc sapientiam ipsam uersari putare oporteat. Quærere enim alia quædam uidemur, & hoc est propositum nobis, uidere inquam, si quippiam sit in ratione rerum separatatum per se, quod quidem nulli rerum sensibilem sit.

Ex quibus uerbis facile constat, uelle cum inquirere, nunquid sint huiusmodi abstracta. Quod etiam apertius eodem libro, textu uigesimo sexto ita declarat:

Naturalis itaque circa ea uersatur, quæ motionis principium in seipsis habent. Mathematica uero est quidem contemplatrix quædam, & circa immobilia uersatur & ipsa, at non separabilia, uti patet. Est ergo circa ens separabile, atque immobile, alia quædam ab his utrisque diuersa, si sit in ratione rerum quædam substantia talis, separabilis inquam, atque immobilis, quod quidem entemur postea demonstrare.

Inquit igitur, se postea conaturum docere, an sit talis natura. Quod si philosophia naturalis demonstrasset, ipsas substantias abstractas esse, quatenus sunt causa entis, ut ens est, cum ipsa præcedat, ob eas quæ à me in Commentariolo allatæ sunt, quæque afferuntur, causas, dubium non esset, quin tales substantiæ in ratione rerum essent. Adde, quod cum his ipsis locis de substantijs loquatur, perinde ac nusquam illas demonstrauerit, ostendit sentire se, illas ad Primam spectare philosophiam. Item libro duodecimo eiusdem Primæ philosophiæ, loco supra à nobis citato, ad aliud tamen ostendendum:

Substantiæ autem, inquit, tres sunt. una est sensibilis, cuius alia est perpetua, alia corruptibilis, quam omnes esse faciunt, quales sunt planæ, ac animalia: atque huius elementa sumantur necesse est, et siue unum sit, siue multa. alia est immobilis, hanc quidem inquit separabilem esse, alij diuidentes in duas, alij in una natura ponentes formas ipsas, & Mathematica, alij Mathematica solum esse dicentes. Illæ igitur naturalis scientiæ sunt, sunt enim cum motu: hæc ad aliam scientiam spectat, si principium nullum est ipsis commune.

Sentit igitur, has substantias ad Primam spectare philosophiam, reliquas ad philosophiam naturalem. At reliquæ substantiæ ita quidem spectant ad naturalem philosophiam, ut demonstret earum causas esse, sunt enim ignotæ: ergo istæ etiam spectabunt ad Primam philosophiam sic, ut probentur esse, eadem est enim ratio. Item eodem libro, textu uigesimo, ad hunc modum ostendit, illas esse:

Cum

» Cum autem, inquit, tres sint substantiæ, duæ quidem naturales,  
 » una uerò immobilis, de hac deinceps dicendum esse uidetur. Necessesse  
 » est itaque, perpetuam aliquam substantiam immobilem esse: nam-  
 » que omnia cætera quæ sunt, antecedunt. atque si omnes sunt corru-  
 » ptibiles, uniuersa perfectio corruptibilia sunt. At impossibile est,  
 » motum, aut ortum, aut corruptionem subire. Semper enim erat, &  
 » tempus simili modo, est enim impossibile, si tempus non sit, prius, aut  
 » posterius esse. Et motus ergo perinde continuus est, ut tempus: unde  
 » tempus ante est idem, quod motus ante est quidam motus affectus.  
 » motus autem non est continuus ullus, nisi isce, qui loco accommoda-  
 » tur, & huiusce, qui est conuersio: non si sit motuum, uel effectuum,  
 » nihil autem operetur, motus non erit. Fieri enim non potest, ut id  
 » quod potentiam habet, omnino non operetur. Nulla ergo prorsus  
 » erit utilitas, et si substantias sempiternas fecerimus. perinde atque ij  
 » qui formas in ratione rerum introduxerunt, nisi quippiam princi-  
 » pium insit mutare potens. Neque igitur ipsa sufficiens, neque aliqua  
 » ulla substantia, præter formas. Si enim non operabitur, motus pro-  
 » fectio non erit, nec etiam si operabitur. Substantia autem ipsius poten-  
 » tia est, non enim perpetuus motus erit. quod enim potentia est, id po-  
 » test non esse. Sit ergo principium tale oportet, ut substantia ipsius  
 » sit actus. Has insuper substantias materiæ expertes esse oportet: per-  
 » petuas enim esse quidem quod operatur posse.

Et textu uigesimo octauo eiusdem libri:

» Esse igitur substantiam quandam, immobilemque, atque à sensibili-  
 » li separatam, ex ijs quæ dicta sunt, patet.

Et textu trigésimo:

» Esse igitur substantias, & harum quænam sit prima, quæ secun-  
 » da, eodem ordine, quem inter se lationes stellarum habent, dilucidum  
 » esse uidetur.

Quibus omnibus luce clarius testatur Aristoteles, id se præstitisse,  
 se, quod libro tertio, & sexto, & septimo, & undecimo pollicitus e-  
 rat. Si ergo in Prima philosophia dicit Aristoteles, ad primum philo-  
 sophum pertinere, ostendere substantias separatas esse, idque ostendit:  
 nusquam autem in philosophia naturali hoc illum dixisse apparet:  
 rationi omnino consentaneum est, ita illum sentire, ipsas sub-  
 stantias ad diuinam philosophiam pertinere, non ad naturalem, aliter enim  
 perperam dixisset, quæ citatis locis cum dixisse ostendimus. Id autem sic  
 confirmatur. Ad eam facultatem spectat probare, substantias abstractas  
 esse, ad quam spectat uidere, an sint idem: at hoc spectat ad Primam  
 philosophiam, ut ex Prima philosophia ubique constat: ergo ad Primam  
 philosophiam spectat considerare, an substantiæ abstractæ sint. Probatur  
 prior propositio ex eo quod



in Prima philosophia quæritur, utrum sint ideæ: propterea quia existimabant ij qui illas ponebant, esse causas entium, ut patet ex primo Primæ philosophiæ libro, x x x v i i i, trigessimono, quadagesimo & ex libro septimo, trigesimo octavo. Quærentur enim in prima philosophia causæ rerum. exclusis autem ideis, tanquam non sint causæ, quærendum restat, an sint aliæ causæ præter ideas, ut ex ijs qui citati sunt, quibz citabuntur, Aristotelis locis perspicuum esse poterit.

Præterea si philosophus naturalis probare posset, substantias separatas esse, ut sunt causæ entis, quatenus ens est, nulla esset ratio illa Aristotelis sexto Primæ philosophiæ libro, textu primo: Diuinam philosophiam quærere causas entis, quatenus ens est, quia nulla alia facultas potest hoc præstare, id enim præstaret philosophia naturalis.

Item, si philosophia naturalis probare posset causas entis, quatenus ens est, diuina autem philosophia causas entis particularis, altera esset superuacanea: quæreret enim causas subiecti alterius. At consequens est falsum, ergo & antecedens. Probatur autem ipsa consequens, quia tales causæ sunt eadem in utraqz philosophia. Quod si cum hac tantum ratione distinguatur, una demonstraret, quod ad alteram spectat, frustra altera laboraret. Prima igitur philosophia non potest agere de causis corporis naturalis: neque rursus philosophia naturalis potest quærere, an substantiæ abstractæ sint, quatenus sunt causæ entis, ut est ens. Primæ igitur philosophiæ erit, quod ad hoc ipsum attinet, demonstrare, illas esse. Quare utraque demonstrabit, illas esse: sed naturalis philosophia, quatenus sunt causæ entis naturalis, ut dictum est: diuina uerò, quatenus sunt causæ entis, ut est ens.

SECTIO VI.

**S**ic autem inter se distingui diuinam philosophiam & naturalem, præter ea quæ ex Aristotelis sententia diximus, declarat ipsemet Auerroës multis in locis, quorum nonnullos ipsi recitabimus, ut quæ superius dicta sunt, ea nunc etiam melius percipi possint. In primum igitur Primæ philosophiæ lib. decimoquinto ita scribit:

Consideratur enim de eis in hac scientia secundum quod sunt entia, non secundum quod principia naturalis corporis.

Item in octauum text. eiusdem primi libri:

Et quia perscrutatio de elementis rerum mobilium est propria scientiæ naturali, & consideratio de eis in hoc loco non est, nisi secundum quod sunt principia substantiarum existentium per se, & tamen locutus est hic non de illis sermone naturali.

Et in 11. lib. Primæ philosophiæ, com. vi.

1 Et

„ Et consideratio uniuersalis de omnibus causis, secundum quod  
 „ sunt causæ, est huius scientiæ: & Aristoteles quamuis utatur hic  
 „ demonstrationibus scientiæ naturalis, tamen inducit eas uniuersa-  
 „ lius. Quoniam quanto fuerit demonstratio uniuersalior, tanto  
 „ magis erit proprior huic scientiæ. Et Aristoteles obseruat se in  
 „ hac iteratione, scilicet inducendo demonstrationes uniuersales alio  
 „ modo, quàm in scientia naturali. Et hæc est causa, in iteratione il-  
 „ larum demonstrationum, modo in hac scientia, ut fecit in tracta-  
 „ tu primo.

Et in IIII. Primæ philosophiæ lib. I.

„ Et intendit, inquit, quod cum quæserit causas entis, & non  
 „ quæserit causas entium transmutabilium, uerbi gratia, tunc quæ-  
 „ sitio eorum fuit essentialis, si quæreret causas entium priorum.

Et in VII. lib. Com. v.

„ Et istas easdem opiniones, cum perscrutatum est de principiis  
 „ substantiæ mobilis, scilicet substantiæ naturalis: sed illic, scilicet  
 „ in Physico auditu, fuit perscrutatus alio modo ab isto. illic enim  
 „ perscrutatus est de principiis corporis naturalis, secundum quod na-  
 „ turale, id est secundum quod quiescit & mouetur. Hic autem per-  
 „ scrutatus est de eis, secundum quod est substantia tantum.

Et in IX. lib. Com.

„ De prima autem materia considerat unaquæque scientia, sed  
 „ naturalis considerat de illa secundum quod est substantia in po-  
 „ tentia.

Et in XII. lib. Com. v.

„ Sic igitur est intelligenda communicatio istarum duarum sci-  
 „ entiarum, in consideratione de principiis substantiæ, scilicet quod  
 „ naturalis declarat ea esse, secundum quod sunt principia substan-  
 „ tiæ mobilis. Philosophus autem considerat de eis, secundum quod  
 „ sunt principia substantiæ, in eo quod substantia, non substantiæ  
 „ mobilis. & etiam Philosophus declarat abstractum esse, quod est  
 „ principium substantiæ sensibilis, sed postquam accepit pro concess-  
 „ so à naturali, huiusmodi esse substantiam.

Patet ergo ex Auerrois sententia causas distinguere, quemadmo-  
 dum superius dictum est. Quod si altera philosophia considerat  
 easdem causas, ut sunt causæ entis, quatenus ens est: altera, ut sunt  
 causæ entis naturalis: ex eius sententia altera non potest considera-  
 re, quod ab altera consideratur. nam altera earum (ut dictum est) ef-  
 fet superuacanea. Quod item confirmatur ex uerbis Auerrois. ete-  
 nim si demonstrationes quæ iterantur in Prima philosophia, sunt  
 uniuersaliores, quàm in naturali, demonstratio de substantijs abstra-  
 ctis in Prima philosophia est uniuersalior, quàm quæ est in naturali:  
 ergo non est eadem, sed pertinet ad Primam philosophiam, atq; hæc  
 ipsa

ipsa probantur substantiæ abstractæ esse. Quare ex Auerrois sententia, primi philosophi est probare, substantias separatas esse, at contrarium dixit, ergo sibi ipse non constat. Ex his etiam distinctionibus patet, ea esse uera, quæ suprà diximus, respondentes ad multos illos Aristotelis locos.

## SECTIO VII.



Vo d autem ad rationem illam attinet, nullam scientiam probare, suum subiectum esse: Diuinam philosophiam esse scientiam: non ergo probare, substantias abstractas esse, quæ sunt eius subiectum: hæc ipsa ratio multas habet difficultates. Ac primùm quidem, prior propositio incerta est, & fortasse etiam falsa. Nam si concedamus, quæstionem si est posse demonstrari ab alio, præter primū philosophum: naturalis enim philosophus cum multorum quid est consideret, debet etiam considerare si est. & Aristoteles II. Posteriorum lib. XXXVI.

*Quid enim, inquit, significat triangulus, accepte Geometra: quod autem est, demonstrat.*

Si concedamus igitur, quæstionē si est posse ab alio demonstrari, præterquā à primo Philosopho (quod tamen secus uidetur, omnia enim ut entia, à prima considerantur Philosophia) uel si concedamus, ipsam quæstionem simpliciter etiam posse demonstrari: fieri facile potest, ut subiectum & à priori, & à posteriori demonstretur. Id enim quod causa est, & definitio alicuius rei, notum esse potest, effectu ipso & definito ignoto. Ex quo quidem sequitur, ut ille ipse effectus, idē quod est definitum, quod scilicet definiri potest, non quod actu definitum sit, demonstrari possit per causam illam, atque definitionem, quæ nota sit. Per suam enim quicquid causam sciri licet: quod autem scibile est per demonstrationem, sciri non potest sine demonstratione. At fingamus, id quod dubium sit, esse genus aliquod, ut uerbi gratia, animal: demonstrabitur ergo ipsum animal per substantiam animatam, sensitiuam. eoq; demonstrato, mox ostendemus proprias illius passionem, et specierum eius. Atque hæc una erit scientia, uel quia ex eisdem principiis hæc omnia demonstrabuntur, uel quia hoc loco suppositum non est, primam Philosophiam probare illud esse, aut Mathematicam: itaque probabit naturalis philosophia. Nihil item uidetur ob stare, quò minus ostendatur ex posterioribus. fieri enim facile potest, ut posterius aliquid notum sit, priori ignoto, ut declarat illud I. Poster. lib. cap. XI.

*Nihil enim æquè prædicantium notius esse, non causam.*

Actum quidem propositum sequitur eo modo, quo dictum est. Nota autem causa ignorari posse effectum aliquem, uidetur ex hoc posse colligi, quòd quæstio si est, ut liquet, non posset à priori demonstrari: at consequens est falsum, ergo & antecedens. Consequens autem falsum esse, ostendit Aristoteles II. Poster. lib. XLI. his uerbis:

„ Hoc autem si est, aliquando quidem secundum accidens habemus,  
 „ aliquando uero habentes quid est ipse rei, ut tonitruum, quoniam  
 „ sonus quidam nubium est, & defectum, quoniam priuatio quædam  
 „ luminis, & hominem, quoniam animal quoddam est, & animam, quo-  
 „ nam se ipsum mouens.

Idem paulo post textu quadragesimo secundo declarat exemplo e-  
 clipsis, ad hunc modum:

„ Sit, inquit, primum quidem defectus, in quo a. luna, in quo c. opposi-  
 „ tio terræ, in quo b. utrum igitur deficiat, an non, b. quære est, utrum  
 „ est, an non. hoc autem nihil dicitur, quam quære, si est ratio ipsius:  
 „ & si sit hoc, & illud dicimus esse, cuius ratio est.

Confirmatur etiam ex primo primæ Philosophiæ lib. LXXXII.  
 uerbis illis:

„ Omnis tamen disciplina per antea nota, aut omnia, aut aliqua sit,  
 „ aut per demonstrationem, aut per definitiones efficitur: quoniam ex  
 „ quibus definitio constat, antea cognoscantur, & sine nota, oportet, si-  
 „ militer & ea quæ sit per inductionem.

Hoc idem VI. Top. lib. luce clarius ostendit Aristoteles, his uerbis:

„ Siquidem, inquit, oportet per genus & differentias definire eum,  
 „ qui definit bene. Hæc autem simpliciter sunt priora, & euidentio-  
 „ ra, quam species: interimit enim genus & differentia speciem: quare  
 „ priora hæc, quam species, sunt, & euidentiora. Nam specie quidem  
 „ nota, necesse est genus & differentias cognoscere. nam qui hominē scit,  
 „ & animal risibile scit. Genere autem, uel differentia notis, non neces-  
 „ se est speciem cognoscere.

At genus & differentia sunt id, quod est definitio speciei: ergo fie-  
 ri potest, ut id quod est definitio, notum sit, definito tamen ignoto.  
 idem etiam dicendum est de accidentibus ijs, quæ possunt esse nota,  
 ignotis eis quorum sunt accidentia, posse uidelicet per ipsa acciden-  
 tia demonstrari subiecta: quod ostendit Aristoteles eodem II. Poste-  
 riorum lib. XLI. ac nisi quidem hæc ita essent, quæstio si est non pos-  
 set, nec à priori, nec à posteriori ostendi. nam si ostenditur, altero ex  
 ijs qui dicti sunt modis ostendatur necesse est. Quod si uera sint, ut  
 esse quidem uidentur, ea quæ supposuimus, falsum illud est, nullam  
 scientiam posse probare, suum subiectum esse. hoc enim fieri pote-  
 rit, & à priori, & à posteriori, si ignotum sit. Neque huic rei aduer-  
 satur illud Aristotelis I. Poster. lib. cum ait de subiecto supponi quid  
 & quia: quoniam loquitur (ut eo ipso loco patet) de subiecto, de  
 quo uolumus probare passionem: ut si, uerbi gratia, de homine ue-  
 limus probare risibile, necessariò supponendum est, & hominem  
 esse, & quid est homo. Nihil tamen uidetur ob stare, quò minus  
 in eadem scientia probemus, hominem esse: deinde ostendamus  
 passionem eius, ut I. quidem Physicorum lib. probatur materia esse,  
 deinde

deinde afferuntur eius affectiones: quanquam ibi materia non est subiectum. sed quod ad hoc attinet, nihil refert. Verum quoniam ratio fit, ut probemus esse res eas, quæ uniuerso mundo continentur, ut quæ maximam partem notæ sunt, solitus est Aristoteles dicere, de subiecto supponi quid, & quia: quod uidelicet ut plurimum quaeruntur passionibus de subiecto, quibus quidem passionibus quaerendis necesse est, semper de subiecto supponi quid, & quia. Tum etiâ, quia finis scientiæ est declarare substantiam sui subiecti, eiusque affectiones. Nec item repugnant ea, quæ sexto libro Primæ philosophiæ, textu primo tradit Aristoteles, ubi quidem uidetur apertissimè contrarium dicere:

*Simili modo, inquit, neque si sit, an non sit genus id, circa quod uer-*  
*santur, dicere quicquam uidentur, propterea quod eiusdem est men-*  
*tis quid est, et si est, declarare.*

Hoc enim sic interpretandum est, quemadmodum tertio libro huius Apologiæ, sectione prima ostendimus. Si enim absolute acciperetur, si est alicuius rei, non posset haberi per demonstrationem à causa, quod ipsum quid est nusquam demonstrari potest. Quod si in aliqua particulari facultate demonstrari non potest si est alicuius rei, hoc non deinde fit, quod sit illius subiectum: sed quia probare aliquid esse in rerum natura, simpliciter fortasse spectat ad primum philosophum. Dictum est enim sæpenumero à nobis ex uerbis Aristotelis, quod eum ab omnibus, tum uero præcipuè ab ipso Auerroë, conceditur, considerare aliquid, ut est ens, atque ut est substantia, spectare ad Primam philosophiam: quod quidem uidetur accipiendum esse de compositis, non de causis, ob eas quas superius attulimus, & rationes, & Aristotelis auctoritates. Quare si quid fortè, quod subiectum sit in aliqua facultate, non possit in illa alia facultate probari esse, cum est ignotum, id non est causæ, quod illud sit subiectum. nam ut est subiectum, nihil repugnat, quò minus probetur: sed quod probare aliquid esse, fortasse pertinet ad Primum philosophum, uel quia quid est, non potest probari. Nec obstat locus ille, quem citauimus, Geometram accipere quid sit triangulus, demonstrare autem ipsum esse: tum quia id Aristoteles disputando dixit, ut patet: tum quia sensus fortasse est, Geometram probare, triangulum esse, non ut est Geometra, sed suscipiendo personam Primi philosophi.

#### SECTIO VIII.



Ed ut non possit ulla scientia, neque uniuersalis, neque particularis, demonstrare suum subiectum esse, aut à priori, aut posteriori (non enim hic est de hac re disputandi locus) duo illa asserimus, & Auerroë in hac re secum dissidere, & fieri non posse ut substantiæ separatæ sint subiectum Primæ philosophiæ. Secum autem dissidere Auerroë, perspicuum est ex Com. tertio. 11. Phyl. ubi hæc scribit:

Sciendum est, quod subiectum huius libri est natura, et principia

„ naturalia, cum sint communia omnibus rebus naturalibus: et ideo in  
 „ hoc libro non definit corpus, neq; alia de quibus considerat natura-  
 „ lis, sicut fecit in principio cœli & mundi.

Et in tertio Physicorum libro, Com. II.

„ Et hinc expressit suam intentionem in hoc libro, & illa quæ sunt  
 „ subiecta, sunt istius considerationis, & sunt causæ communes, & ac-  
 „ cidentia communia, quæ apparent ex definitione naturæ.

Quibus in locis ponit, principia esse subiectum lib. Phys. & tamē  
 existimat illa probari: subiectum ergo potest probari, itaq; suam ipse  
 opinionem conuellit. Sed ostendamus etiam nacti idoneum huiusce  
 rei locum, falsum illud esse, principia esse subiectum lib. Physicorū.  
 etenim subiectum lib. Phys. est corpus naturale, aut substantia com-  
 posita, quæ diuiditur in mixtam & simplicem, ut ipse etiam Auer.  
 probat in proœmio I. Phys. libri, his uerbis:

„ Dico, quod intentio scientiæ naturalis in summa, cuius intentio-  
 „ nis iste liber est pars, est cognoscere causas specierum sensibilium, &  
 „ causas uisibiles in eis speciebus accidentium, quia subiectum huius  
 „ artis non sunt nisi res sensibiles: subiectum dico, secundum quod  
 „ transmutantur de se, id est secundum quod habent de se principi-  
 „ um motus & quietis.

Quod si causæ rerum sensibilium quærentur, quia res sensibiles  
 sunt subiectum, ipsæ causæ nō possunt esse subiectum, uel quia duō  
 essent in philosophia subiecta, ex eius sententia: uel quia non quærun-  
 tur propter se, sed propter aliud. Ex quo quidem facili constar, illud  
 à se ipso hac in re etiam dissentire. Neque uerò illud afferri potest,  
 causas in lib. Phys. quæri propter id quod est subiectum in uniuersa  
 philosophia naturali, ipsas tamen esse subiectum in eo libro: quod  
 ubicunque quærentur causæ, quærentur, ut res naturales sciantur.  
 Ex quo quidem sequitur, ut res naturales in eo libro sint subiectum.  
 Confirmatur id autem ex eo, quod Aristoteles secundo Primæ phi-  
 losophiæ lib. I.

„ *Contemplatio, inquit, præsens de ipsa substantia est. substantia-*  
 „ *rum enim hic principia, causæ uel quærentur.*

Argumentor igitur in hunc modum. In lib. Phys. quærentur prin-  
 cipia & causæ corporis naturalis, ergo corpus naturale est subiectū.  
 Quod si ullam uim habet ratio Aristotelis, ualet etiam illa quam di-  
 ximus. Confirmatur id quoque ex eo, quod in lib. Cœli, subiectū  
 est corpus simplex, in cæteris libris corpus mixtū. itaq; in lib. Phys.  
 debet esse corpus commune mixto & simplici. alter enim nusquam  
 consideraretur commune illud, cuius quidem omnia quæ conside-  
 rantur in cæteris lib. Philosophiæ naturalis, sunt species. Quare præ-  
 terquam quod ex Auerrois sententia principia non sunt subiectum,  
 ut ostendimus: præterea illud ipse Auer. conuellit, quod ad confir-  
 mandam opinionem suam attulerat, Nullam uidelicet artem proba-  
 re suum subiectum. nam, ut censet ipse, lib. Physicorum probat prin-  
 cipia, quæ sunt eius subiectum.

Sectio



**N**Eque (mea quidem sententia) probandum uidetur esse id, quod quidam, nec illi cōtemnendi philosophi, ut partes Auerrois tueātur, solent dicere, hoc commune principium esse subiectum, nō materiam & formam. etenim cum probentur omnia, quæ hoc principio continentur, probatur etiam ipsum principium, siquidem commune illud principium nihil aliud est, præter ea quæ ipso continentur. est enim unum ex ijs quæ dicuntur secundum prius & posterius. Præterea Auerroës dicit, principia esse subiectum, non principium. Sed utrunque sit, hæc est deceptio, propterea quod hoc idem dici posset de substantijs abstractis. nam substantiæ abstractæ sunt plures: diceremus ergo, non plures illas substantias esse subiectum, sed hoc commune abstractum: itaque singulas illas probari à Primo philosopho, non commune illud. quemadmodum ipsi fatentur, singula principia probari, non tamen commune illud. Atque ita etiam Auerrois opinio euerteretur.

Quod uerò substantiæ abstractæ non sint subiectū in Prima philosophia, sed ens, quatenus ens, & substantia, quatenus substantia, quia est primum ens, ex ijs quæ superius dicta sunt, satis constare arbitramur. Quod si dicatur esse species subiecti, & ob hanc causam non posse probari esse, propterea quia Auerroës in secundo libro de Anima, uigesimo septimo:

Artifex, inquit, non potest demonstrare subiectum suæ artis, nec speciem illius subiecti.

Idem & confirmauit in VI. Primæ philosophiæ lib. Com. 1. Responsum demus, hanc Auerrois opinionem multas habere difficultates. quarum prima est, quod nihil obstat, quo minus ipsæ substantiæ probentur esse: cum dicat in lib. III. de Cælo, xxv.

Et hæc demonstratio quia, ad probandum, aliquam speciem esse, & hoc raro contingit in hac scientia.

Potest ergo aliquando probari aliqua species. Quod si dicatur, id quod nonnulli dicunt, Auerroëm ita sensisse, eas posse probari, cum latent, ridiculum est profectò: nam ita quidem subiectum etiam probari posset, si lateret. At negat ipse Auer. ullo modo probari posse, propterea quod aut est manifestum per se, aut demonstratum: sit in alia scientia: quod item dicendum uidetur de paribus subiecti, non ergo rectè ab eo dictum est. Sed, ut ita senserit, quemadmodum supra diximus, tamen suo ipse (quod aiunt) gladio iugulatur, quippe qui dixit, substantias abstractas non posse probari esse, quia sunt species subiecti: quod tamen, ex eiusdem sententia falsum est. si quidem licet species probari tum, cum latent: substantiæ autem abstractæ maxime latent. Quamobrem qui partes eius tueri conantur, hi quidem acriter illum imprudentes oppugnant. etenim si tuerentur, ut (quod est omnium absurdissimum) sibi ipse minime constare uideatur. Verum egregius philosophus M. Antonius

Zimarra, cui nos etiam aliquandiu dedimus operam tum, cum Patavij philosophiam non mediocri cum laude profiteretur: alia addita conditione diceret, partes subiecti à signo probari posse tum, cum latent, & cum illa scientia, cuius sunt partes subiecti, habet mediū aliquod notius: quod quidem non contingit substantijs abstractis. quę et si latent in prima philosophia, tamē quia primus philosophus nullum habet medium quod sit notius, probari nō possunt ab ipso Primo philosopho. Sed (quod tanti viri pace dixerim, ceterorumq; qui eiusdem sunt sententię) hoc uidetur Auctrois opinionem euertere: qui in t. Phys. com. ultimo ait,

- „ Et qui dicit, quòd prima philosophia nititur declarare, entia separabilia esse, peccat: hæc enim entia sunt subiecta primę philosophiæ.  
 „ Et declaratum est in Poster. analyt. quòd impossibile est, aliquā scientiam declarare, suū subiectū esse: sed concedit, ipsum esse, aut quia  
 „ est manifestum per se, aut quia est demonstratum in alia scientia.

Et in t. Physicorum lib. xxvi.

- „ Et notandum, quòd consideratio in esse istarum formarum est in  
 „ scientia naturali, non in prima philosophia, sicut existimavit Auicenna: quoniam in hac scientia apparet, istud genus formarum esse, deinde considerat de quiditatibus, & dispositionibus earum: & hoc est  
 „ uerum. Impossibile enim est, aliquam scientiam, aut uniuersalem, aut  
 „ particularem, declarare subiectum, siue per signum, siue per demonstrationem simpliciter: quod non est ita in causis sui subiecti, quoniā  
 „ declarat eas per signum, non per demonstrationem simpliciter.

Stergo Auctroes, quoniam dixit in primo Poster. lib. nullam scientiam probare suum subiectum, sed concedere ipsum esse, uel quia manifestum est per se, uel quia declaratum est in alia scientia: sentit, fieri nō posse, ut substantiæ abstractæ ostendantur à primo Philosopho. non existimat hoc idcirco fieri, quòd illæ sint species subiecti. Nam in t. Poster. lib. non declarat, species subiecti non posse probari. Nec item species, quæ latent, demonstrari non posse, quòd scientia illa medio careat: eius enim ratio supponit tantummodo fieri. propterea quod nulla scientia, siue sit uniuersalis, siue particularis, potest probare, suum subiectum esse. Quòd si illud dicatur, substantias abstractas non esse subiectum, nullam uim hoc habet: quia Auicenna dixisset, illas non esse subiectum, sed species subiecti, quæ latent. Quòd uero negatur prima philosophia habere medium, hoc nihil ad rem. Nam semper reprehendendus esset Auctroes, quicam attulisset causam, quæ non uerè est causa. Cur enim substantiæ separatæ à primo philosopho non possint ostendi, id esset causa, quòd prima philosophia caret medio. Quocirca illud superuacaneum esset, ac falsum, substantias abstractas non posse probari, quod sunt subiectum: subiectum autem non potest, neque à priori, neque à posteriori ostendi. Constat igitur, eos hac in re sui Auctrois opinionem planè labefactare, & conuellere.

Sectio





Verum quoniam ostendimus, substantias abstractas non esse subiectum: atque ut sint subiecti species, tamen nihil obstare, quò minus probari possint à primo Philosopho: consequens est, ut, quò facilius ueritas percipi possit, ostendamus, eas non esse species, sed principia subiecti: idque non solum ex Aristotelis auctoritate, sed ex ipso etiam Auerroë. Verum prius te-  
ste utemur Aristotele, qui I. primæ philosophiæ lib. textu. VII.

Omnes enim, inquit, eam scientiam, quæ sapientia nuncupatur, esse  
et primas causas et principia esse putant.

Et eodem libro textu decimotertio,

Nam primorum ipsam principiorum, ac causarum contemplari  
eum esse oportet.

Et textu decimosexto,

Nam et Deus omnibus causa, principium uel quodammodo esse  
uidetur. Deus ergo est prima causa, et principium.

Et VI. lib. tex. V. cum ostendisset, primam philosophiam circa in-  
separabilia atque immobilia uersari, hæc subdidit:

Omnes autem causas sempiternas esse necesse est, maxime autem  
istas. sunt enim causæ diuinorum his quæ sunt manifesta. istæ enim sunt  
substantiæ abstractæ.

Et XI. libri primi:

Sapientiam quidem circa principia scientiam esse.

Et tex. VII. eiusdem undecimi libri:

Talia autem quærimus, æterna ipsa principia, atque prima.

Et eodem textu uigesimo sexto:

At si qua est in ratione rerum talis natura, ibi profectò et ipsum  
diuinum erit, idque erit principium primum, atque principium maxime.

Et duodecimo libro uigesimo quinto:

Prima namque mutationum latio est, et huius ipsa conuersio, atque  
illud hoc motu mouet, ergo necessariò est ens. atque ut necessarium est,  
recte etiam hoc pacto principium est.

Deinde hæc intulit:

Ex tali igitur principio cælum ipsum, naturaque pendet.

Et textu uigesimo octauo:

Qui uero putant (ut Pythagorici, Speusippus) id quod est opti-  
mum, præstabilissimumque, rationem principij non subire, propter  
ea quòd et plantarum et animalium causæ quidem sunt, bonum  
autem atque perfectum in ipsis est quæ sunt ex illis: ipsis profectò non re-  
cte arbitrantur.

Sunt ergo substantiæ abstractæ causæ, atque hæc quidem consi-  
derari debent, uti causæ. aliter enim considerarentur secus, atque  
sunt. Non sunt igitur, neque subiectum, neque species subiecti. Non  
sunt autem subiectum, propterea quia sunt causæ: considerantur  
enim

enim propter aliud, ut patet ex IIII. primæ Philosophiæ lib. tex. I. ubi ita scribit Aristoteles,

„ Quoniam autem principia, summasq; causas quærimus, patet, ipsas  
 „ necessario per se cuiuspiam esse naturæ: quod si & hi qui eorum quæ  
 „ sunt, elementa quærebant, hæc principia quærebant, necesse est, &  
 „ elementa eius quod est, ut est ens, & non per accidens esse. Qua-  
 „ propter & a nobis eius quod est, ea ratione qua ens, primæ causæ  
 „ sunt sumendæ.

Ex hoc enim quod quærendæ sunt causæ, quæ necessario sunt per se alicuius naturæ, infert, quærendas esse causas entis, quatenus est ens: ergo necessario queruntur causæ propter aliud, aliter enim nulla esset Aristotelis ratio. Hoc idem patet ex XII. Primæ philosophiæ lib. eodem loco, et ex VI. Primæ philosophiæ lib. tex. quinto.

Neque sunt etiam species subiecti. nam quod est subiecti causa, non potest esse species subiecti: idem enim esset principium, et (ut ita dicam) principiatum ratione eiusdem, quod quidem fieri nequit, quod enim causa est generis, aut eius quod est loco generis, causa est speciei. Quod si huiusmodi causæ sint causæ entis, sunt etiam causæ specierum entis. At aduersarij concedunt, huiusmodi esse species entis: ergo sunt causæ, & principium entis, itaque idem est, & principium & principiatum, ut dictum est. Ex uerbis igitur Aristotelis, atque ipsa ratione ostendimus, substantias abstractas esse principia, & à primo Philosopho considerari ut principia. Item neq; esse subiectum, neque species subiecti. Ostendamus iam hoc idem ex ipso Auerroë, qui locis citatis, ubi ostendebat, quid inter considerationem naturalem & primam Philosophiam interesset, hoc posuit. Qui item in duodecimo primæ Philosophiæ lib. com. quinto, hoc ipsum apertissimè testatum reliquit, his uerbis:

„ Sed quia modus considerandi in hac scientia, est de principijs sub-  
 „ stantig, in eo quod est substantia, siue æterna, siue non, inceptit decla-  
 „ rare in hoc tractatu de principijs substantiæ non æternæ, & fecit re-  
 „ memoracionem de hoc quod declaratum est ex eis in naturalibus,  
 „ & in præcedentibus tractatibus. Deinde post hoc inceptit declara-  
 „ re principia æternæ substantiæ, & posuit etiam hoc quod declaratum  
 „ est in naturalibus, & consideraui de eis consideratione propria  
 „ huic scientiæ: uerbi gratia, quod est substantia prima, & forma, &  
 „ quod est principium & finis.

Veritate igitur impulsus Auerroës, in eam quam diximus sententiam discessit. itaque (ut superius dictum est) à se ipso discrepat.

Verum hic dicat aliquis, Aristoteles x i. primæ Philosophiæ lib. tex. x x vi. uidetur huic rei aduersari, qui cum multa dixisset, hæc intulit:

„ Harum autem ipsarum præstabilißima est ea, quam ultimò dixi-  
 „ mus: circa nanque præstabilißimum eorum quæ sunt in ratione re-  
 „ rum, uersatur.

Præta-

Præstabiliior autem quæq; scientia dici suo subiecto solet. Cum igitur Prima philosophia dicatur præstantior ratione substantiarum separatarum, sequitur, ut ex Aristotelis sententia, substantiæ separatae sint subiectum. Hoc idem prius VI. Primæ philosophiæ libro, textu quinto, sic innuerat:

*Non est enim obscurum, suspiciam diuinum ipsum est, int. ali esse natura, atq; præstabiliissimam facultatem, maximeq; honorabile genus uersari oportet.*

Substantiæ igitur abstractæ sunt subiectum, siquidem sunt genus illud præstabiliissimum, maximeq; honorabile, in quo uersari oportet Primum philosophum.

Sed quoniam uidentur ex quas attulimus, & rationes, & Aristotelis auctoritates, apertissime ostendere, substantias abstractas nec esse subiectum, nec species subiecti, sed eius principia, quæ nouissime citauimus loca, bono sensu omnino interpretanda sunt. Quem quidem illū esse arbitramur: Primam philosophiam esse præstabiliorem ratione entis, in quo uersatur, quatenus est ens: quam perfectionem consequitur ens ex suis causis, quæ sunt substantiæ abstractæ. Quod si illas Aristoteles subiectum appellat, hoc propterea facit, quia sunt subiecti causæ, perfectionesq; eius. idq; ex eo uidetur patere, quod ipse eodem textu, cum dixisset, talem naturam abstractam esse principium, paulopost dixit, esse circa id quod est, ut ens est. & VI. lib. eodem textu V. propè finem,

*Atq; de eo quod est, ut ens est, & quid nam sit, & ea quæ ipsi comperunt, ut ens est, & ad hanc perfectiōem scientiam pertinet contemplari.*

Non enim illud potest dicere, duō esse Primæ philosophiæ subiecta: neque item, ob eas, quas attulimus, rationes dici licet, esse species subiecti. Necessariō igitur intelligendum est eo modo, quo diximus.

SECTIO XI.



Erūm adhuc etiam firmioribus rationibus adductus aliquis fortè dubitarit, quomodo fieri possit, ut substantiæ abstractæ sint causæ entis, quatenus est ens, quod quidem est subiectum Primæ philosophiæ: item sint etiā causæ substantiæ, quæ est primum ens. ex hoc enim sequitur, ut falsa sit hæc propositio, Deus est ens. item, Deus est substantia. ens enim est compositum, utpotè quod habet quatuor causas. quemadmodum falsa est illa propositio, Anima est animal: totum enim non prædicatur de parte. At hoc falsum est, falsum est ergò & illud, substantias abstractas esse causas & principia entis, quatenus est ens, & substantiæ, ut est substantia. Hoc autem à ratione alienum esse negare Deum esse ens, item, Deum esse substantiam, ex eo colligi potest, quod scriptum reliquit Aristoteles I I. Primæ philosophiæ lib. textu IIII. V. & VI. in hunc modum:

Verum

„ Verum autem sine causa nescimus, unumquodque autem maxime cau-  
 „ terorum est ipsum, quo & ceteris nomine idem cum eadem competit ra-  
 „ tione: ut ignis est calidissimum, nam ceteris hic caliditatis est causa.  
 „ Quare & id est verissimum, quod est posterioribus, ut vera sint, cau-  
 „ sa. Quapropter eorum principia quae sunt semper, verissima sunt sem-  
 „ per necesse est. Non enim interdum sunt vera, neque illis, ut sunt,  
 „ quicquam est causa, sed ceteris illa. Quare ut quodque est, sic verita-  
 „ tis est particeps.

Si ergo Deus est causa, quam obrem cetera sint entia, & substan-  
 tia: Deus erit ob eam quam attulit Aristoteles rationem, non modo  
 ens, & substantia, sed magis ens, & magis substantia. Quod quidem  
 confirmatur ex his quae V I I I. Primae philosophiae lib. textu ultimo  
 ita scribit Aristoteles:

„ Quaecunque uero non habent materiam simpliciter, quod quidem  
 „ entia aliquid.

Quibus uerbis uidetur innuere, Deum esse ens absolute. est enim  
 expers materiae. Necessario igitur concedendum est, illam propo-  
 sitionem esse ueram, Deus est ens, & substantia: ergo fallum est,  
 Deum esse principium entis & substantiae, contra quod toties iam  
 demonstratum est.

Verum, quoniam haec difficultas facit etiam contra eos qui pu-  
 tant substantias abstractas esse species, sunt enim (ut ipsi quidem ar-  
 bitrantur) simplices, quod melius res intelligatur, uidendum est, utrum  
 ens, quod est subiectum primae philosophiae, sit compositum nec ne.  
 Nam uidetur, cum in recto praedicetur de differentiis, quae sunt sim-  
 plices, non esse compositum. Antecedens autem probatur ex his quae  
 I I I. Primae philosophiae lib. textu x x x I x. ita scribit Aristoteles:

„ At neque ipsum unum, neque id quod est genus, esse potest. differen-  
 „ tias enim uniuscuiusque generis, & esse, & unamquamque unam esse, ne-  
 „ cesse est. Fieri uero non potest, ut species generis de differentiis pro-  
 „ prijs, aut genus sine suis speciebus dicatur, aut praedicetur. Quare si  
 „ id quod est, aut unum ipsum sit genus, nulla differentia aut unum,  
 „ aut ens erit.

Et undecimo Primae philosophiae libro, textu quarto:

„ Haec autem fuerint id quod est, ipsumque unum. haec enim omnia quae  
 „ sunt, continere maxime uidebuntur, & principijs maxime similia esse,  
 „ propterea quod non sunt prima. His enim corruptis, cetera quoque con-  
 „ tinuo simul uniuersa tolluntur: omnia enim ens sunt, & unum. Verum  
 „ cum differentias participes ipsorum esse necesse est, si quispiam ipsa ge-  
 „ nera posuerit esse, differentia uero nulla generis particeps esse potest,  
 „ hoc sane non uidebitur, ipsa esse genera ponere principium oportere.

Itaque patet, ens eum praedicetur de differentiis, esse simplex. diffe-  
 rentiae enim sunt simplices: quare poterit praedicari de Deo in recto.

Aliter

**Aliter** enim nihil interesset inter eas, & reliqua genera.

Verum quoniam & Aristotelis uerba, & ipsa ratio comprobant ea quæ diximus, uidelicet ens, quod est subiectum in Prima philosophia, esse cōpositum, itaq; esse substantiam, quæ est prima species entis, ipsorum enim quaeruntur causæ: dissoluenda uidentur, quæ contrā allata sunt. Prius tamen de ente, & de substantia, quæ quidē est primum ens, nonnulla differemus. Aristoteles igitur lib. v. Primæ philosophiæ, textu decimo tertio docet, ens dici & per accidēs, & per se: ens autem per se diuidi in decem Prædicamenta. deinde subdit:

*Præterea ipsum esse uerum significat, & non esse non uerum, sed falsum, tam in affirmatione, quàm in negatione.*

Insup̄ inquit Aristoteles:

*Ipsū esse, & ens, partim id quod potentia, partim id quod est actu, significat.*

Patet ergo, ens per se, quod dicitur de decem generibus, esse subiectum Primæ philosophiæ. habet enim species: itemq; esse cōpositum ob eas quæ allatæ sunt rationes, neq; ullum esse aliud ens. Textu item decimo quarto, cum de substantia ageret,

*Substantiæ, inquit, dicuntur & simplicia corpora, ut ignis, & terra, & aqua, & quæ sunt similis generis, & corpora omnino, & ea quæ ex hisce constant, & animalia inquam, & dæmonia, partesq; istorum. Atq; hæc omnia propterea dicuntur substantiæ, quod non de subiecto dicuntur, sed de his cætera dicti solent. Alio modo substantia dicitur, quod causa est essendi. Inestq; in talibus, quæ de subiecto non dicuntur, qualis est anima animalium: præterea partes, quæ sunt in talibus desinientes, atq; hoc aliquid significantes: quæ si tollantur, tollitur totum. ut si tollatur planum, corpus, ut quidam inquirunt, tollitur: & si linea, planum, atq; omnino numerus, quibus talis esse uidetur. Si tollatur enim, nihil inquirunt esse, & ipsum insup̄ definire omnia indicant. Præterea quidditas, ratio cuius est definitio, & cuiusq; substantia dicitur. Fit igitur, ut substantia modis duobus dicatur, ipsum inquam subiectum ultimum, quod non ulterius de alio dicitur: et id quod hoc aliquid, ac separabile est. Tale autem uniuscuiusque species, atq; forma.*

His ita declaratis, ad argumenta respondemus, Deum posse duobus modis accipi. altero modo, ut intelligatur id quod est cōpositum ex intelligētia, & orbe, quod uisus est innuere Aristoteles II. lib. de Cælo, textu tertio, ubi ait,

*Est autem cælum animatum, & habet motus principium.*

Anima autem primi cæli nō potest esse, nisi Deus: est enim principium motus in eo. neq; ibi potest esse ulla alia anima, ex Aristotelis sententia, ut patet sexto Primæ philosophiæ libro, text. v. Nam aut

m cilet

esset separata à materia, aut contrà, si nō esset separata, coelum esset generabile & corruptibile. Sin aut esset separata, esset intellectus purus, simplex. Itaq; duo ibi essent intellectus, quorum alter esset superuacaneus. duodecimo item Primæ philosophiæ lib. text. XXVII.

” *Dicemus aut, inquit, ipsum Deum animal perpetuū optimū esse.*

Altero modo Deus sumi potest, ut intelligatur forma abstracta à materia, & pura, quæ sit primū omnium principium, seclusa omni cetera materia. Quæ cū ita sint, si Deus priori modo accipiat, propriè est ens, & substantia, item magis ens, & magis substantia. Sin aut accipitur altero modo, Deus neq; est ens, neq; substantia, ppter quod est causa entis, & causa substantiæ, ob eas quæ allatæ sunt rationes: ob ea itē quæ dicta sunt de ente per se, qd dicitur de x Predicamentis, quod est subiectū in Prima philosophia: & ob id qd dictū est, alio modo id substantia dicit, quod causa est essendi, inestq; in talibus, quod subiecto nō dicunt, qualis est anima animalium. Neq; hoc absurdū est. nā omnia quæ reperiunt, aut sunt entia secundum rectū, aut entia propterea quia sunt causæ entis, uel affectiones, uel aliquid ipsius entis. Quod sic ostendit Aristoteles IIII. Primæ philosophiæ lib. text. II.

” *Id aut quod est, dicitur quidē multipliciter, sed ad unum, & unam*  
 ” *quandā naturam, & nō æquiuocè: sed ut omne sanū ad sanitatē dicitur,*  
 ” *partim quia cōseruat, partim quia efficit, partim quia indicat ip-*  
 ” *sam, partim quia est susceptiuum ipsius, & medicatiuum item ad me-*  
 ” *dicinam (aliud enim tale ex eo dicitur, quia medicinam habet: aliud,*  
 ” *quia aptum est ad ipsum: aliud, quia opus est medicinæ, & alia plura*  
 ” *simili modo) sic & id quod est, multis quidem modis, sed ad unum prin-*  
 ” *cipium dicitur. Quædam enim quia substantiæ sunt, entia dicuntur:*  
 ” *quædam, quia substantiæ sunt affectus: quædam, quia sunt ad sub-*  
 ” *stantiam uia, aut corruptiones, aut priuationes, aut qualitates, aut*  
 ” *effectiua, generatiuaq; substantiæ, uel eorum quæ ad ipsam dicuntur*  
 ” *substantiam, aut alicuius horum negatio, uel substantiæ. Quocirca*  
 ” *& id quod non est, non ens dicimus esse. ut igitur et omnium sanorum,*  
 ” *sic & cæterorum est una scientia.*

Et undecimo libro, textu nono:

” *Cum autē scientia philosophi uersetur circa id quod est, ea ratio-*  
 ” *ne qua ens est uniuersaliter, & nō per partem: id aut quod est, multi-*  
 ” *pliciter, & nō uno modo dicatur: si æquiuocè quidē dicitur, et nō per*  
 ” *rationē ullam cōmunem, nō sub unam sanē scientiā cadit, nō est enim*  
 ” *talium unum genere. Sin uerò cōmune quippiam dicitur, cadet profè*  
 ” *etò sub scientiam unam. Videtur igitur modo iam dicto dici, ut me-*  
 ” *dicatiuū, ac sanum, & eorum enim unumquodq; multis dicitur modis.*  
 ” *unumquodq; aut hoc ex eo dicitur modo, quia aliud ad medendi facul-*  
 ” *tatem, aliud ad sanitatē aliquo redigitur modo, ad idem tamē reduct*  
 ” *tur unumquodq;. Medicatiua namq; ratio, cultellusq; propterea dici-*  
 ” *tur,*

tur, quod illa quidē à medendi proficiscitur facultate, iste autē huic est  
similiter. & sanum partim ex eo dicitur, quia significatiuum est sani-  
tatis: partim ex eo, quia eiusdem est effectiuum. Idem est & in cæte-  
ris similibus modis, eodem & ens omne dicitur modo: ex eo namque  
unumquodque ipsorum ens dicitur, quia eius quod est, ea ratione qua  
est ens, aut affectus, aut habitus, aut dispositio, aut motus, aut quip-  
piam cæterorum talium est.

SECTIO XII.



Ubi ergo entia dicantur omnia ea, quæ connumerata  
sunt, patet, ea quæ sunt causæ entis, dici entia tantum,  
propterea quia sunt causæ entis. Itaque Deus, qui est cau-  
sa entis, & substantiæ, dici poterit & ens, quia est causa  
entis, & substantiæ, quia est causa substantiæ. Non ergo Deus falso  
dicitur esse ens. Item etiam uerum est, ens & substantiam esse com-  
posita. Quod autem ad ea atinet Aristotelis loca, quæ contrā uideri-  
tur facere, ita respondemus. Si intelligamus, Deum esse ens, & sub-  
stantiam eo modo, quo dicimus, hominem esse ens & substantiam,  
falsum id esse: quod propriè composita ex materia & forma, dicun-  
tur substantia: Forma uerò & materia uocantur substantiæ, quia  
sunt causa substantiæ. Hoc autem ita esse, uidetur Aristoteles osten-  
dere, cū n multis alijs locis, tum uerò præcipuè septimo Primæ phi-  
losophiæ libro, textu uigesimo, ubi ait:

Substantia autem manifestissimè quidem corporibus uidetur com-  
petere: quomobrem animalia, plantas, partesq; ipsorum substantias  
dicimus esse, & item corpora naturalia, ut ignem, aquam, & terram,  
& etiam singula. & quæ sunt horum partes, quæ ex his ut partibus,  
aut quibusdam, aut omnibus constant. cælum insuper, ac partes ipsius,  
stellam, solem, & lunam.

Et paulo post:

Ex his igitur consideratis fit, ut materia substantia sit: at esse nō  
potest, quoniam separabile, atque hoc aliquid, substantiæ maxime ui-  
detur competere. Quapropter forma, & id quod ex utrisque con-  
stat, substantia magis quàm materia uidebitur esse. Ea igitur sub-  
stantia, quæ ex utrisque, ex materia inquam, atque forma constat, or-  
mittenda. est enim posterior, atq; clara.

Et textu quadragesimo sexto:

Sed qui formas inquirunt esse, partim recte dicunt, separantes  
ipsas, siquidem substantiæ sunt. forma enim est tantum separabilis  
ratione.

Vult ergo, substantiam esse separabilem. hæc autem cum sit maxi-  
mè composita, illud concludendum uidetur, compositum esse maxi-  
mè substantiam. Et octauo libro, textu primo:

„ Nunc autem de substantijs hisce pertractemus, quas omnes esse fa-  
 „ centur: ea uerò sunt sensibiles ipsæ substantiæ, quas quidē materiā uni-  
 „ uersas habere constat. Est aut ipsa substantia, alio quidē modo ipsa  
 „ materies. atq; materiam cum dico, quæ nō actu hoc aliquid, sed poten-  
 „ tia est, alio uerò modo ratio atq; forma, quod quidē est hoc aliquid, at  
 „ que separabile ratione. Tertium autem est id quod ex hisce constat,  
 „ cuius generatio solius est, quodq; simpliciter est separabile.

Quæ uerba declarant, cōpositum magis propriè esse substantiā,  
 quàm formā, quia est simpliciter separabile: forma uerò est tantum  
 separabilis ratione. Et I. lib. de Anima, text. II.

„ Dicimus itaq; unū quoddā genus corli quæ sunt, substantiā ipsam:  
 „ huius aut aliquid quid est, ut materia, quæ secūdum se quidē nō est hoc  
 „ aliquid: aliud aut, sicut formā et speciē, secūdum quā iam dicitur hoc  
 „ aliquid: & tertium, quæ est ex his. est aut materia potentia, species autē  
 „ endelechia. & hoc dupliciter, hoc quidē sicut scientia, illud autē sicut  
 „ cōsiderare. substantiæ aut maxime uidētur corpora, et horū physica.

In prædicamento uerò substantiæ, luce clarius hanc rem uidetur  
 significare, ubi ait:

„ Substantia autem, quæ propriissimè, principaliter, & maxime  
 „ dicitur, quæ neque de aliquo dicitur, neque in subiecto aliquo est, ut  
 „ aliquis homo, uel aliquis equus.

Cū ergo ens cōpositum, & substantia cōposita propriè dicat ens  
 & substantia, falso dicit Deus esse ens, & substantia propriè: idq; tan-  
 tum abest ut sit absurdū, ut sit etiā maxime necessariū. Quare cū dic-  
 tur, Deus est ens, & substantia, ita dicit, propterea quia est causa entis,  
 & substantiæ. nā quod est causa entis, & substantiæ, id (ut ostensum  
 est) dicitur substantia, & ens. ea itē quæ sunt affectiones entis, dici en-  
 tia, docet Aristoteles V. II. Primæ philosophiæ lib. tex. I. his uerbis:

„ Cum autem id quod est, tot modis dicatur, patet, horum primum  
 „ ens esse ipsum quid est, quod quidem substantiam ipsam significat. Ca-  
 „ tera autem ex eo dicuntur entia, quia eius quod hoc pacto est ens, quæ-  
 „ dam quantitates, quædam qualitates, quædam passionēs sunt, quædā  
 „ aliud quippiam tale.

Et nono Primæ philosophiæ libro, textu primo:

„ Dictum est igitur de substantia, quæ quidē est primū ens, & ad  
 „ quod omnia prædicamenta ipsius entis cætera reducuntur. Ratione  
 „ namq; substantiæ, quantitas, qualitas, et cætera, quæ hoc pacto dicun-  
 „ tur entia, dici solent: uniuersa enim rationem substantiæ habebunt.

Et duodecimo Primæ philosophiæ libro, textu primo:

„ Et insuper, ut absolutè loquamur, neq; entia sunt hæc, sed quali-  
 „ tates, & motus: quemadmodum non album, atq; non rectum. nam &  
 „ hæc dicimus esse, cum non album est.

Quemad-



Quemadmodum igitur nonnulla dicuntur entia, quia sunt passiones & affectiones entis: ita etiam quædam dicuntur entia, quia sunt causæ entis. ut multa dicuntur bona, quia sunt causæ boni. Quod declarauit Aristoteles primo Rhetor. lib. ad hunc modum:

*Quoniam ergo bonum dicimus, quod non alterius, sed sui ipsius gratia est expetibile, & quod appetunt omnes, & quod quæcunque mentes & prudentiam habent, expeterent, et efficiens, ac conseruans, uel id ad quod hæc consequuntur.*

His igitur ita expositis, ad eos quos ex II. Primæ philosophiæ lib. citauimus, locos respondemus, nihil hos ad ea quæ diximus, pertinere, propterea quod cum à nobis dictum esset, Deum esse ens et substantiā, quia est causa ipsius entis & substantiæ, citati sunt loci illi ad ostendendum, Deum esse uerè ens: sed magis ens, quæ quicquid aliud. Quibus tamen locis propositum non est Aristoteli probare, Deum esse magis ens, & magis uerum: sed ea quibus alicuius rei ueritatem assequimur, ueriora esse, & principia cognoscendi. Quod idem I. Poster. lib. docuit, cum probauit, ea per quæ scimus, magis sciri, quia propter quod quicquid est, & illud magis. Hoc autem ita esse, planè cõstat ex uerbis Aristotelis. Cũ enim ostendisset cõtemplationē ueritatis, quā facilem esse, quā difficile, causasque huiusce difficultatis exposuisset, dixissetque, qui studiũ in ea suũ collocassent, eorũ neminem, ne exiguam quidem eius partē satis copiose tractasse: neque tamen idcirco ueteres à nobis philosophos cõtemnendos esse, sed his gratiā potius habendam, quoniam non parum posteris adiumenti attulissent. cūque ostendisset, scientiā philosophiæ appellari ueritatis cõtemplationem, quod finis cõtemplatiuæ est ueritas, actiuæ opus: subiūxit, uerũ nesciri sine causa, idque, quoniā facta erat mentio de uero. Hic autem quærere potuit aliquis, quemadmodum sciatur ipsum uerũ: quare intulit, uerũ, cuius aliqua est causa, sciri per illam ipsam causam, ut I. Poster. lib. & primo Physicorũ testatum reliquit. Cum uerò dixisset, uerum sciri per causam: quærere autem potuisset aliquis, an causa illius ueritatis esset uera, respondet, probatque, ipsam esse uerissimam, his uerbis:

*Vnumquodque maxime cæterorum est ipsum, quo & cæteris nomē idem cum eadem competit ratione: ut ignis est calidissimum, nam cæteris hic caliditatis est causa: quare & id est uerissimum, quod est posterioribus, ut uera sint, causa.*

Quæ omnia eadem sunt, atque quæ I. Poster. lib. scripta reliquit uariat tantummodo in exemplo. Ex quibus omnibus patet, cum loqui de ueritate illa, quæ finis est scientiæ. Loquitur enim de ueritate, quæ est finis cõtemplatiuæ (nam uerum est id etiam, quod scitur) & de illa causa, quæ efficit scientiam. Verũ enim, inquit, sine causa nescimus. quare sentit, uerũ sciri per causam. At causa, qua scitur uerũ, est demonstratio. hac enim una scimus uerũ, cõplexum ex causis. Sentit igitur, uerũ sciri per demonstrationē. At demonstratio est ex principijs, quibus uerum cognoscimus. ergo principia magis sunt uera,

in 3 quia

quia sunt causa, quamobrem conclusio sit uera. ita quod loquitur de principijs demonstrationis: non ergo uoluit illud dicere, Deum esse magis ens, & magis uerum, sed quod 11. Poster. lib. ita scripserat,

- ” Sunt autem quædam, quæ fiunt uniuersaliter. semper enim & in  
 ” omni, aut sic se habent, aut fiunt. Alia uero semper quidem non, sed  
 ” sicut frequenter sunt: ut, non omnis homo masculus barbam emittit.  
 ” Talium ergo necesse est medium, sicut frequenter esse. itaque infer-  
 ” tur, eorum quæ semper sunt, semper esse principia:

Subdidit hæc uerba:

- ” Quapropter eorum principia quæ sunt semper, uerissima sint sem-  
 ” per necesse est: non enim interdum sunt uera, neque illis ut sint, quic-  
 ” quam est causa, sed cæteris illa. Quare ut quodque est, sic & uerita-  
 ” tis est particeps.

Quibus quidem uerbis ostendit differentiam, quæ est inter prin-  
 cipia uerissima, quibus principijs uerum addiscimus. Ait enim, prin-  
 cipia cognoscendi ea quæ semper sunt, semper uerissima esse oportet:  
 nam semper sint, necesse est. Principia uero cognoscendi ea quæ non  
 semper sunt, sed ut in pluribus, hæc non semper, sed ut in pluribus ne-  
 cessario uerissima sunt. Nam ut quidque est, sic & ueritatis est parti-  
 ceps. si quid enim æternum sit, eius item ueritas æterna est. Sin au-  
 tem est ut in pluribus, eius item ueritas ut in pluribus consistit. Ac li-  
 cet huiusmodi causæ sint etiam causæ (ut ita dicamus) in essendo, ta-  
 men ut per ipsas ueritatem consequimur, accipiuntur in cognoscen-  
 do. aliter enim non sciremus ipsam ueritatem. Quod aut uera sint ea  
 quæ diximus, patet ex eo quod & 1. lib. Periher. & 111. de Anima, &  
 v. 1. Primæ philosophiæ, textu ultimo dixit Aristoteles, Verum &  
 falsum consistere in affirmatione & negatione. Quare non dicimus  
 propriè loquendo, Deum esse uerum, & uerissimum: erit tamen ue-  
 ra propositio illa, Deus est æternus, perpetuus, incorruptibilis.

#### SECTIO XIII.



Verum dicit aliquis, ut uerba illa ex secundo Primæ phi-  
 losophiæ libro nihil ad rem faciant, tamē non omnis sub-  
 iata est difficultas. Nam argumentum, quo utitur Auer-  
 roës in 11. Phys. lib. Com. 1111. uidetur suam adhuc uim  
 obtinere, nec quicquid esse labefactatum. ostendit enim ibi Auer. com-  
 positū esse magis substantiam, quàm materiā. atque ait, Æquius esse  
 ” formā dici substantiam, quàm materiā, quod illa est in actu, hæc in poten-  
 ” tia. item etiam formā, quàm cōpositum, quod per formā, inquit ipse,  
 ” cōpositum est in actu, causa autem rei est dignior causato. Verum  
 contra hoc argumentum allatæ iam sunt rationes, dissolutio uero  
 elicitur ex loco illo 11. Primæ philosophiæ lib. antè prolato. Nam cū  
 utatur Auerroës hac propositione, propter quod quicquid est, & illud  
 magis: docuit ibi Aristoteles propositionē esse uerā tum, cum et cau-  
 sæ & effectui conuenit idem nomen eadem ratione. Quod quidem  
 hac

hac in re secus accidit, etenim ens, et substantia, nō eadem ratione cōueniunt & Deo & cōposito, uerbi gratia, homini. siquidē Deo conuenit ens, & substantia, propterea quod Deus est causa entis, & substantiæ: homini uerō propriē, quia per se existit, & substat. Ita dicendū est de materia, & forma. uocantur enim substantiæ, & entia, quia sunt causa entis & substantiæ: cōpositum uerō dicitur substantia propriē. Licet ergo cōpositum sit substantia propter formā, non tamen forma est magis substantia, quia substantia non conuenit formæ, & cōposito eadem ratione. Hoc igitur nihil facit cōtra eam, quam attulimus ipsi, dissolutionem. Sed iam principalis argumenti dissolutionem repetentes, dicimus, falsam esse illam propositionē, Deus est ens, Deus est substantia propriē, si ea notione sumatur Deus, ut intelligatur intelligentia prima sine orbe: quemadmodū hæc item falsa est, anima est animal, totū enim non predicatur de parte hoc modo. Vera tamē est illa propositio, Deus est ens & substantia, id est causa entis & substantiæ: item hæc etiā, Anima est animal, id est causa animalis. Nihil ergo obstat, quo minus substantiæ separatæ sint causa entis, ut ens est, & substantiæ, ut est substantia, id quod ex Aristotelis sententia statuimus. Quod uerō ex VIII. Primæ philosophiæ lib. textu ultimo assertur, ad hoc respōdemus Aristotelē dixisse, substantias abstractas esse simpliciter entia, propterea quia sunt causæ entis simpliciter, neq; sunt entia, ppter aliquā causam: sed hoc ipsum quod entia sunt, cōtinuō ipsa per se assequunt, quemadmodū x. prædicamenta. id quod & D. Thomas, & ipsemet Auerroës loco superius citato uidentur significare, & ex uerbis etiā Aristotelis satis colligi licet. Neq; aliter dici posse, ostendunt eæ quas suprā attulimus, & rationes, & auctoritates. Quod uerō ad id attinet, quod contra nos deinceps allatum est, respondemus, satis constare ex rationibus ijs quas protulimus, ens & substantiam, quæ est primum ens, esse composita, ac nullum genus prædicari de differentijs in recto, si differentia sumantur propriē: sunt enim simplices. Neq; item ipsum ens, ob eandem rationem posse de illis prædicari. Siquidem nullum cōpositum potest de simplici prædicari. Ad Aristotelis autem uerba respondemus, id quod eo loco ait Alexander, nō tamen ex omni parte, sed quatenus dicit, hanc rationē esse probabilē. Inquit enim:

Cæterum hæc argumentatio Logica, hoc est probabilis solum mihi esse uidetur, ut plurimæ, quibus utitur. Mihi autem uidetur etiam probabilis, non ob eas rationes quas reddit Alexander, sed ob eam quam ipsi attulimus. Satis uerō habuimus ostendere, interpretes eos quos ipsi sequuntur, concedere rationem illā Aristotelis esse probabilem, non demonstratiuam. Alias tamen rationes compluribus locis attulit Aristoteles, quibus uerē probauit, ens & unum non esse genus. Quod si dicatur illud uerum esse, omnia quæ sunt, esse entia: hoc idem quod antē respōdemus, omnia esse entia in recto, quia sunt uel causæ entis, uel affectiones, & huiusmodi reliqua.

At hic dicit aliquis, quando tibi propositū est, ut non solum uiris

istis doctissimis respondeas, sed multa etiam declares, quæ solent magnas Aristot. uerbis tenebras offundere, nō alicum erit, cū in hunc sermonē incideris, nonnulla in medium proferre de huiusmodi differentijs. Dixisti enim neq; genus, neque ens prædicari de differentijs proprijs in recto, propterea quod differentiæ propriæ sunt simplices, & sine materia. Hoc autē uidetur apertissime discrepare ab his quæ scribit Aristoteles in Prædicamento substantiæ, ubi ait:

- » *Nō est autē propriū substantiæ hoc. nāq; differentia eorū est, quæ in*  
 » *subiecto nō sunt. Bipes enim et gressibile de subiecto quidē homine di-*  
 » *citur, in subiecto autē nullo est. nō enim in homine est bipes, neq; gressi-*  
 » *bile. Ratio quoq; differentiæ de illo dicitur, de quo ipsa differentia*  
 » *prædicatur: ut gressibile de homine dicitur, ratio quoque gressibilis*  
 » *de homine prædicabitur.*

Quibus quidē uerbis nō potest ille nō loqui de differentijs, aliter enim falsum esset, illas non esse substantias, quas tamē dicit prædicari de subiecto secundū nomē, & secundū definitionē. De homine enim dicitur gressibile, & ratio gressibilis, sunt ergo cōpositæ: non enim dicerentur de cōpositis. Quare falsum uidet, esse id quod à te suprā dictū est. Ad hanc quidē rationē uidetur respondere Alexander I. Top. lib. his uerbis: Vnde nō putandū est, hoc dictū in prædicamentis esse necessariissimū, quod differentiæ de subiectis prædicentur, esse dictū de differentijs propriè dictis, sed de differentijs cū materia: quia omne quod prædicat de subiecto, deco in quod quid est prædicatur. Si uerò differentiæ prædicarentur in quod quid est, ergo essent genera, & nō differentiæ. Nam dicitur hoc in loco, nō acceperis esse differentias propriè, sed cū materia. Verum ea quæ dixit Alexander, nō satis uidentur cū ueritate consentire. Nā si eo loco accipiat Aristoteles differentias impropriè, & quæ dicuntur de subiecto: ea autē quæ dicuntur de subiecto, ut cōcedit ipse, sint in eo quod quid est: quæq; sunt in eo quod quid est, sint genera: illæ ipsæ differentiæ, de quibus loquit, erunt genera, ac ita quidem secundæ substantiæ. Dixit enim Aristoteles initio Prædicamenti substantiæ,

- » *Secundæ autē substantiæ dicuntur species, in quibus eæ quæ prin-*  
 » *cipaliter substantiæ dicuntur, insunt. Et hæc quidem, & harum specie-*  
 » *rum genera, ut quidam homo, in specie quidem est in homine. genus ue-*  
 » *rò species animal est. Secundæ ergo hæc substantiæ dicuntur, ut est ho-*  
 » *mo, atq; animal.*

Quod si differentiæ, de quibus loquit Aristot. sunt genera, sunt etiā secundæ substantiæ. Loquitur em̃ de differentijs substantiarū, falsum est igitur, proprietatē illam, Cōmune est autē omni substantiæ, in subiecto nō esse: nō esse propriam substantiæ, quod cōueniat differentijs, de quibus ibi loquitur Aristot. quæ nō sint primæ substantiæ. Sed hoc dissidet cū Aristotele, qui negauit hoc esse proprium substantiæ, propterea quia cōuenit differentijs, quæ ex ipsius sententia non sunt substantiæ.

Sectio

SECTIO XIII.



Ammonius ait, loqui hoc loco Aristotelem de differentiis simplicibus, & propriè quæ non sunt substantiæ: cum ibi loquatur de substantiis cõpositis, quæ aut sunt indiuidua, aut species, aut genera. itaq; ipse dissolueret argumentum. Sed ipsi Hammonio illud apertissimè licet opponere, quod ita exponendus est Aristoteles, ut loquatur de his differentiis, quæ dicuntur de subiecto secundum nomen, & secundum definitionem. At huiusmodi sunt differentiæ cõpositæ. simplices enim, ut rationalitas, non prædicantur de homine: ergo loquitur de cõpositis, non de simplicibus. Quod loquatur de cõpositis, constat etiam ex illis uerbis:

*Si gressibile de homine, & ratio gressibilis de homine prædicatur: est enim homo gressibilis.*

Quare dicen dū uidet, Aristotelē eo loco agere de substantiis duntaxat cõpositis, quæ quidē sunt aut genera, aut species, aut indiuidua substantiæ. Dixisse aut, differentias non esse substantias, accipiendo illas ut sunt simplices: cum enim cõiunctæ sunt cū materia, sunt genera & species, in quibus insunt particulares substantiæ: hoc tamen loco cum dixerit, eas dici de subiecto, coniunctæ sunt cū materia, quas tamen necesse est accipi perinde ac si essent sine materia, propter eas quas aduersus Alexandrū attulimus rationes. Sumuntur aut cū materia nō solum in eo loco, sed in omnibus definitionib. nā si absq; materia sumerentur, nō prædicarent, neq; explicari posset quid est alius rei. præterea notiora sunt concreta, quàm abstracta. Nam si ita dicamus, homo est animal rationale, rationale est cum materia: significat enim animam rationalem cum sua materia, quæ quidem nihil aliud est, nisi homo: accipitur tamen ac si esset sine materia, ut dictum est. Quod si ita sensisset Hammonius, cum dixit Aristotelē loqui de differentiis simplicibus, recte (mea quidem sententia) dixisset: ipse tamē neq; hoc dixit, neq; ita exposuit uerba Aristotelis, ut intelligeret differentias cū materia. Concludimus ergo, Aristotelē dixisse differentias nō esse substantias, quia sunt simplices. ipsum aut loqui de cõpositis, nō quod nō sint substantiæ, cū sint ipsius substantiæ causæ.

At statim hic dicit aliquis, hoc aduersari Aristoteli, qui quinto Primæ philosophiæ libro, textu uigesimo sexto ita scribit:

*Quale namque uno dicitur modo ipsa substantia differentia. quale namque animal est homo, & quale equus, & qualis item figura est circulus, si interrogabimur, bipes accommodate, quadrupes, carens ungulis, respondēbimus.*

Ex quo patet, substantiæ differentiam qualitatem quandam esse, ut diximus. & v. Phys. lib. text. xviii.

*Et namque differentia quale est.*

Non sunt igitur substantiæ, sed qualitates, ut sentit Aristoteles. prædicantur enim in quale: non ergo recte, neq; à te, neque ab Hammonio,

monio, neq; ab Alexandro dicta sunt ea, quæ superius ex eorum sententia protulisti: innuunt enim, illas esse aliquo modo substantias. Verum quoniam ratio obstat (necesse est enim principia substantiæ esse substantias, ut patet ex I. Phys. lib.) alia proferemus Aristotelis loca, quibus aperte dicit, prædicari differentias in quid, itaq; esse substantias. II. enim Poster. lib. textu LXVIII.

- » *Ad probandum aut, inquit, terminū per diuisionem, tria oportet*  
 » *consecuturi, accipientem prædicantia in eo quod quid est, & hæc or*  
 » *dinar, quid primum, aut quid secundum, & quod hæc omnia sunt.*

Quod si uult accipere omnia quæ sunt in quid est, atq; ea ordinare, necesse est, præter genus, esse item differentias in quod quid est. Nam si solum genus esset in quod quid est, cum in unaquaq; definitione nō reperitur nisi unum genus, nō acciperentur plura prædicantia in eo quod quid est, sed unum tantum prædicans: neq; ordinarentur inter se huiusmodi prædicantia, quæ quidē dixit Aristoteles ordinari: neq; item doceret ipse Aristoteles probare terminos per diuisionē, qd tamē pollicitus est sese docturū: esset enim imperfectus, propterea quod nō doceret accipere differentias, quæ, ut opinant aduersarij, nō sunt substantiæ, sed qualitates, & prædicant in quale. Vult ergo Aristoteles differentias prædicari in quid, nō in quale, itaq; esse substantias. In text. item LXXI. eiusdem II. lib. hæc scripta reliquit:

- » *Quod aut omnia hæc sunt, manifestū est ex eo, quod accipimus pri*  
 »  *mum secūdum diuisionē: quontā omne, aut hoc, aut hoc: est aut hoc. Et*  
 »  *iterū huius totius differentia, ultimā aut nō amplius esse differentiā,*  
 »  *uel etiā statim cū ultima differentia à toto nō differre specie hoc: ma*  
 »  *nifestū enim hoc, quontā nec plus apponitur. omnia enim in eo quod qd*  
 »  *est, accipiuntur horum: neq; deficit nihil, aut enim genus, aut differentia*  
 »  *utiq; esset. Genus quidē igitur est hoc primum, & cū differet ijs prius*  
 »  *hoc acceptū est. Differentiæ enim oēs habētur. nō enim amplius erit po*  
 »  *stremlū: specie enim differret. et ultimū, hoc autē dictū est nō differre.*

Dicit igitur, si desideraretur aliquid eorū quæ sunt in quod quid est, hoc esset aut genus, aut differentia. differentia ergo ex illius sententia est, in quod quid est. septimo item Topic. lib. cap. II. III.

- » *Nam si definitio, inquit, est oratio, quæ quid est esse rei significat,*  
 »  *& oportet ea quæ in definitione ponuntur, in eo quod quid est, de re*  
 »  *sola prædicari. Prædicantur autem sola in eo quod quid est, genera*  
 »  *& differentia, manifestum, quoniam si quis sumat ea quæ tantum de*  
 »  *re in eo quod quid est prædicari oportet, quoniam ratio hoc habens,*  
 »  *definitio ex necessitate erit:*

Et in capite octauo dixit:

- » *Ue quoniam eorum quæ sunt in assignata definitione, hoc quidem*  
 »  *genus est, id uerò differentia: & quontā in eo quod quid est, genus &*  
 »  *differentia prædicantur, sine his impossibile fieri syllogismum.*


Senuit

Sentit igitur, differentias predicari in quid est: itaque sunt substantiæ, non qualitates. Cum ergo reperiantur in utranque partem uerba Aristotelis, ratio autem (ut ostensum est) cum his faciat, quæ nouissimè attulimus, necesse est (ut sibi constet Aristoteles) ea bono sensu intelligere, quæ uidentur ostendere, differentias esse qualitates: quæ quidē ita sunt interpretanda, ut existimemus, differentias predicari in quale, atque esse qualitates, quæ formam referunt, ac formæ speciem obtinent, si cōferantur cū genere, quod quidē genus refert ipsam materiam, ut recte etiam uidetur hoc declarare Porphyrius. Nihil ergo contra ea quæ diximus, uidelicet differentias in Prædicamēto substantiæ esse substantias simplices, non compositas.

His ita expositis, constat recte dissolutum esse alterum Auerrois argumentum, quo ostendebat, substantias separatas non posse à primo philosopho probari esse, propterea quod sunt illius subiectum, sed hoc à naturali dūtaxat fieri, ostēdimus enim, primū philosophū necessariò probare illas esse, quatenus sunt causæ entis, ut est ens: neque illas esse subiectū eius, aut subiecti species, sed principia subiecti, itaque patet, recte nos ea statuissē, quæ antè posuimus. Cōstat etiā, quo modo naturalis consideret rerū abstractarū quid est, & quomodo primus philosophus, itaque dissoluta sunt ea, quæ cōtrā uidebant facere:

Ad confirmationem uerò, quæ sumitur ex ipso Auerrois ultimo Com. I. Phys. lib. nego illud consequi, ut si in philosophia naturali non demonstraretur genus hoc entium, non eilet, nisi philosophia naturalis, & doctrinalis, quia genus hoc entium demonstraretur in Prima philosophia, quemadmodum quidem uidentur ostendere & rationes nostræ, & Aristotelis auctoritates.

## SECTIO XVI.

Vod uerò dicitur, hoc fieri non posse, nisi per motū, assentimur, at cū asserunt, motū esse philosophi naturalis tantum, id uerò negamus: quod quidē tum ratione, tum Aristotelis, atque adeo ipsius Auerrois uerbis, cōfirmari posse existimamus. Ut autē ab ipso Auerroce exordiamur, is (quemadmodum suprà ostendimus) in II. Primæ philosophiæ lib. Com. VI. ita scribit:

Et consideratio uniuersalis in omnibus causis secundum quod sunt causæ, est huius scientiæ. & Aristoteles quamuis hic utatur demonstrationibus scientiæ naturalis, tamen inducit eas uniuersaliores, quoniam quanto fuerit demonstratio uniuersalior, tanto magis erit prior huic scientiæ. & Aristoteles obseruat se in hac iteratione, scilicet inducendo demonstrationes uniuersales alio modo quàm in scientia naturali. & hæc est causa in iteratione illarum demonstrationum in hac scientia, ut fecit in tractatu primo. Ex his autē sic argumētor. Demonstratio, qua usus est Aristoteles in Prima philosophia, ad ostendendū, substantias abstractas esse, est eadem quæ in philosophia naturali, modo tantum uniuersaliori. At hæc ipsa demonstratio in philosophia naturali est per motum: ergo & illa quæ est in Prima philosophia,

philosophia, est per motum. Huiusmodi autem demonstratio (ut concedit ipse) propria est Primi philosophi, non naturalis, propterea quod est uniuersalior: ergo motus pertinet ad primum philosophum. aliter enim demonstratio illa non esset propria primi philosophi, id quod tamē ipse dixerat. Motus igitur ex ipsius Auerrois sententia, est etiam primi philosophi. Quocirca recte nos, ex eiusdem etiam opinione, negauimus, motū esse philosophi naturalis tantum. Id quod etiam ex Com. v. in duodecimo Primæ philosophiæ libro colligi potest. Hoc item uidetur uerbis Aristotelis ostendi posse, nā VIII. Phys. textu uigesimo secundo,

„ Omnia igitur quiescere, inquit, & huius rationem quærere dimittentes, sensum infirmitas quædam intellectus est. & de toto aliquo, non de parte, ambiguitas est: neq. solum ad Physicum, sed ad omnes scientias, ut est dicere, & ad omnes opiniones, propter id quod motu utuntur omnes.

Quod si omnes scientiæ utuntur motu, nō est motus tantum philosophi naturalis, sed reliquarū etiam scientiarū, & opinionum.

Id præterea ratio ipsa cōprobat in hunc modum. Motus est una ex speciebus entis, accipiēdo hic speciem eo sensu, quo accipit Aristoteles, cum appellat Prædicamenta species entis: ergo pertinet ad primum philosophum. Hoc autem cōsequi patet ex quarto Primæ philosophiæ libro, text. v. i. qui quidem locus sæpius iam à nobis citatus est, sed ut alia ostenderemus. Ibi igitur Aristoteles,

„ Qui propter, inquit, & eius quod est, ut ens est, quæcunque sunt species, unus est scientiæ genere, & specterum species cōtemplari.

Quæ uerba exponens Alexander Aphrod. (ut in Commentariolo nostro diximus) sic ait:

„ Quibus uerbis aperitur, partitionem entis in genera ad Primam philosophiam pertinere, quam ipse fecit in Prædicamentis: idq. propterea, quod decem genera entis sunt species.

Quod si motus est species entis, pertinet ad primum philosophum. Antecedens comprobant illa Aristotelis uerba septimo Primæ philosophiæ libro, textu octauo:

„ Cum autem sint cæteris in Prædicamentis composita, est enim aliquid cuiq. subiectum, ut quidditati, & quantitati, & ubi, ac motui.

Sentit igitur Aristoteles, motum esse unum ex Prædicamentis, ut substantia, quantitas, & reliqua, atq. ita esse species ipsius entis.

Præterea actus, & potentia, pertinent ad primum philosophum: ergo & motus. Probatur id, quod cōsequitur ex eo quod ad quam facultatem spectant partes definitionis, & definitio ad eandem spectat, & ipsum definitum. Motus autem est actus eius quod est in potentia, quatenus est in potentia. Antecedens ostendit Aristoteles in no Primæ philosophiæ libro, textu primo:

„ Cum autem id, inquit, quod est, partim substantia, aut quantitas, aut



aut qualitas, partim potentia atque actu dicatur, de potentia etiam, ut atque actu, determinemus oportet.

Præterea potentia definitur per motum, & spectat (uti dictum est) ad primum philosophum, ergo & motus. Consequens patet ex eis quæ scribit Aristoteles v. Primæ philosophiæ lib. text. xxi.

Potentia dicitur, alia quidem principium motus, mutationis, uel, quod est in alio, aut quippiam aliud est.

Et textu uigesimo secundo:

Cum potentia tot modis dicatur, possibile quidem, ac potens, uno quidem modo dicitur id quod motus, aut mutationis principium habet. retinem id à quo status, quies uel proficisci potest, possibile quippiam est in alio, aut aliud quippiam est.

Et textu uigesimo tertio:

Ea uero quæ per potentiam dicti solent, omnia ad potentiam unam primam dicuntur. Hæc autem est mutationis principium in alio, aut in aliud quippiam est, & post nonnulla subsequutus est. Quare propria definitio potentia primæ hæc erit, principium inquam mutandi in alio, aut in aliud quippiam.

Necessario igitur motus pertinet ad primum philosophum. aliter enim ignorato motu, ignorabitur & potentia. Item eodem libro, textu sexto:

Actus autem nomen, & ad perfectionem ipsam, & ad cætera ex motibus maxime ipsis accessit. motus enim actus maxime esse uidetur: quapropter & ipse quæ non sunt, non motum, sed alias quasdam prædicationes tribuere solent. Intelligibilia autem illa, & desiderabilia dicunt esse, moueri autem non dicunt: idque propterea, quod actu quidem non sunt, esse autem actu possunt. Quædam enim eorum quæ non sunt, potentia sunt: non sunt autem ex eo, quia non actu sunt.

Hic ergo declarat Aristoteles, motum esse actum. atque hæc quidē declaratio (ut patet) est primi philosophi: ergo & motus. Qui uero fiat, ut in motus definitionem cadat potentia, & in definitionem potentia motus, non est hic docendi locus.

SECTIO XVII.



Confirmatur autem, quod proxime dictum est, ad hunc modum. Quicquid consideratur à philosopho naturali particulariter, consideratur etiam à primo philosopho ratione uniuersali. At motus consideratur à philosopho naturali: ergo consideratur etiam à primo philosopho ratione uniuersali. Verum motus est ens, ens autem est uel actus, uel potentia: itaque consideratur ab ipso secundum id quod est. Quod ita confirmatur. substantiæ abstractæ sunt causæ effectiuiæ entis, quatenus est ens: ergo à primo philosopho cognosci debent eo modo, quo sunt causæ, aliter enim deciperetur. At sunt causæ per ipsum motum, ergo ita co-

n gnosci

gnosci debent: motus igitur debet à primo philosopho cognosci. item omnes termini, qui quarto Primæ philosophiæ libro distinguuntur ab Aristotele, ut sentit Auerroës, cæteriq; interpretes, quemadmodum à nobis in libro nostro dictum est, spectant ad primum philosophum: ergo & causæ, quæ ibi distinguuntur. itaq; causæ efficiens, atq; eius definitio, & partes definitionis: aliter enim non posset primus philosophus illius causas cognoscere. ergo motus etiâ ad ipsum primum philosophum spectat, propterea quia causæ efficiens est, unde motus. Item natura pertinet ad primum philosophum, ergo motus. Quia item ratione probauit Aristoteles 111. Phys. lib. motum pertinere ad naturalem. ostenditur autem antecedens ex secundo Primæ philosophiæ libro, ubi ait Aristoteles,

» *Idcirco eruditum esse quemque oportet, quò nam pacto quæque*  
 » *sint acceptanda: quoniam absurdum est, scientiam simul, & scientiæ*  
 » *querere modum, ubi ne alterum quidem consequi facile est. Mathe-*  
 » *maticorum autem exacta discussio non in uniuersis est efflagitanda,*  
 » *sed in ijsce duntaxat, quæ materia uacant, quapropter modus ille nō*  
 » *naturalis esse uidetur. uniuersa nanque natura fortasse materiam ha-*  
 » *bet. Quamobrem primum quid sit natura considerare oportet. hoc e-*  
 » *nim pacto, & quibus de rebus est scientia naturalis, et si unius facultas*  
 » *est, an plurium sit, causas, principiaq; contemplari, profectò patebit.*

Quibus quidem uerbis luce clarius ostendit Aristoteles, sentire se, naturam ad Primam philosophiam spectare. Neque enim difficile est intelligere expositionem D. Thomæ, illorum uerborum, Nihil ad rem facere. non enim in Prima philosophia illud dicendum fuit, *ἀριθμητικῆς* Mathematicam non esse in omnibus expetendam: & postmodum, hanc non esse expetendam in philosophia naturali. Id enim quod uniuersaliter prolatum est, ut ad rem faciat, necesse est ita accipi, ut intelligatur de ipsa Prima philosophia, quemadmodum hoc idem repetitum primo Ethic. libro, capite secundo intelligitur de ipsa morali philosophia. Præterea quam similitudinē in demonstrando habet philosophia naturalis cum Mathematica, eandem habet diuina philosophia cum Mathematica. hoc enim ex eo patet, quod utraq; ex notioribus tantummodo nobis demonstrat. Vt igitur conuenit illud philosophiæ naturali, si conferatur cum Mathematica, ita cōuenit Primæ philosophiæ ob eandem rationem. Hoc idem ergo dicendum uidetur de Prima philosophia. Item ex eo quod ait Aristoteles, perscrutandum esse quid sit natura, infert, hoc pacto constare etiam, quibus de rebus sit scientia naturalis, atque utrum unius sit facultatis, an plurium, causas, principiaq; contemplari. At considerare, utrum sit unius facultatis, an plurium, causas, principiaq; contemplari, pertinet ad Primam philosophiam: ergo loquitur de ipsa Prima philosophia. Hoc autem ita esse, ostendit ipse tertio Primæ philosophiæ libro, textu trigésimo, his uerbis,

*Est itaq; dubitatio prima de ijsce, quæ in exordijs dubitauimus, utrum unus, an plurimum scientiarum sit causas contemplari.*

Constat igitur, huiusmodi quæstionē pertinere ad Primā philosophiam, ipsumq; Aristotē citare locū hunc II. libri, quem librū collocat inter exordia, ut infra magis etiā ostēdemus. sunt enim omnia ab initio II. lib. ad III. lib. tradita, uberioris, perfectiorisq; doctrinæ causa. Neq; (mea quidē sententia) quod ait Alexander, uerba illa exponens, probandū est. Nam illā nō esse præfationē philosophiæ cōtemplatricis, cuius prima pars, qd ad nos attinet, sit naturalis, propterea quod qualis illa sit, et quibus de rebus disserat, inuestigari nō potest, nisi prius quid sit natura consideratū sit, ex eo colligi potest, quod huic lib. nullus esset locus. Aliter enim ante philosophiā naturālē collocāndus esset: quod tamē fieri nō potest, uel quia illa est perfectā, uel quia liber hic nihil ad rem faceret. supponit enim mentionem ante factā esse de quatuor causis. nō enim illud quæri potest, an causæ & principia in infinitū progrediant: nisi prius cōstiterit, & quot sint, & quæ. Eō accedit, quod hoc quicqd attigit Aristoteles fecit, quemadmodū apparet in III. Primæ philosophiæ lib. ut dissolueret obiectiones. Non ergo potest ab eo lib. philosophia naturalis iniiū ducere, cū uideat aliquid supponere. Neq; illud obstat, qd opposuit Alexander initio III. lib. quē secundū ipse uocat, nihil agi de natura: hoc enim sit V. lib. & III. tex. XXI. & XI. tex. XII. Ibi enim tollit difficultas illa, quam ait ipse nullā fore tum, cū ostensum fuerit, quid sit natura. necesse enim fuit, alia præcedere. Neq; (ut ego quidem arbitror) coheret initium III. lib. cum fine primi: neq; cohererent ea quæ secundo libro tractantur. Cum enim dicit Aristoteles in calce primi,

*De talibus igitur ostensum est, & prius, quæcunque autem de ijs dubitaret aliquis, resumamus iterum, fortasse enim ex ipsis suppedi-  
tabimus aliquid ad posteriores dubitationes:*

Illud significat, uelle se de eisdē agere, de quibus antē egerat, hoc est de causis. itaq; significat, dicturū se de causis, eaq; dicturum, de quibus aliquis dubitare potuit. In his autem erat, an causæ essent infinitæ. Vult ergo loqui de causis, an sint infinitæ, huiusq; rei illam rationem affert, quod ex ijs ita declaratis, subaudi Suppeditabimus aliquid ad posteriores dubitationes, quæ subaudi aſſeruntur in tertio libro. Poterimus enim multas de huiusmodi causis proferre dubitationes, cum intelligemus eas esse finitas, non infinitas: ut unius ne, an plurimum scientiarum sit, causas contemplari. Quod si essent infinitæ, nullam haberet huiusmodi quæstio rationē, propterea quod infinitum, cum percipi nullo modo possit, non potest etiā sciri.

Ac ita quidem recta mihi uidetur huiusce loci interpretatio, ut si aliter exponatur, totius illius libri sensus maximē perturbetur. Adde, quod mirificē quadrat uerbis Aristotelis.

Quod si ab hoc libro initium nō ducit philosophia naturalis, quā potest Alexander altera interpretatione ita exponere, ut sensus sit,

non hoc quidem loco, quid sit natura, differendū esse, sed ante hanc doctrinā, de rebus naturalibus disputari oportere, quod qui fuerit in pertractatione rerū naturalium exercitatus, is facile allequi poterit, quæ ad diuinā disciplinā pertinent. Existit enim hæc conclusio, quam ait manifestā fore ex illa cognitione, quid sit natura. Præterea huiusmodi sensus nihil quadrat huic loco, ubi quidem Aristoteles huius consuetudinis mentionem facit, ut ostendat, homines non debere ab ipso expectare demonstrationes Mathematicas, propterea quod Mathematicorum cōtemplandi ratio uersatur in eis quæ carent materia: quæ enim cōsiderant, hæc ipsa considerant, ut abstracta sunt à materia. ac ita quidem sit, ut non sit naturalis eorum cōtemplandi ratio, quod omnis fortasse natura prædita est materia. Quod nisi ita acciperet Aristoteles naturalem considerandi rationem, ut ipsam diuinam philosophiam intelligeret, aliena item ab hoc loco forent ea quæ de consuetudine illa disseruit: quare altera etiam Alexandri expositio uidetur improbanda. At cum liber ille nullo alio constitui possit loco, si quis diligenter attendat ea quæ dicta sunt, necesse est, Aristotelem ita sentire, naturam pertinere ad Primā philosophiam. Quod quidem si ita est, motus etiam pertinebit ad eandem Primam philosophiam: natura enim est principium motus, eoq̃ ignorato, ipsa quoq̃ ignoretur necesse est.

SECTION XVIII.



Quod autem hic ipse liber præponi non debeat 11. Physic. lib. ut quidam existimare uidentur, ex eo satis constat, quod per tractatio illa (ut dictum est) supponit, mentionem factam esse de quatuor causis, quas 11. Physic. lib. enumerauit. Vel quia primo Physic. libro tradiderat disciplinā de ueris principiis rerū generabilium & corruptibilium, quæ sunt materia, forma, priuatio. Vel quia (ut ostendetur) natura spectat ad primum philosophū, ut est principium motus. Neq̃ illud, quod in extremo secundo Phys. lib. ita scriptum reliquit:

» *Rursus aliud principium incipientes dicamus.*

Quod ideo dixit Aristoteles, ut existimant qui hanc sequuntur opinionem, quod ueterum allatis & cōfutatis de principiis tam mobilium quàm immobilium rerū opinionibus, quæ nec ueræ essent, & admodū imperfectæ: ueram ipse, atq̃ perfectam traditurus esset eorum principiorū noticiam. quod quidem 11. Phys. lib. ita præstitit, ut nullo alio philosophiæ lib. illa ipsa principia copiosius tractaret. ostendit enim tria esse rerū naturalium principia, materiam, formā, priuationem: quorum duo illa, materiam & formam, dixit esse perfectum, tertium uerò per accidens. Verum hoc (mea quidem sententia) ideo fecit Aristoteles, quod cum initio primi Phys. libri demonstrasset, philosophi naturalis esse inuestigare causas rerum naturalium, docuissetq̃ huiusce rei uiam & ordinem, consentaneum rationi fuit, ut ipse prius de causa efficiente ageret, quàm de causa materiali: est enim

enim illa natura prior. Quoniam tamē facilius esset materiae cogni-  
tio, eiusq; pertractatio breuius absolui posset, uisum est Aristoteli sa-  
ciendum esse, ut prius de causa materiali differret, quā de efficien-  
te. Quod cum fecisset, tanquam obiter eo loco (non enim suus ille,  
secundū naturam erat locus) atq; alteram causam pertractaturus  
esset, efficientem scilicet, & perpetuam, Rursus, inquit, incipientes  
dicamus aliud principium: cognoscendi scilicet. quod idem est, ac si  
dixisset, Ponamus aliud principium cognoscendi, perinde ac si ad  
philosophiam naturalem aggredieremur. Haecenus enim tanquā  
præter ordinem locuti sumus de principijs illis, materia, forma, pri-  
uatione, ob facilem eorum cognitionem. Ponamus igitur aliud co-  
gnoscendi principium, quod quidem principium est definitio natu-  
rae. Nam cum natura sit principium motus & quietis, motus autem  
sit æternus, natura, quæ est huiusmodi principium, erit æterna: itaq;  
motores coelestes erunt æterni. Atque ita quidem perinde facit, ac si  
philosophiam naturalem auspicaretur. Quod idem fecisse in exte-  
rio primo cap. i. Rhet. lib. apparet, ubi ait:

*Sed iam de ipsa methodo conabimur dicere, quomodo, & ex quibus poterimus assequi propositum. Rursus igitur, tanquam ex principio definientes ipsam, quid sit:*

Et rediqua. Cum multa ergo antē dixisset, innuit, uelle se definire Rhetoricam, quasi hoc esset illius libri initium, propterea quod ea quæ dixerat, erant tanquam obiter dicta. Neq; 11. Phys. liber, cuius initium est, Eorum quæ sunt, alia quidem sunt natura, alia uerō propter alias causas, &c. mancus est, ac dempto capite mutilatus, ut isti ex stimant. Nam cum illaturus esset Aristoteles eo modo quo fieri posuit, definitionem illam: Est igitur natura principium alicuius, & causa mouendi in eo, in quo est primum per se, & non secundum accidens: necessariō præponenda fuit diuisio illa, ut liquet, quod ex ea illam ipsam definitionem intulit. Eo accedit, quod primus item liber ab hac diuisione initium ducit: Necesse est autem, aut unum esse principium, aut plura. Nec obstat, quod illius libri hoc sit initium: Quoniam autem scire, & intelligere, &c. Nam hoc proœmium cōmune est, ac ita se habet proœmium secundi libri, quemadmodum primi. Ut igitur primus liber ab illa diuisione exordium sumit, sic item secundus à simili diuisione initium sumere potest. Neq; ideo præponere post primum Primæ philosophiæ librū collocatur, quod dissoluatur Aristotelis contextus: maxime enim connectitur. Iam ad illud primi extremi libri responsū est. Verū, ut huiusmodi cōnexio nem seruari maxime appareat, ut etiā multa, quæ sunt in Prima philosophia, per obscura, dedaremus, non grauabimur altius repetere.

SECTIO XIX.



Vm Aristoteli propositum esset in Prima philosophia, entis, quatenus est ens, causas indagare, ut eius cognitionem allequeretur, uidereturq; hoc à regulis artis abhor-  
rere, quibus præcipitur, in scientijs probandas esse asse-

ctiones de subiectis per eorū definitiones, quæ sunt ex causis, & supponuntur, statuit, has ipsas dubitationes tollendas esse, ne quis fortè existimaret, conari eum quæ nullo modo fieri possent. Quare primo Primæ philosophiæ libro ostendit, has causas esse inuestigandas. huiusq; rei illā causam attulit, quod omnes homines natura scire desiderant. ac scimus tum, cum causas cognitās habemus. Quantq; uerò de his ipse in naturali philosophia egerat, tamen quo facilius ueritas inueniri posset, dixit, Veterū opiniones, qui sese causarum cōtemplationi dedissent, afferri oportere: ita enim futurum, ut constaret, eos sensisse, principia quædam & causas esse: ac ita quidem illorum sententijs in medium allatis, aliquid reperiri posse, quod ad hoc doctrinæ genus accommodatū esset. Nam aut aliud aliquod inuentum iri causæ genus, aut fore ut hæc quæ magis esse opinarentur homines, crederemus. Ac denique ostendit, non reperiri aliud causæ genus, sed tantum quatuor illa, quæ ipse connumerauerat. Itaque Epilogum intulit, in quo (uti suprā breuiter perstrinximus) dixit, sese allaturum; quæ de eisdem, subaudi causis, dubitaret aliquis, quod ex his suppedicaretur aliquid ad dubitationes, quas allaturus erat. Quæ autem de huiusmodi causis potuit aliquis dubitare, erant hæc, uel suprā dictum est. Verum in huiusmodi causis, & principijs, in infinitum progredi liceret. ita enim si esset, fieri non posset ut sciremus. idq; sibi in primis esse propositum, ostendit eodem libro, ubi ait:

Atqui si infinitæ etiā essent multitudine species causarū, neq; hoc pacto rerū perfectō cognitionē consequi possemus. Tūc enim scire arduū bitramur, cū causas cognouerimus. fieri enim nequit finito in tempore, id quod infinitum est, additione pertranscamus.

Consequens ergo fuit, ut ad id præstandū aggredieretur. Verum quoniam in calce primi libri ita dixerat,

Ex his igitur quæ dicta sunt, patet, uniuersos uideri causas quætere, quamuis obscure, quas in naturalibus diximus, nullamq; nos aliam, præter illas, dicere posse, at quæ prius partim omnes, partim nullo modo dictas esse.

Ac de iisdem causis allaturus erat, quæ potuit aliquis dubitare, illudq; opponi licebat, inane ac superuacaneum esse id negotiū, si quidem perarduum esset, nimisq; difficile, rerum ueritatem assequi, ut ad eam fortasse neminem unquam aspirare liceret, cum ex compluribus antiquis, & his quidem præstantissimis philosophis, neminem constaret, ipsam rerum ueritatem assecutum esse, ut ex eis quæ dixerat ipse, perspicuum erat. Hanc dubitationem initio secundi libri tollit Aristoteles, aitq; contemplationem ueritatis non esse admodum difficilem, sed partim facilem, partim difficilem: huiusq; rei illo usus est argumento, quod nec planè quisquam eam assecutus esset, nec tamen longius aberrassent omnes. Hic autem cum posset aliquis inferre, uideri antiquos philosophos, qui ueritatem

penitus

penitus non inuenissent, esse rejiciendos: subiunxit Aristoteles, his etiam habendam esse gratiam, quippe qui aliquid adiuventi attulissent. Quoniam autem de ueritatis contemplatione disseruerat, & quaeri potuit, Prima ne philosophia esset scientia, quæ ipsam ueritatem contempleretur, respondet, ita esse, propterea quod finis contemplatiuæ est ueritas: ipsa autem Prima philosophia est contemplatiua, ut ex primo libro patet: itaq; Primam philosophiam esse scientiam cōtemplatiuam ueritatis. Cum uerò dixisset, ipsam Primam philosophiam esse scientiam cōtemplatricem ueritatis, & quaeri posset, quænam sit ueritatem contemplandi, allequendiq; ratio, ostendit, ueritatem haberi per causam, docuitq; illam causam esse magis ueram eo modo, quo supra Sectione duodecima dictum est. Quæ simul absoluisse, sese conuertit ad id quod sibi in primis erat propositum, ut scilicet ostenderet, in quatuor causarum generibus non esse processum in infinitum. Ex quo sequebatur, ut his inuentis, quæ percipi possent, causis, tum demum scire liceret, itaq; demonstrare. Quia uerò potuit aliquis expectare ab eo exactam Mathematicorum demonstrationem, quæ tamen ab illa facultate petenda non esset, ostendit, exactam illam demonstrationem non esse in omnibus scientiis postulandam, sed in his duntaxat quæ carent materia. At ne uideretur hoc frustra ostendisse, prius ostendit, ex usu quemque, & consuetudine, ad audiendum affectum esse, ut enim in more positum esset, sic dicendum censere homines.

*Et quæ præter hæc, inquit, non similia, sed propter insolentiam ignotiora, sed & extrema: quod enim cōsuetum est, notius est. Quam enim consuetudo uim habeat, declarant leges, in quibus fabulosa quædam, & puerilia plus ualent ob ipsam consuetudinem, quam si ea nobis cognita forent. Quidam tamē (dicat aliquis) neminem audiendum putant, nisi qui Mathematicè loquatur, alij exemplis utendū censent, alij laudandum esse testem Poëtam, alij exactè omnia exponi uolunt: quosdam rursus molestia afficit exacta illa rerum expositio, uel quia assequi ipsi non possunt, uel propter *μικρολογία*. habent enim exactum aliquid tale. Quare quemadmodum & in contractibus, & in sermonibus, illiberale enim quibusdam uidetur. Quocirca præclare tenendum est, quemadmodum quicquam futurum sit, ut accipiatur. absurdum enim est, simul querere & scientiam, & modum scientiæ: quorum quidem neutrum facile est accipere.*

Ex quibus constat fieri potuisse, ut ab hac facultate exacta aliquis Mathematicorū demonstrationem requireret, propterea quod hoc unum quidā propter cōsuetudinē postularent. At talis (inquit Aristoteles) demonstratio nō in omnibus efflagitanda est, sed in nō habentibus materiam. Ex quo infert, huiusmodi contemplandi rationem non esse Physicam, propterea quia omnis fortasse natura materiam habet. Itaque prius quid sit ipsa natura, perscrutandum

esse, atque illam huiusce rei rationē affert, quod sic, & de quo naturalis sit, erit manifestū. Constat enim naturā dici de materia, & forma: atque ita philosophiæ naturalis esse, pertractare materiam. neque ab illa exactam Mathematicorum perquisitionem esse requirendam: hanc enim ex ipsa re difficultatem existere. Ex quibus item perspicuum erit, utrum unius scientiæ, an plurium sit, causas & principia considerare. Hæc autem cum ostendisset Aristoteles, consequens fuit, ut quod in calce secundi libri pollicitus erat, id iam præstaret. Sed quoniam intelligebat, ad hanc tradendam doctrinam illud maxime necessarium esse, ea proponere de quibus dubitari oporteret, ne quis cum putaret aliter facere, atque ipsi propositum esset; cum dubitationes illas poneret, statim post finem secundi libri inulit initio tertij, necessarium esse ad eam scientiam quæ quæreretur, ea primum persequi, de quibus dubitari primum oporteret. Ea autem inquit esse, de quibus aliter quidam existimassent, & si quid præterea omissum esset, atque neglectum. Deinde rationem affert, quare hoc faciendum fuerit, & ait:

„ *Est autem, opera prædictum bene eos dubitare, qui consequi percur-*  
 „ *phunt difficultatem. Posterior enim facultas, solutio est eorum quæ pri-*  
 „ *us dubitantur. Atque fieri non potest, ut vinculum solvatur, si igno-*  
 „ *retur: sed dubitatio mentis id ipsum de re declarat. quo enim mens du-*  
 „ *bitat, eo persimilis est ligatis. Quapropter difficultates omnes antea*  
 „ *contemplari oportet, & hoc ut gratia, & quia homines, qui querunt,*  
 „ *si primo dubitauerint, persimiles ijsce sunt qui ignorant, quorsum per-*  
 „ *gere oportet: Et insuper neque si id quod queritur inuenerint, di-*  
 „ *scernere non possunt. finis enim ijsce non patet: at ei qui antea dubita-*  
 „ *rit, est manifestus. Præterea melius ad iudicandum, affectum cum*  
 „ *esse, necesse est, qui rationes etiam contententes omnes, perinde atque*  
 „ *aduersarios audit.*

Quibus ostendit, quod fecerat, id omnino sibi faciendum fuisse. Mox cepit proferre dubitationes eas, quibus querebat, an quædā ad primum philosophū pertinerent: deinde eas, quas ipse nō alienas esse arbitratus est. His autem dubitationibus positis, rationes in utramque partem probabiles afferre cepit. In IIII. lib. aggressus est ad dissolueudas quæstiones illas, quibus quærebatur, utrum quædā ad hanc scientiam pertinerent. de multis enim in dubio id positum erat, ut nunquid unius sit scientiæ, an plurium, considerare causas. Item utrum sit eiusdem scientiæ tantum considerare prima principia substantiæ, & de principiis ijs quæ omnibus in demonstrando communia sunt, ut contingat ne aliquid simul & affirmare & negare, itemque de cæteris huiusmodi: & de substantia, utrum una sit scientia de omnibus substantijs, an plures. Item utrum scientia tantummodo sit de substantijs, an etiam de accidentibus, de eodem & diuerso, de simili & dissimili, de identitate & contrarietate, de



de priori & posteriori, & reliquis eiusdem generis. Has igitur quaestiones omnes quarto libro dissoluit Aristoteles.

SECTIO XX.



Voniam autem ostenderat, principia illa, ex quibus omnes in idem demonstrant, pertinere ad hanc scientiam, ut non contingit idem simul affirmare & negare, cum tamen quidam secus arbitrarentur, qui dicerent fieri posse ut idem sit & non sit, itaque existimetur: mox ipse ostendit redarguendo, fieri nullo modo posse, ut idem eodem tempore & sit, & non sit. atque aliud esse demonstrare redarguendo, aliud demonstrare simpliciter. Haec autem cum ostendisset, reliquum esse uidebatur, ut quas ipse dubitationes attulisset, has iam dissolueret: quas quidem constabat ad Primam pertinere philosophiam. allata enim in tertio libro fuerant dubitationes quaedam, quibus (ut dictum est) quaerebatur, utrum quaedam ad primum philosophum pertinerent, aliae uero de nonnullis, quae dubium non erat quin ad ipsum primum philosophum pertinerent. De his autem quaerebatur, utrum ita se haberent, an secus: ut utrum genera, aut species essent principia, & elementa entium. Item utrum esset aliqua causa per se, praeter materiam, nec ne. atque haec ipsa causa utrum esset separabilis, an non, utrum numero una, an plures, & alia his consimilia. Reliquum igitur erat, ut has, quas diximus, difficultates dissolueret, earum de quibus primo libro dictum est, huius scientiae esse agere. Sed quoniam ostensus erat, genera non esse principia, neque causas, ac ita de reliquis, quae in hac ipsa scientia concludenda essent: docuit autem primo Posteriorum libro, omnem doctrinam & omnem disciplinam fieri ex praexistenti cognitione, quid sit praedicari & subiecti: in quinto libro posuit omnes fere huiusmodi definitiones. multae enim omitti commodè potuerunt. Quia uero omnia haec multa significabant, ne contingeret æquiocatio, ea distinxit, simulque eorum definitiones tradidit: quibus absolutis, antequam ad id quod sibi in primis propositum esset, aggredereur, uoluit tacitis quibusdam dubitationibus occurrere. quarum una est, quot sint philosophiae contemplatrices: altera, cuius entis principaliter uelit in hac scientia quaerere causas, cum enim latius pateret significatio entis, hoc facile in dubium uenire potuit. Quare initio sexti libri illud posuit, principia & causas entium quaeri, quatenus entia sunt: quod etiam initio quarti libri docuerat, ut ostenderet, uelle se in hac scientia entis per se quaerere causas, non entis per accidens. Id autem cum ostendisset, declarauit, philosophiam naturalem esse contemplatiuam, non practicam, neque effectiuam: Contemplatiuam autem eius entis, quod moueri posset, atque ideo sese definire illud per materiam. Itaque philosophiam naturalem esse speculatiuam: cum enim ens illud quod philosophia naturalis pertractat, habeat principium motus in se, apparet, non esse ex eis quae sunt propter aliquod opus, quae enim

ita

ita sunt, non habent huiusmodi principium, sed hoc ipsum principium est in faciente, aut in agente. Quod si non est ex eis quæ sunt propter aliquod opus, constat esse speculatiuum, non enim alicuius usus gratia est, ut dictum est primo libro. Mathematica item est speculatiua, quanquam enim considerat ea quæ cum materia coniuncta sunt, considerat tamen perinde ac materia carerent, siquidem considerat ut sunt à materia abstracta. Id quod satis ostendit Aristoteles de concavo, quod ait non definiri per materiam, sed si est in rerum ratione aliquid immobile, sempiternum, separabile, hoc absque dubio ad philosophiam contemplatiuam pertinere. nullus enim id esse usus gratia: ad philosophiam uero naturalem primò non pertinet, ut ex primo Metaphysic. lib. constat, quod ipsa est de mobilibus quibusdam. Quibus quidem uerbis (ut dicemus) circūscribit Aristoteles proprium ipsius naturalis philosophiæ subiectum, non Mathematicæ, propterea quod inseparabilia fortasse, & ea quæ sunt in materia. Necesse est igitur esse philosophiæ speculatiuæ, quæ est his prior: ipsa enim est de separabilibus, & immobilibus, & sic æternis. necesse est enim causas esse æternas, ac præsertim has quæ sunt causa diuinorum corporum nobis manifestorum. Ex quibus omnibus sequitur, ut tres sint philosophiæ contemplatrices, Mathematica, Physica, Theologia: id quod à nobis dictum est, uelle ostendere Aristoteles, ut ex eo appareat, illam esse à cæteris distinctam: itemque cæteris præstantiorem, quæ speculatiuæ sunt, quod quidem potuit esse dubium. Atque hæc ipsa conclusio ex eo sequi uidetur, quod tria omnino sunt rerum genera, aliquo modo diuersa, ex quibus tres diuiduntur philosophiæ: non enim possunt, ut ostendemus, alio pacto diuidi. Ea ipsa autem rerum genera designat Aristoteles istis, quæ hoc loco tradit. nam quia reperitur ens, quatenus ens, ut decem prædicamenta, quatenus talia sunt, cuius entis causa est Deus, & reliquæ substantiæ separatae, extat Prima philosophia, quæ cæteris est perfectior. Quod ipsum (ut supra etiam dictum est) significat Aristoteles, cum ait, philosophiam primam esse circa immobilia & separabilia, quod paulo post innuit his uerbis:

- ” Si autem est aliqua substantia immobilis ipsa prior, et Prima philosophia, et uniuersalis sit, quia prima, et de ente, quatenus ens, ipsius est considerare quid est, et in existentia uniuersaliter, quatenus ens.

Quod si Prima philosophia est de his immobilibus, erit etiam ex eius sententia de ipsis immobilibus, quatenus sunt causæ entis, quod est Primæ philosophiæ subiectum. Scientiæ enim distinctionem sumunt à subiecto: est enim id quod principaliter consideratur, & ad quod alia omnia referuntur.

#### SECTIO XXI.



Via uero substantia, quæ diuiditur in simplicem et mixtam, & usque ad specialissimam, ut secundo libro ostendemus, reperitur in ratione rerum: extat etiam philosophia naturalis, quæ illius causas inuestigat: quare illam necesse est, subiectum

subiectum esse ipsius naturalis philosophiæ, non enim potest esse cum motu subiectum. ita enim nusquam pertractaretur, ut talis est, qualem esse diximus: quod quidem falsum est. Vel quia, cum causæ quæ in philosophia naturali quærentur, sint ipsius substantiæ causæ, ut est in se ipsa: eo tamen modo, quo dictum est, huiusmodi substantia debet esse subiectum, uel quia motus est eius accidens. sed quia copiose de illo (ut dicemus) pertractatum est in philosophia, ob eam quæ afferet causam, Aristoteles cum describere uellet hoc philosophiæ subiectum, describit per motum, & ait, illam uersari circa corpus mobile, ut significaret substantiam illam corpoream, quatenus diuiditur in simplicem, & in mixtam, quæ complectitur omnia usque ad speciosissima. Ac dicitur quidem philosophus naturalis definire per materiam, propterea quod non considerat principaliter abstracta: Metaphysicus uero considerare abstracta, quod ex suam assequitur præstantiam, & si considerat omnes causas primò. Cum autem materia nullam diuinæ philosophiæ excellentiam asferret, eam attribuit philosophiæ naturali, ut innueret differentiam, quæ est inter ipsam & diuinam philosophiam: ostenderetque naturalem philosophiam diuina tanto inferiorem esse, quanto materia est inferior substantijs abstractis. Eò accedit, quod pluribus egerat de materia in philosophia naturali, quàm in Metaphysica. licet primò spectaret ad Metaphysicam, ut infra ostendemus, cum de natura disseremus. Quare omnia quæ superius citauimus Aristotelis loca, quibus ille ostendit, quid inter diuinam & naturalem philosophiam intersit, hoc sensu accipi debent. Quia uerò quantitas, ut diuiditur in quantitatem continuam & discretam, cum nullum habeat certum subiectum, abstrahi potest à materia, inuenta est tertia scientia Mathematica, scilicet de quantitate: quæ quidem quantitas, ut est abstracta à materia, alia est quodammodo res à quantitate ut est in materia, itaque ad philosophum naturalem pertinet. Cum tria sint igitur huiusmodi rerum diuersa genera, tres item sunt omnino philosophiæ contemplatrices, quæ cum eundem habeant finem, ut contemplantur omnes ueritatem, eamque assequantur, distinguui non possunt, nisi per rerum distinctionem, itaque per differentias materiales. habituum enim forma substantialis est ipse finis, ut ostendit Aristoteles cum multis alijs in locis, tum uerò præcipue primo Metaphysicae lib. ut etiam patet in nostro Commentariolo, ac patebit insequentibus libris. Cæteræ uerò facultates, quæ considerant has easdem res (non enim figmenta sunt) necessario considerant in ordine ad aliquod opus. tractant enim omnes res à tribus illis absolute, & simpliciter: itaque non possunt esse plures philosophiæ contemplatrices, sed aut habitus actiui sunt, aut effectiui: de quibus IIII. huius Apologiæ lib. agemus. Recte ergo dictum est ab Aristot. tres esse philosophias contemplatrices, Mathematicam, Naturalem, Theologiam: itaque speculatiuas ceteris, ipsam uerò Theologiam speculatiuius esse nobiliorum. Aliam aut dubitationem tollit, cum ait, entis per se, non per accidens, quod quidem ens per se diuiditur in decem genera, causas quæri.

entis

entis enim per accidens nullam esse scientiam, entis autem veri causas illum non esse perscrutandi locum. Ex quibus constat, ens, quatenus ens, quod est subiectum in Metaphys. cuius quærentur causæ, esse ens reale. Quam rem confirmauit undecimo Metaphysicorum libro, textu trigésimo, his uerbis:

- » Id autem quod, ut uerū est ens, & non per accidens, in mentis com-  
 » plexione consistit, atq; in hoc est affectus. Quapropter circa id quod  
 » dem quod ita est, principia non quæritur: circa uerò id quod est ex-  
 » tra, & separabile. id autem quod est per accidens, non est necessarii,  
 » sed indefinitum, atq; talis entis causæ ordinatæ sunt atq; infinitæ. Id  
 » autem quod alicuius gratia fit, in ijs est quæ natura sunt, aut à mente  
 » proficiuntur.

Cum sit igitur ens reale, & cōpositum (ut sentit Aristoteles) quod est subiectum in Metaphys. affectus item, qui conueniunt ei, quatenus est ens, sunt affectus reales: non enim fieri potest, ut aliquid conueniat alicui rei, ut est res, nisi id ipsum sit res, ut ostensum est in VIII. Sectione Cōmentarioli nostri. At genus, species, & cætera quæ sunt in Logica, sunt affectus entis, quatenus est ens, ut patet ex IIII. Metaphys. lib. & ex nostro Cōmentariolo: ergo sunt affectus reales, non secundæ intentiones, quomodo isti loquuntur. Quarto tamen libro dicemus de ente, quod ens rationis appellant.

#### SECTIO XXII.



Vm igitur primo libro ostendisset Aristoteles, inuestigandas esse causas in Prima philosophia, propterea quod tum scimus, cum causas cognitās habemus: omnes autē homines natura scire desiderant. atq; has ipsas causas dixisset esse omnino quatuor, ostendit II. lib. nullum causæ genus in infinitum progredi. Tertio libro docet, afferendas esse difficultates quasdam, simul & rationes earum in utraq; partem. Quarum quidē difficultatum aliæ erant de rebus ijs, quæ utrum ad hanc scientiam pertinerent, nec ne, ambigebatur: aliæ de ijs quæ sine ulla controuersia pertinebant, sed quærebatur, ita ne haberent, an secus. His autē difficultatibus propositis, earumq; rationibus in utraq; partem allatis, IIII. lib. dissoluit Aristoteles (uti diximus) dubitationes de rebus, quæ an diuinæ philosophiæ, in dubio positæ erant. V. libro, anteq; ad determināda cætera ingrederet, distinxit, simulq; definiuit ea quæ tractaturus esset: tum quia nomina, quæ multa significāt, sunt distinguenda: tum quia omnis doctrina, & omnis disciplina intellectiua fit ex antecedente cognitione, quid est prædicati, & quid subiecti. Cum enim uellet ostendere, genera nō esse principia, necesse fuit antē scire, quid esset genus, quid principium. Quoniam autem hæc ipsa uariā ceperentur, ne quis ob æquiocationem erraret, necessaria ponenda fuit eorum distinctio, itemq; reliquorum. Quibus positis (hæc enim sunt huius scientiæ principia) sexto libro dubitationes illas sustulit, quæ ex ijs quæ dixerat, oriebantur. Ex quibus quidē constat,

constat, superiores omnes libros, præter V. ad huius doctrinæ per ci-  
piendæ facilitatē magis pertinere, quā ad eius (ut ita dicam) essen-  
tiam & substantiam. Quintus autem liber, qui de principijs agit, ne-  
cesse est ut (quomodo loquūtur) de eius substantia sit: quicquid enim  
per se est in aliqua scientia, aut eius est cōclusio, aut principium. Ve-  
rū cum inter cætera, quæ quinto libro distincta essent, numerare-  
tur ens, quod quidem aut per accidēs diceretur, aut per se, ens autem  
per se decem prædicamenta complecteretur: cumq; pertractationem  
entis per a cadens in alium locum distulisset Aristoteles, cōsequens  
erat, ut de ente per se, quod est subiectum in Metaphys. agere incipe-  
ret. Cum autem huiusmodi ens diceretur de substantia, et de cæteris  
nouem generibus, ostendit initio octauo libri, uelle se de substantia,  
eāq; una primū agere, quasi ita diceret: quoniam substantia est pri-  
mum, & propriū ens, cuiusq; ratione cætera quæ sunt, dicuntur en-  
tia, ut quarto libro dictum est, ubique autem scientia est propriū pri-  
mi, ut ex quo cætera pendent, & propter quod dicuntur. Cum talis  
igitur sit substantia, primū oportet, philosophum principia ipsius  
substantiæ, causasq; tenere. quia uerō substantia multis acciperetur  
modis, ac præ cæteris, ut quod quid esset, designaret: eodem VII.  
libro egit Aristoteles de ipso, quod quid erat esse. Itaq; patet, secun-  
dum librum cum cæteris Primæ philosophiæ lib. maximē connexū  
esse, atque contextum: contra quā negarunt ij, qui existimarunt li-  
brum illum ad philosophiam naturalem spectare. Constat etiam ex  
eis quæ dicta sunt, Aristotelem, cum quinto libro (ut dicemus) distin-  
xerit atq; definierit naturam, abundē id præstitisse, quod pollicitus  
erat. Superiores enim libri ad faciliorem illius doctrinæ cognitionē  
pertinent, non ad eius substantiam. ac licet alia distinguat, atq; defi-  
niam, in primis tamen naturam ipsam tractat. Hæc enim ipsi ex omni-  
bus una maximē proposita erat, cum ex eius definitione substantiæ  
abstractæ inuestigetur, quatenus sunt causæ entis, ut est ens, ex qui-  
bus præcipuē Prima philosophia suam consequitur dignitatem. Ita-  
que patet ex definitione naturæ, quibus de rebus sit Physica, id est fa-  
cultas ea quæ est de natura: quæ quidem est diuina philosophia. hæc  
enim etiam est de natura, siquidem est de materia & forma, & de sub-  
stantijs abstractis. Constat etiam, quod isti dicunt, uidelicet Aristo-  
telem II. Phys. lib. persequi ea quæ in illius libri calce proposuerat,  
esse à ueritate aliena: ac rursus uerum esse quod à nobis dictum est, ui-  
delicet illud Aristotelis in extremo II. lib. maximē declarare, naturā  
ad Primam quoq; philosophiam spectare, id quod nobis propositū  
fuit, ut ostenderemus. Cætera, quæ contra illi afferunt, ex eis quæ  
dicta sunt, facile dissolui posse, intelligent ij qui harum rerum periti  
sunt. Quoniam autem reliquorum librorum Metaphys. haud du-  
bium est contextus, id omitendum esse duximus, præsertim cum ex  
continuatione ea quam ostendimus, perspicua sit connexio II. libri  
cum cæteris: id quod magis in dubio positum erat.



Ed ut nostra iam, unde digressa est, reuertatur disputa-  
tio, argumentamur iterum ad hunc modum. Principiū,  
quod est quasi naturæ genus, & per se, quod est eius dis-  
tinctio, ex horum interpretū (ut demonstrauimus) sen-  
tentia, ad Primum philosophum spectat. distinguuntur enim v. Pri-  
mæ philosophiæ lib. ergo & natura. Consequens ita probatur. Ad  
quam facultatem spectat partes definitionis, ad eandem spectat & ip-  
sum definitū: quod nulli dubium esse potest. Item, materia & forma  
spectant ad primum philosophum, ergo & natura: ipsa enim de ma-  
teria & forma dicitur. Antecedens manifestum est ex multis Aristo-  
telis locis, quos supra citauimus. Item substantiæ abstractæ ex istorū  
sententia spectant ad Primum philosophum, quod ad quid est atti-  
net: ergo & natura. sunt enim illæ natura, quippe quæ sunt principi-  
um motus. Quod confirmat Aristoteles v. Primæ philosophiæ lib.  
tex. IX. cum ibi distinguat naturā, & quid ea sit, ostendat his uerbis:

» Natura dicitur uno modo, eorum quæ nascuntur, ac pullulant, ge-  
» neratio: alio uero modo, id ex quo nascitur primò id quod nascitur, ita  
» ut insint. Præterea id unde primus motus in unoquoque est, eorum quæ  
» natura constant, ut ipsum est. Nasci autem ea dicuntur, quæ per aliud  
» incrementum suscipiunt, ex eo quæ tangunt, adiuncta quæ sunt, aut copu-  
» lata, ut factus. Interest autem inter copulationem & tactū. in quibus-  
» dam enim præter tactū, nil aliud esse necesse est: in his autem quæ co-  
» pulata sunt, est aliquid unū. Præterea natura dicitur id, ex quo pri-  
» mò est, aut fit aliquid, eorum quæ natura constant. Quod quidem est in-  
» forme, ex sua quæ potentia immutabile: ut statuæ quidem, æneorum quæ ua-  
» sorū æs natura dicitur, ligneorum autem lignum, & in cæteris simili-  
» modo. Ex his enim unūquodque constat prima materia remanente, salua.  
» etenim hoc elementa modo naturā eorum esse, quæ natura constant, ut  
» teres dicunt: quidam ignē, quidam terram, quidā aërem, quidam aquā,  
» quidam aliud tale, quidam horū aliqua, quidam hæc uniuersa dicentes.  
» Alio præterea modo natura dicitur eorum substantia, quæ natura cō-  
» stant: ut ij censent, qui dicunt naturam primā esse compositionem, aut  
» (ut Empedocles ait) quæ quidem naturam nullius eorum esse quæ sunt,  
» sed mixtionem duntaxat, mutationem uel mixtorum esse, ab omnibus  
» uerò naturam uocari dicunt. Quamobrem & ea quæ natura sunt, aut  
» fiunt, & si id iam est, ex quo ipsa sunt apta fieri, aut esse, nondum ta-  
» men naturā habere dicimus, si spectem non habeant, atque formam. Na-  
» tura igitur constat id quod ex utrisque componitur, ut animalia, partes quæ  
» ipsorum. Natura autē est materia prima, quæ duplex est. est enim aut  
» ea quæ ad ipsum est prima, aut ea quæ omniū est prima. ueluti uasorum  
» materies æneorum, ad ipsa quidē prima est æs, simpliciter autē forsitan  
» aqua, si omnia ea sint aqua, quæ liquefcere possunt, & insuper forma  
atque

atq; substantia, quæ est generationis ipsius finis. Per translationem et autem iam et omnis substantia natura, propter hanc dicitur, quia et ipsa natura substantia quædam est. Ex his igitur quæ naturæ sunt et dictæ substantiæ eorum quæ principium in se ipsis habent, ut ipsa sint, et prima est perfectio naturæ, proprièq; natura dicitur; materia nanque et ex eo natura dicitur, quia est huius susceptrix. Generatio etiam pul- et lulatione natura propterea dicitur, quod ab ista est motio: principii et quoq; motus eorum quæ natura constant, ipsa eadem est, quæ quidem et inest aliquo modo, aut potentia, aut actu. et

Cum ergo appareat, naturam in v. Primæ philosophiæ lib. distin-  
gui, atq; definiri, esse principium motus, negare isti non possunt, quin  
ad primum philosophum pertineat: aliter enim secum ipsi dissideret  
Interpretes, qui putant, omnia quæ in eo libro distinguuntur (ut in  
Commentariolo dictum est) ad primam spectare philosophiam. Præ-  
terea cum eadem tradantur hoc loco summatim de natura, quæ  
11. Phys. libro, ut patet: quid causæ est, cur magis sit ipsa natura phi-  
losophia naturalis, quam diuina: Præsertim cum diuina philoso-  
phia natura prior sit naturali. Ex his igitur quæ diximus, constat, mo-  
tum etiam pertinere ad Primum philosophum: itaque recte nos re-  
spondisse, cum negauimus, motum tantummodo pertinere ad phi-  
losophum naturalem: itemq; ostendimus, falsum illud esse, substan-  
tias abstractas idcirco non posse à Prima philosophia ostendi esse,  
quod per motum duntaxat ostendantur, qui motus ad naturalem so-  
lum pertineat. possunt enim ostendi etiam à Primo philosopho per  
motum, cum ad ipsum quoq; pertineat motus: siquidem est actus en-  
tis in potentia, secundum quod in potentia.

SECTIO XXIII.



**A**Thic statim dicit aliquis, omnino hæc dissidere cū Ari-  
stotelis sententiâ, qui ubiq; philosophiam naturalem ap-  
pellat scientiam de natura: quare necessariò naturam ip-  
sam ad naturalem philosophiam, non ad aliam aliquam  
scientiam pertinere. Item inquiet, ibi definit Aristoteles naturam, ibi  
hanc definitionem declarat. uult igitur, eam non esse alterius scien-  
tiæ. Amplius hoc maximè testatum reliquit 111. Phys. lib. his uerbis:

Quoniam autem natura est principium motus et mutationis, sci- et  
entia autem nobis de natura est, oportet non ignorare, quid sit motus, et  
necessarium enim est, ignorato ipso, ignorari naturam. et

Constat ergo, naturam & motum spectare tantummodo ad philoso-  
phum naturalem. Huc accedit, quod Prima philosophia inscribitur Me-  
taphys. quæ quidè inscriptio nihil aliud significat, nisi quæ post natu-  
ralia tractatur, quæ est ipsa naturalis philosophia. Sentit igitur, hanc  
ipsam philosophiâ esse de natura: non est ergo Prima philosophia.

Quoniam autem & rationes allatæ, & qui recitati sunt, Aristote-  
lis loci, contrarium ostendunt, dicendum uidetur, naturam spectare

& ad philosophum naturalem, et ad diuinū. sed ad diuinum, quatenus est principium entis, ut ens est: ad naturalē, quatenus est principium entis naturalis, ubiq; tamen esse principium motus & quietis.

Ad argumentū igitur respondemus, ubiq; scē appellare Aristotelem philosophiam naturalē de natura. cum autem inferitur, ergo natura spectat ad ipsam, concedimus: ergo non ad aliam facultatem, cōcedimus eadem ratione, sed quòd non possit ad aliam facultatem alia ratione spectare, id uerò negamus, atq; hoc nobis satis est.

Quod ad secundum attinet, concedimus omnia eo modo, quo distinximus. Tertium item concedimus: sed quòd non possit ad alium artificem alia ratione spectare, id uerò negamus. Ad quartum, concedimus etiam antecedens, negamus consequens.

Verū ita fortasse quæret aliquis, Si diuina philosophia est de natura, præsertim cum primò sit de natura, cur Aristoteles non uocat eam de natura: cur item non definiuit naturam, & declarauit ipsam in Prima philosophia, quemadmodum in naturali?

Aristoteles philosophiam naturalem ab ipsa natura quam pertractat, inscripsit, non item diuinā philosophiam, etsi ipsa etiam de natura est, a primò: propterea quia definiuit naturam in philosophia naturali, eamq; declarauit. Hoc autē ideo fecit, ne bis idem repeteret. erat enim agendum de natura, quatenus est principium entis, ut ens est in Prima philosophia: in naturali autem, quatenus est principium entis naturalis. itaq; de motu. quodq; in una facultate dicēdum erat, hoc idem in altera repetendum fuit, mutata tantummodo ratione, ut in altera quidem ad ens, quatenus est ens, in altera uerò ad ens naturale, quatenus naturale est, referretur. Ne idem ergo bis repeteret Aristoteles, hæc in philosophia naturali declarauit: ium etiam ne interrumperet lib. Primæ philosophiæ, in quibus de multis alijs rebus erat disputaturus. Neq; uerò id Aristoteles contra suam consuetudinem fecit, qui ultimos Physicæ auscultationis libros de motu uocauit, tertium et quintum de natura, cum tamen octauus quoq; liber sit de natura, tertius & quintus de motu. Inscripsit item lib. illum Physicorum, cum tamen cæteri eius scientiæ libri sint etiam Physici. Inscriptio enim (ut in sequentibus libris declarabimus) à uarijs accidentibus sumitur. Nihil igitur obstare uidetur, quò minus natura spectet etiam ad primum philosophum. Atqui rectē dissolutum est argumentum illud, quod uidebatur ostendere, esse substantiarum separatarum, idcirco non posse ad primum philosophum spectare, quòd motus ad philosophum naturalem pertineret.

Quibus ita constitutis, ad id iam reuertendum est, unde nostra lōgius, ob eas quas attulimus causas, digressa est oratio. Luce igitur clariùs uidetur constare, rectē nos ad eum locum respondisse, quem ex v. l. Primæ philosophiæ lib. citauit Genua, Aristotē scilicet, noluisse uerbis illis negare, primum philosophum pertractare etiam materiam & formam, et composita ex ipsa materia & forma: itaq; definire per materiam eo modo, quo supra dictū est. Quòd si dixerit, philo-  
sophum



sophum naturalem nō considerare immaterialia, sed materialia, atq; ita definire per materiā, id esse causę, quōd naturalis primò abstracta non cōsiderat, etsi reuera tamen considerat, ut dictū est: dixisse autē Aristotelem, eum definire per materiam et motū, ut (quemadmodū superius dictū est) designaret subiectū philosophiæ naturalis: ita demū nihil facere contra nos, recteq; à nobis dictū esse: idcirco Aristotelem tradidisse, primam philosophiam uersari circa separabilia, & immobilia, quōd ipsa est, quæ primò Deum, & intelligentias, quæ sunt causę entis, quatenus est ens, contēplatur, ut suprā ostēsum est, quæ quidē sunt abstracta, et immobilia. Itaq; uerbis illis uoluisse Aristotelem designare subiectum diuinæ philosophiæ, quod est ens, quatenus ens, quo quidem diuina philosophia distingui debet à cæteris scientijs: idq; fecisse per ea quæ subiecto illi præstantiam & nobilitatem afferrent, ut superius, cum sexti Primæ philosophiæ libri finem expli caremus, declaratum est.

SECTIO XXV.



Illud autem non leuem sanè difficultatem uidetur habere, quod ita subiunxit:

*Quod si sunt de abstractis ab omni materia, et immobili  
bus, sequitur ut sint de abstractis aut per essentiā, aut p̄ indifferentiā.*

Nam quæ sunt abstracta ab omni materia, & immobilia, necesse est, abstracta sint per essentiā, ut per se ipsum patet, utq; ostendit Aristoteles vi. Primæ philosophiæ lib. textu quarto, his uerbis:

*Quod si quidpiam sit in ratione rerum immobile sempiternum, ac  
separabile, patere, ad contemplatricem quidem scientiam illius cogni-  
tionem spectare, non tamen ad naturalem, neq; ad Mathematicam,  
sed aliam his utrisq; diuersam. Naturalis enim inseparabilia quidem  
pertractat, sed non immobilia: Mathematicarum uerò nonnulla im-  
mobilia, at non fortasse separabilia, sed ut in materia sunt: prima ue-  
ro philosophia, & separabilia, & immobilia.*

Hæc igitur nō possunt esse abstracta, nisi per essentiā, ut quę spectāt ad primū philosophum. abstracta igitur ab omni materia, & immobilia, nō possumus aliter accipere, nisi ut significant abstracta per essentiā. Quocirca non rectè sic uidetur inferre, talia esse abstracta, aut per essentiā, aut per indifferentiā, si tantūmodo abstracta sint per essentiā: quod etiam ostendit ea quam citat ipse, auctoritas. Ac ne quid relinquatur ambigui, cōcedimus etiam (quod tamē nusquam uidetur dicere Aristoteles) esse abstracta per indifferentiā: negamus autē, ad ea cognoscenda necessariam esse cognitionem corū quæ natura sunt, id enim potiorē uim haberet, si poneretur abstracta per essentiā. Nam ea quæ intrinsecus insunt ipsi substantiæ, ut eius descriptio, quæq; de ea possunt absq; motu cognosci, nō indigent eis quæ natura constant, patet ex ipsomet libro. Neq; illa notitia in eo genere est omnino cōsula: si quidem fieri nō potest, ut dilucidius in eo genere tradatur; de qua tamē cognitione III. lib. pluribus disseremus, est

enim cognitio quæ sita ex posterioribus. ut si ostendas, Lunā esse eclipsi obcuratā, quod cum si in plenilunio, neq̃ ulla re impediatur, nullā tamen efficit umbram. Ex hoc enim satis intelligi poterit, eclipsim uerē inesse ipsi lunæ, licet ignoremus causam. Item etiā cognitio illa proprietatū earum, quæ ostendūtur in lib. Prædicamentorū, inesse ipsis generibus, satis cōparari potest ex ijs quæ posteriora sunt, ut ex inductione, uerbi gratia, substantiæ propriū esse suscipere contraria: quod uidemus hunc & illū hominem, cū unus & idem numero sit, fieri modo albū, modo nigrū. Quo cognito, facile erit cognoscere in philosophia, lignū esse substantiam, quod sit ipsorū contrariorū susceptibile abiq̃ cognitione causæ, quam obrem substantia suscipiat cōtraria, nam hæc causa discitur postmodū ex ipsa Prima philosophia. sed ea quam diximus cognitio, satis idonea est ad id præstandum. Quare in extrema nostri libelli parte ostendimus, doctri-  
nam prædicamentorū esse seorsum traditam. Ita non perinde erit, ac si ignotum per ignotius declaret Aristoteles.

## ANTONII BERNARDI MIRAN- DVLANI APOLOGIÆ

### Liber Secundus.

#### SECTIO PRIMA.

GENVA.



Ecundò inter omnes conuenit, diuinam scientiam esse nobis cognoscendā ordine postremam, cū sensus nostros in illa considerata maximè effugiant. Quare sequi uidetur, si de ijs, ut entia sunt, in libro Prædicamentorum agitur, librum hunc post omnes naturales addiscendum. Quod si dicatur, ut ordinatur in opus, præcedit: quærendum tunc erit, utrum per sic ordinari entia illa in prædicamentis contrahantur, nec ne? Quod si affirmabitur, tūc Metaphysicæ considerationis nō erit, per retro dicta de diffinitione Metaphys. Sed distinguetur à Metaphysica liber iste, quemadmodum & scientiæ aliæ: quæ ens contrahunt, uel ad quantum, uel ad mobile: si uerò negabitur, sequitur propositum.

ANTO.  
MIRAN.

Ad id uerò quod secundo loco opponit uir iste præstantissimus, dicimus, quod suprà etiā diximus, ipsa decem genera, non ut entia sunt, in lib. Prædicamentorū cōsiderari, sed substantiā pertractari ut substantia est, et quantitatē ut quantitas est, eodemq̃ modo reliquæ. Neq̃ tamen ex eo sequi id, quod uidetur ipse asserere. Ita enim sentimus, Primā philosophiam secundum naturā, & nostrum cognoscē di modū, præcedere oportere omnes facultates particulares: certa autem aliqua ratione factū esse, ut insequatur, quicquid sentiāt Interpretes. Nos enim sequimur & Aristotelem & ueritatem. Hoc autem ita esse, quo facilius intelligatur, nō erit fortasse alienū paulo altius repetere ab his quæ passim cōceduntur. Ens ergo diuiditur in substan-  
tiam,

tiam, quantitatem, qualitatem, ad aliquid, ubi, quando, situm esse, habere, facere, pati. Substantia uero diuiditur in simplicem & mixtam, ut nemi-  
ni obscurum esse arbitror: substantia enim de qua predicatur ens, neces-  
sario est composita: ut ex eis quae superius dicta sunt, facile intelligi po-  
tuit: quae quidem substantia composita, necessario constat aut ex materia  
& forma tantum, aut ex mixtione quatuor elementorum. Non enim  
plures sunt naturae substantiae compositae: siquidem omnia quae natu-  
ra sunt composita, uel corpora sunt, & magnitudines, uel habentia cor-  
pus, & magnitudinem. Atque illa substantia, quae constat ex materia &  
forma tantum, dicitur simplex, & diuiditur in corruptibilem, ut quatuor  
elementa: & in incorruptibilem, ut corpora coelestia, ut ex lib. de Caelo  
patet. Substantia uero mixta diuiditur in imperfectam, ut grando, nix,  
pruina: & perfectam. atque haec ipsa perfecta diuiditur in inanimatam, ut me-  
talla, lapides: et animatam. Animata autem diuiditur in animatam anima  
vegetatiua, ut plantae: et in animatam anima sensitiua, ut animalia. Atque  
haec deinceps diuiditur in animatam anima rationali, ut homo: & ani-  
matam anima irrationali, ut bruta, sicuti intelligere est ex omnibus Ari-  
stotelis de Philosophia libris. Cum ergo istae sint omnes res, quae sunt  
cum suis affectibus in uniuerso, distinguendo etiam reliqua genera, pro-  
ur exigunt: necesse est, omnes scientias esse de his omnibus rebus. Sunt e-  
nim excogitatae ipsae scientiae, ut quae sunt in rerum natura dubia, scia-  
mus, ut patet ex I. Primae philosophiae libro. Quare necessario, quae  
ordinem sortitae sunt ipsae res, eundem obtinent scientiae. Rerum autem cum  
aliae sint & naturae & nobis priores, aliae uero & nobis & naturae po-  
steriores: scientiae quae sunt de rebus & nobis & naturae prioribus,  
sunt & nobis & naturae priores: sed ens & substantia sunt nobis & na-  
turae priora (naturae enim prius est id, a quo non conuertitur subsisten-  
di consequentia) nobis autem uniuersaliora sunt notiora, siquidem ad co-  
gnitionem inferioris requiritur cognitio superioris, at non contra: idque  
facilius est, & notius, quod paucioribus indiget, ut patet ex I. Post. lib.  
ubi hac ipsa ratione ostendit Aristoteles, demonstrationem affirmatiuam  
esse digniorem negatiua: prius est ergo, & notius, & credibilius id, quod  
est superius. At prima philosophia est de ente, & de substantia: est igitur  
de prioribus & notioribus nobis & naturae. itaque princeps occurrit et  
naturae, et nobis. Cura autem postremum locum obtineat, reddita est a no-  
bis causa & in Commentario, & superiore libro. Quod autem uera sint  
ea quae diximus de uniuersalibus, cum ex alijs compluribus locis Arist. col-  
ligi posse arbitramur, tum uero praecipue ex I. Phys. lib. ubi ita ait:

*Vnde ex uniuersalibus in singularia oportet procedere.*

Et infra sic:

*Igitur dicamus primum de omni generatione: aggredietes etenim se-  
cundum naturam communiam prius dicere, et sic circa unumquodque speculari.*

Itemque ex I. de Generatione & corruptione lib. ubi ait:

*Dicendum de omni generatione similiter, quot, & quae horum  
principia, facilius enim sic singularia inspicimus, quando de uniuersalibus accipimus prius.*

Item I. Prior. lib. cum dixisset, oportere primum dicere quid pertractaturus esset, & cuius rei gratia, nempe demonstrationis & demonstratiue disciplinæ causa: deinde definire, quid esset propositio, quid terminus, quid syllogismus, ne quis hoc miraretur, quod primum uellet agere de syllogismo, subiunxit:

- » *His uero determinatis, dicendum est, per quæ, & quando, & quo modo fiat omnis syllogismus: postea uero dicemus de demonstratione.*  
 » *prius enim dicendum de syllogismo, quàm de demonstratione, quòd u-*  
 » *niuersalius est syllogismus. nam omnis quidem demonstratio est syllo-*  
 » *gismus, non omnis autem syllogismus est demonstratio.*

Secundo etiam Top. libro:

- » *Oportet autem, inquit, considerare, et incipere à prioribus, deinde de per ordinem usque ad indiuidua.*

Et primo de Partibus animalium libro,

- » *Sed cū ultimæ species substantiæ sint, quæ quidē species nullo speciei discrimine differant, ut Socrates, Chorisceus: efficitur perfectio,*  
 » *ut uel uniuersalia explicari prius, uel idem sæpius dicere necesse sit.*

Neque huic sententiæ aduersatur illud I. Poster. lib. cap. 11.

- » *Priora autem, & notiora dupliciter sunt. non enim idem est prius natura, & ad nos: neque notius natura, & nobis notius. Dico autē ad nos priora, & notiora, propinquiora sensui: simpliciter autē priora, et notiora, quæ longius sunt. sunt autē longissima quidem uniuersalia,*  
 » *maximè propinquissima autem singularia, & opponuntur hæc inuicē.*

His enim uerbis aperte significat, se uoce singularia intelligere conceptus uniuersales, sumptos ab accidentibus cōpositorum. cōposita enim cognoscuntur, cognitis eorū accidentibus. Voce autem uniuersalia, cōceptus uniuersales sumptos à causis, quibus constant ipsa cōposita, quod multis rationibus comprobari arbitramur. Dicit enim se priora nobis, & notiora, uocare ea quæ propinquiora sunt sensui. At quæ nam hæc nēpe accidentia cōpositorum. Quòd si paulo post infert, singularia esset sensui propinquissima, uniuersalia autē ab ipso sensu remotissima, rationi consentaneū esse uidetur, ut uoce Singularia, intelligamus eos cōceptus, quos diximus: uoce autē Vniuersalia, causas. nihil enim hic necesse fuit loqui de singulari, hoc est de indiuiduo numero: siquidē agitur de demonstrationibus, quæ à causis uniuersalibus ad uniuersales effectus progrediuntur. Atque hæc idcirco subiunxit Aristoteles, ut tacitè quandam dubitationē tolleret, aliter enim nihil ad rem facerēt. Ea autē hæc uidetur esse, cū dixisset, demonstrationē cōstitui ex causis, quæ notiores sint, & quod ad naturā attinet, & quod ad nos: ex illis enim ipsi discimus: potuit aliquis dubitare, nū semper id uerū esset. quocirca ut ostēderet nō ita semper esse, intulit:

- » *Priora autem, & notiora dupliciter sunt: non enim idem est prius natura, & ad nos.*

Ex quib. faciliè intelligit, non semper demonstrationē constare ex his

his quæ nota sunt & nobis, & naturæ. Hoc itē sensu (ut ego quidē arbitror) exponendus est Aristot. 1. Primæ philoso. lib. tex. 11. ubi ait:

*Fere autem & ea sunt hominibus difficillima cognitu, quæ maxime uniuerſalia sunt. longissimē namq; a sensibus distant.*

Quæ enim maxime uniuerſalia uocat, de his causis intelligit. paulo enim antē tex. VII. ita dixerat,

*Sed cuius gratia sermonem nunc facimus, id est. omnes enim eam scientiam, quæ sapientia nuncupatur, circa primas causas, & principia esse putant.*

Et textu VIII.

*Deinde sapientem eum esse putemus, qui difficilia homini, non facilia, cognoscere potest.*

Dixit autē huiusmodi easas esse difficillimas, propterea quod sensus noster ad illas nō aspirat. Quod autē uoce illa, Uniuerſalia, easas intelligat, ex eo facile colligi potest, quod apud Aristotē multis modis dici uniuerſale. Nam interdū uocat uniuerſale, id quod de pluribus dicit: interdū id quod est secundū quod ipsum, ut 1. Poster. lib. *Uniuerſale est, quod est per se, & secundū quod ipsum.*

Nonnunquam quod est perfectius, ut patet ex VI. Primæ philosophiæ libro, textu V.

*Sin uero, inquit, substantia sit in ratione rerum, quædam immobilis, hæc erit perfectior prior philosophia, quam prima & uniuerſalis, hoc pacto, quia est prima.*

Potest ergo uniuerſale accipi etiam pro causa, non pro eo semper quod de pluribus dicitur. Quod etiam Alexander in VI. Primæ philosophiæ lib. loco citato, & in XI. & XVI. testatū reliquit. Non ergo faciunt hi loci contra nos, qui diximus, magis uniuerſalia esse notiora, quam minus uniuerſalia. Neque enim cū dixit Aristoteles 1. Primæ philosophiæ lib. maxime uniuerſalia esse hominibus. cognitu difficillima, aliud significare uoluit, ac 1. Poster. lib. ubi etiā usus est ad uerbis illo Maxime. Possumus igitur uocib. Maxime uniuerſale, intelligere causas omnes, quæcūq; longissimē absunt a sensu, præcōpositis, quæ ad ipsum sensum quā proximē accedūt. Non ergo sententiæ nostræ aduersantur loca illa quæ citauimus. Neque illud 11. Poster. lib. ex definitionibus specierū inuestigari definitiones generis: quæ enim (ut nō nulli ex Interpretibus Græcis exponūt) conueniunt generib. & speciebus, hæc eadē conueniūt generib. propter ipsas species. Quare ea sic accipi debent, ut ab Arist. dicta sint, nō ex eius sententiā, sed ex cōmuni hominū opinione. Quod si aliter exponatur, nō uideo quæadmodū inter se cohererēt hæc, & ea quæ VI. Top. lib. cap. IIII. ita scribit:

*Siquidē oportet per genus & differētiās definire eum, qui definit bene. hæc autē simpliciter sunt priora et euidentiora, q̄ species. interimit enim genus & differētia speciei: quare priora hæc sunt q̄ species, & euidentiora. Nam species quidē nota, necesse est genus et differētiās cognosci.*

- » *cognosci. nam qui hominem scit, & animal gressibile scit. Genere au-*  
 » *tem, uel differentia notis, non necesse est speciem cognosci: quare*  
 » *ignotior species.*

Nam si nota specie, necesse est genus & differentias esse notas, nō autem contrā, qui fieri potest, ut ex definitione specierum colligatur definitio generis: ignota enim definitione generis, ignoratur etiā ipsum genus. Quōd si genus ignoretur, ignoratur item definitio speciei. ignorata autem definitione speciei, ignoratur ipsa species. Fatendum igitur, alterum horum locorum à ueritate recedere. Sed cum ostendat ratio, quod VI. Top. lib. dictum est, hoc esse uerissimum: cōsequens est ut falsum sit, quod secundo Poster. lib. traditur. secum enim hæc uicissim pugnant. Quōd si utrūq; dixit Aristoteles, alterum ex comuni hominum opinione tradidit, nō quōd ipse ita sentiret, itaq; nihil planē sententiam nostram infirmat. Hoc item confirmari potest ex eis quæ scripsit Aristoteles primo Poster. lib. cap. quinto, his uerbis:

- » *Si aliqua cōuenerent generibus & speciebus, & aliquis demonstr-*  
 » *ret illa seorsum de speciebus. erraret, quia illa prius cōueniunt generi.*  
 Et cap. XVII.

- » *Si igitur triangulus in plus est, & ratio eadem, & non secundum*  
 » *æquiuocationem triangulus est, & inest omni triangulo, quod est duo*  
 » *bus rectis: non utiq; triangulus secundum quōd æquibianum, sed se-*  
 » *cundum quōd est triangulus, habet huiusmodi angulos.*

Vult igitur ea, quæ generibus conueniunt, hæc eadem conuenire speciebus propter genera, non generibus propter species. Itaq; fieri nullo modo potest, ut ex definitionibus specierū inuestigentur definitiones generū. Quod tamen accipiendū est, ut Aristoteles nō quid ipse sentiat, exponat, sed ex uulgata tūc hominū opinione loquatur: quod quidē multis in locis facit. Neq; enim probandū ullo modo uideatur, tantum Philosophum tanta in re, tamq; aperte sibi ipsi nō constare. In hanc item sententiā locutus est eod. II. Poster. lib. tex. LXX.

- » *Facilius quidem est, inquit, singulare definire, quam uniuersale: un-*  
 » *de oportet ex singularibus in uniuersalia ascendere. namq; æquiuoca-*  
 » *tiones latent magis in uniuersalibus, quàm in differentibus.*

Nam si in definitionibus singulariū, quæ minus uidelicet uniuersalia sunt, ponuntur magis uniuersalia: hæc autem si ignorentur, necesse est ignorari minus uniuersalia: sicut ignorato motu, necesse est ignorare naturā: non uideo quomodo fieri possit, ut sit facilius definire minus uniuersalia, quàm magis uniuersalia, præsertim cum magis uniuersalia sint totū, comparata cū his quæ sunt minus uniuersalia, totū uero sit notius. Non ergō absurdū est, Aristotelis uerba ita loco citato exponere, ut quemadmodū tunc uulgō sentirent homines, locutus sit, ac ratio illa quam affert, sit probabilis, nō demonstrata. ita enim potius dicendū uidetur, quàm ut tot locorū Aristotelis sensus

sensus distrahatur, idēq̄ tam multis rationibus cōtrā facientibus: præsertim cum alijs item cōpluribus locis eodem modo exponendū sit. Concludet autē fortasse aliquis, inspiciens definitiones specierū, quę per genus remotum definite sint, quod in ipsis speciebus commune sit, hoc esse definitionem generis. sed fieri nullo modo potest, ut definiatur ulla species, nisi cognita prius definitione generis. Neq̄ huic rei quicq̄ aduerfatur id quod scribit Aristoteles i. Phys. lib. tex. v.

*Sustinent autem idem quodammodo hoc, & nomina ad rationem. totum enim quoddam, et indistinctē significat, ut puta circulus, definitio autem ipsius diuidit in singularia.*

Ibi enim loquitur ex similitudine quadam, nō quod ita reuera sit, ut ex eis quę suprà dicta sunt, facili cōstat. cum enim dixisset, magis uniuersale esse notius, propterea quod totum est: intulit, tantam esse uim totius, ut definita etiam, quę totius locū obtinent, uideātur esse notiora q̄ partes definitionis. Quoniam autem hoc omnino uerum non esset, definitum enim non est eo modo totum, si conferatur cum partibus definitionis, ut magis uniuersale si comparetur cū eo quod minus uniuersale sit: adiūxit Aristoteles uerbū illud, quodāmodo.

Neq̄ uerō qd scribit xvi. sect. Prob. ubi comparātur uniuersalia cum singularibus, ex quib. sumūtur ipsa uniuersalia, ait, nobis notum esse minus uniuersale q̄ partes, uerū est. nisi enim notiora essent singularia, ex his non sumerentur uniuersalia. sed nos loquimur de eo quod magis uniuersale est, & minus uniuersale. Quod si magis uniuersalia notiora sunt (nec enim obstant ea quę uarijs locis uilus est dicere Aristoteles, nam bono sensu interpretanda sunt.) ut quādo dicit uniuersalius carere aliquando nomine proprio, quia licet illud nō sit nobis notū ratione illius nominis, necesse tamē est, ut sit tūc notū circumlocutione, cū minus uniuersale ponitur notū: alioquin ob eas quas diximus rationes, fieri nō posset, ut minus uniuersale esset notū. Diuina autē philosophia est de his quę magis uniuersalia sunt, ut patet: quippe quę est de ente, quatenus ens est: sequitur, ut de his sit quę nobis notiora sunt, & naturę. Quod si postremum locum obtinet, hoc (ut ita dicā) per accidens factū est, uti nos & in Cōmentario, et suprà ostēdimus. Nec obstat illud Aristotelis, idē non posse & nobis, & naturę notū esse, siquidem uerū non est uniuersaliter. cogere enim fateri, demonstrationē ex causis nō esse ex notioribus nobis, quod omniū (mea quidem sententia) est absurdissimū, quicquid eo loco dicat Themistius, cum enim discātur à nobis cōclusiones ex præmissis, notiores sunt ipsę præmissę, in quib. quidē præmissis insunt causę. Nec repugnat, quod in proœmio i. Phys. lib. dixit Aristoteles, ex uniuersalib. ad singularia progrediendū esse: cū loquat̄ de causis, quę in philosophia naturali nobis ignotę sunt. Nā & si præ natura nobis ignotę sunt causę omnes, tamē ex omnibus causis quas ignoramus, notiores sunt uniuersaliores, quod in uia doctrinę eorū effectus nobis sunt notiores, ex quib. effectibus de mōstrantur causę. Neq̄ uerō illud absurdū esse, si quid dicatur notius, quod tamē ignotū sit, ostēdit Arist. lib. iii. de Cœlo, his uerbis:

Graue

- 22 *Graue enim omne grauius, et leue leuius contingit aliquid esse:*  
 23 *grauius autem, aut leuius forte non necesse, graue, aut leue esse: quem-*  
 24 *admodum magnum maius, maius autem non semper magnum. Multa e-*  
 25 *nim sunt quæ parua entia simpliciter, tamen maiora alijs sunt.*

Ex natura igitur, & nostra cognoscendiratione, debet præcedere Diuina philosophia in ordine doctrinæ. inuestigantibus enim nobis causas ignotas, uniuersaliores prius occurrunt, ob eas quas attulimus rationes. Itaque argumentum Genuæ probaret id quod ipsi uolumus. si decem illa genera considerantur, ut entia, oportere præcedere omnes lib. Philosophiæ naturalis, quòd ens ut ens præcedit. Quod uerò posset dicere, argumentum illud ostendere, decem ipsa genera insequi oportere, quia tribuit Aristoteles ultimum locum Diuine philosophiæ: id ego negaui in decima nostri libelli sectione, ubi causam reddidi, quare Diuina philosophia collocata sit post naturalem. quare item prædicamentorum liber ex ipsa Diuina philosophia sit extractus, ad quem locum nos reijcimus. nondum enim confutata est causa illa, quam ipsi attulimus. Quam uerò causam assertit uir iste cedeberimus, quamobrem ipsa Diuina philosophia posteriorem locum sortita sit, hæc minus probanda uidetur, tum ob eas rationes quibus ostendimus, Primam philosophiam secundum naturam & nostrum cognoscendi modum in ordine doctrinæ debere præcedere: tum quia ubicunque tractentur ea, sensus nostros effugiunt. Negaui etiam, decem ipsa genera considerari, ut ad opus rediguntur: neque tamen ex hoc quicquam absurdi contra nos sequi, perspicue (ut ego quidem arbitror) ex eis quæ dicta sunt, patet. Quod si etiam ordinarentur ad opus, tamen non sequitur, ut distinguantur à Diuina philosophia, quemadmodum cæteræ scientiæ, quæ ens contrahunt, uel ad quantum, uel ad mobile, sicuti ostendimus in IIII. lib. ubi declarabimus, referre aliquid ad opus, non esse illud contrahere ad materiam, sed ad formam, ita ut distinctio ad opus sit longè maior (est enim secundum formam) quàm illa qua scientiæ distinguuntur inter se. Quomodo etiam intelligendum sit, quod Aristoteles de definitione Primæ philosophiæ protulit, satis superiore libro declaratum esse arbitramur. Sed hoc non prætermittendum putaui, quin ostenderem, rationes eas quæ hætenus à uiro isto peritissimo allatæ sunt, nihil aliud inferre absurdi, nisi quòd Prædicamentorum liber secundum naturam alium ordinem obtineret ab eo quem illi ego tribui. quod quidem quantam uim habeat, nemini obscurum esse arbitror, cum ordo cõpluribus de causis uel facillimè immutari possit, ut enim hic ipse liber secundum naturam insequi debeat philosophiam naturalem, tamen ut facilius efficeretur rerum cognitio, uisum esse Aristoteli præponendum esse. Quod idem accidit libro de Animalibus, ratione libri de Plantis. ita dissolutæ sunt eius rationes. Aut dicendum est, librum illum secundum nostrum cognoscendi modum insequi, præcedere autem secundum naturam. sic nihil absurdi sequitur, Multa enim



enim sepe numero, quæ nobis difficiliora sunt in doctrina aliqua tradenda præcedunt, ut ex libro de Cælo constat, ubi prius de cælo, quàm de elementis agitur. Longè tamen est difficilius nobis cognoscere cælum, quàm elementa. Nam primo de Partibus, cap. v. ita scriptum reliquit Aristoteles:

*Substantiæ, quæ natura constant, partim ingentæ, immortalesq; seculis omnibus sunt, partim ortus participes, atque interitus intelliguntur: sed partem illam æternam, & proinde nobilem ac diuinam, minus contemplari propterea possumus, quod admodum pauca illius nostro sensui patent: quorum beneficio tum de ea ipsa parte diuina, tum de ijs quæ nosse cupimus, facultas nobis cogitandi, indagandiq; suppeditetur, res mortales, atq; caducas: ut stirpes, ut animantes, quod eas socias, familiaresq; habemus, nosse uberius possumus.*

Cum autem in his corruptibilibus quatuor sint elementa, sequitur ut hæc à nobis facilius percipi possint, patet hoc etiam ex Rhetorica arte. nam prius agitur de genere deliberatio, quàm de genere iudiciali. cum tamen Aristoteles tertio libro ostendat, genus deliberatorium maiorem habere difficultatē, quàm genus iudiciale, ob eas quas ibi recenset causas. Ita, nisi mea fallit opinio, nullæ iam sunt excellentis huius philosophi rationes: quanquam non arbitramur recedendum esse ab his quæ antè diximus, ob eas quas attulimus rationes, cum negauimus etiam decem illa genera ibi cōsiderari, ut entia, & ut ad opus ordinantur.

SECTIO II.



**T**ertio, quæ in Prædicamentis traduntur omnia, perfectè habentur cognita diuina philosophia, ut diuinum exigit negotium: quare neq; dicendus erit philosophus in Metaphysica diminutus, nec Prædicamentorum liber pars ulla scientiæ diuinæ confirmatur. & primò de ijs quæ præcedunt multifariam dictis, satis superq; quo ad Metaphysicū negotium, dictum est: nec tamen eo modo, quo in libro Prædicamentorum.

Confirmatur per Alexandrum, præcipuum inter Peripateticos, cum sibi obijciens v. Metaphys. imperfectum illum esse librum, cū non omnia contineat multis dicta modis, dicat sermonem hunc audiendum non esse. Quandoquidem in hoc libro de communibus illis, quibus & doctrinæ omnes, ut talibus utunt, & quæ ens communiter affectatur, qualia sunt, principium, causa, elementum, quæ principia realia esse, nulli potest esse dubium, dixit, adhuc ostenso, quibus in rebus diuini uersetur contemplatio, 1111 Metaphysicæ determinandum. Postea erat de ijs, quorum usus necessarius est ad cōsiderationem eorum quæ demonstrari debent, qualis partitio est eorū quæ multifariam dicuntur. Quare sermo ille de uniuocis, æqui-uocis, & reliquis in antepredicamentis, etsi ad prædicamenta ipsa cōferre dicatur, nō tamen ut transcendentia, & realia, cum satis in v.

p Metaphys.

Metaphys. dictum sit de multifariam dictis, quæ ad species illas analogatas, substantiam scilicet, & accidentia, in quas, ut ens partitur, conducere videntur. Recte itaque determinauit Auerroës quinto Metaphys. aduersus Nicolaum, cum dixit, philosophum nomina hic distinxisse, ut significant intentiones in hac scientia considerandas. Et ideo esse debet liber iste pars seorsum accepta, quia de nominibus istis intellexit, ut significant. Confirmauit idem tertio Metaphys. dicens: In hac scientia exponit nomina in uno tractatu, non ad diuidendum nomē æquiuocum, ut Logicum scilicet negotium est, de nominibus significatibus, nō tamen ut significant: & addit, Sed numerando intentiones, de quibus hæc scientia considerat.

Quod ad ea attinet, quæ contra nos hoc loco scribit Genua, negamus, omnia ea quæ in Prædicamentis traduntur, perfecte cognosci ex diuina philosophia, si ab ea seiungatur Prædicamentorum liber. Quod quidē et si luce clarius ostendisse nos putamus in Commētario nostro, tamen ut ueritas magis luceat, nō grauabimur de his iterum nōnulla perstringere. Ostensum est igitur, substantiā, ut substantia est, eodemq; modo reliqua genera, à Prima considerari philosophia, ut ex quarto Primæ philosophiæ libro, text. v. l. & ex v. text. x. l. l. & ix. text. l. & x. l. l. text. l. & multis alijs locis patet. Necessesse est ergo, diuinam philosophiam perfectam eorum cognitionem tradere. aliter enim imperfecta esset, & res ignota relinqueretur. Horum autem ipsorum generum nullo modo perfectia haberi potest cognitio, non cognita eorum natura, quomodo quidē illam habent: simul & ipsorū proprietatibus. hoc enim exigit perfecta cuiusq; rei cognitio, ut i. Poster. lib. docet Aristoteles. Necessesse est igit, primum philosophū naturæ substantiæ, reliquorum item generū, atq; eorum proprietatum cognitionem tradere: hoc autem nō præstat sine libro Prædicamentorū: ergo Aristoteles in Prima philosophia mancus esset, atq; imperfectus. Hoc autem ita esse, ex eo colligi potest, quod si usquam alibi primus philosophus huiusmodi cognitionem traderet, hoc præcipuē v. lib. faceret: ibi autē non tradit, ergo nusquā alibi. Quod aut in v. lib. nō tradat huiusmodi cognitionem, ex eo apparet, quod in ipso v. lib. distinguuntur ea quæ plura significant, quæ quidē distinctio nō præstat perfectā corū quæ distinguuntur, cognitionē: ut hinc colligi potest, quod satis superq; esset unus ille liber, cū ibi omnia ferē distinguant, quæ Primæ sunt philosophiæ. ut patet etiam ex eo quod Aristot. v. l. lib. egit de quiditate, & de potentia, & de actu, in i. x. de quibus tamen egerat in v. Cum hæc igit cognitio ibi nō tradatur, nusquā omnino traditur: siquidem in reliquis libris, nō ita multis uerbis de huiusmodi rebus agit Aristoteles, neq; probat ulla horū generū proprietates. Recte igitur illa ratio cōcluditur, nisi in Prædicamentorū lib. de his, ut talia sunt, ageret, Aristotelem in rebus tradendis futurū fuisse mancū ac mutilatū. Quod si etiam cōcederemus, ex Prima philosophia plenā illorum generum cognitionē haberi, quod tamen omnino falsum est: ex eo tamen nō sequeretur,

sequeretur, ut quæ tractantur in libro Prædicamentorum, hæc non pertineant ad Primam philosophiam. nam tractarentur, ut definiendis rebus in scientijs particularibus possemus cognoscere, quæ res sint substantiæ, quæ quantitates: itaq; tractarentur, ut talia sunt, ut ex Rhetoricorum libro facile colligi potest. In eo enim libro agit Aristoteles de affectibus animi, & de his quæ ad deliberationem pertinent, & ad res publicas, de quib; egerat in Civili facultate. De his tamen eo libro agit (ut ipse inquit) sumpta civilis artificis persona. Nullam igitur vim habet illud argumentum, de Prædicamentis plenè agitur in Prima philosophia sine libro Prædicamentorum: ergo nisi nimius sit Aristoteles, liber Prædicamentorum non est pars Primæ philosophiæ: nam ita etiam esset pars Primæ philosophiæ, fieri enim posset, ut ea doctrina repeteret, ob eam quã diximus causam.

Quod uerò ad Primam rationem attinet, qua conatur Gemma confirmare quod dixerat, negamus aliter egisse Aristotelem de his quæ plura significant, in quinto Metaphysicorum libro, atque in libro Prædicamentorum. ubique enim de eisdem loquitur, ut sciamus: atque eadem est doctrina, ut in nostro libro ac supra ostensum est, utq; inferius etiam ostendetur.

Ad eam uerò quam sumit ex Alexandro confirmationem, etsi liceret nobis, qui unum Aristotelē sequimur, id quod asserte, negare: tamen quia propositum nobis est, omnes tueri, quoad poterimus, expostitores: dicimus, tantum abesse ut Alexandri uerba cõtra nos quicquã faciant, ut ex illius etiã opinione nostram maximè cõfirmari putemus. Nã si ea quæ in Primæ philosophiæ lib. distinguunt, ad ipsam Primam philosophiam spectant, eademq; sunt etiã in Logica, sed in ordine ad opus, simpliciter & absolute sunt Primæ philosophiæ. sed de hac re pluribus in Cõmentario egimus. Quod huiusmodi aut ad Metaphys. spectent, ostendit etiã ipse initio ipsius v. lib. his uerbis:

*Siquidem primi philosophi munus esse demonstratum est, de entibus in unum sum disputare, de quibus quæ communiter entibus insunt. sunt autem entibus communia, ea quibus doctrinæ omnes utuntur. de ijs enim differere, partes sunt primi philosophi: nec horum consideratio ad ceterarum disciplinarum quampiam priuatim attinet, propterea quod nulli cuidam entis, quatenus certum quiddam est, ipsorum quidpiam adest: sed entis, quatenus ens, de quo primi philosophi interest disputare: quorum disputatio quàm sit necessaria, docet ipsorum usus. omnes enim disciplinæ his usurpandis, proposita sua demonstrant. Qui communis ipsorum usus satis habet argumenti, nullius doctrinæ particulari esse huiusmodi rerum commentationem.*

Quod si ea quæ nulli certo entis, quatenus certum est ens, sed entis, quatenus ens est, conveniunt, pertinent ad primum philosophum: omnia autem quæ sunt in Logica, ita se habent: omnia illa, ex Alexandri sententia, pertinebunt ad primum philosophum.

Hæc ergo in Logica aut eodem modo quo in Prima philosophia, considerantur, aut diuerso. Si eodem modo, Prima philosophia & Logica non distinguuntur: eadem enim omnino sunt, ut quæ eandem habent materiam eodem modo consideratam. Sin autem diuerso modo, & ad Primam philosophiam primò spectant, Logica erunt in ordine ad opus. ita uidetur Alexander nostræ fauere sententiæ. Concedimus enim, huiusmodi omnia esse realia, at quatenus rediguntur ad opus, dicimus quodammodo naturam commutare. Neque uerò id modo assentimur, sed ex eo etiam sumimus id quod maximè nostram uidetur tueri opinionem, quod tamen isti negant, genus uidelicet, & species, proprium, accidens, & reliqua huiusmodi, quæ secundæ uocantur intentiones, dici realia, quod ens (ut Alexandri uerbis utar) cōmuniter affectantur: quemadmodum principium, causa, natura, elementū, & reliqua id genus, de quibus agit v. Primæ philosophiæ lib. Ita negamus ea quæ scribit Aristoteles de æquiocis, & reliquis omnibus, de quibus agit in Prædicamentis, nihil asserre ad cognitionē Prædicamentorū, ut realia sunt, siquidem huiusmodi omnia sunt realia, ut dictū est à nobis, & sequitur ex ijs quæ superius ipse dixit, ut etiam intelligi licet ex definitione æquiocorū & uniocorum, quas definitiones ipsi etiam expositores dixerunt tradi de æquiocis æquiocatis, & de uniocis uniocatis, quæ sunt res. Neq̃ illud concedendum est, prædicamenta esse transcendentia: substantia enim non est in quantitate, neque è contrario. Falsum est etiam, de his satis egisse Aristotelem v. Primæ philosophiæ lib. sic, ut non liceat de alijs huiusmodi alibi mentionem facere. Nam ipsemet Alexander hæc eo loco protulit uerba. nā si qua his finitima prætermittuntur, diuidi tamen illa possunt, iuxta eorū partitionem, quibus finitima sunt. Ita etiam in libro Prædicamentorum de æquiocis agit Aristoteles, & de uniocis, ut ostendat proprietates substantiæ, ut dictum est in Commentario. Attulimus etiam ad confirmandam opinionem nostram in nostro libello Auerrois uerba, & D. Thomæ, argumentantes ex ijs quæ ab aduersarijs nostris conceduntur: ex quibus patet, omnia ea quæ citauit Genua, nostram comprobare sententiam. Neque ille uidetur esse sensus Auerrois, cum ait,

- „ Aristotelem in hac scientia exponere nomina in uno tractatu, nō  
 „ ad distinguendum nomē æquiocum, sed numerando intentiones,  
 „ de quibus est illa materia.

Quinto enim libro ostendit ipse, quid intelligat, cum dicat talia uerba, ratione habita ad philosophiam naturalem, & ad particulares facultates, non ad Logicum solum, quia omnes particulares facultates distinguunt nomina æquioca, ut accipiant eam significationem quæ ad rem faciat. Hic uerò distinguuntur, non ut aliqua accipiantur eorum quæ sunt distincta, sed ut annumerentur omnes significationes. Præterea si Logici est agere de nominibus significantibus, non tamen ut significant: liber autem Prædicamentorum,

ex Hammonij, Simplicii, Porphyrij, Boëtij, & reliquorum sententia, non est de nominibus significantibus, ut non significant, sed ut significant; non est Logici muneris. itaque uidentur inter se pugnare, quæ isti dicunt.

SECTIO III.

**R**æterea sermo de decem Prædicamentis habetur secundum diuisionem perfectus, & ad Metaphysicum attinet, GENVA  
quinto Metaphys. nec non uniuscuiusque illorum generum declaratio Metaphysicæ, cum diuidat ens & esse, in per se, & per accidens: rursus, quod est per se, in decem genera ista, quem modum diuersum tenens, ut Logicus in Prædicamentis dixit, quæ secundum nullam contemplationem dicuntur esse, de hac quoque eadem diuisione III. Metaphys. & IIII. Metaphys. ita ut pro Metaphysico negotio necessarius non sit Prædicamentorum liber.

Iam responsum est, sermonem illum non esse perfectum, ob eam ANTO.  
quam atulimus causam. ibi enim distinguuntur ea, quorum sunt multiplices significationes. distinguere autem aliquid, non est perfectam illius rei cognitionem tradere. Sed quia superius diximus absurda, quæ hanc opinionem insequuntur, ad alia accedemus. Neque modus qui est in Prædicamentis, est diuersus in re, licet sit propter aliam etiam utilitatem.

SECTIO IIIL.

**E**que ante septimū Metaphysicæ locandus, cū expresse GENVA  
ibi dicat Alexander, Disserturus de definitionibus, merito rursus de ente cōmemorat, ipsumque multifariam tradit, ut in libro secundo per partitionem docuit, cum ibi ens, quot dicatur modis, constitueret, quia libri præcedentes satisfaciunt ad ea quæ septimo Metaphysicæ considerantur.

Neque hoc uidetur contra me facere, quod scribit Alexander. nam ANTO.  
etiam si Aristoteles tractet ea quæ dicit Alexander, tamen non sequitur, ut libri superiores satisfaciant cognitioni eorum quæ septimo libro pertractant. hoc enim libro tractatur, quod quiderat esse, propterea quod ibi tractatur substantia. est enim unum ex ijs, de quibus dicitur substantia: agitur autem ibi de substantia, quia est primum ens. primi enim entis quæ perfecta haberi potest cognitio, nisi eius natura, proprietatesque teneantur. Sed cum septimo libro agatur de ipso primo ente, quæ est substantia, eodem libro agendum fuit de eius natura, atque proprietatibus. Quoniam autem in libro Prædicamentorum de his actum erat, ob eam quam diximus causam, septimo libro egit Aristoteles de substantia, quod ad ea attinebat, de quibus nihil egerat in libro Prædicamentorum. Distinxit autem ens initio septimi libri, ut ostenderet, substantiam esse primum ens. quod si cognitio substantiæ non est perfecta cognitio, nisi natura, proprietatesque teneantur: præ ijs autem libris, qui VII. præcedunt, nusquam traditur ea lis doctrina, ut ostensum est, quæ superiores libri cōplectuntur, hæc non satisfaciunt cognitioni eorum quæ VII. lib. considerantur, siquidē

eo libro consideratur substantia, ut superius patet: quæ perfecte cognosci non potest, nisi cognitis his quæ diximus. Cum uerò talis cognitio habeatur ex lib. Prædicamentorum, propter eam quam reddidimus causam, recte dixisse uidemur, nisi de his actum esset in lib. Prædicamentorū, futurū fuisse, ut VI. lib. ubi agitur de substantia, traderetur huiusmodi doctrina. nusquā enim commodius tradidisset. Nihil ergo contra nos assert hac in re uir iste doctissimus.

## SECTIO V.

TENVA.



Vartò, si in Logicam descendit Metaphysica, quia absolute considerat ea quæ Logica in respectu, sequitur necessario subalternatio: quod (ut puto) non conuenit, quandoquidem ad subalternationem duæ requirantur conditiones. Prima, quod altera sub altera sit, quia subiectum unius sub alterius subiecto ita, ut superioris subiectum de subiecto inferioris prædicari ualeat, quomodo numerus apud Arithmeticum, de numero sonoro apud Harmonicū dicitur. Altera uerò, quod quæ superior est scientia, propter quid illius dicat, cuius inferior quia. Quod uerò prima desit, ex dictis apparet, cum subiectum Logicæ positum sit cognoscendi modus, qui maximè in speciebus suis cognoscitur analogatis: quare de ente Logica erit, & terminos omnes, ac definitiones communes habebit, atque extra genera decem, cum entis, quatenus ens, affectus esse positum sit, sic demonstrationem ac syllogismum. Cum autem de his, & non alijs, sit uniuersa Logica facultas, sequitur inde, Logicæ subiectum, siue illius subiecti partes nullo modo minus communes esse, quàm entis, quatenus ens, affectiones in Metaphysica fuerint quoquo modo. Itaque Logica sub Metaphysica erit, ut sub Arithmetica Harmonica. erit itaq; Logica Metaphysica, & Metaphysica Logica. Quòd si dicatur, Logica utitur his in ordine ad opus, tunc factiua erit ars Logica: tunc sequitur, in ea ipsa definitiones istas ad opus ordinatas esse, quomodo quilibet faber utitur. Geometrica enim fundamenta ad opera ipsa fabrilia conducunt: nec tamen, quid rectum sit, aut circulus, siue ex quibus componatur uterq; faber, contemplatur, sed illis sic utitur acceptis. At quæ docet instrumenta conficere Logicus, in Logica nō sunt, sed in scientijs illis secundum regulas illa componendi, omnia disponit ac declarat Logicus, quia nō definitionem, nō syllogismum capit superiori, sed regulas tradit duntaxat, quibus superior & definire & determinare recte possit. Faber uerò regulas non docet conficiendi rectum, sed secundum rectos angulos, si sic expediat, sua componit opera. Præterea & secunda conditio deest, cum propter quid regularum, quæ traduntur in Logica, nō dicat Metaphysicus: cui satis uidetur esse factum, cum subalternantem in subalternata dicatur propter quid assignare: sed tunc, cum subalternata accepta fuerit conclusio subalternantis, quod si principia sola accepta fuerint, ut definitiones circuli, lineæ rectæ, anguli recti, & similia,

lium, propter quid non dicitur in subalternata. At oppositum huius in proposito legitur apud Auerroim, post Commentariū 100. & 101. cum duobus modis subalternationem dictam esse notauerit: altero, cum utraque scientia Theorica fuerit, tunc scilicet conclusio superioris propter quid est in inferiori, ueluti in Perspectiua Geometriae: altero uerò, si inferior practica fuerit, ut respectu Geometriae Mechanica, tunc Geometriae principijs utatur ad esse, Mechanica in propria scilicet materia, ferro, ligno, & similibus, uidelicet circulo, linea, superficie, & talibus, quæ in Geometria principia sunt, & non conclusiones, quia in illis propter quid dicit Geometra, propriam uniuscuiusque adducens definitionem, ut propter quid recte dicit fabro Geometra, recte scilicet definitionē adducens. Cum itaq; posita sit Logica ars factiua, si subalternata Metaphysicæ esset, sic ab ea propter quid nancisceretur.

Quod ad hæc attinet, existimamus ob eas, quas in nostro libello ANTO; attulimus, rationes, Logicam (ut uerbis istorum recentiorum utamur) esse Primæ philosophiæ subalternatam, illudq; assentimur, harum facultatum hoc proprium esse, ut altera sit sub altera. facultas enim inferior proculdubio principia petit à superiori. Cum uerò Genua infert, subiectum unius esse sub alterius subiecto ita, ut superioris subiectum de subiecto inferioris prædicari queat, quomodo numerus apud Arithmeticum, de numero sonoro apud Harmonicum, ut Linc. non paruæ inter Latinos interpretes auctoritatis, ut expositorum, quos ipsi sequuntur, responsiones asseramus, satis uidetur in primo Posteriorum libro, huic quæstioni facere. Ibi enim cum alia multa dixisset, hæc infert:

Nec putandum est, quod subiectum scientiæ subalternantis sit ..  
semper directè prædicabile de subiecto subalternatæ. ..

Ex quibus sequitur, ut minimè necessarium sit, quod dicit uir iste præstantissimus: neq; etiam uerum. Facultas autè ea quàm subalternatā nos putamus, subijciē superiori: itaq; ab illa principia mutuæ, quæ principia sibi propria efficit, ratione operis. Nā id quod refert, dicitur posterius se ipso, cū non refert, atq; est sub eo quod nō refert, ab hoc enim pendet. Quoquo modo tamē res se habeat, modus cognoscendi est sub subiecto Primæ philosophiæ, est em̄ affectus subiecti illius, & in Logica cōsideratur in ordine ad opus. Verè etiā dicitur sciendi modus esse ens, ppter ea qd est affectus entis. Quod uerò ait, ex his quæ ego posui, sequi, ut huiusmodi quæ sunt in Logica, cū sint termini cōmunes, sint æquales enti: nihil hoc loco repugnabo. Quarto enim huius Apologiæ libro, cū præceptorī nostro respondebimus, pluribus de hac re disseremus. At cum quærī, quomodo erit sub Prima philosophia, ut Harmonica sub Arithmetica, nihil ob stare uidet, quo minus Logica sit sub Prima philosophia eo modo quo diximus. est aut sub ipsa Prima philosophia, quemadmodū est Harmonica sub Arithmetica. quæ enim Arithmetica absolutè, eadem Harmonica considerat in ordine ad opus. Harmonica enim

refert in habitus actiuos. Quòd si quid intersit, nihil hoc refert, modo inter se cōsentiant in ea re, quæ ipsa per se facit, ut altera facultas alteri subiiciat. ea autem est, cōsiderare in ordine ad opus id, quod altera absolutè cōsiderat, ut Medicina se habet ad philosophiam naturalem. Quod autē infert, Erit hoc modo Metaphys. Logica, & Logica Metaphysica: id uerò negamus. diuersus enim ille considerandi modus secundum formā, facit habitus specie diuersos. Concedimus autem, Logicā aliquo modo esse artem factiuam. Quinetiam ita scribit Ioan. Gandauens. in VI. Primæ philosophiæ lib. questione 1111.

- ” Logica ita bene est realis scientia, quia cōsiderat rem ueram, ut syllogismum ordinatum in modo, & in figura, extra intellectum. unde  
 ” sunt entia uerè realia, licet dependant ab anima in productione, unde etiam non inuenitur ab aliquo, neq; ab Aristotele, neq; ab Auerroë diuisio scientiæ per realem, & rationalem.

Sed utcumq; sit, de hac enim re disputabimus etiam eo libro, quo præceptor noster respōdebimus. Quòd uerò sublequitur, ex hac positione sequi, ut definitiones in Logica ordinate sint ad opus, hoc est quod nos probauimus: eas uidelicet in Logica accipi, ut doceamus cōficere demonstrationes & definitiones, atq; ita operari, quemadmodum ars fabrilis utitur definitionibus & demonstrationibus eis quæ in Geometria sunt, ad docendū operari. Faber enim considerat quid sit rectum, & ea quæ Geometra prius de ipso recto considerat: sed hæc ille non considerat, ut sciat, sed ut doceat operari. Quòd autem absurdum non sit, artificem aliquem considerare ea quæ diximus, ostendit Aristoteles 11. Primæ philosophiæ lib. his uerbis:

- ” Rectè autem se habet & illud, scientiam inquam philosophiæ ueritatis appellari contemplatricem. nam finis quidem contemplatiuæ ueritas est, actiue autem opus. etenim si quomodo res se se habent, artes ipsi considerant: non tamen etus causam per se, nec ut talis est, sed ut ad aliquid, atq; ut nunc, contemplatur.

- Videtur ergo dicere Aristoteles idem quod ipsi diximus, ea scilicet quæ cōsiderantur à Geometra, posse item à fabro cōsiderari in ordine ad opus. Hoc etiā patet ex 1. Ethic. lib. loco citato in Cōmentario, ubi loquitur de Geometra, & fabro: Quod autē dicit, instrumenta, quæ docet facere Logicus, nō esse in Logica, sed in reliquis scientiis, Logicum enim tradere solum regulas cōficiendi ipsa instrumenta: id uerò est, quod nos conati sumus ostendere, cū multis alijs Cōmentarij nostri locis, tum uerò maxime ea parte, qua describitur tabula, quæ indicat, Logicum non facere instrumenta aliarum scientiarum, sed docere illa cōficere, ac docendo ipsum etiam cōficere ex terminis cōmunibus. ex quo tamen nō fit, ut nō doceat cōficere, licet ea quæ conficiuntur instrumenta, in alijs sint scientiis: quemadmodū ars ea quæ docet facere perpendiculū, nihil obstat, quò minus sit ars, quam uis artifices alij postmodū utantur ipso perpendiculo. Quod uerò dicit, quia non definitionem, non syllogismum capit à superiori:



non uidetur id (pace tanti uiri dixerim) probandū. Accipit enim Logica syllogismi definitionē, itemq; syllogismū: quod idem dicendū est de reliquis omnibus definitionibus, quæ sunt in Logica, ut in nostro libello ostensum est, ut doceat, quemadmodum illa conficiantur: quod quidē nihil aliud est, nisi regulas tradere. Qui enim Logica doceat cōficere demonstrationē, nisi ex definitione demonstratiōnis, ueluti Medicus nullo modo docere potest efficere sanitatem, nisi teneat quid sit ipsa sanitas. Hoc autē patet ex 1. Poster. lib. ubi sic ait Aristot.

*Scire, est rem per causam cognoscere: et demonstratio syllogismi faciens scire, necesse est demonstratiuā scientiā ex ueris esse, et primis, et immediatis, et notioribus, et prioribus, et causis conclusionis.*

<sup>12</sup> Docet etiā cōstituere definitionem ex definitione ipsius definitionis, eodemq; modo reliqua. Itaq; ex his facile cōstat, quæ de fabro nobis opponunt, nihile cōtra nos facere. De subalternante uerō scientia, quemadmodū aut explicet propter quid, aut nō explicet, satis nos libello nostro ostēdisse putamus. Quod autē ad uerba Auer. attinet, etsi multa licet afferre, quibus ostendamus illū sibi non cōstare, tamen hoc loco tantū dicemus, nos unū Arist. sequi, præterea neminem. Satis autē illud mirari non possum, tantum uirū asserere, Geometriam tradere propter quid definitiones circuli, et reliquorū, quæ sunt eius principia: cū fieri nullo modo possit, ut eorū quæ medio carēt, habeatur propter quid: circulus autē sit principium, ex quo Geometria concludit rationes. & si dicatur, principium est simplex, sed definitio circuli facta propositio, qua ab ipso fabro sumpta fieri non potest, ut eius propter quid explicet. est enim propositio immediata. Itaq; rectē mihi uidet illud esse dictū, superiorē scientiā nō explicare propter quid omnium, quæ inferior habet scientia, & Logicam Primæ philosophiæ subalternatam esse. Quod si neget aliquis, illud Geometriam asseruisse, Geometriā tradere propter quid definitionis circuli, aut definitionis recti (hoc enim fieri nō posse,) sed propter quid circuli, & recti, asserens eorū definitiones, quæ dicuntur propter quid. Hoc si diligentius attendatur, minus probandū est, si quidem principia scientiarū subalternatarum, quarū subalternantes tradunt propter quid, sunt cōplexa, non simplicia: ex ipsis enim concludunt rationes suas (ut ita dicā) per discursum. Præterea si asserēdo definitionē circuli, asseretur propter quid principiorū, Geometria explicaret propter quid eorū principiorum, quorū tradit definitiones, quod planē falsum est. Nulla enim scientia explicat propter quid suorū principiorū, ut patet ex 1. Poster. lib. ita enim iam nō essent principia. Quod si tamē urgeat, hoc esse propter quid, esto, ut ad metā redargutionis eū redigamus. ex hac enim sententiā sequit, ut rectē asseramus, Primā philosophiā explicare propter quid in Logica. tradēs enim definitionē demonstratiōnis, syllogismi, et reliquorū, quæ Logica petit ab ipsa Prima philosophia, eorū dicet propter quid eadē ratione. Ac ita quidē nō desiderabit altera subalternatæ facultatis, approprietas, quā tamē dixit Genua

Genua desiderari: ac propterea negauit, Logicā esse Primæ philosophiæ subalternatā. Præterea querendū ex eo esset, cur principia quæ sunt in Geometria, sumi nō possint à Perspectiua, quemadmodū à Mechanicis. Cur item Mechanicæ nō possint ex Geometria cōclusiones ducere, id quod facit Perspectiua. Quod si huius rei illam reddat rationē, quod Perspectiua est Theorica (quod mea tamē sententia falsum est, ut superius ostendimus) nō Mechanicæ: cur Astrologia, quæ (ut putat Auer. in 1. Poster. lib.) est Theorica, mutuat tamē principia à Geometria, ut patet ex ipsis Astrologiæ lib. in quibus traduntur definitiones eæ quæ sunt principia in Geometria? Atq̃ ita mihi quidem uidentur multis in rebus magnā habere difficultatem ea, quæ scribit uir iste excellentissimus: firma autem, certaq̃ esse, quæ ipsi diximus, de subalternante & subalternata scientia. De ijs tamen in sequentibus libris latius differemus.

## SECTIO VI.

GENVA



Ostremò manet adhuc Hāmonij ratio aduersus tenētes, Prædicamēta de rebus esse: quando quidē res quæ in natura existunt, nō quæ sola cōcipiuntur mente, si debeant addisci, operæ precium est, ut per uoces, ueluti per notas eorū quæ in anima sunt, cognoscanē. Quare necesse est, uocū illarū simplicium res ipsas significantiū, noticiam seorsum à rebus haberi. Nec puto ad incōuenientia illa deduci posse, quod scilicet & aliæ scientiæ, quæ de rebus sunt, de uocib. erunt: quare Prædicamentis similes, quia non eadē de uocibus apud utrūq̃ cōsideratio erit. Naturalis siquidē philosophus uoces ipsas cōsiderat, ut illis naturas entium dignoscere ualeat, cū tota eius intentio ad res, nō ad rerū uoces dirigatur: nisi ob ipsarū rerum noticiā, sic in scientijs istis regula illa locum habet, propter quod unumquodq̃ tale, & illud magis. At Logicus uoces illas significantes, nō tamen ut significant, rimatur, ut scilicet partitiones, prædicationes, ordinationes, & talia subeunt. neq̃ putarem ualde diuersum à dictis exemplū adducere, si purum Grammaticum orationem Atticam Platonis admirari, altissimos illos sensus exprimentem, in medium adduxero, nullam tamē prorsus sensuum illorum particulam degustare: contrā uerò, philosophum sermonibus illis utentem, ut diuinos illos exprimeret intellectus.

ANTO.

In his item mihi multæ uidentur esse difficultates. nam si necesse est, cognoscanē res per uoces, necessariò ipsæ uoces accipiendæ sunt simul cum rebus. si enim seorsum accipiantur, accipiuntur, uel ut significant, uel contrā. Si non accipiuntur ut significant, inanes sunt, quippe quæ nullam nobis rerum cognitionem afferant. cuius tamē rei cōtrarium asserit Genua, cum expositoribus. Sin autē accipiuntur ut significant, non seiunctæ sunt à rebus, quod concedant etiam ipsi expositores, ut Boëtius, cuius hæc sunt:

Idcirco quoniam quidē qui de significantibus uocib. tradit, de rebus quoq̃ est aliquantulum tractaturus: res enim, & rerum significatio, iuncta est.

Quod

Quod etiā patet ex l. lib. Perihēr. Quare uidetur repugnare, si ita dicat, res quæ in natura sunt, si discendæ sint, per uoces discantur necesse est. Deinde inferat, necesse esse, uocū illarum simpliciū, quæ significant res, noticiā seorsum à rebus haberi. Ex hoc enim sequitur, ut eorū quoque cognitio simul habenda sit, aliter enim inanes essent ipsæ uoces, ut dictū est. Ita etiā ad illud absurdū hominē deduci possē. bitror, ut reliquæ scientiæ sint de uocib. Cum enim expositores dicant, librū illum esse etiā de rebus: infert ipse, ergo de uocibus. Nos autē sic dicimus, reliquæ scientiæ sunt de rebus, ergo de uocib. Quod si ullā uim habet eius argumentū, nihil item nō ualet meum: actum quidē sequentur ea quæ diximus. Itaque nihil ad rem uidet, quod nō eadem est de uocibus apud utrumque cōsideratio, quia argumentū est ad hominē. Præterea illud etiā argumentū ualet: propter quod unū quodque tale, et illud magis. quod si hic liber est de uocibus significantibus res, quatenus ipsas res significant: ac nos utimur nominibus quæ significant res, pro ipsis rebus, nō enim res nobiscū afferre possumus, est in primis de rebus. propter quod enim unū quodque tale, & illud magis. Non uideo ergo, quomodo nō euertat hoc argumentū illā expositorū positionem: siquidē uoces significantes, quatenus significant, sunt propter res. Quid ergo dicendū est huic regulæ locū esse in scientijs ijs, quæ de rebus agunt. ea est enim argumenti uis, ut ostendat, librū illum cū de uocibus sit significantib. res, quatenus significant, esse in primis de rebus: propterea quod necessariō uocibus utimur significantibus res, quod ipsas res nobiscū afferre non possumus: propter quod autē unumquodque tale, & illud magis. Quin illa distinctio, quā affert Genua, uidetur tollere opinionem Hammonij, qui putat, in Prædicamentis agi de uocibus, ut significantes sunt. Reprehendit enim eos qui dicunt, in Prædicamentis agi de uocibus significantibus, non ut significant. Hic autem uir doctissimus ita mihi sentire uidetur, ibi nō agi de uocibus significantibus, quatenus significant. Postquam enim de scientijs locutus est, infert:

At Logici uoces illas significantes, non tamen ut significant, rimatur, sed ut partitiones, prædicationes, ordinationes, & talia subeunt.

Patet autem cum loqui de Prædicamentis: quod prius loquens de alijs scientijs, & de libro Prædicamentorum, ita dixerat,

Quia non eadem de uocibus apud utrumque cōsideratio est. idcirco cum ostendisset de philosopho naturali, subdit:

At Logici uoces illas significantes, non tamen ut significant, rimatur, ut scilicet partitiones, prædicationes, ordinationes, & talia subeunt.

Hæc igitur uerba, quibus sententiam suam tueri conatur, uident, illā Hammonij opinionē funditus euertere. deinde appellans hunc librum Logicum, supponit id quod debet probare. Quod si aliquis dicat, eū intelligere de alijs partibus Logicæ, hoc nihil ad rem.

At si in Logica de uocibus agitur, ut prædicantur, & subiiciunt, non ut significant: in libro autem Prædicamentorum, ut putat Boëtius,

& quinto Metaphysicæ, diuiditur sic ens, ut dictum est in Prædicamentis, quod tamen non reperitur factum. Quare uoluit (ni fallor) Alexander innuere partem hanc, in qua secundum rem, & uerè de diuisis istis generibus agitur: quippe in Prædicamentis diuisa solum posuit, numerauitq̃.

Non dixi ego, illum fuisse Alexandri sensum, ut ostēderet, partitionem entis in decem genera idcirco esse Primæ philosophiæ, quod facta sit in Prædicamentis: sed uoluisse nobis significare, diuisionem eam, quam tradit Aristoteles in Prædicamentis, esse Primæ philosophiæ, quia ipse Aristot. III. Primæ philosophiæ lib. ita scripserat,

*Quapropter & eius quod est, ut ens est, quæcunq̃ sunt species, unus est scientiæ genere, & specierum species contemplari.*

Quòd si unius genere scientiæ est, contemplari quæcunque sunt species entis, quatenus ens est: illa autem decem genera sunt species entis: illa ipsa decem genera sunt unius scientiæ genere cum ente. Hæc uerò cum ita diuisa sint in Prædicamentis, sunt Primæ philosophiæ. ens enim est ipsius Primæ philosophiæ. Cum ergo sequatur hoc ex uerbis Aristotelis, non id quod isti dicunt, non possunt uerba Alexandri in illum sensum distrahi, quem attigit uir iste celeberrimus. est ergo diuisio ea quam posuit Aristoteles in Prædicamentis, ex Alexandri sententia realis: quippe quæ facta est secundum hunc textum. aliter enim nihil ad rem faceret. Ipse Alexander etiam uidetur uerbis his quæ recitata sunt, apertissimè ostendere, Prædicamenta ad Primam spectare philosophiam. nihil enim necesse fuit dicere, sic diuidi ens ut dictum est in Prædicamentis, nisi sensisset id quod diximus.

Quòd si quis illud opponat, Alexandrum alibi contrarium dixisse, non pugnabo, id fieri non potuisse: sed illum postea, cum ueritatem agnouisset, sententiam mutasse. Quod persape faciunt ij, qui uerè sunt ingenui homines, quiq̃ re ipsa, non uerbo tantum philosophiam profitentur: itaque nulla alia re, nisi ueritatis studio ducuntur: contràquam (ut nunc est) plerique omnes facere consueuerunt. Verùm cum inter se dissentiant Hammonius & Simplicius in exponenda Alexandri opinione de libro Prædicamentorū, facile hoc posset ostendere, non uerè istos Alexandri sententiam percepisse.

SECTIO XI.



Quòd etiam planè persuaderi potest, cum & eodem modo dixerit Themistius, inter expositores præcipuus, super expositione textus tertij decimi primi de Auditu physico, iniquens: Si multis modis ens dici conceperint, scilicet ut nos in Prædicamentis determinauimus esse. Per quæ uerba palàm est, diuisionem illam in Prædicamentis accepisse Logicam, non Metaphysicam, cum uoluerit Themistius, pariter alijs Prædicamentorum librum logicum exiisse.

Tantum uerò ab ille putamus, ut ex illis uerbis eliciatur id quod



Se & distinctio data ab eo de logica, ut opinor, Peripatetice est, quæ septimo Metaphysicæ, primo Phys. sed ad propositum magis, primo tractatu sui epitomatis Metaphysici determinauit, cum per hanc noluerit demonstrationes perfectas, ut pote instrumenta logica, scientijs alijs assignare: Logicum uerò methodos ac regulas tradere talia conficiendi in proprijs disciplinis, quibus ad uerum dirigatur intellectus, & custodiat, ut ipsemet in eo tractatu declarat.

GENVA

Dissoluendæ prius fuerant rationes eæ, quas ego contra eius distinctionem attuli: deinde potuisset asserere, huiusmodi distinctionem esse Peripateticam. Sed cum illæ adhuc integræ maneant, nō uideo qui possit hoc dicere. Quod præterea scribit, noluisse Auerr. ex illa distinctione inferre demonstrationes perfectas, ut pote instrumenta logica, à Logica alijs scientijs assignari: uidetur hoc pugnare cum ipso Auerro, qui ait,

ANTON.

Et alio modo, ut accipitur illud, quod est declaratum in illa in alijs scientijs, secundum quod accipitur illud, quod est declaratum in aliqua scientia speculatiua, ad aliam scientiam.

At quod ita est, sic se habet, ut ex eo fiant demonstrationes: ex eo autem quod dicitur, non sunt demonstrationes, ut patet ex eis quæ dixi: non uidetur ergo ueri distinctionem Auerrois. Præterea si uerum est quod dicit, uidetur maxime latere opinioni nostræ, quam ipsam Aristotelis esse putamus. diximus enim, suas quaque facultates sibi conficere demonstrationes, Logicamque tradere solum regulas cognoscendi, conficiendiq; instrumenta ea quibus utantur alie scientiæ. Ex quibus illud omnino sequitur, ut nihil indigeat prædicamentis, nam si Logicus tradit regulas, quibus sua quæque disciplina sibi conficiat cognoscendi instrumenta, non considerat ea quæ sunt in Prædicamentis. Quod hinc facile intelligi uidetur, quia suas quaque disciplina conficit demonstrationes, ut ipse concedit, ac uerum est. Sed qui facit demonstrationes, eius est etiam facere propositiones: ut exempli causa, qui demonstrationem illam constituit, omne animal rationale est risibile, omnis homo est animal rationale, ergo omnis homo est risibilis: hic ipse singulas eius demonstrationis propositiones constituat necesse est. qui autem illas propositiones constituit, necesse est cognititas habeat simplices illas uoces, animal, rationale, risibile. sed huiusmodi uoces, ut concedunt omnes, sunt in Prædicamentis: qui ergo demonstrationes conficiunt, hi ipsi Prædicamentis indigent, aut tanquam partibus, aut quasi suppositis. Sed Logicus non facit tales demonstrationes, Logicus ergo nihil indiget Prædicamentis: quamuis enim suas ipse quoque rationes concludat, quibus rationibus quas tradit regulas probat, tamen non concludit illas ex terminis ijs qui sunt in Prædicamentis, ut patet, atque ipsa etiam ratio docet. regulæ enim non essent generales, cuiusmodi quidem illas esse oportet. Ex his igitur quæ Genua dicit, sequitur id  
q quod

dam noticia ea exprimuntur omnia, quæ per noticiam instrumentorum conficiendorum in sequentibus Logicæ partibus habitâ in scientijs realibus, secundum rem manifestabunt, & noticia distincta. Nec fortè multum dissimile erit, si à simili dicatur, Aristotelem in libris de animalibus præposuisse librum de Historia, in quo in uniuersum & animalia, atq; animalium proprietates legunt, his qui de Partibus habentur, libris: siquidem per hos causæ omnes habeantur, quibus & animalia, & animalium proprietates confuse cognitæ, distincta noticia comprehenduntur. quæ & nobis largitur peritiam conficiendi tum demonstrationes, tum etiam perfectam definitionem in disciplinis alijs.

Conclusionem hanc non esse ex eis quæ dicta sunt conspicuam, ANTO. colligi potest ex nostris redargutionibus. Librum autem Prædicamentorum nō esse Logicum, neq; item de his quæ sine ulla complexione dicatur, hætenus ostendisse nos putamus. Extractus tamen est liber ille ex Prima philosophia, ut simplicia cognosceremus, ex quibus sunt cōplexiones, hoc est quæ substantia esset, quæ quantitas, & cætera, ut à nobis in undecima Commentarij Sectione dictum est. Quod autem ad Alexandrū attinet, cæterosq; doctissimos homines, qui cōtra nos testes laudantur, nisi respondere possumus, tamen hoc loco tantum dicemus, quod aliàs sæpe iam diximus, nos eam quam Aristotelis fuisse putamus, opinionem sequi, nō interpretū. quanq̃ nō ignoramus, hac in re multos à nobis dissentire. Neq; uerò mihi uidetur uir iste egregius argumentū illud dissoluere, quo ostenditur in lib. Periher. agi de simplicib. ut nōnulli etiam ex interpretibus sentiunt, quatenus illa simplicia ad enunciationem referuntur. itaq; nihil eis in Logica opus esse, ut tractantur in Prædicamentis. Neq; uidentur contra nos quicquam facere, quæ pōnit, multas illa quidem certè difficultates habent. Nam ut illud uerum sit, quæ nobis notiora sint, hæc prius discenda proponi: tamen quod ita infert, quia confusa noticia eius quod postremò distinctè concepitur, distinctam præcedit, non recte inferri uidetur. Nam si ignota sint omnia quæ uelimus discere, discenda sunt prius notiora: quod accidit in philosophia naturali, ubi cum omnes ignorentur causæ, tamen causæ magis uniuersales sunt notiores. Itaque ab his, ut quæ notiores essent, initium duxit Aristoteles: neque tamen ibi est noticia confusa & indistincta, sed materia prima primū cognoscitur, quomodo quidem cognosci potest, deinceps reliquæ omnes causæ. Quod autem Genuaprofert ex primo Phys. lib. in prologo, fortè id est quod tertio textu scribit Aristoteles his uerbis:

*Sunt autem primum nobis manifesta, & certa, confusa magis.* ..

Quod si hunc textū intelligat, nihil ad rem uidetur facere. Loquitur enim ipse de ordine corū, quæ prius discēda proponunt: textus aut ille de uia, rationeq; doctrinæ, qua in philosophia naturali utimur, cuius quidē philosophiæ munus est inuestigare causas rerū naturalium. Inquit enim Aristoteles, inuestigandas esse ipsas causas ex notiori-

bus nobis. quoniam autem obscurum erat, quæ nam essent notiora nobis, declarauit illo textu. Hunc autem esse sensum Aristotelis, ex his patet, quæ subiunxit,

» *Posterius aut fuit ex his nota elementa, et principia, diuidetib. hæc.*

Pater etiã ex hoc ipso textu, textui illi, quem à Genua intelligi fortasse diximus, hic nullum esse locum, siquidem notitia confusa præcedit distinctã, eiusdem rei hoc loco. Sin autem de IIII. tex. loquatur,

» *Vnde ex uniuersalibus in singularia oportet procedere,*

Et quæ sequuntur: hic item minimè cum eo facit, quòd confusa cognitio materiæ non præcedit distinctam eius cognitionem. Ita quicquid intelligat, id minus probandum uidetur, quod ut etiã uerum sit, tamen nihil ad rem, ut patebit.

Secundum item eius suppositum à ueritate alienum uidetur, intentum uidelicet philosophi in tota Logica esse, primò de demonstratione per se agere: ut in Proemio nostri libelli ostēdimus. Nec illud obstat, quod affert ex I. Priorum lib. siquidem ita dixit Aristoteles,

» *Primum oportet dicere, circa quid, ex quo est intentio,*

Et quæ sequuntur: ob syllogismum simpliciter, ne quis forte existimaret, quæ ipse traditurus esset de syllogismo simpliciter, hæc uelle ipsius syllogismi causa, non demonstrationis pertractare. Quod ita esse declarat illud, quòd paulo infrã intulit, Dicendum esse, per quæ & quomodo fieret omnis syllogismus. hunc enim uniuersaliore esse omni demonstratione. Ex quo etiam patet, hunc nō fuisse exponendi locū, quid sibi in primis tota illa facultate propositū esset docere. sed de hac re tamen v. huius Apologiæ libro pluribus discremus.

Tertium eius suppositum, ut concedatur, tamen nihil opinionem nostram infirmare, facile intelligent ij, qui libellum nostrū legerint.

Illud etiam maximam uidetur habere difficultatem, in lib. Prædicamentorum de simplicibus ac generalibus uocibus agi, sub quibus omnia comprehenduntur entia, non tamen ut entia sunt, sed ut significatur. Nā si de entibus ibi agitur, ut significatur, agitur, ut res sunt, atq; entia. entia enim ut significatur, sunt res, atq; entia. Ipse autē res, ut res, significatur conceptibus, uocibus, literis: nō significat. Quòd si de his agitur ut sunt res, agitur itē ut sunt entia: idē enim est res, atq; ens. Videtur igitur secū planē dissidere Genua. nam si ibi de entibus agitur, ut significant: sequitur, ut de his agatur, quatenus entia sunt.

Quòd si neget, hoc se uelle dicere, sed ibi agi de uocibus illis simplicibus, ut significantur, non ut entia sunt: primū hoc non ostendūt eius uerba. deinde ut ita sentiat, tamen id minus probandū uidetur, quia uoces literis modo significantur, de quibus literis nulla eo loco fit mentio. Illud etiam, sub uocibus comprehendi entia, non uidetur satis rectē dictum. comprehendi enim rem sub aliquo, nihil aliud ualet, nisi contineri eo sic, ut quod continet, de illo ipso prædicetur, quod continetur. At falsum est, illam rem quam notat uox Homo, esse uocem hanc Substantia, eodemq; modo de reliquis.

Sin autem ita sentiat, entia comprehendi uocibus, nō ratione sui, sed ratione rerum: ut homo comprehenditur substantia, ratione rei, quam uox substantia significat, non ratione illius uocis: sequitur, ut de rebus in primis agatur. si quidem agitur de illis uocibus, quatenus his cōprehenduntur entia: hoc autē est, ratione rerū: ergo in primis agitur de rebus. Illud etiā Simplicij, quæ dicta sunt in Prædicamentis, ea uera esse, & naturæ rerū consonantia: magis uidetur eius opinionem euertere, quā eam omnino confirmare. Hoc enim uidetur ostendere, librum illum esse de rebus. si enim in Prædicamentis est ueritas, eaq̃ quæ rebus consonant, sunt de rebus. nam ex eo quod aut est res, aut non est, uel uera, uel falsa dicitur oratio: in ceteris enim facultatibus, ubi uno omnium consensu de rebus agitur, hoc idem fieri planē constat: uera enim dicuntur, & rebus consona. Ita non rectē uidetur Genua ex hoc quod Simplicius dixit, inferre id quod infert.

Ex eis item quæ nostro libello ostendimus, præterea quæ paulo antē diximus, satis uidetur constare, cognitionem illam confusam illarum uocum nihil ad rem facere, propterea quod illis uocibus non utitur Logica, sed uocibus significantibus ea quæ sunt extra decē genera, nec plura requirit, quā illa simplicia, quæ habet liber Perihier. ceterisq̃ Logicæ libri. Illud itē falsum uidetur esse, simplices illas uoces in uno quoq̃ illorum generum eo distributas esse ordine, ut primum subiecta exprimant, deinde subiectorum affectus. hoc enim probandum fuerat, simul & dissoluendæ rationes eæ, quibus nos contrarium in nostro libello ostendisse putamus.

Neq̃ illud (pace tanti uiri dixerim) satis uerum esse arbitror, tales proprietates ibi non demonstrari de suis subiectis. patet enim ex eo lib. ostendisse Aristotelem omnes proprietates eas quas illis Prædicamentis attribuit, quā maxime quidem ostendi possunt, neq̃ alibi usquam (ut à nobis iterum, ac sæpius iam dictum est) hanc rem distinctius ab Aristotele tractatam reperimus.

Ex quibus etiam constat, nō quadrare similitudinem illam quam affert Genua, propterea quod in lib. de Partibus animalium, ceterisq̃ libris de eisdem agitur, de quibus in Historia. In libris autem Logicæ non pertractantur eadem quæ in Prædicamentis. itaq̃ patet, supposita eius, ut uera essent, nihil tamen ad rem facere.

SECTIO XIII.



Quibus sic cognitis, fundamenta prius dicta cessabunt: t primum, cū in Prædicamentis nō res, sed rebus consonantes ponant uoces, ac rerū proprietatibus, ut retro per positā rationem dictū est. Secundum quoq̃, quando quidē concessio, à Metaphysico ens, ut ens, atq̃ entis species cōsiderari, negandū sit eodē modo in lib. Prædicamentorum à Logico cognosci. Nec minus tertium cadit, admissio etiā quod in Prædicamentis nō tradantur regule, quia in alijs Logicæ partibus de regulis, quantum satis fuerit ad instrumenta illa conficienda, traditur notitia, ut distincte cognoscantur, quæ in Prædicamentis posita sunt in uniuersum, ut dictū

GENVA.



philosophiæ, qui id copiosè præstat. Sed ut etiam non cognoscatur substantia, nisi confusè, ex hoc tamen inferri non potest, eam non tractari, quatenus substantia est. Nam fieri potest, ut aliquid confusè cognoscatur, pertractetur tamen sui ipsius gratia, non propter aliud. Ita uerò esse, quod à nobis dictum est, ex eo colligi potest, quòd in libris de Historia animalium agitur de animali, quatenus animal est, nec tamen eo loco traditur distincta ipsius animalis cognitio, ut scilicet comprehendantur omnia, quæ ad perfectam eius cognitionem attinent: nulla enim ibi fit causarum mentio, siquidem illa cognitio animalis traditur, quòd ad ipsum esse tantum attinet.

Quare cum oporteret etiam cognosci causas, conscripsit Aristoteles libros de Causis, qui unà cum libris de Historia animalium, perficiunt cognitionem animalis, quod ad ipsum esse attinet, & ad quid est, & ad propter quid, & ad quale est. Aliter enim superuacanei omnino essent libri de Animalium causis. Quòd si in libris de Animalium historia, agitur de animalibus, ut animalia sunt, nec tamen ibi ulla traditur cognitio causarum, nihil obstat, quo minus in libro Prædicamentorum consideretur substantia, ut substantia, eodemq; modo reliqua omnia genera, cum tamen, in eo ipso libro non considerentur causæ illorum generum. Quod enim uerè dicitur de libris de Historia animalium, si respiciatur ad cæteros libros de Animalibus, id quod minus uerum apparet: idem etiam dicitur de libro Prædicamentorum, si cum eo coniungantur reliqui Primæ philosophiæ libri, quod quidem magis uerisimile sit.

Ad illud uerò quod subiungit Madius: Nec obstaret, quòd definitio quæ traditur de substantia in Prædicamentis, sit etiam in Metaphysica posita, & quæ sequuntur: immò respondemus, obstare, ac maximè quidem, quòd huiusmodi definitio traditur etiam in Prima philosophia. Nam hac ipsa definitione ostendimus, substantiam, ut substantiam considerari in Prædicamentis: quam considerationem ad Primam spectare philosophiam, qui neget, arbitror esse neminem. Id quod sic confirmari posse uidetur. Substantia definitur ut substantia, in Prædicamentis, cum tradit Aristoteles, substantiam esse, quæ non est in subiecto: ergo consideratur ut substantia. Probatur antecedens, quia eadem definitio traditur in Prima philosophia de substantia, ubi consensu omnium consideratur substantia, ut substantia: ergo definitio substantiæ tradita est, quatenus est substantia. Cumq; consideratio substantiæ, quatenus est substantia, sit Primæ philosophiæ, hic liber pertinet ad primum philosophum.

Ac ita quidè, ut suprà diximus, illud obstat, quòd eadè definitio in Prædicamentis, & in Prima philosophia tradat. Quod si diceret Madius, eadem esse definitionè, sed uariè tractari, negamus hoc ita esse:

nam

demonstrationes & syllogismi dialectici, erāt syllogismi simpliciter, in lib. Priorū ipsos syllogismos simpliciter: quoniam item syllogismi cōficiēbantur ex propositionibus, quę re ipsa nihil differrent ab enūciationibus, in his aut cōficiendis errare facile possemus, in lib. Perih. earū cōstitutionem tradidit. Quia uerō docentur enunciationes cōstitui, docendo eas confici ex nomine & uerbo: hoc autem doceri nō potest, nisi ex definitionib. prædicati & subiecti: siquidem omnis doctrina fit ex præexistenti cognitione quid est prædicati, quid item subiecti. Quod ipsum declarat ea qua usus est Aristoteles, docēdi ratio: ex illis enim definitionibus hanc ipsam conclusionē docuit. Cum uerō definitiones illæ tradātur in lib. Perih. ultraq̃ ipsas progredi minime liceat, quòd sunt cognoscēdi principia, quemadmodū nō licet definitiones Euclidis transcendere: initium Logicę facultatis sumendū uidetur à lib. Perih. quod quidē nobis propositū fuit ostendere. Itaq̃ patet, tantū abesse, ut quartū fundamentū opinionē eius cōprobet, ut illā etiā (nisi mea me fallit opinio) funditus euertat.

Hæc sunt, quib. nobis dissolui posse uisæ sunt doctūsimę ac subtilissimę rationes, peregregij philosophi M. Antonij Genue. A quo etiā atq̃ etiā uehementer petimus, ut hæc ipsa eo animo accipiat, quo quidem à nobis scripta sunt, hoc est beneuolētissimo, maxime q̃ cōdido. itaq̃ existimet, illā unā scribēdi causam nobis fuisse, ut ueritas, quę homini Philosopho omnib. rebus antepōnēda est, melius percipi posset.

## ANTONII BERNARDI MIRANDULANI APOLOGIÆ

LIBER TERTIVS.

*Alexandro Card. Farnesio, Vincentius Madius S. P. D.*

SECTIO PRIMA.



Antonij Bernardi Mirandulani, uiri sanē docti Cōmentariolum legi libenter, in quo uidetur existimare, decē Prædicamenta non esse Logicę facultatis partē, idq̃ subtilissimis rationibus affirmare: quam quā (ut uerē dicam) eas ipsas rationes solui posse existimo. Nam cum dicit, philosophum in Prædicamentis agere de substantia, quatenus substantia est, cum composita sit, nequit distinctē cognosci eius partib. componentibus ignoratis, materia scilicet, & forma: de quibus in Prædicamentis nullus est præcipuus sermo, cum in Metaphysica, ubi agit de substantia, quatenus substantia est, ut eius perfectam doctrinam traderet, diuisa substantia, egerit de partibus eius, et præcipuē de forma, ut patet inspicienti VII. & VIII. Metaphysicę libros. Nec obstarēt, quòd definitio quę traditur de substantia in Prædicamentis, sit etiā in Metaphysica posita, primò, quia arguere ex definitionib. acceptis in Metaphysica, librum Prædicamentorum esse Metaphysicum, esset arguere, omnem scientiā esse Metaphysicam. Nam VI. Metaphysicę,

ita

*quidem, quod demonstratur conclusio. hoc autem est, quod alicui ge-  
neri est per se. Vnum autem dignitates, dignitates autem sunt ex  
quibus. Tertium autem est genus subiectum, cuius passiones, & per  
se accidentia ostendit demonstratio.*

Nam si tria sunt quæ considerari oportet in scientijs, subiectum, passio, dignitates: qui autem considerat subiectum, is considerat. & si est, & quid est de ipso subiecto, & quid est de passione, ut patet ex primo lib. Poster. cap. primo: illud consequitur, ut qui considerat definitiones & proprietates omnium rerum, is contempletur omnia quæ scientificè possunt considerari: sed Primus philosophus hoc facit: ergo considerat omnia quæ possunt scientificè considerari. itaque cæteræ scientiæ sunt superuacaneæ: nihil enim habent proprii, quod pertractent. Sed hoc omnium esse absurdissimum, per se ipsum patet. Ergo absurdissimum est dicere id, quod dixit uir iste peritissimus: arguere ex definitionibus acceptis ex ipsa Metaphysica, librum Prædicamentorum esse Metaphysicum, idem esse, atque arguere, omnem scientiam esse Metaphysicam. esset enim id uerum, si omnes definitiones sumerentur à Prima philosophia, ut sumit liber Prædicamentorum eam quam diximus. Sed cum non sumantur, ut ostensum est, atque etiam ostenditur, falsum est id quod scribit Madius. Itaque nos sine ratione redarguit.

Ad id uerò quod assert ex sexto Primæ philosophiæ libro, ut ostendat cæteras facultates mutuari suas definitiones à Prima philosophia, respondemus, tantum quidem iudicio nostro abesse, ut illa uerba opinionem eius confirment, ut penitus etiam evertant. eo enim loco (ut ipsi quoque expositiores asserunt) ostendit Aristoteles, Primam philosophiam contemplari causas entis, atque eius principia, quatenus est ens: cum cæteræ facultates causas eorum quæ sibi subiecta sint, non entis, quatenus est ens, considerent. Vt hæc igitur Aristotelis ratio pondus habeat, illud concedendum esse uidetur, unamquamque scientiam habere proprias causas, & propria principia. aliter enim nulla uis esset illius argumenti: Cæteræ facultates causas eorum quæ sibi subiecta sunt, considerant: ergo Metaphys. causas entis, quatenus est ens, considerat. quia nos dicemus, causas cæterarum facultatum à Prima philosophia, non à particularibus facultatibus considerari. Sed cum rationem Aristotelis ualere supponatur, ergo fatendum est, cæteras facultates habere proprias causas. Id quod eo loco ostendit Aristoteles, ubi hæc scripta reliquit.

*Eorum quæ sunt, principia, hac in facultate, causæ uel quarum-  
tur, atque ut patet, ea sanè ratione, qua entia sunt. est enim quip-  
piam sanitatis, bonæq; ualitudinis causa: & Mathematicorum sunt  
etiam principia, & elementa, & causæ, atque omnino scientia o-  
mnis intellectiva, aut aliquo modo particeps intellectus, circa prin-  
cipia,*

» *cipia, causas ſue, aut exactiores, aut ſimpliciores uerſatur. Verum*  
 » *hæ omnes unum quid, genusq; quippiam exceptum ſumentes, de hoc*  
 » *ſanè, ſed non de ente ſimpliciter, neque ut eſt ens, conſiderationes*  
 » *ſuas efficiunt.*

Ergo ſcientiæ omnes cum habeant proprias cauſas, habent cauſam formalem. cauſa enim formalis eſt una ex quatuor cauſis. Atque ita apparet, Philoſophiam naturalem, & Mathematicam, habere cauſam formalem propriam. Sed cauſa formalis eſt quod quid eſt, ut patet primo libro Primæ philoſophiæ, textu decimo octauo, xix. & quinto libro, textu tertio, & ſecundo Phyſ. libro, textu uigeſimo octauo, & primo lib. de Generatione animalium, cap. primo, & ſecundo Poſter. libro, capite tertio. ergo habent quod quid eſt proprium, itaq; definitionem propriam. Definio eſt enim oratio, quæ explicat quod quid eſt. Id autem ſic confirmatur, quia cum habeant propriam cauſam intrinſecus, habent proprium propter quid, ut i. Poſter. lib. cap. xii. oſtendit Ariſtoteles,

» *Hoc enim ipſum quia ſenſibiliū eſt, inquit, ſetre, ſed propter quid*  
 » *Mathematicorum, hi enim cauſarum demonſtrationem habent.*

Quod ſi Mathematici habent proprium propter quid, habent etiam proprium quid eſt, ut libro ſecundo Poſter. docet Ariſtoteles, his uerbis:

» *In omnibus enim his manifeſtum eſt, quod idem eſt quærere quod*  
 » *quid eſt, & propter quid eſt. ut quid eſt defectus? Priuatio luminis*  
 » *à Luna, ob terræ obiectum. & propter quid eſt defectus, aut pro-*  
 » *pter quod deſicit Luna? propter defectum luminis, oppoſita terra.*

Hoc autem ex eo confirmatur, quod habent proprium propter quid, per quod demonſtrant ea quæ per ſe conueniunt ei generi, in quo uerſantur. Hoc autem eſt quod quid eſt, ut ex illo patet Ariſtotelis loco, quem ipſe recitauit:

» *Neque ullam de ipſo quid eſt rationem omnino faciunt, ſed ex*  
 » *boc partim dilucido per ſenſum factò, partim ut ſuppoſitione ſumpto,*  
 » *ea deinceps hoc pacto, quæ per ſe competunt ei generi, circa quod*  
 » *ipſæ uerſantur, aut exactius, aut melius ſanè demonſtrant.*

Ergo cum habeant proprium quod quid eſt, non ſumunt illud ab ulla alia facultate. quod enim earum proprium eſt, nulli id alij facultati conuenire poteſt. Ergo non rectè dictum eſt, ſcientias mutuari definitiones à Prima philoſophia. Itaque non uult Ariſtoteles uerbis illis, quæ recitauit Madius, oſtendere, omnes definitiones ſumi à Prima philoſophia, ſed potius contrarium. Ex hoc enim ſequeretur, reliquas facultates non habere proprias cauſas, & proprias definitiones, cōtra quàm ſuperius dixerat Ariſtoteles, ſed uult Ariſtoteles (ut ego quidem arbitror) docere, quemadmodum facultates particulares, quas dixerat uerſari in omnibus cauſis, atque ita

in eo

in eo quod quid est, se habeant ad ipsum quid est, quia hoc magis erat dubium. Hoc autem ita esse, ex eo videtur patere, quod nihil attineret eo loco mentionem ipsius quod quid est facere. quod planè etiam declarant, quæ ita subdit:

*Idcirco patet tali ex inductione substantiæ, atque ipsius quid est, demonstrationem non esse, sed quandam declarationis alium esse modum.*

Neque illud ualet, Geometria non demonstrat, circulum esse figuram, à cuius centro ad circumstantiam, & quæ sequuntur: ergo Geometria non considerat circulum esse figuram, non enim omnia quæ sunt in scientijs, demonstrantur: habent enim illæ principia indemonstrabilia, hoc est suppositiones, & definitiones, & axiomata, ut patet ex primo Poster. lib. cap. II. Illis autem uerbis Aristotelis, opinionem eius magis infirmari, quàm ullo modo comprobari, ex eo apparet, quod ita scribit Aristoteles,

*Nec ullam de ipso quid est mentionem omnino faciunt, sed ex hoc partim dilucido per sensum facto, partim ut suppositione assumpto.*

Ergo non tradit illud Aristoteles, definitiones sumi à Prima philosophia. Siquidem quæ sumuntur à sensu, & ab experientia, non sumuntur à Prima philosophia necessariò. habent enim (ut ostendimus) scientiæ suos sensus, & experientias, id quod tradit Aristoteles lib. I. Priorum his uerbis:

*Spectaliter autem secundum unumquodque sunt plurima generis principia quidem, quæ sunt circa singula. experimenti est tradere: Dico autem, ut Astrologiam quidem experientiam Astrologiæ disciplinæ. Sumptis enim sufficienter apparentibus, sic inuentæ sunt Astrologiæ demonstrationes. similiter autem circa aliam quamlibet se habet artem, & disciplinam.*

Cæteræ igitur facultates, præter Mathematicam, sua petunt principia à proprijs experientijs, & sensibus: itaq; non mutantur à Primo philosopho.

Hoc etiam apertissimè ostendit Aristoteles libro secundo Poster. ubi tradit principia scientiarum & artium haberi ex sensu & experientia: Non ergo sumuntur à Prima philosophia. Nec cum dicit haberi ex suppositione sensus, est peti à Prima philosophia, sed esse ipsa per se nota ex suis terminis, & indemonstrabilia, ut sunt suppositiones simpliciter. Itaque uerba illa Aristotelis, magis cum opinione Madij dissident, quàm consentiunt. Quæ omnia, uidelicet scientias omnes habere propria principia, quæq; habent ex suppositione, hæc non mutuari à Prima philosophia, uideretur Aristoteles undecimo Primæ philosophiæ libro, textu uigesimo quinto, ostendere his uerbis:

» Omnis autem scientia principia quædam circa unumquodq; co-  
 » rum quæ sub se cadunt, atque causas quærit: ut Medicina, ut corpo-  
 » rum exercendorum facultas, & quæq; cæterarum effectricum, Ma-  
 » thematicarumue. Nam harum quæq; genus quippiam definitum sibi  
 » assumerent, quod quidem sit in verum ratione, entisq; subeat ratio-  
 » nem, circa id ipsum uersatur, pertractationemq; facit, non tamen ut  
 » ens est, entisq; subest rationi. Ad hæc alia quædam est scientia,  
 » præter illas, dictarum autem quæq; scientiarum ipsum quid est ali-  
 » quo modo in unoquoq; modo, genere, reliqua melius, aut exactius de-  
 » monstrare conatur. Sumunt autem quid est, aliæ per sensum, aliæ sup-  
 » ponentes. Quæ propter & ex tali patet inductione substantiæ, & ip-  
 » sius quid est, demonstrationem non esse.

Si omnis igitur scientia quærit principia, & causas in unoquo-  
 que eorum quæ ad se pertinent, non sumit illa à Primo philosopho:  
 non enim quæreret id, quod esset alterius scientiæ proprium. Nam,  
 ut ait Aristoteles I. Posteriorum lib.

» De non Geometricis, in Geometria non est disputandum.

Et libro primo Cæli:

» Scientia de natura ferè plurima uidetur circa corpora, & ma-  
 » gnitudines, & horum existentes passionēs, & motus. Adhuc autem,  
 » & circa principia quæcunq; talis substantiæ sunt. natura enim con-  
 » stantium hæc quidem sunt corpora, & magnitudines, hæc autem prin-  
 » cipia habentium sunt.

Proprias item causas esse philosophi naturalis, confirmant ea quæ  
 scripta sunt apud Aristotelem libro septimo Primæ philosophiæ,  
 textu XXXIII.

» Huiusce enim gratia, inquit, de sensilibus etiam substantijs ente-  
 » mur definire. Nam facultatis naturalis, secundæq; philosophiæ of-  
 » ficiū est, aliquo modo contemplari, quæ circa substantias sensui sub-  
 » iectas uersantur. non enim de materia solum, sed de substantia etiam,  
 » quæ ad rationem accommodatur, ac magis philosophum naturalem  
 » cognoscere oportet.

Et libro secundo Physicorum:

» Amplius eorum quæ sunt ad aliquid, materia est, in alia autem  
 » specte alia materia usque ad quintum: ergo Physicum oportet cogno-  
 » scere speciem, & quod quid est, aut quemadmodum Medicum ner-  
 » uum, & fabrum æs usq; quod. cuius enim causa unumquodque, & circa  
 » hæc quæ sunt separabilia, species in materia. homo enim generat ho-  
 » minem ex materia, & Sol.

Et textu LXX.

Quoniam

Quotiam autem causæ quatuor sunt, de omnibus erit Physici co-  
gnoscere, & in omnes inducens propter quod, demonstrabit Physicæ  
materiam, speciem mouentem, & quod est unius causa.

Et XI. Primæ philosophiæ libro:

Atque cum ipsum quid est unamquamque scientiam aliquando scire  
necesse sit, atque hoc principio uti, non lateat oportet, quoniam modo de-  
finiendum sit philosopho naturali.

Idem etiam uidetur ostendere libro quarto Primæ philosophiæ,  
ubi hæc scribitur:

Attinet autem ad eum qui maxime circa unumquodque genus  
cognoscit, affirmare firmissima rei principia posse. Quare & ad  
eum esse pertinet omnium posse firmissima principia assignare, qui  
de hisce quæ sunt, ut entia sunt, cognoscit. atque hic est ipse phi-  
losophus.

Si ex eo igitur quod particulares facultates constituunt sua prin-  
cipia, notissimum probat, ita esse de Prima philosophia, ut illa prin-  
cipia non sumantur à Prima philosophia. Nam particulares scien-  
tiæ non possent constituere firmissima rei principia: hoc enim ad  
Primam philosophiam spectaret, à qua hæc ipsa principia petita es-  
sent. ergo falsum diceret Aristoteles, neque ex eo posset ostendere,  
Primi philosophi esse, principia communia confirmare, quod sua  
quisque particularis artifex principia confirmat, nisi hi ipsi artifices  
ad hunc modum confirmarent. nullam enim planè uim haberet  
hæc ratio. Item Mathematica & philosophia naturalis sunt scien-  
tiæ diuersæ à Prima philosophia, ergo principia earum non sumun-  
tur à Prima philosophia. Probatur id quod consequitur, ex uerbis  
Aristotelis lib. I. Posteriorum:

Diuersæ uero, inquit, scientiæ sunt, quarum principia non sunt ex  
eisdem, nec ex unius principijs principia proficiuntur alterius.

Si enim sumerentur ea principia à Prima philosophia, non es-  
sent diuersæ scientiæ. Sed hoc falsum est: ergo neque uerum id,  
quod à Madio dicitur. Præterea eodem libro Posteriorum Aristo-  
teles inquit,

Monstratum enim, scientiarum, quæ genere differunt, prin-  
cipia diuersa genere.

Quod quidem esset falsum, si peterentur à Prima philosophia.  
Hoc item ex eo intelligi potest, quia si facultates (ut Madius asserit)  
mutuarentur sua principia à Prima philosophia, atque alio modo con-  
siderarent, ut in ordine ad opus, sequeretur ut essent omnes sub ipsa  
Prima philosophia, quod quidem falsum est. Aristoteles enim libro  
sexto Primæ philosophiæ:

Quapropter, inquit, philosophiæ tres erant contemplatrices,  
 Mathematica, Naturalis, Theologia: non enim essent tres con-  
 templativæ.

Sin autem easdem res eodem modo considerarent, essent omnes ipsa Prima philosophia. Id autem uidetur ostendere Aristoteles lib. I. Poster. his uerbis:

Si uero aliter quodammodo dicat aliquis, quod hæc quidem Geometria, aliæ uero syllogismorum, aliæ uero Medicinæ, quid utique erit aliud quod dicitur, nisi quod sunt principia scientiarum. sed eadem dicere, derisio est: quoniam eadem eisdem eadem essent, omnia namque sic erunt eadem.

Quibus quidem uerbis ostendit Aristoteles, si principia sint eadem, easdem esse & conclusiones, itaque omnia omnino esse eadem. Quod si principia quæ sunt in omnibus facultatibus, sint Primæ philosophiæ: conclusiones item erunt ipsius Primæ philosophiæ, atque ita omnes facultates erunt Prima Philosophia: quod quidem planè falsum est, propter eam quam attulimus rationem. Id quoque luce clarius (nisi mea me fallit opinio) uidetur ostendere Aristoteles lib. I. Posteriorum, ubi ita scribit:

Sunt autem, quibus utimur in demonstratiuis scientijs, alia quidem propria uniuscuiusque scientiæ, alia communia: Propria quidem, ut lineam esse huiusmodi, & rectam: Communia autem, ut æqualia ab æqualibus stauferas, quod æqualia reliqua sunt.

Ergo ea quæ sunt propria Mathematicæ, non possunt conuenire Primæ philosophiæ, quia non essent propria ipsius Mathematicæ, itaque falsum esset quod tradit Aristoteles. Hæc autem propria principia Mathematicæ sunt definitiones recti & trianguli, quæ quidem conuenire non possunt Primæ philosophiæ. Nam quod alicuius proprium est, hoc illi uni conuenit, & semper.

Huiusmodi autem principia esse definitiones, constat ex ijs quæ tradit Aristoteles lib. I. Posteriorum:

Dico autem principia, inquit, in unoquoque, quæ cum sint, non contingit demonstrare. Quid igitur significent principia, & quæ ex his sunt, accipiendum est. Quod autem sint principia, necesse est accipere, alia uero demonstrare, ut quid unitas, & quid rectum, & quid triangulus. esse autem unitatem, accipere magnitudinem, altera uero demonstrare.

Definitio igitur unitatis, cæterorumque, quæ dictæ sunt definitiones, sunt principia. Amplius propositio illa, omnem doctrinam & disciplinam fieri ex antecedente cognitione, quid est passionis, quid & quia subiecti, & quia dignitatis, uidetur hoc idem ostendere, definitiones scilicet esse in scientijs. sunt enim antecedentes



tes cognitiones, ex quibus oritur scientia. Cum uerò singularum scientiarum singula principia propria sint, sequitur omnino, definitiones, quæ sunt principia, esse proprias definitiones: non ergo pertinent ad Primam philosophiam. Item primo libro Posteriorum ita scribit Aristoteles,

*Definitio est positio, positio autem principium demonstrationis.* 66

Et secundo libro:

*Definitiones sunt principia demonstrationis.* 66

Præterea textum illum Aristotelis lib. V. I. Primæ philosophiæ:

*Primo nullam ipsarum facere rationem, & quæ sequuntur:* 66

Non esse ita simpliciter accipiendum, ostendit ipse Aristoteles lib. I. de Anima, cuius hæc sunt:

*Inquirimus autem considerare, & cognoscere naturam ipsius, & substantiam, postea quæcunque accidunt circa ipsam.* 66

Ac mox subdit:

*Videtur autem non solum quod quid est cognoscere, utile esse ad speculandum causas accidentium in substantijs, sicut in Mathematica, quid rectum, & quid obliquum, & quid linea, & quid planum, ad cognoscendum, quod rectis trianguli anguli sunt æquales, sed & conuerso accidentia conferunt magnam partem ad cognoscendum quod quid est.* 66

Illud ergo sentit Aristoteles, scientias agere de ipso quod quid est. quæ tamen uerba recto sensu accipienda sunt, ut scilicet dicat Aristoteles neque scientias agere de ipso quod quid est à priori, quod nusquam fieri potest: neque illius, ut tale est, esse demonstrationem uel à priori, uel à posteriori, propterea quod in eo non dicitur aliquid de aliquo, aut loquatur de definitionibus ijs, quæ tanquam principia cognoscendi supponuntur in aliqua facultate, ut in Mathematica. De quibus illud uerè dicitur, nullam earum esse rationem, sed alium quendam modum. ac de his fortasse loquens Aristoteles in libro de Anima:

*Omnis enim, inquit, demonstrationis principium est, quod quid est.* 66

Quod item uidetur tradere lib. II. Poster. his uerbis:

*Est autem quorundam quidem altera causa, quorundam autem non est. quare manifestum, quod quid est, alia quidem sine medio & principia sunt, quæ & esse, & quod sint, supponere oportet, aut alio modo manifesta facere. quod uerè Arithmetica facit: & nam quid est unitatem supponit, & quia est.* 66

Idem & paulo infra:

*Sed habentium medium, & quorum est quædam altera causa substantiæ, & per demonstrationem, sicut dictum est, ostendere, non quod quid est demonstrantes.* 66

Atque ita uerum est, quod ait Aristoteles:

- » Simili modo sit ne, an non sit genus id, in quo uersatur, tradere, u-  
 » numquens artificem uideri, propterea quod eiusdem est mentis, &  
 » an sit quippiam, declarare, & quod quid est.

Nam cum definitiones, hoc est ipsum quid est, principium est cognoscendi, supponitur etiam an sit: propterea quod qui supponit, unitatem esse indiuisibilem secundum quantitatem, supponit etiam, unitatem esse. Nisi enim suppositum esset, unitatem esse, supponi non posset, unitatem esse indiuisibilem secundum quantitatem. Verba igitur Aristotelis uidentur ob eas, quas attulimus, rationes, accipienda esse hoc sensu, nec quemadmodum uidetur accepisse Madius. Atque hæc est illa interpretatio, quam primo libro, Sectione septima, polliciti sumus, nos tertio libro esse tradituros. Quod si quis aduersus ea quæ diximus, illud asserret, necesse esse, à Prima philosophia has pertractari definitiones, quod ipsa causas entis, quatenus est ens, contemplatur: hæc autem definitiones sunt huiusmodi causæ, quia unumquodque habet ipsum esse ex quiditate. Qua quidem ratione fortasse adductus est D. Thomas in libro sexto Primæ philosophiæ, ut existimaret, scientias particulares nullam mentionem, id est determinationem facere de eo quod quid est, hoc est de quiditate rei, & de definitione, quæ ipsam quiditatem significat, quanquam in eisdem uerbis minus sibi uidetur constare, cum aliàs dicat, Scientias facere suum quod quid est manifestum per sensum: sicut scientia quæ est de animalibus, accipit quid est animal per id quod apparet sensui, id est per sensum & motum, quibus animal à non animali discernitur. Aliàs uerò scientiam accipere quod quid est per suppositionem à aliqua alia scientia, sicut Geometrica accipit quid est magnitudo à Primo philosopho, & sic ex ipso quid est noto per sensum, uel per suppositionem, demonstrat proprias passionem.

Ex eius igitur uerbis, ut quæ scientiæ petunt à sensu suum quod quid est, hæc non putant à Prima philosophia. Nam ponit differentiam inter scientias, sentientes eas facultates quæ sumunt ex suppositione suum quod quid est, sumere illud à Prima philosophia: ergo falsum est, omne quod quid est sumi à Prima philosophia, atque ad ipsam Primam philosophiam pertinere, ut dixerat. Sed ut cunque sit, ad hæc ita nos respondemus, fieri posse, ut eadem sint causæ entis quatenus est ens, & entis in particulari ut est ens particulare: non tamen idem esse, tractare eas quatenus sunt causæ entis simpliciter, & ut sunt causæ entis in particulari. aliter enim aut Naturalis & Prima philosophia non essent facultates distinctæ, aut altera esset superuacanea.

Sed quoniam ex eis quæ à nobis primo libro dicta sunt, omnia hæc patent, nihil attinet plura de hac re in medium asserre.

Constat

Constat igitur, facultates particulares non sumere à Prima philosophia definitiones, ut ad se pertinent: id quod nobis propositum fuit ostendere.

Neque uerò huic nostrae sententiae uidetur repugnare, quod libro III. Primae philosophiae ita scribit Aristoteles:

*Patet, impossibile esse, simul idem esse, atque non esse eundem existimare. habebit enim contrarias opiniones simul perfectò, qui circa hoc est deceptus. Quapropter omnes qui demonstrant, ad hanc opinionem ultimas demonstrationes reducunt. haec enim principium est naturae ceterarum omnium dignitatum.*

Nam Interpretes ipsi ita hunc locum exponunt, ut nihil meam illam opinionem infirmet. Alexandri enim haec sunt:

Quòd uerò Aristoteles ait, hoc dignitatum seu sententiarum principium esse, non sic accipi debet, quasi principium sit earum demonstrandi, cum sententiae demonstratione non indigeant: tunc enim non essent sententiae, nec principia, sed quoniam saepe ad illarum confirmationem & fidem, hac praeterea sententia utimur. Confirmantes enim, quae sunt eidem similia, inter se quoque similia esse assumimus. aliter enim non essent inter se similia, ne uni quidem cupiam eidem similia fuerunt: sed potius illi erant dissimilia, quemadmodum inter se. At positum erat, esse illi similia. eadem igitur eidem & similia, & non similia erant. Quò sermonem referentes, ut ad id quod fieri non posse constat, opem tulisse putamus sententiae dicenti, Quae sunt eidem similia, inter se quoque similia sunt.

Itaque Alexander unus ex ijs Aristotelis interpretibus, cui ad unum omnes plurimum tribuunt, haec à nobis rejicit.

Nec item uidetur ob stare locus ille Posteriorum:

*Quare ex his manifestum est, quòd non sit demonstrare unumquodque simpliciter, sed secundum quod ex proprijs uniuscuiusque principijs, sed eorum principia butus modi commune.*

Nam aut idem fortasse hoc loco tradit, quod loco citato libri quarti Primae philosophiae: aut sensus est, habere principia demonstrationum commune, id est communem facultatem, quae est Dialectica, ut exponit etiam Linco. utque ipse testatum reliquit primo Topicorum libro, ubi ostendit, habere uiam Dialecticam ad principia. Neque item contra facit, quòd ita scribit libro primo Philosophiae:

Sicut Geometriae non amplius ratio est, ad destruendam principia sua, sed aut alterius est scientiae, aut omnibus communis. Eodem enim modo, quo superiora loca, interpretantur.

MAD.



Ecundo, esto quòd eandem definitionem Primæ substantiæ in Metaphysica posuerit, quam etiam in Prædicamentis posuit: admonet tamen in septimo Metaphys. illam insufficientem esse, cum materiæ etiam conueniat. etenim materia nec in subiecto est, nec de subiecto dicitur. Vnde uti Metaphys. philosophus in septimo, hæc dimissa subdit, etenim separabile, & hoc aliquid inesse uidetur maximè substantiæ. In Prædicamentis uerò illam primæ substantiæ definitionem, tanquam Logico sufficientem admittit, qui primam substantiam non secundum se considerat, sed in ordine & apparatu ad propositionem. Nam propter hoc, quòd substantia prima non est in subiecto, nec de subiecto dicitur, habet Logicus primam substantiam, ita in propositione esse subiectum, & nullo modo prædicatum esse posset, quod erat eius propositum.

ANTO.

Hæc uerba (quod pacenti uiri dicere liceat) multas mihi uidentur habere difficultates. Ac primum quidem, quòd illam ego substantiæ descriptionem attuli, substantiam non esse in subiecto: quam uerò ipse recitat, hæc est, substantiam non dici de subiecto: quæ descriptiones maximè inter se differunt, ut notum est. Cum autem non ostendat Aristoteles descriptionem illam, quam ego posui, non esse idoneam: sequitur, ut nihil contra nos faciat. Præterea ut imperfecta sit illa descriptio substantiæ, tamen non sequitur, ut non sit Primæ philosophiæ: quia si ex hoc argumentaremur, etiam non esse Primæ philosophiæ: sequeretur, ut hæc, Homo est animal, non esset philosophiæ naturalis. est enim imperfecta hominis definitio, quippe quæ conuenit asino & boui. Attamen est ipsius philosophiæ naturalis, ergo nihil nostra infirmatur argumentatio. Sed ut conueniat materiæ quoque huiusmodi descriptio substantiæ, sequitur, ut ad Primam philosophiam pertineat. nam materia ab ipsa etiam Prima philosophia tractatur, itemque ea quæ ipsi materiæ conueniunt, quod nos primo huius Apologiæ libro clarissimè demonstrasse putamus. Huiusmodi autem descriptio (ut ait Madius) conuenit materiæ, ergo ad Primam philosophiam pertinet.

Idque ex eo facile constat, quòd hac definitione utitur Aristoteles septimo Primæ philosophiæ libro, ad ostendendum, uniuersalia non esse substantias, quod quidem proprium est ipsius Primæ philosophiæ munus: quare nullo modo excluditur à Prima philosophia. Aliter enim sequeretur omnino, ut Aristoteles non rectè illam conclusionem ostendisset: quod quidem quàm absurdum sit, neminem latere arbitror. Hanc etiam descriptionem posuit Aristoteles quinto libro Primæ philosophiæ, quo loco etiam ex eius exppositorum sententia distinguuntur ea, quæ considerantur à Prima philosophia.

Sed

Sed quando uideo homines (ut nunc quidem est) maiorem Aristotelis Interpretibus fidem habere, quam ipsi Aristoteli, arbitratum sum non esse alienum, nonnullorum ex ipsis Interpretibus auctoritate nostram opinionem confirmare, ut intelligant, quinobis penitus aduersantur, uel eos cum ipsis dissidere, quos tamen ipsi tueri conantur. Alexander igitur, omnium Græcorum interpretum facile princeps, in libro septimo Primæ philosophiæ: Præterea, inquit, substantia uocatur, quæ de nullo subiecto dicitur, ut in Prædicamentis demonstratur: uniuersale autem de subiecto dicitur: uniuersale igitur non est substantia. Quibus sanè uerbis ostendit, Aristotelem uti ea definitione, quam in Prædicamentis tradidit ad cognoscendum aliquid, quod Primæ philosophiæ proprium est: ergo huiusmodi medium est Primæ philosophiæ, conclusio enim non esset Primæ philosophiæ. Quod si dicat Madius, Logicum uti ea definitione in Prædicamentis, ad cognoscendum id quod ipse dixit, cum ponit tanquam manifestum, quod ostendendum esset, est enim id de quo disputatur: tum etiam dissentit ab Aristotele, qui utitur illa definitione ad cognoscendum, an aliquid sit substantia.

Falsum quoque illud esse, non modo commentitium, Logicam agere de substantia, ut subiectum est in ordine ad propositiones, satis (ni fallor) ex nostro libello intelligi potest. Ostensum est enim, Logicum, ut Logicus est, docere constituere propositiones ex terminis communibus, qui termini sunt extra prædicamenta: non autem constituere ex eis terminis, qui sunt in Prædicamentis. Quod si dicat Madius, Logicum conficere propositiones ex terminis eis qui sunt in Prædicamentis, diluendæ fuerunt rationes eæ, quibus mihi quidem sum uisus planè ostendere, hoc esse falsum. Sed cum illæ nullo modo infirmatæ sint, minimè dicendum uidetur, Logicum ex eis quæ dicta sunt, elicere, substantiam esse subiectum, non prædicatum. ex ea enim nullam constituit propositionem. ac tamen peti à Prima philosophia definitionem subiecti & prædicati, uti reliquas suas definitiones, tamen ignorat, substantiam esse prædicatum, aut subiectum: quemadmodum etiam non scit, animal esse genus, aut hominem speciem, ut libello nostro ostensum est, ad quem me reficio.

Præterea dicat mihi uir iste præclarus, quid intersit inter hæc, prima substantia est separabilis, atq; hoc aliquid esse uidetur: & hæc, substantia autem, quæ propriè & principaliter & maximè dicitur, est, quæ neque de subiecto aliquo dicitur, neq; in subiecto aliquo est, nulla enim uidetur esse differentia, ut declarauit Aristoteles in Antepædicamentis, ubi dixit:

*Alia uerò neque in subiecto sunt, neque de subiecto dicuntur, ut aliquis homo, aliquis equus. Nihil enim horum neque in subiecto est, neque de subiecto dicitur. Simpliciter autem, quæ ea sunt*

- » sunt indiuidua, & numero singularia, de nullo subiecto dicuntur, in  
 » subiecto autem nihil prohibet ea esse: quædam enim Grammatica in  
 » subiecto est.

Nam si indiuidua substantiæ sunt ea quæ sunt separabilia, & hoc aliquid: quæ uerò neque sunt in subiecto, neque dicuntur de subiecto, sunt indiuidua substantiæ, ut patuit: ergo quæ neque sunt in subiecto, neque dicuntur de subiecto, sunt separabilia, & hoc aliquid. Itaque dicendo, primam substantiam non esse in subiecto, neque dici de subiecto, dicitur, ipsam primam substantiam esse separabilem, & hoc aliquid. Non ergo rectè dixit Madius, alteram esse Logici, alteram Primi philosophi. Id autem confirmatur ex eo, quòd in Prædicamentis ita scribit Aristoteles,

- » Omnis autem substantia uidetur hoc aliquid significare, & in  
 » primis quidem substantijs indubitabile est, & uerum est: quoniam  
 » hoc aliquid significat, indiuiduum enim est, & unum numero quòd  
 » significatur.

Ergo in Prædicamentis illud idem dixit, de prima substantia, quod in Prima philosophia, nempe illam esse hoc aliquid, & separabilem, quod est uerum, nec non significatur. Non enim Aristoteles septimo Primæ philosophiæ libro posuit, materiæ conuenire definitionem illam, non esse in subiecto, neque dici de subiecto, nam ita scribit:

- » Nunc igitur dictum est quasi figura, quid nam sit ipsa substan-  
 » tia, ubi diximus, id esse quod non de subiecto dicitur sed quo de ea  
 » terra prædicatur.

Hoc tamen loco illud prætermittendum non uidetur, definitio- nem eam septimo Primæ philosophiæ libro, quam Madius attribuit primæ substantiæ, tanquam perfectam, non uideri esse ita perfectam, ut ipse ait: quoniam Aristoteles eo loco uidetur dicere, illam conuenire formæ.

- » Ex his igitur, inquit, consideratis fit, ut materia substantia sit: at  
 » esse non potest, etenim separabile, & hoc aliquid, substantiæ maximè  
 » uidetur competere. Quapropter forma, et id quod ex utrisque constat,  
 » substantia magis quàm materia uidebitur esse.


Ex hoc ergo, quòd substantiæ maximè conueniat separabile, & hoc aliquid esse, uidetur Aristoteles inferre, formam & compositum esse magis substantiam, quàm materiam. Id quod confirmatur uerbis illis v. lib. Primæ philosophiæ, tex. xv.

- » Præterea quidditas, ratio cuius est definitio, & hæc cuiusque  
 » substantia dicitur. Fit igitur, ut substantia modis duobus dicatur:  
 » ipsum inquam subiectum ultimum, quod non ulterius de alio dicitur,  
 » & id quod hoc aliquid, ac separabile est: tale autem est uniuscuius-  
 » que species, atque forma.

Videtur

Videtur ergo illa definitio convenire formæ, itaq; quemadmodū definitio ea, quam tradidit Aristoteles in Prædicamentis, nō est perfecta (ut ait Madius) quia convenit materiæ: sic ea, quam dicit ipse perfecte cōvenire primæ substantiæ, non erit perfecta. cōvenit enim ex Aristotelis sententia formæ, quæ forma non est prima substantiā. Non videntur igitur probanda esse, quæ de hac re dicit Madius, tum ob eam quam attulimus rationem, tum quia nullam de verbis Aristotelis, quæ ego recitavi, fecit mentionem.

SECTIO III.

 Imiliter non obstat quod dicitur, proprietates substantiæ in Prædicamentis positas, esse substantiæ, ut substantia est, cum philosophus eas consideret in ordine ad prædicat. o nem: idq; patet, inspicienti ea quæ in Antepædicamentis scribuntur, quæ gratia Prædicamentorum præposita esse nullus dubitat. At ibi expresse omnia principaliter in ordine ad propositionem scripta esse, liquidō patet.

MAD.

ANTO.

CAL.

Hæc verba summam habent difficultatem, quorum duplex videtur afferrī posse sensus. Nam primò videtur Madius concedere, proprietates substantiæ convenire substantiæ, quatenus est substantia: negare autem, ex hoc inferri licere, substantiam, ut est substantia, tractari, quod philosophus eas ipsas proprietates in ordine ad propositionem tractet. sed hoc (meo quidem iudicio) falsum est. Nam si proprietates illæ conveniunt substantiæ, ut substantia est, ibi agitur de substantia, ut est substantia. sic enim quicque tractari dicitur, quomodo quidem de eo ostenduntur proprietates. At de substantia (ut videtur concedere Madius) quatenus est substantia, ostenduntur passionēs: ergo ipsa substantia tractatur. Quod si ita est, non tractatur in ordine ad propositionem: substantia enim ut substantia, non refertur ad propositionem, sed illi accidit, ut ex ipsa fiat propositio. Neq; uerò illud dici potest, substantiam his duobus modis eo loco tractari. non enim fieri ullo modo licet, ut idem in eadem doctrina duobus modis tractetur, qui modi per se ad diversas facultates pertineant. Deinde proprietates quæ substantiæ cōveniunt, quatenus est substantia, perspicuè declarant, substantiam ibi tractari nō posse, nisi quatenus est substantia.

Quod uerò ad alterum sensum attinet, qui ex illis Madij verbis elici potest, ut non concedat, proprietates illas cōvenire substantiæ, quatenus est substantia, sed sentiat convenire substantiæ, ut refertur ad propositionem: hoc apertissimè refelli videtur ex eo, quod proprietates illæ (ut quarto libro nostro demonstrabimus) ostenduntur de ipsa substantia, ut substantia est, eodemq; modo de reliquis omnibus generibus. Quare substantia non potest aliter tractari, nisi ut est substantia.

Illas autem proprietates convenire substantiæ, ut substantia est, facile constat ex illis Aristotelis verbis:

Maximè

- „ *Maximè uerò substantiæ propriū esse uidetur, quod cū unum & idē*  
 „ *numero sit, cōtrariorū susceptibilē esse: & in alijs nō habebit quisquā*  
 „ *quod tale proferat, quæcūq; nō sunt substantiæ. quod cum sit unum*  
 „ *& idem numero, susceptibile contrariorum erit.*

Quod si hæc proprietas nulli alij generi cōuenit, præter substantiam, conuenit substantiæ, quatenus est substantia: itaq; substantia ipsa tractatur, ut substantia. eo enim modo tractatur, quo modo de ea ostenduntur passionēs. Quod si tractatur ut substantia, tractari non potest, ut refertur ad propositionem.

Præterea hæc ipsa proprietas conuenit ei, ut est ex parte rei. nam suscipere contraria, non est nisi ex parte rei: ergo nō conuenit, ut refertur ad propositionem. Quid: hoc ipsum iam dici liceret de omnibus conclusionibus, quæ in cæteris sunt facultatibus, ut in Geometria: nempe conclusionem hanc, Triangulus habet tres angulos æquales duobus rectis, tractari, ut refertur ad propositionē, eodemq; modo de reliquis conclusionibus. Quod si dicatur, hoc dici de substantia, propterea quod hic liber est in Logica: hoc uerò fuerit ponere, tanq; manifestum, id de quo omnis est disputatio.

Præterea hanc Madij opinionem infirmant atq; euertunt omnia, quæcūque à nobis allata sunt, ut ostenderemus, Logicum non tractare huiusmodi propositiones. Quod uerò subiungit, Idq; patet inspicienti ea quæ in Antepredicamentis scribuntur: Et hoc nobis maxime uidetur à ueritate abhorrere. siquidem nostro libello ostendimus, ea ipsa esse primi philosophi, ibiq; ab Aristotele tradita esse, ut ostenderet substantiæ proprietates. Quod si dissoluisset Madius rationes eas, quas attuli ad probandum contrarium, nihil profectò repugnauiſsem: sed cum minimè dissoluerit, ut legenti patet, mirum uideri non debet, si negauimus ea quæ dixit.

#### SECTIO IIII.

MAD.



Id quod ex ipso etiam substantiæ prædicamento conuincitur. nam quia omni substantiæ commune est, in subiecto non esse, nulla substantia prædicabitur denominatiuè. Item quia substantiæ nihil est contrarium, si substantia prædicabitur, prædicatio essentialis erit: Si uerò quod de aliqua substantia prædicabitur, contrarium habet, denominatiuè, & non essentialiter prædicabitur. Item quia substantia non suscipit magis & minus, etiam non prædicabitur secundum magis & minus. Item quia proprium est substantiæ subiectum esse contrarium, in substantia fieri possunt propositiones contrariæ: ut homo est albus, homo est niger. In hoc autem uersari superfluum duco, quandoquidem legenti totum caput de substantia, ubique comprehendatur, Aristotelem de substantia agere in ordine ad propositionem, Et ita in ordine ad ueritatem & falsitatem.

ANTO.

Equidem nobis hæc Madij uerborum Aristotelis interpretatio maximam



maximam attulit admirationem. huiusmodi enim proprietates ex parte rei conuenire substantiæ, quæ obsecro, cuiquam in dubium uenire potuit, qui non modo proprietates ipsas, sed rationes, quibus ostendit Aristoteles eas conuenire substantiæ, paulo attentius considerasset: Nemini tamen mirum fuerit, si de hac re pluribus uerbis disceremus, id enim omnino res ipsa flagitat. Cum igitur dixerit Aristoteles, illud conuenire substantiæ, ut nihil ei sit contrarium, idem confirmauerit uerbis illis:

*Primæ enim substantiæ quid erit contrarium? ut alicui homini, uel alicui equo: ut uerò ne homini, nec equo aliquid est contrarium.*

Constat eum loqui de re. his enim uocibus alicui homini, uel alicui equo, notat indiuiduum, quod est in re. nam ea, qua utitur, confirmatio, non potest esse uera, nisi ratione rei. Quare illa conclusio, Substantiæ nihil est contrarium, idcirco uera est, quod ita est in re. Non ergo sensus est, si substantia prædicabitur, prædicationem fore essentialem: hoc enim, ut fatetur Madius, non est ratione rei, propterea quod est in ordine ad propositionem.

Præterea falsum est, substantiam, si prædicetur, essentialiter prædicari: quia uerum est dicere, album est lignum: tamen hæc prædicatione est accidentalis, ut cum multis alijs locis testatum reliquit Aristoteles, tum uerò maximè primo libro Posteriorum.

A nobis item maximè uidetur facere, quod ita subdit Aristoteles:

*Hoc non est substantiæ proprium, ut quantitatis bicubito, uel tricubito nihil est contrarium: at uerò nec decem, nec alicui talium.*

Nam si horum uerborum idem foret sensus, quem superiorum putat esse Madius, illud diceret Aristoteles, si quantitas prædicetur, prædicationem fore essentialem: nam harum uocum Quantitati nihil est contrarium. Vel sensus est, quem nos diximus: uidelicet eam rem, quæ est quantitas, nullum in se habere contrarium. quod idem intelligendum est de substantia. Vel si quantitas prædicatur, huiusmodi prædicationem esse essentialem, quod quidem prorsus à uero alienum esse constat: cum secundum naturam dicamus, hominem esse longum, latum, profundum, quæ tamen prædicatione est denominatiua, non essentialis.

Hoc item (meo quidem iudicio) confirmare uidetur, quod tradit Aristoteles in Prædicamento qualitatis, qualitati inesse aliquid contrarium. hic enim quaero, an sensus sit, ei rei quæ est qualitas, aliquid esse contrarium, ut caliditatem, & frigiditatem: quæ quidem contraria dicuntur, quod contra se mutuò & agunt, & patiuntur. hæc enim sunt contraria, ut ostendit Aristoteles libro primo de Generatione & corruptione, his uerbis:

*Sed quoniam non quodque aptum est pati, & facere, sed quæcumque aut contraria sunt, aut contrarietatem habent.*

Ac paulò infra,

- ” *Huius autem causa, quoniam contraria in eodem genere omnia,*  
 ” *ficiunt autem, & patiuntur contraria ad inuicem.*

Quæro igit, an hoc sibi uelint uerba Aristotelis, In qualitate esse huiusmodi contrarietatem: quia qualitates in se inuicem & agunt, & patiuntur. Quod si hic sensus est eorum quæ tradidit Aristoteles de qualitatibus contrarietate, ut ex ipsius quidem uerbis facile constat, ita etiam accipiendum uidetur illud de substantia, substantiæ nihil est contrarium, ut ostendat, nihil in re contrarium esse substantiæ: quia substantia non est apta uel ad agendum in substantiam, uel ad patiendum ab ipsa substantia. Atque hunc quidem esse uerborum Aristotelis sensum, patet ex eis quæ libro secundo de Generatione & corruptione, textu uigesimo secundo ita scribit,

- ” *Et extrema quidem sincerissima, ignis & terra: media autem mi-*  
 ” *xta magis, aqua & aer. & utraque utrisque contraria, igni quidem*  
 ” *est contrarium aqua, aëri autem terra: hæc enim ex contrarijs pas-*  
 ” *sonibus constituta sunt.*

Non igitur uoluit, substantiam, quatenus est substantia, esse contrarium substantiæ: sed substantiam dici contrariam substantiæ, quia scilicet constituta est ex contrarijs passionibus.

Et textu uigesimo quarto,

- ” *Elementa autem, inquit, omnia habent contrarietatem, quia diffe-*  
 ” *rentiæ contrariæ sunt.*

Et eodem libro, textu trigesimo nono,

- ” *Terra quidem aëri, igni uero aqua contraria est, ut cōtingit sub-*  
 ” *stantiam substantiæ esse contrariam.*

Ex quibus constat, uerum esse quod diximus. non enim extrema hæc uerba addidisset Aristoteles, nisi ita sensisset, substantiam non esse contrariam substantiæ, nisi ratione qualitatis.

Aut illud, Qualitati est aliquid contrarium, sic interpretandum est, ut dicat Aristoteles, qualitatem, si prædicetur, non prædicari essentialiter. sed hic sensus, præterquam quod nihil ad rem facit, præterea discrepat ab ijs quæ mox Aristoteles, ut quid ipse dicat, magis appareat, ita subdit:

- ” *Vel dicitur, ut iustitia iniustitiæ, albedo nigredini.*

Quod enim iniustitia dicitur contraria esse iustitiæ, & albedo nigredini, hoc est ex parte rei: neque illud designat, iustitiam, aut albedinem, si prædicetur, non prædicari essentialiter. Si enim dicat aliquis, quod de aliqua substantia prædicetur, si contrarium habeat, id denominatiue, non essentialiter prædicari: ut hoc ita sit, tamen falsum est, cum prædicatur absolute, non prædicari essentialiter.

Qui quidem sensus sequitur ex eo sensu, quo accipitur illud, substantiæ nihil est contrarium: id est si prædicatur, prædicatur essentialiter.

rialiter. at si aliquid habet contrarium, & prædicatur, prædicatur accidentaliter. Ergo neq; ad rem facit, quod hoc loco ait Madius, & à uero alienum est: immò unum prædicatur de altero. Iustitia enim, ut patet, non prædicatur de iniustitia. Itaque quod dicitur, Substantiæ nihil esse contrarium, hoc ualet, ita esse ex parte rei: non illud, substantiam, si prædicetur, prædicari essentialiter.

Præterea falsum est, qualitatem, si prædicetur, non prædicari essentialiter. nam si color prædicatur de albedine, huiusmodi prædicatio essentialis est, & per se. color enim aliquo modo est in quod quid est ipsius albedinis. Quare si falsum est, colorem non prædicari essentialiter de albedine, non est hic sensus illius conclusionis: ergo neque erit conclusionis illius de substantia. contrarietates sunt enim eiusdem rationis. Nam quo modo consideratur unum prædicamentum, ita consideratur & aliud.

Amplius, cum Aristoteles in Prima philosophia, & in naturali utitur hac proprietate, substantiæ contrariam non esse substantiam, ut ostendat, in substantia non esse motum, utitur ibi hac ipsa proprietate, ut est in re, ergo & in Prædicamentis. Quod ita confirmatur, quia hanc proprietatem tradit Aristoteles tantummodo in Prædicamentis: nusquam enim alibi docet. Itaque debet accipi loco superius citato, ut declaratur in Prædicamentis: efficeret enim Aristoteles dubium dubio. At libro quinto Physicorum, constat accipi prout est in re, ergo itidem in libro Prædicamentorum, & in libro de Generatione & corruptione, ubi ait, elementa non esse contraria: & libro primo Physicorū, quo loco tradit principia esse contraria, & non esse contraria.

Præterea quid obstat, quo minus hoc dici posset, illam conclusionem eodem sensu accipi in Prima philosophia, & in naturali, quo accipitur in Logica: atq; ita illud idem sequeretur, quod in libro Prædicamentorum.

Quòd si dicat aliquis, id non posse concedi, propter diuersitatem, quia hic liber est pars Logicæ: ita ego responderim, hoc nihil aliud esse, nisi id tanquam manifestum ponere, de quo disputatur.

Illud etiam falsum esse, Item quia substantia non suscipit magis & minus, non prædicabitur secundum magis & minus: uidetur ostendere huius ipsius proprietatis confirmatio illa:

*Ve hæc substantia, Homo, non est magis aut minus homo, nec ipse à seipso, nec alter ab altero: non est enim alter altero uel magis homo, sicut est album alterum magis album, & bonum alterum altero magis & minus bonum. Sed & ipsum à se magis & minus dicitur: ut corpus cum sit album, magis album dicitur esse nunc, quam prius: & cum calidum sit, magis & minus calidum dicitur.*

Cum igitur ( ut patet ) hæc confirmatio sit de re , propterea quòd uerbis illis, Vt hæc substantia homo, ostenditur substantia ea quæ est in re, conclusio etiã est de re. Confirmat id autem similitudo ea, quam affert Aristoteles de albo, Vt album altero magis album, & quæ sequitur, hæc enim omnia dicuntur de re. Nam quod ad uocem attinet, non minus substantia dicitur recipere magis & minus, quàm qualitas. Non ergo sensus est, substantiam non prædicari secundum magis & minus, aut non subijci etiã secundum magis & minus: hoc enim ab Aristotelis instituto alienum esset. Sed uerbis illis, substantia non suscipit magis & minus, hoc notatur, eam rem quæ dicitur substantia, non suscipere magis & minus. ut hæc substantia quæ dicitur Homo, ut Socrates, non est magis substantia nunc, quàm heri. Id quoque planè confirmat ratio ea, qua ostendit Aristoteles, qualitatis proprium esse suscipere magis & minus, his uerbis:

„ *Candidum namq; sit amplius. contingit candidum fieri, non tamẽ omnia, sed plura: hæc enim constat dict de re.*

Quod igitur de substantia dicitur, eam uidelicet non suscipere magis & minus, hoc de re accipiendum est. Quòd si ex eo inferatur, substantiam prædicari secundum magis & minus, hoc fuerit ratione rei.

Sed quid, dij boni, afferri potest, ex quo facilius intelligi possit, Aristotelem de substantia, hoc est de re illa quæ est substantia, agere, non ut ostendat, in substantia fieri non posse prædicationes contrarias, quàm illud:

„ *Maximè autem proprium substantiæ, cum unum & idem numero sit, susceptibilem esse contrariorum.*

Quod ita esse ostendens,

„ *Veluti color, inquit, quod est unum & idem numero, non erit album, neque nigrum, neque eadem aëlio esset praua & studiosa. Similiter in alijs, quæ substantiæ non sunt. Substantia enim, cum unum & idem numero sit, capax est contrariorum: ut Homo, cum unus & idem numero sit, aliquando quidem niger, aliquando albus.*

Deinde probat, hoc uerum non esse de oratione, & de opinione, propterea quod non mutantur ipsa, sed res: ex cuius mutatione dicitur oratio aut uera, aut falsa.

„ *Verum, inquit substantia in eo quod contraria recipit, in hoc susceptibilis dicitur contrariorum.*

Quod quidem apertissimè mihi uidetur Madij opinionem euertere. In substantia enim fieri possent huiusmodi propositiones, si hic sensus, quo Aristotelè interpretatur Madius, ad rem faceret. Si quidem substantia susceptibilis est contrariorum, ut ostendit Aristoteles, propterea quòd langorem suscipit, & sanitatem. Recte igitur à nobis

nobis dictū est: neq; huiusmodi propositiones appellātur cōtrariæ, sed potius contrariorum, ut ex secundo Perihermi. libro constat.

Id etiam ex interpretibus ipsis ( ut aduersarij uel suo ipsorum gladio iugulentur ) satis perspicui posse arbitramur. Boëtius enim uir apud eos summæ auctoritatis, ad hanc proprietatem cōfirmandam huiusmodi dubitationem affert.

Sed, inquit, si quis forsitan dicat, cur, cum ignis calidus sit, nunquam frigus suscipiat: & cur, cum aqua sit humida, nunquam suscipiat siccitatem. Sed dicendum est, quoniam ea contraria suscipere uidentur, substantiæ, quæ sunt in eius natura, non insita, alioquin non suscipit quicquid illi substantialiter adest.

Sentit igitur, Aristotelem ubi ait, substantiam esse susceptibilem contrariorum, loqui de re quæ appellatur substantia, non uerborum illorum hunc esse sensum, quem putat Madius: aliter enim nullus hic esset eius dubitationi locus, etiam si non susciperet contraria, cum id conueniat substantiæ, quatenus est substantia. Conuenit enim uni substantiæ, & quatenus res est. quare non potest ei conuenire ratione alterius: quia quod cuique conuenit, ut tale est, non potest ei conuenire ratione alterius. Nam si ratione alterius conueniret, sequeretur, ut non conueniret ei, quatenus tale est. Ergo proprietas illa non conuenit substantiæ, quatenus est propositio, sed quatenus res est. Eandem dubitationē attulit Hammonius, & Simplicius. Sentiant igitur & ipsi, Aristotdem loqui de re, quæ est substantia.

Præterea hoc idem dici posset de omnibus ijs quæ traduntur in cæteris facultatibus, ut ( exempli causa ) cum in Geometria dicitur, triangulo inesse, habere tres: sensus esset, confici posse illam propositionem, triangulum habere tres angulos, quæ quidem & ipsa esset Logica, quod planè absurdum est. Nam quod uerè dicatur, homo est albus, homo est niger: hoc uerum est ratione rei, uidelicet in re ita est, quia ex eo quod res aut est, aut non est, oratio dicitur aut uera, aut falsa. Non enim quemadmodū ostendit Aristoteles libro nono Primæ philosophiæ, quia dicimus, hominem esse risibilem, uerum est, hominem in re esse risibilem: sed quia homo in re est risibilis, uera est prædicatio illa, homo est risibilis.

Sed quid dicemus de ijs quæ pertractantur in prædicamento quantitatis, ubi diuidit Aristoteles quantitatem, in quantitatem discretam & continuam, quidq; utraque sit, explicat: quo loco inter continuas quantitates numerat tempus, lineam, superficiem, locum: inter discretas, numerum & orationem, quatenus eam metimur syllaba uel breui, uel longa. Deinde ostendit, quæ propriæ sint quantitates, quæ rursus per accidens. cumq; cæteras quantitatis affectiones enumerasset,

*Proprium autem, inquit, maximè quantitatis est, quod & æquale, & inæquale dicitur.*

Hęc enim non possunt ullo modo sic accipi, ut referantur ad propositionem, non enim (nisi mea me fallit opinio) fieri potest, ut non Aristotelis uerba extorquentes, ac maximè perturbantes ita exponamus, quia proprium maximè quantitatis est, æquale & inæquale dici, in quantitate fieri posse prædicationes æquales & inæquales. hoc enim planè falsum esset, atque admodum ridiculum.

Cum igitur hæc ipsa quæ attulimus de Prædicamento quantitatis, manifestè conueniant rebus: ea item quæ sunt in Prædicamento substantiæ, dicendum est conuenire rebus. non enim maior est ratio unius, quàm alterius.

Neque uerò minus hoc ex prædicamento relationis perspicitur, quàm ex superioribus prædicamentis. Qui enim potest illa relationum proprietas, ut insit ipsis contrarietas, sic accipi, ut illud notet, si prædicetur, non prædicari essentialiter, sed denominatiuè: cum unum aliquod relatiuum, si ponatur in quid est alterius, non prædicetur quodam modo denominatiuè, sed essentialiter?

Ecquis item adeò fatuus existimabit, Aristotelem ubi tradit, relatiua suscipere magis & minus: illud sentire, prædicari ipsa relatiua secundum magis & minus, nec potius significare rem ipsam, cuius ratione, aut uera aut falsa sit prædicatio?

Sed ut multa alia mittam, quæ afferri possunt, quid de illa proprietate, omnia quæ ad aliquid sunt, dici ad conuertentiam? Dicitur ne quisquam, ex his uerbis elici, relatiua, si prædicentur, prædicari conuertibiliter? hoc nimirum enim uidetur absurdum. Quod si quis diceret, non ne id ratione rerum fieret? Nam de proprietate illa, Si quis aliquid eorum quæ sunt ad aliquid definire sciit, & illud ad quod dicitur, definitè cogniturus est: quid aliud indicat, præter naturam eorum quæ ad aliquid dicuntur? Quod si naturam significat, non ergo hæc diuiduntur, quatenus referuntur ad enumerationem.

Quod si quis neget, hæc Aristotelem tradere de natura relatiuorum, ostendat is quæso, quæ nam sit hæc natura relatiuorum, quibus eam uerbis, aut quo loco docuerit Aristoteles. nemini enim dubium esse potest, quin relatiua, cum sint una ex illis decem speciebus entis, aliquam certam naturam habeant: quæ natura, si (ut constat) aliter declarari non potest, non ab re dictum est à nobis, hic de eorum natura agi. Quod si concedatur, ut ratio ipsa postulare atque exigere uidetur, qui potest aliquis negare, in prædicamento substantiæ agi de substantia, ut substantia est, cum in hac re una atque eadem sit ratio utriusque prædicamenti?

Quid autem de prædicamento qualitatis? Cum describit Aristoteles qualitatem esse eam, secundum quam quales quidam dicuntur: significat ne aliud, nisi albedinem esse qualitatem, quia is cui inest albedo, uerè dicitur albus? Quid? Cum habitum & dispositionem naturalem, propriam uel impropriam passionem, uel passibilem qualitatem, & formam, quæ est permanens  
alciuit

alicuius rei figura, dicit esse species qualitatis, non ne ostendit, hæc omnia esse qualitates, ut dulcedinem, amaritudinem, austeritatem, & reliqua huiusmodi: quia secundum illas dicimur quales. At ostendere, aliquid esse qualitatem, quid aliud est, nisi ostendere, hominem esse animal: Quod si probaremus, hominem esse animal, esset probatio de re: ergo & illa erit de re, atque ut hæc philosophiæ naturalis est, sic illa diuinæ. Quod si de rebus sunt, quæ hic pertractat Aristoteles, non sunt propter enunciationes. enunciationes enim sunt propter res, non res propter enunciationes, ut ostensum est in nostro libello. Præterea sequeretur, ut omnia quæcunque sunt in cæteris facultatibus, sic possent interpretari: nulla est enim diuersitatis ratio, nisi fortè dicat aliquis, hunc librum esse partem Logicæ, quod quidem esset, tanquam manifestum id ponere, de quo omnis est disputatio.

Quid de facere, & pati: Vbi tradit Aristoteles calefacere, & frigidum facere, non ne illud significat, referri hæc ad propositiones, non ad res? Quid de pertractatione oppositorum, quam ostendimus ex tot locis Primæ philosophiæ, pertinere ad primum philosophum? Non ne patet, esse de rebus: ut cum dicitur, bonum esse contrarium malo. Quid de priori, & simul: non ne tradit Aristoteles quarto Primæ philosophiæ libro, ea pertinere ad Primam philosophiam: ibique ea pertractat, quemadmodum hic, cuius quidem repetitionis causa nostro libello ostensa est.

Quid: cum dicit, Motus autem species sunt sex, generatio, corruptio, augmentatio, diminutio, alteratio, secundum locum mutatio: non ne hæc de rebus sunt, & propter res ipsa? Non ne sunt etiam de re, quæ de alteratione & augmentatione scribit: ubi ostendit, alterationem distingui ab augmentatione.

Quid de habere: non ne egit Aristoteles in Prima philosophia? At hæc omnia sunt de rebus, ut ostensum est: ergo non tractantur propositionis causa.

Ac, ut paucis totam rem absoluiam, Logicæ nihil opus est his uocibus ad enunciationes constituendas, quod ipsa (ut nostro libello demonstratum est) non conficit suas enunciationes ex his quæ sunt in illis decem generibus: ac licet utatur terminis, quæ sunt in Antepredicamentis, & Postpredicamentis, tamen hi ipsi termini significant affectiones entis, manifesteque ad Primam philosophiam pertinent, ad Logicam uerò in ordine ad opus.

Rationes autem eæ, quibus ostendi, Logicam non indigere his predicamentis, id luce clarius uidentur ostendere.

SECTIO V.



Vod etiam scribitur in Commentariolo, prædicamenta esse Primæ philosophiæ partem, & in eis naturam substantiæ perfectè considerari, ut substantia est: diligentiori indiget perscrutatione. Quomodo enim

enim in Metaphysica negaret, species & genera esse substantias, quas substantias in Prædicamentis dixit. In eadem igitur facultate, Metaphysica scilicet, philosophus diceret, species & genera esse substantias, & non esse substantias, utroque in loco substantiam considerans secundum eius propriam naturam.

ANTO. Hæc item quæ scribit Madius, summam mihi attulerunt admirationem, quod uult ex his in quibus Aristoteles minus sibi constare uideretur, scientiarum diuersitatem ostendere; cum & in philosophia, & in cæteris facultatibus propè infinita sint ea, quibus auctores ipsi uidentur à seipsis dissentire. Ac ne longius exempla petamus, nonne ex huius doctissimi uiri ratione sequeretur, ut octauus Primæ philosophiæ liber, aut septimus, non sit pars Primæ philosophiæ, quod eo loco hæc scripta reliquit Aristoteles,

” *Et insuper alio modo genus magis quam species, & uniuersalia*  
 ” *magis quam singularia, substantiam esse:*

Cum tamen septimo libro multis rationibus ostenderit, nullum uniuersale esse substantiam. Non igitur absurdum est, in eadem facultate Aristotelem dixisse, genera & species esse substantias, ac rursus negasse, esse substantias, si quod ait septimo libro Primæ philosophiæ, id rursus negat octauo libro, ubi quidem de substantia agit, secundum propriam eius naturam. aliter enim omnino negandum erit, aut septimum, aut octauum librum pertinere ad facultatē eam, ad quam tamen consensu omnium pertinere dicitur, idque ratio ipsa aperitè comprobatur.

At uerò quasi in diuersis facultatibus pertractandis liceat à seipso unum aliquem auctore dissentire, ita uir iste doctissimus argumentatus est. Quòd si detur, hoc fieri in diuersis facultatibus suo quicquid sensu interpretando, cur in eadē facultate hoc ipsum non fiat: quemadmodum sæpius in eodem fieri uidemus.

Illud autem minime prætereundum putamus, non dixisse nos, naturam substantiæ in Prædicamentis perfectè explicari: etsi diximus, illam, ut substantia est, considerari. quod tamen superius quoque declaratum est.

#### SECTIO VI.

MAD.



T si ponamus, Prædicamenta esse Logicæ facultatis partem, facile erit hanc controuersiam sedare: cum munus Metaphysicæ sit, de ipso esse, & quiditate uerba facere, non autem Logici. Species autem iure Logicus dicit magis substantias, quàm genera, secundum rationem prædicandi. nam prædicatum subiectum manifestat, & quia species magis manifestat ipsam substantiam quàm genera, magis substantia dicitur. Item quia prima substantia ita in propositione subiicitur, ut nullo modo prædicetur illud, apud Logicum magis substantia erit, quod magis in propositione subiiciendi rationem habeant. sed species est huiusmodi respectu generis, ergo species magis substantia quàm



quàm genus : quod secundùm considerationem Logicam uerissimum est.

Hic, præterquam quod non uidetur Madius ostendere, Aristotelem à se ipso non discrepare, præterea nonnulla dicit, quæ dubitationem habent. Non ostendit autem, Aristoteli secum non dissidere, quia ponit species esse substantias, cum ostendat quomodo sint magis substantiæ quàm genera. In Prima philosophia autem negatum est prorsus, eas esse substantias. Manet ergo Aristotelis, suæ ipsius opinionis euersio.

Quod uerò subiungit, quomodo species sint magis substantiæ quàm genera, quia uidelicet propinquiore sunt primæ substantiæ, tantum habet (mea quidem sententia) ut ostendat, hoc esse Logici munus, ut ex eo etiam inferatur contrarium. Nam quod species dicitur esse magis substantia, quàm genus, quia est propinquior Primæ substantiæ, hoc est ratione rei, non ratione propositionis : à re ipsa enim illud sumitur, speciem esse propinquiorem primæ substantiæ. Si quidem ex eo sumitur, quod euidentius declarat, quid sit prima substantia. Quod autem declarat quid sit aliquid, quod est in re, declarat eius substantiam, uel essentiam. At quod aliquid declarat essentiam alicuius, quod sit in re, hoc est ex parte rei : ergo declarare, species esse magis substantiam, quàm genera, quod scilicet sint propinquiore ipsi substantiæ, hoc erit ex parte rei. Atque ita prima substantia dicitur prima, quia ex parte rei subiecta est omnibus. Propositiones enim non sunt ueræ, nisi ratione rerum : hoc autem non fit ex eo quod ipsæ res sint, uel subiecta, uel prædicata propositionum, sed in propositione prædicatum dicitur manifestare subiectum : ut si dicamus, homo est animal ratione rei, non quod hæc uox Animal declarat hanc uocem Homo : sed res ea quæ illa uoce animal significatur, id declarat, quod significatur illa uoce homo.

Deinde ex his quæ ex eodem prædicamento scribit Aristoteles, ostendens quomodo genera & species sint substantiæ, apparet, eum à se ipso non discrepare.

*Sunt enim, inquit, secundæ substantiæ, quæ indicant primas substantias, non quod in se sint substantiæ, quippe quæ sunt accidentia.*

Ex quo intulit,

*Merito post principales substantias, sola aliorum species et genera dicuntur secundæ substantiæ. eorum enim quæ prædicantur, principalem substantiam hæc indicant.*

Ac ita quidem patet ex eo, quod Aristoteles secum ipse aperte dissidet, negandum non esse, librum Prædicamentorum esse partem Primæ philosophiæ, sed Logicæ.

Huc accedit, ut ostendere, aliquid esse substantiæ, & magis substantiam, pertineat ad Primam philosophiam, ut in nostro libello demonstrauimus. Nam hoc fieri non potest, nisi per naturam substantiæ.

aliter

aliter enim nihil attineret de prædicato supponere quid sit, quod qui dem spectat ad Primum philosophum, non ergo ad Logicum.

Præterea utcumque sese res habeat, omnia hæc sunt superuacanea, cum Logicus (ut nostro libello ostensum est) nusquam utatur huiusmodi uocibus.

Amplius secundo Phys. libro, textu quarto ostendit Aristoteles, materiam esse substantiam, quia est subiectum. ergo dicere primam substantiam esse subiectum, non est Logici: nam aliter probatio illa esset facultatis eius, quam isti Logicam appellant.

Præterea primo Phys. lib. text. LII. ostendit, ex eo quod substantia prima est subiectum, inferri non posse eam pertinere ad Logicā, eius autem hæc sunt uerba:

- » Nullius uidemus eorum quæ sunt, substantiam contrariam. prin-  
 » cipium autem non de subiecto oportet dici aliquo, erit enim principii  
 » principij. subiectum enim principium est, & prius uidetur esse præ-  
 » dicato.

Cum igitur in ea facultate, quæ de rebus agit, quæq; nullo modo dici potest esse Logica, utatur Aristoteles ad probandam conclusionem de rebus nomine subiecti & prædicati, patet ex eo, quod in lib. Prædicamentorum dicat, substantiam esse subiectum, uel prædicatum, inferri non posse, illam considerationem ad Logicam spectare.

Sed ostendat, quæso, uir iste doctissimus, unde ipse apud Logicū didicerit, id magis esse substantiā, quod magis in propositione subijciendi rationem habeat, nisi illud sit ratione rei.

#### SECTIO VII.

MAD.



Lia uerò ratio (mea quidem sententia) præcipua ipsius Commentarioli hæc est. Termini omnes quibus utitur Logica, sunt extra decem genera: sunt enim affectus entis, quatenus ens, ut nomen, uerbum, syllogismus, & alia id genus. ergo non indigemus in Logica his terminis simplicibus, qui in Prædicamentis sunt. Ego distinctione utendum esse existimarem. simplicia enim, quæ in prædicamēto substantiæ sunt, secundum esse reale extra animam, nō sunt negotij Logici: at illamet ipsa, secundum illud esse quod habent in anima tantum considerata, substantiam primam, quatenus subiectum est, sic ad Logicum pertinere dicerem.

ANTO.

Hæc planè absurda esse, ex eis quæ à nobis dicta sunt in nostro libello, satis perspicui posse arbitramur. ibi enim ostendimus, subiectū & prædicatum primò ad Primam philosophiam spectare, quia sunt affectiones entis, quatenus est ens. Quod cum ita sit, sequitur omnino, ut ea quæ considerantur sub ratione subiecti, pertineant ad primum philosophum: quia subiectum, ut tale est, pertinet ad primum philosophum: sicut ea quæ cōsiderantur sub ratione entis, dicuntur pertinere ad Primam philosophiam, quia ens, ut ens, ad ipsam spectat. Ac ita quidem eius distinctio, ut uera esset, tamen probare uideatur

detur magis oppositum, quàm propositum. Vt omittam, sic distinguere non licere, cum & superius, & in Commentariolo nostro ostensum sit, omnia quæ tradidit Aristoteles in Prædicamentis de substantia, cōuenire ei ut est substantia, ibiq; de substantia agi, ut res est, eodemq; modo de reliquis.

Illud etiam argumentum, quo in Commentario nostro ostendimus, substantiam considerari non posse ut genus, probare mihi uidetur, illam non posse considerari ut subiectum.

Hoc idem autem, quia de omnibus ijs quæ sunt in cæteris facultatibus, dici posset, neminem latere arbitror. hoc est, cōsiderari posse sub ratione subiecti & prædicati. imò sic considerantur, cum ex eis fiunt propositiones, ut homo est animal, itaq; pertinere ad Logicam. Quòd si dicat aliquis, in cæteris probari proprietates, uerbi gratia, hominis, quatenus homo est; hoc idem dicemus de substantia, & quodcunque ad diluendam rationem nostram afferetur: hoc idem à nobis dicitur ad improbandum id, quod ab isto doctissimo uiro in medium allatum est.

Præterea, si considerantur ut subiectum, sequitur, non considerari ut significant res, quatenus significant res. consequens est falsum, & contra Boëtium, Hammonium, & Simplicium, quos tamen auctores uehementer isti sequuntur: Ergo & antecedens. Probatur consequens, quia considerare aliquid ut est subiectum, ex ipsius Madij sententia est, considerare ut habet esse in anima. Sed considerare, aliquid significare rem ut significat illam rem, non est considerare, ut habet esse in anima: ergo sequitur id quod dictum est.

Præterea distinguendo consequens, uidetur apertissimè concedere antecedens: uidelicet, terminos qui sunt in Logica, esse affectiones entis, quatenus est ens: itaque entis realis. ens enim, ut ens, reale est. ergo non sunt affectiones entis in anima. Sed infra capite undecimo, negat esse affectus entis realis, sed entis quod habet esse in anima: ergo sibi non constat. Illum autem concedere antecedens, ex eo patet, quòd fatetur, non indigere nos simplicibus ijs quæ sunt in Prædicamentis, ut habet esse reale, sed ut habet esse in anima tantum.

SECTIO VIII.



Quòd autem res eadem diuersis considerata modis duo MAD. constituat subiecta formalia, tantum abest ut esse putem in intelligibile, ut etiam putem esse maximè necessarium. eadem namq; lineæ sunt Mathematicæ, & naturales.

Illud ego non negaui, unam rem diuersis modis considerata ANTO. duo constituere subiecta: Sed dixi, cum una aliqua res diuersis modis cōsiderata duo efficiat subiecta, fieri nō posse, ut aliquis asserat ea, quæ in libro Prædicamentorum pertractantur, diuersis modis pertractari, quimodiam diuersas facultates pertineant. quia ex hoc sequeretur, ut unius facultatis duo essent subiecta: quod quidem non uidetur intelligi posse, quia una sciētia est, quæ est unius generis. Quare ea quæ

dicit Madius, uidentur nostram opinionem confirmare: sed de his in sexto libro plinius disseremus.

Illud autem de linea, minus fortasse probandum uidetur, quod differentia quæ est inter philosophiam naturalem & Mathematicam, non potest esse secundum formam: quia huiusmodi differentia sumitur à fine, ut non modo ex ijs patet quæ scribit Aristoteles, cum alijs locis, ut in nostro libello ostensum est, tum 1. lib. Oeconomicorum, his uerbis:

” Cuius autem gratia unumquodque est, & fit, & substantia ipsius hæc existit.

Sed ex his etiam quæ in secundo libro Primæ philosophiæ ita scribit Alexander,

” Doctrina uerò quæ à fine, propositoque notatur, & habet esse.

Quod si differentia, quæ est inter duas aliquas facultates, secundum formam, sumitur à fine: quæ autem est inter Mathematicam & naturalem philosophiam, sumi non potest à fine, quod utriusque finis est scire: non est inter illas differentia secundum formam: erit ergo secundum materiam, ut constat etiam ex sexto libro Primæ philosophiæ, & tertio de Anima, ubi docet Aristoteles distinguere inter se scientias, quemadmodum & res. Quod cum ita sit, non eadem erit omnino linea, quæ à naturali philosopho consideratur, & à Mathematico, quia nullam haberet differentiam, ac ita distinctæ non essent scientiæ illæ, quia nulla esset differentia inter eas, neque secundum formam, neque secundum materiam. Quare dicendum est, aliquo modo diuersas esse lineas: quia linea, quæ consideratur à Mathematico, est linea abstracta à materia: quæ uerò consideratur à philosopho naturali, est cum materia. linea autem cum materia, & linea sine materia, non sunt omnino eadem lineæ, neque habent omnino easdem proprietates. Idque uidetur (mea quidem sententia) omnino concedere Aristoteles secundo philosophiæ naturalis libro, cuius hæc sunt:

” Post speculandum est, quomodo differt Mathematicus à Physico.

” scilicet. etenim plana & firma habent Physica corpora, et longitudoines,

” & puncta, de quibus intendit Mathematicus.

His enim uerbis, & eis quæ sequuntur,

” De his quidem igitur negotiatur Mathematicus, sed non in-

” quantum Physici corporis terminus est unumquodque, neque acci-

” dentia speculatur in quantum talibus existentibus accidentium, unde

” & abstrahit:

Ostendit Aristoteles, quod diximus. Ponit enim, Mathematicum considerare lineam solam, & Physicum lineam cum corpore, ut est terminus corporis. Qui quidem diuersus modus considerandi res, non efficit diuersitatem in forma, sed in materia: itaque non sunt omnino eadem res, quæ ita considerantur. Ergo illud de linea, quod scribit Madius, minus probandum uidetur. Sed de hac re suo loco fusius disputabimus.

## SECTIO IX.



E necessario & possibili agitur in Metaphysica, & in li-  
bro de Interpretatione. in Metaphysica, ut sunt in re: in  
Logica, ut sunt in propositione. Non igitur, quia in li-  
bro de Interpretatione, erit Metaphysicus: quia licet &  
Metaphysica, & Logica de eodem tractent, uidelicet de necessario,  
diuerso tamen modo id agunt.

Si putat Madius, necessarium pertractari à Metaphysico simpli-  
citer & absolute, atq; ut est affectus entis, cum ait, cōsiderari ab eo ut  
est in re, à Logico autem ut est in propositione, hoc est ut refertur ad  
opus, itaq; propositionis causa, & demonstrationis: nihil ab eo dissen-  
timus, uidenturq; nobis hæc omnia nobiscū facere. Sin aliter sentit,  
arbitramur falsam esse hanc illius opinionem, atq; ab Aristotelis sen-  
tentia discrepare, nam & in Logica, & in Prima philosophia eadem  
est definitio necessarij, nempe necessarium esse id quod aliter se habe-  
re non potest. Quod si uariè consideratur huiusmodi definitio, ita  
considerari necesse est, ut in Prima philosophia simpliciter & abso-  
lutè accipiatur, in Logica uerò in ordine ad opus: sicuti eadem est  
definitio iræ, & in philosophia, & medicina: & recti, in Geometria  
et in Mechanicis: sed uariè tractantur. aliter enim nulla esset inter ip-  
sas facultates differentia. Atque ut illud dici nō potest, ullam harum  
definitionum cōsiderari, modò ut est in re, modò ut est in intellectu,  
quia omnino sunt eadem definitiones: ita neque hoc dici poterit de  
ea quam primam posuimus definitionem. non enim maior est ratio  
unius, quàm alterius.

Neque uerò illud mihi dixisse uideor, quoniam in Prima philoso-  
phia, & in libro de Interpretatione agatur de necessario, librum de  
Interpretatione esse Primæ philosophiæ: sed quia sunt eadem defi-  
nitiones, & in Prima philosophia, & in Logica, dicendum esse, illas  
considerari absolute in Prima philosophia, quippe quæ scientia est,  
a natura prior ipsa Logica: in Logica autem, in ordine ad opus.  
Quod si negaretur, sequi omnino, ut Logica & Prima philosophia  
eandē essent facultates, nec inter se ullo modo distinctæ, utpote quæ  
haberent easdem res eodem modo tractatas: quod quidē omnium  
esset absurdissimum.

## SECTIO X.



Ta etiam de Prædicamentis dicendum esse existimarem, M. A. D.  
quod Metaphysicus agit de ipsis, ut sunt in re: Logicus,  
ut sunt in anima tantum, & in ordine ad orationem.  
Id nos planè iam infirmasse arbitramur, cum ostende-  
rimus, in ipsis Prædicamentis agi de decem generibus, ut res sunt,  
nec Logicum omnino de illis agere, ut sunt in anima, quippe qui (ut  
in Commentario ostendimus) non utitur eis quæ sunt in Prædica-  
mentis, ad quæ (uti suprà etiam fecimus) hanc ipsam disposi-  
tionem reiicimus.

MAD.



Nde quod scribit, terminos simplices, quibus Logicus utitur, esse affectus entis: hoc facile concederem. utrum etiam dicerem, esse affectus entis, ut habet esse in anima, non realis. De ente uero per accidens, & de ente solum in anima habente esse, nulla scientia principaliter considerat: sententia est Aristotelis in sexto Metaphysicæ ultimo, etiam in undecimo Metaphysicæ scribit hunc in modum:

Quod autem, ut uerum ens, non secundum accidens, hoc quidem est in complexione mentis, & passio in hac, propter quod circa sic quidem ens, non quaeruntur principia. Quod si Metaphysicus de ente per accidens consideret, uti considerat, & de ente rationis, esse enim cuiuscunque entis considerat, perspecta tamen eorum natura, ea reijcit à scientijs, ut patet per loca superius citata.

ANTO.

Hæc planè à ratione uidentur abhorre. nam cum hi ipsi termini sint affectiones entis, quod est subiectum in Prima philosophia: sequitur omnino, ut sint affectus entis realis, non entis quod habet esse in anima tantum. Hos autem terminos esse affectiones entis, quod est subiectum in Prima philosophia, declarant ea quæ scribit Aristoteles quarto Primæ philosophiæ libro, quæ quidem à nobis sæpe iam citata sunt.

” Perspicuum igitur est, inquit, ad unam scientiam pertinere id  
 ” quod est, ut ens est, & ea quæ insunt ipsi, ut tale est, contemplari, &  
 ” non solum substantiarum, sed etiam eorum quæ competunt, scientiam  
 ” eandem esse contemplatricem, eorum inquam quæ diximus, & de  
 ” priore, & de posteriore re, & genere, & specie, & toto, & parte,  
 ” & huiusmodi cæteris.

Quibus uerbis apertissimè ostendit, hæc pertinere ad Primam philosophiā, quia sunt affectiones entis, quatenus est ens. Sed ens, quatenus ens, est subiectum in Prima philosophia, ut libro quarto Primæ philosophiæ, textu primo, & multis alijs locis testatum reliquit Aristoteles: ergo hi termini sunt affectiones entis, quod est subiectum in Prima philosophia. huiusmodi autem subiectum est reale: Prima enim philosophia est scientia realis. omnis autem scientia dicitur realis ex subiecto: ergo hi termini cum sint affectus entis, quod est subiectum in Prima philosophia, sunt affectus entis realis. Confirmatur ex his quæ concessit Madius. Predicamenta, ut sunt in Prima philosophia, sunt realia: ergo & ens, quod de ipsis dicitur, est reale. Sed huiusmodi sunt affectus entis, quia ens de ipsis dicitur, ut patet: ergo sunt affectus entis realis. Præterea ens, ut ens, est reale: hi autem termini sunt affectiones entis, quatenus est ens: ergo entis realis. Itaque non sunt affectiones entis, quod habet esse in anima tantum, ut asserit Madius. Præterea primi philosophi est, agere de his quæ sunt affectus entis, ut de necessario, de contingenti, de causa, de priori, & dereliquis id genus: ergo non habent tantum esse in anima, id quod

quod asseruit Madius. Si enim haberet tantum esse in anima, ex hac illius opinione sequeretur, ut nulla scientia consideraret huiusmodi terminos. Probatur autem ex v. Primæ philosophiæ lib. ibi enim ut isti etiam interpretes sentiunt, cum distinguat Aristoteles ea quæ pertinent ad primum philosophum, distinguit omnia ea quæ dicta sunt. Itaque consideratio illa est primi philosophi.

Videtur etiam Madius à seipso dissentire, in ijs quæ scribit. Nam quod ait: Prædicamenta, quatenus habent esse in anima tantum, esse Logicæ facultatis partem: de ente autem, quod est solum in anima, nullam scientiam principaliter agere: hoc illud significat, aliquam scientiam agere de ente in anima tantum, ut Logicam: nullam uero scientiam principaliter agere de ente in anima. quæ quidem inter se pugnant, ac planè contraria esse, neminem latere arbitror. Nam si Logica de his terminis ageret, tractaret principaliter ea quæ sunt tantum in anima. esset enim eiusdem rationis, & in toto, & in partibus.

Præterea si uerum esset, quod ait Madius de terminis simplicibus, qui sunt in Logica: necessarium, & contingens, qui item sunt terminus simplices in Logica, non considerarentur à primo philosopho, ut sunt in re, quod ex eius sententia haberent esse in anima tantum. itaque non essent affectus entis realis, & excluderentur à scientijs. Sed ipse capite nono dixit, tractari etiam à primo philosopho: ergo sibi non constat. Præterea ex his quæ hoc loco dixit, sequitur, ut idem non possit tractari & in Logica, & in Prima philosophia, quia Logicus, ex eius sententia, considerat ea quæ sunt affectus entis non realis, sed quod est in anima tantum. hoc autem ipsum ens excluditur à scientijs, ut ipse dicit, itaque idem non potest tractari, & in Logica, & in Prima philosophia: licet diuerso modo tractetur, quia ens in anima excluditur (ut ait ipse) à scientijs, atque hæc id quod est solum materia, non potest considerari, ut habet esse in re. Sed contrarium in eodem capite dixit, ergo secum dissidet.

Quem uero locum citat ex libro sexto Primæ philosophiæ, hic nihil uidetur ad rem facere, uel quia cum loquatur ipse de simplicibus, Aristoteles ibi (ut patet) agit de compositione & diuisione, quæ est in anima, ut ostendit D. Thomas, & ipse Alexander. Vel quia ea ipsa de quibus ibi agit Aristoteles, non omnino excluduntur à Prima philosophia. Siquidem libro nono Primæ philosophiæ illud ipsum ens pertractauit, quod in calce sexti libri sepe pertractaturum pollicitus erat.

Quod autem assert ex x i. Primæ philosophiæ libro:

*Id autem, quod ut uerum est ens, non per accidens, in mentis compositione consistit, atque in hoc est affectus. Quapropter circa id quidem quod ita est, principia non quaruntur: circa uero id quod extra, et separabile. id autem quod est per accidens, non est necessarium, sed indefinitum. atque talis entis causæ inordinatæ sunt, ac infinitæ. Id autem quod alicuius gratia sit, in his est quæ natura sunt, aut à mente proficiuntur:*

Hoc uerò arbitramur Aristotelem dicere, non quidem se inuestigare nolle causas entis ueri, aut falsi, quod reperitur in cōpositione, & in diuisione. aliter enim secum ipse dissideret, qui nono libro loco superius citato dixit, causas esse res.

” Non enim, inquit, quia nos te albū esse uerē putamus, ideo tu es albus: sed quia tu es albus, ideo nos quod hoc diximus, uerum dicimus.

Et in Prædicamentis, & in lib. Periherm. hanc ipsam causam attingit. Sed nolle se inuestigare causam, quare intellectus coniunxerit uerbum, scribit cum Socrate ad hunc modum: Socrates scribit, in quo est aut uerum, aut falsum, cuius rei causam non est hic inuestigandi locus: quippe quod uidetur pertinere ad librum de Anima. Ac ne uideret ego unius argumenti ui in hanc opinionem adductus esse, non alienum putauī, hanc nostram sententiam, interpretum eorum quibus isti plurimum tribuunt, auctoritate confirmare, in quibus est D. Thomas, Latinorum ipsius Aristotelis interpretum fortasse optimus. Is autem in VI. Primæ philosophiæ lib. ita scribit:

” Illius uerò, scilicet entis ueri, causa est aliqua passio mentis, id est intellectus, componentis & diuidentis, et ideo pertinet ad scientiam de intellectu, quod scilicet ad istam causam: non quod non pertineat ad Metaphysicum eo modo, quo diximus.

Idem ipse Thomas in librū sextū Primæ philosophiæ, exponens illa Aristotelis uerba, Posterius perscrutandum est: In fine scilicet, inquit, noni libri, & in Logicalibus, sed satis esse existimo, quod de eo perscrutetur in fine illius noni libri. Quod uerò ad causam, quam diximus, attinet, excluditur ab hac facultate, quia est operatio mentis, quæ pertinet ad librum tertium de Anima.

Alexander etiam Græcorum interpretum facile princeps, in undecimo Primæ philosophiæ libro, hæc uerba protulit:

” Ens igitur, ut uerum, & non per accidens, in mentis complexione consistit, & eius est affectus. cum enim mens prædicatum uerē cum subiecto coniungit, hoc ens appellat, non quidem simpliciter ens, sed ens quasi uerum. Vt si Socrate scribente, mens dicat, Socrates scribit: hoc ens erit, non tamen simpliciter, sed ens tanquam uerum. Huius igitur entis, tanquam ueri, nulla causa inuestigatur. nemo enim inquit, cur cum Socrate mens uerbum Scribit copulauerit. Entis autem externi, & separabilis, id est per se existentis causas indagamus: quo in loco externum ens uocat Socratem, eiusq; opus, ipsum inquam scribere. neq; enim Socrates, & munus quo pingitur, sunt in mente, quæ ait, Socrates scribit: sed extra ipsam, & hoc in loco, ergo circa ens externū causas indagamus: inquirimus enim causam, cur Socrates scribit. Neq; uerò ab re horū mentionem fecit: sed quia entis per accidens causas non haberi ostenderat, conuenienter dixit, entis quidem quasi ueri causas esse.

Patet igitur, Alexandrū loqui de ea causa, cuius nos meminimus, etsi uidetur aliquo modo in uerbis à D. Thoma discrepare.

Illud



Illud etiam constare arbitror, Aristotelem non loqui de simplicibus, cuiusmodi sunt genus, species, necessarium, contingens: sed de compositione omnium simplicium in quacunque facultate, quatenus sit ab anima. itaque Madium ipsum ab re hunc textum citasse. Loquitur enim aperte Aristoteles de illa compositione, quam facit intellectus, componendo eas quas isti nuncupant primas intentiones, ut homo est animal, & de reliquis huiusmodi.

Auerroës item in lib. vi. Primæ philosophiæ, text. ult. ita scribit:

Ens enim, quod est per accidens, non habet causam terminatam: & quod est ueridicans, non habet etiam causam, nisi animam, & ideo utrunque numeratur in genere entis diminuti.

Sentit igitur cum ipso D. Thoma, animam esse eam, cuius ratione non uult Aristoteles inuestigare huiusmodi causam, quia scilicet pertinet ad tertium de Anima.

SECTIO XII.



As puto potiores esse rationes, quibus uir doctissimus in suam sententiam adductus est: quæ tamen ex his quæ scripsimus, uideri fortasse possent esse solutæ.

MAD.

Vtrum autem rationes nostræ dissolutæ sint à Madio, necne, ex eis quæ à nobis dicta sunt, intelligi potest, an uerò potiores sint eæ quas ipse connumerauit, ex libello nostro facile est perspicere.

ANTO.

SECTIO XIII.



Ircæ uerò id quod de secundis intentionibus scribitur, nihil dicimus: cogeremur enim declarare, quid esset

MAD.

uniuersale potentia, & quid actus, & quid uniuersale potentia propinqua, quid remota: iterum uniuersale actus nunquid esset unius & eiusdem rationis, an diuersarum, num ambo ab intellectu agente, & ambo à possibili, alterum ab agente: & quomodo differant uniuersale, & propositio uniuersalis. quæ omnia nimis longam traherent orationem nostram. Dies autem hi caniculares tacite admonent, ne longior sim, præsertim cum M. Antonius lanua insignis philosophus, cui iure hæc mandata præcipue est prouincia, ad plenum (uti spero) sit satisfactorius.

Hæc autem pauca qualiacunque sunt, ut tuæ petitioni morem gererem, scribere non recusauim. Reliquum est, ut te rogem, atque obsecrem, me semper tuis paratum commodis uelis existimare. Vale.

Ego uerò non satis intelligo, quid causæ sit, cur dicat Madius, si ad ea quæ ipsi de intentionibus scripsimus, respondisset, ea sibi omnia declaranda fuisse, quæ enumerat: præsertim cum appareat, satis esse illud ponere, passionem animæ intellectiue esse similitudines singularem, educas ab ipsis singularibus, quatenus inter ipsa singularia conuenit. Sunt enim necessariò alia agentia. Sed nihil attinet ea hoc loco connumerare, item quæ necessarium esse, simulatque

ANTO.

hæ passiones fiant, huiusmodi similitudines plura nobis singularia referre: quia ex hoc sequitur, ut non alio, sed eodem temporis pūcto sint, id quod nobis propositum fuit ostendere, cōtrā quā opinantur interpretes isti, qui asserunt, hæc uniuersalia fingi ab intellectu cōparante unum obiectum prius cognitum cum alio: exempli causa, hominem prius cognitum cum prius cognito animali. cum ita sentiamus nos, simulac sit homo, eodem planē temporis momento fieri & uniuersale. Sed de his pluribus uerbis in eo libro disseremus, ubi præceptorī nostro respondebimus. Hæc sunt, amplissime Princeps, quibus nobis dilui uisæ sunt acutissimæ rationes, quas Vincentius Madius, philosophus sanē quā egregius, contra Commentarium nostrum attulit.

## ANTONII BERNARDI MIRAND. DVLANI APOLOGIÆ

### LIBER QVARTVS.



V M M. Antonio Genuæ, & Vincentio Madio responderim, uidetur iam respondendum esse doctissimo atque acutissimo philosopho, Ludouico Buccaferreo. is enim tertius ad ea quæ noster libellus habet, multas, & eas quidem perarduas, dubitationes, nostrorumq; argumentorum dissolutiones (ut philosophi erat ingeniosissimi, ac omni disciplinarum genere ornatissimi) attulit. Cui quidem ego, quicquid in philosophiæ studio profeci, si quid tamen profeci, id omne libenter acceptum refero. Ingenui enim animi uel maximè, qui omnium bonarum disciplinarum parentem philosophiam profiteatur, esse non ignoro, per quos profeceris fateri. Eo autem ipse doctore complures annos sum usus, incredibili mea cum uoluptate, atque utilitate, eiusq; admiratione sic, ut ab hominis latere, quoad liceret, nunquam discederem. Quòd si postea factum est, ut ab eo nonnullis in rebus dissentirem, nemini mirum uideri debet, cum id summorum clarissimorumq; philosophorum exemplo fecerim, itaq; faciendum esse, moneat illud Aristotelis, *Δόξαι δ' αὖτις αἰσθητοὶ εἶναι, καὶ διὲν ἐπὶ σοτηρίᾳ τῆς ἀληθείας, καὶ τὸ οὐκ εἶναι ἀναιρέμ, ἄλλως τε καὶ φιλοσόφους ὄντας. ἀμφοῖν γὰρ ὅντοι μὴ φίλοι, ὅστις προστιμᾷ τὴν ἀλήθειαν.*

Alexan-

ALEXANDRO CARDINALI FAR-  
neso, S. R. E. Vicecancellario, Lodouicus Buc-  
caferreus S. P. D.



ORTASSE ne tantum negligentiae nota accusabor,  
reuerendiss. Antistes, uerum etiam tuae amplitudinis  
indignatione subibo, quod cum pluribus antea die-  
bus uotis tuis facere satis debuissim, uti per literas  
mihi significaueras, usque hoc temporis procrastinan-  
do rem tam leuem distulerim: quo nihil posset esse mihi grauius, nec  
molestius, ut qui reuerendiss. Amplitudinis tuae perpetuo fuerim (ut  
par est) obseruantissimus. Quamobrem ante omnia ueniam, qui-  
bus possum supplicationibus, exposco, atque exoro. ita enim tua sin-  
gulari humanitate, qua in omnes uteris, fretus, publicis praesertim  
lectionibus, ac priuatis reculis meis occupatus, non citra animi mo-  
lestiam, in hanc diem traduxi hanc expositionem meam qualem cun-  
que, quid scilicet sentirem de Commentariolo Antonij Mirandu-  
lani, quod iamdudum Amplitudini tuae dicauerat, & sub eiusdem  
patrocinio inuulgauerat. Is enim, sicut summa ingenij a erimonia in  
cunctis rebus semper polluit, ita & in eo rei nouitate oblectatus, sese  
ipsum latratibus omnium studiosorum exposuit, praecipue si qui  
fuerint, qui aliorum calumnijs studeant, atque occupentur. Ego uero  
eo animo, quo perpetuo hominem summa amicitia ac beneuolentia  
mihi coniunctum prosecutus sum, ut qui sub signis meis, nec sine glo-  
ria militauerit, eundem quoque hac in re complector, sapientissimae  
illius sententiae non immemor: Tradidit scilicet Deus mundum dispu-  
tationi, ne nouerit homo, quid ille ipse operatus fuerit. Ita enim sen-  
per licuit cuius bonarum artium studio, quae sibi uiderentur pro-  
babilia, disceptationis, atque honestae contentionis gratia in medium  
asserre, & eo magis, cum omni offensione carcant. Ea igitur, quae su-  
spicionem ingerunt his, qui communem expositorum Aristotelis sen-  
tentiam sectantur, eidem repellenda obijciam. Quorum quidem me-  
dum etsi non ignorauerim sine omnimolestia ab homine dissoluen-  
dum fore, nihilominus ut uoluntati reuerendiss. Amplitudinis tuae  
obtemperarem atque obsequer, quae summa est omnium mihi uo-  
torum, cum plurimum tibi debeat aetas nostra, ut qui studiosos om-  
nes, sicut studiosum decet, & supra omnem ingenij aeam posi-  
tum adolefcentem, ne dum literarum studijs, sed lummis Christia-  
nae Reipublicae difficultatibus occupatissimum, pio mentis asse-  
ctu foueas, atque amplectaris, has leues dubitationulas adieci. Quod  
si forte quispiam tenues ac ieiunas existimauerit, is ampliore plausu  
ac fauore, hominem mihi familiarem ac carissimum, quod summo-  
pere expetiueram, prosequatur. Vale Antistes om-  
nium amplissime.

Seccio

BVCCA.



Cccurrit primum id eius placitum, Logicam non esse scientiam, sed artem, quæ circa solam orationem uersetur, quod dubitatione non caret, tum quia in hac ipsa facultate est omnis conditio ueræ demonstrationis, subiectum scilicet, passio demonstrabilis de ipso, principia, quibus demonstratur: tum quia nulla ars, etsi Mechanica, uacat nomine scientiæ, cum neque careat demonstratione propter quid: tum quia ars recta est ratio factibilium, est autem factio hominis operatio in materiam extraneam: tum quia oratio non per se notificat ignotum, qua oratio, sed qua definitionis, diuisionis, & argumenti rationem fortitur. Non igitur est per se subiecta Logico, sed magis modus sciendi, quo ignotum notum sit, incomplexum quidem, & simplex definitione ac diuisione, complexum uerò argumento. Aristoteles autem secundo Metaphysicorū libro dicens, Vanum est simul quærere scientiam, & modum sciendi, uidelicet Logicam exprimens nomine sui subiecti primi à scientia, quæ de ueris rebus sit: excludit, non autem omni modo.

ANTO.

Ad hæc, quæ scribit clarissimus doctor meus, ut respondeam, nullo planè contradicendi studio, sed quo magis ueritas eluceat, nego, ullam esse in Logica omnibus numeris absolutam, perfectamq; demonstrationem: Logicamq; ipsam esse scientiam. Quòd autem uir iste doctissimus uidetur contrarium ostendere, qui scribit:

” In ea esse & subiectum, & proprietates de ipso subiecto demonstrabiles, & principia, quibus demonstrantur ipse proprietates:

Si ita sentiat, hæc esse in Logica sic, ut ueræ conficiantur demonstrationes, ex quibus uera perfectaq; existat scientia, negamus, hæc ipsa unius scientiæ causa pertractari, siquidem ad opus duntaxat referuntur. qua re fit, ut Logica nullo modo sit scientia. Sin autem ita sentiat,

” In Logica esse subiectum, passionem demonstrabilem, & principia, quibus demonstratur,

id est ostenditur ipsa passio: concedimus id. sed negamus, quod infert,

” In Logica esse omnes demonstrationis numeros, atq; ita scientiæ.

Quandoquidem nec omne subiectum, nec omnis passio demonstrabilis, neque omne principium, quo aliquid ostenditur, ueram, perfectamq; efficit demonstrationem. sed hæc ipsa ueram constituunt demonstrationem tum, cum unius scientiæ causa, non operis pertractantur. Atque ita negamus, rationes eas, quibus ostenditur aliquid in Logica, esse ueras, ac simpliciter demonstrationes: siquidem ad opus duntaxat, non ad scientiam spectant. communioritamen uocabulo dici possunt demonstrationes, ut in octaua Sectione libelli nostri satis superq; nos ostendisse arbitramur. Atque has ipsas quidem demonstrationes designauit Aristoteles, cum definiens artem sexto Ethicorum libro tradidit,

*Illam*

*Illam esse habitum cum ratione factiūm.*

Hæc enim ratio est discursus ille, quo artes concludunt necessa-  
riò, ita faciendum esse, uel contrà. Nam aliter non connumeraretur  
inter eos habitus, quibus uerum semper dicimus: quem tamen dis-  
cursum communiore uocabulo appellare possumus (ut dictum est)  
demonstrationem.

Quamquam autem ita esse (ut diximus) arbitramur, tamen non  
alienum putamus in medium afferre uerba Auerrois ea, ex quibus  
facile quisque intelligere poterit, illum hoc idem quod nos sensisse;  
ac ita quidem non uidebimur ipsi rem nouam, absurdam uel protu-  
lisse. Auerroës igitur in secundum Primæ philosophiæ librum:

Scientia enim operatiua, inquit, quamuis utatur ratiocinatione,  
& speculetur de causis, tamen non est digna uocari scientia specula-  
tiua, quia non perscrutatur de causis rerum, & definitionibus ea-  
rum, nisi ut scientes eam agant, & non ut sciant, sicut est in scientiis  
speculatiuis.

Ex Auerrois igitur sententia nullam uim habet argumentum il-  
lud. In hac facultate est ratiocinatio, est causa, ex qua fit demonstra-  
tio, est definitio, ergo est scientia propriè. Nam possunt hæc referri  
ad opus duntaxat, sicuti ostendimus referri ea quæ sunt in Logica.

Præterea in sextum eiusdem Primæ philosophiæ librum, Com-  
mentario primo hic ipse Auerroës ita scribit:

Omnes igitur cogitationes agentes, & operantes, & quæ utun-  
tur argumentatione, sunt arguentes secundum aliquid, non arguen-  
tes simpliciter, cum scientia in eis non sit, nisi propter opus.

Conficiunt igitur (ut putat Auerroës) huiusmodi cogitationes  
argumenta, quæ quidem non possunt esse, nisi rationes, in quibus  
sunt & subiecta, & passionis, & principia, tamen nulla in his pro-  
priè est scientia, ad opus enim tantummodo referuntur. Idem Auer-  
roës in Epit. Logicæ:

Artes, inquit (ut alibi dictum est) diuiduntur in tres partes: scili-  
cet in artes, quarum finis est solum operatio, sicut est ars medicinæ,  
& cæteræ, siue operatio eius fuerit per syllogismum, & per experi-  
mentum, aut breuiter expedire solo experimento: & in artes, quo-  
rum finis est solum scientia, & hæc quidem sunt scientiæ speculati-  
uæ, sicut est scientia naturalis, & cæteræ: & in artes adiuuantes istas,  
quæ sunt artes quæ dirigunt intellectum ad perscrutationem harū,  
ut est ars Logicæ, & ei proportionalis.

Ex his igitur constat, in artibus disci posse aliquid per syllogismū.  
Itaque ab Aristotelis expositoribus istis, quibus isti plurimum tribuūt,  
diluuntur argumenta, quæ contra nos allata sunt. Quod uerò a-  
liam Buccaferreus conclusionis suæ confirmationem subiungit,

Hoc idcirco esse, quod nulla ars, et si Mechanica, careat nomine  
scientiæ.

Concedimus fieri posse, ut artes communiore uocabulo possint  
appellari

Quod autem subiungit,

Quia ars recta est ratio factibilium, est autem factio hominis opera-  
tio in materiam extraneam: au diat uir iste excellentissimus Ioan-  
nem Gandauensem, qui in sexto Primæ philosophiæ libro ita scri-  
ptum reliquit:

Logica est bene realis scientia, quia considerat rem ueram, et syllo-  
gismum ordinatum in modo & figura extra intellectum. unde sunt  
entia uerè realia, licet dependeant ab anima in productione. unde e-  
tiam non inuenitur ab aliquo, nec ab Aristotele, nec ab Auerroë, diui-  
sio scientiæ per realem, & per rationalem.

His uerbis tollit Ioannes difficultatem, quod enim ars recta sit ra-  
tio factibilium, factio autem sit operatio hominis in materia extra-  
nea, nihil hoc obstat, quo minus Logica sit ars, quippe quæ ex illius  
sententia docet operari circa syllogismum extra intellectum, quæ qui-  
dem est materia extranea. Sed utcunque sit, illud respondere licet,  
nos Logicam eo modo appellare artem, quomodo ipse præceptor  
meus eam uocat scientiam, atque (ut ipse ait) non esse scientiam, quæ de  
ueris rebus agat, re uera tamen erit semper magis ars, quam scientia,  
ut supra demonstrauimus. Neque in eam ipsi opinionem discedimus,  
ut existimemus, orationem, quatenus oratio est, ignotum aliquid ex-  
plicare: sed orationem, quatenus est cognoscendi modus, qui com-  
plectitur & definitionem, & omnes syllogismi species. Diuisionem  
autem, ac cætera quæ uidentur cognoscendi instrumenta, uel ad hæc  
ipsa redigi posse arbitramur, ut octauo huius Apologiæ libro decla-  
rabitur, uel non esse instrumenta: idque non sine ratione, nisi mea me fa-  
lit opinio. Nam cum omnia quæ sciuntur, generatim, sint omnino  
quatuor, atque hæc ipsa quatuor sciuntur per definitionem, & per spe-  
cies syllogismi: quid est enim definitione percipitur, cætera speciebus  
syllogismi: non possunt esse plura cognoscendi instrumenta, essent  
enim superuacanea. siquidem unius rei, quatenus una est, non po-  
test esse nisi una scientia, ut ex 11. Poster. libro constat.

Quæ quidem omnia etsi satis perspicua esse arbitramur, tamen quo  
magis illud intelligatur, diuisionem non posse ipsam per se obscurum  
aliquid declarare (quod tamen uidetur excellentissimus præceptor  
meus asserere) uerba illa Aristotelis 1. Posteriorum lib. recitabimus.

Quoniam autem diuisio per genera parua quædam particula di-  
stæ methodi facile est uidere, est enim diuisio inferius syllogismus:

nam quod oportet quidem ostendere, est

Et cætera, quæ sequuntur. Item 11. Posteriorum lib.

At uero neque per diuisionem uia est syllogizari, sicut in resolu-  
tione circa figuras dictum est, nunquam enim necesse est rem illam esse,  
cum hæc sint,

Et cum eodem libro alia multa dixisset, hæc addidit:

Sed diuisiones, quæ sunt secundum differentias, uti les sunt in his, ut  
sic adeamus: sicut tamen demonstrant, dictum est in prioribus.

Ex his igitur uerbis Aristotelis facile quisque potest intelligere, diuisionem non esse instrumentum, quo ignota cognoscantur, cum petat ex Aristotelis sententia id, quod est in principio, neque necessario quicquam concludat, aut demonstret. Sciendi autem modum non esse Logicæ subiectū, satis ostensum esse arbitramur in exordio nostri Commentarij. Quam uerò interpretationem affert præceptor meus, illius propositionis Aristotelis 1. Primæ philosophiæ lib. ut hoc tueatur, Logicam esse scientiam, cum eo loco uideatur Aristoteles, ex sententiâ quoque expositorum, eam modum sciendi appellare, hæc ipsa interpretatio nostræ uidetur mirū in modū fauere opinioni, qui eam artem nominauimus. quanquam licuit illud etiam nobis dicere, Logicam non esse artem quæ de ueris rebus agat, neque tamen omnino non esse artem, ut fatetur ipse, Aristotelem uerbis illis scientiam: quæ de ueris rebus sit exclusisse, non tamen omnino: etsi ita etiā artis similior erit, quàm scientiæ, ut quæ docet operari. Hoc autem à nobis dictum est in eam sententiam, quatenus Logica non dicitur esse de rebus, propterea quod docet constituere instrumenta cognoscendi. Quam item sententiam secuti sumus, ubi diximus, eam esse de sola oratione: tamen re uera asserimus, esse de rebus communibus, quæ sunt affectus entis. Sed hoc loco quoquo modo dicatur, nihil refert. Auctoritas tamen illa uidetur ostendere nostram opinionem, quia ex eorum sententiâ, modo sciendi intelligit Aristoteles Logicam, cum dixit,

„ *Absurdum est simul quærere scientiam, & modum sciendi:*  
Separatq; ipsam à scientiâ, id quod ipsi diximus.

Præterea cum inuenta sit Logica non sui, sed alterius gratia (ut etiam ex ipsorum sententiâ liquet, & ex 1. Topicorum lib. ubi diuidit Aristoteles problemata, utq; à nobis ostensum est in Commentario, & hoc etiam libro ostenditur) non potest esse scientiâ. Consequentia probatur, tum ex primo Ethicorum libro, ubi docet Aristoteles, quid inter Fabrum & Geometram intersit, qui ambo rectum considerant: tum etiam ex 1. Primæ philosophiæ libro, tex. xv. Rectè igitur à nobis dictum est.

#### SECTIO II.

BYCCA.



Ecundum placitum est, librum Prædicamentorum Aristotelis non esse Logices partem, sed Metaphysices, cui quoque subalternatur. prima eius pars multipliciter ostenditur, tamē qui in eo pertractantur propria substantiæ: qua substantia est, siquēter et cæterorū Prædicamentorū, uerbi gratia, quod in subiecto non sit, quod cum una numero sit, suscipiat contraria, careat cōtrario, expers sit ipsius magis ac minus, species sit magis substantia, quàm genus. quæ tota cōtemplatio proculdubio Metaphysici est, cū sit prima entis diuisio in substantiam & accidens, tū eadem scientiâ speculatur ens, & primas illius partes: tū quia ociosæ essent cæteræ scientiæ, cum omnium rerū contemplatio decē prædicamentis

comprehensa sit: tum quia Prædicamenta sunt de rebus, Logica nõ est de rebus cum. tum genus, species, necessarium, contingens, contrarietas, contradictio, de quibus in Prædicamētis est speculatio, entis sunt affectus, quæ ens; transcendunt enim omne Prædicamētum, & in quolibet sunt Prædicamento, atq; ob hoc æqua dicuntur: tum quòd non egemus decem generum peritiâ, ante uerbi et nominis definitionem, sunt enim per se notæ hæ definitiones ex communi consensu. Non igitur debet præcedere librum Perihermenias, neq; per consequens inter libros Logices Aristotelis annumerari, quia ex omnium consensu, si secundus liber annumeretur inter eos, primum locum sibi uendicabit. Hac ratione opinatur, librum Porphyrij Isagogicum minimè libro Prædicamentorum anteponendum, uerum ei parti Logices distribuendum, quæ de partibus definitionis agit, cuiusmodi fuerit liber Posteriorum resolutionum.

Secunda pars eiusdem placiti demonstratur eo, quòd VII. Metaphys. de prædicamentis agit Aristoteles, quæ res sunt: in V. uerò multiplicitatem illorum nominum aperiat, tamen quod cõtemplatio horum omnium apud Logicum ad opus referatur. primo enim Priorum dicendum, quomodo fiat syllogismus; & II. Posteriorum, quomodo fiat demonstratio. omne autem quod ad alterũ dicitur, prius natura est aliquid, à se igitur; & prius in se ipso comprehenditur, nulla autem uidetur alia arte, quàm diuina. Ita enim descendit Metaphys. facultas in Logicam, cum tamen minimè liceat descendere de genere in genus, nisi alterum sub alterum fuerit. Attamē primò occurrimus cum cæteris expositoribus Aristotelis. cum enim Logices usus sit ad dirigendas intellectus nostri operationes, quæ genere tres sunt, simplicium intelligentia, compositio ac diuisio, & argumentum, prima non nisi Prædicamentorũ doctrina dirigi potest, quæ singula in proprio genere ordinamus eo modo, quo ordinari debent. Tum quòd Logica facultas tradit nobis omnem modum, quod ignotum notum fiat. Ignotum autem cum duplex sit, incomplexum, & complexum, secundum argumentum innotescit: primum uerò partim definitione, qua demonstratur rei essentia, partim diuisione, qua eiusdem partes explicantur. uerbi gratia, species respectu generis, definitio autem quæ ex genere & propria rei differentia constat, & diuisio generis per proprias differentias in suis species, quomodo sciri poterit, ignorata coordinatione prædicamentitica enim Aristoteles inuestigaturus animæ definitionem, quærit primò generalissimũ genus, quo comprehendatur. mox eo inuēto, ipsum diuidit per differentias omnes, ut quæ propriæ sint rei definiendæ, recipiantur, & alienæ rejiciantur. Cum igitur omnes artes utantur definitione, & diuisione rei, quam contemplantur, necessariò supponitur cuius earum Prædicamentorum, & eorum proprietates, quibus discernat de singula rei, in quo nam genere reperiatur.

Hæc multas (quod pæce tam docti, acutiq; tiri dixerim) mihi uidentur habere difficultates, quarum nonnullas omittendas esse du-



ximus, quòd eas ex nostro libello commodè tolli posse arbitramur. Illud tamen silentio non præteribimus, nusquam nos dixisse, Prædicamenta subalternata esse Primæ philosophiæ, sed asseruisse illius esse partes. Quod uerò ex Interpretum sententia subiungit clariss. doctor meus, id ego falsum esse arbitror, si ita sentiat, ut lentire quidem uidetur, quod dicunt isti de tribus illis operationibus, hoc esse aliud ab eo, quod ipsi in nostro libello diximus, Logicæ scilicet finem esse, tradere rationem constituendi modum cognoscendi: propterea quòd numero quatuor sunt, quæ quaeruntur, totidem item, quæ sciuntur. Qui quidem cognoscendi modus comprehendit definitiones, & omnes syllogismi species. cætera enim de quibus agitur in Logica, ut rationem, syllogismum, et reliqua id genus omnia, horum ipsorum causa pertractari, inferius ostendemus.

Illud inquam falsum esse opinamur, cum ob rationes, quas in proœmio Commentarii attulimus tum ex eis: quæ in uniuersa Logica pertractantur, in qua nihil aliud docetur, nisi constitutio eorum instrumentorum quæ dicta sunt.

Illud etiam,

- » Doctrinam, quæ habetur ex libro Prædicamentorum, dirigere  
 » primam intellectus operationem: à ueritate alienum esse, satis nos ostendisse arbitramur in nostro libello, ac præcipuè in undecima eius sect. Probantur enim ibi proprietates subiecti, quod planè complexum esse, neminem latere arbitror. Hoc tamen non obstat, quò minus Prædicamenta usui sint definitionibus scientiarum particularium, quamuis sint de complexis. usui sunt enim eo modo, quo dicemus inferius, demonstrationem, quæ est de complexis, tradere cognitionem definitionum, quæ sunt de incomplexis.

Adde etiam, quòd si ita esset, tamen nihil indigeremus in Logica illa intellectus directione. etenim in nostro libello demonstrauimus, Logicam non uti simplicibus his, quæ dicuntur esse in Prædicamentis.

Præterea concedimus (id enim insequitur) docere hæc, Definitionem fieri oportere ex genere & differentia, Diuisionem esse generis in species, Demonstrationem constitui ex ueris necessarijs, hoc esse Logicæ munus. Logicam enim tradere omnem modum, quo ignotum quid notum fiat, docendo scilicet illum conficere, ut in nostro libello ostensum est. Demonstrare uerò, & definire actu, hoc existimamus pertinere ad eos artifices, qui eas pertractant res, quas demonstrant & definiunt. Quamobrem illud inferri non licet, Logica docet definire, & demonstrare, ergo conficit omnes definitiones, & omnes demonstrationes. Nam præterquam quòd hoc falsum esse apparet, præterea superuacaneæ essent cæteræ facultates. Atque ita quidem non sequitur, ut necesse sit cognita habere omnia ea, quæ necessaria sunt ad omnes definitiones, & demonstrationes conficiendas: siquidem non omnes Logica conficit, ut quæ sunt in particularibus facultatibus. Potest igitur scire illas regulas, quas diximus, Definitionem scilicet constare ex genere,

nere, & differentia, demonstrationem ex ueris, primis, & reliquis, ignorata tamen coordinatione Prædicamentorum. Regulæ enim huiusmodi constitutæ sunt ex simplicibus ijs, quæ non sunt in Prædicamentis. Aliud est autem docere definire & demonstrare, aliud definire & demonstrare. Logica docet definire & demonstrare, reliquæ ad præscriptum definiunt & demonstrant: docet autem ipsa Logica ex transcendentibus illis terminis, ut probatum est in Commentario. Verum quo melius ea quæ dicta sunt, percipiantur, illud non prætereundum esse statuimus, si ea quæ in aliqua facultate pertractantur, sint ex eis quæ subiiciuntur alicui decem illorum generum, necessario cognoscenda esse decem ipsa genera. Sin autem facultas aliqua pertractet ea, quæ genera omnia transcendunt (quod quidem, uti probatum est, facit Logica) non uideo, quid opus sit tenere coordinationem decem illorum Prædicamentorum, ut sub quo genere comprehendatur aliquid eorum, quæ omnia ipsa genera transcendunt, intelligamus. Non enim si uelis unum aliquid eorum declarare, inuenies sub quo genere sit, ac diuides genus illud in proprias differentias.

Quod uerò ait, Omnes artes uti definitione, & diuisione rei illius, quam pertractant, itaque necessario cuique arti Prædicamentorum doctrinam supponi, eorumque proprietates, quæ declarant, quo genere quidque singulare contineatur: hoc (ut ego quidem arbitror) opinionem nostram confirmat. ostendit enim Prædicamenta esse de rebus, ac necessario præcedere omnes artes, in quibus tractantur ea quæ sunt sub Prædicamentis, id quod ipsi planè asserimus. Non autem antecedere artem illam, quæ contemplatur ea quæ sunt supra decem ipsa genera, non infra, qualem Logicen esse asseruimus. Quam quidem ob causam in nona parte nostri libelli ostendimus, doctrinam, quæ in libro Prædicamentorum traditur, antecedere oportere facultates particulares, quæ uersantur in ijs quæ uno aliquo illorum generum continentur. Atque hanc nostram sententiam confirmauimus loco illo Aristotelis, libro de Anima, quem ipsum locum ad opinionem suam comprobendam attulit præceptor meus. Sed ex eis quæ dicta sunt, intelligi licet, utri opinioni locus ille magis faueat. aliorum enim sit iudicium. Satis autem nos esse duximus, illud ostendere, ea quæ definiuntur in Logica, non contineri aliquo decem generum: contra uerò contineri, ea quæ tractantur in cæteris facultatibus. Ex quo quidem planè sequitur, ut facultates eæ quæ de rebus particularibus agunt, ut philosophia, & Mathematicæ indigant cognitione illorum generum, Logica uerò minime, id quod in disputatione positum est. Non enim intelligo, quid Aristoteli definiendi enunciationem, propositionemque esse orationem, in qua dicitur aliquid de aliquo: syllogismum esse orationem, ex qua sequitur aliquid necessario: demonstrationem esse syllogismum facientem scire: quid inquam ipsi Aristoteli hæc definiendi, asserat cognitio substantiæ, eiusque proprietatum: quid item, ut

ostendat, enunciationem componi ex nomine, & ex uerbo, quia est oratio, in qua dicitur aliquid de aliquo. Syllogismus constare ex tribus terminis, & duabus propositionibus, quia est oratio, ex qua sequitur aliquid necessarium. Demonstrationem constitui ex ueris, primis, & reliquis, quia facit scire, opus sit scire ea quæ lib. Prædicamentorum traduntur, ut uerbi gratia, substantiam non esse in subiecto, non suscipere neque magis, neque minus, suscipere contraria, & cætera huiusmodi.

Præterea, si eum qui definiturus est animam, quæ quidem anima est res realis, oportet prius scire, num anima sit substantia, quod intelligitur ex ijs quæ docentur in lib. Prædicamentorum, dicendum sane uidetur, hunc ipsum librum agere de rebus, ac præcedere oportere omnes particulares facultates. non enim maior est ratio unius, quàm alterius. Quod quidem à nobis cum dictum esset, improbauit excellentiss. præceptor noster.

### SECTIO III.

BYCCA.



Tiam in annexo est ambiguitas, tum quia Porphyrius Isagogicum suum librum fatetur utilem esse ad prædicamentorum notitiam: tum quia, cum omnis eius doctrina de quinque uniuersalibus sit sumpta ex lib. Topicorum: tum quia nedum tradit notitiam generis & differentiae, ex quibus constat definitio, sed et cæterorū quæ à definitione excludi debent.

ANTO.

Concedimus, Porphyrii libellum non mediocre afferre utilitatem ad Prædicamentorum cognitionem. negamus autem, illum esse collocandum initio Logicæ facultatis, sed suum esse locum arbitramur, quem ipsi duodecima parte libelli nostri diximus. Vbi quidem ostendimus, fieri non posse, ut ordine doctrinæ præcedat definitionem nominis & uerbi. Cum autem fateatur præceptor noster, huiusmodi doctrinam sumptam esse ex libro Topicorum, uidetur nostram confirmare opinionem. Non enim tradidisset Aristoteles eas definitiones in Top. quæ initio Logicæ facultatis tradendæ fuerant. Quocirca minimè probandum uidetur, tantum quidem philosophum primam omnium facultatem, quasi mancā, scedeq; nimis, dempto capite, mutilatam nobis tra didisse. Neq; tamen ex ijs quæ diximus, quenquam existimare uolumus illud consequi, ut huiusmodi definitiones non tradendæ sint ea parte, ubi traduntur proprietates definitionis, quod in Top. tradatur. nam in ipso lib. Top. traduntur & proprietates definitionis, & in lib. Posteriorum, licet modo diuerso. Innuit tamen Aristoteles l. Posteriorum lib. illas esse necessarias, his uerbis:

» Quod autem substantia sit, ex his manifestum est. necesse enim, si  
» non hoc sit, trinitati esse, ut genus aliquod esse, hoc autem nomina-  
» tum, aut non nominatum. Erit igitur in plusquam trinitati inexte-  
» ns. concedatur enim huiusmodi esse genus, quod secundum poten-  
» tiam in plus.

Et

Et paulo post ad probandum terminum per diuisionem, subdit:

*Tria oportet coniecturari, accipientem prædicamēta in eo quod quid est, & hæc ordinare, quid primum, & quid secundum, & hæc omnia sunt. Est autem horum primum per id quod possumus, sicut ad accidens syllogizare, quoniam inest & per genus probare.*

Et cætera, quæ sequuntur. Ex quibus quidem luce clarius apparet, has definitiones esse necessarias eo modo, quo à nobis dictum est. Sed cureas Aristoteles non secundo Posteriorum lib. sed sexto Top. explicari, alibi diligentius, quantum quidem per nos fieri poterit, ostendemus.

Neque item, quod Aristoteles non modò tradit notitiā generis & differentię, sed eorum etiam, quæ à definitione excluduntur, hoc nostram opinionem euertit. Nam primo Top. lib. cap. IIII. docuit, omnia hæc ad definitionem referri, his uerbis:

*Non lateat autem nos, quoniam, quæ ad proprium, & ad genus, & ad accidens, dicta sunt, & ad definitiones conueniunt dict.*

Et paulo post:

*Quare secundum prius assignatam rationem, omnia erunt quodammodo definitiua, quæ annumerata sunt.*

#### SECTIO IIII.



Secundo dicto obstant multa, tum quòd pars scientiæ nō subalternatur suo toti, cum sint omnino eiusdem generis, & eorundem principiorum: tum quia necessario scientia subalternata, ordine doctrinæ, sequitur subalternantem, alioqui non foret scientia. quia omnis demonstratio debet esse aut immediatis, aut ex his quæ ab immediatis fidem habent primo Poster. tum quia ibidem dicitur, quòd scientia subalternans dicitur propter quid principiorum scientiæ subalternatæ, & subiectum esse sub subiecto adiecta accidentali differentia. sic autem Metaphys. non dicit causam principiorum ipsius Logicæ: sunt enim, inquit, definitiones nominis, & uerbi, & enunciationis, affirmationis & negationis, per se notæ, ex cōmuni usu loquentium receptæ sunt: tum secunda intentio, quæ subijcitur Logico, non comprehenditur sub ente reali, quòd Metaphysico subijcitur:

Negamus, dixisse nos, Prædicamenta esse subalternata Primæ philosophiæ. diximus enim, illius esse partem, sine qua ipsa quasi mæca, mutilataq; foret. Quòd uerò ad alia, quæ sequuntur, attinet, nempe scientiā subalternatam, ordine doctrinæ, sequi subalternantemq; satis responsum esse in quarta & quinta nostri Commentarij sectione arbitramur. nam ibi rationes, quibus nostram tueremur opinionem, attulimus. Neque illud etiam, quòd subiungit ex primo Posteriorum lib. contra nos quicquam facere, satis ostendisse uidemur, quæ diximus in IIII. nostri libelli sect. his uerbis:

Sed quo facilius hæc res perspici possit, utamur exemplo Perspectivæ, quam fingamus pertractare lineam uisualẽ. Hæc igitur linea uisualis est materia composita, ex qua oritur perspectiua: quæ quidem materia constat ex Geometria, & ex philosophia naturali, atque ita totum hoc solum habetur pro materia. Forma uerò est respectus ad opus, finis enim (ut ostensum est in nostro libello) est forma substantialis habituum, quæ forma affert unitatem illi materiæ, uti caro, ossa, nerui, quæ inter se materia differunt, suam accipiunt unitatem à forma substantiali. ex illa ergò materia composita, & ex respectu ad opus, existit ipsa Perspectiua, quæ specie differt à Geometria, & à philosophia.

Quoniam id quod tractauit Geometria, & philosophia in se, & absolutè, ac scientiæ tantummodo causâ, ipsa Perspectiua tractat in ordine ad opus. Non enim potest pertractare simpliciter, & absolutè, atque ipsius scientiæ tantummodo causâ, propterea quòd hoc iam præstitit Geometria, & philosophia. Quare necessariò pertractat eadem in ordine ad opus. Considerans enim lineam uisualẽ, considerat, uti doceat facere, ut sic apparere, aut sic. Atque hæc differentia est secundum speciem, & formam. Neque hoc sanè mirum uideri debet, cum multis in locis, quorum nonnullos in nostro libello recitauimus, hoc apertè tradiderit Aristotides: idemq; etiam ex eo intelligi possit, quòd Socrates, quatenus homo est, specie differt à seipso, cum consideratur, ut est pater. collocatur enim in Prædicamento ad aliquid: quod cum differat genere à substantia, differt etiam specie. Vna igitur, atque eadem res considerata, sic differre potest specie à se ipsa, quatenus absolutè consideratur. Ac tametsi ipsa Perspectiua lineam petat à Geometria, uisualitatem (ut ita dicam) à philosophia, tamen dicitur magis Geometrica, quàm naturalis, quòd affert causas suarum conclusionum magis ex parte Geometrica, quàm ex naturali. Etenim quamuis utraque præ ipsa Perspectiua sint materia, tamen linea magis subibit uicem formæ, uisualitas materiæ. Ex illa materia ergo, & ex respectu ad opus, tanquàm ex forma substantiali, fit unum per se, quod quidem est Perspectiua. Arque ita apparet, subiectum Perspectivæ non esse aggregatum per accidens, ut multi opinantur, neque item fieri subalternationem, addita accidentali differentia, ut ait Præceptor meus. Propterea quòd ex materia, & ex forma fit unum per se, ita tamen accipiendo differentiam accidentalem, ut aliud (quemadmodum diximus) notet, ac uidentur sentire Interpretes. Quod autem de Perspectiua dicimus, eam scilicet fieri subalternatam Geometriæ, ob respectum ad opus, hoc idem assertimus de omnibus cæteris facultatibus, quæ alijs ad hunc modum subiiciantur. omnes enim (ut superiore libro ostendimus) subalternantur ad hunc modum. Quæ enim huiusmodi facultates subalternatæ pertractant, hæc ipsa cum prius pertractauerint principales

cipales facultates: necesse est, tractari in ordine ad opus. Aliter enim subalternata facultas non distingueretur à principali secundum formam, quippe quæ & easdem res tractaret, & eodem modo. Interest autem inter huiusmodi facultates, quæ quidem sunt sub alijs, quarum omnium forma est finis. nam aliæ accipiunt suam materiam ab una omnino facultate, ut Medicina & facultas moralis à philosophia: aliæ uerò à duabus facultatibus, ut Perspectiua, Musica, & Astronomia, & Mechanicæ.

Neque repugnant uerba illa Aristotelis primo Posteriorum libro, cap. duodecimo:

„ *Habent autem se & ad Perspectiuam, sicut hæc ad Geometriam,*  
 „ *alia ad istam, ut est id quod est deinde. ipsum enim, quia Physici est*  
 „ *scire, sed propter quid Perspectiuæ, aut simpliciter, aut secundum*  
 „ *doctrinam.*

Hæc inquam Aristotelis uerba, non repugnant eis quæ diximus, omnem uidelicet scientiam subalternatam, huiusmodi fieri per respectum ad opus, quod philosophia ex ea parte, qua subalternata est Perspectiuæ, nullum habet ordinem ad opus, quam tamen Aristoteles uidetur dicere esse subalternatam. Nam ipsi loquimur de scientia, quæ tota est subalternata: & uerè secundum naturam, quæ quidem omnia sua principia à subalternante mutuatur. quibus proprietatibus caret omnino philosophia naturalis, quod ad ipsam Perspectiuam attinet, quippe quæ subalternat Perspectiuæ ex ea modò parte, quæ est de iride, quæ quidem est minima pars. Acliet Aristoteles dixerit, scientiam de iride esse sub Perspectiua, perinde atq; est perspectiua sub Geometria: tamen noluisse dicere, ipsam philosophiam esse sub Perspectiua, itemq; partem illam de iride non esse uerè sub perspectiua, quemadmodum perspectiua est sub Geometria, nisi quatenus perspectiua explicat propter quid iridis, ostendit his uerbis, quæ subdit

„ *Multæ autem, et non sibi inuicem scientiarum, habent se sic, ut ad*  
 „ *Geometriam Medicina. quod enim uulnera circularia tardius sanantur,*  
 „ *Medici est scire: propter quid autem, Geometræ.*

Non enim sentit, Medicinam esse sub Geometria, quæ tamen eandem habet similitudinem cum Geometria, quam philosophia cum Perspectiua.

Illud autem absurdum uideri potest, facultatem eam quæ subijcitur alteri, declarare propter quid alicuius rei, quæ sit in facultate prior secundum naturam: cuiusmodi est philosophia naturalis, quæ non solum est prior Perspectiua, quæ subijcitur Geometrix, quæq; accipit partem suæ materiæ ab ipsa philosophia naturali, sed etiam ipsa Geometria. Diuina enim philosophia natura omnium est prima, quam subsequitur philosophia naturalis: est enim de substantia. tertium locum obtinet Mathematica scientia, quæ agit de quantitate. Naturalis autem philosophia, quatenus prior est, omnia habet quæ  
 ad

ad ipsam pertinent, atque ita nihil uidetur indigere posteriori. Quod si dicatur, hoc ab Aristotele uideri dici, non quod ad priorem scientiam, & per se attinet, sed quod ad nos, & per accidens, atque ita huiusmodi non erit uera subalternatio. In facultatibus enim subalternatis, sæpenumero ob aliquam oblatam occasionem, pluribus agitur de eis, quæ ad subalternantes pertinent, quàm in ipsis subalternantibus: ut de affectibus animi constat, qui pertinent ad naturalem Philosophiam, tamen de illis in Ethica facultate, quæ est sub philosophia, & in Rhetorica copiosius disputatur, quàm in ipsa philosophia. Ita nonnunquam quod ad illud attinet, quod tractatur, superiores scientiæ sese reijciunt ad inferiores, ut duodecimo Metaphysicorum libro sese reijcit Aristoteles ad Astrologos. Item primo libro, de differentia artis & scientiæ, ad librum Ethicorum. hoc enim est ratione nostri, non ratione scientiæ superioris. Quibus omnibus cognitis, perspicuum est, nihil obstare, quo minus uerum sit, quod à nobis dictum est, omnes uidelicet facultates subalternatas, ita fieri ratione ad opus. Quod si Aristoteles appellat eas nomine scientiæ, communiore uocabulo, atque improprie id eum facere, satis ostendimus. Constat igitur, non illas subalternari, quod addatur accidentaliter differentia, quæ sit alia à respectu ad opus. Atque ita perspicuum est, nihil prohibere, quo minus Logica hoc modo subiiciatur Primæ philosophiæ.

SECTIO V.



Espondes, secundas intentiones minime fore entia rationis, & Logicam hoc modo esse de secundis intentionibus, cum neque his nominibus utatur Aristoteles, neque huiusmodi res sint. Sed quæ subiiciuntur Logico, sunt affectus entis, quæ ens est: & subiiciuntur Logico, quatenus arte constant, genus, & species, cum sint uniuersalia, simplices fore rationalis animæ passiones, similitudines uidelicet rerum singularium, productas ab ipsa conuenientia, quam inter se habent, si genere genus, si specie species elicitur, quæ est rei similitudo, quæ non potest abstrahi ab intellectu, nisi illa conuenientia cognita, & hoc modo uniuersalia inductione colligi. Alioquin si forent relationes rationis, sicut communiter expositores dicunt, simul nota forent genus & species, cum tamen prius tempore genus quàm species generetur (tertio libro de Generatione animalium) & ex consequenti etiam prius intelligatur. Aliter enim, cum secundæ intentiones sint relationes obiecti cogniti, comparati alteri obiecto cognito, essent in secunda operatione intellectus.

Sed & hæc multis ambiguitatibus sunt referta, tum quia si genus & species sunt affectus entis, quæ ens est, quomodo sunt operationes nostri intellectus, cum ens, quæ ens, præscindat à substantia, &

& ab accideñte, & à ratione generis & speciei, tum quia aut omne ens esset genus aut species: aut ens simpliciter præscindens à substantia, & ab accidente, haberet rationem generis, aut speciei: quæ absurda sunt. Aut enim reduplicatiue sumitur ea uox in quantum, & sic uniuersalem insert: aut specificat rationem entis, & sic sequitur secundū. Tum quia conuenientia, cum sit relatio, caret propria ui agendi, neque habet simulachrum proprium apud intellectū: ex quo non per se sentitur, sed per accidens extremorum sensu comprehenditur. Tū quia comparatio obiecti cogniti ad obiectum cognitum, est in prima operatione intellectus, non autem in secunda.

Tum quia si intellectus prius apprehendit huiusmodi singulariū conuenientiam, quàm uniuersalia ipsa eliciat, & si fuerit conuenientia in genere, eliciatur generis similitudo, si speciei, species, prius erit ratio generis, q̃ sit similiter & speciei, quod claudit contradictionē.

Tum quia similitudines simplices animæ rationalis, quæ rerum naturalium sunt simulachra sunt opera intellectus agentis, concurrēte cum eo ipsius rei simulachro in phantasia, sine aliqua cognitione singularium plurium. Quod si ab intellectu potentia fiant, non nisi collatione obiecti cogniti ad obiectum cognitum, quod negabas.

Tum quia uniuersale, quod colligitur inductione, est complexū, uniuersalis propositio, non autem simplex rei simulachrum.

Tum quia necessariō simul comprehenditur genus & species, cum sint correlatiua ex Porphyri. Aristoteles autem tertio libro de Generatione loquitur de indiuiduo generis, ut speciei. quorum est per se generatio, sumptis genere & specie pro prima intentione, non pro secunda, sicut etiam 1111. Metaphysicæ loquitur his, ut sunt intentiones primæ.

ANTO. Etsi multa proferre possumus, quæ falso nobis ascribuntur, tamēne longiores simus, his omissis, ad ea quæ contra nos afferuntur, uenimus. Primum igitur asserimus, genus & speciem, & cætera huiusmodi esse affectiones entis, quatenus ens est, quam rem ex uerbis Aristotelis nos ostendisse, in VI. libelli nostri sectione existimamus, ut in extrema etiam hac parte ostendemus.

Sed quid, Dii boni, proferri potest, quod nobiscum magis faciat, idē apertius, quàm uerba illa Aristotelis quarto Primæ philosophiæ libro?

» Post hæc autem dicendum esse uidetur, utrum unius, an diuersarū  
 » scientiarum, sit de his principijs, quæ in Mathematicis appellantur,  
 » ac de substantijs contemplari. Patet itaq; non ad diuersas, sed ad unā  
 » harum etiam considerationem, & ad philosophi scientiam pertinere.  
 » Vniuersis enim quæ sunt, sed non generi cuiquam seorsum à cæteris  
 » accommodantur. Atq; utitur quidem his omnes ex eo, quia sunt eius  
 » quod est, quæ ratione est ens: eousque tamen utuntur, quousq; satis est  
 » ipsis, id est quoad occupat, quo de afferunt demonstrationes. Quare  
 » cum pateat, hæc ipsis, ut entia sunt, uniuersis competere, hoc est enim  
 ipsis



*ipsis commune, horum quoque contemplatio eius profectò erit, qui id quod est ea ratione, qua est ens, contemplatur. Quocirca nemo eorum quæ partes considerant, de his ipsis quicquam dicere aggreditur, si sint uera, nec ne.*

Ex his igitur patet, genus, speciem, necessariũ, cõtingens, cetera quæ id genus, quòd uniuerſis quæ sunt, non uni alicui generi separatiim cõueniunt, esse affectus entis, quatenus ens est, & ad primum philosophum pertinere. aliter enim non probaret Aristoteles id quod de principijs illis probare conatus est, ea scilicet pertinere ad primum philosophum, quia sunt affectus entis, quatenus ens est: esse autem affectus entis, quatenus ens est, quòd uniuerſis quæ sunt, non uni alicui generi separatiim conueniant.

Quod uerò querit, si sunt affectus entis, quatenus ens est, quomodo sint operationes nostri intellectus: non uideo quid hoc prohibeat, cum & ipsum ens sit operatio nostri intellectus. est enim uniuerſale: uniuerſalia autem non sunt in natura, nam essent posteriora singularibus. Aristoteles enim primo de Anima, textu octauo:

*Animal autem, inquit, uniuerſale, aut nihil est, aut posterius, scilicet: militer autem & si quid aliud conuenire prædicetur.*

Quod autem subdit:

*Cum ens, qua ens, præſcindat à substantia, & ab accidente, & à ratione generis & speciei,*

Quasi uelit rationem afferre, cur non possint esse operationes nostri intellectus, si sunt affectus entis, quatenus ens est: concedimus, ens, ut ens, præſcindere à substantia, & ab accidente. habet enim suam naturam, & suas proprietates, quatenus ens: non tamen (ut ostensum est) sequitur id, quod ipse ait. Negamus autem (sicuti ostenditur) ipsum ens, ut tale est, præſcindere (sic enim ipse loquitur) à ratione generis & speciei. Quod ad aliam rationem attinet, qua conatur probare, genus & speciem non esse affectus entis, quatenus ens est, quia aut omne ens esset genus, uel species: aut ens simpliciter præſcindens à substantia, & ab accidente, haberet rationem generis, uel speciei, quæ absurda existimat: cõcedimus, omne ens esse uel genus, uel speciem, atque ens præſcindens à substantia, & ab accidente, hoc est ens, quatenus ens, habere rationem generis, uel speciei. Quæ quidem (iudicio nostro) tantum abest ut absurda sint, ut sint etiam maxime necessaria, quia non illud dicimus, omne ens esse genus, omne ens esse speciẽ, sed omne ens esse uel genus, uel speciem, uel propriũ, uel accidens, & huiusmodi. Quorum alterum colligi posse arbitramur ex eis quæ scripta sunt apud Aristotelem i. Ethic. lib. cum ait:

*Bonũ tot modis dici, quot ens, & in eo quod quid, ut Deus, & mēs, & in quali uirtutes, & in quanto mensuratum, & ad aliquid utile.*

Nam ut dicimus, ens esse bonum, quia bonum reperitur in unoquoque entis prædicamento: ita dicimus, ens esse genus, quia genus

x dicitur

dicatur totidem modis, quot ens. reperitur enim in unoquoque entis prædicamento. Id quod perspicuum esse potest ex uerbis Aristotelis primo Topicorum libro,

» Semper enim accidens, inquit, et genus, et proprium, et definitio in unoquoque Prædicamentorum erit. Nam omnes propositiones ab his, aut quod est, aut quale, aut quantum, aut aliorum aliquid quod Prædicamentorum significant, et quod dicitur de genere, ita dicatur de specie, et de alijs.

Ut igitur uerè dicitur, ens esse bonum, sic item uerè dicitur, ens esse genus. id ergo non absurdum est, sicuti opinatur præceptor meus.

Alterum etiam uidetur ex eo intelligi posse, quod sunt affectus entis, quatenus ens est, ut ostendimus, quia non sunt propria alicuius prædicamenti. atque hi ipsi affectus, quemadmodum dicuntur de ente simpliciter, sic etiam proferuntur cum disiunctione. Nam ut uerum est dicere, ens esse genus, quia in quolibet prædicamento est aliquod genus: ita erit uerum dicere, ens esse uel genus, uel speciem, uel proprium, uel accidens, quod in quolibet prædicamento est aliquid horum. Neque uerò absurdum est, quod huiusmodi ita prædicentur. etenim id Aristoteles primo Posteriorum libro ostendit his uerbis:

» Quæ igitur sub scientiam simpliciter cadunt, per se dicuntur, uel eo pacto, ut sint in prædicatis subiecta: uel et rursus, ut ipsa sint in subiectis ea ab ipsa, et necessaria sunt. Nam fieri non potest, ut non competant, aut simpliciter, aut opposita, ueluti linea, rectum, aut obliquum, et numero par, aut impar.

Omne igitur ens, quatenus ens, est genus, est species, est proprium, est accidens. Itemque omne ens, quatenus ens, est uel genus, uel species, uel proprium, uel accidens, uel definitio. Quemadmodum etiam omne ens, quatenus ens, eadem ratione dicitur unum multo diuersum, simile, dissimile, prius, posterius, necessarium, contingens, totum, pars. Hæc enim proculdubio sunt affectiones entis, sicuti constat multis Aristotelis locis, ut tertio Primæ philosophiæ libro, ut septimo, ut quarto, ut nono, ubi ait:

» Quare quot sunt unius, tot et eius quod est, species sunt, de quibus quam sit contemplari ad eandem genere scientiam spectat, ut de eodem ac simili, et cæteris talibus. ferè autem omnia contraria ad hoc principium reducuntur.

Item in eodem libro, textu duodecimo:

» Quæ cum ita sint, et uni pluralitas opponatur, sit, ut eorum cognitio, quæ sunt opposita dictis, ad scientiam dictam attineat, Diuersi inquam, dissimilis, inæqualis, et si quæ sunt alia, quæ aut ad idem, aut ad pluralitatem accommodantur.

Si ergo concedunt, hæc esse entis affectiones, eodem autem modo de

do de ente prædicantur ea quæ suprà diximus, quo modo nemo nõ fatebitur hæc ipsa prædicari, non minus illa quam hæc, concedendum uidetur, esse affectiones entis.

Neque uerò quentq̃ uelim in eam opinionẽ discedere, ut existimet, hæc quæ suprà diximus, nõ conuenire enti, quatenus ens est, quod ens, ut ens, abstrahit à substantia, & ab accidente. etenim aperte Aristoteles ostendit libro quarto Primæ philosophiæ, loco superius citato, huiusmodi conuenire decem generibus, ut entia sunt, quia conueniunt uniuersis, non uni alicui separatim: quod sanè declarat, illa conuenire etiam ipsi enti. Hoc idem quoq̃ uidetur probare primo Posteriorum libro, his uerbis:

*Et proportionale, quod commutabiliter est, secundum quod numeri sunt, & secundum quod lineæ, & secundum quod firma, & secundum quod tempora sunt, quemadmodum & demonstratum est aliquando seorsum sic, contingens est de omnibus una demonstratione monstrari: sed propter quid inde nominatum est aliquid, secundum quod hæc omnia unum sunt, ut longitudines, firma, tempora, & specie differentia, seorsum ab inuicem accepta sunt, sed tamen uniuersale monstratur. non enim secundum quod lineæ sunt, aut secundum quod numeri inuicem, sed secundum hoc est, quod uniuersale poterit esse.*

Ergo etiam huiusmodi affectus, quia non conueniunt uni alicui istorum generum separatim, sed omnibus, non possunt esse affectus illorum, sed necessariò sunt affectus communis illius, quod omnia illa comprehendit: cuius scilicet unius ratione dicuntur inesse ipsis generibus. Sed cum hoc non possit esse aliud præter ens, quia ratione entis modo dicuntur unum, sunt affectus ipsius entis, quatenus ens est, quo item primo posito ipsa ponuntur, ac rursus sublato tolluntur. Ac quantq̃ ens, ut ens, dicitur abstrahi à decem illis generibus, tamen non absurdum existimandum est, ipsum dici genus, uel speciem, quod in quolibet genere hæc ipsa reperiuntur. nam hæc est cognitio à signo. etenim parem & imparem dicimus esse numeri proprietatem, quod dualitas & trinitas sunt numeri, quatenus numerus est, ut ostendit Aristoteles primo Posteriorum libro, & quarto Primæ philosophiæ, textu decimo nono, ubi ait,

*Nam & numeri, ut numerus est, proprii sunt affectus, ueluti & paritas, & imparitas.*

Neque illud etiam uidetur contra nos facere, si dixerimus, ens, ut prædicatur de decem generibus, habere rationem generis, non uniuoci, sed æquiuocad unum, ut quarto Primæ philosophiæ libro, textu sexto docet Aristoteles, his uerbis:

*Quapropter & etus quod est, ut est ens, quæcunq̃ sunt species, unus est scientia genere, & specierum species contemplari.*

Si enim entis sunt species, ens est genus, sed eo quidē modo, quomodo dixit eodem libro, textu secundo, & textu nono:

” *Quare, inquit, quot sunt unius, tot & eius quod est, species sunt.*  
 Quorum uerborum sensum ne uideamur ipsi extorquere, proferendum putamus, quid hoc loco sentiat optimus Græcorum interpretes Alexander.

” Species autem, inquit, unius & entis, latē sumpto vocabulo generis ponit. nam neque ens, neque unum propriē genus est, nec species quæ ipsis subiunguntur. commune enim quod multipliciter dicitur, non est genus: huiusmodi enim sunt ens, & unum. quod enim de his prædicatur, in quibus est prius & posterius, id quodammodo genus est, quia cum genere quandam obtinet similitudinem, non tamen propriē genus est.

Non ergo recedimus in hac re ab eorum interpretum, quos ipsi sequuntur, expositione. Quare ea quæ uidentur doctissimo atq; ingeniosissimo præceptorī nostro absurda, tantum quidem abest ut absurda sint, ut sint etiam maximē necessaria. Nam opinamur nos eo modo genus & speciem, totum & partem de ente prædicari, quomodo cogitur ipse concedere, affectus aliquos entis prædicari de ipso ente, quatenus ens est, quoquo modo sint illius affectus. etenim quemadmodum hi ipsi affectus prædicantur de ente, quatenus ens est, hoc est ut abstrahit à decem generibus, aliter enim non esset ens, quatenus ens: ita licet dicere de genere & specie, cæterisq; huiusmodi. Quid si putat ipse, non esse proprios affectus entis, quatenus ens est, legendus est Aristoteles quarto Primæ philosophiæ libro, loco superius citato, cuius hæc sunt uerba:

” *Nam ut & numeri, quia numerus est, proprii sunt affectus, uelut paritas, imparitas, commensuratio, æqualitas, excessus, defectus, atque hæc & per se, & inter numeris competunt, & solido similiter, & mobili ac immobili, & experti atque participi ponderis, sunt affectus alij proprii: sic & ei quod est, ut ens est, sunt propria quædam, atque hæc sunt ea de quibus philosophi ueritatem considerare.*

Sed quo facilius dissolutio eorum quæ subiunxit uir iste doctissimus, percipi possit, exponendum uidetur, quid nobis uouerimus, cum diximus, passionēs intellectiuas esse similitudines plurium singularium, eductas ab ipsa conuenientia, quam inter se habent singularia. Nolumus igitur hoc significare, eas proficisci ab illa conuenientia, sed ex singularibus, non quatenus singularia & distincta sunt, sed quatenus inter se consentiunt. Nihil denique aliud (ut ostensum est in nostro libello) diximus, nisi quod Ioannes Gandauensis in libro nono Primæ philosophiæ, textu undecimo, ita scripserat reliquit,

” *Vniuersalia causari ex quiditate, in qua conueniunt inferiora.*  
 Ac ita quidem mihi uidetur dissolutum esse argumentum illud,  
 quo

quo præceptor noster conatur ostendere convenientiam, neque esse relationem, nec habere propriam speciem. Etenim non ita sentimus nos, uniuersalia existere ab illa convenientia, sed ab eis, in quibus inter se congruunt singularia.

Hoc item confirmari posse uidetur his quæ ita scripsit Aristoteles primo Topic. lib. cap. x x v.

*Ad inductiuas autem rationes, eo quod circa singula in similibus inductione uniuersale existimamus inducere. non enim facile est inducere ignorantibus similia.*

Idem ipsi significare uoluimus, quod uidetur Aristoteles his uerbis ostendere.

Idem etiam satis apertè docet Aristoteles primo Posteriorum libro, capite decimo octauo, cum ait,

*Quoniam quidem uidere separatim in unoquoque, intelligere autem simul est, quoniam in omnibus sic est. Hoc autem intelligi non potest, nisi uidendo in unoquoque scilicet singularium aliquid, in quo sunt similia, ut uidendo hoc uirum esse perforatum, et illud, iudicamus ita esse in omnibus: aliter enim hoc fieri non posset.*

Sed quoquo modo res se habeat, illud nobis hoc loco satis est, tales similitudines existere à pluribus, ex eo enim sequitur, ut simulatque existant, eodem temporis momento plura singularia referant: ex quo quidem constat, uera esse ea quæ à nobis dicta sunt. Multa præterea possent afferri, quod cum substantia non uideatur per se sentiri, tamē concedunt eam habere propriam speciem in intellectu. Sed nihil ad nos in præsentia.

Quod uerò subiungit præceptor meus, quem quidem semper honoris causa nomino,

Comparisonem obiecti cogniti ad obiectum cognitum eo modo, quo hic loquimur, esse in prima operatione intellectus:

Non uidetur carere difficultate, siquidem intellectus prima operatione percipit hominem tantum, antequam ipsum cōparet: quod si ipsum postmodum comparat cum animali, in eadem re alia operatione operatur. diuerso enim temporis momento operatur. At hæc neque est tertia operatio, neque potest esse prima, quod operatione tantummodo ipsum hominem perceperat: secunda est igitur. Idque ex eo confirmatur, quod sentiunt isti, hominem comparari cum animali, itaque secundam intentionem effici, quæ est species: deinceps animal conferri cum homine, atque ita effici intentionem eam, quæ genus appellatur. Sed qui potest comparari homo cum animali, animal cum homine sic, ut appelletur homo species, animal genus, nisi sciatur latius patere animalis notionem, hominis uerò angustius? Qui item hoc fieri potest, nisi ita dicatur, omnis homo est animal, nō omne animal est homo: ut ostendit Aristoteles 1. lib. Priorum, his uerbis:

*Sed prius dicemus de syllogismo, quia uniuersalior est. Demon-*

„ *stratio enim est syllogismus, non omnis tamen syllogismus est demonstratio.*

At ita dicere, omnis homo est animal, nō omne animal est homo spectat ad secundam intellectus operationem. ergo verum est quod diximus, si sint huiusmodi secundæ intentiones eo modo, quo dicunt fore, ut ad secundam ipsius intellectus operationem spectent.

Quod uerò ad eam partē, quæ sequitur, attinet, fieri nullo modo potest, ut intellectus abstrahat similitudines illas, quæ plura referunt, nisi sensu interiore plura illa inter se congruentia cognouerimus. atq; ob hanc sanè causam dixit Aristoteles 1. Poster. libro:

„ *Ex singularibus pluribus uniuersale fieri manifestum.*

Idq; uolumus ipsi dicere. Nec enim latebat nos, Aristotelem 111. de Anima lib. duplicem intellectum significare, his uerbis:

„ *Quoniam autem sic in omni natura est aliquid hoc quidē materia unicuiq; generi, hæc autem est potentia omnia illa, alterū autem causa, et factum, quod in faciendo omnia, ut ars ad materiam sustinuit, necesse est in anima has esse differentias.*

Et paulo post:

„ *Et est intellectus, hic quidem talis in omnia fieri, ille uerò in omnia facere, sicut habitus quidem, et sicut lumen. quodam enim modo et lumen facit potentia existentes colores actus.*

Ex his igitur minimè dubitari posse uidetur, quin sit intellectus agens, qui abstrahat, possibilis, qui recipiat, cogitativa, quæ ante plura illa singularia inter se congruentia percipiat. His ad explicandam nostram opinionem ita declaratis, quod ad ipsum argumentum attinet, negamus primū, dixisse nos intellectum, uel possibilem, uel agentem prius apprehendere huiusmodi singularium conuenientiam, quàm uniuersalibus ipsiseductis. Diximus enim, intellectum agentem non posse abstrahere similitudines illas, quæ plura referunt, nisi conuenientia illorum plurium per ipsam cogitatiuam percepta. ac tum quidem negamus, quod infert præceptor noster. Nam cum ita diximus,

„ *Si fuerit conuenientia in genere, elici generis similitudinem:*

Illud nobis propositum fuit significare (ut ex eodem loco facile intelligi potest, ubi qui meus esset sensus ostendi) si fuerit conuenientia in forma uniuersali, dici genus: si in forma particulari, speciem, atque ita non prius est ratio generis, quàm sit ipsum genus, nisi illud sentiat, prius esse rationem generis, id est id a quo lumitur genus, quod quidem in potentia dici potest genus, quàm sit ipsum genus actu, hoc enim uerissimum esse concedimus, ac eodem modo de specie. Præterea fateamur, similitudines animæ rationalis, quæ rerum sunt imagines, esse principaliter opera intellectus agentis in genere causæ efficientis, concurrente cum eo ipsius rei imagine, quæ inest in phantasia, ac non effingi ab intellectu potentia, itaque non fieri ab eo ex collatione obiecti cogniti (ut ipsi quidem loquuntur) ad obiectum

ctum cognitum. Id quod uerè negasse nos arbitramur. Quod uerò ait, Sine aliqua cognitione singularium,

Si loquitur de intellectu agente, concedimus. Putamus enim illum abstrahendo non cognoscere. Sin autem de phantasia, aut cogitativa, hoc uerò falsum esse arbitramur. nam ea necessariò cognoscit particularia illa. Si enim sensus exterior cognoscat, multo quidem magis cognoscit interior.

Præterea falsum esset illud Aristotelis 1. Poster. libro,

*Ex cōsideratione multoties accidente, uniuersale uenantes demonstrationē habemus, ex singularibus pluribus uniuersale est manifestū.*

Non enim fieret illa consideratio, nisi per sensum interiorē. Item illud secundo Posteriorum libro,

*Ex sensu igitur fit memoria, ex memoria autem multoties facta experimentum: multiplex enim memoria unum est experimentum. ex experimento autem fit uniuersale in anima.*

Quod autem non possint uniuersalia fieri ab intellectu potentiae, ex collatione obiecti cogniti cum obiecto cognito, præter ea quæ dicta sunt, ex eo etiam intelligi potest, quod nihil esset opus intellectu agente: cuius munus atque officium est, facere uniuersale in actu, ex eo quod est uniuersale in potentia. Si enim fierent ipsa uniuersalia ab intellectu potentiae, nihil indigeremus intellectu agente, ut patet.

Hoc item Auerroës in tertio de Anima libro, rei ueritate compulsus, luce darius ostendit his uerbis:

Et omnia dicta ab Aristotele in hoc sunt, ita quod uniuersalia nulum habent esse extra animam, quod intendit Plato. quia si ita esset, non indigeret ponere intellectum agentem.

Ac ita quidem constat, ex eorum etiam quos ipse sequitur, Interpretum sententia, uniuersalia non fieri ab intellectu potentiae, ex collatione obiecti cogniti cum obiecto cognito. Natura enim sunt ipsa uniuersalia prius, quàm recipiantur ab intellectu possibili. etenim mouens, quatenus mouens, prius est eo quod ab ipso mouetur.

Quod item subdit,

Uniuersale, quod habetur ex inductione, esse complexum:

Minus probandum uidetur. Nam uniuersalia huiusmodi simplicia fiunt ex pluribus singularibus, non ex uno singulari, nisi saepius repetitio: itaque ex inductione, inductio enim est progressus à singularibus ad uniuersalia. Huiusmodi autem uniuersalia fieri ex singularibus, uidetur ostendere illud Aristotelis primi Poster. libri:

*Species quidem igitur esse, aut unum aliquid extra multa non necesse est, si demonstratio erit, esse tamen unum de multis uerum dicere est necesse. non enim uniuersale esset, nisi hoc sit. si uerò uniuersale nō sit, medium non erit, quare neq; demonstratio. Oportet igitur aliquid unum ex idem in pluribus esse, non æquiuocè.*

Quo quidem loco facile constat, cum loqui de uniuersalibus simplicibus: de his enim disceptabant inter se, & Plato, & ipse Aristoteles. tum hoc apertissime declarant uerba illa,

” Oportet aut unum & idem in pluribus esse, non æquiuocē.

Quod si huiusmodi uniuersalia sint in singularibus, ut testatur etiā Aristoteles VIL. Primæ philosophiæ lib. text. X X X. his uerbis,

” Homo uerò, & equus, et huiusmodi cetera in ipsis sunt singularib.

Sumuntur à pluribus singularibus, non ab uno modo singulari, nisi sæpius repetito, atq; ita sunt ex inductione, ut dictum est. Quod autem si sint in singularibus, sumantur ab ipsis, ex eo colligitur, quod per se ipsa non sunt in singularibus, cum non sint singularium substantiæ, sed eorum similitudines. Quare si dicantur esse in singularibus, huius rei nulla alia potest esse ratio, nisi quod sumuntur ab ipsis singularibus, & referunt ea à quibus sumuntur.

Auerroës quoq; in XII. Primæ philosophiæ lib. (ut etiam interpretibus ijs, quibus isti plurimum tribuunt, testibus utamur) uidetur admodum fauere nostræ opinioni. illius enim hæc sunt uerba:

” Vniuersalia apud Aristotelem non sunt in re extra, sed sunt colle-

”cta à singularibus in intellectu, qui considerat apud ea similitudinē,

” & facit in eis unam intentionem.

Quo quidem loco patet, cum loqui de uniuersalibus simplicibus. subdit enim:

” Plato uerò ponebat uniuersalia existentia extra animam per se.

” Constat autem, ipsum Platonem posuisse uniuersalia simplicia per se extra animam.

Quamquam ipse Auerroës uidetur dissentire ab his quæ paulo ante citauimus, in tertio libro de Anima. Hic enim uidetur tribuere intellectui possibili, quod ibi tribuit intellectui agenti. sed hoc nihil ad nos. tueantur hominis sententiam ij qui in eius uerba iurarunt: hoc nos contenti sumus, si inter expositores reperiantur, qui ea quæ à nobis dicta sunt, confirmant, ut appareat, nos Aristotelis uerba non extorquere.

Si quis autem quæ diximus, ita conetur infirmare, nullo modo fieri posse, ut ex inductione colligantur uniuersalia incōplexa, quod id quod per inductionem habetur, sit aliquid de aliquo: dixit enim Aristoteles secundo Posteriorum libro,

” Inductionem nō demonstrare quia est, sed quoniam est, aut non est.

Ad hæc ita respondemus, inductionem sic se habere ad uniuersalia simplicia, ut se habet demonstratio ad quid est. Declaratum est enim secundo Posteriorum libro, fieri non posse, ut quid est habeatur per demonstrationem, quod id quod ex demonstratione habetur, sit aliquid de aliquo: in ipso autem quid est non est aliquid de aliquo. Attamen Aristoteles lib. I. de Anima, dixit,

” Accidentia magnam partem conferre ad cognoscendum quod quid est. cum enim, inquit, habemus tradere secundum phantasiam de acciden-



*accidentibus, aut omnibus, aut pluribus, & tunc de substantia habebimus dicere aliquid.*

Hoc autem quod ait Aristoteles, cum fieri non possit, nisi demonstratione, ut patet ex definitione animæ, quam secundo libro de Anima inuestigauit, quod quidem fit tum, cum ipsum quid est ignoratur, cumq; multas ipse definitiones concludat in philosophia ex demonstratione, omnino uidetur à seipso dissentire.

Ad tollendam igitur hanc Aristotelis inconstantiam, ita fortasse dicendum est, definitionem, & quid est haberi nullo modo posse per demonstrationem, quod rationes quibus utitur Aristoteles secundo Posteriorum libro, hoc aperte ostendunt, idq; nos superiore libro perstrinximus, sed ut prædicatum. ac tamen postmodum intelligimus substantiam, uerbi gratia, hominis, non posse aliam esse ab hac, non tamen propriè ipsum quid est trahetur ex demonstratione. Vt declarauimus etiam in Institutione, quam in primo Posteriorum librum conscripsimus, ad quam lectorem reticimus. Atq; ob hanc quidem causam existimamus, Aristotelē dixisse, accidentia magnam partem conferre ad ipsum quid est, non autem propriè illud demonstrare. Quare sic constituta, nihil ob stare uidetur, quo minus uniuersalia simplicia recte dicantur haberi ex inductione, quod scilicet inductio confert ad illa, uti demonstratio dicitur conferre ad ipsum quid est. Id quod uidetur ostendere Aristoteles secundo Posteriorum libro, loco suprà citato.

*In his statur, inquit, quousq; comparabilia stent, & uniuersalia; ut huius animalis quousq; animal, & in hoc similiter.*

Quo quidem loco apparet cum loqui de uniuersali simplici.

Quod si minus probetur alicui, eam particularem cognitionem, ex qua fit uniuersale simplex, inductionem propriè appellari, nuncupemus eam inductionem quadam similitudine, ac tum quidem nihil sequetur absurdi. Quòd si hoc item non satis probetur, nihil tamen contra nos facit, modò concedatur, quod quidem concedendum uidetur, passionem intellectiuam esse similitudines rerū singularium, simulac sunt in intellectu, quod eodem temporis momento plura referunt, atque ita in prima intellectus apprehensione esse uniuersales: id quod nobis propositum fuit ostendere, quoquo modo fiant similitudines illæ, nihil hoc refert.

Quod uerò ex ipso Porphyrio affert, ad id respondemus, genus & speciem definita, quomodo quidem definit Porphyrius, ut species sit, quæ est sub assignato genere, concedi fortasse posse, esse relatiua. Quòd si definiatur genus esse, id quod aptum natum est prædicari de pluribus differentibus specie, id est forma: dicimus posse ipsum genus esse, nulla adhuc efficta specie actu. nam illa differentia formæ cognoscitur in indiuiduis, ex quibus elicitur genus. Quod hoc autem ita possit esse, colligitur ex v. Topic. lib. & ex primo, loco à nobis citato, ubi hæc scripta reliquit Aristoteles:

*Interimit*

„ Interimit enim genus, & differentia speciem: quare priora hæc,  
 „ quàm species sunt, & euidentiora. Nam specie quidem nota, necesse  
 „ est & genus & differentias cognosci. nam qui hominem scit, & ani-  
 „ mal gressibile scit. Genere autem, uel differentia notis, non necesse  
 „ est speciem cognosci. nam qui scit hominem, scit animal gressibile.  
 „ Genere autem, uel differentia notis, non necesse est speciem cogno-  
 „ sci: quare ignotior species.

Quòd si uerum est, animal esse notū homine ignoto, atq; eodem temporis momento animal esse genus, plura enim refert forma differentia: falsum est intelligi, & genus, & speciem actu simul. nam aliquando intelligitur animal non intellecto homine, actum quidem animal est genus, ut ostensum est, & loco citato uocat Aristoteles: sequitur ergo id quod diximus. Quod si est relatiuum, refertur ad ea à quibus pendet, non ad speciem, & sic nihil contra nos.

Quod autem ad illud Aristotelis secundo libro de Partibus animalium respondet, nō uidetur tollere difficultatem, præsertim cum nihil responderit ad eas quas attulimus ipsi rationes. ita enim sumus argumentati. Si aliquid prius sit planta quàm animal, & animal quàm homo, prius potest intelligi planta quàm animal, & animal quàm homo. Ut enim prius se habet, ita poterit intelligi, si quidem unumquodque quemadmodum est, sic etiam cognoscitur. Quòd si (ut ita dicam) in illo priori potest intelligi planta prius quàm animal, & animal quàm homo, in illo priori poterit esse genus, ac nulla erit species actu, in illo enim priori idoneum erit ad plura referenda specie, hoc est forma differentia: itaque erit genus. nam generis indiuidua non possunt esse priora indiuiduis speciei, nisi genus sit prius species, id quod asserimus ipsi. putamus enim sumi animal ab indiuiduis animalis, & hominem ab indiuiduis hominis. ita si hæc indiuidua animalis priora sint, quàm indiuidua hominis, ipsum animal esse prius homine: ut in illo priori animal est genus, quia idoneum est plura referre specie differentia: ergo genus est prius specie, quam rem illud facile declarat. Quòd si dicimus, genus est prius specie, non possumus hoc dicere, nisi quia ita est in re, ut id à quo sumitur genus, sit prius eo à quo sumitur species. Hoc item Boëtij testimonio, qui unus est ex ijs quos isti sequuntur, comprobatur, qui quidem Boëtius in capite de Genere, hac eadem ratione, uisus ostendit, prius agendum esse de genere, quàm de reliquis. Extorqueri igitur non possunt, quæ à nobis recitata sunt, Aristotelis loca, dicendo eum in aliam sententiam loqui, quo modo dixit præceptor meus. Nam quicquid omnino dicatur, in idem recidit. Cum enim dicimus, genus esse prius specie: illud significamus, ea quæ genera appellantur, priora esse his quæ appellantur species, ut animal homine. neque aliud quicquid interesse uideretur, si dicamus, animal est prius homine, genus est prius specie, nisi quòd alterū latius accipitur, alterum angustius. utimur enim huiusmodi uocibus,

cum

eum aliquid uniuersalius significare uolumus. Ac sanè quoties quærit Aristoteles, an in re sint uniuersalia, quærit de his quæ appellantur uniuersalia, ut in nostro libro diximus. Atque ita constat, præceptoris nostri distinctionem ab Aristotelis sententia discrepare.

Neque item (pace tanti uiri dixerim) satisfactum esse arbitror uerbis illis Aristotelis quarto Primæ philosophiæ libro, quibus ostendit, genus, speciem, totū, partem, ad Primam spectare philosophiā, quia sunt affectiones entis, quatenus ens est. Nam quod respondet præceptor noster, id satis nos confutasse arbitramur, ubi hæc scripsimus: Non enim putandum est, genus, & speciem, de quibus loco citato quarti Primæ philosophiæ libri agit Aristoteles, accipi pro animali, uel substantiam pro homine, uel asino, ut multi perperam (mea quidem sententia) existimauerunt.

Nam hæc interpretatio aperuissimè textum illum euerteret: siquidem animal, substantia, homo, asinus, & huiusmodi non sunt affectus entis, non enim sunt in omni ente. ergo necessarium est, accipi genus pro eo quod in quod est prædicatur de pluribus specie differentibus. Quod etiam confirmare sic possumus, quia eo modo debemus intelligere, genus pertinere ad primum philosophum, quomodo definitur ab ipso primo philosopho. Sed genus quinto Primæ philosophiæ libro definitur esse, quod prædicatur in quid est: ergo debemus intelligere, genus sic acceptum pertinere ad Primam philosophiam. Perperam igitur (ut dixi) locum illum Aristotelis interpretantur, qui ipsum eo modo quo diximus, interpretantur. Ex his inquam dissolutum esse putamus id quod respondet præceptor noster, hæ enim rationes meæ infirmandæ fuerant. Argumentamur ergo sic. Si genus & species accipiuntur, ut sunt primæ intentiones, quemadmodum ipse concedit, accipientur de substantia, de quantitate, de qualitate, huiusmodiq; cæteris, item de animali, de asino, de boue, & de singulis huiusmodi. At fieri non potest, ut accipiantur de his: ergo fieri non potest, ut ipsum genus & species accipiantur, ut sunt primæ intentiones, quomodo quidē ipse loquitur.

Hoc autem ita esse, declarant uerba Aristotelis eodem loco, ubi cum uellet ostendere, talia pertinere ad Primā philosophiam, hoc ait idcirco esse, quod sunt affectus entis. eius autem hæc sunt uerba:

*Per spicuum est igitur, ad unam scientiam pertinere id quod est, & ea quæ in sunt ipsi, ut tale est cōtemplari, & non solum substantiarum, sed etiam eorum quæ competunt, scientiam eandem esse contemplatricem, eorum inquam quæ exposuimus, hoc est prioris, posterioris, generis, totius, speciei, partis, cæterorumq; butusmodi.*

Sentit ergo, pertinere ea ad Primam philosophiam, quod sunt accidentia entis, ut ex eius uerbis planè constat, ac testatur etiam Auerroës exponens eum locū, & D. Thomas, & Alexander his uerbis:

Adiungit autem suprā commemoratis (ut dixi) quædam alia, de quibus est philosophi disputare, quæ quidem sunt prius, posterius,

„ rius, genus, species, totum, & pars, & cætera id genus. Nam & hæc  
 „ entis, quæ est ens, affectiones sunt, quippe quæ singula, uel in sub-  
 „ stantia sunt, uel in substantiæ quopiam accidente, non autem cuius-  
 „ que determinati generis sunt affectus.

Quòd si loquitur hic Aristoteles (ut patet ex eius interpretū uer-  
 bis) de his, ut sunt affectus entis: Substantia autē, quantitas, animal,  
 homo, asinus, bos, non sunt affectus entis, quatenus ens est, ut con-  
 stat, non enim sunt in omni ente: hæc nullo modo potest intelligere.  
 Cum intelligat autem genus, ut prædicatur de pluribus differenti-  
 bus specie, recte à nobis dictum est.

## SECTIO VI.

BVCCA.



Ari modo necessarium & contingens, quæ à Metaphy-  
 sico considerantur, complexè sumuntur, nō incomple-  
 xè, cum sint conditiones simplices, aut modi entis.

Similiter ueritas & falsitas considerantur illic, ut sunt  
 conditiones primi principij, scilicet de quolibet affirmatio, uel nega-  
 tio uera. Similiter de priore & posteriore est consideratio Meta-  
 physica, ut dicunt ordinē in partibus entis, non autem in rebus eius-  
 dem prædicamenti, quatenus ab anima est tota ordinatio prædica-  
 mentalis, etiam ut ostendat, quod ea quæ Metaphysico consideran-  
 tur, nō uniuocè prædicantur, sed secundum prius & posterius, ideo  
 quod Metaphysica ostendit significationes terminorum, quibus  
 utitur Metaphysicus.

ANTO.

Hæc etiam uidentur maximam habere difficultatem. ac primū  
 quidem, quòd cum necessarium & cōtingens sint affectiones entis,  
 quatenus ens est, sumuntur incomplexè, cum uolumus scire quid sint.  
 Cum autem uolumus concludere, aliquod ens esse necessarium, ex il-  
 la definitione sumuntur complexè, ut linea & triangulū in Geome-  
 tria. Quod si ita est, nihil omnino contra nos, qui dicimus, hanc defi-  
 nitionem, Necessarium est quod non potest aliter se habere, primò  
 & simpliciter pertinere ad primum philosophum: quatenus uerò  
 per illam docemur, demonstrationem esse ex necessarijs, itaq; redigi-  
 tur ad opus, pertinere ad Logicam. ac de necessariò idem dicendum  
 est, quòd de genere, de specie, cæterisq; huiusmodi omnibus.

Quod uerò ait, Esse conditiones simplices, & modos entis,

Si opinatur esse affectiones entis, nostræ fauet opinioni: sin aliter  
 sentiat, habet eas quas diximus difficultates.

Quòd autem dicit de uero & falso, si hæc est illius sententia, ut ei  
 stimet, esse affectus entis, quatenus ens est, nihil id nostræ aduersatur  
 opinioni. ac ita quidem quibuscunq; illa conueniunt, conuenire di-  
 cuntur ratione entis, & sic affirmationis & negationis, atq; hæc ipsi  
 putamus in Logica pertractari in ordine ad opus. Sed de his satis di-  
 ctum est in septima parte nostri libri. Sin autem hoc negat, dissentit  
 ab ijs quos citauimus Aristotelis locis, propterea quòd sunt affectio-  
 nes entis, ut dictum est de reliquis, & ostendit Aristot. 11. Primæ phi-  
 losophiæ lib. his uerbis,

Quare

*Quare ut unumquodq; est, sic & veritatis particeps est.* “

Quod præterea scribit eruditissimus præceptor meus, non videtur (bona eius uenia dixerim) satis cum ueritate consentire, si sentiat aliter, atque à nobis dictum est. Nam prius, & posterius (ut supra ostendit Aristoteles) sunt affectiones entis, quòd sunt in omni prædicamento. In omni enim ente est prius, & posterius, ut genus. Huc accedit, quòd partes entis sunt etiam decem prædicamenta. Ita autem sese rem habere, patet ex v. Primæ philosophiæ lib. ubi distinguitur prius. quo quidem loco (ut sentit etiam præceptor meus) distinguit Aristoteles significationes terminorum, quibus utitur Primus philosophus: ibiq; easdem ponit distinctiones, quas posuit in Prædicamentis, atque eisdem etiam in Logica utitur, ubi tradit, demonstrationē esse ex prioribus, sed in ordine ad opus. est enim idem prius ubiq; re, sed differt ratione ad opus. Non ergo probandum uidetur id, quod præceptor meus de priori & posteriori dixit.

#### SECTIO VII.

**R**ationes autem, quibus tuam opinionem tueris, non difficile est dissoluere, cum decem generalissima à Metaphysico quidem considerantur, ut sunt partes entis: à Logico uerò, quatenus ab anima sunt, & in ratione habent esse. Existimatur enim (inquit Auerroës) quòd si non esset anima, non essent Prædicamenta, simili modo. Logico propria, quæ res insint sub ea ratione, puta quòd substantia habet rationem generis, uel speciei, quod uniuocè prædicatur, quod non sit in subiecto, de quo prædicetur, quòd uidetur hoc aliquid significare. Si uerò aliæ proprietates hic considerentur, quæ insint eis, ut entia sunt, id factum est ad ampliore prædictorum notitiam, non ex prima intentione.

Hæc item mihi summā habere difficultatē videntur. Nā quod ait, ANTO. x. generalissima considerari à Metaphysico, ut sunt partes entis: à Logico uerò, quatenus ab anima sunt, & in ratione habent esse: “

Non diluit rationes meas, quibus ostendi, eandem esse considerationem lib. Prædicamentorum, & Primæ philosophiæ: ac illas præsertim, quibus probaui, lib. Prædicamentorum esse de rebus, atque ex eorum opinione fieri, ut Aristoteles, quasi mæcus sit, & mutilatus in rebus pertractandis, quòd nusquam naturas decem generum, eorumq; proprietates, eo modo quo dictum est in libello nostro, pertractet, quòd tamen ad perfectam omnium rerum cognitionem maxime necessarium fuit. Neque enim dicere possumus, de his agi qu in to Philosophiæ libro. Siquidem eo loco non uult Aristoteles ostendere rerum proprietates, sed distinguere, ut ipse quoque præceptor meus fatetur, significationes terminorum, quibus utitur Primus philosophus. Integra manet etiam ratio illa, quæ ostendit, Logicam perfectè, absoluteq; tradi sine ipsorum Prædicamentorum cognitione. Reliquarum rationum, quas nullo modo infirmauit, nihil attinet mentionem facere, quòd ex nostro libello peti possunt.

Illud autem Auerrois,

- » Si non esset anima, nulla existimari futura esse prædicamenta:  
Non modo uerè dicitur de Prædicamentis, quæ ipse arbitrat<sup>ur</sup> par-  
tes esse Logicæ, sed de illis etiam quæ putat esse Primæ philosophiæ,  
& de omnibus scientiis atque artibus, siquidem omnes sunt de uni-  
uersalibus, singularium enim non est scientia: quæ quidem uniuer-  
salia non habent esse extra animam. Concedent enim omnes, sub-  
stantiam, quantitatem, qualitatem, ut comprehendunt omnia sua in-  
feriora, ad Primam spectare philosophiam: nemo tamen (credo) fate-  
bitur esse in re extra animam, quod ergo scribit præceptor meus, nõ  
modo (pace tanti uiri dixerim) commentitium uidetur, sed etiam à  
ratione alienum;

Quod ait autem,

- » Substantiam cõsiderari à Logico sub ratione generis, uel speciei  
hoc ipsi tertia sectione nostri libri satis confutasse nobis uidemur.  
» Quod uerò sequitur, In Prædicamento substantiæ hanc esse pro-  
» prietatem, ut substantiæ uniucè prædicentur: ostendimus, hanc ip-  
sam proprietatem conuenire substantiæ ratione rei, quia substantia  
prædicatur secundum nomen, & definitionem substantialem, pro-  
pterea quod in re constituit essentiam eius de quo prædicatur. osten-  
sum est etiam à nobis in nostro libro, nomina illa, subiectum & præ-  
dicatum, spectare ad Primam philosophiam: & hac de causa septi-  
mo Primæ philosophiæ libro Aristotelem uocasse materiam pri-  
mam subiectum.

Quod item dicit,

- » Proprium esse substantiæ, ut nõ sit in subiecto: dubitare non pos-  
sumus, quin hoc illi conueniat ratione rei, quod etiam ostendit Ari-  
stoteles in Antepædicamentis his uerbis:  
» *In subiecto autem esse dico, quod cum sit in aliquo, non sicut quæ-*  
» *dam pars, impossibile est sine eo esse, in quo est, ut quædam Gram-*  
» *matica in subiecto quidem est anima, de subiecto uerò nullo dicit: ex-*  
» *quoddam album in subiecto est corpore, omnis enim color in corpore*  
» *est, de subiecto uerò nullo dicitur.*

Atque ita patet, quod aliquid aut sit in subiecto, aut non sit, hoc  
esse ratione rei. Illam etiam proprietatem, ut substantia significet hoc  
aliquid conuenire ipsi substantiæ, prout est in re, declarat, quod sub-  
dit Aristoteles, hoc esse indubitabile, et uerum, de prima substantia,  
quam quidem primam substantiam definierat, neque esse in subiecto,  
neque dici de subiecto aliquo: quæ definitio conuenit primæ substan-  
tiæ pro re ipsa, ut aliquis homo, & aliquis equus, quod quidem est  
eius similitudo. Sensus est igitur uerborum Aristotelis, id quod no-  
minatur prima substantia, significare hoc aliquid: quia res illa quæ si-  
gnificatur, est singularis, & indiuidua. Ac fortasse hanc addidit pro-  
prietatem Aristoteles, ut ostendcret, quid inter primas & secundas  
substantias interesset.

Quod

Quod autem insequitur,

Si aliae proprietates considerantur hic, quae insint praedicamentis, quatenus entia sunt, id factum esse ad ampliorem Predicamentorum notitiam, non ex prima intentione:

Minus probandum uidetur, uel quia ostendimus, has proprietates non conuenire his generibus, quatenus entia sunt, sed substantiae quatenus substantia est, quantitati quatenus quantitas est, atque eodem modo caeteris: uel quia ut nonnullae reperirentur proprietates substantiae, quae illi conuenirent, ut genus est in anima, non in re, cuiusmodi tamen nullae reperiuntur, tamen plures essent, quae conuenirent ei, ut quaedam res est: item quantitati, qualitati, relationi, facere, pati, ut res quaedam sunt, quemadmodum à nobis tertio Apologiae libro ostensum est. Itaque huiusmodi proprietates magis essent ex prima intentione, reliquae uerò ad plenioram cognitionem facerent.

Caeterum, cum negari non possit, illam proprietatem substantiae, ut non suscipiat contrarium, quantitatis, ut aequalis & inaequalis uocetur, qualitatis, ut de ea simile & dissimile dicatur, singulas singulis conuenire, ut quaedam res sunt: consequens est, ut ipsa substantia, quantitas, & qualitas considerentur, ut quaedam res sunt. aliter enim proprietates non conuenirent illis, quatenus res sunt: siquidem eo modo considerari oportet, quo modo conueniunt eis uerae proprietates. At huiusmodi conueniunt eis, ut res sunt, quemadmodum patet, atque ostensum est tertio huius Apologiae libro: ergo sequitur id quod diximus.

SECTIO VIII.



Entia dubitatio uincula est super distinctione Auerrois VII. BVCCA. Metaphys. de Logica docente, ea utente, quae omnino recta mihi uidetur, si passiuè huiusmodi nomina reperiatur, scilicet quam docemur, & qua utimur: quam tamen distinctionem ipse non admittit. eodem enim habitu, quem demonstratione acquisiui in lib. Top. circa generationem syllogismi dialectici, qui debet esse ex communibus probabilibus, utimur in naturali philosophia, ac diuina, ex terminis illarum proprijs dialectice syllogizando secundum communes locos ibidem expressos, aut secundum communes propositiones, ut hoc modo idem habitus sit in se ipso determinati generis: indeterminati uerò, quatenus eo utimur. neque tantum haec diuisio communis est in parte Logices, quae dialecticae dicitur, sed & reliquis, sicut demonstratiuae, diuinae, definitiuae.

Neque huiusmodi usus in alia scientia, potest dici transitus de genere in genus, cum semper circa syllogismum dialecticum, exempli gratia, aut demonstrationem, aut diuisionem sit cōtemplatio. Sed hic illius constructio declaratur, alibi eodem iam constructo utimur.

Haec sunt dubitationes, quae mihi succurrerunt, Reuerendiss. Antistes, dum tumultuaria lectione Commentariolum Antonij tibi fa-

miliaris percurrerem. quas cum ille ipse dissoluerit, id enim facile assequeretur, uterque nostrum receptui canet, & pugna, in quam obrectatores nos ipsos excitarunt, dirimetur.

ANTO. De hac ipsa distinctione Auerrois multa in Commentariolo nostro disputauimus; multas etiam rationes attulimus, quibus eam tolli putauimus, contra quas nihil adhuc (mea quidem sententia) scriptum est, quod eas ullo modo infirmet. Ostendimus autem præter cætera, aliud esse, si dicas syllogismum dialecticum esse ex communibus probabilibus, quæ quidē est regula, quæ docet cōficere syllogismos dialecticos; & si ita proferas, si quod magis uidetur fieri posse, tamen nō fit, neque id fieri, quod quidē minus fieri posse uidetur. qui locus est cōmunis, ex quō loco conficitur syllogismus dialecticus. quodq; ita sit, satis constare arbitror ex multis rationibus, quas prima sectione Cōmentarii nostri attulimus, ut ostenderemus, *Dialecticā differre à Logica*, quod etiam cōprobat illud Aristotelis i. Rhetoricorum lib.

» Voco igitur dialecticos syllogismos eos, quorum locos dicimus.  
 » hi sunt, qui communiter de iustis Physicis, et uelutibus, & de multis specie differētib; sunt, uelut maioris & minoris locus. nam ex hoc magis ratiocinari, uel enthymema inferre poterimus de iustis, ac Physicis, quā de quocunque alio, quamuis specie differant. Propria uero quæcunque ex his sunt, quæ circa unamquamque speciem ac genus propositionum sunt, sunt enim propositiones de Physicis, ex quibus nec enthymema, nec syllogismus de moralibus est: his alia, ex quibus non erit syllogismus de Physicis, eodemq; modo de cæteris.

His igitur uerbis ostendit Aristoteles, syllogismos illos esse dialecticos, quicunque sunt ex communibus: ac suos quaque facultatem terminos, suasque propositiones habere, quibus utatur. Hos item locos, qui constituunt syllogismos dialecticos, distinguit à regulis istis quæ docent eos constituere, quod huiusmodi regulis (ut, uerbi gratia, syllogismum dialecticum esse ex communibus) non utimur ad omnia, propterea quod non possumus adhibere hanc regulam ad ostendendum, Deum esse immixtum, sed tantum ad declarandum, aliquam orationē esse syllogismum dialecticū. Quæ cum ita sint (ut apparet) uerba illa præceptoris mei,

» Eodem enim habitu, quem demonstratione acquirimus in libro  
 » Top. circa generationem syllogismi dialectici, quod debet esse ex communibus probabilibus, utimur in naturali philosophia, ac diuina,  
 » ex terminis illarum proprijs, dialecticē syllogizando secundum communes locos ibidem expressos, aut secundum communes propositiones, ut hoc modo idem habitus sit in se ipso determinati generis, in determinati, quatenus eo utimur.

Hæc in quā uerba significāt, transiri ex una re ad aliā, atque rei attribui, quod cōuenit rebus omnino diuersis. sic enim trāsitur ex regula illa, syllogismus dialecticus est ex probabilibus. ad locos, ex quibus locis cōficiunt syllogismi dialectici, quos illa ipsa regula docet cōficere, quæ



quæ quidem (ut ostendimus) inter se planè differunt. Nam loci illi (si quod magis uidetur fieri posse, tamen non fit, et quæ sequuntur) semper sunt indeterminati generis. Regula uerò indeterminati, docet enim solùm constituere syllogismos dialecticos, neque unquam utimur ea ad concludendum in Philosophia, mundum esse æternū, aut aliam ullam conclusionem, sicuti utimur locis cōmunibus. Non ergo rectè uidetur defendi opinio Auerrois, quod quidem ita esse, facile constat ex eo, quod subdit præceptor meus,

Diuisionem illam esse communem demonstratiuæ. Nam si ita est de cæteris partibus, quemadmodum regula illa, quæ primo Posteriorum lib. docet, demonstrationem esse syllogismum ex ueris primis, & immediatis, et quæ sequuntur: differt ab hac ratiocinatione, omne animal rationale est risibile, omnis homo est animal rationale, ergo omnis homo est risibilis, & à reliquis id genus, ut non possint dici eadem: ita hæc regula, Syllogismus dialecticus est ex communibus probabilibus, differt ab hac ratiocinatione, si quod minus uidetur fieri posse, tamen fit, illud etiam fiet, quod quidem magis fieri posse uidetur. At minus uidetur fieri posse, ut miles capiat castrum, quam exercitus: tamen cepit, ergo & exercitus capiet. Ac quemadmodum is qui conficit demonstrationem illam, quam diximus, est philosophus naturalis, uti colligitur ex loco Aristotelis superius citato, non Logicus, quamuis conficiat secundum Logicæ regulam: sic item qui facit illum syllogismum ex probabilibus, est Dialecticus, non Logicus, quod quidem facit contra præceptorem meum, et si sequitur ex eius dictis.

Cur autem huiusmodi loci communes, qui dialecticos syllogismos constituunt, coniuncti sint cum ipsis regulis, in ultima lib. nostri sectione ostendimus. Illud etiam quod sequitur,

Neque huiusmodi usus in alia scientia potest dici transitus:

Non uidetur carere difficultate. Verum est enim, in ipsa Logica doceri constructionem, id est modum construendi: sed falsum esse apparet ex ijs quæ diximus, atque ex ipsa re, nos alibi eodem iam constructo uti. Nam in Logica docetur quidem hoc, syllogismū demonstratiuum esse ex ueris primis, immediatis, & quæ sequuntur: quæ docent constituere ipsum syllogismum demonstratiuum, ut (in eodem enim sistemus exemplo) omne animal rationale est risibile, omnis homo est animal rationale, ergo omnis homo est risibilis: quo syllogismo ita constituto utitur philosophus naturalis, quippe qui illū etiam constituit, non Logicus: atque alius est hic syllogismus à regula, quam docuit Logicus, uti paries à perpendiculari. Quod si uerum esset, quod dicit præceptor meus, sequeretur omnino, si diligentius attendatur, ut transiretur de genere in genus. Disputauimus enim contra Auerrois distinctionem, non rectè ab illo dictum esse, propterea quod non utimur propositionibus declaratis in una scientia ad concludendum aliquid per se in alia scientia (non enim licet descendere de genere in genus) eo modo, quo utimur propositionibus diale-

cticis, quæ a commodantur omnibus rebus. Ac illud denique uolumus ostendere, ex propositionibus illis communibus concludi posse animorum immortalitatem, neque tamen transiri de genere in genus, quod Dialectica est communis omnibus: at ex propositionibus Mathematicis nequaquam idem concludi posse, propterea quod transiretur de genere in genus, ut patet ex 1. Poster. libro. Sed de his in sequentibus lib. copiosius disseremus.

- ” Quod uerò subdit, ut quæ dixit, ratione communiatur. Semper circa syllogismum dialecticum, exempli gratia, aut demonstrationē,  
” aut diuisionem, esse contemplationem:

Patet, hoc minus rectè dictum esse. nisi ita sentiat, & Logicam esse circa hæc, quod docet illa conficere: & cæteras facultates, quod conficiunt, ut ijs quæ confecerint, utantur. ac ita quidem nos illi planè assentimur. Sin aliter sentiat, ut sentire quidem uidetur, quàm sit ab eo ueritas, ex ijs quæ superius dicta sunt, neminè latère arbitror.

Hæc habuimus, quibus acutissimas, doctissimasq; rationes egregij præceptoris nostri dissolueremus: quod an assecuti simus, nec ne, aliorum sit iudicium. Nos quidem certè unius ueritatis studio inducti, in hanc arenam descendimus.

## ANTONII BERNARDI MIRANDULANI APOLOGIÆ

### Liber Quintus.

#### SECTIO PRIMA.



Vpe iore libro tis de eis, quæ à uiro clarissimo, n accept ore nostro, contra nos allata fuerant, disputauimus. quare faciendum iam uidetur, ut ad laeobi Iacomelli episcopi Bellocastrensis librum ueniamus. Cuius tamen, ut cæterorum, qui ad Cōmenarium illum nostrum scripserunt, uerba omnia non ponam: uel quia is quatuor libros typis excusos in publicam (ut ipse ait) studiosorum utilitatem diuulgauit: uel quia hi ipsi libri maiore ex parte reprehensiones habent, atque obiurgationes, quibus ille me acriter infectatur, quod unum Aristotelem sequar, illoq; sui ipsius interprete utar. Habent præterea hi libri admonitiones, quibus homo pro sua ætate, qua mihi parentis numero esse oportere censet, me admonet, ac denique rogat, ut rationibus suis commotus, quas ipse certas, firmasq; putat, sic ut dissolui nullo modo possint, ad sanitatem reuertar, idq; se cum mea causa cupere ostendit, tum non nihil etiam ad salutem adolescentium pertinere arbitratur, quos ait opinione nominis, auctoritatisq; meæ captos, iam plures in fraudem illiei. Quæ quidem omnia uidentur bona, sanctaq; uerba, sed à Peripateticorum consuetudine prorsus abhorrent,

horrent, qui non uerbis, præter rem, sed rationibus homines aberrantes admonere, atque in uiam deducere consueuerunt. Quod (nihil ut de antiquioribus dicam) planè ostenderunt uiri omni disciplinarum genere ornatissimi, doctor meus Ludouicus Buccaferrus, M. Antonius Genua, Vincentius Madius: qui quidem posthabitis eis quæ nihil ad rem facerent, rationibus ualidissimis mecum subtilissime, doctissimè egerunt. Quare ego, qui Aristotelis præcepta, doctrinamq; semper quanto maximo potui studio sectatus sum, cæteris omissis, ne liber etiam temere in immensum excrescat, ad ea modò aggrediar, quibus homo sententiam meam labefactari, ac penitus euerri arbitratus est: iudicemq; nostræ controuersię, quæ est de sententia Aristotelis, Aristotelem ipsum constituam, ut qui in Interpretum uerba non iurauerint, sed ipsius Aristotelis doctrinam amplexentur, faciliè intelligant, patet ne filium iure ac uerè castigarit, an filius patrē. Cui tamen nihil certè nos respondissemus, uel quia, quæ ab illo scripta sunt, hæc omnia ex nostro libello facillimè dissolui possent, ac potius dissoluta essent: uel quia (ut luce clarius ostendimus) pleraque ipse (quæ mira est hominis constantia) dissoluit: nisi auctoritas patroni mei, amplissimi uiri, Alexandri Cardinalis Farnesij ad id me impulsisset. Sed de his hæcenus, ad rem ipsam ueniamus.

Primum, quod iste primo capite sui libri scribit, ea quæ à nobis in procemio dicta sunt, uideri sibi à proposito abhorreere, neque me satis infrà ostendere, quo pacto eorum quæ ante exposuerim, commemoratio id efficiat, quod à principio ostendendum mihi proposueram: si diligentius attendatur, faciliè erit intelligere, quàm is rectè rem animaduertit, quantoq; iudicio perpenderit. Nam si (ut tertij nostri Commentarij parte ostensum est) finis Logicæ facultatis est, docere conficere modum cognoscendi: necesse est, ut hic ipse cognoscendi modus, rationibus, & syllogismis, quæ latius demonstrationes appellantur, doceatur constitui.

Cum autem huiusmodi demonstrationes fiant (ut ibi diximus) ex terminis, qui non sunt in Prædicamentis, si Logicæ finis est is quem demonstrauius, nihil attinet illud ponere, Prædicamenta esse partes Logicæ, cuius neque sunt finis, neque ad ipsum finem quicquam pertinent. Hoc item ex definitione Logicæ faciliè intelligitur. Si enim constet, Logicam differre à Dialectica, hinc multa nobis perspicua esse possunt, ut ex nostro libello patet. In quibus illud maxime constat, fieri nullo modo posse, ut utamur propositionibus ijs quæ sunt in Logica, ad concludendum in aliqua alia scientia quicquam, quod ad illam ipsam scientiam pertineat, quemadmodum in omnibus facultatibus utimur propositionibus Dialecticis. Ita patet, Logicæ propriè non esse, cognoscere ulla uoces ex ijs quæ sunt in Prædicamentis, quamuis illas Dialectica cognosceret. Logica enim non est Dialectica.

Cū igitur hæc omnia in Procemio nostro disserantur, uidetur la-

comellus nihil minus, quam nostrum sensum percepisse. Quod si dicat, hæc sibi uisa esse minus ad rem pertinere, quòd necessario non inscrunt id quod mihi propositum esset ostendere, hic enim uidetur esse eius uerborum sensus, non fuit hic redarguendi locus, sed ubi hæc à me fusius pertractantur.

Quod autem in extremo illo capite negat, instrumenta, quibus discuntur ea quæ sciri possunt, esse definitionem & syllogismum, comprehendendo (ut diximus) ea quæ ipso syllogismo continentur, demonstratiuum scilicet & dialecticum syllogismum, hoc item falsum uidetur esse ob eas, quas ibi attulimus, rationes. Nam cum ignota omnia, quæcunque licet discere, sint omnino quatuor, tria autem syllogismi speciebus percipiuntur, atque ipsum quid est non possit nisi ex definitione disci: uniusque rei, quatenus una est, una sit omnino scientia: consequens est, ut neque plura sint discendi instrumenta: superuacanea enim forent, neque minus multa, nam essent aut syllogismi species duntaxat, aut definitio. At fieri non potest, ut sint syllogismi tantum species, ipsum enim quid est percipi nullo modo posset, si quidem (ut ex secundo Posteriorum libro patet) quid est neque demonstratione cognosci potest, ut quid est, in ipso enim non dicitur aliquid de aliquo, neque ulla alia uia, rationesque ex his, quas secundo Posteriorum libro connumerauit Aristoteles. Quòd si ignoretur definitio, ignota erunt omnino omnia, quia ipsum quid est principium est demonstrationis: quòd quidem quàm absurdum sit, nemini obscurum esse arbitror. Neque rursus definitio sola potest esse cognoscendi instrumentum: si quidem reliqua tria, quæ demonstratio docet, essent ignota. Quòd si quatuor illa quæ dicta sunt, neque pluribus instrumentis disci licet, quàm quòd demonstrauius, omnia enim illis ipsis instrumentis discuntur, propterea quòd unius rei, quatenus una est, est una omnino scientia: neque rursus minus multis, quòd aliquid ex his quæ dubia sunt, ignotum relinqueretur: rectè à nobis posita uidentur esse duo illa instrumenta. perperam autem Iacomellus dixit, esse duntaxat syllogismum. Falsò illud etiam, scripsisse me, duo esse Logicæ facultatis æquæ summa instrumenta. Scripsi enim, quæ posueram, hæc esse instrumenta discendi ea, quæcunque perdisci possent. Ex quibus intuli, coactos fuisse homines inuenire unam aliquam facultatem, quæ regulas inueniendi, configiendi, & iudicandi syllogismos, definitionesque certas, ac planè firmas traderet. Quòd facile fieri potuit, ut in his laboreretur, sed de his plura inferius. Quod uerò ait, syllogismum duntaxat esse instrumentum Logicæ, in hoc item longè falli uidetur. Nam aut de syllogismo simpliciter loquitur, aut de syllogismo demonstratiuo, aut de syllogismo dialectico, aut de syllogismo demonstratiuo & dialectico simul. Si de syllogismo simpliciter, errat: uel quia non dissoluit rationes eas, quibus ego ostendi, definitionem quoque esse primum Logicæ instrumentum, & syllogismum simpliciter demonstrationis causa pertractari: uel quia falsum est, quæ de definitione

in libro Posteriorum & Topicorum differuntur, hæc ad syllogismum simpliciter, tanquam ad postremum instrumentum, redigi: id quod ipse dicit, syllogismus enim simpliciter abstrahit à materia, quippe qui nihil, quod obscurum sit, declarat. Vel quia rationes eæ, quibus secundo capite hoc probare conatur, ad demonstrationem pertinent, non ad syllogismum simpliciter. Sin autem syllogismo demonstrationem intelligat, non minus etiam peccat: tum quia non dissolvit rationes meas, quibus ostendi, definitionem quoque ipsam per se esse cognoscendi instrumentum: tum quia si demonstratio duntaxat instrumentum esset cognoscendi, iam syllogismus dialecticus non esset primum instrumentum. contraque ipse tertio capite ostendit his verbis:

At de syllogismo Dialectico diuersa ratio existit. licet enim ipse demonstratione, perfectionis accessu, inferior sit, non tamen ob id dicere possumus, non esse primum instrumentum, & seorsum ab Aristotele intentum.

Ita igitur à se ipso dissentiret, tum quia non uidetur posse intelligere, nisi syllogismum simpliciter, ut qui nihil interesse putat, utrum syllogismum dicat, an argumentationem, sicuti quosdam doctissimos viros sensisse scribit. Qui autem posuerunt argumentationem esse Logicæ instrumentum, locuti sunt de argumentatione, quæ abstrahit & à demonstratione, & à syllogismo dialectico, ut satis ex eorum verbis constat. Huiusmodi ergo syllogismum debet hic intelligere: ac tum quidem eas habet difficultates, quas diximus. Sin autem de syllogismo dialectico loqueretur, definitio & demonstratio excluderentur, cuius rei tamen contrarium dixit. Sin autem de utroque simul, præterquam quod excluderetur definitio, præterea duo essent instrumenta, non unum duntaxat: tum illud verum non esset, quæ secundo Posteriorum libro de definitione traduntur, hæc syllogismi dialectici causa pertractari: quod necessario tamen ex eius dictis sequitur. Quoquo modo igitur sentiat, uidetur, cum ab Aristotele, ueritateque recedere, tum etiam à se ipso dissentire: rationes enim ostendunt, illum de eodem, & loqui, & non loqui.

*Prima sua  
ipsius opi-  
nionis enes  
sio.*

SECTIO II.



Vas uerò secundo cap. rationes affert, ut doceat, definitionem pertractari syllogismi causa, hæc nullam uidentur omnino uim habere. Nam (mea quidem sententia) falsum est, quod primò sumit, omnia simplicia & incomplexa; ex quibus constitui possint composita complexa, redigi ad illam compositionem primò, & per se. Non enim uerè hoc dici potest de simplicibus omnibus, quæ per se sunt, unumquodque enim huiusmodi prius est in se, antequam ordinetur, & referatur ad aliud. Quòd si ita sentiat, secundariò, & per accidens ordinari, ac redigi, nihil id contra opinionem

nem

nem meam facit. Quæ uerò subiungit, quasi probaturus id quod sumplerat,

- » Quatuor enim simplicia corpora, tametsi per se bona sint, et ipsius  
 » uniuersi ornatum faciant, tamen immixta corpora in homeomera  
 » primum, & hæc in ano homeomera referri, & ueluti horum gratia  
 » in rerum natura existere, quis est qui dubitet? ac propterea ab anti-  
 » quioribus elementa appellata?

Hæc tantum abest, ut quod illi propositum est, ostendant, ut con-  
 trarium etiam maximè confirmet. Pugnant enim cum Aristotele, et  
 ijs, quibus ipse tantum tribuit, expositoribus. Pugnant autem cum  
 ipso Aristotele, qui lib. I. de Cælo & Mundo,

- » *Scientia, inquit, de natura ferè plurima uidetur circa corpora,*  
 » *et magnitudines, et horum existentes passiones et motus, adhuc au-*  
 » *tem et circa principia, quæcunque talis substantiæ sunt. Natura e-*  
 » *nim constantium hæc quidem sunt corpora et magnitudines, hæc*  
 » *autem habent corpus et magnitudinem, hæc autem principia ha-*  
 » *bentium sunt.*

Sic igitur argumentor, Eorum quæ natura aliqua constant, sunt  
 simplicia corpora, quæ dicuntur elementa. Scientia autem naturalis  
 est primò de his quæ natura constant: ergo est de simplicibus corpo-  
 ribus, quæ sunt elementa. Hæc autem simplicia connumerari inter  
 corpora ea quæ natura constant, cum satis ostendit Aristoteles loco  
 citato, ubi uoce Corpora nō potest aliud intelligere nisi simplicia, cū  
 uerbis illis Habentia corpora intelligat sine dubio mixta; tu etiam II.  
 de Physico auditu lib. docet his uerbis:

- » *Eorum quæ sunt, alia quidem sunt natura, alia uerò propter alias*  
 » *causas. Natura quidem sunt animalia quæq; et partes ipsorum, et*  
 » *plantæ, et simplicia corpora, ut terra et ignis, et aqua. hæc enim,*  
 » *et huiusmodi: à natura esse dicimus.*

Quòd si probat Aristoteles, scientiam naturalem esse de corpori-  
 bus, propterea quòd natura constant: quatuor autem elementa natu-  
 ra constant, ut quæcunque alia: qui dubitari potest, quin per se de il-  
 lis sit, quæ per se natura constant: habent enim in se ipsis principium  
 motus & quietis.

Hoc item docere, confirmareq; uidentur ea quæ scripsit initio  
 eiusdem tertij lib. de Cælo: ubi luce clarius ostendit, oportere etiam  
 de quatuor illis simplicibus agere, quòd natura constant. eius autem  
 uerba hæc sunt:

- » *De primo igitur cælo, et partibus, adhuc autem de in ipso latet*  
 » *astris, ex quibus constant, et qualia quidem natura sint, adhuc autem*  
 » *quoniam ingenta et incorruptibilia, pertran suimus. Quoniam au-*  
 » *tem eorum quæ natura dicuntur, hæc quidem sunt substantiæ, hæc au-*  
 » *tem operationes, et passiones eorum: Dico autem substantias quidem*  
 » *simplicia*

plicia corpora, puta ignem, & terram, & coëlementa, & quæcunque  
ex his: puta etiam totum cælum, & partes eius, & iterum animalia,  
& plantas, et partes horum: passiones autem, & opera, motus horum  
uniuscuiusque, & aliorum quorumcunque sunt causa ista elementa,  
secundum uirtutem ipsorum: adhuc autem alterationes, & inuicem  
transmutationes: manifestum, quia de natura scientiam plurimam ac-  
cidit de corporibus esse. omnes enim naturales substantiæ, aut cor-  
pora sunt, aut cum corporibus generantur, & magnitudinibus.  
hoc autem palam est ex distinctione, qua emergere, quæ sunt natu-  
ra, & ex singulorum etiam contemplatione. De primo igitur ele-  
mentorum dictum est, & quale quid secundum naturam, & quo-  
niam incorruptibile, & ingentum. Reliquum autem de duobus di-  
cere. simul autem accidet de his dicentibus, de generatione & cor-  
ruptione inquirere.

Ex quibus sanè liquet, Aristotelem docere, in philosophia natura  
li agendum esse de elementis per se, propterea quòd cum natura con-  
stent, per se natura ipsa constant. Quod si hæc ratio nulla esse dica-  
tur, non ostendet Aristoteles, in philosophia naturali agendum esse  
de aliquo corpore. Sed cum docuit Aristoteles, naturalem scientiam  
esse de corpore, propterea quòd ipsum corpus natura constat, dixit,  
cum de primo elementorum, hoc est de cælo egisset, reliquum esse,  
ut de duobus grauibz & leuibz ageret, intelligens quatuor elemē-  
ta, patet autem, ipsum nuncupasse cælum elementum. Præterea quo  
medio probauit agendum esse de cælo, eodem probat agendū esse  
de elementis. At ratio illa probat, cælū per se considerari: ergo idem  
etiam de elemētis probat. Item in philosophia naturali pertractat affe-  
ctus IIII. elementorū, ut sunt corpora, quæ natura cōstant, ergo per-  
tractat ipsa elementa, ut natura cōstant: sic enim tractari debent, quo  
modo de ipsis probantur affectus: per se igitur tractantur. quæ enim  
in philosophia naturali considerantur, ut natura constant, per se con-  
siderantur, ut ex locis citatis patet. Antecedens autem confirma-  
tur, tum ex his quæ in fine textus citati scripta sunt, tum etiam ex eis  
quæ libro primo de Generatione tradit Aristoteles his uerbis:

De generatione autem, & corruptione natura generatorum, &  
corruptorum, & uniuersaliter de omnibus, & causas simpliciter di-  
uidendum, & rationes eorum determinandum.

Et eodem libro, textu quadragelimo tertio:

Quoniam autem primum de materia, & de uocatis elementis dice-  
re, siue sint, siue non, et utrū sempiternum unumquodq;, aut generatur,  
et si generatur, utrum ex se inuicem, omnia eodem modo, aut si aliquod  
primo horum. ista enim conueniunt eis, ut constant natura, & remoto  
omni extrinsecus existente.

Tractantur ergo ut natura constant, atq; ita per se à philosophia  
naturali.

naturali. Item lib. primo Meteororum, epilogo colligens hæc quatuor, uidetur ostendere, illa per se tractata esse, his uerbis:

» *De primis quidem igitur causis naturæ, & de omni motu natura-*  
 » *liter. Adhuc autem de secundum superiorem latationem præordina-*  
 » *tis astris, & de elementis corporalibus, quot, & quæ, & de ea quæ*  
 » *inuicem permutatione, & de generatione & corruptione communi,*  
 » *dictum est prius.*

Huiusmodi enim pertractatio fit ex natura eorum, non quatenus ad aliud referuntur, ut patet. Dissentit igitur Iacomellus ab Aristotele. Sed quoniam grauius peccari putat, si quis ab expositoribus dissentiat, quam ab ipso Aristotele, citabimus expositores ipsos, in quibus Simplicius hæc scribit:

» Ad alios autem expositores dicendum, quod non uidetur sermo  
 » de quatuor elementis in his, præter necessarium, neque simpliciter,  
 » præter theoriā de ecclestibus, assumptus esse, sed principaliter de  
 » ipsis docet. Etenim (ut alia omittam) dimidium fere totius negocij  
 » scimus esse sermonem de illis. Sed etiam post doctrinā de ecclesti-  
 » bus, quam in duobus primis negocijs tradidit, incohans tertium pro-  
 » cedio uertitur, continuationem lib. seruans: & ostendens, quod natu-  
 » rale negocium circa corpora est, tanquam eandem intentionem ha-  
 » bentibus etiam duobus ultimis libris.

Deinde intulit:

» De primo igitur elementorum dictum est, & quale quid secundum  
 » naturam, & quod incorruptibile, & ingenerabile. reliquum autem  
 » de duobus dicere: duo dicens, coëlemantionem leuis, & grauis.

In proœmium autem Meteororum:

» Simpliciter, inquit, scripsit hæc. de primis quidem igitur causis  
 » naturæ, & de omni naturali motu, adhuc autem & de astris disposi-  
 » tis secundum superiorem latationem, & de elementis corporalibus,  
 » quot & qualia, & de transmutatione inuicem, & de generatione &  
 » corruptione corporum dictum est prius.

In his igitur post pertractationem naturalium principiorum, ut in hoc uidelicet negocio, neque de Mundo ategisse Aristotelem, ut Alexander putat: neque de diuino & perpetuo corpore tantum, ut posteriores expositores. Sed de elementis corporalibus principaliter, quot sint, & quæ. Et paulo infra:

» Hic de simplicibus corporibus loquitur, quæ quidem à princi-  
 » pijs naturalibus constant immediate, & partes uniuersi sunt: quo-  
 » rum quidem primum est cœleste corpus, à quo tanquam à dignio-  
 » ri negocium intulit. Post illud autem, quæ sub luna sunt, quatuor  
 » elementa compositorum corporū: de omnibus his, tanquam de pri-  
 » mis, facit sermonem, propter quod & elementa omnia uocauit, non  
 » quæ sub luna solum, sed etiam cœlum. quādo de primo quidem igitur  
 » elementorū, in quantū & ipsum est corpus simplex: quoniam nō utiq;  
 » dicitur propriè elementū cœlū, neq; enim cōponitur aliquid ex ipso.

Nec



Nec ita multo pōst:

Quòd autem de simplicibus, & primis corporibus sit negotium, conſequens naturali de naturalibus principijs, manifeſtat proceſſum duorum primorum librorum inchoans, in quibus de cœleſti loquitur corpore, & duos ultimos inchoans hoc fuiſſe ſe dicit, quòd de natura ſcientia circa corpora eſt, ut horum paſſiones, & motus, tanq̃ primò de primis corporibus ſermonem faciens.

Ex quibus quidem Simplicij uerbis luce clarius apparet, ita ſentire Ariſtotelem, elementa primò à naturali philoſophia pertractari oportere. Patet etiã, textus eos quos ipſi in hanc ſententiam citauimus, recte ex eius quoq̃ opinione citatos eſſe. Quod cum ita ſit, diſſidet homo iſte cum Simplicio, quo cum tamē diſſidere abſurdiſſimum exiſtimauit ſic, ut in me grauifſimè ſit inuectus, qui auſus ſim ab eius, cæterorumq̃ expoſitorum ſententia recedere.

SECTIO III.



Ed quid de Simplicio: cum hac in re homo iſte facile id aſſerat, quod Auerroi ſuo apertiſſimè aduerſetur: quem tamen ipſe animam Ariſtotelis & exiſtimat, & ſæpe uocat: illudq̃ uulgò gloriari ſolitus eſt, multos annos ſe publicè eius Commentarios, perinde atq̃ alterum Ariſtotelem interpretari eſſe. Quare meritò quidem ac iure optimo ſtomachetur Auerroës, maximèq̃ excandeſcat, quòd homo iſ, qui tantopere ſuam profiteatur doctrinam, in re tamen tam perſpicua, tam temerè ab eo diſceſſerit, atq̃ in alia omnia iuerit, cum ipſe tamē in libro tertio de Cœlo & mundo, textu primo, quid ſentiret, teſtatum reliquerit hiſ uerbis:

Volumus modò dicere de duobus corporibus, ſcilicet graui, qd eſt terra & aqua: & leui, quod eſt aër & ignis. et quia uult incipere loqui de eis, in quo uult incipere de eis, & eſt quod primò uult conſiderare, utrum generatio ſit, aut non ſit, & ſi eſt, utrum in rebus compoſitis, & in ſimplicibus, et ſi eſt rebus in ſimplicibus, & compoſitis, utrum ſit in eis propter corpora ſimplicia, aut propter alia. conſideratio enim de omnibus iſtis eſt proprium corporibus ſimplicibus quatuor. & ideo hæc conſideratio de eis, diſſert à cōſideratione de eis in libro de Generatione & corruptione. Illic enim non conſiderat de eis, niſi propter conſiderationem de compoſitis generalibus, & contingentibus. Hic autem conſiderat de eis, in quantum ſunt partes mundi, & conſiderat de generatione & corruptione, quoniam ſunt accidentia eſſentialia eis. Hic igitur conſiderat in eis, in quantum ſubiectum ſunt: illic autem, in quantum ſunt cauſæ. & in hac ſcientia debet compleri conſideratio ſecundum ipſos duos modos, ſecundum cauſam ſcilicet, & ſubiectum.

In calce item eiufdem libri, cum multa alia dixiſſet, intulit,

Et fecit hoc hic, & non in libro de Generatione, quia maior pars opinionum falſarum dictarum de eis, hic nō fuit dicta de eis, in quantum ſunt elementa, ſed in quantum ſunt primæ partes mundi, ut di-

„ centes ea esse composita ex superficiebus, aut ex partibus mundi ut-  
 „ sibilibus: aut dicentes, ea esse non generabilia, neque corruptibilia: aut  
 „ dicentes ea esse non elementa, aut dicentes ea esse generabilia & cor-  
 „ ruptibilia. & omnes hæc questiones non nisi in quantum sunt par-  
 „ tes mundi, non in quantum elementa sunt.

Hoc idem etiã paulo post sentire se, apertissimè ostendit. Cum igitur ex Auer. sententia (utcumque sit quod ad nonnulla attinet, quæ præterea dicit) in lib. de Cælo quatuor illa corpora tractent, quatenus sunt corpora naturalia simplicia, & partes mundi, non ut elementa: prius aut partes mundi sint, & corpora simplicia, quæ elementa: consequens est, ut prius pertractentur in se, quæ in ordine admixta. unumquodque enim prius est in se, quæ ad aliud referat. Iure igitur profectò succenset huic homini Auer. nisi potius eius uicè doleat, quinon ab his modo temerè dissentit, quos sequitur, sed secum etiã quàm sæpissimè pugnat. Hanc item fuisse D. Thomæ sententiã, optimi (mea quidem sententia) inter Latinos interpretis, declarare uidentur ea quæ ipse in primo de Cælo & mundo libro, ita scribit:

„ Et ideo rationabilius dicendū uidetur, secundum sententiã Ale-  
 „ xandri, quod subiectū huius libri sit ipsum uniuersum, quod dicitur  
 „ Cælū, uel mundus, & quod de simplicibus corporibus determinat  
 „ in hoc lib. secundum quod sunt partes uniuersi. Constituitur aut uniu-  
 „ uersum corporeū ex suis partibus. secundum ordinē situs. Et ideo solum  
 „ de illis partibus. uniuersi determinat in hoc libro, quæ primò & per se  
 „ habent situm in uniuerso, scilicet de corporibus simplicibus. Verum de  
 „ quatuor elementis nō determinatur in hoc lib. secundum quod sunt  
 „ calida & frigida, uel aliquid huiusmodi, sed solum secundum graui-  
 „ tatem & leuitatē, ex quibus determinat eius situs in uniuerso. Alijs  
 „ autem partibus uniuersi, puta lapidibus, plantis, & animalibus, non  
 „ determinatur situs secundum se, sed secundum simplicia corpora, &  
 „ ideo de his nō in hoc libro agendum est. Quod si D. Thomas nō  
 „ uult, ibi agi de quatuor illis corporibus, quatenus sunt calida, aut fri-  
 „ gida, sed quatenus partes sunt uniuersi: quatenus autem calida sunt,  
 „ aut frigida, sunt elementa, quoquo modo sese res habeat, illud sentit,  
 „ non agi de his quatenus elementa sunt, agitur ergo quatenus sunt  
 „ talia corpora. Quare primò non ordinata sunt ad alia, cum ante sint  
 „ ipsa per se, agaturque de illis quatenus talia sunt. si enim admixta ordi-  
 „ narent, nō potuisset de eis primò & principaliter agi. Sed cū id Ari-  
 „ stoteles atque eius interpretes asserant, dubitandum non est, quin pri-  
 „ mum per se tractent, deinde ad alia referant, hunc enim ordinem ra-  
 „ tionemque obtinent. Ac tamen si propter hunc ordinē elementa dicun-  
 „ tur, tamen nihil obstat, quo minus corpora illa quæ uocantur elemen-  
 „ ta, cū alterius rei causa considerent, possunt tamen ipsa etiã per se cō-  
 „ siderari. Aristoteles etiã appellauit cælum elementū, cum tamen de  
 „ eo principaliter ageret. Quare ex eis quæ tradit Aristoteles, ita uide-  
 „ mur aduersus hunc hominē argumentari posse. Si elementa ad mi-  
 „ xta referunt, neque tamē id, ut censent expositores, obstat, quo minus  
 „ ipsa

ipsa per se tractentur: nulla erit ratio illa, Definitio ad demonstrationem refertur, ergo ipsa per se in Logica non consideratur.

Item uidetur secū pugnare, cum dicat, simplicia corpora esse ipsa <sup>11. sive ip-  
sius opinio  
nis euerfio.</sup> per se bona, atq; uniuersum exornare, sed tamen primò ad mixta corpora referri, atq; eorum gratia in natura esse. Nam si ipsa per se bona sunt, atque uniuersum exornant, non sunt alterius rei causa bona.

Quòd si propter aliud, nempe propter mixta bona sunt, nō sunt per se bona. A' seipso igitur bellus hic homo bellissimè dissentit. Consequens autem ostenditur, cum 1. Ethic. lib. cap. v 11. ubi docet Aristoteles bona dici, alia propter seipsa, alia propter alia: tum etiam 1. Poster. lib. uerbis illis: Omne enim aut per se, aut per accidēs. Quòd si per accidens bona sunt, nō sunt per se. Pugnantiā igit (nisi fallor) homo iste scribit, qui ait, corpora illa esse per se bona, atq; alterius rei causa in primis bona. Quòd si dicat (quod tamen ex uerbis eius, si diligentius cōsiderentur, nō satis cōmodè elici posse uidetur) intelligere se, elementa esse mixtorū gratia nō principaliter, sed secundò loco, tunc nostrā maximè tueretur opinione, tantū abest ut suam ullo modo cōfirmet. Diximus enim in procemio libelli nostri, definitionem sui ipsius gratia primò cōsiderari, atq; ut est definitio, & ipsum quid est explicat. Per accidens autē, ut est medium: accidit enim illi, ut sit medium. id quod satis colligi potest ex eis quæ hoc loco de elementis disputat. Quare id laboris temerè, frustra q; omnino suscepit.

Quod uerò ad ea attinet quæ subdit, concedimus, necessariò discenda esse simplicia illa, ex quibus constet id quod cōpositum sit, si perfectam absolutamq; uolumus eius compositi cognitionem consequi: hoc enim sibi uolunt ea quæ citauit ipse, Aristotelis loca. Sed cum inferat, ut simplicia, quod ad compositi cognitionem necessaria sunt, esse primò per se in natura, itaq; considerari: hoc uerò negamus consequi. Quod quidem ille, cum neque ratione, neque Aristotelis auctoritate tueri possit, ob ea quæ suprà diximus: reliquum est, ut probet per Strodum, per Occam, per Paulum Venetum, quos ab ineunte ætate secutus est. His autem cum nihil commune sit (ut apud omnes constat, qui paulum modò in Aristotele uersati sunt) cum Peripateticorum doctrina, quam unam ipsi nobis sectandam proposuimus: illos ego semper abijciendos putaui. itaque improbo eam, quam ab illis Iacomellus petit, rationem. Ex quibus quidem satis perspicuum esse arbitror, non recte illud dictum esse, quod simplicia ad composita ordinentur, instrumentum id quo ipsa simplicia discuntur, referri ad ea, ad quæ referuntur ipsa simplicia, quæ quidem sunt composita. Ostensum est enim, non omnia simplicia ad composita primò referri: constatq; ipsum quid est non referri ad si est, neque ad quale est, neque ad propter quid est. essentia enim non ordinatur ad accidentia. Quod cum ita sit, illud planè sequitur contra eius sententiam, ut definitio, quatenus est definitio, hoc est docet quid est, nō ordinetur ad demonstrationem, propterea quia ipsum quid est nō ordinatur ad ea quæ demonstratione di-

*Reflexio  
argumenti.*

scuntur, id quod ex eius argumento elicitur. Qui enim adduci quisquam potest, ut existimet, definitionem primò referri ad syllogismum: cum definitionis substantia, ut est definitio, sit oratio quæ explicat quid est: quatenus autem explicat ipsum quid est, nullo modo referri possit ad demonstrationem. Ita enim quid est disceretur demonstratione: cuius tamen contrarium tot rationibus ostendit Aristoteles II. Poster. libro.

SECTIO III.



Vod autem ad alteram eius rationem attinet, negamus, Aristotelem tertio de Anima libro docere, primam intellectus possibilis operationem, naturæ ordine ad secundam ipsius intellectus operationem referri, atque hanc ad postremam. Nam si eo libro ulquam id tradidit Aristoteles, docuit his quæ sequuntur uerbis:

„Indivisibilem quidem igitur intelligentia in his est, circa quæ nō  
 „est falsum: in quibus autem et falsum, tam et verum, compositio quæ dā  
 „tam intellectuum est, sicut eorum quæ unum sunt, quemadmodum Em  
 „pedocles dixit, verè multorum quidem capita sine cerulæ germinave  
 „runt, postea composita sunt, ut asymmetros, et diametros.

Sed his uerbis nihil videtur aliud ostendere, nisi intellectum, cum intelligit in divisiblem, intelligere ea, in quibus non est neque verum, neque falsum. cum autem intelligit ea in quibus est aut verum, aut falsum, tunc esse compositionem eorum quæ ab intellectu intelliguntur: quæ quidem compositio sit ex his quæ prius seiuncta erant. At ex eo non infert Aristoteles, simplicia illa non esse prius propter se, sed propter composita, id quod probandum fuerat. Nos enim illud dicimus, fieri posse, ut multa sint propter se, quibus tamen accedat, ut ad alia referantur.

Deinde ostendimus libello nostro, definitiones omnes, & simplicia, quæ sunt in Logica, tractari, quatenus rediguntur ad opus, non simpliciter & absolute: ita enim in Prima philosophia pertractari. Quare minimè mirum videri debet, dixisse nos, definitionem nominis & verbi, ceterasque definitiones, quæ sunt in libro Perihermenias, ad enunciationem referri, ut ex ipsis illud concluderetur, enunciationes constitui ex nominibus & uerbis. Quinetiam ex eo intellimus, cum ibi respectuè tractarentur, alibi necessario absolute considerari, ut in Prima philosophia. Ita facile cōstat, hoc maximè nostræ favere opinioni, si definitiones dicantur secundo loco ordinari ad demonstrationes, per se uerò ad sciendum quod quid est. ita enim ordinantur per accedens, per se autem absolute sunt. Sic nullam apparet esse hominis huius rationem: ex qua sequitur id quod nobis propositum fuit, nō quod ipse arbitratur. Quod uerò subiungit,

Si definitio sui etiam ipsius gratia tractaretur, vel (ut ipse loquitur) si esset æquè primum instrumentum, ac syllogismus, futurum fuisse, ut de ea in aliqua parte Logicæ ageret Aristoteles, non alterius,

rius, sed eius ipsius causa, id planè concedimus, arbitramurq̃, de ea illum egisse 11. Poster. libro. Sed de his plura inferius, ad quem locum nos reijcimus.

Quod uerò subdit, Si diligenter attendatur, cōtra illum maxime facit, ait enim, Demonstrationem ex locis suis quæ 1. Prior. lib. citat, Logicæ finem esse, ac propterea de illa proximo uolumine, hoc est libro Posteriorum, ut de primario subiecto, ac tantq̃ scopo, esse pertractatum: De definitione autem ipsius demonstrationis gratia, referri enim in facultatibus cetera omnia ad id quod in primis tractat. Nam si demonstratio finis est, ut ipse scribit, aut finis est Logicæ uniuersalis, aut particularis. Si finis est Logicæ uniuersalis, demonstratio erit totius Logicæ uniuersale, primumq̃ subiectum: ex cōuenim quod finis est, probat ipse illam esse subiectum, quare ut finis est, ita necessariò est subiectum, si ualet eius ratio. At ponit, subiectū huiusmodi esse syllogismum simpliciter, ut suprā demonstratum est, atq̃ inferius etiam demonstrabitur: secum igitur pugnat. Quod si intelligat, esse ultimum finem, atque omnium præstantissimum, nihil planè contra nos concludet: ex eo enim non sequitur, ut definitio sui ipsius causa pertractari nō possit. Nam ex eius sententia, quamuis demonstratio sit ultimus finis, maximeq̃ principalis, tamen agitur de syllogismo Dialectico per se, ut scribit ipse capite tertio. Illud ergo quod demonstratio sit tale subiectum, nihil obstat, quo minus definitio 11. Poster. lib. per se consideretur, quod tamen ipse negauerat. eadem enim de causa syllogismus Dialecticus non tractaretur per se. Sic ea quæ citauit Aristotelis loca, ex primo Priorum libro,

*Primum ostendendum circa quid de quo, quoniam circa demonstrationem demonstratiuæ disciplinæ:*

Nihil ab eo faciunt. cogitur enim ratione sic illa exponere, quem admodum nos infrā exponemus. Ita negatur eius argumentū, cum ait, In lib. Poster. agitur de demonstratione (uta gatur etiā, quomodo ipse dixit) ergo de definitione demonstrationis gratia, nō per se.

Quod uerò ad illam rationem atinet, quam infert: Quia habent in facultatibus relatum, & cetera, ad id quod primæ atq̃ potissimæ considerationis ponitur: hæc uerba contrarium magis, quàm quod ipse putat, nobis uidentur ostendere, quippe quæ illud significant, demonstrationem esse subiectum primum, & adæquatum, ut eius uerbis utar, quæ tamen Burlei sunt. Nam id ad quod omnia referuntur, cuiusq̃ gratia tractantur omnia quæ in aliqua facultate sunt, est huiusmodi subiectū. Non omnia autem quæ in aliqua facultate tractantur, referuntur ad primam illius facultatis speciem sic, ut per se non tractentur. Neque enim in philosophia naturali omnia considerantur, aut propter cælum, quæ est principalissima pars corporis naturalis: aut propter illius, specierum uel accidentia: quæ tamen omnia ad perfectam ipsius generis cognitionem pertinet. Scribit enim Aristoteles 1. Poster. lib. cap. xviii.

” *Vnam esse scientiam, quæ unius generis partes, & passionēs*  
 ” *quæ per se sunt, consideret.*

Ex illis igitur verbis uidetur sentire Iacomellus, demonstrationem esse primum subiectum, & uniuersale totius Logicæ. non enim ad aliud subiectum, nisi ad uniuersale, referuntur cætera quæ in quaque facultate sunt sic, ut non per se tractentur. Ex eo autem sequitur, ut demonstratio non sit principalissimum subiectum, sed uniuersale, & adæquatum. A seipso igitur dissentit, quippe qui contrarium ante scripsit.

III. siue ip  
 sus opinio  
 nis contr  
 ario.

#### SECTIO V.



Quod uerò subiungit (quod quidē ab Eustratio, Ioanne Grammatico, nonnullisq; istorum recentiorum petijt) nō modo opinionem suam non tūetur, sed nostram maximē confirmat. Quō facilius autem rei ueritas perspicui possit, simul & multa dissoluantur, quæ uidentur lib. Posteriorum euertere, non grauabimur altius repetere, atque ē propositio (quod tamen necessariō faciendum existimamus) paulisper egredi, præsertim cum non illud nobis tantummodo propositum sit, ut Iacomello respondeamus (huius enim argumentorum omnium dissolutionem satis ex his quæ nostro libello scripsimus, elici posse arbitramur) sed ut multa præterea, quibus lapsi uidentur interpretes, exponamus, ea quæ tueamur quæ in nostris Institutionibus posuimus, atque alibi etiam ponemus. Cum finis igitur Logicæ facultatis (ut ostensum est in proemio nostri Commentarij) esset docere, quemadmodum conficerentur ea instrumenta, quibus instrumentis discuntur omnia quæcunque disci possunt, idē ob eam quam eo loco ostendimus, causam: cumq; demonstratio sine ulla controuersia instrumentum esset quod scientiam efficeret, necessariō docendum fuit in Logica, quemadmodum conficeretur ipsa demonstratio, expositis prius his quæ ad demonstrationem pertinerent: id quod præstitit Aristoteles primo Posteriorum libro. Consequens autem deinceps erat, ut doceret, quō nam pacto constitueretur definitio, cum ipsa quoque instrumentum sit perdiscendi unum ex quatuor illis quæ sitis, quid est scilicet. Quoniam uerò non uidebatur necessariō agendum esse de definitione, quatenus esset instrumentum (demonstratio enim perspicuē faciebat scire, ea q; ipsa uidebantur disci omnia quæ dubia essent: quod quidem si ita fuisset, nihil opus erat ullo alio instrumento. unius enim rei, quatenus una est, est una omnino scientia) ne uideretur Aristoteles temere, frustra q; id negotij suscepisse, prius ipsi quærendum fuit, num esset alius sciendi modus præter demonstrationem, ut primo Posteriorum libro inuēit his uerbis:

” *Stquidem est alius modus sciendi, dicendum postertus.*

Nisi enim dubium hoc fuisset, ante de ipsa definitione egisset, ut quæ natura prior est, & à demonstratione supponitur: sed quod nō  
 satis

fatis commodè intelligi potuit, an daretur hic ipse modus, nisi antè didicissemus, utrum omnia quæ quæruntur, cum quærantur, ut sciatur, possint demonstratione percipi, nec ne: id quæ inuestigari nō potuit, nisi cognitum haberemus numerum eorum quæ quæruntur, quid item quærent omnia quæ sita: his de causis cum pertractaturus esset Aristoteles definitionem, quatenus est instrumentum, ut occurreret ijs quas diximus, dubitationibus, atque ostenderet se illam necessario tractaturum esse, ut est instrumentum, quo discitur ipsum quid est, initio secundi Posteriorum libri, cum antè docuisset omnes demonstrationis proprietates, illud posuit, quæ sita esse numero tot, quot ea quæ sciuntur, atque hæc ipsa esse omnino quatuor: conclusit quæ quæruntur, & quæ inueniuntur sciri, hæc & tot esse, idem quæ esse quod quæritur & scitur, differre tantummodo ratione. Quo facto ob eam causam quam diximus, docuit, omne quod quæritur, medium aliquod desiderare, non quodcumque tamen medium, sed medium illud quod quæstioni satisfaciat: quod quidem aliud esse non potest, nisi id per quod statim intelligitur id, de quo dubitabatur. id quæ satis ipsum per se constat: non enim quæruntur quæ sita, nisi ut sciatur. Deinde quæsiuit Aristoteles, quod erat consequens, omnia ne quæ sita illa quæ medium quærunt, quærant medium, quod sit demonstratio: an quærant aliud medium, præter demonstrationem. Quod autem dubium non erat, quin quæ sita illa si est, & quia est, & propter quid est, medium quæreret, quod medium esset demonstratio (in his enim manifestò quæritur aliquid de aliquo, quippe quæ sunt complexa: dubitabatur autem de ipso quid est: Aristoteles omisit ijs, de quibus nulla erat dubitatio, cepit quærere, an ipsum quid est, de quo dubitaretur, medium quæreret, quod medium esset demonstratio: quærere enim, an demonstratione sciatur, idem est, atque id quod ipsi diximus. Deinceps ostendit, rationibus primùm demonstratiuis & proprijs, ipsum quid est non disci ex demonstratione, quod (mea quidem sententia, initio secundæ capituli, aperte innuit his uerbis: Principium autem sit futurorum, quod est maxime proprium habendarum rationum. Quorum sanè rationū illa firmissima uidetur, quod omnis demonstratio ostendit aliquid de aliquo, in definitione autem non dicitur aliquid de aliquo. Ex quo quidē sequitur, ut definitio cōcludi nō possit demonstratione: neque item quid est, quod definitione explicatur.

Deinde, rationibus ex aduersariorum opinione ductis, ostendit ipsum quid est disci non posse demonstratione, cum quæsiuit, utrum ipsius quid est syllogismus esset, an demonstratio, an neutrum, ut ratione docuerat. Quod si, inquit, ita disci posset (ut aliquis fortè obstinatius putet) necesse esset in utraque propositione demonstrationis esse ipsum quid est. Sic in dubio uerteretur, quod initio positum esset, tanquam manifestum.

Quoniam autem reuera fieri non potest, ut unius rei plures sint definitiones, necessarium fuisse uidetur, ut diceret illam rationem

esse ad homines. Deinde, quòd aliquis facile existimare potuit, ipsum quid est per disci diuisione, & quibusdam alijs instrumentis, ostendit, illud percipi nullo modo posse, neque ex diuisione, neque ex Methodo definitiua, neque ex syllogismo a contrarijs, neque ulla alia uia, qua illud per disci posse existimaret aliquis, eandem scilicet ob causam, quod in dubio uerteretur id quod initio positum esset, tanquam manifestum. His absolutis, ut res melius perciperetur, disputare coepit, ipsum quid est non posse etiã definitione intelligi, quod ex eo sequeretur, ut posset esse sine si est: quod quidem maxime absurdum uideretur, idq; eo textu explicatur, cuius initium est,

” Amplius quomodo monstrandum quod quid est homo, &

” quæ sequuntur. Postremò, cum tacitæ cuidam dubitationi satisfecisset, probare coepit, ratione deducente ad id quod fieri nequit, contrarium, quod quæ uerum esset, uidelicet ipsum quid est definitione explicari, id quæ ex his quæ concessa essent, definitione disci ipsum quid est, aut certè quid nomen significat. Quod si, inquit Aristoteles, aduersarius neget, definitione sciri ipsum quid est, definitio explicabit quid nominis. id autè cum penitus falsum sit, quod ex eo multa sequuntur quæ maxime sunt absurda, definitio explicat quid est. Quòd autem Aristoteles rationes attulerat, quæ cõtrarium conducerent, simul ut ueritas melius perciperetur, inuoluit:

” Speculandum esse iterum, quid ex his rectè diceretur, quid contraria: item quid definitio esset, utrumque ipsius quid est aliquo modo esset demonstratio, & definitio, quomodo autem non.

Itaq; ostendit, iterum se quæsiturum, quod iam alia uia ratione quæsierat: ac demum lætatur, sese rationem inuenisse explicandi ipsum quid est, per aliud quid est eiusdem rei. Quòd autem (ut diximus) re uera id fieri non poterat, subiunxit.

” Hic quidem igitur modus quod non sit demonstratio, dictum est prius: dictum est enim, quod petit id quod est in principio.

Sed est probabilis & famosus, atque idcirco eam rationem Logicam appellauit. Deinde ait, uelle se iterum quærere, utrum quid est sciatur demonstratione. & infert, quotiescunque ipsum quid est per essentialia discatur, demonstratione per disci: idq; eclipsis exemplo docet, cum intelligimus eam fieri per interpositionem. Deinde subdit, notum esse, sicut accipitur quod quid est, & notum sit, dictum est prius. Quare ex eis quæ dicta sunt, manifestum est ipsius quod quid est non esse syllogismum, neque demonstrationem, tanquam quod ex his concludatur: manifestum tamen est per syllogismum, & per demonstrationem, quia simul est notum cum si est, quod per ipsum demonstratur. tunc enim est medium illius demonstrationis: quod cum est extractum ex illa prædicatione, est quod quid est.

Mox infert, nunq; fieri, ut ipsum quid est sine demonstratione discatur, cuius aliqua sit causa, ut superius dictum est. Nam si causa

est,



est, quæ ostendi possit, habebit causam, per quam ostendi poterit, constat enim, ea quorum est demonstratio, non tamen est demonstratio, ut in oppositionibus dictum est, sed Logicus syllogismus.

Quoniã uerò ex eis quæ de huiusmodi causis disseruerat, ut ostenderet, illas demonstrari, dubitare potuit aliquis, nūquid omnes demonstrari possent, ostendit, non omnes percipi demonstratione, eas enim quæ nullum habent medium, concludi non posse: quæ autem medium aliquod habent, ostendi, non tamen demonstrari.

Quia uerò suprà dixerat, speculandum esse iterum, quid ex his recte diceretur, quid contrà, item quid esset definitio, utrumq; ipsius quid est, aliquo modo esset demonstratio, an definitio, an neutrum, cum ostendisset, quemadmodum ipsius quid est esset demonstratio, quemadmodum rursus non esset: docere cepit, quid sit definitio, atque eius species. & definiens definitionem docuit, ipsum quid est percipi definitione. Rationes autem, quibus uisus est probare, ipsum quid est non percipi definitione, idcirco expresse non dissoluit, quod earum dissolutio ex eis quæ dicta erant, facile elici posset.

Postremò epilogo collegit ea quæ nouissimè dixerat. Quibus absolutis docendum fuit, quò nam pacto cõficeretur definitio, satis enim iam constabat, demonstratione non sciri ipsum quid est, sed esse alium sciendi modum, quæ esset definitio. Sed quoniam ex his quæ de causis dixerat, ostendens alias quidem demonstrari, alias uerò non demonstrari, potuit aliquis facile existimare, eas causas quæ demonstrantur, non demonstrare, quæ quidem fuisset maximè erroris causa: Aristoteles, ut hunc ipsum errorem auerteret, plenioris cognitionis causa, antequam ad id quod sibi in primis propositum esset, aggrediretur, ostendit causas omnes demonstrare.

Quod autem à proposito ita egressus sit Aristoteles, cum alia multa satis argumento sunt (neque enim attinebat eo loco, quæ iam tractare ceperat, intermittere) tum illud maximè uidetur declarare, quòd in fine ceptæ illius pertractationis causarum, atque eorum quæ cum illa ipsa pertractatione apta, coniunctaq; erant, epilogo collegit ea quæ ante pertractationem illam dixerat, atque cum his connexuit quæ insequabantur.

*Quomodo igitur quod quid est, inquit, in terminos assignatum est, & equaliter demonstratio, & definitio sit ipsius, aut non, dictum est prius. Quomodo autem oporteat uenari prædicamenta in eò quod quid est, nunc dicamus.*

Cum Aristoteles igitur epilogo collegerit ea quæ ante pertractationem illarum causarum tractauerat, eaq; ipsa cum his cõnectat, quæ de definitione dicenda relinquebantur, cumq; liquidò appareat, hæc ipsa non sequi ex illa causarum pertractatione: dubitari non potest, quin de causis per accidens egerit: quod quidem (ut ex primo Posteriorum libro, multisq; alijs locis constat) non est præter consuetudinem Aristotelis: quam fortasse ignorans Linco. cū uellet causam

illius

illius pertractationis reddere, nonnulla dixit, quæ (mca quidem sententia) aliena sunt à Peripateticorum doctrina.

Alij item expositores, cum putarent aliud sibi uelle Aristotelem, atq; ipsi docuimus, totum illum Posteriorum librum maximè perturbarunt, ut ex his quæ eo ipso libro scribit Aristoteles, quæq; nos suprâ diximus, facile intelligi potest. His quæ diximus declaratis, ingressus est Aristoteles ad docendum, quod in primis quidem sibi propositum erat, quò nam pacto conficerentur definitiones, atque inuenirentur, quatenus sunt instrumenta sciendi ipsum quid est. Ex quibus quidem illud patère uiderur, quæ ab initio secundi libri ad illas usque proprietates definitionis dixerit Aristoteles, hæc illum dixisse, ut ostenderet se non ab re, falso uè tradere proprietates ipsius definitionis, ut est instrumentum sciendi ipsum quid est, sed uerè ac necessariò, cum ille sit huius facultatis finis, quem sæpe iam nos demonstrauimus. Quare maximè quidem ad rem faciunt, referendæq; sunt in proœmio communia, quæ à seipso, & ab aduersario ducuntur, cum ea quæ ad calumniam pertinerent, dissoluta sunt. Ex quibus illud etiam colligi potest, recte nos ex quatuor illis quæsitis, & scitis ostendisse in proœmio nostræ Institutionis in librū Periherménias, & Commentarij, necessitatem Logicæ facultatis. Nam quemadmodum secundo Posteriorum libro docuit Aristoteles, ex eo quod quid est definitione scitur, agendum esse de ipsa definitione: ita pari ratione, quoniam quæ sita illa si est, quia est, propter quid est, demonstratione discuntur uerè, secundum autem opinionem syllogismo Dialectico, consequens est, ut de his agatur in Logica, quæ omnia tanquam manifesta, omisit.

Expositis autem proprietatibus definitionis, quo plura doceret, alia problemata posuit, quibus ostendit, unde liceat inuenire media, & causas problematum, quæ proponantur: idque propterea quod dixerat, diuisiones esse utiles ad inuestigandas definitiones. Voluit enim docere, illas etiam utiles esse ad demonstrandas conclusiones, itaque demonstrationes: de hac enim re facile potuit aliquis dubitare, præsertim cum in libro Posteriorum tractetur definitio & demonstratio, utraque enim unius est generis. Docuit igitur Aristoteles, quæ problemata essent eadem, quæ diuersa. dixitq; ea esse eadem, quæ idem habent mediū: diuersa, quæ diuersum. Postremo plenioris cognitionis causa attulit Aristoteles dubitationes quasdam utiles ad ea quæ dicta erant de problematibus, ut unus ne effectus cōtingat, plures esse causas, quæ quidē sunt unia ad ea quæ dicta sunt hoc loco, & primo libro. Hæc enim (ut dixi) est doctrina unius omnino subiecti, qui est sciendi modus, quocirca in extremo illo capite collegit epilogo, id quod proposuerat in libro Priorum, simul innuens, quemadmodum egerat de syllogismo demonstratiuo, ita etiam agendum esse de syllogismo Dialectico: nullam tamen fecit mentionē definitionis, quod illā nō proposuerat in proœmio, idq; propterea quia illud proœmium cōmune erat, accipiēdo com-

mune

muneo sensu, quo docuit Aristoteles tertio Rhetoricorum libro, non ut sit universale totius Logicæ. Locutus est autem de demonstratione, conferens eam cum syllogismo, ut infra declarabimus: quia proprium non erat illud procemium, sed solum, ut tacitis hominum dubitationibus occurreret: id quod idcirco factum est, quod nondum constabat, an agendum esset de definitione, quatenus esset instrumentum sciendi. De hac autem ipsa dubitatione suo loco differendum fuit, quod innuit Aristoteles primo Posteriorum libro, loco superius citato:

*Si quidem est alius modus sciendi, dicendum postertut.*

Quod quidem intelligi non posse de alio modo, nisi de definitione, declarant ea quæ (uti diximus) in Poster. lib. disputauit Aristoteles. Dubium enim erat, an ipsum quid est disci posset demonstratione, quod quidem si ita disci potuisset, nullus fuisset alius sciendi modus. Hunc autem esse illorum uerborum Aristotelis sensum, quem diximus, infra conabimur ostendere.

SECTIO VI.

**I**s autem, quæ demonstrauimus, explanatis, cum meminisset Aristoteles, se dixisse, demonstrationem constare ex principiis immediatis, quæ nota non sunt demonstratione, animaduertit aliquem facile dubitare posse, quemadmodum nota essent, & quo habitu ex quinque illis habitibus intellectus perciperentur: quamobrem, ut plura doceret, explanauit ea quæ ex his quæ dicta erant, quæri posse uiderat. Reseruauit hæc autem ad hunc locum, quo loco iam absoluisset ea quæ in primis tractanda susceperat, ut intelligeremus, hæc ipsa esse alterius facultatis, uidelicet Primæ philosophiæ, non Logicæ. Ex quibus omnibus luce clarius patere uidetur, Aristotelem secundo Posteriorum libro egisse de definitione, quatenus est definitio, id est instrumentum discendi ipsum quid est. Neque enim tam multa disputanda fuissent, & præter rem maximè essent quatuor illa quæ sita, & scita, ut quæret, utrum ipsum quid est sciatur demonstratione, an diuisione, & cōcludere sciri definitione, si definitio pertractata esset, ut medium demonstrationis: nam ut medium tale, nullam affert ipsius quid est cognitionem, sed traditis proprietatibus demonstrationis, continuo subiunxisset id quod in libro Priorum dixit:

*Quomodo enim abundante erimus demonstratione ad propositum, & per quam uiam sumemus, quæ sunt circa unumquodque, principia, necessario dicendum est. non enim solum oportet considerare generationem demonstrationis, sed & potentiam habere faciendi.*

Hæc enim ipsa, nō alia ostendere poterant, agendum esse de medio, quare his usus est Aristot. in Priorum lib. Illud etiam mitto, definitionem, si pertractata esset demonstrationis causa, diuisione præcedere demonstrationem, cum sit pars eius integralis, ac secundum naturam

naturam demonstrationem præcedat. Sed cur Aristoteles naturæ ordinem secutus nō sit, illa fuit causa, quam suprà demonstrauimus. Neq; tamen quifquam existimarit, de his posteriore loco agendum fuisse, quemadmodum de medio in libro Priorum: nam pertractatio illa nō adhibita est ob syllogismum simpliciter, quatenus scilicet penitus à materia abstrahit, sed ut uel Demonstratiuus est, uel Dialecticus. quare primo Priorum libro,

- ” *Eorum, inquit, quæ sequuntur, quæcunq; in eo quod quid est, quæcunq; propria, & quæcunq; ut accidentia, prædicantur, & eorum quæ secundum opinionem, & quæ secundum ueritatem: quanto enim plurium abundans erit quis, citius inueniet conclusiones: quanto autē ueriorum, magis demonstrabit.*

At syllogismus simpliciter abstrahit à materia uera, seu probabili, non ergo loquitur Aristoteles de syllogismo, ut abstrahit à materia, pertinet tamen pertractatio illa ad lib. Priorum. nam docere inuenire in qualibet materia formam syllogisticam, ad eundem librum spectat. Sed cum de natura syllogismi simpliciter, hoc est de enunciationibus, & propositionibus simpliciter, quæ ab omni materia abstrahunt, egerit prius, quàm de syllogismis mixtis loqueretur, ita etiam agendum fuit de definitione, cum refertur ad demonstrationem, sic enim est pars eius integralis, ut dictum est.

Illud etiam satis declarare arbitror, concludendum esse, Aristotelem 11. Poster. lib. agere de definitione, ut est instrumentum sciendi, quòd cum id proprium sit Logicæ, duobus autem omnino locis in ipsa Logicæ pertractetur definitio, & 11. Poster. lib. & in Top. referendo lib. Topicorum in partes Logicæ: quod tamen falsum est, nisi quod ad exiguam eius partem attinet, quæ Topica non est: in Topicis non pertractata est, quatenus est definitio: quare sequitur, ut 11. Poster. lib. sic tractetur. De hac autem re necessario agendum esse in Logicæ, ex his facillè constat, quòd definitio & demonstratio sunt eiusdem generis subiecti, sunt enim modi sciendi. Cuius autem facultatis est una species, eiusdem est alia: cuius item genus, eiusdem & species, id quod Aristoteles quarto Primæ philosophiæ libro, his uerbis docuit:

- ” *Quapropter, inquit, & eius quod est, ut ens est, quæcunque sunt species unius scientiæ genere, & specierum species contemplari.*

Eadem autem ratione, quæcunq; fuerint species modi cognoscendi, eiusdem erunt scientiæ & facultatis. Huc accedit, quòd quemadmodum facultas ea quæ docet conficere demonstrationem, diuersa est ab omnibus facultatibus, quæ utuntur ipsa demonstratione: sic facultas illa quæ docet cōstituere definitionem, diuersa est ab his quæ utuntur ipsa definitione, eadem enim prorsus est ratio. Præterea si in ulla alia facultate tradi possent regulæ definitionis, traderentur potissimum in Prima philosophia, sed fieri non potest, ut per se tradantur in Prima philosophia: ergo traduntur in Logicæ. Confirmatur

firmatur id quod antecedit, uel quia Prima philosophia non est ars, sed scientia, ars enim est eorum quæ fiunt à nobis: uel quia definitionem tractat propter substantiam & quiditatem, non ut arte docetur constitui.

SECTIO VII.

**S**ic aut primū philosophū tractare (ut dixi) definitionē, ostēdit Aristot. VII. Primæ philosophiæ lib. his uerbis: *Quoniam autem in principio, quot modis substantiam definimus, distinximus, atque horum unus esse ipsa quiditas uidebatur, de ipsa nunc contemplandum esse uidetur.*

Cum igitur de quiditate agat, agit etiam de definitione, qua exprimitur ipsa quiditas. Illum uerò loqui de quiditate propter substantiam, cum ex multis alijs septimi libri locis colligi potest, tum uerò maxime ex decimotertio textu:

*Quiditas, inquit, & unumquodq; sunt idem, an non eadem, sed diuersa, deinceps considerandum esse uidetur, ad substantiæ namq; considerationem hoc uehementer conducit.*

Deinde, quòd egerat de quiditate, quæ per definitionem cognoscitur, cœpit proponere duas illas quæstiones, utrum omnis definitio sit ratio, omnis autem ratio partes habeat. atque ut ad rem sese habet ratio, sic & partes rationis sese habeant ad rei partem: utrum inquam, parium rationem in totius ratione inesse, ac non inesse oportet. Quæ omnia declarant, definitionem hic non tractari, quatenus docetur arte constitui, sed eo modo, quo pertinet ad primum philosophum: quam quidem rem non ita multo post docet Aristoteles textu trigesimo quinto:

*Nunc autem, inquit, primum dicamus oportet, quod in resolutione de definitione non diximus. ea namq; dubitatio quæ ibi non pertractata est, ad ea sanè quæ nunc de substantia dicimus, accommodatur, uehementerq; cōducit. Dico autem hanc dubitationem, propter quid res definienda est, unum, cuius rationem definitionem dicimus esse, ut hominis hoc, animal inquam bipes, sit enim ipsius hæc ratio, propter quid igitur unum, sed non plura animal & bipes.*

Quibus uerbis ostendit, sese definitionem pertractare ob substantiam, ac de his agere, de quibus nihil egit in libro Posteriorum.

Neq; uerò quod subiungit, ut tollat eam quam diximus dubitationem, quicq; contra nos facit. ait enim, Atqui de definitionibus per diuisiones conficiendis considerare oportet. Et paulo post:

Sed de definitionibus per diuisionem conficiendis, quales quædam sunt, tot primò sint dicta. Quæ sine dubio cum inferat, ut dissoluat dubitationes prædictas, manifestum est quod inducuntur propter aliud, non propter se, quia ut dissolueret: eam dubitationem, quam I. Periherm. lib. dixerat, alterius esse negotij. Ita autem esse (ut diximus) magis etiam declarant, quæ post illam pertractationem

A subdit

subdit Aristoteles his uerbis:

» *Cū hæc cōsideratio de ipsa substātia sit, redeamus rursus oportet.*

Quod si reuerti uult ad id quod in primis tractabat, à proposito egressus erat. At egressiones à proposito fiunt per accidens eo loco, ubi nihil pertinet ad id quod in primis propositū est. Illa igitur definitionis pertractatio ibi nō est per se, itaq; nusquā in Prima philosophia est per se. Loqui aut in Prima philosophia Aristotelem de definitione ob substantiam, nō quatenus docetur arte cōstitui, cōfirmant etiam quæ VIII. Primæ philosophiæ lib. ita scribit:

» *cum quiditas substantia sit, huius uerō ratio sit definitio, de definitione propterea, et de eo quod est per se, definiuimus, cum definitio insuper sit ratio, ratio uerō partes habeat, de parte etiam necessarium erat uidere, quæ sunt substantiæ, et quæ non sunt substantiæ partes, et scilicet de m et definitionis sint partes.*

Cum igitur satis appareat, Aristotelem loqui de definitione ob substantiam, idq; non sit per se docere ipsam definitionem constituturæ (hoc enim ex arte fit, illud quatenus est una pars entis in uniuerso) in Prima philosophia non agit de definitione per se, ut docetur arte constitui: quod quidē nobis propositū fuit ostendere. Quod item Auerroës ipsa rei ueritate compulsus, septimo Primæ philosophiæ libro testatum reliquit, his uerbis:

» *Considerare enim de definitionibus est cōmune Logico & philosopho, sed duobus modis diuersis. Logicus enim cōsiderat de definitionib. secundū quod est instrumentū ad intelligendū quiditates rerū. Philosophus autem secundū quod significant naturas rerū.*

Cum ergo regulæ constituendi definitiones per se tradi non possint in Prima philosophia, ut ostensum est, necessariò ex his quæ superius dicta sunt, traduntur in Logica: quòd si in Logica, secundo Posteriorum libro, nusquam enim alibi traditæ sunt in ipsa Logica, nisi eo loco. Quod si dicat aliquis, in Topicis, hoc facile refelli potest, tum quia (ut dictum est) liber Topicorum non est pars Logicæ: tum quia in Topicis ponūtur loci probabiles, quibus argumentari possimus de unoquoq; proposito problemate ex probabilibus, ut ipse Aristoteles initio illius libri testatur his uerbis:

» *Propositum autem negotij est methodum inuenire, à qua poterimus syllogizare de omni proposito problemate ex probabilibus.*

Sed cum in ea problemata quæ proponuntur, referenda sit definitio, cōsequens est, ut eo libro doceatur Methodus argumentandi de ea ex probabilib. ut exempli causa, animal rationale esse definitionem hominis. At docere argumentari de definitione ex probabilib. nō est docere, quo pacto certæ, stabilesq; conficiantur definitiones. ergo ut sit Topicorum liber pars Logicæ, tamen non docetur in eo per se, quemadmodum uerè firmiterq; sic, ut nullus contingat error, definitiones constituentur: ergo docetur id II. Posteriorum libro, ut ex his quæ dicta sunt, cōstat. Proprium est enim Logicæ artis mu-

nus & officium docet conficere omnia cognoscendi instrumenta.

SECTIO VIII.



Hoc autem ita esse, non modo ex Aristotelis sententia, quod sanè ostendisse nobis uidemur, sed etiam ex quorundam præstantissimorum interpretum uerbis docere uolumus. Illud enim minime nobis propositum est, ut reprehendamus interpretes, eosque in hominum contemptio- nem adducamus: quin eos ipsi libentissimè laudamus, atque admi- ramur, ubi quidem laudandi nobis, atque admirandi uidentur: sed ut Aristotelis sententiam, ac ueritatem ipsam, quantum facere pos- sumus, explicemus. Quare fit, ut nihil ex eorum sententia affir- memus, quod idem non aut Aristotelis uerba, aut ipsa ratio in pri- mis comprobet. Quod si illos nonnunquam testes citamus, hoc nō idcirco facimus, ut quicquam probemus, sed ut ostendamus, eos si- bi non constare: utque intelligant nō qui aduersus nos argumētari sunt, sese ab his quos sequuntur, discrepare. itaque argumentamur ex ipsa hominum opinione. Eustratius igitur initio 11. Poster. lib. uidetur hanc de definitione opinionem ascribere Alexandro,

Intentionem, inquit, secundo libro Posterior. de definitione esse, dixit Alexander. Cum enim, inquit, duo sint modi speculationis cum ratione & discursu, alter quidem per definitionem, alter uerò per demonstrationem, cum ab initio dicere de scientia proposuisset, & pri- us demonstrationem tradidisset, & quid sit, & quomodo fiat: nunc docet etiam de definitionibus.

Ex his igitur constat, Eustratium hanc opinionem ascribere Alex- andro optimo (mea quidem sententia) Græcorum omnium inter- preti. Quod uerò paulo post idem Eustratius hæc subiunxit,

Hinc autem perspicuum est, quod dicitur ab Alexandro, tantum docere de definitione, quantum attinet ad demonstrationem.

Quibus quidem uerbis uidetur aliud dicere, atque initio fecerat: uidet ipse. satis est, illum initio opinionem Alexandri posuisse, quæ negari non potest.

Quin ipsum Alexandrum, quod pluris etiam faciendum uide- tur, ita sensisse, ex Theophrasti opinione ostendit Suetianus his uer- bis, quæ tamen unde petierit, nescio:

De intentione, inquit, secundo libro Posteriorum, apud Græcos est differentia. Alexander Aphrod. huius secundi libri intentionem esse de definitione asserit. utitur autem auctoritate Theophrasti, qui huius libri intentionem & materiam dicit esse definitionem, ratione etiam, quod liber Posteriorum sit de instrumentis, siue modis scien- di, alter demonstratio, definitio alter. Cum igitur de demonstratio- ne egit in libro primo, nisi sit diminutus: restat nunc, ut de definitio- ne dicatur. cui Aristoteles primo Posteriorū assentire uidetur, cum inquit, Siquidem alius modus sciendi dicendum posterius.

Præter Alexandrum autem, & Theophrastum ipsius Aristotelis

auditorum, idem etiā sensisse Auerroē, satis declarant quæ in pro-  
 cecium primi Posteriorum libri, ita scribit:

- „ Principes uerò partes ipsius sunt duæ, prout diximus: quarum  
 „ prima tractatus est de demonstratione, & est quod continetur in pri-  
 „ mo huius libri. Secunda uerò pars est, tractatus de definitionibus,  
 „ quam continet secundus liber.

Quod ipsum clarius etiam ostendit in secundo Posteriorum lib.  
 capite primo. Linco. item Aristotelis interpres non omnino con-  
 temnendus, etsi concessit eo libro agi de definitione, ut est medium:  
 prius tamē dixerat, agi de definitione, ut facit scire quid est. Cogitur  
 ergo fieri, aut duas ibi res æquæ pertractari, quod tamen fieri nō po-  
 test, nam duo æquæ subiecta essent illius libro, quod planè absurdū  
 est, atque ab omni ratione abhorret: aut principalius agi de defini-  
 tione, ut facit scire quid est, per se enim facit scire ipsum quid est, per  
 accidens autem est medium. Cum igitur de utroq; non æquæ aga-  
 tur, necessariò intelligendum est, agi de eo quod principalius est, nisi  
 uelit Linco. errare: quanquam satis etiam nobis est, eum concedere,  
 illo libro agi de definitione, quatenus est definitio. Themistius etiā  
 „ in 11. Poster. lib. cap. 111. cum ait, Quemadmodum quæstiones com-  
 „ positæ monstrantur, dictum suprà est, nunc uerò, utrum id quod rei  
 „ esse demonstrari uidentur est: uidetur id quodammodo innuere.  
 Nam (ut diximus) quærere, an quid est explicari possit demonstra-  
 tione, nihil ad rem facit, si definitio pertractetur, ut est medium.

Neq; uerò ullam uim habere uidentur ea quæ ad hanc opinionem  
 labefactandam afferri solent: quæ etsi satis ex eis quæ dicta sunt, dis-  
 solui posse arbitramur, tamen ad illud nominatim respondendū ui-  
 detur quod opponunt: Neq; in procepio lib. Prior. neq; in epilogo  
 lib. Poster. ullam factā esse ipsius definitionis mentionē. Suprà igit  
 ostēdimus, procepio lib. Prior. nō esse procepiū uniuersale, neq;  
 proprium, sed cōmune: ad tollendam dubitationem illam, quæ ex di-  
 ctis oriri potuit, ut dictum est suprà. Nam cum uellet Aristoteles pri-  
 mū agere de syllogismo simpliciter, deinde de demonstratione, po-  
 tuit aliquis existimare, syllogismum simpliciter sua ipsius causa per-  
 tractari, non ad demonstrationem, & ad eius species referri: qui qui-  
 dem longè deceptus esset. syllogismus enim simpliciter per se nihil fa-  
 cit. Quare dixit, exponendum primū esse quid potissimum perti-  
 neturus esset, & cuius rei causa, nempe demonstrationem, atq; ipsius  
 demonstrationis causa: deinde & cætera quæ sequuntur. Non me-  
 minit autem syllogismi Dialectici, quod cum demonstratio perfe-  
 ctior esset, atque utilior species, satis esse existimauit, speciei perfe-  
 ctioris, utiliorisq; mentionem facere. Quod quidem ita esse appa-  
 ret, tum quia non erat hic uniuersalis procepii locus, tum quia ipse  
 „ paulo post: His, inquit, determinatis dicendum est, per quæ, &  
 „ quando, & quomodo sit omnis syllogismus: postea uerò dicemus  
 „ de demonstratione. prius enim dicendum de syllogismo, quàm de  
 „ demonstratione, eo quod uniuersalior syllogismus est.

Quibus



Quibus sanè uerbis ostendere uidei id quod diximus. aliter enim nihil necesse fuisset occurrere illi dubitationi, cui uerbis citatis occurrit: propterea quòd mirū facili uideri potuit, cur cum dixisset, sibi in primis propositum esse de demonstratione agere, deinde de syllogismo: prius tamen ageret de ipso syllogismo. Cum igitur non proprium esset procemium illud, sed cōmune (quomodo quidem ipse III. Rhetor. lib. docet) ac tacitæ cuidam dubitationi occurreret, minime mirandum est, cur eo loco nullam definitionis mentionem fecerit. Aliam etiam huiusce rei causam asserri licet, hoc ideo factum esse, quòd nondum constaret, an de ipsa definitione, quatenus definitio esset, agere oporteret. Quocirca secūdo Posteriorum libro cum ostendisset de illa agendū esse, quatenus esset definitio, instituit procemium eius, idē cum huiusmodi epilogo intulit:

*Quomodo quod quid est in terminis assignatū est, & qualiter demonstratio, aut definitio sit ipsius, aut nō, dictū est prius. Quomodo aut oporteat uenari in eo quod quid est prædicantia, nunc dicamus.*

Itaq; patet, proprium etiā illius procemium adhibitū esse: deinde ob eam quam suprà diximus causam, ultimum epilogum intulit, in quo tamen nihil de ipsa definitione meminit, propterea quòd illud procemium epilogo collegit, in quo nullam ipsius definitionis mentionē fecerant. Illud præterea mitto, quo etiam maxime niti possem, procemium & epilogos (ut I. Rhetor. lib. testatur Aristoteles) non esse orationis partes per se, sed præter rem: itaq; non omnia poni in procemijs, cū præsertim nō sint propria: nec item in epilogis. Neq; uerò, quod de inscriptione additur, ut ita esset, tamē opinionem nostram infirmaret, siquidē (ut nemi nisi obscurū est) sæpenumero inscribuntur libri ab accidentibus, quemadmodum de Physico auditu.

Huc accedit, quòd necesse nō est, inscriptionem comprehendere omnes partes, ut de libro Meteororum constar, qui inscribitur de sublimibus, cum tamen eo ipso libro agatur de metallis, quæ sub terra nascunt, & de mixtis perfectis: ita etiam nihil uidetur ob stare, quo minus lib. Poster. cum inscriptus sit de demonstratione, ut de notatione instrumentō, tamē posterius agat de definitione principaliter, quatenus est definitio. Quancūq; illud fortasse rectius dici potest, hunc librum inscriptū esse resolutiuū, propterea quòd cognitio definitionis, quæ ibi etiā tradit, ducitur ex cognitione finis: qd doctrinæ genus appellauit non modo Galenus resolutiuū, sed etiā Aristot. cū multis alijs locis, tū uerò maxime III. Ethic. lib. cap. VI. Atq; in hanc quidē sententiā arbitramur, lib. Prior. & Post. inscriptos esse resolutiuos. Nā ex definitione syllogismi & demonstrationis, sumpta ex fine, docet Aristot. syllogismū esse orationē ex tribus terminis, ex duabus propositionib. & in una aliqua triū figurarū: demonstrationem autē esse ex ueris primis immediatis. modi enim illi resolutionis, quos interpretes enumerarūt, si diligenter cōsiderentur, nihil uidentur habere cōmune cum his libris: quos quidē modos idcirco omittēdos duxi.

quod nō est hic de illis differendi locus. Sat habeo, doctrinam eam quæ traditur ex cognitione finis, non à Galeno solum dici resolutivam, verum etiam multis locis ab Aristotele. His paulò altius repetitis, nō modo ut Iacomelli argumentum, quod ex Eustratio sumptis, dissolveremus, sed ut multa præterea quæ ad evertendam hanc opinionem afferuntur (quæ quidem si recte perpendantur, facile est intelligere, nihil eam infirmare) redargueremus: simul, quantum hoc loco liceret, ostenderemus, quemadmodum secundum Posteriorum librum exponendum esse putaremus. reliquum est, ut ad ipsum argumentum iam veniamus. Cum autem respondemus, Aristotelem sic intelligendum esse, ut diximus, illorū fuerit, labefactare eas quas attulimus expositiones: quantum existimamus, satis nos demonstrasse ea quæ necessaria essent ad illud argumentum, nempe quæ sita medium aliquod querere, quod est aut demonstratio, aut definitio. Tantum igitur abesse putamus, ut illud ipsum argumentum eorum opinionem communiat, ut nostram etiam maximè confirmet. ostendit enim agendum esse de definitione, propterea quod omnis quaestio quaerit mediū, per quod sciatur quod necessariò est vel demonstratio, vel definitio, ut probatum est.

## SECTIO IX.

**Q**Uod verò subdit Iacomellus, Aristotelem secundo Posteriorum libro agere de definitione, non ut est definitio, sed medium: ita quod infert, eam illum non tractare ut primum instrumentum: præterquam quod hoc suis ipsius verbis dissolvit, præterea à seipso dissentit. Nam si secundo Posteriorum libro non tractatur definitio, ut simplicia explicat, ita quod per se (explicat enim simplicia per se, siquid est oratio quæ explicat ipsum quid est) nusquam in Logica tractatur, duobus enim omnino locis (ut ipse etiam putat) in Logica de definitione agitur, in Topic. & secundo Posteriorum libro, ut superius dictum est. At in Topicis agi non potest, ut simplicia explicat: agitur ergo II. Poster. lib. Sed cum ipse neget, de illa agi II. Poster. lib. nusquam de ea agitur in Logica. Secum igitur planè pugnat, qui & ait & negat eam in Logica tractari, ut simplicia explicat. Dissolvit autem hoc ipse argumentum id quod de superioribus argumentis dictum est. Præterea ex illa eius positione apparet, non modo non sequi duo illa quæ contra me sese colligere dixit, sed hoc, ut planè suam ipse opinionem evertat. Quod quidem ostendimus eadem ratione probando, modum cognoscendi esse subiectum, in singulis enim partibus quas ipse cōnumeravit, egit Aristoteles de modis cognoscendi, specialibus & contractis. Nam lib. Prior. egit de syllogismo simpliciter, I. Poster. lib. de syllogismo demonstrativo, II. autè de definitione, uti suprà ostendimus in initio quarti capitis, his verbis: Quomodo autè oportet venari in eo quod quid est prædicantia, ut etiam homo iste fatetur. In Topic. de syllogismo Dialectico, eo modo intelligendo, quo ipse intelligit: in Elenchiis

Elenchis, de syllogismo Sophistico. Quod si in singulis his partibus agit Aristoteles de modis cognoscendi cōtractis, ut de subiectis primariis & adequatis, illud necessariò sequitur, ut in ipsa Logica absolūtissime sumpta, tanq̃ subiectum primum, quod dē attributionis uocant, statuatur cognoscendi modus, non partiaris, quomodo ipse loquitur, sed simplex, communisq̃, & absolutus: id quod ex illa eius positione, quam ipse indubitata uocat, ita planè sequitur, ut nullus iam dubitandi locus relinquatur. eius autem suppositio hæc fuit, In-ter totum uniuersale, & partes eius subiectiuas, illud interesse, quod ipsum totum à partibus differentia aliqua, uel essentiali, uel accidentali cōtrahitur. Quod si indubitata est eius positio, ut ipse ait: certum item est, atque indubitatum, quod nos diximus: itaque ipse patitur telis uulnera facta suis. Idcirco enim libello nostro diximus, fieri non posse, ut syllogismus simpliciter subiectum esset Logicæ, quod non comprehenderet definitionem quæ per se tractaretur: neq̃ modus sciendi, qui non comprehenderet syllogismum Dialecticum, sed cognoscendi modus, qui omnia comprehenderet quæ per se tractarentur in Logica. Ex quibus (ut hoc loco eodem utar, quo ipse, ordine) duo contra eius sententiam colligo. Quorum alterum est, Philosophum in aliqua parte Logicæ de definitione, tanquam de præcipuo subiecto disseruisse, ut ipse met fatetur, atque à nobis ostensum est. Alterum, uniuersæ Logicæ subiectum statui non posse, eum quem ipse comminiscitur syllogismum, aut si mauult argumentationem, sed modum cognoscendi, quod tamen ille negauit. Itaq̃ patet, ad dissoluenda ea quæ homo iste scripserit, nō alia admodum opus esse, præter ea quæ ab eo scripta sint, ut qui suo ipse gladio bellissime iugulet.

Definitionem uerò per se tractari à Logico, satis ex his quæ IIII. tractatu scripta reliquit, intelligi potest. argumentatur enim sic:

Logici munus esse, considerare syllogismum absolūtè sumptum: Itaq̃ ad eundem pertinere syllogismum Demonstratiuum, Dialecticum, Sophisticum. has enim esse ipsius syllogismi species.

Nos contra: Logici munus est considerare orationem, cuius species sunt, definitio, demonstratio, syllogismus Dialecticus: ergo eiusdem est considerare definitionem, & reliquas species. Valet autem consequentia ex illo quarti libri Primæ philosophiæ loco, quem ipse citauit, eandem uidelicet esse & totius & partium theoriam.

Quod si dicat, orationem nō considerari per se, sed quatenus ad syllogismum refertur: ego contra, syllogismum nō considerari per se, sed quatenus ad demonstrationem refertur. ex illo enim ignoti nihil discimus. Cum igitur ex eius dictis eliciatur, definitionem per se tractari in Logica, eandem rursus non tractari per se: aut à seipso dissentiat necesse est, aut certe nulla sit eius ratio.

Item etiam secū pugnat, enumerans syllogismos speciales. refert enim inter eos syllogismum illum, de quo libro Priorum agit Aristoteles. Quod declarant hæc ipsius uerba.

His subiectis sic argumentor: In partibus his omnibus sermo est

» sit de syllogismis specialibus, & iam contractis, hoc ex Aristotelis  
 » lib. sine cōtrouersia habere possumus. Primo enim Prior. lib. de syl-  
 » logismo scilicet agitur, secundum eius formam, ut ex progressu suo  
 » constat, se tracturum fatetur, & postea de demonstratione. Et i. cap.  
 » i. Topicorum, numerat quatuor syllogismi species, & syllogismum  
 » Dialecticum in eo negotio sibi quærendum statuit. & in principio  
 » primi Elenchorum fatetur, se de lophisticis syllogismis disserturum.  
 » Igitur si in his partibus de syllogismis sit contractis, ut de subiectis  
 » primarijs & adequatis sermonem habet Aristoteles, sequi id oportet,  
 » ut in Logica ipsa absolutissimè sumpta, syllogismus non partiari  
 » us, sed qui simplex, communis atq; absolutus appellatur, ueluti sub-  
 » iectum primum, & quod attributionis appellant, statuatur.

Refert igitur syllogismū illū, de quo agit Aristoteles in lib. Prior.  
 in syllogismos speciales: sed paulò antè cum de lib. Prior. loqueret,  
 dixit, eius lib. subiectū esse syllogismum simpliciter, seu secūdum for-  
 mam sumptū. In IIII. autem tractatu appellauit syllogismū absolutē  
 sumptū eum, cuius species sunt, demonstratio, syllogismus Dialecti-  
 cus, & syllogismus Sophisticus, qui quidem nō potest esse, nisi is de  
 quo lib. Prior. agitur. Ex eius ergo dictis sequitur, ut syllogismus is,  
 de quo eo ipso libro agitur, sit specialis syllogismus, idemq; nō sit spe-  
 cialis: rursus item sit absolutus, ac non sit absolutus. Quod quidem  
 nihil aliud est, nisi planè pugnantiā loqui, maximeq; contrariā.

¶ I. si ip-  
 sius opinio  
 nis euerfit.

Præterea in uerbis citatis dixit, syllogismum simplicem, commu-  
 nemq; & absolutū esse Logicæ primū, quodq; attributionis uocant  
 subiectū. At syllogismus is, de quo lib. Prior. agit, est simplex & ab-  
 solutus, quia (ut ex eius uerbis cōstat) nō habet materiā: item cōmu-  
 nis, propterea quod comprehendit syllogismum demonstratiuum,  
 ¶ II. Dialecticum, & Sophisticum: ergo est subiectum in Logica, cuius  
 quidem cum contrarium dixerit, nihil hac in re quoq; sibi constat.

Item oratio ea, in qua positis quibusdā, sequitur aliquid aliud ne-  
 cessariò, est syllogismus qui est subiectum in uniuersa Logica: habet  
 enim huiusmodi syllogismus definitionem, quæ alia esse non potest  
 nisi hæc, non enim esset syllogismus absolutē sumptus. At syllogis-  
 mus, de quo libro Prior. agitur, est oratio, &c. ergo est subiectum in  
 Logica. Sed hoc ipse negauerat, perperam igitur locutus est.

## SECTIO X.



¶ Quid autem dicit in primo argumento, III. cap. atque in  
 eius dissolutione, id maxime fauet opinioni nostræ.  
 Nam cum dicat definitionem esse bonum, & habere rati-  
 onem appetibilis, sui que gratia in Logica quæri, non  
 ut syllogismo aut demonstrationi deferuit, concedit antecedens,  
 definitionem scilicet bonum esse, & appetibilis rationem habere,  
 sui que gratia in Logica quæri. Necesse est enim ut sit antecedens hoc,  
 si recte consideretur dissolutio: nihil enim ad rem faceret illa dicere,

Logicus,

Logicus, & quæ sequuntur. Sed hoc est quod negauerat, ergo se- cum dissidet.

*Vili. sue  
ipsum opi-  
nionis cur  
sio.*

Deinde negat, quod ex eo ultimo sequitur, definitionem non con- siderari, ut syllogismo aut demonstrationi usui est.

Primæ enim, inquit, rationis tuæ assumptionem admittimus; sed quod ex ea deducis, prorsus negamus. licet enim definitio bonum quoddam sit, & appetibilis rationem habeat, nihilo secius Logicus eam cōsiderat, non ea duntaxat ratione, ut simplicia explicat, uerum ut utriusq; syllogismo necessariam uim præstat.

Quod si Logicus considerat definitionem, non ea duntaxat ra- tione, ut simplicia explicat, considerat illam ut simplicia explicat, et si alio modo. Sed considerare definitionem ut explicat simplicia, est considerare eam ut explicat quid est. Quid est enim, ex quæ sitis om- nibus unum est simplex: cōsiderare autem eam ut explicat quid est, est considerare eam quatenus est definitio (definitio enim est ora- tio, quæ explicat quid est) ergo ex his quæ homo iste cōcessit, sequi- tur, ut Logicus cōsideret definitionem, ut est definitio. at hoc ille ne- gabat: ergo redactus est ad metam redargutionis, cum ex anteceden- te, tum ex dissolutione argumenti.

Præterea, si definitio aliter consideratur, ut explicat simplicia, atq; ut accommodatur utrique syllogismo, duobus modis consideratur. Itaq; Iacomellus ipse dissoluit argumenta omnia quæ superius con- tra nos attulit, quibus conatus est ostendere, definitionem non con- siderari per se, quod consideratur demōstrationis causa. Nos enim concedimus antecedens, eam scilicet considerari demōstrationis causa. at cum infert, non considerari per se: negamus argumentum, propterea quod ex eis quæ dixit, utroq; modo consideratur, ac suas ipse rationes penitus evertit. Neq; illud modo ex his quæ iste dixit, consequitur, ut definitio consideretur per se, uerum etiam ut consi- deretur per accidens, quatenus est medium. Nam si consideratur, ut explicat simplicia, ex eis quæ dicta sunt, consideratur per se: ut au- tem syllogismo deseruit, per accidens. utroque enim modo non po- test per se considerari. nam duo essent subiecta æqualia unius libri, quod fieri nullo modo potest. Cum igitur definitio per se explicet sim- plicia, per accidens autem sit medium, consideratur per accidens ut medium, hoc enim illi planè accidit: siquidem sit propositio tum, cū definitionis naturam amisit. At posuit Iacomellus, eam non consi- derari, ut medium per accidens: à seipso igitur dissentit.

*Dissoluit  
ipse argu-  
menta om-  
nia quæ su-  
perius con-  
tra nos at-  
tulit.*

Secum etiam pugnat, cum in dissolutione secūdi argumenti con- cedit, definitionem explicare quid est: paulo pōst autē negat, illam ex sua ipsius natura utilis esse. Nam si instrumenta cognoscendi ob hanc unam causam utilia sunt, quod cognitionem tradunt eorū quæ quaeruntur: Definitio autē (ut ipse fatetur) explicat quid est, quod quidē (ut constat ex his quæ suprà diximus) aliter sciri non potest, definitio ex sua natura utilis est. At cum ipse negauerit utilem esse, cōtrā q̃ tamen ex eius dictis sequitur, secum planè dissidet.

*x.*

Præterea

Præterea à seipso discrepat in his quæ dixit. Nam si definitio bonum est, rationemq; appetibilis habet, neq; honestū bonum est, aut iustum, consequens est, ut bonum sit utile per se. At ipse negavit, uti lem esse: affirmat igitur, et negat idem de eodem. itaq; secum pugnat. Eo accedit, ut si bonum est, utile sit simpliciter. tradit enim Aristoteles i. Rhetor. lib. idem esse bonum, & utile simpliciter.

XII. *suæ ip  
sue opinio  
nis eversio.*

Videtur item pugnantia loqui. nam cum concesserit, definitionem quæri in Logica sui gratia (concessit enim illud primum antecedens) aut frustra quæritur, aut non frustra. si frustra, inanis est Logica: sin minus, propter aliquam utilitatem, quam ex natura sua habet, quæritur. Itaq; à seipso dissentit Iacomellus.

XIII. Præterea si definitio natura sua non sit utilis, proptereaq; non debeat per se considerari, neque ipsa Logica per se tractabitur, neq; demonstratio, neq; syllogismus Dialecticus: non enim sua natura sunt utilia. Siquidem Logica (ut ipse ait) non referenda est in illa problematica, quæ utilia sunt ad eligendum, aut fugiendum tantum, neq; in illa quæ utilia sunt ad sciendum tantum: sed in ea quæ sunt administrantia, quæq; non propter se quidem quærentur, sed aliorum gratia, ut per hæc aliquid aliud cognoscamus. At quæ huiusmodi sunt, natura sua non sunt utilia. ea enim quæ natura sua utilia sunt, sunt per se utilia, non quod administrantur modo: ergo non debent per se considerari, contra quam ipse asseruit. Igitur secum pugnat.

XIII. Præterea aduersatur Alexandro, cui tamen aduersari nefas esse arbitrat. is enim in primo Primæ philosophiæ libro, textu octoagesimo secundo: Bonum est, inquit, suapte natura utile. Quod si definitio bona est, ut ipse fateretur, suapte natura est utilis. quod tamen cum neget, ab Alexandro dissentit.

Ipsam autem secum pugnare, ex eo maxime confirmatur, quod ait, in Logica duobus modis considerari definitionem, & quatenus explicat simplicia, & quatenus utrique syllogismo usui est. nam si natura sua non est utilis, considerari non potest, ut explicat simplicia: esset enim natura sua utilis. quemadmodum demonstratio natura sua dicitur utilis, quod explicat complexa. At dixit, in Logica considerari, ut explicat simplicia: ergo natura sua est utilis. quod tamen cum negauerit, secum planè dissidet.

XV. Illud item dubitari non potest, quin maxime falsum sit, intellectū apprehendere simplicia, ut formet complexa, cundemq; intelligere quid est, ut formet complexa, non per se. intellectus enim percipit res ut sunt: essentia autem per se est, ut patet ex septimo Primæ philosophiæ libro, textu septimo, ubi ait Aristoteles:

Quiditas est id quod dicitur unumquodq; per se, non propter alia.

Quin accidentia magis sunt propter essentia, sequuntur enim ob perfectionē essentia. Intellectus ergo non percipit essentiam propter alia, sed ut est in se, itaq; non percipit simplicia, ut ex ipsis fiant complexa. Si tamen hoc interdum intellectus faciat, per accedens facit, non per se. nam simplicia sunt prius in se, quam ad aliud referantur.

quicquid

quicquid enim ad aliud refertur, præsupponit absolutum: siquidem relatio est accidens, quod consistit in absoluto.

SECTIO XI.



Vod etiã tertio argumento dissoluendo affert, nō minores dubitationes habet, q̃s reliquæ habuerint dissolutiones. ait enim, Aristotelem 1. Poster. lib. uerbis illis,

*Siquidem est alius modus sciendi, dicendum postertus:*

nō intellexisse notionem, quã definitio præstat, sed cognitionē principiorum, quam dicit Aristotelem cōcessisse exactissimã esse scientiã. Fatemur autem nos, Aristotelem uerbis illis, alius modus, non intellexisse notionem, quam definitio præstat, quæ notio nihil aliud est nisi scientia: scientia autem non est sciendi modus, sicuti uia non est terminus uia, sed eum tamen arbitramur uerbis illis significare definitionē. Quare uidetur homo iste, res ipsas planē perturbare & confundere, qui modo argumentatur de instrumēto, quem sciendi modum appellat: modo de scientia, quæ instrumento cōparatur, quam etiam modū sciendi uocat: ac deniq; ipsum argumentū dissoluens, de scientia loquitur, quæ instrumento cōparatur. Ita, quod ignoraret, quid nam esset scientia, & sciendi modus, in has ambiguitates, ac (mea quidem sententia) errores illapsum est. Ut igitur meliore sensu nos Aristotelis uerba exponamus, censemus illū Aristotelis locum interpretandum esse de definitione. definitio enim explicat quid est, ac diuersa est à demonstratione, ex quo fit ut alius sit sciendi modus. De ipsa autē definitione loqui Aristotelem, ex eis quæ suprā diximus, luce clarius patet: ubi ostendimus, quæ nam 11. Posterio. lib. pertinetur. Satis etiam intelligi potest ex his quæ eo ipso loco scribit Aristoteles. Verissimum est enim, quod homo iste ait, nō satis sensum illum, quem ipse affert, neq; superioribus, neq; insequentibus uerbis accommodari, quippe qui nec illis ipsis uerbis, ex quibus elicitur, admodum quadrat, sed magis ea, ut diximus, euertat. Sensui quidem illi, quem nos sequimur, maximē respondent, & quæ præcedunt, & quæ insequuntur. Cum enim definiit Aristoteles scire simpliciter, nō Sophistico modo, quod est per accidēs, esse per causam cognoscere, exclusit & scire per causam remotā: quod quidē non est simpliciter scire, & cognitionem principiorum, quæ non comparatur per causam, ut ex his patet, quæ in calce primi Posteriorum libri, & secundo disseruit. Non exclusit autem scire per definitionem, quod quidem est scire simpliciter, non Sophistico modo, & per causam, & quoniam illius est causa, & non contingit aliter se habere. Cum igitur illa definitione scientiæ non excluderetur scientia ea quæ definitione comparatur, ibiq; loqueretur Aristoteles de scientia, quæ habetur demonstratione, ne quis fortē dubitaret, de qua ipse scientia eo loco ageret, utrum de scientia tantū, quæ demonstratione comparatur, an de alia quapiam scientia: respondet, Si reperiatur alius modus sciendi per causam, præter demonstrationem, dicitur

dicetur posterius, ostenditq; hunc esse uerborum illorum sensum,  
 „ quod subiunxit: Dicimus autem per demonstrationem scire, quasi  
 dicat, disputabimus pōst, an alia sit scientia, quæ non demonstratio-  
 ne comparetur, nunc enim loquimur de ea scientia, quæ per demon-  
 strationem habetur. itaq; patet, optimè inter se cohærere, quæ ante-  
 cedunt, & quæ insequuntur.

Illud etiam à ratione alienū est, quod subdit Iacomellus, antiquos  
 cecidisse in eam foueam (sic enim ipse loquitur) ut existimarent, om-  
 nium esse scientiam, & nullius esse scientiam, quòd putarunt omnia  
 sciri per causam. ita enim scribit Aristoteles:

„ Quibusdam igitur propter id quod oportet prima scire, non ut-  
 „ detur esse scientia, quibusdam esse quidem, at qui omnium demonstra-  
 „ tionem esse.

Ait igitur Aristoteles aperte, eos in illas opiniones adductos esse,  
 quòd necesse esset, ut ipse ostenderat, principia sciri: quod quidem,  
 ut patet, aliud est ab eo quod dicit Iacomellus. itaque discrepat ab  
 Aristotele. Magis etiam cum illo dissidet, cum scribit, principio-  
 rum esse scientiam exactissimam. Aristoteles enim sexto Ethicorum  
 libro, capite septimo:

„ Quia uero, inquit, scientia de uniuersalibus existimatio est, &  
 „ de his quæ sunt ex necessitate, sunt autem principia demonstrabiliū,  
 „ & totius scientiæ: nam cum ratione est scientia principij eius quod  
 „ sciri potest, neq; scientia utiq; erit, neq; ars, neque prudentia. Nam  
 „ quod scibile, idem demonstrabile: illæ uero sunt circa ea quæ aliter  
 „ se habere possunt: sed sapientia horum est. nam sapientis est de qui-  
 „ busdam demonstrationem habere. Si ergo in quibus rebus scimus,  
 „ nec unquam fallimur circa illa quæ recipiunt, aut non recipiunt ali-  
 „ ter se habere, scientia & prudentia est, & sapientia, & intellectus.  
 „ Nullus uero horum trium recipit esse. Dico autem tria, prudentiā,  
 „ sapientiam, scientiam. restat, & intellectus principiorum sit.

Hoc idem in calce II. Poster. lib. luce clarius hisce uerbis ostendit:

„ Quoniam autem, inquit, circa intelligentiam habituum, in quibus  
 „ uerum dicimus, alij quidem semper ueri sunt, alij autem recipiunt fal-  
 „ sitatem, ut opinio & ratio, uera autem semper scientia et intellectus,  
 „ & nihil sit certius scientia, quàm intellectus, & principia demonstra-  
 „ tionum notiora sunt, scientia autem omnis cum ratione est, princi-  
 „ piorum quidem scientia non utiq; erit. Quoniā autem nihil uerius cō-  
 „ tingit esse scientia, quàm intellectus, intellectus utiq; erit principio-  
 „ rum ex his considerantibus, & quod demonstrationis principium nō  
 „ est demonstratio, quare neq; scientiæ scientia. Si igitur nullum aliud  
 „ genus, præter scientiam, habemus uerum: intellectus utique scientiæ  
 „ principium erit, & principium principij utique erit.

Idem, Poster. lib. in fine idē planē cōfirmat, & III. Primæ philos. lib.  
 Insuper



*Insuper quoniam pacto ipsorum principiorum scientia erit? quod enim unumquodque ipsorum est, & nunc plane cognoscimus. nam utuntur ipsis & aliae artes, ut cognitis.*

Ex his igitur, quos recitauimus, locis, facile intelligi arbitror, principium non esse exactissimam illam scientiam, quod proprie eorum est intellectus. Neque illud obstat, quod loco ab ipso citato dixit Aristoteles,

*Nos autem dicemus, neque omnem scientiam demonstratiuam esse, sed immediatorum indemonstrabilem.*

Dubium enim non est, quin scientiam latius acceperit, pro quacunque notitia & cognitione, non proprie. Cuius rei illud est argumentum, quod quidem nullo modo dissolui potest, quod secum pugnet Aristoteles. Cum enim citatis locis, ubi proprie de cognitione principiorum agit, apertissime ostenderit, ipsorum principiorum non esse scientiam, qui potest hic dicere eorum esse scientiam? nisi exponamus, quomodo quidem ipsi exposuimus, cui sane expositioni, praeter ea quae modo dicta sunt, illa maxime fauent, quibus Aristoteles demonstrauit, principia magis credi, nam usus est uerbo credere.

*Quoniam autem oportet, inquit, credere, & scire rem in butusmo di habendo syllogismum, quem uocamus demonstrationem, est autem hic eo quod haec sunt, ex quibus est syllogismus: necesse est, non solum praecognoscere principia, aut omnia, aut quaedam, sed etiam magis. semper enim propter quod est unumquodque, & illud magis est: ut propter quod amamus, illud amatum magis est. Quare si quidem scimus per prima, & credimus, illa scimus magis, & credimus quoniam propter illa & posteriora.*

Et paulo post, alia etiam ratione allata, sic conclusit:

*Magis enim necesse est credere principijs, aut omnibus, aut quibusdam, quam conclusioni.*

Deinde subiunxit,

*Debentem autem habere scientiam per demonstrationem, non solum oportet principia magis cognoscere, & magis credere ipsis, quam ei quod demonstratur, sed neque aliud ipsis credibilius esse, neque notius oppositis principijs, ex quibus fit syllogismus contrariae deceptionis: si quidem oportet simpliciter scientem non immutabilem esse.*

Quod si Aristoteles, ostendens principia magis sciri, ex quo ortus est error ille antiquorum, utitur uerbo Credere, & cognoscere, dicendum est, eum non proprie locutum esse, cum dixit, principia credi, & cognosci: cum item, principia sciri, si enim principia proprie scirentur, accepisset cognitionem pro scientia, quae quidem latius sumitur, & ab ipsa scientia distinguitur. Sed rationes ex quas attulimus, ostendunt ipsorum principiorum non esse proprie scientiam: ergo cogimur dicere, Aristotelem non proprie locutum esse, cum dixit, ipsorum principiorum esse scientiam.

B Quoniam

Quoniam uerò apud hunc hominem plus habent auctoritatis expositiores, quàm Aristoteles, & ipsa ratio, ut intelligat suos illud idē quod nos, dixisse, recitabimus D. Thomæ uerba, qui ex illo Aristotelis loco eundem sensum, quem nos, elicit.

- 22 Scien dū tamen, inquit, quòd hic Aristoteles largē accipit scientiā  
23 pro qualibet certitudinali cognitione, & non secundum quòd scientia  
24 diuiditur contra intellectum, prout dicitur, scientia est conclusio-  
25 num, intellectus principiorum.

Quòd si Aristoteles uult, principiorū propriē non esse scientiā, ipse autē scribit, illorum esse exactissimā scientiam, dissidet cum Aristotele. Ac si illud uerū est (quod quidē ita esse apparet) principiorum nō esse scientiam propriē, ibi autem loquitur Aristoteles de scientia propriē, nō potuit intelligere uerbis illis, Siquidem & alius modus sciendi dicendum posterius, scientiam principiorum.

X v l. sue  
ipsum opi-  
monu cur  
fio

Præterea à se ipso discrepat, qui cū dixisset, se secundum Aristotelis opinionē, notitiam principiorū exactissimā scientiam cōcessisse, subiunxit: Imò ipsa scientia insigniorē. Quòd si ex eius sententiā notitia principiorū est insignior scientia, ipsorū est intellectus. Probat autē cōsequentia ex dictis ab Aristotele in 11. Poster. & 1. Ethic. lib. loci citatis. quod cū ita sit, principiorum nō est propriē et exactē scientia. Itaq; Iacomellus, cū sibi minimē constaret, tum suā tollit expositionem.

Illud etiam (nisi mea me fallit opinio) declarat, Iacomellū hac in re decipi, quòd Aristoteles cū dicat, si reperiatur alius modus sciendi, dicendū posterius, nō potest intelligere scientiā, propterea quod si modus sciendi aliqui nō est id quod scitur, ut modus sciendi quid est non est ipsum quid est, neq; modus sciendi si est, quia est, & propter quid est, est aut ipsum si est, aut quia est, aut propter quid: sed ab his distinguitur, quemadmodū uia à termino uite. Nam modus sciendi quid est, est definitio: ipsum quid est autē est illa cognitio, quæ habet definitionē, ut cōstat ex definitione definitionis, quæ quidē definitur esse oratio, quæ explicat quid est. Modus autē sciendi illa tria, est demonstratio: siquidē demonstratio est syllogismus, quo tria illa discunt. Fieri ergo nō potest, ut Aristot. uerbis illis intelligat scientiā principiorū, quia (ut ex 11. Poster. lib. patet) principiū scientiæ non est scientiæ: cognitio autē principiorum est principiū scientiæ, est enim intellectus, quod ut ex loco citato liquet, est principiū scientiæ: igitur talis cognitio nō est scientia. Itaq; improbanda est ea, quam Iacomellus attulit, expositio.

#### SECTIO XII.



Vod autē quarto loco argumentatus est, id uidet perperā dissoluere. Nā si syllogismus simpliciter tractatur demonstrationis causa, ut se dixisse scribit, itēq; cætera quæ sunt in Logica, ipse per se tractari nō potest. Nam quod in ali qua facultate cōsideratur propter aliud, id per se cōsiderari non potest, planē perspicuū est. ex quo sequitur, ut syllogismus simpliciter nō possit esse illius facultatis subiectū: præsertim cū neget ipse, definitionem per se cōsiderari, quòd (ut ipse scribit) respicit demonstrationē.

Perperam

Perperam ergò uidetur mihi illud argumentum dissoluere. nam cum dicat, sese concedere, demonstrationem in Logica subiectū esse ultimum, ac omnium præstantissimum, sed non tale, quale ego quaero, quod quidem iuniores appellant adæquatum, & attributionis, quod non omnia, quæ in ipsa Logica tractantur, eo modo illā respiciant, quomodo species genera, aut partes subiectiæ totum suū uniuersale. Cum hæc inquam dicat, uidetur mihi bellus hic homo perinde facere, ac si cui quis depositum repetenti Angelicam salutationē recitet. Nihil enim aliud infert, nisi demonstratiōem nō esse adæquatū subiectū, sed syllogismum simpliciter: quod quidem nihil planē ad argumentum pertinet, quod ipse dissoluere conatur, quo argumēto nos usi sumus in procemio nostri libelli, est autem huiusmodi, syllogismus simpliciter tractatur in Logica demonstrationis causa, non per se, nec tamen quicquam obstat, quò minus tractetur etiā per se: ergo perperam cōcluditur ratio illa, Definitio in Logica consideratur ob demonstrationem, ergo nō per se, quod tamen ipse intulit.

Quoquo modo igitur dicat, semper uidetur pugnantiā loqui, maximeq; contraria. Quòd si dicat, sese illud dixisse, demonstrationem esse ultimū, atq; omnium præstantissimum subiectū, non adæquatam, & attributionis, ut ostenderet, syllogismum per se considerari, & esse subiectum, tamē considerari etiam propter demonstrationem: hoc non minus contra illum facit. Idem enim licebit de definitione dicere, illam uidelicet, quanquā demonstrationis causa tractetur, tamē per se etiam pertractari. Quòd si uelit diuersitatis rationem afferre, dicatq; aliter referri syllogismum simpliciter ad demonstrationem, atq; ipsam definitionem, hoc facere nullo modo potest. nam cū magis referatur syllogismus ad demonstratiōē, magisq; sit propter ipsam demonstratiōē, quā definitio, minus per se potest considerari. Consequentia autem patet. nam si hoc ipsum, quòd aliquid ad aliud referatur, tollit considerationē per se, quod magis refertur, id minus per se cōsiderari poterit. Probat, quod antecedit: nam syllogismus, ut syllogismus, ad demonstratiōē refertur, sicuti ex his quæ suprā dicta sunt, cōstat, quòd demonstratio est syllogismus. At definitio, ut definitio, non refertur ad demonstratiōē, quin definit esse definitiōtum, cū ad ipsam demonstratiōem refertur: suā enim amittit naturā, quippe quæ dicit aliquid de aliquo. Syllogismus igitur magis ordinatur ad aliud: siquidē quod ordinatur, ut tale est, magis ordinatur, quā quod per accidens ordinatur. Itaq; patet, minime afferri posse illam, quam diximus, diuersitatis rationem.

Huc accedit, quòd syllogismo, ut syllogismus est, & à materia abstrahit, nō utimur ad finem Logicæ consequendū, propter quem inuenta est ipsa Logica: quia cū Logici finis sit extrinsecus, ut dubia cognoscamus, uel (ut ipse ait) ut discernamus uerum à falso, ad hunc ipsum finem consequendum utimur syllogismo, ut est aut demonstratiuus, aut dialecticus. Sequitur ergo, syllogismum illum per se considerari non posse, quippe qui nihil (ut patet) ad finem per se affert.

XVII.  
sue ipsius  
opinionis  
euerfio.

Reflexio ar  
gumenti.

Præterea uidetur à se ipſo diſſentire, cum dicat, demonſtrationem eſſe ultimum ſubiectum, & omnium præſtantiffimum, tamen non eſſe ſubiectum attributionis. Nam id, ad quod omnia referuntur, ut ſuprà demonſtrauimus, eſt ultimum ſubiectum, & finis, ſiquidem eſt id cuius gratia reliqua omnia fiunt. Quare cum dicat, demonſtrationem eſſe ultimum ſubiectum, negat autem eſſe id cui omnia attribuantur, negat eſſe ultimum ſubiectum, contrà quàm aſſeruit. itaq; ſecum planè pugnat.

XVIIII.

*ſue ipſius  
opinionis  
energio.*

Præterea ſyllogiſmus ſimpliciter (ut ipſe ait) eſt ſubiectum, demonſtratio autem eſt eius pars: ergo ſyllogiſmus non poteſt conſiderari propter demonſtrationem, ſed demonſtratio conſideratur propter ſyllogiſmum. ſubiectum enim non conſideratur propter partes, ſed partes propter ipſum ſubiectum: aliter enim ſubiectum non eſſet.

## SECTIO XIII.



N hæc ſeſtione multa ſcribit Iacomellus, quæ à ueritate abhorre, facile intelligi licet. In his negat (quod nulla tamè ratione cõprobat, ſed grauiter me duntaxat reprehendit) Logicæ poſtremum finem eſſe, quem ego poſuerim, modum cognoscendi, ſed uerum à falſo diſtinguere, intelligẽdo (ut ipſe ait) finem ultimum, non eum finem qui ad aliũ refertur, qui eſſet cõſtituere ſyllogiſmũ ſimpliciter ſumptum. Quæ quidem (niſi mea me fallit opinio) præterquam quòd falſa ſunt, præterea uidentur cum his pugnare, quæ ipſe alibi ſcripſit. Negat enim, ſyllogiſmum ſimpliciter eſſe ultimum Logicæ finem, quem tamen ſuperius poſuit eſſe illius ſubiectũ. Quod ex eo ſatis perſpicuũ eſſe arbitror, quòd dicere aliquid eſſe ſubiectũ alicuius facultatis, nihil aliud eſt, niſi fateri eſſe id quod in primis propoſitum eſt in illa facultate, cuiusq; gratia tractantur omnia quæ in illa ipſa facultate ſunt: aliter enim non eſſet id, quod primò propoſitum eſſet. Idem etiam ex eo patet, quòd omnis ſcientia nihil aliud facit, niſi probat proprietates de ſubiecto per definitionem ipſius ſubiecti, atque eius proprietatum, ut ex dignitatibus. Ariſtoteles enim I. Poſter. lib.

- » Omnis, inquit, demonſtratiua ſcientia circa tria eſt. ſunt enim ea  
» quæ ponit eſſe. hæc autem ſunt, genus, cuius per ſe affectuum eſt con-  
» templatrix: et ea quæ cõmunes dignitates dicuntur, ex quibus primis  
» demonſtratur: et tertium affectus, quos quid quiſq; ſignificat, ſumit.

Cum igitur in ſcientijs hæc tria omnino ſint, ex his autè duo propter ſubiectum, proprietates ſcilicet, quæ probantur de ipſo ſubiecto, & dignitates, ex quibus probantur ipſæ proprietates: conſtat, omnia eſſe in ſcientijs propter ſubiectum. Dicere ergo, aliquid eſſe ſubiectũ alicuius facultatis, perinde eſt ac ſi dicas, eſſe id quòd primũ in illa facultate propoſitum ſit, & ad quod referantur omnia quæ in illa facultate ſunt. At quòd primũ in aliqua facultate propoſitum eſt, & ad quòd omnia referuntur, finis eſt, cuius cauſa reliqua fiunt, ut cõſtat ex primo Ethic. libro, capite primo. Ergo dicere, aliquid eſſe ſubiectum, idem eſt, ac ſi dicas, finem eſſe, cuius gratia cætera fiunt

in

in illa facultate, itaq; finem ultimum. Sed cum id laçomellus negaue-  
rit, à se ipso apertissimè dissentit. XX. sua  
ipsius opi-  
nionis erit

¶ Videtur item à ueritate recedere, & secum planè dissidere, qui cum  
posuerit, Logicam solùm referri in ea problemata, quæ non sunt uti-  
lia neque ad eligendum, aut fugiendum tantùm, neque ad sciendum  
tantùm, sed sunt adminiculantia: hic ait, ipsam Logicam utilem esse  
ad sciendum tantùm. Probatur enim contrarium, & ex his quæ ipse  
inferius cap. 1. secundi tractatus concedit, ubi ait, hæc problemata  
esse distincta: & ex illis Aristotelis uerbis 1. Top. lib.

*Problema autem dialecticum est speculatio contendens uel ad ele-  
ctionem, uel ad fugam, uel ad ueritatem & cognitionem, aut ut ad-  
miniculans ad aliquid aliud butusmodi, de quo uel neutro modo opina-  
mur, aut contrariæ plurimi sapientibus, aut sapientes plurimis, aut u-  
trique idem eisdem. Quædam enim problematum utile est scire solùm  
ad eligendum, uel fugiendum: ut utrum uoluptas sit eligenda, uel non.  
Quædam autem ad sciendum tantùm: ut utrum mundus sit æternus, an  
non. Quædam uero ipsa quidem per se ad neutrum horum, adminicu-  
lantia autem sunt ad aliqua talia. Plurima autem ipsa per se quidem  
non uolumus cognoscere, sed aliorum gratia, ut propter hæc aliquid  
aliud cognoscimus.*

Quòd si (ut ipse concedit) Logica connumeratur inter ea proble-  
mata, quæ sunt adminiculantia, non est, cùm ex eius sententia, ut o-  
stendimus, tum etiam ex uerbis Aristotelis, utilis ad sciendum tan-  
tùm: itaq; non potest discernere uerum à falso. hoc enim fieri non  
potest (ut patet) sine cognitione ueri & falsi, ita autem utilis esset ad  
sciendum. Igitur eius finis non potest esse, discernere uerum à falso:  
superuacaneus enim esset, ut demonstrabitur. At ipse contrarium di-  
xit: à se ipso igitur dissentit. XX. sua  
ipsius opi-  
nionis erit  
suo.

Præterea finis contemplatiuæ est, distinguere uerum à falso: ergo  
hic ipse finis non est Logicæ. Comprobatur id quod antecedit, his  
quæ scribit Aristoteles VI. Ethic. lib. cap. III.

*Contemplatiuæ, inquit, mentis, quæ nec in agendo, nec in faciendo,  
& laus & uituperatio in uero & falso consistit.*

Ostenditur autem ex eo consequentia, quod Logica non est con-  
templatiua, propterea quia docet operari, ut patet ex loco proximè  
citato, & ex VI. Primæ philosophiæ lib. ubi ita scribit Aristoteles,

*Quapropter philosophiæ tres erunt contemplatrices, Mathe-  
matica, Naturalis, Theologia.*

Quod si Logica nulla est ex his, non est cōtemplatiua. Confirma-  
tur id autem illis Aristotelis uerbis II. Primæ philosophiæ lib.

*Rectè autem se habet & illud, scientiam inquam philosophiæ ap-  
pellari contemplationem. nam finis quidem cōtemplatiuæ ueritas est,  
actiuæ autem opus.*

Si ergo ueritas finis est contemplatiua, non est Logica: Deinde, ut Logica sit contemplatiua, quod tamen est falsum, uti probatum est, & ratione, & Aristotelis uerbis, docet enim cōficere syllogismos & demonstrationes, ut patet ex 1. Prior. lib. & ex 11. Poster. tamen illud consequitur, ut ueritas non sit proprius eius finis, siquidem finis est omnis Philosophiæ contemplatiua. Nos autem loquimur de proprio fine. Quoquo modo igitur dicat Iacomellus, planè tenetur.

Præterea, aut discernere uerum à falso est finis Logicæ, quem ipsa possit assequi, aut contrà. Si finis est, quem ipsa non possit assequi, superuacanea est, quippe quæ finem habet, quem nunquā assequitur. inanis est enim profectò potentia illa, quæ finem suum assequi nunquam potest. Quod etiam patet ex eo quod scribit Aristoteles initio 1. Ethic. lib. his uerbis:

- » *Omnis ars, omnisq; doctrina, similiter autem actus & electio, bonum quoddam appetere uidentur.*

Hic enim appetitus non est uanus, ut eo loco ostendit ipse Aristoteles. Quòd si Logica finem illum assequitur, omnium rerum ueritatē tenet. eadem est enim planè ratio in Logica, atq; in alijs scientijs, ergo superuacaneæ sunt reliquæ omnes facultates, quæ quidem nihil aliud sibi propositū habent, nisi ut ueritatem eorū quæ tractant, assequantur. siquidē ut supra dictū est, illarū finis est ueritatis cognitio.

#### SECTIO XIII.



Duerfatur homo etiam Græcis exppositoribus, à quibus tamen dissentire nefas esse putat. Illi enim posuerunt finem omnis Logicæ esse demonstrationem, ut Alexander in 1. Priorum lib. Ioan. Grammaticus initio Interpretationis suæ 1. Poster. lib. cuius hæc sunt uerba:

- » *Hic, in quo de demonstratione sermo est, finis est Logicæ tractationis, cetera enim Logicalia uolumina ob demonstrationem nobis tradit Aristoteles. Et paulo post:*
- » *Demonstrationē igitur omnis Logicæ facultatis finē esse, palam est.*

Sentit igitur, demonstrationē esse Logicæ finē, non discernere uerū à falso. Quod uerum accipitur (ut ipse etiam dicit) pro uerisimili.

Confirmatur autem ex eo, quod ipse Ioannes uult, philosophum demonstratiua regula distinguere uerum à falso in cōtemplatione, in actione autem bonum à malo. Non sentit igitur, Logici esse discernere uerū à falso, sed solum tradere regulas, quibus rectè discerni possit.

Præterea secū dissidet: quippe qui superius dixit ex Aristotelis sententia, quem citauit, omnia quæ in Logica pertractantur, demonstrationis causa pertractari. Ex quo planè sequitur, ut demonstratio sit ultimus finis. nam si non est ultimus finis, aliud sit necesse est, quod uel referatur ad ipsam demonstrationem, uel non referatur. si non referatur, in Logica sunt, quæ non pertractantur demonstrationis causa: necesse est enim, ut finis pertractetur in ea facultate, cuius est finis. At contrarium dixit, ergo secum pugnat. Sin autem referatur, nō est ultimus finis is quem ipse posuit. Aristoteles enim 1. Ethic. lib.

In cunctis, inquit, fines eorum quæ magis principes sunt, omnibus inferioribus sunt antepōnēdi. nam illorū gratia istos prosequit̃.

Ergo (ut dictum est) demonstratio est ultimus finis. Cum ipse autem dixerit, esse distinguere uerum à falso, planè eum à se ipso dissentire constat.

Præterea, si omnia quæ in Logica pertractantur, demonstrationis causa pertractantur, finis est eius ipsa demonstratio, ultimus enim finis dicitur is, ad quem cetera referuntur, ut ex loco citato patet. Itaque à se ipso discrepat.

Præterea ex eo quod ait, Entia, quæ pertractantur in Logica, pertractari demonstrationis causa: sequitur, ut ei omnia attribuantur, nisi enim attribuerentur, non tractarentur illius gratia, ut patet. attribui enim aliquid alicui, nihil aliud est, nisi ad illud referri. ergo demonstratio est attributionis subiectum in Logica. Sed superius in fine 11. cap. dixit, syllogismum simpliciter esse subiectum attributionis: ergo sibi non constat. Illum autem id posuisse, patet ex his quæ suprā recitauimus, illius loci uerbis:

Videtur item secum dissidere, qui cum dicat ex ijs quæ scripserit, constare, Logicæ accommodatum subiectum non esse modum cognoscendi, sed syllogismum absolutissimè sumptum: paulo post hæc uerba subiungit,

De fine enim gratia cuius loquor, non de fine qui in alium ordinatur, qui esset constituere modum, cognoscendi uidelicet syllogismum simpliciter sumptum.

Itaque modū cognoscendi cū accipiat pro syllogismo simpliciter sumptum, ponit ipsum esse subiectū, contrā q̃ dixit. Igitur secum pugnat.

His autem quæ dicta sunt, non modò nō fieri arbitror, quod ipse scribit, ut quam ego Logicæ definitionem tradiderim, hæc falsa sit, sed luce clarius (ni fallor) constat, nullam aliam esse posse ipsius Logicæ definitionem. Illud quidem certè sit, ut nullo modo possit esse ea quam ipse tradidit, uti scilicet Logica sit ars, qua uerum à falso discernatur. Quin alteram illam, quam ipse ad meam propius accedere putat, longè plures habere difficultates, ex his quæ dicemus, perspicuum facile erit. Ita autem definit,

Logicam esse artem, qua syllogismum construere docemur, quo uerum à falso secernimus. hæc enim, inquit, utrunq; finem complectitur, quo scilicet, & gratia cuius.

Primum igitur pono id quod nemini obsecrum esse arbitror, omnes facultates definiendas esse per illud subiectum, quod principaliter tractat. ab eo enim habent esse, & unitatem, ac per illud à reliquis facultatibus distinguuntur. Sic philosophia sumit esse & nobilitatem à subiecto, quod tractat, ac per illud à cæteris scientijs distinguitur. Quod si cuiusq; facultatis essentia, distinctioq; pendet à subiecto, necesse est, ut omnis facultas definiatur per ipsum subiectū. Vnaquæq; res enim definiri debet per id, à quo habet esse. aliter enim definitio illa non explicaret quid est, itaq; non esset uera definitio.

Deinde pono; la comellum suprà dixisse, syllogismum simpliciter, quem 11. cap. appellauit simplicem, cōmunem, & absolutum, esse primum subiectum, & attributionis in Logica: sicuti infrà etiam capite  
 „ quinto scribit, Logicam habere subiectum syllogismum amplissimè  
 „ sumptum, & ut ab omnibus suis speciebus abstrahit. Quæ cum ita  
 „ sint, ad hunc modum argumentor. Logica, quam iste definit, est fa-  
 „ cultas: ergo debet illam definire per subiectum eius primum, quod  
 „ quidem, ut ex eo patet quod secundo loco posuimus, est syllogismus  
 „ simpliciter, qui abstrahit à suis speciebus. Quocirca, ut rectè defini-  
 „ tur, definiri oportet per syllogismū simpliciter. Cum igitur definit,  
 „ Logicam esse artem, quæ docet constituere syllogismum:

Necesse est, intelligat syllogismum simpliciter. Sed quod infert,  
 Quo uerum à falso secernimus:

Declarat, eum non loqui de syllogismo simpliciter: ergo in eadem  
 definitione secū pugnat. Probatur id autem, quòd syllogismus sim-  
 pliciter (ut ipse ait) abstrahit ab omnibus suis speciebus, itaq; à mate-  
 ria. syllogismus autem, quo uerū à falso discernitur, non abstrahit ab  
 omni materia: est enim aut demonstratiuus, eoq; uno uerū à falso di-  
 stinguū, ut suprà, expositorū etiam testimonio, satis ostensum est: aut  
 dialecticus, si uerū accipiat pro uerisimili, ut ipse quidem accipit,  
 quemadmodū patet ex his quæ paulo antè recitauimus illius uerbis:

„ Hoc in loco uerum latius sumimus, pro uero aut uerisimili, & pa-  
 „ riter falsum pro falso aut falso simili, ut utrique syllogismo, dialectico  
 „ scilicet, & demonstratiuo, satis faciamus.

Ex quibus quidem sequitur, ut syllogismus, quo uerum à falso di-  
 scernimus, non abstrahat ab omni materia, propterea quòd aut de-  
 monstratiuus est, aut dialecticus. A se ipso igitur dissentit eo modo,  
 quo diximus.

xxv. sue  
 ipsius opi-  
 nionis euer-  
 sio.

Quòd si ita dicat, se syllogismo, quo uerum à falso secernimus, in-  
 telligere tantūmodo syllogismum demonstratiuum: id enim quod  
 sumit, declarat, syllogismum simpliciter hoc loco sumi cum materia,  
 itaq; se nihil à se ipso dissentire: errat tamē nihilo secius, ut ex eo quod  
 primo loco posuimus, constat, quòd facultatem Logicam non defi-  
 nit per primum, atq; adequatum (ut ipse loquitur) eius subiectum.  
 Quare inanis est, ac planè inutilis illa definitio: quāquam ex ipsius uer-  
 bis apparet eum non ita sensisse, quemadmodum diximus.

„ Nam, Hæc (inquit) definitio utrunq; finem complectitur, quo sci-  
 „ licet, & gratia cuius.

Superius autem initio cap. huius dixit,

„ Diuidere uerum à falso, esse finem gratia cuius: syllogismum uerò  
 „ simpliciter sumptum, finem esse, quo ordinetur in alium.

Ergo uult hic, finem gratia cuius, esse, discernere uerum à falso: fi-  
 nem autem quo, esse syllogismum simpliciter sumptum. Per finem e-  
 nim quo, necesse est intelligat finem, qui refertur ad aliud. siquidem  
 duplex est finis, et cuius gratia, et quo ordinatur. sed finis quo, nō po-  
 test esse cuius gratia: ex opposito enim, ut ait ipse, distinguū: ergo est  
 finis,



finis, qui refertur ad aliud. Cum autem uelit, definitione illa, quam attulit, utrunq; finem comprehendi, ita sentit ut diximus. secum igitur pugnat in eadem definitione, qui & ait, & negat, Logicam agere de syllogismo simpliciter, itemq; pertractare demonstrationem. cum enim dicat, eam pertractare syllogismum, quo uerum à falso discernimus, significat, eam pertractare demonstrationem. cum uero syllogismo intelligat syllogismum simpliciter, innuit, eam non pertractare demonstrationem: siquidem syllogismus simpliciter, ex eius sententia, non est demonstratio.

Quòd si dicat, se illud sentire, Logicam considerare, & syllogismū simpliciter, & syllogismum demonstratiuum, ex illius uerbis sensus hic elici non potest. ea autem hæc sunt:

Logica est ars, qua syllogismum construere docemur, quo uerum à falso secerimus.

Illud enim relatiuū Quo, cum ipsum syllogismū referat, eum angustius accipi declarat. Huc accedit, ut nō sit definitio una, et prima, sed per species tradita: quod quā absurdū sit, neminē latere arbitror.

SECTIO XV.

**A**D hæc subdit, nihil magis falsum esse, quam eam, quam ipse reddidi, causam, cur Logica nō sit scientia, quòd scilicet docet operari. Quod quidem satis mirari non possum, cum illud apud Peripateticos omnes maximē constet, nullam facultatem, quæ doceat operari, propriè dici scientiam; id quod satis nomē ipsum declarat. Scientia enim propterea dicitur, quòd per eam scimus, nō operamur. aliter enim nihil interesset inter habitus speculatiuos, & operatiuos, ut in IIII. nostri libelli sectione ostensum est, quo loco citauimus hæc Aristot. uerba ex I. Ethic. lib.

*Faber & Geometra differenter rectū inquirunt: alter quantū ad opus utile est, alter quid sit, & quale. contemplator enim ueritatis.*

Quare sic argumentamur: Geometra ex Aristotelis sententia, est contemplator ueritatis: cum igitur consideret, quid sit rectū, & quale, non potest illud considerare, ut est utile ad opus. Probaturs id autē sic, quòd ex eo non posset Aristoteles inferre, ipsum Geometram cōsiderare quid sit rectū, & quale, nō quatenus est utile ad opus. Quæ cū ita sint, sequitur, quòd scientia nō sit operis causa, cū sit ipsius ueritatis contemplatiua: uerum enim tantūmodo scimus. Rectē igitur ipsi negauimus, Logicā esse scientiā, propterea quia docet operari.

Huc accedit, quòd scientia non est usus causa, itaq; nō est propter aliquod opus. siquidem opera sine ulla controuersia sunt usus causa, ut quæ uel ad necessitatem, uel ad uoluptatem faciunt. Antecedens ostendit Aristoteles I. Primæ philosophiæ lib. his uerbis:

*Quare, si, ut ignorationem fugiant, philosophati sunt, patet ob cognitionem, & non usus cuiusquam gratia, scientiam illos esse secutos. Testis autem est id quod accidit. cum enim omnia ad facile, cum uoluptate uiuendum, adessent, quæri talis prudentia cœpit.*

Patet

Patet igitur, hunc hominem, cum neget ueram esse causam illam, quam nos attulimus, quare Logica non sit scientia, quòd scilicet docet operari, longè ipsum à ueritate recedere, cum ex eis quæ dicta sunt (meo quidè iudicio) perspicuè appareat, nihil dici posse uerius. Sed de hac re, & in IIII. nostri libelli sectione, & superiori lib. cap. I. multa disputauimus, in his Aristotelem interdum artem appellare scientiam, rursus scientiam artem.

Præterea, cum scientia distinguatur ab arte propriè sumpta, & à prudentia, distinguitur etiam ab habitu actiuo, & effectiuo cū ratione. siquidem, ut VI. Ethic. lib. cap. VI. docet,

» Prudentia est habitus uerus cum ratione, quæ in his agendis uer-  
 » satur, quæ sunt homini bona, & mala. Ars autem est habitus facti-  
 » uus cum ratione, & c. contrario.

Itaq; scientia distinguitur ab habitu operatiuo cum ratione: acti-  
 uus enim habitus, & effectiuus, operatiui sunt cum ratione. Quocir-  
 ca rectè ratio illa concluditur, quæ facultas sit operandi causa, hanc  
 nō posse esse scientiam. id quod satis patet cū ex VI. Ethic. lib. cap.  
 IIII. ubi ponit Aristoteles quinque habitus intellectus distinctos, reli-  
 quisq; deinceps capitibus eorum distinctionem tradit: tum uerò e-  
 tiam ex I. & II. Poster. lib.

Multa præterea homo iste subiungit, ex quibus apparet, cum pla-  
 nè, quid Aristoteles tradat, oblitum esse, uel potius nunquam legisse.  
 Nam ut alia mittā, quæ de uoce *πρᾶξις* temerè scribit, quæ penitus ab  
 Aristotelis sententia abhorrent, illud certè maximā nobis admiratio-  
 nem attulit, uoce *πρᾶξις* exteriorem quandam operationem, & factio-  
 nem (sic enim ipse loquitur) seu exactionē significari, ἀπὸ τοῦ πρᾶτῆαι,  
 quod est facere. nam in hac re penitus ab Aristotele dissentit, qui VI.  
 Ethic. lib. cap. V. docens, idem planè inter *πρᾶτῆαι* & *πρᾶν* interesse,  
 quod inter agere & facere:

» Etus uerò, inquit, quod recipit, aliter se habere, quiddā est quod  
 » fieri, quiddam est quod potest agi (est autem aliud facere, aliud age-  
 » re) credimus his externis quoq; sermonibus. Itaque habitus cum ratio-  
 » ne actiuus aliud est, quàm habitus cum ratione factiuus. nam neq; actio  
 » est factio, neq; factio est actio.

Et capite sexto:

» Prudentia non utiq; scientia erit, neque ars scientia. quia id quod  
 » agitur, potest aliter se habere: ars, quia aliud est finis agendi, quàm  
 » faciendi. Restat ergo, ut prudentia sit habitus uerus cum ratione, qui  
 » in his agendis uersatur, quæ sunt hominis bona & mala. nam faciendi  
 » quidem alius finis, agendi uerò non alius.

Et primo Politicorum lib.

» Præterea cum specie differant facere & agere, & indigeat u-  
 » trunq; instrumentis, necessarium est & illa eandem habere differen-  
 » tiam, uita certè actio, non factio.

Ex quibus omnibus locis planè constat, longè interesse inter facere & agere, quòd (ut ita loquar) post actionē manet aliquid, ut exempli causa, domus postquā facta sit: post actionē autē nihil, ut post cytharæ pulsationem. Cum igitur apud Latinos ipsi *πράττειν* respondeat agere, la comellus autem *πράττειν*, post cuius operationem nihil manet, latinè interpretetur facere, post cuius operationem relinquatur aliquid, secum omnino pugnat, atq; ab Aristotele dissentit.

xxvi.  
sua ipsius  
opinionis  
causio.

Verba autem facere et agere sic inter se distingui, ostendunt etiam illi, quibus ipse tantum tribuit, Aristotelis Interpretes. In quibus Alexander vi. Primæ philosophiæ lib. cap. 11.

Est autem, inquit, effectiua scientia, ut in Moralibus Nicomachijs *εἰς* latius explicatur, cuius opus post actionem manet, ut ars edificandi. *εἰ* nam post ædificationem, opus eius, hoc est domus persistit. Actiua *εἰ* uerò, ars saltandi, siquidem post saltationem nihil superest. *εἰ*

Hoc idem etiam testatū reliquit in xi. Primæ philosophiæ lib. cap. xxv. Talem autē reperiri habitū, post cuius operationem aliquid interdū maneat, interdum nihil, ostendens etiā Aristoteles i. Ethic. lib.

*Ἰ*detur autem, inquit, inter fines differentia quædam. alij namq; *εἰ* sunt operationes, alij præter eas opera aliqua. Quorum uerò fines alii *εἰ* qui sunt propter actiones, in his potiora sunt opera, quàm operationes. *εἰ*

Et ix. Primæ philosophiæ lib. tex. xvi.

Quanquam autem in quibusdam ultimum est ipse usus, ut utdendi *εἰ* potentie uisio, ubi nihil aliud à uisu fit opus. In quibusdam fit aliquid *εἰ* præter usum, ut ab extruendarum ædium facultate, præter ædificationem fit domus. *εἰ*

Errat igitur homo iste, cum in eo quod diximus, tum quòd uidetur hoc inferre, operatiua, ergo practica: cū operatio sit duplex, ut ex eo etiam, quem supra citauimus, Aristotelis loco patet. Quòd si quis fortè Græcarum literarum ignoracionem excuset, dicatq; Quid ipsi nouimus, quod Græcè *πράττειν* dicitur, Latinè id reddi uerbo agere, non facere: His ita respondemus, & hanc esse loquendi consuetudinem, & qui Aristotelem in Latinum conuerterint, uerbum illud sic ubiq; reddidisse. Sed quo melius intelligant, quàm nulla sit hæc eorū excusatio, nobis faciendum putamus, ut Quintilianum non parum inter Latinos scriptores auctoritatis, testem laudemus. Is ii. Oratoriæ Institutionum lib. ita scriptum reliquit:

Cum sint autem artium aliæ positæ in inspectione, id est cognitione et æstimatione rerum, qualis est Astrologia, nullum exigens actum, sed ipso rei, cuius studium habet, intellectu contenta, quæ *θεωρητική* uocatur: aliæ in agendo, quorum in hoc finis est, & ipso actu perficiuntur, nihilq; post actum operis relinquunt, quæ practice diciuntur, qualis saltatio est: aliæ in effectū, quæ operis, quod oculis subiicitur, confirmationem, non finem, accipiunt, quam poetice appellamus, qualis est pictura: serè iudicandum est, Rhetoricā in actu consistere. hoc enim quod est officij sui, perficit, atq; ita ab omnibus dictū est.

Merito

Merito igitur, ac iure optimo refellitur à nobis illud la comelli,  
 „ Vocabulum *ἡγεσις* exteriorē quandam operationem, factionem,  
 „ seu exactionem significare, ἀπὸ τοῦ ἡγέσθαι, quod est facere: cum dē  
 cendum fuerit, ἀπὸ τοῦ ἡγέσθαι, quod est agere. Ex quo planē constat,  
 quanti putanda sint ea, quorum hæc ipse tanquam fundamēta iecit:  
 quæ quidem à Peripateticorum omnium sententia, uti nos ostendi-  
 mus, plurimū abhorrent. Quare illa planē omittenda duximus,  
 cum præsertim & libello nostro, & 1. cap. quinti huius Apologiæ li-  
 bri satis ostenderimus, quo pacto accipiaturs, ad quæ loca nos reij-  
 cimus. Neq̃ enim ullam aliam *ἡγεσις* definitionem probamus, nisi  
 eam quam tradidit Aristoteles. nouimus enim & ipsi, quid D. Tho-  
 mas sentiat, sed de unius Aristotelis sententia disputamus, parum sci-  
 licet laborantes, quid reliquis uideatur.

SECTIO XVI.

„ **I**n quinto autē capite, ubi ait, Velle se dispicere, quid in-  
 ter Logicam & dialecticam intersit, multa scribit, quæ mi-  
 hi quidem summam attulerunt admirationem. Nam po-  
 steaquam recitauit, quam mihi ascribit, Dialecticæ defini-  
 tionem, Dialecticā scilicet esse artem perspicī di probabile in una-  
 quaq̃ re: ait, se mecum quidem non dissidere, mirari autem, cur non  
 eam his Aristotelis uerbis definierim, quibus ille initio primī Top-  
 libri usus est:

„ *Propositum est, inquit, methodum inuenire, qua possimus de quo-*  
 „ *libet problemate ex probabilibus syllogizare.*

Addit etiam, potuisse me ipsam Dialecticam definire, ex his quæ  
 11. cap. eiusdem lib. ita scribit Aristoteles:

„ *Dialectica est facultas ipsius probabilis inquisitiua, ad omnium*  
 „ *methodorum principia uiam habens.*

Itaq̃ meam illam & probat, & improbat, definitionem, ut eius im-  
 becillis atq̃ inconstantis iudiciij quasi trutinā quædam, paulo mo-  
 mento, modò huc, modò illuc impellatur, quò tandem inclinet atq̃  
 propendeat incerta. Ego autem non dixi dialecticam esse artem, sed  
 facultatem, quomodo quidem appellauit Aristoteles 1. Rhetor. lib.  
 quem locum & in Commentario recitauimus, & alibi etiam recita-  
 bimus. Neque uerò parum interest, utrum dicatur ars, an facul-  
 tas. nam propriè non est ars, sed facultas. Illud autem satis mirari  
 non potui, quòd homo iste putat, Aristotelem initio printi Topico-  
 rum lib. actu definisse dialecticam. Quibus enim uerbis eo loco u-  
 titur Aristoteles, non ipsam dialecticam definit, sed quid ipse per-  
 tractaturus sit, ostendit. Quòd si ex illis uerbis dicatur, Dialecti-  
 cæ definitionem colligi posse, id uerò minimè negamus: collegimus  
 enim & inde ipsi definitionem illam, dialecticam esse facultatem per-  
 spiciendi probabilia in unaquaq̃ re. Nam si habuerimus facultatem  
 perspicīdi probabilia in unaquaq̃ re, habebimus etiā methodū syl-  
 logizandi ex probabilibus de omni proposito problemate, siquidē

ita habebimus probabilia cuiuscunque problematis, ex quibus de proposito problemate argumentari poterimus. maluimus tamen sequi eam, quam tradidit Aristoteles, Rhetoricæ definitionem, quam rhetoricam dixit esse conuertibilem cum dialectica. eam autem sic definit, esse facultatem perspiciendi persuasibile circa unamquamque rem. multis enim locis docet, idem planè esse persuasibile, & probabile. Quod autem scribit Iacomellus, potuisse me ex 11. Top. cap. Dialecticæ definitionē elicere, ut ita definirem, Dialecticam esse facultatē ipsius probabilis inquisitionis, ad omnium methodorum principia uim habentē, non uidetur, neque ea quæ ibi tradit Aristoteles, nec ea quæ à me in libello meo scripta sunt, satis animaduertisse. Præter cætera enim, quæ ibi ego de dialectica disserui, hæc ipsa uerba protuli:

*Atque idcirco dicitur syllogizare contraria, & habere aditum ad propria omnium facultatū principia, quod per ea probabilia, quæ sunt circa singula, de singulis potest agere.*

Quæ uerba haud ego sanè intelligo, quid sensu ab illis differant:

*Amplius autem ad prima principiorum, quæ sunt circa unamquamque disciplinā, subaudi utilis est. Nam ex proprijs secundum propriam disciplinam principijs, impossibile est aliquid dicere de ipsis, eo quod prima principia omnium sunt. Per ea uero quæ sunt circa singula probabilia, necesse est de eis pertransire: hoc autem proprium, uel maxime conueniens dialecticæ. cum enim sit inquisitionis, ad omnium methodorum principia utam habet.*

Multa præterea congerit homo, ut quam ego definitionem confutauerim, eam ipse tueatur. Sed in his negandum non esse arbitror. Dissoluendæ enim fuerant rationes eæ, quibus mihi quidem satis ostendisse uideor, malè dialecticam pro Logica definiri, plurimumque ab Aristotelis doctrina abhorreere distinctionem illam dialecticæ in docentem, & uentem.

Neque uero nos diximus, definitionem illam dialecticæ esse falsam, si de ipsa dialectica accipiatur: quanquam etiam, ut ex his quæ de dialectica disputauimus, patet, hoc ipsum uerè dici potuit. Sed negauimus, Logicæ illam omnino conuenire ob eas, quas ibi attulimus, rationes. Quocirca nihil ad rem faciunt ea, quibus conatur homo ostendere definitionem illam esse dialecticæ, quam dialecticam probauit ego distinctā esse à Logica. ostendendū enim fuerat, cōuenire Logicæ, measque rationes dissoluere oportuit. Quod utrū factum sit, nec ne, iudicent uiri periti: simul & quā idoneā iste doctissimū illius hominis, à quo me tam liberè dissentire ait, defensionem excogitauerit.

Quod autem scribit, dialecticā esse scientiam, & artem, propriūque habere subiectum, cuius subiecti ueras proprietates cōsiderat: quā id uerum sit, facile declarat Aristoteles 1. Poster. lib. his uerbis:

*Communicant autem omnes scientiæ ad inuicem secundum communia, communia autem dico, quibus utuntur, tanquam ex his demonstrā*

tes, sed non de quibus demonstrant, & Dialect. omnibus, & si ali-  
qua uniuersaliter, tentat monstrare communia, ut quod omnia affir-  
mare, aut negare, aut quod est æqualia ab æqualibus, aut quælibet ta-  
lium. Sed dialectica non est sic definitorum quorundam, nec generis  
alicuius unius est, non enim interrogaret. demonstrant enim non est  
interrogare propter id, quod oppositorum esse non demonstrat idem.  
ostensum autem hoc est in his, quæ de syllogismo sunt.

Et 1. lib. Elenchorum:

Nunc autem non est Dialecticus circa aliquod genus determina-  
tum, nec ostensiuus ullius, nec talis, qualis uniuersalis.

Et 1. Rhetor. lib.

Rhetorica est conuertibilis cum dialectica, nam de his utraq; est,  
quæ omnium quodammodo communia, & nullius determinatæ scien-  
tiæ est cognoscere.

Et eodem libro, quem locum citauimus etiam in Commentario:

Si quis autem, aut hanc, aut dialecticam, non ut facultates, sed ut  
scientias instruere, aut docere conatur, is naturam earum hoc trans-  
tu interimere uidetur, cum non solum in sermonis, sed in quarundam  
subiectarum rerum scientias redigat.

Non uult ergo Aristoteles Dialecticam esse scientiam propriè, cer-  
tumq; genus, ac definitum habere. Quod si dicat Iacomellus, Aristote-  
lem loqui de dialectica utente, cum ait, non esse scientiam, neque  
certum definitumq; genus habere, ut omittamus rationes eas, qui-  
bus distinctionem illam satis infirmasse uidemur, ostendat iste obse-  
cro, quæ nam sit illa dialectica, quam ipse definiit syllogizare ex pro-  
babilibus de omni proposito problemate, atque aditum habere ad  
omnium methodorum principia: utrum sit quæ docens appella-  
tur, an quæ utens. Non potest dicere, utentem esse: de hac enim cum  
non loqui, satis ipsius uerbadeclarant: ergo est docens. At ex eius sen-  
tentia, huiusmodi dialectica argumentatur ex probabilibus de omni  
problemate, ergo proprium non habet subiectum, cuius per se passi-  
ones consideret. Sed cum hanc ipse dixerit proprium habere subie-  
ctum, à se ipso planè discrepat.

XXVII.  
sue ipsius  
opinionis  
euerfio.

Fieri autem non posse, ut, cum de omni re agat, proprium ullum  
subiectum habeat: quia si de omni re agit, nullum proprium habet  
subiectum: etsi hoc satis ipsum per se patet, tamen luce clarius osten-  
dit Aristoteles 1. Rhetor. lib. his uerbis:

Sit ergo Rhetorica uti, qua quid in unaquaq; re persuasibile est,  
perspiciatur, nullius enim alterius artis id officium est. Nam singule  
aliarum circa id quod est subiectum est, doctrinales, persuadentesq;  
sunt: uelut Medicina circa id, quod sanari, & grotareq; possit:  
Geometria circa passionem, quæ magnitudinibus accidunt. Ari-  
thmetica circa numerum, & similiter ceteræ artes, & scientiæ.

Rhetori-

*Rhetorica uero, quæ de re data (ut ita dicam) credibilia sunt, perspicere posse uidetur. Quocirca etiam dicimus, non in genere quoddam determinato hanc artem uersari.*

Si ergo Rhetorica, quod potest in quacunque credibilia perspicere, non dicitur esse generis cuiusquam definiti, dialectica item non erit ulius definiti generis, quia potest in unaquaque probabilia perspicere.

SECTIO XVII.



Præterea distinctio illa dialecticæ docentis, & utentis, uana est, ac planè falsa. ea enim, quam in Topicis pertractat Aristoteles, aut est docens, aut utens. si est utens, nusquam (uti patet) agit Aristoteles de docente. ergo uel imperfectam dialecticæ cognitionem tradit, uel nulla est ipsa dialectica docens. Sin autem est docens, nullum habet proprium subiectum. uersatur enim (uti patet) in omnibus rebus: ergo non distinguitur ab utente. Quare inanis est, ac planè futilis huiusmodi distinctio. si quidem uolunt, qui illius auctores sunt, hoc inter dialecticam utentem & docentem interesse, quod altera certi est generis, altera nullum habet certum, definitum uel genus.

Præterea uidetur secum pugnare, cum ait, Logicam communior<sup>xxviii.</sup> rem esse dialectica ea, quam definiit, si quidem ex illa ipsa definitione, quam tradidit, sequitur omnino contrarium. Nam facultas ea quæ: de pluribus loquitur, communior est, quàm quæ de paucioribus, ac de una omnino re. Dialectica autem, ut ab illo definitur, de pluribus loquitur, quàm Logica: hæc enim (ut ipse ait) de syllogismo simpliciter, tanquam de proprio subiecto agit, illa de omnibus argumentatur. Ex his ergo quæ ipse dixit, sequitur, ut latius omnino pateat dialecticæ usus, quàm Logicæ. Itaque dialectica non est pars Logicæ, nisi uelit ipse partem esse toto maiorem. Sed cum dixerit, Logicam, si cum dialectica comparetur, ita se habere, quemadmodum totum, quod cum parte conferatur, itaque communem esse & demonstratiuæ & dialecticæ, in hac item re à se ipso dissentit.

Sed, quod maiorem solet homo fidem habere uiris ijs, quos insignes appellat, hoc est expositoribus, quàm uel ipsi Aristoteli, alienum non erit Auerrois testimonio uti, qui quidem initio Epitomes Primæ philosophiæ, ueritate coactus,

Et dicamus, inquit, quod iam alibi fuit dictum, quod artes, & scientiarum genera sunt tria: scilicet uel artes speculatiuæ, & sunt illæ, quarum finis est scire tantum: uel artes practicæ, & sunt quarum scientia habetur propter opus: aut sunt artes auxiliantes his ad istas, & dirigentes, & sunt scilicet artes Logicales. In lib. etiam Posteriorum fuit dictum, quod artes speculatiuæ sunt duæ, uniuersalis scilicet, & particularis. Vniuersalis quidem contemplatur de ente absolute, & de concomitantibus ipsum essentialibus; cuius species sunt tres, scilicet ars Topicorum, ars Elenchorum, & hæc ars.

Et quæ sequuntur:

Quod si distinguit Aucroës Logicam ab artibus speculatiuis, dialecticam autem refert in artes speculatiuas, minimè dubitandum uidetur, quin dialecticam ab ipsa Logica distinguat. Quam etiam opinionem in epitome Logicæ testatam reliquit. Nemo tamen ita uelim existimet, nos, quæ Aucroës uerba recitauimus, ea omnino probare: sed illa idcirco recitauimus, ut intelligeret homo, Interpretes nō nunquam ueritate compulsos, & suam, & illorum etiam qui sequuntur ipsos, sententiam penitus euertere.

Quod uerò subiungit, planè declarat, nō satis eum perspectum habere, quod inter perpendiculum; ad quod paries dirigitur, & ipsum parietem intersit, hoc idem inter regulas, quæ traduntur in Logica, & ea quæ in quaque facultate ex ipsis regulis ad præscriptum conficiuntur, interesse: haud illa enim (ut opinor) protulisset,

- „ Logica primarias partes habet duas, demonstratiuam, & dialecticam: quarum altera cum necessarijs ueris, proprijs, & reliquis suo  
 „ loco positis, insignem notitiam parit, quæ scientia dicitur reliqua, ut  
 „ dialectica cum ex contingentibus uerisimilibus, atque communibus  
 „ conclusiones colligat, opinionem aggenerat.

Nam hæc ipsa non de regulis, de quibus est Logica, dicenda sunt, sed de omnibus, quæ sunt in alijs facultatibus: ut de hac scientia demonstratiua, Omne animal rationale est risibile, Omnis homo est animal rationale, ergo omnis homo est risibilis. Hæc enim ipsa demonstratio (ut uerbis eius utamur) generat insignem notitiam: quæ quidem est scientia huius conclusionis, omnis homo est risibilis. Quod idem dicendum est de reliquis eiusdem generis, quæ & in cæteris sunt scientijs, & in ipsa dialectica, ut de ratione illa: De quo minus uidetur inesse, tamen inest, ergo de quo magis: At minus uidetur inesse, ut miles capiat castra, tamen capit, ergo & exercitus. Videtur autem iste loqui de his, quod hæc sunt, quæ scientiam generant, & opinionem. non enim loqui potest de regulis, quæ docentur in Logica: uel quia illa notitia non est scientia, ut ostensum est superius: uel quia nihil interest inter regulas, quæ docent constituere syllogismum demonstratiuum, & quæ syllogismum dialecticum. sunt enim æquæ omnes ueræ, firmæq, ac necessariæ regulæ. Nam cum illa sit syllogismi dialectici regula, ut constet ex his quæ uidentur, aut omnibus, aut pluribus, aut sapientioribus, & quæ sequuntur, uel ex probabilibus quod pro eodem nunc habeatur: Demonstrationis autem, ut sit ex ueris primis necessarijs, quemadmodum fieri non potest, ut sit ullus demonstratiuus syllogismus, quin ex ijs quæ dicta sunt, constet: sic item nullus esse potest syllogismus Dialecticus, quin sit ex his quæ uidentur omnibus, & quæ sequuntur. Ex quo quidem facile patet, eum de alia planè re locutum esse, atque putauit. Cum enim de Logica, de qua



qua una disputabatur, sese loqui existimaret, ea dixit, quæ propriè alijs conuenirent scientijs, potissimum uero dialecticæ. Quod si diligentius libellum nostrum perlegisset, non ita fortasse deceptus esset. Sed de his in superioribus libris multa diximus, ad quos Lectorem reijcimus.

SECTIO XVIII.



Uita habet hæc secundi tractatus sectio: quæ quoniam maiori ex parte in nostro libello dissoluta sunt, minus accuratè persequenda duximus. Nam cum nostro illo lib. ut superioribus etiam libris, ostendissemus satis, superq̃, enunciationem perdisci ex cognitione nominis & uerbi, quæ quidem sunt omnibus ijs quæ in Logica traduntur, uniuersaliora, satis notum esse potuit, fieri non posse, ut ulterius progredieremur. Item cum docuissemus, subiectum, prædicatum, æqui uoca, uni uoca (ut ipse etiam infra concedit) pertinere ad Primam philosophiam, sunt enim hæc omnia affectiones entis, quæ potuit homo eas asserere, quas attulit, dubitationes: Præterea, cum ex his quæ eo lib. diximus, satis constet, ea omnia positiones esse, quæ ipsi Prædicamentis intelligendis ului sunt, eaq̃ ipsa ad Primam philosophiam pertinere: cum item demonstrauerimus, in Logica subiectum, omnesq̃ eius species satis, superq̃ doceri sine prædicationibus ijs quas ipse ponit, cur tantum laborat, non dissoluens rationes nostras, & asserens sine probatione, id quod maximè probandum fuerat.

Dicimus enim, illa ostendere, Prædicamenta non esse Logicæ sacultatis partes, sed Primæ philosophiæ, uti probauimus. Nam distinxit Aristoteles res complexas ab incomplexis, ob eam quam nostro lib. attulimus, causam. Duo enim in primis illi proposita erant in Prædicamentis: alterum principaliter, alterum secundo loco. Principaliter quidem, cognitio substantiæ, cæterorum item generum, ut talia sunt. Secundo loco, ut de rebus incomplexis ostenderet, quæ nam essent substantiæ, quæ quantitates, quæ qualitates, atque ut hoc (quemadmodum lib. nostro docuimus) ne uideretur de complexis etiam inuestigari.

*Eorum, inquit, quæ dicuntur, quædam dicuntur cum complexione, quædam sine complexione.*

Deinde declarat, eorum quæ sine complexione proferuntur, unumquodque significare aut substantiam, aut quantitatem, aut unum aliquod reliquorum generum, ut intelligeremus id quod diximus. De qua quidem re in undecima libri nostri sectione plura disputauimus, ad quem locum nos reijcimus. Res enim sunt, quæ significantur per uoces, itaque dicuntur etiam per uoces, & dici per uoces idem planè esse apparet. Quod si Aristoteles, Singulum horum, inquit, aut significat substantiam, aut quantitatem, aut reliqua: non illa fuit causa, quod hic liber sit de uocibus; non de rebus:

res enim significantur. Sed cum id illi propositum esset, quod loco citato diximus, intelligeret autem, non posse nos uti rebus, sed nominibus pro rebus, illa verba protulit:

» *Singulum eorum quæ dicuntur sine complexione, aut significat sub-*  
 » *stantiam, aut quantitatem.*

Id quod ob eam quam reddidimus rationem. Si enim discere volumus, simplicem aliquam rem esse substantiam, necesse est, illius rei nomen cognitum habere. Quare cum necessaria sit illius rei nominis cognitio, dixit Aristoteles, eorum quæ sine complexione proferantur, unum quodque significare uel substantiam, uel qualitatem. Quod idem est, ac si dixisset, singulas res quæ per uoces incomplexas significantur, esse uel substantiam, uel qualitatem, & quæ sequuntur. Locutus est autem de nominibus, propterea quod res nobiscum afferre non possumus. Atque hunc quidem uerborum eius sensum esse, facile declarant quæ inferuntur:

» *Est autem substantia, ut figuratè dicatur, ut homo, equus. Quan-*  
 » *titas, ut bicubitum, tricubitum, & sic de cæteris.*

Constat enim, uocem homo, & equus, non esse substantiam. Cum igitur unaquæque propositio sic intelligenda sit, ut declaratur, Aristoteles autem delectet (ut ostendimus) propositionem istam, Singulum horum aut significat; & reliqua, intelligendam esse de re: uerba illa, Singulum horum, aut significat substantiam, aut quantitatem, & quæ sequuntur, nihil aliud sibi uolunt, nisi hoc rerum, quæ sine complexione significantur, alias esse substantias, alias quantitates, & cætera. Quod si usus est Aristoteles illo loquendi modo, hoc idcirco fecit, ut intelligeremus, nihil à nobis dici posse de rebus, nisi per uoces: idemque omnino esse, loqui de uocibus, & de rebus, propterea quod rerum causa inueniuntur sunt uoces. Neque uerò quod subiunxit, ut tacitam dubitationem tolleret,

» *Singulum igitur eorum quæ dicta sunt, ipsum quidem secundum se*  
 » *in nulla affirmatione & negatione, horum autem ad se inuicem com-*  
 » *plexione, affirmatio fit, uel negatio:*

Id contra nos quicquam facit, cum sensus sit is, quem nos XI. nostri libelli sectione ostendimus. Affirmationes enim, & negationes, si uult de rebus, atque in omnibus æquè facultatibus.

Subiungit deinde nonnulla la Comellus, quæ nostram opinionem maxime uidentur comprobare, si ad rem faciant: quæ tamen à proposito plurimum abhorrent. eius autem uerba hæc sunt:

» Istam uocem Animal, & istam Homo, seductis significatis, quod  
 » altera neque superior est, neque inferior, neque una potius præ-  
 » dicari quam subijci possit, quinimmo talis prædicatio esset falsa, cum  
 » ista uox homo non sit ista uox animal, prædicantur enim uoces suo-  
 » rum gratia significatorum: quibus ignoratis, & uocum conditiones,  
 » atque affectus ignorare necesse est.

Hæc

Hæc ipsa inquam, opinionem nostram maximè uidentur confir-  
mare. Nam si omnia hæc uera sunt propter res, non propter uoces,  
sunt propter ipsas res, non propter uoces. eorum enim causa unum-  
quodque est, de quibus uerè enunciat. At in his ueritas reperitur  
ratione rerum, ergo sunt propter ipsas res: id quod nos asseruimus.  
Quæ uerò in tertio supposito sunt, quæ maximè contra nos facere  
uidentur, negamus ea cum Aristotelis opinione consentire. Sed om-  
nia (ut ex his, quæ Commentario nostro, superioribusq; libris di-  
sputauimus, & ex lib. de Anima facillè intelligi potest) planè commē-  
ta esse existimamus. Sunt enim alia, quæ nostræ fauent sententiæ, de  
quibus infra disseremus.

SECTIO XIX.

**I**N quarto item supposito hominem multa dicere, nihil  
autem, aut certè perpauca ostendere, facillè intelligent ij  
qui eius libellum legerint. Nam cum λόγος præter cæte-  
ra orationem significet, & à nobis ostensum sit, Logicam  
docere conficere modum cognoscendī, qui est oratio, qua ignota co-  
gnoscimus, minimè dubitari potest, quin sit de oratione, qua igno-  
ta cognoscimus. Quo circa illud rectè dici potest, Logicam appella-  
tam esse ab oratione, quæ est eius subiectum. Perperam igitur contra  
nos ipse disputat, nec quicquam omnino concludit, præfertim cum  
nobis liceat dicere, intellexisse nos etiā, illam esse de oratione discursi-  
uiua: cum diximus esse de oratione, qua cognoscimus ignota, latius  
scilicet accipiendo orationem discursiuam, ut ipsam quoque defini-  
tionem comprehenderet. itaq; nihil inter nos dissentiremus. Quan-  
quam illud ego minimè sentio, quòd ille, ut maximam ubique bonarum  
literarum ignorationem præ se fert, sic ineptè admodum hoc  
loco garrit, Logicam uideri ἀπὸ τοῦ λογίζεσθαι magis declinari, quàm  
ἀπὸ τοῦ λόγου. perpicuè enim, ut etiā in doctissima institutione sua  
Theodorus docet, Λογική Græcè dicitur, ἀπὸ τοῦ λόγου  
declinatur, non ἀπὸ τοῦ λογίζεσθαι. Quod autem scribit, Aristotelem  
primo Topicorum libro illam adminiculatoriam appellare cum, tri-  
bus problematum generibus positis: deniq; concludit, eam non sui  
gratia inuentā esse, sed ut alia cognoscamus: uidetur ea penitus euer-  
tere, quæ superius dixit. Nam si duntaxat ad alia cognoscenda fa-  
cit, eius finis non est uerum à falso discernere. Sed de hac re satis su-  
prà disputauimus.

Quæ uerò contra me de ordine lib. Prædicamentorum subiungit,  
quòd ex eis quæ Commentario meo, & primo, ac tertio huius  
Apologiæ lib. disserui, facillè intelligi potest, falsa esse, ac nihil planè  
concludere, ne sine causa longior sim, omittenda duxi.

Quòd autem ad sententiam nostram labefactandam citat Eudemum,  
& Theophrastum, ipsius Aristotelis auditores, eisi illud re-  
spondere possumus, Simplicium, & nonnullos item alios Græcos  
expositores sæpe ab illis dissenisse, nec esse quicquam eorū auctori-  
tatem ueritos: quocirca nobis etiā licere, si ita ratio ferat, idem fa-

cere: tamen negamus, Theophrastum, & Eudemum statuisse, librum Prædicamentorum collocandum esse in prima Logicæ parte. ac ita quidem id negamus, ut si contrarium Iacomellus ostenderit, manus illico daturi sumus, neque recusaturi, quo minus uel tota causa cedamus. Quòd si homo causam suam Hammonij testimonio tueri uelit, tantum (meo quidem iudicio) abest, ut ab eius sententia stet Hammonius, ut contra illum uel maxime faciat. Atque ut ipsa res facilius perspicì possit, recitabimus ipsius Hammonij uerba: qui cum de Prædicamentis loqueretur,

- » Querimus, inquit, etiam, an suus legitimus, quàm sit philosophi  
 » liber tres enim cause Aristotelis lib. dignoscendis errorem fecere,  
 » una æqui-uocatio auctorum. fuere namque & Aristoteles alij, quo-  
 » rum scripta ob æqui-uocationem nonnulli huiusce Aristotelis esse  
 » existimauerunt. Altera, librorum æqui-uocatio. Eudemus enim, &  
 » Phania, ac Theophrastus, eius discipuli, præceptoris exemplo Præ-  
 » dicamenta, & de interpretatione, & resolutiuiam scripsere. Tertia  
 » huiusmodi est: Ptolomæum Philadelphum Aristotelis conqui-  
 » rendorum operum, perinde ac reliquorum per studiosum fuisse tra-  
 » dunt, pecunia scq̃ ijs persoluisse, qui philosophi ad ipsum libros affer-  
 » rent. Quo factum est, ut quidam, lucri spe, libros philosophi nomi-  
 » ne inscribentes comportarent, sanè libros in magna bibliotheca Re-  
 » solutiuiorum quadraginta, Prædicamentorum duos inuentos affir-  
 » mant: suntq̃ hic Prædicamentorum, Resolutiuiorum autem qua-  
 » tuor ueri, legitimiq̃ Aristotelis iudicati ab Interpretibus, tum ex  
 » sententijs, uerbisq̃, tum quòd huiusce libri philosophus alibi identi-  
 » dem meminerit.

Hæc autem eius opinionioni nō fauent, quod Hammonius de Theophrasto, Phania, Eudemo meminerit, ut ostenderet, tres esse causas, cur facile errari potuerit in Aristotelis libris agnoscendis. Itaque patet, nihil ad rem facere, quæ Iacomellus citauit. Quòd si cum libros illos numeraret Hammonius, hoc ordine usus est, ut primum mentionem faceret lib. Prædicamentorum, deinde lib. Perihermenias, postremò lib. Resolutiuiorum, id propterea fecit, quòd huius ipse fuit opinionis, & per accidens. Liber enim Prædicamentorum erat, de quo ambigebatur. Quanquam concedimus, illos Aristotelis discipulos, ipsius Aristotelis exemplo, scripsisse eos, quos diximus, libros. Sed rem tamen ipsam arbitramur, non quòd illi fecerint, ordinem illius lib. declarare. Pugnat autem Hammonius cum istius sententia, propterea quòd si ambigebatur (ut ipse scribit Hammonius) an esset Aristotelis liber, qui constare potuit, ab Aristotele eum ipsum librum initio Logicæ collocatum fuisse? Qui enim liber, an Aristotelis sit, dubitatur, eum certo definitòque loco ab ipso Aristotele constitutum esse, sciri nullo modo potest.

Quod uerò subdit, ut uerum esset, quod scribit Macrobius de Aristotelis libris, nihil tamen id à me facere: non satis quidem mirari

rari possum hominis ingentij tarditatem, stuporemque, qui non intelligat, quod nemini sanè obscurum esse arbitror, si confusi, nulloque ordine reperti sint libri illi, qui multos ante annos latuissent, scire non potuisse, qui eos postea in certum ordinem redegerint, sic fuisse ab Aristotele ordinatos: id quod ipsi quidem ostendere uolumus. Nobis enim satis est, non posse Aristotelis Interpretes probare, ipsum Aristotelem librum illum Prædicamentorum initio Logicæ statuisse: præsertim cum nusquam appareat, id Aristotelis discipulos asseruisse, quod recentiores isti dicunt, qui quidem non uidentur eorum libros legisse: quod planè declarant uariè ipsorum sententiæ, de principali huius libri fine. Nam si legissent eorum libros, secuti essent, quam illi præferrent, opinionem, nec tantopere inter se dissentirent. Sed cum tanta sit (ut ex Hammonio constat) illorum inter se dissensio, minimè quidem dubitandum uidetur, quin libros auditorum Aristotelis non legerint, præsertim cum nullam eorum opinionis mentionem faciant: cum tamen multò magis proferenda esset illorum sententia, quàm Posteriorum. Quare uidentur ipsi quidem Interpretes tantum ex historijs cognouisse, Theophrastum, Phaniam, Eudemum, cõscripsisse huiusmodi libros: quos tamen si legerint, eorum autem opinionem secuti non sint, sed illam omnino neglexerint, cur alijs item non liceat, eorum auctoritatem, cum præsertim cogat ratio, tanti quidem facere, quanti præstantissimorum uirorum ipsi fecerint?

Quod uerò ad ea attinet, quæ subdit la comellus, quemadmodum repertus est aliquis fortè primus, qui præposterum ordinem libri de generatione animalium animaduertit, deinde factum est, ut multi in eius sententiam discesserint: ita quidem nihil ob stare uidetur, quominus ego primus huiusce rei, de qua disputatur, ueritatem inuenirim. Quod si aliter multi senserint, id nequaquam eius ordinis errorem tollit. nobis enim illud satis est, rationè, & ipsa Aristotelis uerba ostendere, in illo ordine erratum fuisse: quòd autem per pauci animaduertierint, aut nulli, id uerò uidetint ipsi.

SECTIO XX.



Quod autem secundo capite eiusdem tractatus ait, opinionem meam non esse probabilem, illa quidem tantum adest, ut non sit probabilis, ut sit etiam (meo quidem iudicio) maximè scibilis. est enim (ut existimamus) certis planè, firmisque rationibus communita, quas ipse minimè dissoluit, ut ostendisse nos, atque etiam ostensuros esse speramus. Sed fingamus, illam non esse probabilem: ex eo tamen non sequitur, ut non sit uera, uti primo Rhetoricorum libro, capite uigesimo tertio his uerbis docet Aristoteles:

*Item, quod si multa, et si hominibus credibilia sint, falsa tamen sunt, et contrarium quoque credendum est, multa, quamuis mortalibus incredibilia sint, uera tamen esse.*

Quod

Quod si ita est, facile quidē fieri potest, ut hæc opinio minus probabilis, uera tamē sit. Itaq; nihil planē cōtra nos hominis ratio cōcludit.

Quæ uerò subdit, ut ostendat, quibus in rebus ueretur Dialectica, partim nihil (meo quidem iudicio) opinionem meam labefaciāt, partim illam etiam confirmant. annumeratio enim problematum, quæ sunt dialecticæ, nihil contra nos facit: quippe qui posuimus, dialecticam esse à Logica distinctam. Quare, ut etiam ad dialecticam Prædicamenta spectent, ex eo tamen non sequitur, ut sint pars Logicæ facultatis.

Illud etiam nostræ maximè fauet opinioni, quòd ex IIII. Primæ philosophiæ lib. sic argumentatur. Metaphysicæ est pertractare partes entis, ergo dialecticæ. hoc enim planē assentimur, siquid ex ipsis Aristotelis uerbis manifestum est. Sed quòd infert, igitur ad Logicā: id uerò negamus. Nam ex illo Aristotelis loco non modo non sequitur, ut ad Logicam pertineat, sed omnino cōtrarium. Sequitur enim ex illo ipso loco (quemadmodū in procemio Commentarij nostri ostendimus) ut dialectica nō sit Logica. siquidem nullo modo Logica potest agere de ente simpliciter, de substantijs abstractis, & huiusmodi: cum, ex istius quoq; sententia, proprium subiectum habeat. Non enim Logicus, qui docet instrumenta cognoscendi constituere, potest quicquam de substantijs abstractis probare, quod tamen dialecticus facit. Fauet igitur, quod hoc loco argumentatur la comellus, opinioni nostræ.

.. Quod uerò subdit, Aristotelem I. Elenchorum lib. in fallacia figuræ dictionis, cum dixisset, uel rursus quale quantum, uel quantū quale, uel faciens patiens: uel depositum facere, intulisse,

.. Et alia re determinata est prius:

Negamus, cum intellexisse lib. Prædicamentorum, ut ipse opinatur, sed libros Topicorū. Vbi quidem enumerauit omnia decem Prædicamenta. Librum autem Elenchorum insequi libros Topicorum, minimè dubitari potest.

Quæri tamen ex hoc homine licet, ubi nam docuerit Aristoteles in Logica, lineam constare ex punctis, quo tamen exemplo usus est primo Posteriorū libro. Quid: nonne primo etiam Periherm. libro mentionem fecit Aristoteles de passionibus animæ, quas tamen ad lib. de Anima pertinere dixit: Multa item alia in hæc sententiam afferri possint, sed breuitatis causa omittenda putauimus. Negamus autem, quod iste ait, si à Logica subtrahatur lib. Elenchorum, ut subtrahendum quidem arbitramur, quippe qui est pars dialecticæ, multò magis subtrahendum esse lib. Posteriorum. Nam lib. Poster. tradit solum regulas conficiendi demonstrationes per se, quod (ut à nobis multis locis ostensum esse putamus) neque Dialectica facit, neque Sophistica. Sed hæc hæcenus, quod ad Quintum

Apologiæ librum attinet.

ANTONII BERNARDI MIRAN-  
DULANI APOLOGIAE

Liber Sextus.

SECTIO PRIMA.



Actenus (opinor) responsum est ad ea, quæ habet & primus, & secundus tractatus Iacomelli: quare consequens est, ut ad reliqua pergamus.

Primum igitur, cum ego ita sim argumentatus: in lib. Prædicamentorum tractatur substantia, ut substantia: et qualitas, ut qualitas: eodemque modo reliqua genera, ergo liber ille non est pars Logicæ. Nam substantia, ut substantia, & quantitas, ut quantitas, cum sit Primi philosophi (ut ex ijs quæ dicta sunt, quæque dicuntur, facile constat) non est Logici. Consequentia manifesta est: id verò quod antecedit, ex eo ostendimus, quod ibi explicatur substantia, ut substantia: uidelicet substantiam id esse, quod non est in subiecto, probanturque eius proprietates, ut substantia est, ut cum una atque eadem numero maneat, esse susceptibilem contrariorum. Itaque considerari diximus, ut substantia est, unumquodque enim eo considerari modo, quo describitur, quòque eius probantur affectus. non enim fieri posse, ut intelligatur, quicquam considerari, ut tale, nisi quemadmodum dictum est.

Ad hæc ille respondens, etsi non satis uidetur argumenti uim percipisse, tamen fingamus ita esse, ut ipse ait. Inquit ergo:

Si ego assumptionem ita intelligo, ut uidetur, ut uidelicet substantiæ natura, & cæterorum generum, ac suarum specierum in hoc libro considerentur ut talis est, & pariter eorum affectus considerantur, ut tales sunt, tunc ea concessa, sequelam negamus.

Sed qui potest homo, cum antecedens concesserit, negare consequentiam? Nam si consideratur ibi substantia, ut substantia, nullo modo ad Logicam spectat, ut ostensum est. Item si consideratur ut substantia, considerari non potest ut prædicatum: considerare enim substantiam ut prædicatum, non est considerare illam ut est substantia. Nam considerare substantiam, ut est substantia, est propriam eius naturam contemplari: at illam considerare, ut est prædicatum, non est contemplari propriam eius naturam: ergo considerare substantiam, ut prædicatum, non est considerare illam, ut est substantia.

Secum igitur pugnat Iacomellus, concedens substantiam in libro Prædicamentorum considerari, ut est substantia: & inferens, considerari, ut prædicatum. non enim, si consideretur ut substantia, primò considerari potest: ut prædicatur, et subiicitur. Quòd autè secundo loco ita consideretur, ut ex eius dictis sequitur, & hoc, & illa eius altera

altera subiectio, quam citat, nostræ admodum fauet opinioni, ut patet, utq; ante dictum est. Valet ergo hic argumentandi modus: Substantia in lib. Prædicamentorum consideratur, ut substantia, eodēq; modo reliqua genera: ergo hic liber non est pars Logicæ. Substantiam enim, ut est substantia, & reliqua genera, ut talia sunt, ad Primā omnino philosophiam spectare, cum sint species entis, nemo sanē in dubium uocare potest, præter istum hominem, qui idem modò ait, modò negat.

Præterea quis dubitet, nisi sit Peripateticæ doctrinæ planē ignarus, futura contingentia tractari in libro Perihermenias, non ut talia sunt, sed quatenus ex ipsis docetur fieri affirmationes & negationes, cum ita scribat Aristoteles:

- » *In his ergo quæ sunt, & facta sunt, necesse est, affirmationem uel*  
 » *negationem ueram esse, uel falsam, in uniuersalibus quidem uniuersali*  
 » *ter, semper hanc ueram, illam uerò falsam esse, & in his quæ sunt sin-*  
 » *gularia, quemadmodum dictum est. In his uerò quæ in uniuersalibus*  
 » *uniuersaliter dicuntur, non est necesse. Dictum est autem & de his.*  
 » *in singularibus autem, & futuris non similiter. & probat, quia omnia*  
 » *uenirent de necessitate.*

Hæc igitur pertractatio contingentium eò pertinet, ut sciamus, quemadmodum in his affirmatio, & negatio, aut uera sit, aut falsa in tempore futuro. Itaque contingentia eo loco non tractantur, ut contingentia, sed affirmationis & negationis causa, atque hoc pacto pertinent ad Logicam. De uocibus etiam, & de signis agi ob syllogismum, quis potest ambigere, modò Aristodem legerit; cuius hæc sunt uerba:

- » *Enthymema igitur est syllogismus imperfectus ex uerisimilibus,*  
 » *aut signis. Accipitur autem signum trifariam, quot modis & mediis*  
 » *in figuris, aut ut in prima, aut ut in media, aut ut in tertia.*

Et paulo post:

- » *Aut igitur sic diuidendum signum, horum uerò medium uel signum*  
 » *sumendum. uel signum nanque quod scire facit, atunt esse. tale autem ma-*  
 » *ximè, quod medium, & quæ ex extremis, signum dicendum. Quæ uerò*  
 » *ex medijs uel signis, probatissimum. nanque & maximè uerum, quod*  
 » *per primam figuram.*

Ex quibus planè constat, hæc tractari syllogismorum causa. Quæ item de syllogismo Physionomico agit Aristoteles, & ad librum illum pertinere testatur Iacomellus his uerbis:

- » *De syllogismo Physionomico pertractatur, tractare enim de om-*  
 » *ni syllogismo pertinet ad Logicam. id quod superius etiam scripsit.*  
 » *Sed missum illum faciamus, & Aristotelis uerba citemus, qui ait:*  
 » *Est itaq; naturam cognoscere, in prima figura medium conuertere*  
 » *cum primo extremo, supergredi uerò tertium, & non conuertere.*

Cum



Cum igitur doceat, quemadmodum cōficiatur syllogismus Physionomicus, huiusmodi pertractatio ob eam, quam demonstraui-  
mus, rationem, ad Logicam pertinet.

Sed Dij boni, quā iste prae se fert, nunquam se libros eorum le-  
gisse, quorum tamen doctrinam maximē proficitur, non enim profe-  
cto in has incidisset ambiguitates. Nam Ioannes Grammaticus ex-  
ponens eum, quem iste de syllogismo Physionomico recitauit, lo-  
cum, ita scribit:

Quia dixit hoc, quod omnis demonstrans per unam trium figu-  
rarum, ostendit hoc, hoc uult ostendere, quod etiam studiosi natu-  
rae per unam trium figurarum ostendūt. Et Burana: Alulidus uerō  
Rosadij, ac Ioannes Philoponus (meo iudicio) melius quā D. Al-  
bertus, intendere philosophum asseruere aliud syllogismo annexum  
describere, hoc est quomodo syllogismus Physionomicus per figu-  
ram disponatur.

Et paulo post exponens ea, quae citauimus, uerba:

Nunc tale, inquit, propositum exequitur, hoc est quomodo Phy-  
sionomicus constituitur syllogismus, inquiens, quod talis ratiocina-  
tio in prima complicatur figura.

Et Augustinus Suetanus,

Cum dixisset, quod omnis ostensor ostendit per unam trium fi-  
gurarum, nunc uult etiam ostendere, quod etiam Physiognoma-  
tes ostendunt per unam trium figurarum.

Sed quid asserere possumus, quod liquidius nostram opinionem  
comprobet quā quod Aristoteles paulo ante ea, quae homo iste re-  
citauit, uerba, sic scribit:

Quoniam autem nō solum dialectici, & demonstratiui syllogismi  
per praedictas efficiuntur figuras, sed & Rhetorici, & simpliciter  
quaecumq; fides, & secundum quancumq; methodū, nunc utiq; dicendum  
est. omnia enim credimus, aut per syllogismos, aut ex inductione.

Quibus sanē uerbis (ut testantur etiam Interpretes ipsi) uult osten-  
dere, in unaquaque arte, & methodo, argumenta omnia fieri in ijs,  
quas ante demonstraui, figuris. Itaq; eas annumerauit facultates, de  
quibus magis ambigi potuit.

Nec cuiquam dubium esse potest, quin si futura contingentia sim-  
pliciter & absolute cōsiderentur, sequatur, ut non sint pars Logicae,  
ac ita quidem dicendum est: uel Logicum de eis agere, quatenus per-  
sonam alterius artificis suscipit: uel non rectē, propterea quod non li-  
cet descendere de genere in genus.

Sed cum minimē dicendum sit, eum suscipere personam alterius  
artificis, aut huiusmodi pertractationem esse superuacaneam, sequi-  
tur, non considerari, ut talia sunt.

Præterea, si uerus est primus sensus antecedentis, id quod ipse cō-  
cessit, sequitur, ut (quemadmodum ostensum est supra) falsum sit,  
quod ita subiungit:

D Altero

- „ Altero sensu ipsius antecedentis, cum abundè superius demon-  
 „ strauerimus, res ibi considerari, ut significata sunt uocum, ac sub-  
 „ stracta secundarum intendonum. Primò enim in eo lib. prædicata,  
 „ atq; subiecta, & ut prædicantur, & ut subiiciuntur, rationem habent,  
 „ & ut ad ipsas tandem propositiones ordinari debent, considerantur.

Nam si (ut dictum est) substantia, & cætera genera pertractantur, ut talia sunt, non possunt tractari, ut subiecta & prædicata. Itaque tractantur primò, ut res. Verus est etiam ultimus antecedentis sensus, nihil est enim in decem Prædicamentis, quod ab eo discrepet, quod diximus.

Præterea, si hæc considerantur, ut talia sunt, considerantur per se, cū enim considerentur ut talia sunt, considerantur secundum quod ipsum: itaque per se, & absolutè. Quòd si dicantur considerari per se, & sub aliqua relatione, sequetur, ut eiusdem Prædicamenti, uerbi gratia substantiæ, duo sint prima subiecta: alterum quatenus substantia absolutè consideratur, alterum quatenus refertur ad propositiones. Quod quidem sequi in reliquis Prædicamentis, neminem latere arbitror.

Ex qua quidem re illud consequi uidetur, quod etiam ex ipsorum sententia absurdissimum est, ut liber is sit pars & Primæ philosophiæ, & Logicæ. Nam, quatenus in eo tractantur Prædicamenta absolutè, est pars Primæ philosophiæ: quatenus uerò ea, quam demonstrauimus, relatione Logicæ, quod quidem nullo modo fieri potest,

- Quæ autem assert facomellus, ut ostendat, falsum esse antecedens,  
 „ ex his illud à ueritate planè abhorret, quod ait, Aristotelem in ante-  
 „ prædicamentis multos ipsius generis substantiæ, atque eius specie-  
 „ rum, & pariter reliquorum generum affectus monstrasse, ac Prædi-  
 „ camenti, qui substantiæ competant, non inesse naturæ, sed ut intelle-  
 „ ctæ, ac ipsius intellectus possibilis actu collatiuo ipsi derelictæ. Nam  
 „ in antepædicamenti non ostenduntur affectus, neque substantiæ,  
 „ aut eius specierum, neq; cæterorum generum: sunt enim positiones,  
 „ ex quibus concluduntur conclusiones, & proprietates omnes, quæ  
 „ sunt in Prædicamentis, ut perspicuum sit legentibus.

Docuimus etiam superioribus libris, & in Commentario, omnia illa conuenire substantiæ, & reliquis generibus pro re, non ut sunt in intellectu. Atque ea quæ citat ex Prædicamento substantiæ, conuenire ipsi substantiæ pro re, non pro intentione. De illa autem definitione, reijcimus nos ad tertium Apologiæ librum, in quo abundè existimamus nos ostendisse, de hac item re falsam esse istius opinionem.

## SECTIO II.



Væ uerò ait, ut proximam rationem meam diluat, falsa sunt, uti sæpe iam ostensum est. omnia enim conueniunt substantiæ pro rebus. Neque rectè meum recitat argumentum, neque dissoluit: in hanc enim sententiam argumentatus sum. Probare, aliquid esse magis substantiam quàm aliud, pertinet

pertinet ad Primum philosophum: sed in Prædicamentis probatur aliquid huiusmodi, ut porè species esse magis substantias, quàm generat: ergo probatio illa pertinet ad Primum philosophum. Priorem propositionem, quam negat iste me confirmasse, dixi, manifestam esse ex ijs, quæ septimo Primæ philosophiæ libro scribit Aristoteles, ubi docet, formam esse magis substantiam, quàm materiam, quæ uerba iste præterijt.

Ex quibus illud ego inferre uolui, probationem eam, qua utitur Aristoteles in Prædicamentis, esse Primi philosophi, quòd eadem omnino sit utriusque probationis ratio. Deinde cum dixissem, probationem illam primo pertinere ad Primam philosophiam, addidi, ut diceretur, quòd hoc eram magis infra ostensurus, quod etiam egregius iste uir subiungit. Quare non satis uidetur meam illam rationem percepisse, cum ita scribat:

Antecedens falsum est, cum sit una copulatiua, cuius secunda pars est falsa: uidemus enim duas illius conclusiones esse Logicas.

Nam cum unum sit argumentum, cuius illa maior est propositio: Probare, aliquid esse magis substantiam, quàm aliud, pertinet ad Primum philosophum. ad hanc ille nihil, nisi hoc:

Videmus enim, duas illius conclusiones, assertiones esse Logicas.

Quæ uerba, & quæ sequuntur, præterquàm quòd nihil ad rem faciunt, sunt etiam falsa, ut ex his quæ superius dicta sunt, facile intelligi licet. Omnia enim quæ profert, conueniunt substantiæ pro re.

Vbi autem meam illam rationem conatur diluere, qua ostendi, Aristotelem imperfectam traditurum fuisse rerum cognitionem, nisi de substantia, ut substantia est, itaq; de cæteris generibus, quæ in libro Prædicamentorum tractantur, egisset: permulta illum scribere, quæ planè à ueritate aliena sunt, facile est intelligere. Huiusmodi enim usus sum argumentatione. Nusquam Aristoteles perfectè egit de decem rerum generibus, quorum tamen necessaria erat pertractatio, nisi in Prædicamentis: ergo de his ibi agit, ut talia sunt. aliter enim quasi mancus fuisset, ac mutilatus. Vt autem multa mitam ex his quæ contrà scribit Iacomellus, quæ iam refutata sunt, quæq; nihil ad rem faciunt, cum ostendit, Aristotelem libro Primæ philosophiæ quinto, & sexto, & octauo, & duodecimo egisse de his, longè falli uidetur: afferendæ enim fuerant exactæ Prædicamentorum omnium descriptiones, & proprietates: ostendendumq; fuerat, Aristoteli egisse de his speciebus, quatenus decem illis generibus continentur. Quod iste cum neque fecerit, nec facere potuerit, nusquam enim alibi tractantur, non rectè dixisse existimandum est. Quod uerò negat, Aristoteli egisse in eo libro de causis substantiæ, & quæ sequuntur, hoc non sufficit. Nam etsi ad perfectam ipsius substantiæ cognitionem requiritur omnium causarum cognitio, non tamen id satis est, uti ostensum est in Commentario, & superioribus libris. requiritur enim cognitio quoque

proprietatum eius. Cum uerò scribit nono libro, & decimo abundè de his esse pertractatum, quòd pertractatum est de actu, & potentia, de uno, & multis, de eodem, & diuerso, & de oppositione, Quis non iure exclamet: cum uideatur homo illa etià ignorare, quæ uel ij tenent, qui primoribus modò labris Aristotelem attingerint? Atq; ut res melius percipiatur, recitabimus uerba illa Aristotelis v. Primæ philosophiæ lib.

- » *Insuper ipsum esse, & ens, partim id quod potentia, partim id*  
 » *quod est actu, significat. Nam & id quod potentia, & quod actu ut-*  
 » *det, uidens dicimus esse.*

Item ix. eiusdem Primæ philosophiæ lib.

- » *Cum autem id, inquit, quod est partim substantia, aut quantitas,*  
 » *aut qualitas, partim potentia atque actu dicatur, de potentia etiam,*  
 » *& actu determinemus oportet.*

Quòd si ens diuiditur in potentiam, & actum, atq; idcirco Primi philosophi est agere de ipsa potentia, qui fieri potest, ut actus & potentia sint affectiones substantiæ?

Sed ut ostendamus, illum de hac re non ab Aristotele modò dissentire, sed ab ijs etiam, quibus tantum tribuit, expositoribus, recitabimus eorum uerba: ac primum quidem optimi inter Latinos Interpretes D. Thomæ, qui in primum Primæ philosophiæ librum ita scribit:

- » *Vnde & illa scientia maximè, & intellectualis, quæ circa princi-*  
 » *cipia maximè uniuersalia uersatur, quæ quidem sunt ens, & ea quæ*  
 » *consequuntur ens, ut unum & multa, potentia & actus.*

Vult ergo, actum & potentiam esse affectiones entis, non substantiæ. Et in quintum eiusdem Primæ philosophiæ librum, lectione nona, ita scribit:

- » *Ponit distinctionem entis per actum & potentiam. in omni-*  
 » *bus enim prædictis terminis, quæ significant decem Prædicamen-*  
 » *ta, aliquid dicitur in actu, & aliquid in potentia. Et ex hoc acci-*  
 » *dit, quod unumquodque Prædicamentum per actum, & per po-*  
 » *tentiam diuiditur.*

Quòd si ens diuiditur in actum & potentiam, in singulis autem Prædicamentis inest actus & potentia, qui possunt hæc esse proprietates substantiæ, & reliquorum Prædicamentorum?

Quod enim inest omnibus, nullius est proprium. Item in ix. Primæ philosophiæ librum, textu primo:

- » *Sed principalis huius doctrinæ intentio non est de potentia &*  
 » *actu, secundum quòd sunt in rebus mobilibus solum, sed secundum*  
 » *quòd sequuntur ens commune.*

Alexander etiam in ix. Primæ philosophiæ librum:

- » *Disputato, inquit, in sexto, septimòque libro de ente per se, con-*  
 » *sentaneum est, ut in hoc de eo quòd actu est, dicatur, deq; eo quòd*  
 » *est*

est potentia differat. Nam cum ens de eo quod est actu dicatur, de eo quod est potentia, hæc autem doctrina de ente consideret, merito in hoc libro disputat de potentia & actu.

Quod si ostendit Aristoteles, & Alexander, Primi philosophi esse agere de actu, & de potentia, quod in hæc diuiditur ens: sequitur, ut non sint affectiones substantiæ. si enim essent affectiones substantiæ, sic argumentandum fuisset: De illis Primum philosophum agere oportere, quod in ea doctrina pertractatur substantia, non ipsum ens.

Eundem etiam locum illum exponens Auerroës,

Quia ens, inquit, secundum quod ens, diuiditur essentialiter in potentiam & actum, & ista ars habet considerare de ente simpliciter, & de generibus, & alijs, in quas diuiditur essentialiter, incepit hic loqui de speciebus potentiae et actus, ut declararet substantias eorum, & contradi-  
dicentibus, potentias non esse in entibus.

Si ergo uult Auerroës, ens, quatenus ens, diuidi in actum & potentiam, fieri non potest, ut ex eius sententia, potentiae & actus sint proprietates substantiae, reliquorum uel Prædicamentorum. Quæ enim conueniunt enti, quatenus ens est, conueniunt ei primò: quæ autem illi primò conueniunt, non possunt alteri primò conuenire.

Et in Epit. Primæ philosophiæ lib. II.

Manifestum autem est, quod ens non significat ipsa Prædicamenta secundum puram æquiocationem: quia si ita esset, non esset genus subiectum huius artis, neque darentur prædicata essentialia, in quæ diuidantur diuisione prima. ut cum dicimus, ens ali-  
quod est actu, aliquid uerò in potentia, & reliqua prædicata essentialia, quæ habet.

Cum igitur ita sentiat Auerroës, prædicata essentialia, in quæ diuiditur ens diuisione prima, esse potentiam & actum, sequitur, ut neque substantiæ proprietates sint, neque cæterorum Prædicamentorum. Hoc idem etiam innuit ipse Auerroës in primum librum de Anima, Comm. sexto.

### SECTIO III.



Quod autem dictum est de actu & potentia, idem etiam dicendum esse de uno & multis, de eodem & diuerso, & de oppositione, cæterisque id genus, facile constabit ex his quæ dicemus. omnia enim illa ad Primum philosophum pertinent, quod unum ad ipsum spectat, atque idem est ens & unum, ut quarto Primæ philosophiæ libro, textu septimo, ostendit Aristoteles his uerbis:

Atque id quod est, ac unum ipsum, idem sunt ex eo, atque una natura, quia mutuo sequuntur, ut principium, atque causa: sed non, ut uel nam subeuntia rationem. nihil autem refert, esse eadem hoc pacto putauerimus esse, sed & ad propositum magis conducte. idem est enim

- » unus homo, & homo, & qui est homo, & homo, & non aliud quic-  
 » quam dictio significat, si reduplicabitur, est homo, & homo, &  
 » unus homo. Patet autem, nec in generatione separari, nec in corru-  
 » ptione, similiter & in uno.

Quare perspicuum est, additionem in his idem significare, neque aliud unum ipsum esse præter id quod est. Et paulo post textu 1X.

- » Quare quot sunt unius, tot & eius quod est, species sunt, de qui-  
 » bus quam sit, contemplari ad eandem genere scientiam spectat, ut de  
 » eodem, ac simili, & cæteris talibus. Fere autem omnia contraria ad  
 » hoc principium reducuntur.

His ergo uerbis apertissime ostendit Aristoteles, Primum philo-  
 sophum agere de eodem, simili, æquali, & cæteris huiusmodi, quod  
 omnia hæc uni quasi generi subiiciantur, non quod sint affectiones  
 substantiæ.

Deinde subdit:

- » Cum autem unus sit facultatis oppositum contemplari, & uni plu-  
 » ralitas opponatur, atque negationem, priuationemque scientiæ sit eius-  
 » dem considerare, ad hanc sane scientiam, & pluralitatis contempla-  
 » tio pertinebit: uno namque modo unum ipsum in contemplationem ue-  
 » nit, cuius est negatio, uel priuatio. Quæ autem simpliciter, illi in-  
 » quam non inesse, aut cuiuspiam generi, atque ibi uni ipsi differentia in-  
 » est, præter id quod est in negatione. ipsa namque negatio illius est ni-  
 » mirum absentia. In priuatione uero et subiecta quidem existit natura,  
 » qua de priuatio agitur. Quæ cum ita sint, & uni pluralitas opponi-  
 » tur, sit, ut eorum etiam cognitio, quæ sunt opposita dictis, ad scien-  
 » tiam dictam attingat: Diuersi inquam, dissimilis, inæqualis, & si qua  
 » sint alia, quæ ad idem, aut ad pluralitatem, & unum accommodantur.

Ex quibus planè constat, diuersum, dissimile, inæquale, et reliqua  
 his consimilia, ad primam spectare philosophiam, quod opponitur  
 eis quæ diximus. Non ergo sunt affectiones decem generum, itemque  
 contrarietas, sic enim subiunxit Aristoteles:

- » Ex quibus est contrarietas ipsa, quippe cum differentia quidem di-  
 » uersitas sit, contrarietas autem differentia quædam.

Nec ita multo post:

- » Quare, inquit, cum ipsum unum multis modis dicatur, ad diuersas  
 » scientias ipsorum contemplatio pertinebit: sed si neque una ratio ipsis  
 » competat, neque ad unum rationes omnium reducuntur. Cum autem  
 » ad primum omnia referantur, ut ea quæ dicuntur unum, ad primum u-  
 » num, dicendum est, & de eodem & diuerso contrarijs eodem modo se  
 » habere. Quare distinctione facta, quot unumquodque modis dica-  
 » tur, assignandum est, ad primum in unoquoque Prædicamento, quod

nam ad illud dicitur modo. Quædam enim hoc sanè dicentur, quòd illud habet: quædam præterea, quòd illud agit: quædam alijs talibus modis. Patet igitur illud, quod olim in dubitationibus diximus, unus inquam facultatis esse de his, & de substantia rationem habere. Hoc autem erat unum eorum, quæ diximus dubitando. atque ipsius philosophi nimirum est, posse de omnibus contemplari. Nam si non ad philosophum id ipsum pertineat, quis nam erit quæso? quid si idem sit Socrates, & Socrates sedens: aut sit unum, sit uni contrarium: aut quid nam sit contrarium, aut quot modis ipsum, oppositumque dicatur, & itidem de cæteris huiusmodi rebus considerabit. Cur igitur unus, ut unum est, & eius quod est, ut ens est, hæc per se sint affectus, sed non ut numerus est, & linea, aut ignis, patet illius esse scientiæ, & quid nam sint hæc, cognoscere, & ea quæ ipsis accidunt, contemplari. atque non hac parte aberrant ij, qui de ipsis considerant, uti non philosophantes, sed quia prius est is substantia, qua de nihil prorsus intelligunt.

Dubitare igitur non licet, quin ea quæ dixit, pertineant ad Primum philosophum, propterea quòd sunt affectus unius, & entis, non substantiæ: ens autem habere proprios affectus, qui ei conueniant, quatenus est ens, ostendit Aristoteles his quæ subiungit uerbis:

Nam ut & numeri, qua numerus est, proprij sunt, affectus, ueluti paritas imparitas, excessus defectus, atque hæc & per se, & inter se numeris competunt, & solido similiter, & mobili ac immobili, & ex parte ac participi ponderis sunt affectus, alij proprij sic, & ei quod est, ut ens est, sunt propriæ quædam, atque hæc sunt ea de quibus est philosophi ueritatem considerare.

Patet igitur ex his quæ antè recitauimus, uerbis, non modò egressum istum uirum à ueritate recedere, sed comprobari etiam, quod nos in Commentario diximus, affirmationem scilicet, negationem, priuationem, oppositum, & cætera, quæ pertractantur in Logica, primò ad primam spectare philosophiam. sunt enim omnia affectiones entis, quatenus est ens. Quis ergo non iure miretur, egregiū istum uirum ea asserere, quæ planè ab Aristotelis sententia discrepant, eorumque quos ipse labi nunquam potuisse putat, expositorum, quæque tam apertè cum ipsa ratione pugnant?

Quod uerò subiungit, ens esse analogum, hoc sibi commentus est. nusquam enim Aristoteles propriè illud analogum appellat: quin docet, in illis ipsis locis, quos iste citat, dici multipliciter de his quæ dicuntur ad unum. Quæ si propriè loquamur, ab analogis plurimum differre, cum multis alijs in locis ostendit Aristoteles, tum uerò maxime primo Ethicorum libro, capite septimo, ad hunc modum:

Sed quomodo dicitur, non enim simile æquiuocis, à Fortuna. Dicitur ne igitur, quia sunt ab uno, aut ad unum omnia conferuntur, uel

- » *magis secundum analogiam. etenim ut est in corpore visus, sic in ani-*  
 » *ma mens, & aliud in animo.*

Ex quibus uerbis patet, illum distinguere, quæ dicuntur secundum analogiam, ab his quæ dicuntur ad unum. Ens igitur non propriè est eorum quæ dicuntur secundum analogiam.

#### SECTIO IIII.



- » **S**ed utcumque sit (alibi enim de his fusius, magisque propriè  
 » agemus) quis æquis auribus ferat, quod iste ait:  
 » Superuacaneum esse, cum quippiam analogum fue-  
 » rit, de suis omnibus analogatis contemplari, sed primi  
 » duntaxat analogati.

Ita enim in arte medica superuacaneum fuerit, de his agere quæ dicuntur sana, præterquam de sanitate ipsa: ut uerbi gratia, de Medicina, de urina, & de reliquis huiusmodi. Superuacanea fuerint etiam, quæcumque tractat Aristoteles in Prædicamentis de cæteris generibus, præter substantiam. Frustra item egerit Aristoteles in philosophia de quatuor simplicibus corporibus, cum corpus (ut sentit ipse) analogicè dicatur de incorruptibili, & corruptibili: corpus autem incorruptibile sit primum (ut ita dicam) analogatum.

Sexcenta proferri licet, quæ ex hac eius opinione sequuntur, quæ planè absurda sunt, & à ueritate aliena. sed ne longius fiat, ad reliqua pergamus. Quod igitur ex Aristotele Iacomellus citat, id contra cum facit, si enim (ut quidem concedimus) propriè illius primi scientia est, reliquorum non ita propriè erit. Cum igitur ea quæ dicta sunt, non sint proprietates substantiæ, sed entis, quatenus ens est: cætera autem Prædicamenta suas & ipsa proprietates habeant, quamquam sint accidentia, ut ex eis quæ dicta sunt constat: sequitur, ut imperfectam rerum cognitionem traditurus fuerit Aristoteles, nisi de substantia, ut substantia, itaque de cæteris generibus, in Prædicamentis egisset: nusquam enim alibi de his agit, præterquam in illo libro.

Quædam non ita multo post subiungit Iacomellus, quibus uideatur (pace eius dixerim) uel ea quæ ipse scribit ignorare: modò enim de rebus, modò de uocibus loquitur. Sed quoniam de his satis superque superioribus libris disseruimus, ea nunc missa faciemus: in his enim, ut in reliquis, nihil sibi constat.

Dubitat deinde iste homo, atque hæc eius dubitatio oritur ex ijs quæ falsa sunt. Quare minimè mirum uideri debet, dissolutiones etiam esse illa ipsa dubitatione magis improbandas. Primum autem cum ex eis quæ dicta sunt, constet, actum, potentiam, unum, multa, & reliqua huiusmodi, non esse affectus substantiæ, sed entis: querit iste, cur in librum Prædicamentorum nihil egerit Aristoteles, de his affectionibus substantiæ, quas nono & decimo Primæ philosophiæ libro inuestigauit. Cur item nusquam in Prima philo-  
 phia



phia meminit eorum affectuum, de quibus agit in Prædicamentis?

Sed quid multa? nonne ex hac secunda eius quæstione sequitur id, quod nobis propositum fuit ostendere? Nam si proprietates eæ, quæ sunt in Prædicamentis, conueniunt substantiæ, quatenus substantia est, eodemq; modo reliquis generibus, ut testatur Aristoteles: de his autem nusquam alibi egit, quemadmodum iste confitetur: sequitur, ut imperfectam rerum cognitionem traditurus fuerit, nisi de his in lib. Prædicamentorum egisset.

Quod autem subdit, hoc etiam à ueritate plurimum abhorre, nullo negotio intelligi licet. cum à se ipso enim, tum ab Aristotele dissentit.

Nam Metaphysicus, inquit, considerat substantiam, ceteraque Prædicamenta, uniuersaliori quadam ratione: hic uero pressiori contemplatur.

Cum Aristotele autem, & secum pugnat, quòd Primus philosophus, si consideret substantiam uniuersaliori quadam ratione, non considerat substantiam, ut substantia est. Consequens uerò neque cum his consentit, quæ antè dixit, & contra Aristotelem maximè facit. Primus enim philosophus quærit principia substantiæ, ut superius ostensum est: ergo falsum est etiam, quod antecedit. Patet id autem ex eo, quòd considerare substantiam uniuersaliori modo, est considerare substantiam, ut est ens, atq; affectus entis, quomodo quidem considerantur omnia à Primo philosopho. Qui ergo ita considerat substantiam, non considerat ut substantia est.

Præterea, si liber Prædicamentorum angustius considerat substantiam, non considerat ut prædicatum, & subiectum, hæc enim latissimè patent. itaq; altera hæc differentia considerandi Prædicamenta, tollit primam. A se ipso igitur homo iste dissidet.

XXX  
sue ipsius  
opinionis  
euerfio.

Quod uerò subiungit,

Metaphysicum, cum altior sit artifex, & Diuinam illam substantiam, quæ purissima est, & simplicissima, speculetur, idcirco in Metaphysica speculari uniuersaliores ipsius substantiæ proprietates:

Hanc sanè causam perridiculam esse, qui dubitet, arbitror esse neminem. Nam ut Primus philosophus diuinam illam substantiam consideret, tamen nihil obstat, quo minus proprias ipsius substantiæ proprietates consideret. Quin illud etiam sequi uidetur, ex his quæ de consideratione Primi philosophi scribit, ut non possit ipse Primus philosophus considerare substantiam, quatenus substantia est.

SECTIO V.



Ed, Dii boni, quid de altera eius dissolutione dicendum est: hæc enim sunt illius uerba:

Cum lib. Prædicament. sit pars Logicæ facultatis, quàm iam organum philosophiæ statuimus, eas in eo lib. affectiones inue-

stigare

- „ stigare conueniebat, quæ philosopho naturali magis essent deser-  
 „ uituræ, quales proculdubio esse uidentur non inuuo contrariari,  
 „ non suscipere magis & minus, unam eandemq; numero susceptibi-  
 „ lem contrariorum, non autem actum, & potentiam, & reliquas.

Primum ergo sumit, librum Prædicamentorum esse partem Logicæ, id quod à nobis negatur. deinde ait, se statuisse, eam esse organum philosophiæ. Sed cur non est organum etiam Metaphysicæ? eumq; ita se habeat ad Primam philosophiam, quemadmodum ad naturalem, cur tacitas præterijt Aristoteles affectiones eas, quas ipse enumerauit: quæ quidem Primæ philosophiæ magis accommo- datæ essent. cum item Logica sit organum reliquarum omnium facultatum, idem etiam de cæteris facultatibus dicendum uidetur.

Præterea sequitur, ut hic liber magis sit pars philosophiæ naturalis, quàm Logicæ, & Primæ philosophiæ, cōtra quàm tamen suprâ iste dixit. Hoc autem sequi, patet ex eo, quòd quæ ibi considerantur, proprietates substantiæ, magis usui sunt philosophiæ naturali. Itaque liber ille magis est pars ipsius naturalis philosophiæ, quàm reliquarum facultatum.

Multas præterea difficultates habet illa ipsa eius dissolutio, in his, quòd sequitur, ut Prædicamenta sint de rebus, & duo habeat subiecta prædicamentum substantiæ: nempe substantiam ut res est, & substantiam ut est prædicatum. De ea enim (ut sentit ipse) ostenduntur proprietates, quatenus & res est, & subiectum, prædicatumq;. Sed illas ego difficultates cum breuitatis causa omittendas duxi, tum etiam quòd usque adeò falsa sunt, quæ dicit, ut me pudeat omnia persequi.

Quod uerò ait, proximam rationem meam obscuriorem esse, & quæ sequuntur: hoc quidem eius culpa fit, non ipsius rationis. Hanc ipsam autem rationem, ut nonnullas alias, de Commensario sustulimus, breuitatis causa: non obeam, quæ contra illam ipse protulerit. Cuius sanè rei magno illud argumento erit, quòd, quæ dixit, omnia dissoluemus: sed eorum qui legerint, iudicium erit. Neque uerò à nobis (ut iste calumniatur) neglecta est omnis dialectica argumentandi ratio. non enim dialectica ratione usi sumus, propterea quòd huiusmodi ratio nec firmam, & tenuem cognitionem gignit: sed demonstratiua ratione, quæ certam efficit, perfectamq; noticiam. Sed ad rationem ipsam redeamus. Valet igitur illa consequentia, Decem genera necessariò (sicuti ostensum est) considerantur, ut talia sunt: id est substantia, ut substantia, quantitas, ut quantitas, eodemq; modo reliqua. Ergo non possunt esse subiectum illius doctrinæ. nam decem essent subiecta. Docuit autem Aristoteles primo Posteriorum libro, unius scientiæ unum esse omnino subiectum.

Quare necesse est, unū sit subiectū eius doctrinæ. Sed cum nullum sigillatim ipsorum generū possit esse subiectū, necessariò est aliquid aliud,

aliud, quod hæc omnia, sicuti genus, comprehendat, quodq; de illis primò prædicetur: oportet enim, ut eorum naturam explicet. nam aliter perfectæ, absolutæq; eorum cognitio non haberetur. Sed quod ita se habet, est ens tantum. neque enim subiectum & prædicatum, neque aliud quicquam explicat naturam uniuersalem substantiæ, eo modo, quemadmodum se habet, ut est substantia: neque item reliquorum generum: ergo ens duntaxat est subiectum illius doctrinæ.

Confirmatur id autem ex eo, quòd ad quam facultatem spectant species, ad eandem spectat genus, aut id quod generis locum obtinet. eadem est enim, qua ipsæ species, natura. Quare cum substantia consideretur, ut substantia, & quantitas, ut quantitas, quod ipsius substantiæ, & quantitatis, cæterorumq; generum naturam obtinet, ibi considerari oportet: hoc autem est ens: ergo ens ibi considerari debet. Quam uerò causam affert Iacomellus, hæc à nobis x x x.  
iam refutata est: in ea enim (ut ostensum est) à se ipso dissidet. Quare sue ipsius  
opinionis  
euerfio.  
nullus est etiam alter sensus hominis, nec quicquam omnino contra nos facit.

Quod uerò conatur ostendere, consequens esse falsum, suam x x x l.  
ipsius opinionem euerit. Nam si ens, ut ens, non potest esse illius doctrinæ subiectum, quòd in illa non quærentur causæ entis, quatenus ens est, aut eius primi analogari, neque item substantia, ut substantia, considerari poterit in Prædicamento substantiæ, itaque esse subiectum illius Prædicamenti, quod tamen ipse concedit: ponit enim, substantiam ibi considerari, quatenus est substantia, itémque ut subiectum, cum tamen principia ipsius substantiæ, quatenus est substantia (ut patet, atque ut ipse facitur) ibi non tractentur.

Quod uerò ex quarto & septimo Primæ philosophiæ libro ostendit, oportere, doctrinam omnem quæreere causas sui subiecti: hoc uerum est in tota doctrina, non in singulis eius partibus. Prima enim philosophia (ut primo & tertio huius Apologiæ libro satis docuimus) comprehendit duodecim illos libros, & librum Prædicamentorum. Itaque ens, quod est subiectum in tota Prima philosophia, est subiectum etiam eius partis, quatenus illa pars tota prima philosophia continetur. suam enim non aliunde petit unitatem, nisi ab ente: & pertractatio decem illorum Prædicamentorum perinde est, ac decem unius doctrinæ libri. Neque uerò ego sic argumentatus sum, In hoc libro consideratur substantia, ut substantia, ergo ens est subiectum. quanquam etiam fortasse liceret ita dicere. Nam si in una aliqua doctrina consideratur una species, consideratur & alia: quòd si considerentur omnes species, consideratur etiam ipsum genus. Sed illa ego sum usus argumentatione. Substantia tractatur, ut substantia, eodemq; modo reliqua genera: ergo ens est subiectum, ut rationes meæ ostendunt. Cum igitur, si quis ita argumentetur, In hoc libro consideratur homo, ut homo, & alinus, ut alinus,

ut asinus, itaq̃ reliquæ species animalis: sequatur ob eas, quas attulimus, rationes, ut animal sit subiectum, ut ex lib. de Animalibus intelligi potest, qui non istum pudet negare, rationem illam rectè concludi: In hoc libro consideratur homo, ut homo: ergo animal est primum eius subiectum, ac meæ illius rationis similè esse: quam tamen ipse etiam fatetur assumere omnes species entis, cum ea, quam ipse affert,umat unam tantum animalis speciem. Oportuit autem con similes multas rationes asserre, ex quibus intelligi posset, quod ipse scribit, antecedens uerum esse, consequens autem falsum. Itaq̃ facile  
 20 perpersisisset, an alium argumentandi modum (ut ipse ait) deriderent,  
 20 qui argutam & Carneadis sapiunt dialecticam.

Quæ uerò subiungit, cum hæc scribat, propterea quòd quid ego mihi uouerim, non intelligit, frustra laborat. Volui enim dubitationem illam tollere, qua quotidie utuntur, qui à me dissentiunt, quiq̃ tamen rectius multò, quàm iste, loquuntur. Neque enim ipsi concesserint, substantiam tractari, ut substantia est, atque esse partem Logicæ. Nam (quemadmodum suprà demonstrauius, ac factis etiam res ipsa per se declarat) ex eo sequitur, ut non sit pars Logicæ. Volui ergo respondere ijs, qui ad argumentum meum dicerent, substantiam alio modo tractari, ostendens, decem illa genera considerari, ut talia sunt, quia sic describuntur. Docui autem, illa non tractari eo loco, quatenus referuntur ad opus, siue hoc opus sit effectio, siue actio: itaq̃ considerari, simpliciter, & absolutè. Quicquid enim per se consideretur in una aliqua facultate, id uel simpliciter considerari, uel in ordine ad opus.

Ex quibus planè constat, nihil ad rem facere, neque ullam omnino uim habere, quæ de hoc ipso opere iste scribit. Quod quidem cum per se, tum etiam ex eis quæ superiore libro dicta sunt, facile intelligi potest.

#### SECTIO VI.



Vm multi præterea essent, qui argumentis meis coacti illud responderent, Prædicamenta eo libro duobus tractari modis: altero modo, ut pertinent ad Primam philosophiam: altero, ut ad Logicam: contra eos, ita sum argumentatus, ut ostenderem, hoc dici non posse, propterea quod cum eo in libro considerentur decem illa genera simpliciter, & absolutè, hoc est, ut talia sunt, non possunt aliter considerari, hoc est in ordine ad opus: quo quidem ordine dicitur, aliquid considerari in una aliqua facultate, quod prius in alia consideratum sit absolutè, ut superius ostensum est. Illam quoque rationem attuli, quòd sic euerteretur natura facultatum. sequeretur enim, ut illa doctrina duo haberet subiecta, cū tamē omnis facultas unius sit omnino subiecti. Hoc autem ita ostendi, quòd res illa diuersis modis considerata, duo subiecta efficeret: itaq̃ lequeretur, ut unius facultatis duo essent subiecta. quod quidē intelligi nō posse mihi uidetur. Vna enim sciētia est, quæ  
 unius

unius est generis. Quocirca illud à me dictū est, intelligi non posse, quemadmodum una res diuersis modis cōsiderata, duo subiecta efficiat. Quin hoc ego sumpsi, ut id reflecterē, quod nonnulli dicerent, quemadmodum suprà demonstraui, itaq̃ ostendi falsum esse. Prædicamenta eo libro duobus modis considerari, qui quidem modi per se pertineant ad diuersas facultates, quod una facultas nō potest duo subiecta habere.

Atque hunc quidem fuisse sensum uerborum meorum, cum satis ostendunt ea quæ dixi, tum maximè declarant hæc uerba :

Si uerò dicatur duobus quidem modis, sed uno principaliter cōsiderari, hic ipse principalis modus erit Primæ philosophiæ: ut patet ex eis quæ dicta sunt, quæq̃ dicentur.

Quæ quidem apparet, idcirco scripsisse me, quod aliquis negare potuit, illud consequi, ut ibi duo sint subiecta: non enim considerari duobus modis principaliter. quòd si considerentur eo modo quo dictum est, constat hoc quidem sequi. ex quo intuli, ea esse Primæ philosophiæ, quòd subiectum sit illius ipsius facultatis.

Deinde in Commentario meo ostendi, ex ijs quæ traduntur in Prædicamentis, neq̃ doceri nos, nec posse doceri, animal & hominem, triangulum & figuram, itemq̃ cætera quæ habent inter se rationem generum & specierum, considerari, ut superiora & inferiora. Itaque à ueritate, & ab Aristotelis sententia discrepare eos, qui ita sentirent. Idq̃ quod antecederet, sic confirmaui (consequens enim satis ipsum per se patere uidebatur) quod doctrina quæ traditur in Prædicamentis, neque transcendit cognitionem substantiæ, ut substantia est, itemq̃ cæterorū generum: neq̃ potest transcendere, quia transiret ad particulares facultates. non enim fieri potest, ut intelligatur, animal superius esse præ homine: nisi illud cognitum sit, naturā animalis esse in homine, & in boue, & in reliquis speciebus. Quod quidem cū intelligere nemo possit, nisi philosophus naturalis, transiret doctrina illa ad omnes particulares facultates. non enim maior est unius ratio, quàm alterius: id quod magis etiam ostēdetur inferius. Neq̃ uerò in ipsis Prædicamentis quicq̃ traditur, ex quo possit percipi, animal superius esse præ homine. Neq̃ ullæ sunt proprietates, ex quibus hæc intelligi possint: ergo antecedens uerum est. Quòd autem potuit aliquis dicere, in hac doctrina ostendi, species esse magis substantias, quàm genera, itaq̃ mentionem fieri de homine & de animali: id respondi, quod ex ipso Cōmentario satis intelligi potest. Videant igitur docti homines, an iste, cum dicat assumptiones meas esse falsas, nec illas me satis ostendisse, ac nihil præterea respondeat, tueatur doctissimos illos homines, quorū opinionem professus est se uelle tueri. sic enim profectō omnia facile disuerentur. Citandum autem fuerat ex ipsis Prædicamentis aliquid, ex quo ea quæ scribit, perspicui possent. Ego enim uerbis illis quæ ex quarto libro Primæ philosophiæ protuli (ut extrema satis declarant) uolui ostendere, fieri posse, ut in Prædicamentis tractetur substantia, quatenus substan-

E tia,

tia, itemq̃ reliqua omnia genera, ac tamen consideretur homo, & animal, quatenus sunt substantiæ, itemq̃ species. Eadem tamen illa uerba declarant etiam substantiam, ut substantia est, considerari à primo philosopho, itemq̃ reliqua genera. idem enim & ipse Iacomellus ueritate coactus asserit, siue substantia uera sit species, siue pars subiectiua, nam id hoc loco nihil refert: nobis enim satis est, substantiam nunc ab eo dici speciem.

Vt sum præterea Alexandri testimonio, quod is ex uerbis Aristotelis colligit, diuisionē entis in x. genera, quæ sit in Prædicamentis, ad Primā spectare philosophiam. Atq̃ illud quidē assentior, consequi ex Alexandri uerbis, ut substantia, quatenus substantia, itemq̃ reliqua genera considerentur in Prædicamentis. Nam si consideratio illa spectat ad primum philosophum (ut iste etiam fateatur sensisse Alexandrum, primus enim philosophus maximè considerat substantiam, quatenus substantia est) liber ille est pars Primæ philosophiæ, non Logicæ. Quid enim obsecro, aliud facere uoluit Alexander, cū illud annotaret, nisi falsam illam nonnullorū opinionem refellere, qui existimarent librum Prædicamentorum esse partem Logicæ, non Primæ philosophiæ? Nam si species entis, ac specierum species, quoquo modo sumantur hoc loco species, spectant ad primum philosophum: Decem autem illa genera, in quæ diuiditur ens in Prædicamentis, sunt species entis, ut talia sunt (homo enim, ut homo, est species animalis) hæc ut huiusmodi sunt, spectant ad primū philosophum. Itaque sequitur ex dictis Aristotelis & Alexandri, id quod diximus, quanquam eo loco nobis aliud propositum fuit ostendere. Non ergo illud inuli,

- „ Si est uerum quod dicit Aristoteles, in libro Prædicamentorum  
 „ habetur substantiæ consideratio, & cæterorum generū, ut talia sunt:  
 „ itaque consideratio illa est Metaphysicæ.

Quanc̃p̃ id quoque si recte animaduertatur, ex Alexandri uerbis sequitur. Nam si consideratio illa est Primæ philosophiæ, necesse est considerentē, ut talia sunt. Primus enim philosophus propriè nullo alio modo considerat decem ipsa genera.

#### SECTIO VII.



Vm igitur satis pateat, uerba illa, Si enim de homine, ut homo est, & quæ sequuntur, ostendere id quod paulo antè diximus, in Prædicamentis scilicet considerari hominem, quatenus substantia est, itemq̃ animal: non hominem ut homo est, neq̃ animal ut animal, præter ea quæ à nobis in hanc sententiam disputata sunt, dubitari nō potest, quin omnia quæ contra illa uerba scribit Iacomellus, neque ad rem quicquam faciant, & nugæ sint. Quī obsecro, inter se pugnant quæ à me dicta sunt: substantiam considerari in Prædicamentis, ut substantia est, itemq̃ reliqua genera: hominem non considerari, ut homo est, itaq̃ animal. Nam quod infert,

Si

Si talia, ut sic considerentur, cæteras scientias fore superuacaneas:

Si uero Talia intelligit id quod à me dictū est, hominem scilicet, ut homo est, non uideo, quemadmodum ab ijs discrepem, quæ antè dixerim. Sin id quod eius uerba significant, hoc est substantiam, ut substantia est, qui idem asserat, reperiri sanè arbitror neminem.

Hæc ego autem ratione sum usus, cum ostenderem, hominem, & reliqua huiusmodi non considerari in Prædicamentis, ut talia sunt. Nam si una species eo libro sic consideretur, considerantur eodem modo omnes: non enim maior est ratio unius quàm alterius. Quod si ita esset, igitur omnes scientiæ essent superuacaneæ. necessariū enim esset, ut omnium harum specierum proprietates & principia propria considerarentur, hoc enim perspicuum est: non enim aliter considerari possunt ut tales. At cæteræ scientiæ non sunt superuacaneæ: ergo falsum est, hominem ut homo est, itemq; reliqua, considerari in Prædicamentis. Quòd si considerantur, hoc fit, quatenus substantiæ sunt, id quod nobis propositum fuit ostendere. Ex quibus quidem uidetur patère, nullam omnino uim habere, quæ hoc loco scribit, ac maxime præter rem esse. Quid enim ad meam illam rationem, quam demonstraui, hæc pertinent?

Aliæ scientiæ speculantur hominem atq; animal, & reliqua genera eo modo, ut per propria horum principia proprios, ac per se affectus demonstrent. In libro autem Prædicamentorum considerantur, ut superiora & inferiora primò per se, eorum principijs affectibusq; necessarijs ignoratis, aut saltem non exquisito modo cognitis.

Quid præterea attinet negare antecedens, quod falsum esse ratio mea ostendit, ut patet ex demonstratione mea? Hoc professio mihi uidetur declarare, hominem istum, quæ ipse scribit, penitus ignorare: his enim rationibus utitur, quasi ego dixerim, hominem, ut homo est, considerari in Prædicamentis. quod tamè ait ipse, cum dicat, Aristotelem nō id omnino excludere: deinde negat quod idem ego negaui. nec ultima pars respōdet ijs quæ prima parte scripserat, cum diceret, me ab ijs quæ antè dixeram, dissentire.

SECTIO VIII.



Ecum etiam pugnarent in ijs quæ dicunt, & cætera: hoc argumento reuersus sum, ad ostendendum id quod alijs rationibus antè ostenderam. Quas quoniam egregius iste uir non satis percepit, negauit à me esse allatas. Sed ex ijs quæ superius disputaui, patet, quàm longè isti recedant à ueritate.

Hæc igitur ratio ducitur ex his quæ concedunt nonnulli interpretes, itaq; est (ut aiunt) ad homines. uera tamen est, ac firmissimo tantum fundamento nititur. est autem huiusmodi. Si animal tractaretur in Prædicamentis, ut superius, & homo ut inferius, spectarent ad secundam intellectus operationem, itaq; in Prædicamentis ageretur de secunda intellectus operatione. At sentiunt ibi non agi de secunda intellectus operatione, sed tantum de prima: ergo à seipsis disside-

rent. Priorem consequentiam ostendit Gactanus, qui hac ratione adductus negauit Prædicamenta considerari, ut sub, & suprâ. Hæc autem sunt illius uerba:

Et sic patet intentio operis, & quod conuenientius ponitur subiectum huius libri, si subiectum aliquod sibi assignandum est, ens præponibile primæ operationi intellectus, quàm ens ordinabile secundum sub & suprâ. hoc enim ad secundam spectat operationem, ad quam hic liber non primò refertur.

Nam considerare aliquid secundum sub, est considerare, ut inferius. inferius enim est sub superiori. Considerare autem secundum suprâ, est considerare ut superius. Reperitur ergo, qui ueritate coactus, idem quod nos sentiat, contrâ quàm tamen iste putauit. Hoc item illa ratione confirmari potest, quod intelligi non licet, animal esse superius præ homine, ac rursus hominem inferius, nisi intelligatur, animal complecti hominem. At non è contrario sic, ut sciamus, omnem hominem esse animal, nō omne animal esse hominem: hoc autem pertinet ad secundam intellectus operationem: ergo uerū est quod dixi. Sed quoniam de his tertio libro Apologie plura disseruimus, contenti erimus hac una ratione, quæ tamen (ut ego quidem arbitror) dissolui non potest. Cætera uerò quæ in hanc sententiam iste scribit, sunt nugæ, ac nihil sanè ad rem faciunt, de quibus tamen eodem tertio libro disputauimus. Vbi igitur respondet meæ illi rationi, Neq; si talis cognitio ex eo libro colligeretur, & cætera: uideatur & à seipso dissentire, & ab expositoribus ijs, quos tamen se sequi proficitur. Ait enim, illud se persæpe dixisse:

In Prædicamentis primitus cōsiderari quæ prædicantur in enunciationibus, ea scilicet ratione, qua prædicantur ac subiiciuntur.

Ex quo quidem sequitur, ut liber Prædicamentorum non sit de primis rerum nominibus, neque de uocibus significantibus res, nō quatenus secundum aliquam proprietatem figuramq; formantur, sed ut significantes sunt: quod contra Boëtium tacit, Hammonium, Simplicium, atq; adeò contra ipsum. hos enim se penitus sequi proficitur. Consequentia autē sic ostenditur, quòd cōsiderare substantiam, ut est prædicatum, uel subiectum, non est considerare illam ut significat res. Quòd si in Prædicamentis consideratur ut subiectum, atque ut prædicatum, non consideratur ut significat res. Maior ex eo patet, quòd considerare substantiam, ut est nomen & genus, non est considerare eam ut significat res. Itaque considerare substantiam ut subiectum, uel ut prædicatum, non est considerare eam ut significat res. Consequentia ita probatur, quod non maior ratio est unius quàm alterius. omnes enim (ut sentit ipse) termini sunt, qui ad Logicam spectant, & secundæ intentionis. Antecedens confirmat Boëtius (hoc enim argumentum duximus ipsi ex opinione aduersariorum) qui ita scribit:

Prima igitur illa fuit nominum positio, per quam uel intellectui subiecta, uel sensibus designarent. Secunda consideratio, qua singulas no-



las nominum proprietates, figurasq̃ perspicerent ita, ut primum no-  
men sit ipsum rei uocabulum: ut uerbi gratia, cum quaelibet res ho-  
mo dicatur: quod autem ipsum uocabulum, id est homo, nomē uo-  
catur, non ad significationem nominis ipsius refertur, sed ad figu-  
ram, ideirco quod possit casibus flecti: ergo prima positio nominis  
secundum significationem uocabuli facta est, secunda uerò secun-  
dum figuram. & est prima positio, ut nomina rebus imponeren-  
tur: secunda uerò, ut alijs nominibus ipsa nomina designarentur.  
Nam cum homo uocabulum sit subiectæ substantiæ, id quod dici-  
tur homo, nomen est hominis, id est ipsius nominis appellatio est.  
Dicimus enim, quale uocabulum est homo: & proprie responde-  
tur, nomen. In hoc igitur opere hæc intentio est, de primis rerum no-  
minibus, & de uocibus res significantibus disputare, nō in eo quod  
secundum aliquam proprietatem figuramq̃ formantur, sed in eo  
quod significantes sunt.

Si ergo considerare hominem ut nomen, non est (uti patet) con-  
siderare eum quatenus significat, consideratur ut subiectum et præ-  
dicatum: hæc enim non sunt prima rerum nomina, sed nominum no-  
mina, quod genere etiam & specie testatū reliquit idem Boëtius his  
uerbis, cum multa antè dixisset.

Nam quoniam de indiuiduis solus homo prædicatur, ideirco  
species dicitur. & quoniam de specie differentibus animal dicitur,  
ideirco animal genus uocamus, & sunt quodammodo nominum  
nomina. Quare neque genus de animali, neque species de homine in  
in eo quod quid est prædicatur, sed tantum designatiua est illa, quo-  
modo homo & animal de subiectis (ut dictum est) prædicentur  
proprijs. Subiectum ergo & prædicatum sunt nomina nominum,  
& ipsa designatiua.

Ergo sequitur, ut considerare hominem, quatenus subiectū est &  
prædicatū, nō sit cōsiderare eum ut significat res. Itaq̃ ab expositor-  
tribus dissentit Iacomellus, & à seipso, quippe qui eos sectatur.

XXXII.  
sue ipsius  
opinionis  
euerfio.

SECTIO IX.



Ræterea considerare substantiam, ut significat rem, non  
est cōsiderare substantiam, ut habet ipsum esse per opus  
collectiuum intellectus, consideratur enim, ut cadit sub  
prima intentione: quod etiam ostendit Boëtius loco ci-  
tato, itaq̃ue ut significat res. Sed cōsiderare substantiam, ut est præ-  
dicatum, uel subiectum, est considerare eam, quatenus habet ipsum  
esse per opus collectiuum intellectus, uti sentit ipse Iacomellus: ergo  
considerare substantiam, ut subiectum & prædicatum, non est con-  
siderare eam ut significat res. Minorem comprobant, quæ ille in ter-  
tio suo supposito ita scribit:

Sic etiam apud intellectum suo modo, cum ampliorem quidita-  
tem minus amplæ quiditati confert actu, quem diximus, compara-  
tuo, aut etiam indiuiduis, per eorum sensiles species intentionibus

„sensibus existentibus, necessario hæc obiecta cognita, & ut sic inui-  
 „cem comparata, respectus aliqui, aut etiam relationes insequantur;  
 „qui cum in intellectu sint, & per huiusmodi actum collatiuum ori-  
 „antur, rationis, & non naturæ, aut rei esse dicuntur. Hæc igitur,  
 „aut relationes rationis, aut secundæ intentiones, aut secundi conce-  
 „ptus, aut secundò intellecta appellata, cum obiecta cognita sic in-  
 „quuntur, & in eis ab intellectu sic comparante derelicta fuerunt, ta-  
 „les quiditates, siue naturæ, siue entitates denominare poterit. Vt  
 „enim Socrates (ut diximus) paternitate, quam sibi illo actu acqui-  
 „rit, pater denominatur, & Plato filius: pari modo unum obiectum  
 „cognitum, genus, aut species, superius, inferius, prædicamentum,  
 „subiectum, denominari poterit. Quod enim animal appellabas co-  
 „gnitum recto actu, id denominas genus comparatione facta. Hinc  
 „sunt tibi multa dilucidata, quid prima intentio, quid secunda, quid  
 „nomen primæ, quid nomen secundæ, quomodo differant, quomo-  
 „do fiant, ac innumera, quæ uti dissimulasse necesse est, ita & ignorat  
 „se impossibile. Propterea doctissimus Boëtius, uocabula hæc, ut ge-  
 „nus, species, & similia quæ secundas has intentiones, ut primis in  
 „extremas explicant, quasi uocabulorum uocabula in Antefix dicitur.  
 „mentorum expositione appellauit.

xxxiii. *sue ipsius  
opinionis  
euerfio.* Ergo considerare substantiam, ut genus, & ut prædicatum, est  
 considerare eam (ut ipse concedit) quatenus habet esse per opus in-  
 tellectus. Itaque sequitur, non considerari, quatenus significat res.  
 Quod tamen cum ipse fateatur, & sibi, & expostoribus aduersatur.

Neque uero potest hæc argumenta diluere, si ita dicat, In Præ-  
 dicamentis considerari substantiam primò, ut prædicatum: secun-  
 do loco, ut significat res. hi enim ipsi considerandi modi sese inuicem  
 euerunt. Nam alia est consideratio, ut habet esse per intellectum:  
 alia, ut habet esse in re. Quæ quidem diuersæ considerationes simul  
 esse non possunt.

Præterea, si considerare substantiam ut prædicatum, est ratio  
 formalis, considerare eam ut significat res, non potest esse ratio for-  
 malis. ratio enim formalis significat primam considerationem.  
 Quod si dicat, rationem formalem esse considerare substantiam, ut  
 significat res, hæc dici non potest secunda consideratio.

Eo accedit, quod hoc euerteret opinionē Boëtij, qui à cōsideratio-  
 ne libri Prædicamentorum exclusit cōsiderare hominem, ut nomē:  
 itaq; ut prædicatum, uel subiectum, uti patet ex his quæ dicta sunt.

Quin illud etiam absurdissimum sequitur, ut cum uoluerit Boë-  
 tius explicare primum finem, et secundum illius libri, omisso primo,  
 secundum tantum explicauerit.

#### SECTIO X.



X quibus quidem uidetur patere, quàm bellè uir iste e-  
 gregius, & suam, & eorum quos sectatur, opinionem e-  
 uerrat, ubi sic scribit:

„ Qui hanc rem commodius assequantur, prædicato-  
 rum

rum ac subiectorum significata posthabere nō solent: quod tamen si ex-  
quisitam, ac omnimodo exactam (ut priuatos talium rerum specu-  
latores tenere oportet) intelligentiam non habeat, à sensibus tamen  
ipsis, atq; à primo ipsius intellectus lumine, quod natura nobis inge-  
nuit, quantum suo negotio conuenit, cognitionem habere potest,  
qua id quod intendit, exequatur. Si enim hæc cognoscuntur à Lo-  
gico (ut inquit ipse) sensu, & lumine intellectus, minimè necessarius  
fuit liber Prædicamentorum. is enim nō tradit sensum & intellectū.

Præterea, qui hæc tenet, cur non magis est philosophus natura-  
lis, ad quem spectat intellectus & sensus?

Adde, quod si ambigatur, an corpus sit genus animalis, cum hoc  
nō sit principium, est conclusio. sed quod est conclusio, sciri potest  
per demonstrationem. quod autem sciri potest per demonstrationē,  
nō potest sciri sine demonstratione. falsum est igitur, huiusmodi co-  
gnitionē proficisci à sensu, & à lumine intellectus. Præterea à sen-  
su, & à lumine intellectus proficiscuntur tantummodo principia, ut  
patet ex secundo Posteriorum libro: hæc autem non sunt principia,  
ut dictum est: ergo non habentur sic.

Quorsum uerò spectat, quod ait Porphyrium adiutū tali cog-  
nitione, quinq; Prædicamentorum doctrinam nobis traderet: nihil e-  
nim ad hoc pertinet, si ambigat, an animal sit genus hominis. Quæ  
præterea subdit, aliena sunt ab his quæ hoc loco disputantur. nega-  
mus enim ipsi, Logicū posse cognoscere, uerbi gratia, animal esse in  
eo quod quid est hominis. Nā si id cognosceret Logicus, posset etiā  
cognoscere, ipsum animal esse genus hominis. at hoc non potest co-  
gnoscere Logicus, ut ostensum est: ergo recte diximus. Si enim hu-  
iusmodi cognitionē liber ille traderet, tantū quidē abesset, ut esset  
pars Logicæ, ut hinc etiam ostendi posset contrarium.

Quod uerò subiungit, Aristotelem in his locis quos citauit, qui  
quidem (ut dictum est) maximè præter rem sunt, ostendisse, has uo-  
ces, Animal, corpus, substantia, esse genus, cum ex ipsius naturæ in-  
telligentia constet prædicari de aliquo in quid, & non conuerti. Si  
ex ipsius naturæ intelligentia constet, hæc prædicari de aliquo, ne-  
que conuerti, cum nō sit maior ratio unius, quàm alterius: idem erit  
dicendum de omnibus ijs quæ prædicantur in quid. Itaque à seipso  
dissidet, cum ait,

XXXXIII.  
sue ipsius  
opinionis  
euerfia.

Licet inficias nō eamus, si quæ fortè in medium afferantur uoces,  
quarū modus prædicandī nos latuerit, uidelicet in quid, aut in qua-  
le, conuersim, aut nō conuersim, & eas esse genus, aut species, aut ali-  
quod cæterarum prædicabilium ignorare nos oportere.

Aut ergo idem est dicendū de omnibus, hoc uidelicet ex intelligen-  
tia naturæ fieri, aut neq; etiā de animali præ homine, cū ita ille inferat  
Quod de animali dictum est, & de animato corpore, ac reliquis  
dicere possumus.

Præterea ratio illa, quam affert, Aristotelis, est communis omni-  
bus: ergo manet difficultas.

Adde quod uniuersale est, quod à me dictum est, dixi enim de cæteris: Præterea, si hoc sit ex intelligentia naturæ, non erit ex rationibus Logicis.

Quod uerò de Topicis ait, si res ita se habeat, ut à me dictum est, Aristotelē non seruaturū fuisse ordinē, quippe qui libros Top. libris de Natura præposuit. uidetur illud ignorare, in Topicis tradi propositiones maximas, quibus in unaquaq; facultate argumētari licet ad illa quatuor problemata, idq; proprium esse Dialectici munus & officium. Atq; hanc quidem ob causam librum Topic. præcedere.

#### SECTIO. XI.



Illam autem rationem, qua ostendi, Logicum non cognoscere, animal esse genus hominis, itaq; de cæteris, sic responder,

» Me grauius errare, atque ideo sese putasse, succurren  
» dum esse his pulchris dictis. Pōnendo prius nonnulla, quorum  
» primum iam refutauimus, ac cætera omnia nullo sanē negotio refuta  
» bimus, ut quæ apertissimē falsa sunt. Negamus igitur, Logicum  
» esse hominem, qui (ut ipse ait) multarū rerum quid nominis, & uia,  
» sensus, ac natui luminis cognitionē habeat. Intelligendo multas res  
» quæ nō sint affectiones entis. Nam ipse nō potest cognoscere, nisi ea  
» quæ ad se spectant, ut ex ipsarum facultatum natura planē constat.

Illud etiam perspicuē falsum esse arbitror, Logicum non ignorare significationes uocum ex habitu Grammaticæ. Grammatica enim non docet uocum significationes, sed suos quæq; facultas terminos habet, quorum tenet significationes.

Huc accedit, quod cum Grammatica communes regulas tradat, sicuti facit Logica, non tenet proprias uocum significationes: non enim traderet regulas. Communes autem regulas illam tradere, patet ex eo quod illis regulis utimur in omnibus facultatibus.

Præterea si Grammaticus cognosceret uocum significationes, cognosceret & definitiones. ratio enim, quam significat nomen, est definitio, ut patet ex quarto Primæ philosophiæ libro: ergo principia omnium scientiarum, quæ definitiones cognitæ habent, pertinerent ad Grammaticum. Quod quidem quantopere à ueritate abhorreat, nemini obscurum est.

Ex quibus planē constat, illud non consequi, ut Logicus sciat hanc propositionem esse ueram, Omnis homo est animal: rursus hanc esse falsam, Nullus homo est animal: tum quia falsæ sunt ipsius Iacomelli positiones, tum quia satis hoc ipsum per se cōspicuum est. Cum enim ex eo quod res est, uel non est, dicatur oratio uera aut falsa, non potest Logicus cognoscere propositionē illā esse uerā, nisi intelligat ita esse in re. Quod autē dicitur de hac, dicitur de reliquis omnibus: ergo pertinet ad oēs facultates. Ita uerò Logicus cognosceret omnia. nam cum ueritatē tenere nō possit, nisi sciat ita esse in re, non potest scire ita esse in re, nisi per aliquid, quod perspicuē ostendat id quod

quod ipse cognitum habet esse in re. aliter enim non certam haberet, exploratamque illius rei ueritatem. Ex quo planè sequitur, ut cognoscat omnia: itaque cæteræ facultates erunt superuacaneæ.

Sed quo lumine, quibus tandem signis docet Logica cognoscere, animam rationalem esse immortalem: Deum esse unum: Motum non fieri in instanti: elementa non remanere actus: in mixtis non esse uacuum: corpora plethorica esse phlebotomanda: & cætera id genus, quæ singula in singulis tractantur facultatibus?

Quod si non docet harum propositionum ueritatem, neque item illarum quæ dictæ sunt.

Quod uerò ait, secus esse, propterea quia Logicus facit talem consequentiam, quælibet singularis huius datæ uniuerſalis est uera, omnis homo est animal, ergo data uniuerſalis est uera:

Si dicatur, uera esse uniuerſalis propositio, cuius quælibet singularis est uera, Logicus quidem potest tradere huiusmodi regulas: sed ostendere hanc propositionem esse ueram, omnis homo est animal, propterea quod illa est uera, Socrates est animal, & illa, Plato est animal, itemque reliquæ huiusmodi, id uerò proprium est philosophi, non Logici. Ad quam enim facultatem spectant uniuerſalia, necessariò spectant etiam singularia, siquidem ex his sunt ipsa uniuerſalia. Quare regula quidem potest esse Logica, exemplum autem est naturale.

Præterea ex eo quod ipse ait, sequitur, ut nihil omnino inter se differant, cum principia scientiarum & artium, tum principia ipsarum scientiarum: omnia enim habentur ex sensu. Itaque non magis pertinerent ad hanc facultatem, quam ad illam, aut tantummodo pertinerent ad Logicam. Quod quantopere à ueritate abhorreat, satis suprâ ostensum est. Quemadmodum enim alia subiecta aliæ habent facultates, sic alia habent principia, ut docet Aristoteles primo Posteriorum libro, his uerbis:

*Altera scientia est ab altera, quorumcunque principia, neque ex eisdem, neque altera ex alteris. huius rei signum est, cum indemonstrabilia ueniant, oportet enim, ipsa in eodem genere esse his quæ demonstrantur. Signum autem huius est, cum demonstrabilia per se ipsa in eodem genere sunt, & proxima omnia.*

Præterea, cum omnia principia habeantur ex inductione, inductionis autem ex sensu, itaque omnia principia proficiſcantur à sensu, ut patet ex primo & secundo Posteriorum libro: si principia idcirco spectarent ad ipsam Logicam, quod ex sensu percipiuntur, omnia principia dubio procul spectarent ad ipsam Logicam. Quod quidem esse falsissimum, ex eis quæ dicta sunt, in dubium uenire non potest. Videant igitur uiri periti, quid cogantur dicere, qui

falsas sequuntur opiniones.

Seçtiõ



Ac etiam ex his quæ dicta sunt, illud falsum esse, Logicum sibi conficere eum quem expositorium uocant syllogismum, ad hunc modum: Hoc est homo, ostenso Socrate: & hoc est animal, ostenso eodem ipso Socrate: igitur homo est animal. Aliter enim insequeretur ea quæ demonstrauimus, absurda. Quod autem ad hanc suam opinionem confirmandam Iacomellus assertit, hoc sane perridiculum est. declarat enim, illum nullam penitus habere cognitionem lib. Prior. Nam regula illa est Logica,

Vniuersalem quidem priuatiam in eo quod inesse, terminis conuerti necesse est. Exemplum uero non est Logicum: ut, Si nulla uoluptas est bonum, neque bonum ullum est uoluptas. Cum igitur Aristot. utitur hoc exemplo, nullum b est a, non est hoc exemplum Logicum, sed perinde est, ac si diceret, nulla uoluptas est bonum, ergo nullum bonum est uoluptas, uel, Nullus homo currit, ergo nullum currens est homo. Hoc autem ita esse, ostendit Auerroës his uerbis:

» Exemplificatio in literis digna est, ut non putetur in eo quod ostendatur ex hoc, ut sit quidem sequens propter materiam.

Ioannes licet Grammaticus,

» Cum ostendisset, inquit, quomodo unaquæque propositio-num conuertitur per exempla, ne quis propter materiam assumptas esse propositiones, ueluti propter aliquid alterum sibi accommoda-re sermonem de conuersionibus.

» In manifestum autem est, nunquid omnino essent aliqua exempla, in quibus dictæ conuersiones locum non habent. propter hoc hic uniuersales regulas tradit, assumens elementa pro terminis, ut unusquisque qualem materiam uoluerit, pro elementis assumat, ostensa ratione uniuersaliter, & materialiter in elementis.

Vult ergo Ioannes quod hæc elementa esse pro exemplis in materia, itaque ad facultatem aliquam pertinent. Nam quemadmodum hæc propositio, Linea est ex punctis: non pertinet ad Logicum, etsi constituta est in primo modo dicendi per se in Logica: ita etiam non Logica est illa propositio, Nulla uoluptas est bonum, quamuis adhibeatur ad declarandam regulam. ostendit ergo, in materia Aristoteles, id quod tradidit in regula: sicuti facit in eodem libro Priorum, ostendens in materia regulam aliquam modo esse, modo non esse rectam.

Sed de his ipsis elementis, quibus utitur Aristoteles pro exemplis, non minus fortasse recte, quam dixerit Ioannes Grammaticus, & Auerroës, illud dici potest, Aristotelem cum intelligeret adolescentes, qui discerent conficere hos syllogismos, non posse eos exercere in materijs, quæ scientiarum & artium essent, usum esse ipsis elementis quæ essent omnibus nota.

Hoc autem ita esse, uidetur ex eo posse colligi, quod cum materia syllogismorum sint omnino tres, De inesse, necessaria, possibiles: si in conuersionibus propositionum attulit Aristoteles exemplum in materia de inesse, regula autem uera est tantummodo in propositionibus de inesse,

in esse, non uideo, quemadmodum putet aliquis hoc sequi propter materiam necessariam, ad quam non pertinet ipsa regula. Neque (meo quidem iudicio) attinebat in singulis materijs separatim & syllogismorum & conuersionum regulas tradere, si ita accepisset elementa, ut omnem materiam intelligeret. Quare cum sua cuique materię elementa assignauerit, non uidetur incommode omnino dici, hoc illum idcirco fecisse, quod adolescentes qui discerent, nondum nominum cognitionem consequuti essent. Quoquo modo autem sese res habeat, illud certè uerum est, exempla esse aliarum facultatũ, non Logicę, si sunt in terminis, qui non sint affectus entis. Itaque falsum est, Logicum, quatenus Logicus est, posse iudicare, uocem Animal uerè prædicari de hac uoce Homo.

## SECTIO XIII.



Ed cū ego dixerim, in Prædicamentis nihil aliud tradi, nisi naturas & affectus x. generum, specierumq; duntaxat, ut ipsius generibus subiiciuntur, neque ibi tractari animal, ut est superius & inferius; atque ut etiam in illo libro huiusmodi cognitio traderetur, tamen nō esse Logicam: quis non iure miretur istum hominem hæc scribere?

Ostendo, inquit, quod similiter cognoscere poterit, quod prædicatur in quid, primum quia iam scit ex habitu, ac doctrina libri Prædicamentorum, esse uoces eiusdem prædicamenti substantiæ, & alteram superiorem, & reliquam inferiorem, & tales prædicari in quid, ut inductione. Illud etiam non mediocrem mihi admirationem affert, quod subdit:

Præterea facta interrogatione ipsi Logico, quid est homo? sciet, se recte respondere, quod est animal.

Hæc enim omnia iam negauimus. Vnde autem didicit egregius iste uir, hanc rationem esse Logicam, cum solo modo interrogandi innitatur? Quid non ne Aristoteles? Poster. lib. ita scribit:

Quod si eadem est interrogatio ratiocinatio, & propositio contradictionis, sunt autem in unaquaque scientia propositiones, ex quibus uniuscuiusque propria conficitur ratiocinatio: erunt porro quædam interrogationes ad singulas scientias attinentes, ex quibus fit cuiusque propria ratiocinatio. Patet ergo, non omnem interrogationem Geometricam esse, neque ad medendi artem omnem accommodari, & pari modo de cæteris. Sed ante ea ex quibus aliquid ostenditur, de quibus est Geometria, aut ea quæ ex eisdem demonstrantur, ex quibus Geometria demonstrat.

Et paulo post:

Nec igitur artificem quenque quæuis percunctari, neque ad quamuis interrogationem de singulis respondere oportet, sed ea tantum quæ in scientia sua determinata.

Quod

Quòd si unaquæq; facultas proprias habet interrogationes, hæc autem est in terminis philosophiæ, bis peccat homo iste: semel cum dicit hanc esse interrogationem Logicam, quæ est in terminis philosophiæ naturalis: atq; iterum, cum dicit esse Logicam, quod solo modo interrogandi innitatur, quasi cæteræ facultates non interrogent. Quod quidem esse falsum, apertè ostendit Aristoteles ijs quæ suprà recitauimus uerbis.

Deceptus est autem uir iste egregius, quod existimauit Logicam eandem esse, quam Dialecticam: ac fortè legit, quæ l. Poster. lib. scribit Aristoteles de Dialectica, ad hunc modum:

„ Sed Dialectica non est sic definitorum quorundam, nec generis  
 „ alicuius unius est. non enim interrogaret demonstrantem. idem non  
 „ est interrogare propter id quod oppositorum esse non demonstrat,  
 „ idem et in primo Priorum dicentes. Differt autem demonstratiua  
 „ propositio à Dialectica, quoniam demonstratiua quidem sumptio al-  
 „ terius partis contradictio est: nō enim interrogat, sed sumit, qui de-  
 „ monstrat. Dialectica uerò interrogatio est contradictionis.

Duplex est autem ratio, cur homo lapsus sit: & quòd Dialectica non est Logica, ut ostensum est: & quòd quamuis Aristoteles dicat, demonstrantem non interrogare, tamen non euerit id quod citauimus. nō debet enim demonstrator sic interrogare, quemadmodum Dialecticus. Nam Dialecticus interrogat utramque partem contradictionis: Demonstrator uerò alteram tantum partem, ut sciat, non ut probeat, contraria. Id quod ostendit Aristoteles, cum loco citato primi Posteriorum libri, ubi reddit causam, quare Demonstrator non interroget: tum uerò maximè octauo Topic. libro, his uerbis:

„ Non uidetur autē, omne uniuersale Dialectica propositio esse,  
 „ ut quid est homo? aut quot modis dicitur bonum? est enim Diale-  
 „ ctica propositio, ad quam est respondere sic, uel non. Ad dictas au-  
 „ tem non est, quare non sunt Dialecticæ huiusmodi interrogationes:  
 „ nisi ipse determinans, uel diuidens dicat, putás ne bonum? uel sic, uel  
 „ non sic dicitur. Nam ad talia facilis responsio, uel affirmando, uel ne-  
 „ gando, quapropter tentandum sic proponere huiusmodi propositio.

Patet igitur, illas esse interrogationes Dialecticas, ad quas pariter licet respondere, aut etiam, aut non. Ad quas uerò nō licet sic respondere, ex non sunt interrogationes Dialecticæ, sed poterunt esse demonstratiuæ.

Item libro secundo Perihermenias,

„ Simul autem, inquit, manifestum est, quoniam nec hoc ipsum quod  
 „ est, Dialectica interrogatio est: oportet enim, datum esse ex inter-  
 „ rogatione, eligere utrum uelit contradictionis partem enunciare. sed  
 „ oportet interrogantem determinare, utrum hoc sit homo, an non hoc.

Hinc



Hinc igitur facile intelligi licet, quàm longè homo à ueritate aberraret, existimans omnes interrogationes esse Logicas, nec quicquam interesse inter Logicam & Dialecticam.

SECTIO XIII.



VA uerò insequuntur, usq' ad illa uerba,

Præterea cogor hic desiderare circumspectam illam argumentandi formam.

Hæc esse falsa, satis ex his quæ dicta sunt, constare arbitror. Illud enim ab omni ratione alienum est, Logicam, cum organum sit philosophiæ, posse uti eius terminis. nam est organum reliquarum etiam facultatum iuxta, ac philosophiæ: quod & ipse uidetur testari. Non enim conclusio illa, Syllogismus est ex tribus terminis, & ex duabus propositionibus: magis est organum naturalis philosophiæ, quàm moralis, quàm Primæ philosophiæ, & reliquarum facultatum. Ex hoc autem sequitur contrarium, ut uidelicet, quoniam Logica est organum, non possit uti huiusmodi terminis. est enim organum, propterea quòd docet constituere instrumenta, quæ diximus esse organa. Neque uerò, cum doceat illa constituere (ut in nostro Còmentario satis ostendimus) utitur terminis philosophiæ, sed his qui sunt affectus entis, non tamen absolutè. Quòd autem illud Iacomellus opponit,

Philosophum naturalem cognoscere, animal rationale esse de sententia ipsius hominis, & declarare ipsius quid est: per Logicam uerò cognoscere, ipsum esse definitionem hominis:

Hæc demum est utilitas, quam nos Logicam præstare docuimus.

Præterea si egregius iste uir naturam definitionum teneret, quæq' de hac re tradit Aristoteles, non diceret profectò,

Se à me desiderare circumspectam illam argumentandi formam, quam me ualentissimum Dialecticum uti deceret.

Vidisset enim, multa à se dicta esse, quæ minimè dicenda fuerant: neque me uti oportere, hac in re, Dialectica ratione, sed demonstratiua, cum illud scilicet mihi propositum sit, ut quoad possem, rem ueris, certisq' rationibus ostendam, non fidem tantum faciam. Sic igitur argumentatus sum. Ex sola definitione definitionis intelligi non potest, animal rationale esse definitionem hominis, quod tamen magis fieri posse uidetur: ergo ex definitione generis non possumus discere, animal esse genus hominis. Consequentia perspicua est ex ijs quæ in Commentario disputauimus. Ergo neque illud etiam cognoscet Logicus, animal esse superius, si cum homine comparatur. eadem est enim (ut patet) ratio. Huiusmodi igitur cognitio non erit pars Logicæ, quemadmodum diximus. Antecedens autem, quod uerbis Aristotelis comprobatum est, ratione etiam ita confirmari licet. Si, exempli gratia, hoc discendum sit, animal rationale est definitio hominis, disci debet per syllogismum: est enim cognitio completa. ergo necesse est, ut discatur ex illa cognitione, quid sit prædica-

F tum,

tum, quæ quidem est definitio ipsius prædicati. itaque disci non potest tantummodo ex definitione definitionis. Sequeretur enim, ut in doctrinis, & in disciplinis minimè necessaria esset antecedens illa cognitio, quid sit subiectum, & quid prædicatum, siue comparatur huiusmodi cognitio à priori (communior enim uocabulo accipimus quid in hoc loco) siue à posteriori. Nam disceremus aliunde, atq; ex antecedente illa cognitione, quid sit prædicatum.

Ita uerò esse, patet ex eo loco Aristotelis, quem in Commentario citauimus, ubi ostendit (ut Logicorum more loquar) petitionem esse principij cognoscere ex definitione definitionis, aliquid esse definitionem alicuius rei. Hæc autem sunt illius uerba:

„ *Amplius, sicut n. que in syllogismo accipitur quid est syllogizans,*  
 „ *rec semper enim aut tota, aut pars, est propositio, ex quibus est syllo-*  
 „ *gismus* „ *Ita nec quod quid erat esse, oportet inesse syllogismo, sed seor-*  
 „ *sum hoc appositis esse, & ad dubitantem, si syllogizatum est, aut*  
 „ *non est, obulare, quoniam hoc erat syllogismus: & ad huc neque quod*  
 „ *quid erat esse, syllogizatum est, quoniam utique possum enim erat a*  
 „ *nobis, quod quid erat esse.*

Ex quibus planè constat, fieri nullo modo posse, ut intelligamus, aliquid esse definitionem alicuius rei, nisi ex definitione definitionis.

Non enim petenda esset definitio definitionis, siquidem alia uia, ratione q; concludi liceret: uerbi gratia, animal rationale esse definitionem hominis.

#### SECTIO XV.



**T** hoc, dicat aliquis, contra te facit, uidèris enim illud cõcedere, ex definitione definitionis intelligi posse, aliquid esse definitionem alicuius rei: sed definitio definitionis spectat ad Logicam, ergo tuam ipse opinionem euertis.

Id autem confirmat Aristoteles septimo Topicorum libro, ubi ait, ex definitione definitionis cognosci posse, aliquid esse definitionem alicuius rei.

„ *Si autem, inquit, construere uolumus definitionem, primum quidem*  
 „ *scire oportet, quoniam nullus, uel pauci disputantium definitionem*  
 „ *syllogizant, sed omnes principium, quod tale est, accipiunt. Ut qui*  
 „ *circa Geometriam, uel numeros, uel alias disciplinas huiusmodi. De-*  
 „ *inde subtilitatem alterius negotij est assignare, quid definitio est, &*  
 „ *quomodo definire oportet. Nunc autem quantum sufficit ad præsen-*  
 „ *tem utilitatem, tantummodo dicendum, quoniam possibile est fieri de-*  
 „ *finitiones, & eius quod est, syllogismum. Nam si definitio est ora-*  
 „ *tio, quod est esse rei significat, & oportet ea quæ in definitione*  
 „ *ponuntur, in eo quod quid est de re sola prædicari. Prædicantur*  
 „ *autem sola in quod quid est de re genera, & differentia, mani-*  
 „ *festum.*

*festum. Quoniam si quisumat ea quæ tantum de re, in eo quod quid est prædicari oportet: quoniam ratio hoc habens, definitio ex necessitate erit. Non enim contingit, definitionem esse aliud eo, quod nihil aliud in eo quod quid est de re, prædicatur.*

Videtur igitur, cum ex hoc Aristotelis loco, tum etiam ex eo quæ ipse recitasti, fieri posse, ut ex definitione definitionis intelligatur, aliquid esse definitionem alicuius rei, contra quam antè negaueras, ergo tua confutatur opinio.

Ad hæc respondere licet ex Alexandri sententia, & Sueffani, hanc Aristotelis ostensionem esse probabilem, non demonstratiuam: nos autem locutos esse de firma, certaque cognitione, cum diximus, fieri non posse ut Logicus cognosceret, animal rationale esse definitionem hominis.

Illud etiam addere possumus, has rationes esse dialecticas, nos autem ostendisse, dialecticam non esse Logicam.

Sed quoniam mihi non probatur Alexandri sententia, & Sueffani, quod uidetur & cum his dissidere, quæ scribit Aristoteles loco superius citato, secundi Posteriorum libri, ubi ait:

*Si aliquis negat, hoc esse definitionem definitiōis.*

Et cum ratione, propterea quia sequeretur, ut non liceret cognoscere, aliquid esse definitionem alicuius rei, nisi ex definitione definitionis. Ego ita sentio (nisi quis forte meliorem sensum afferat) ex ratione necessaria, non ex probabili, definitionem definitionis intelligi: uerbi gratia, animal rationale esse definitionem hominis, arguendo in hunc modum. Oratio, quæ explicat quid est esse hominis, est definitio ipsius hominis: animal rationale est oratio, quæ uerè explicat quid est hominis: ergo est definitio.

Sic autem arbitror ratione necessaria intelligi posse, animal esse definitionem hominis: modò cōstet, animal rationale uerè esse in quod quid est ipsius hominis, id quod (mea quidem sententia) significauit Aristoteles loco citato, ubi ait:

*Manifestum, quoniam si quisumat ea, quæ tantum de re in eo quod quid est prædicari oportet, quoniam ratio hoc habens, definitio ex necessitate erit.*

Ex his nanque apparet, Aristotelem uelle, hoc pro certo, manifestè poni, animal rationale esse orationem explicantem quid est.

Illud etiam apparet, si constet, animal rationale explicare quid est hominis, non probabiliter, sed necessariò, esse definitionem hominis. Sin autem non constet, rationem illam dubiam, controuersamque esse. Id quod sensit Aristoteles secundo Posteriorum libro, ubi negauit, fieri posse, ut ex definitione definitionis habeatur definitio, & per consequens quid est. Atque hac ipsa quidem nos ratione adducti diximus, Logicam non posse cognoscere hæc, propterea quod indi-

get illa cognitione, uerbi gratia, animal rationale esse in quod quid est hominis. quæ quidem cognitio longè ab eo remota est, spectat enim ad philosophum naturalem. Quare docuimus nos in Institutione nostra in secundum librum Posteriorum, hunc nobis usum præstare Logicam. Quod si Alexander, & reliqui ita sentiunt, eorum opinioni mihi maxime probatur.

#### SECTIO XVI.



T sic, dicit aliquis, illud uidēris concedere, fieri posse, ut per syllogismum ostēdatur definitio, siue sit Logicus qui id faciat, siue qui uis alius, quod tamen & Aristoteles refutauit, & tu superius. Negasti enim, in definitione dici aliquid de aliquo: ergo cum ab Aristotele, tum etiam à te ipso dissentis.

Ad hæc ita dicimus, hanc etiam difficultatem habere uerba istorum expositorum, non enim possunt illud negare, quin per definitionem definitionis, & per definitionem generis liceat cognoscere, aliquid esse alicuius rei definitionem, & genus. nam aliter & ipsi ab Aristotelis sententia discrepant, & Logica esset superuacanea. Quæ cum ita sint, tamen respondemus, quemadmodum uidetur responderi posse ex ipsius Aristotelis sententia, aliud esse concludere, hominem esse animal rationale in quod quid est, & concludere, animal rationale esse hominis definitionem.

Quorum quidem alterum intellexit Aristoteles, cum dixit, fieri non posse, ut quid est habeatur per syllogismum: alterum nos diximus haberi posse per syllogismum, sic tamen, ut demonstrauimus.

Cur autem neget Aristoteles, quid est dici posse per syllogismum, illa quidem uidetur esse ratio, quam ostendimus: quod dicendo, hominem esse animal rationale, ut quid est, animal rationale non prædicatur de homine, itaque non potest concludi syllogismo. In huiusmodi enim oratione non est prædicatum, neque subiectum. Quod si concludatur, animal rationale esse definitionem hominis, hic erit prædicatum, & subiectum, ut patet. Itaque ostendi poterit syllogismo.

Aliud uerò esse, concludi, hominem esse animal rationale, ut quid est, & concludi, animal rationale esse hominis definitionem, facile colligi potest ex illis uerbis:

„ Amplius, sicut nec in syllogismo accipitur quid est syllogizare,  
 „ semper enim aut tota, aut pars est propositio ex quibus est syllogis-  
 „ mus: sic nec quod quid erat esse, oportet in esse syllogismo, sed seorsum hoc à positis esse. Quæ quidem uerba citauimus, etiam in secti-  
 „ tertia nostri Commentarii.

Apertissimè enim uidetur Aristoteles ostendere, se loqui de hac oratione, homo est animal rationale, ut quid est. Nam mox infert, cum id concluditur, non accipi definitionem definitionis: aliter enim accipienda esset ipsa definitio. Hanc etiam rem illud satis declarat, quod eodem secundo libro dixit, quid est non posse concludi,

concludi, nisi sit in utraque propositione quid est. nam si aliud non esset ab eo quod diximus, hoc falsum esset, siquidem ad syllogizandum, uerbi gratia, animal rationale esse definitionem hominis, non oportet in utraque propositione esse animal rationale, ut quod quid est, uel, ut est definitio.

Quod si quaerat aliquis, quemadmodum scripi possit, animal rationale esse in quod quid est hominis, cum ignotum est, respondeamus, id non posse ob eas, quas attulimus, rationes per demonstrationem haberi sic, ut demonstratio faciat illud scire, sed nonnihil tamen asserre ipsam demonstrationem ad eius cognitionem, ut supra dictum est.

Cum ergo res ita sese habeat, quemadmodum diximus, patet, non recte me ab hoc homine redargui. Neque enim ulla earum, quas ipse connumerauit, uia, neque ulla alia ratione uidetur posse concludi, animal rationale esse definitionem hominis, de qua ego loquor. & si illud uidetur concludi, hominem esse animal rationale, ut quid est, quod tamen est aliud ab eo quod ipsi diximus, quemadmodum ostendisse nos arbitramur. Illud etiam ualet, si Logicus non potest cognoscere ex definitione definitionis, nullo modo potest cognoscere, quia est ignotum complexum. Itaque facile constat, nec ad rem quicquam facere, quæ subiunxit, & illius opinionem infirmare. Nam (ut à nobis superius dictum est, cum ostenderemus, qui finis esset secundi Posteriorum libri) Aristoteles prius uoluit disputare, quemadmodum sciri posset quæsitum quid est: ostenditq; nullo alio modo sciri posse, nisi per definitionem propriè sumptam, hoc est quatenus explicat ipsum quid est. Quod autem persæpe usu ueniret, ut in ipsa definitione conficienda erraremus, docuit nos conficere definitionem, quemadmodum antè docuerat conficere demonstrationem. Atque hanc ob causam dixit, sese uelle uenari prædicata, quæ sunt in quod quid est, quod uolebat docere, definitionem constitui ex eis, quorum quælibet pars esset in plus, totum tamen in æquè. Logici enim est cognoscere, definitionem constare oportere ex eis quæ eo loco ipse docuit, ac prædicata esse oportere in quod quid est, animal rationale autem esse in quod quid est hominis, eodemq; modo de reliquis definitionibus: hoc uerò negamus ipsi cognosci posse à Logico, sed suam quæq; artificem definitionem cognitam habere.

Quod si uera essent quæ homo scribit, nihil necesse esset, facultates inuestigare suas definitiones, cum ignotæ sunt. Quod quidem à ueritate penitus abhorrere, constat ex ijs quæ scribit Aristoteles, cum lib. Physicorum, ubi motum definit: tum etiam libro de Anima, cum ipsius animæ definitionem tradit. Sed quoniam uir iste egregius ignorat differentiam, quæ est inter regulas, & ea quæ ex ipsis regulis constituuntur: hinc factum est, ut in has difficultates incidere.

Quod uerò ad proximam rationem meam respondens subdit, me

F 3 facere

facere dictas consequentias, & quæ sequuntur, apparet, non satis illud meorum uerborum sensum percepisse: quæ tamen uerba (iudicio meo) nihil ambigui, obscuri uel habent. Neque enim quicquam respondit ad rationes eas, quibus ostendisse me arbitror, si proprium munus esset Logici, considerare hominem ut homo est, & animal ut animal est, superuacaneas fore cæteras facultates. Reliqua uerò quæ scribit, partim iam refutata sunt, partim nihil ad rem faciunt: ut quæ dicit de Dialectica, neque enim de illa hoc loco disputatur: quin etiam uidetur ab eius sententia discrepare. Quia si dialectica est, quæ modo probabiliter consideret omnes res, non erit Logicus, quippe qui illas considerat (ut sentit ipse) sub ea ratione formali, quæ in ipsis enunciationibus subijci, ac prædicari possunt. non enim eadem est utriusque ratio formalis. Ex eius ergo dictis sequitur, ut distinguantur inter se Logica, & dialectica. id quod superius negauit.

XXXV.  
sue ipsius  
opinionis  
exercitio.

Præterea, ad aliam rationem meam respondens, nonnulla ob eam quidem causam scribit, quòd quæ meus esset uerborum sensus, non intellexit, sic enim ait:

„ Quo pacto citra omnem Dialecticæ regulam intulisti: Igitur uerum est, quod diximus, cum in his nihil probauerim, nihil asserim, quod positionem suam debilitet, ut ipse inquit, sed asseras te inferius probaturum.

Hæc autem mea sunt uerba:

„ Sequitur ergo id quod diximus, ut si huiusmodi cognitio ex illo libro colligatur, inferri non possit, eam doctrinam esse Logicæ facultatis partem.

Quæ quidē consequentia ducitur ex omnibus ijs quæ allata sunt, ad ostendendum conclusionem eam quam diximus. Illata est autem ultimo loco, ut comprehenderet omnes superiores rationes, non ut solum penderet ex ijs quæ probaturi essemus. Fatemur tamen, hanc ipsam consequentiam esse citra omnem dialecticam regulam. est enim secundum demonstratiuam regulam, quam unā in his sectamur.

Quod autem ad aliam rationem meam respondens ait, se nonnulla præterisse, quæ superuacanea sibi uiderentur: hoc quidem penitus falsum esse, facile intelligent ij qui uerba mea legerint. Nihil enim aliud habet mea illa ratio, nisi quæ antecedunt, quæque insequuntur, eorumque rationes, & locos Aristotelis, qui à me faciunt. Deinde subiungit, quæ à Peripateticis pro certis posita esse dicit, quæ quidē sunt à nobis iam refutata.

Cum uerò accedit ad formam argumenti, nihil minus facit, quam ut rationes meas refellat.

Respondet enim ad antecedens, diuersas secutus opiniones, quod quidem quàm diluat, aliorum sit iudicium. Hæc autem mea sunt uerba:

„ Illud etiam ab omni ratione alienum existimamus, quod quidam negant, substantiam considerari ut substantiam, & qualitatem ut qualitatem, eodemque modo reliqua: sed ut genera,

Quibus

Quibus quidem uerbis improbatur à me eorum opinio, qui ita sentiunt.

SECTIO XVII.



Verum non modo in hac re uir iste egregius labitur, sed in alijs permultis. Nam si (ut ait ipse) qui asserunt, tractari uoces in Prædicamentis primò, ut medijs conceptibus rerum significatiuæ sunt, negarent antecedens illud, substantiam non considerari eo libro, ut genus, ac faterentur, uocem substantia, quæ genus appellatur, tractari, ut significatiua est rei, quæ est substantia.

Illud nimirum sentiunt, substantiam, & reliqua genera considerari non posse, ut subiiciuntur, & ut prædicantur: hoc est, ut inferiora sunt, & superiora. Consequentia sic ostenditur. Si idem simul considerari non potest, & ut significat res, & ut genus est, ut ipse ait: idç propterea, quòd genus est secunda intentio, aliter enim nihil interesset inter hanc considerationem, & illam, qua consideratur substantia ut est substantia. Huiusmodi tamen considerationes dixit ipse, esse inter se distinctas, itaq; posuit has opiniones esse diuersas. Si igitur idem simul considerari non potest, & ut significat res, & ut genus est: neque item considerabitur, quatenus est prædicatum, & subiectum, superius, & inferius. Id autem ex eo satis constat, quòd omnes secundæ intentiones (ut sentit ipse) tractantur à Logico. suprâ enim dixit,

Genus spectare ad Logicum, quia est prædicatum.

Et in II. supposito secundi tractatus:

Vt enim, inquit, Socrates (ut diximus) paternitate, quam sibi illo actu acquirit, pater denominatur, & Plato filius, pari modo unû obiectum cognitum, genus, aut species, superius, & inferius, prædicatum, subiectum, denominari poterit. Quod enim animal appellabas cognitum recto actu, id denominas genus comparatione facta.

Concedit igitur, illa eiusdem esse ordinis, ut reuera sunt, sunt enim affectus entis: itaq; eiusdem esse naturæ. Sed superius, cum ad uerba illa responderet,

Falsam quoque, & ab Aristotelis sententia planè alienam ducimus eorum opinionem, qui existimant, hominem, & animal, triangulum, & figuram, cæteraç his consimilia, quæ quidem inter se rationem obtinent generum, & specierum, eo libro tractari, ut superiora, & inferiora:

Ad hæc inquam uerba cum responderet,

Hæc opinio, inquit, quam tu ita falsam, ac doctrinæ Aristotelis aduersariam dicis, uera est, ac Peripatetica.

Et paulo post,

Cum iam scias, Peripateticos uel iusto titulo possidere, uel saltem hunc locum occupare, uidelicet quæ in Prædicamentorum libro considerantur, ut superiora, et inferiora, ut in ipsis enunciationibus subiecti, aut prædicari possunt, considerari. Ergo Peripatetica erit simul,

Boëtius, Simplicius, Hammonius, ac egregij complures Græci inter prætos secundam partem defendunt: multi etiam ex Græcis & Latinis priorem, neutra tamen opinio à conclusione nostra dissentit.

Itaq; fuisse illorum uerborum suorum sensum, ut diceret, res primò considerari sub secundis intentionibus, ac uox Primò, referretur ad uerba illa sub secundis intentionibus, nò per se ipsa acciperentur. Sed hoc nò uidetur significare uerba eius, quæ proximè recitauimus.

Ut hoc autem illi demus, suam ipse opinionem evertit. nam si nihil inter se differunt istæ opiniones, non rectè eas ipse distinxit. Adde, quòd altera est, còsiderari primò res sub secundis intentionibus: altera est, non considerari primò res, quia uoces primò considerantur, sunt igitur diuersæ: ut si una uera sit, altera non possit esse uera, Itaq; secum homo pugnat, quippe qui ponit, ambas esse ueras, superius enim ita scripsit:

Illorū opinio, qui asserunt, animal & hominē considerari in Prædicamentorū libro, ut superius & inferius, Peripatetica est, & uera.

Sed considerare animal ut superius, & hominem ut inferius, est considerare res sub secundis intentionibus: ergo uera erit, ac Peripatetica opinio eorum qui putant, res considerari sub secundis intentionibus: quæ quidem opinio, ut patet ex ijs, quæ dicta sunt, evertit opinionem eorum qui censent, Prædicamenta esse primò de uocibus significantibus res, ut significantes sunt. Itaq; aduersatur Simplicio, Hammonio, Boëtio: quos tamen infra scribit, omnem ætatem semper ueneratam esse, & tantum illis detulisse, quantum sortasse Aristoteli. Præterea à se ipso dissentit, qui loco citato loquens de sententia Boëtij, Hammonij, Simplicij, hæc uerba subiungit:

Quarum tamen hac in re sententia ita rationi consona est, ut uerior esse non possit.

Si ergo hæc opinio uera est, illa quam demonstrauimus, est falsa. nam secundum hanc uoces primò considerantur, ut significant res: secundum illam considerantur primò res, ut substantie secundis intentionibus: quam tamen superius ipse ueram esse dixit. ergo à se ipso dissidet. Valet enim hoc argumentum: si considerantur primò res sub secundis intentionibus, non considerantur primò uoces, ut significant res.

Ex ijs autè quæ de hoc libro sentit, quæ quidem (ut ostensum est) inter se pugnant, facile intelligi licet, quam eius ipsius libri cognitionem consecutus sit.

Videtur item peccare, propterea quòd ego non illud intuli, quod scribit ipse:

Substantia consideratur ut genus, ergo in quantum genus.

Sed hoc,

Substantia consideratur ut genus, ergo definitio & eius proprietates conueniunt ei ut genus est.

Sed ut à me illud etiam illatum sit, uerè tamen insequitur. Ea enim quam assert ipse, distinctio uocis, in quantum, planè conficta est, & commen-



commentitia. siquidem considerare substantiam, ut genus, est tantūmodo considerare eam ut prædicatur de pluribus, nam genus, ut genus, prædicatur de pluribus.

Patet etiam, à ueritate illum recedere, cum dicat,

» Substantiam considerari, ut genus: non omnes tamen proprietates conuenire ei, ut genus est.

Præsertim cum loquatur de proprietatibus ijs, quæ maximè dicuntur ei conuenire. Cum enim dixisset,

» Proprietates nonnullas inesse ipsi rei, quasdam uerò ob respectum rationis:

Ita subdit,

» Cognitio substantiæ secundum has proprietates relatum postremum habet ad ipsum genus.

Ergo non conueniunt hæ proprietates substantiæ, ut res est, quia spectant ad id quod non est res, & formalis ipsarum ratio est secunda intentio.

Quod nihil autè ad rationes meas respondet, quas idcirco se præterire ait, quòd superuacaneæ sint, quàm id rectè, uereq; faciat, facile erit ijs diiudicare, qui meas illas rationes legerint.

#### SECTIO XIX.



Vod uerò subiungit,

» Sece demonstrasse, præcipuam curam Logico fore, ut essentialia, & denominatiue prædicata oprimè cognoscat: quod facile assequetur, inquit, si uoces Prædicamentorum discernet, quæ cum significatiuæ sint, tota res ad significata referenda erit.

Id planè euerit, quod iam toties dixit, Prædicamenta scilicet esse de uocibus. Nam si tota res, quæ notatur uocibus significatiuis, quæ sunt in Prædicamentis, ad significata referenda est: sequitur, ut Prædicamenta sint de rebus. uoces enim sunt propter res, ad quas referuntur: siquidem illas oportet esse propter id, ad quod referuntur. ergo Prædicamenta tractantur per se, & primò de rebus, non de uocibus. Itaq; suam ipse opinionem funditus euerit.

XL I. sue  
ipsum opi-  
nionis euer-  
sio.

Præterea satis mirari non possum, egregium istum uirum dicere, » Entia rationis, siue secundas intentiones, & à Metaphysico, & à Logico, uario tamen modo, considerari. illum enim quiditatem earum, si quam habent, considerare, ut omnino à primis intentionibus abstrahunt, aut res ipsas inesse cognito denominant. Contrà, hunc non ita simpliciter, sed ut primis intentionibus adiunctæ sunt, & res ipsas sic intellectas denominant. quinimmo & uoces res sic intellectas significantes speculari.

Nam in multis uidetur à ueritate longè recedere.

Primùm autem, quod sequitur, ut Logicus sit magis realis artifex, quàm Primus philosophus: siquidem Primus philosophus considerat secundas intentiones, ut omnino abstrahunt à primis: Logicus

gicus perferatur eas non simpliciter, sed ut primis adiunctæ sunt. Quia autem considerat secundas intentiones primis adiunctas, magis est realis, quàm qui considerat secundas tantum. Primæ enim dicuntur reales, propterea quod referunt res. ac scientiæ ipsæ, quod sunt de primis intentionibus, dicuntur reales: ergo Logica est magis realis, quàm Prima philosophia. Quod quidem cum absurdissimum est, tamen etiam cum his pugnat, quæ iste superius scripsit:

x l. i. sue  
ipsius opi-  
monis cur-  
sio.

Deinde uidentur apertissimè peccare, cum ait,

Metaphysicum considerare quiditatem secundarum intentionum, ut omnino à primis abstrahunt, aut res ipsas inesse cognito denominant, hic enim modus prior est. Nam secundis intentionibus denominari res inesse cognito, perinde est, ac secundis primas denominari intentiones. Siquidem primæ intentiones (ut concedit ipse) nihil aliud sunt, nisi res primò cognitæ, hoc est quiditates rerum in intellectu: ergo secum dissidet.

x l. i. l.

Postremò, cum scribit,

Metaphysicum considerare secundas intentiones, ut res ipsas inesse cognito denominant, Logicum considerare easdem secundas intentiones adiunctas primis, & quatenus res ipsas sic intellectas denominant,

A se ipso dissentit. Sequitur enim, ut ab utroque eodem modo considerentur, quas tamen uariè considerari superius dixit. Adhuc igitur integrum esset argumentum meum, quamuis ea quæ dicit, ad rem facerent, quæ tamen maximè aliena sunt.

x l. i. l. l.

Insequi autem id quod diximus, patet ex eo, quod fieri non potest, ut secundæ intentiones considerentur, ut denominant res inesse cognito, nisi etiam denominent res sic intellectas.

Idem etiam sic confirmatur, quod cum huiusmodi secundæ intentiones non possint esse sine primis, tanquam sine materia propria, fieri non potest, ut intelligantur sine primis. itaque tollitur uarius ille considerandi modus. Hoc autem ita esse, ex eo colligi potest, quod ut quicque est, ita etiam intelligitur.

Antecedens comprobantea, quæ ipsemet in secundo supposito, cum multa antè dixisset, ita scripsit:

Sic etiam apud intellectum suo modò cum ampliorem quiditatem minus amplæ quiditati confert, actu, quem diximus, comparatio, aut etiam indiuiduæ per eorum sensibiles species, in interioribus sensibus existentibus necessariò hæc obiecta cognita, & ut sic inuicem comparata, respectus aliqui, aut etiam relationes insequuntur, qui cum in intellectu sint, & per huiusmodi actum collatiuntur oriuntur, rationis, non naturæ, aut rei esse dicuntur.

Hæc igitur, aut relationes rationis, aut secundæ intentiones, aut secundi conceptus, aut secundò intellecta appellata, cum obiecta cognita sic insequuntur, & in eis in intellectu sic comparante derelicta fuerint, tales quiditates, siue naturas, siue entitates denominare poterunt.

Cum

tra statu tertio, scilicet quod ista scientia habet considerare de omni-  
bus speciebus entium, secundum quod sunt entia: & dat super hoc  
testimonia, ut in epitomate Metaphysicæ. Prima pars, inquit, specu-  
latur de rebus sensibilibus, in quantum sunt entia, & de omnibus ge-  
neribus earum quæ sunt decem Prædicamenta, & de omnibus con-  
sequentibus ea.

Quam quidem rem primo huius Apologiæ libro nos pluribus  
ostendisse arbitramur. Quod si eorū quæ sunt principia, & causæ  
quærentur in Prima philosophia, quatenus sunt: quæ autem in re-  
rum natura reperiuntur, ut homo, asinus, bos, & reliqua huiusmo-  
di, omnia sunt horum omnium, quatenus sunt principia, & causæ  
quærentur in Prima philosophia. Præter rem denique ait, se se mihi  
illud assentiri, genus ut est genus, ut dictio, ut explicat quidditatem, &  
formalem rationem generis considerari à Metaphysico. Quis enim  
dubitet, quin genus ut genus, sic accipiatur, cum aliter sumi non possit:

SECTIO XX.

**P**ræterea quod scribit, uoces sic significatiuas, quæ gene-  
ra nominantur, & quarum gratia antecedens est forma-  
tum, non spectare ad Metaphysicum, sed ad Logicum,  
in hoc item uidetur peccare. sequeretur enim, ut hæ uo-  
ces, Substantia, quantitas, qualitas, quæ quidē uoces significantes,  
non pertinerent ad primum philosophum, sed ad Logicum: itaque sub  
secundis intentionibus spectarent ad Primam philosophiam, sine il-  
lis ad Logicam, contra quàm tamen ab eo per se iam dictum est.

Quæ cum ita esse appareat, haud sanè dubitari posse arbitror, quin  
uerum sit quod diximus, substantiam, quantitatem, & reliqua eius-  
dem generis, si considerantur in Prædicamentis, ut genera, ad Primam  
spectare philosophiam. Cum ex his autem quæ uir iste peregre-  
grius scribit, modo hoc sequatur, modo illud, quid aliud obsecro, dicen-  
dum est, nisi suam illum opinionē euertere, nostram autē cōfirmare?

XLVI.  
sue ipsius  
opinionis  
euerio.

Saris autem mirari non possum, cum scribere, sibi mirum uideri,  
non illud me concedere, unumquodque Prædicamentorum & esse, &  
appellari genus seorsum, sed omnia unico uerbo genus nominari.  
Cum ego ita scripserim,

Nec huic nostræ sententiæ (ni fallor) aduersantur ea uerba quæ  
scripta reliquit Aristoteles in fine Prædicamentorum, ubi sic ait: De  
propositis itaque generibus dicta sufficiant.

Id enim ego propterea intuli, non contra me facere, quia hæc decē  
genera in eo inter se consentiunt, quod omnia appellantur genera, &  
in epilogo quidem communi nomine sic appellari potuerint: quod  
quidem idcirco à me dictum est, propter hunc epilogum.

De substantia igitur, de quantitate, relatione, qualitate, ubi, quan-  
do, habere, agere, facere, & pati, dicta sufficiant.

Non ergo illud negaui, substantiam seorsum dici genus, itemque re-  
liqua, etsi omnia dixi appellari genera.

G Præterea

Præterea quod ex libro Topicorum Iacomellus citat, id fauet opinionioni meæ. Nam genus cum reperiatur in singulis Prædicamentis, est affectus entis, quatenus est ens, non substantiæ, neque ullius separatim reliquorum decem generum, propterea quia est in quolibet genere, ut ipse etiam concedit: quocirca est affectus entis, itaque pertinet ad primum philosophum. Ad quam enim facultatem spectat subiectum, spectant etiam eius proprietates.

Præterea si genus (ut iste ait) consideratur in Topicis, ut genus, liber autem Topicorum ex eius sententia est pars Logicæ, Logica considerat genus, ut genus. Sed superius dixit, genus sub ratione uniuersali generis, quod quidem nihil aliud est, nisi genus ut genus, spectare ad primum philosophum: igitur à seipso dissentit.

XLVII.  
sue ipsius  
opinionis  
eueris.

Præterea si genus ut genus, est in quolibet Prædicamento, Prædicamenta autem sunt pars Logicæ, genus ut genus pertinet ad Logicam; ergo non pertinet ad Primam philosophiam, quod tamen superius ipse concessit. Neque enim fieri potest, ut idem eadem ratione formali ad diuersos pertineat artifices.

Quod uerò subiungit, ex uerbis Aristotelis intelligi, pertractatū esse de decem generibus, & substantiam esse consideratam, ut ei conuenit ratio generis: aperte secum pugnat, quippe qui paulo antè dixit, primum philosophum considerare genus ut genus, & ut illi conuenit ratio generis: hic autem uult, considerari à Logico. Siquidem scribit in Prædicamentis, quæ ipse putat esse partē Logicæ, substantiam esse consideratam, ut ipsi conuenit ratio generis.

Præterea si ex uerbis Aristotelis apparet, substantiam esse consideratam, ut ei conuenit ratio generis, non recte superius ita scripsit:

Non enim uerum est, substantiam ut genus, eo libro considerari.

Nam idem est considerare substantiam, ut illi conuenit ratio generis, & considerare eam ut genus. Considerare enim Socratem sub ratione hominis, est considerare eum ut homo est. Non enim potest aliquid considerari ut genus, nisi consideretur sub ratione generis. Nam aliter non consideraretur ut genus: propterea quod considerare aliquid ut genus, est considerare illud sub ratione generis. Sed superius ex eorum sententia, qui dicebant Prædicamenta esse de uocibus significantibus res, quatenus significantes sunt (qua quidem opinione nullam infra scribit esse ueriores) asseruit fieri nō posse, ut substantia consideretur ut genus: ergo secum pugnat.

XLIX

#### SECTIO XXI.

Vod autem ita subdit,



Postea tu nō dissoluis Simplicij obiectionē, quæ prædicatio Aristotelis testimonio demonstrat, Prædicamenta dici genera, & ut genera ab Aristotele considerata:

Videtur longè à ueritate recedere. ac primum quidem, quod falsum est, Simplicij testimonio Aristotelis ostendisse Prædicamenta dici genera, & ut genera ab Aristotele esse considerata. Nam ille quidem

quidem usus est testimonio Aristotelis, ad ostendendum, Prædicamenta dici genera, id quod nos etiam assentimur: sed eum ostendere, illa considerari eo libro, ut genera, id uerò falsum esse arbitramur, ut ex ipsius Simplicij uerbis facile intelligi licet.

Huc accedit, ut cum inconstantem opinionem Simplicio tribuat, secum etiam ipse pugnet: quippe qui superius ita scripsit,

Qui primò uoces, ut rerum medijs conceptibus sunt significatiuæ, in Prædicamentis considerari assentunt, primum antecedens tibi negarent, non enim uerum est, substantiam ut genus considerari in eo libro.

Sic igitur argumentor. Simplicius est unus ex ijs qui primò uoces, ut rerum medijs conceptibus sunt significatiuæ, considerari assentunt in Prædicamentis, ut patet ex ijs quæ dicta sunt, quæq; dicuntur: ergo falsum est, illum demonstrasse Prædicamenta dici genera, & ut genera ab Aristotele esse considerata. hæc enim inter se pugnant, ut ex ijs quæ supra disputauimus, constat. Cum Simplicio igitur, ac secum ipso dissidet.

*i. sue ipsius opinionis euerfio.*

Magis etiam uidetur esse accusandus, cum ait: Sed eius mentem (ut putas) conditionalem quandam inferis, & accusas, quam tamen nec ipse, nec alius Peripateticis formauit, quæ est, si demonstrantur proprietates de substantia, demonstrantur ut genus.

Quid enim illam ego conditionalem intuli? quis hic obsecrò, nō exclamet: quis sibi temperet, quin summam hominis negligentiam temeritatemq; uerbis asperis infectetur, qui uel ea non uideat, quæ ante oculos proposita habet: Hæc enim sunt uerba mea!

Non tamen ut probatum est, si demonstrantur proprietates substantiæ, demonstrantur ut generis, licet substantia sit genus.

Nolui igitur dicere, hoc argumentum ualere: demonstrantur proprietates substantiæ, quæ est genus: ergo demonstrantur de substantia, ut genus est.

Atque hunc quidem sensum, qui perspicue elicitur ex ijs quæ recitauimus uerbis, declarant etiam hæc quæ insequuntur:

Nam etsi in Geometria probatur passiones de magnitudine, quæ est ens: non tamen dicuntur ostendi de ea, quatenus est ens.

Cum ergo falsum sit, à me illatam esse illam conditionalem, qui potius contrarium intuli, dubitari non potest, quin omnia quæ subiunxit de huiusmodi conditionali, inania sint, ac planè aliena.

Quod autem præter rem scribat, respondens ad hanc meam rationem, facile est cuique uidere. Sed illum etiam à seipso dissentire, is intelliget, qui ea legerit, quæ hoc loco scribit, loquens de illa opinione interpretum, qui existimant librum Prædicamentorum esse de uocibus significantibus res, quatenus significantes sunt. Ait enim,

Quorum tamen hæc in re sententia ita rationi consona est, ut uerior esse non possit.

Quòd si uera est hæc opinio, falsa erit opinio eorum qui dicunt, Prædicamenta considerari ut superiora & inferiora, ut genera &

G 2 species.

species. Inter se enim inuicem pugnant, ut superius ipse ostendit, ubi posuit duas de Prædicamentis opiniones. Sed tamen suprâ dixit, hanc esse ueram & Peripateticam, ergo sibi non constat.

## SECTIO XXII.



Væ uerò subdit de hac ipsa re loquens, nulla esse, ex eo facile intelligi licet, quod nullam ex rationibus meis dissoluit. Ita enim ego sum argumentatus: Prædicamenta sunt de uocibus significantibus res, quatenus significantes, sunt, ergo sunt de rebus. Consequentia si cōstenditur, quod uoces sunt tantummodo propter res, quia enim non possumus asserere nobiscum res, utimur nominibus quæ sint signa rerū pro ipsis rebus. propter quod autem quicquid est, & illud magis. Non ergo infirmat cōsequentiam, negando id quod ego planè cōfirmo auctoritate Aristotelis, ad quam nihil respondet, cum tamen ita cōcludatur ratio mea. Nam si utimur nominibus pro rebus, ut dictum est, res considerant per se, non uoces. Non ergo dissoluit argumentum, cum dicit,  
 » Peripateticos concedere, librum Prædicamentorum esse de uocibus, ut conceptuum interuentu res significant. Ita enim, inquit, &  
 » de rebus ipsis erit, ut scilicet conceptæ significantur sunt, non secundum propriam earum naturam.

LII. sua  
ipsum opi-  
nionis cur-  
sio.

Nam ratio ostendit, considerari secundum propriam naturam, propterea quod superius etiā concessit, non nullas proprietates substantiæ conuenire rei, ut res est: cumque non maior sit ratio unius rei, quæ consideratur in una aliqua doctrina, quam alterius, non enim una esset omnino doctrina, secum ipse pugnat.

Concedit præterea, illud recte inferri posse, doctrinam Prædicamentorum esse de rebus primò, id est immediate, igitur non primò de uocibus. Sed negat antecedens, librum scilicet Prædicamentorum esse immediate de rebus. Quod si dicatur esse de rebus primò, id est principaliter, & per se (uox enim primò significat, uel immediate, uel per se, & secundum quod ipsum, & principaliter) & inferatur nō esse de uocibus, negat consequentiam, concedit autem antecedens.

Cum igitur Prædicamentorum liber ex eius sententia sit de rebus principaliter, per se, & secundum quod ipsum, est de rebus secundum propriam naturam. Nam quod alicui rei conuenit per se, & secundum quod ipsum (ut patet ex I. Poster. lib.) cōuenit ei secundum eius naturā. Sed paulo antè contrarium dixit, ergo à seipso dissidet.

Præterea, cum concedat antecedens illud, ac postmodum dicat esse de uocibus per se, perinde facit, ac si asserat & neget, librum illū esse de rebus principaliter. Nam si est de uocibus principaliter, non potest esse de rebus principaliter. Illud autem fateri, esse de uocibus principaliter, patet cum ex eis quæ superius dixit, tum quod negat, recte illud inferri, si sit de rebus, quomodo dictum est, non esse de uocibus principaliter. Itaque perspicue à seipso dissentit, qui cum concedat antecedens, negat consequentiam: id quod tamen nos intulimus,

mus, ut ex eis quæ dicta sunt, constat.

Rationē item, quam ego sumpsi ex Græcis, non recte ponit, plus etiam in ea dissoluenda peccat. Ego enim sic argumentatus sum: Nomina (quemadmodum interpretes isti sentiunt) ob eam tantum causam inuenta sunt, ut ijs sensa nostra eloqueremur. ergo ubicunque considerantur uoces, considerantur per accidens, non per se. Considerantur enim ex Græcorum interpretum sententia, propter aliud, nempe propter sensa. Deinde ita subiunximus: Cum sensa autem sint propter res, uoces item sunt propter ipsas res, ergo hæc doctrina est de rebus, itaq; non est pars Logicæ. Quod quidem contra eius opinionem facit, qui negat illam esse de rebus.

Constat igitur, non recte hominem ponere rationem meam, si legatur ea, quam ipse uocat secundam rationem.

Paret etiam, malè eam dissoluere, cum ita scribat:

Hæc uerba secundæ rationi satisfacerent concedentes, eos artifices qui res ipsas in propria natura pertractant, non tamen ut intellectæ, ut significatæ, ut secundis conceptibus denominatæ sunt, ut uocibus per accidens, ut ueluti instrumentis, cum prima eorum intentio feratur in res, quas solum in propria natura scire desiderant. At Logicus non talis est, eo quæ magis in hoc libello Prædicamentorum, quo animus est ferri in uoces, ut interuentu conceptuum res significant, quarum proprietates, ut subijci, aut prædicari possunt, scrutatur, nō tamen ipsarū significata posthabendo.

Non recte autem rationem illam dissoluit. Primum quod pro certo concessio quæ sumit, quod negatur: nec tamen ipse ostendit, librum scilicet Prædicamentorum esse partem Logicæ. Deinde quod aut uerum est, aut falsum, id quod ego ex Græcorum interpretum sententia dixi, Voces non esse inuentas, nisi propter sensa. Si est falsum, aduersatur Græcis, quos tamen sectatur. Sin uerum, non ideo rationem dissoluit, quod uoces in libro Prædicamentorum nō possunt considerari propter se, sed considerantur propter aliud. Aliter enim sequeretur, ut uoces non essent inuentæ propter sensa tantummodo, si quidem considerarentur propter se.

SECTIO XXIII.



Idetur etiam uir iste egregius & errare, & à seipso dissidere, cum ait, in libro Prædicamentorum tractari proprietates rerum, ut subijciuntur & prædicantur. Ex hoc enim planè sequitur, ut in eo libro tractentur res, quatenus subijciuntur & prædicantur. siquidem eas ita tractari oportet, quemadmodum ostenduntur ipsarum proprietates. Itaque liber ille erit de rebus, ut sic tractantur, non de uocibus significantibus res, quatenus significantes sunt, ut sentit Boëtius & Simplicius. Probatur autem consequentia, quod ipse in secundo tractatu, loco superius citato, scribit: aliud esse considerare res, ut secundis intentionibus substant, & considerare uoces, ut rerum significatiuæ sunt.

G 3 Conside-

Considerare autem res, ut subiiciuntur & prædicantur, est considerare eas sub secundis intentionibus, ut patet ex his quæ ipse superius scribit. ergo considerare res, ut subiiciuntur, & ut prædicantur, aliud est à consideratione uocum, ut rerum significatiuæ sunt. Quod si liber Prædicamentorum (ut putat ipse ex sententia istorum exppositorum) est de rebus, ut subiiciuntur, & ut prædicantur, non est de uocibus significantibus res, quatenus significantes sunt. Itaque secum ipse pugnat, ut ostensum est. Facit etiam, ut minus sibi constare uideantur interpretes, quippe qui secus dixerunt.

L V. fac  
ipsum opi-  
nionem con-  
fio.

A seipso item dissidet, atque in eandem inconstantiam trahit ipsos interpretes, cum respondens ad meam primam rationem ait,

- » Peripateticos, quos ego hoc in loco oppugnaui, concedere, do-  
» ctrinam libri Prædicamentorum esse de uocibus, ut conceptuum  
» interuentu res significant: quamobrem & de rebus ipsis esse, ut scilicet  
» conceptus significantes sunt. Nam si ex sententia Hammonij &  
» Simplicij, & Boëtij, quos ait à me hoc loco esse oppugnatos, liber  
» Prædicamentorum est de rebus, ut significantes sunt, non est de uoci-  
» bus significantibus, quatenus significantes sunt. Consequentia con-  
» firmatur uerbis istis quæ citauimus, quibus ille ostendit,  
» Considerare res, ut intentionibus secundis substant, & ipsis uoci-  
» bus significantur, esse diuersum à consideratione uocum, ut signifi-  
» cant res.

Quod si uult, hos uiros concedere, in Prædicamentis considera-  
ri res, ut significantur uocibus, cum sibi ipse non constet, tum cogit  
LVI etiam (ut dictum est) illos secum dissidere.

Quod si forte dicat, aliud esse considerari res, ut significantur uocibus, & ut significantes sunt, quam id quidem ridiculum sit, nemini obscurum est.

Mittimus etiam, quam falsum sit quod ait, in Prædicamentis doceri proprietates rerum, quatenus subiiciuntur & prædicantur. scias enim superius de hac re disputauius. Nam qui, obsecro, potest illa quantitatis proprietates, ut æqualis sit & inæqualis, couenire ipsi quantitati, quatenus subiicitur & prædicatur eodemque modo de reliquis generibus. Quin hoc ipsum etiam dici liceret de triangulo, ut cum dicimus, Triangulus habet tres, passio illa Habere tres, conueniat ei, ut subiicitur, & ut prædicatur: idemque de reliquis omnibus, de quibus ostenditur aliquid in scientijs. Quæ quidem cum sint absurdissima, facile intelligi licet, quam id probandum sit, quod egregius iste uir scribit.

Deinde uidetur secum pugnare, ita concludens,

- » Per se ergo de uocibus, & per se de rebus, modo, quo exposui-  
» mus, licet immediate de uocibus: non igitur per accidens.

Nam cum liber ille non possit esse de utroque eodem modo, ut ipse etiam concessit, si est de uocibus per se, non est de rebus per se. & è contrario. Omne enim aut tractatur per se, aut per accidens, ut I. Poster. lib. ostendit Aristoteles. Quod si, cum ait per se de rebus, intelligat pri-  
mo,



mò, & secundum ipsarum naturam, ut quidem uisus est intelligere in antecedente superiori, à seipso dissidet. Primum, quod liber Prædicamentorum esset de uocibus per accidens, non per se, secundum ipsarum naturam, quod tamē negauit. Deinde, quòd esset de rebus per se, id est secundum ipsarum naturā, contrā quā item superius scripsit. Quòd si è cōtrario intelligat, secum etiam pugnat, ut patet.

LVI.  
sua ipsius  
opinionis  
curatio.

LVII.

Si uerò accipiat per se de uocibus, id est secundum ipsarum naturam: per se autem de rebus eo modo quo exposuit, ut scilicet conceptæ significatæ sunt: à seipso dissentit, quòd uerba illa, Per se de rebus, ut conceptæ significatæ sunt, designant non esse per se. idem enim ualent, ac si quis dicat, homo mortuus: neq; enim illud rebus per se conuenit, ut conceptæ sint, aut significatæ, sed hoc sit per accidens. Quamobrem dicere, librum Prædicamentorum esse per se de rebus, & inferre, ut conceptæ, & ut significatæ sunt, idem est ac negare esse per se de rebus.

LIX.

SECTIO XXXIII.



Quod uerò subiungit, Aristotelem I. Topic. lib. scripsisse, in disputationibus tria genera problematum solere proponi: quæ interdum, inquit, spectant ad electionem, uel fugam, nonnunquam ad ueritatem & scientiam per se, & primò, interdum adminiculantur ad aliquid talium:

In hoc autem tertio problematum genere ponit librum Prædicamentorum, & per cōsequens Logicam: sequitur, ut Logica, & liber ille per se, et primò adminiculetur ad ea problemata quæ spectant ad ueritatem, & ad scientiam. itaque per se, & primò non facit ad ueritatem & scientiam: ergo falsum est, eius finem esse, discernere uerum à falso, esset enim propter suum principalem finem. itaq; spectaret ad ueritatem & scientiam. Sed superius hæc omnia asseruit, ergo secum dissidet.

LX.

Quòd si diceret, Logicam, & librū Prædicamentorū referri ad secundū genus problematū, à seipso dissentiret: quippe qui ponit eam in tertio problematū genere & hoc loco, & superius in quarto supposito. Sibi item in eo minime cōstaret, quòd cū cōcedat, uoces considerari per accidens in primo, & in secundo problemate, sequere, ut liber Prædicamentorū esset de uocibus per accidēs. Quod aut de tertio genere problematū dicit, nō recte esse dictū, declarant, & quæ scripsimus nos in proemio, et quæ hic disputabimus. Distinximus enim hanc propositionē, homo est animal, quatenus significat res, ab eadē ipsa ut docetur arte cōstitui per illam regulā, Omnis enūciatio cōponitur ex nomine & uerbo. Atq; ob hanc quidē causam diximus, Logicam esse de sola oratione, licet sit de rebus: ut innumeremus eam quam diximus differentiam. Quòd si nō est de sola oratione, ut ipse dicit, nō docet cōstituere modū cognoscendi, id est syllogismū simpliciter sumptū, hoc enim significamus nos, cū dicimus, Logicā esse de sola oratione. Sed cum id superius asseruerit, secum pugnat.

LXI.

LXII.

LXIII.

Recte igitur à nobis dictū est, si esset de uocibus significantibus res, quatenus significantes sunt, illud sequi, ut neque sit de sola oratione, quemadmodum ego quidem sentio, neque de secundis intentionibus, id quod ipsi putant, neque doceat constituere syllogismum simpliciter sumptum, ut ipse dixit.

- ” Verūm, quia sic argumentatus erat Simplicius: Logica est de oratione, ergo liber Prædicamentorum est de uocibus significatiuis:

Ego negauī consequentiam. Quoniam autem hæc conclusio, ut uim aliquam haberet, necessariò cōcludenda erat per syllogismum, itaq; dicendum, librum Prædicamentorum esse partem Logicæ, id quod cum ostendi oporteret, minimè ostendebatur: dixi id pro certo sumi, quod dubium controuersumq; esset. Itaq; patet, non lapsos esse nos, quemadmodū iste homo existimauit. Simplicium enim uti ea quam demonstrauimus, ratione, liquet ex ijs quæ ita scribit:

- ” Cōstat igitur ex dictis, horū uirorū intentionem nō esse de nudis uocibus, neq; de rebus quæ res sunt, nec de conceptibus solis determinasse, sed uocibus simplicibus, quoniam hic est Logicæ tractationis proœmium, quatenus significatiuæ sunt rerum primarum & simplicium, & non quatenus transmutantur.

Cur igitur sit de uocibus, hanc rationē reddit, quia scilicet est proœmium Logicæ. cum id autem probari oporteat, neq; probet, pro certo concessioq; sumit, quod dubium est. Sed cum ipse Simplicius interpres Græcus hac (uti patet) ratione sic utatur, scribit enim, esse de simplicibus uocibus, propterea quod est proœmium Logicæ: falsum est quod iste ait, nullū Græcum interpretem ex ijs quos ego impugnem, uti ea ratione quam ipse attuli. Quancūq; id à me nō inferitur quod iste scribit, sed ita argumentor: Cæteræ facultates considerant uoces significantes res, quatenus significantes sunt: ergo sunt partes Logicæ: siquidē (ut isti sentiunt) liber Prædicamentorū est pars Logicæ, quia est de uocib. significantibus, quatenus significantes sunt.

Antecedens patet ex eis quæ suprā diximus. nam uocibus utuntur homines, ut sunt rerū signa. Idem etiam sic ostendi potest, quòd quemadmodū si quis dicat, Substantia manens una & eadē numero, suscipit cōtraria: item, homo est substantia: hæc (ut concedunt ipsi) sunt de uocibus significantibus res, quatenus significantes sunt. Sic illa, homo est animal, homo est substantia, sunt de uocibus significantibus res, quatenus significantes sunt. Non enim sunt de rebus, propterea quia non possunt afferri res in scientijs, atq; ideo inuentæ sunt uoces ut intelligamus res: ergo necessarium est, ut sint de uocibus eo modo quo diximus. Cum non sit autem maior ratio eorum quæ exempli causa attulimus, quàm reliquorum, sequitur: ceteras scientias esse partes Logicæ. Quæ cum ita sint, patet, hominem neq; recte rationem meam posuisse, neq; superius recte respondisse.

Ad ea uerò quæ subiungit, nihil respondemus, uel quia negat, sememinisse rationem illam apud quenq; legere: uel quia primo huius Apologiæ libro de hac re multa disputauius.

SECTIO XXV.



Vm aliquando igitur inter me, & quosdam doctissi-  
mos viros, eisdem que in summa dignitate constitutos,  
orta est disputatio de libro Prædicamentorum, cumq[ue]  
ego illum ostenderem esse de rebus, quod cuiusque ge-  
neris proprietates ipsis generibus cõuenirent ratione rerum, quod  
intelligebant, non posse id negari de quibusdam proprietatibus, ita  
responderunt: In Prædicamentis quædam esse quæ pertinerent ad  
res, quædam uerò quæ non pertinerent. Contra quos ita sum argu-  
mentatus, ut ostenderem secum illos pugnare, cum dicerent, librum  
Prædicamentorum esse de uocibus significantibus res, quatenus si-  
gnificantes sunt, non de rebus: concederent autem, in quibusdam  
esse de rebus. Sed ut liber ille in quibusdam esset de rebus, in quibus-  
dam autem de uocibus significantibus res, tamen ostendebam non  
recte eos dicere, qui cum uellent ostendere finem libri Prædica-  
mentorum, dicerent illum esse de uocibus significantibus res, qua-  
tenus significantes sunt, cum sit etiam de rebus, ac maior pars pro-  
prietatum, quæ illo ipso libro docentur, ex ipsorum quoque senten-  
tia sit de rebus. Quocirca rectius multo dicturos fuisse, si asserui-  
sent esse de rebus.

Non recte igitur iste respondet, tum quod illi concedebant,  
nonnullas proprietates conuenire substantiæ, quantitati, qualitati  
primò, ut sunt res: tum quòd superius ipse ita scripsit,

Cum liber Prædicamentorum sit pars Logicæ facultatis, quam  
iam organum philosophiæ statuimus, eas in eo libro affectiones in-  
uestigare conueniebat, quæ philosopho naturali magis essent de-  
seruituræ, quales procul dubio uidentur non mutuo contrariari,  
nō suscipere magis & minus, unam eandemq[ue] numero susceptiuam  
contrariorum.

Vult ergo, in eo libro factam esse mentionem de proprietatibus il-  
lis, ut deseruiunt philosophiæ: sed ipsa philosophia est de rebus pri-  
mò, ergo & illæ proprietates sunt primò de rebus. Itaq[ue] secū pugnāt,  
cum neget hic proprietates illas esse primò de rebus.

LXIIII.  
sue ipsius  
opinionis  
euerfio.

Præterea, si uerum est quod ait, librum illum non esse primò de  
rebus, sed primò de uocibus, non potest esse per se, & de uocibus, &  
de rebus, ergo à seipso dissidet. Consequentis ita confirmatur.

Si non est primò de rebus, non est principaliter de ipsis rebus. hoc  
enim loco uerbum primò, non potest aliud significare. Non enim  
uult ipse librū illum esse de rebus principaliter: si nō est principaliter  
de rebus, non est etiā per se. Nam hoc loco per se idem ualet, ac secun-  
dū suam naturam. Quod si dicat sese addidisse eodem modo, ita  
sequetur, ut in his secum dissideat, quæ suprā demonstrauiimus.

LXV.

Patet etiam, egregium istum uirum non dissoluere argumen-  
tationem meam, neq[ue] ex eorum opinione quos hoc loco nos repre-  
hendimus, neque ex sua ipsius sententia. Vult enim, quæ in eo libro  
consideran-

considerantur, considerari quatenus subiiciuntur & prædicantur. Cum autem superius dixerit, hæc ad philosophiam naturalem referri, secum pugnat. Idem enim hoc ualet, ac si negasset, considerari, quatenus subiiciuntur & prædicantur. Quod si dicat, eum fuisse uerborum suorum sensum, ut intelligeret illa ad philosophiam quidem naturalem referri, sed non primo: nihil ad rem faceret, quod superius dixit,

LXVI.  
sue ipsius  
opinionis  
emissio.

» Cum Logica sit philosophiæ organū, inuestigari oportuisse proprietates eas quæ conuenirent philosopho naturali.

» Neq̃ item dissolueret argumentū illud, quo ait me deceptum esse:  
» Sed quod tibi, inquit, dissoluere difficile fuit, quod aliquas legisti  
» in Prædicamentorum libro proprietates, quæ ipsis rebus, ut partes  
» entis sunt, competere uidebantur, ut est, substantiam non suscipere  
» magis & minus, unam eandemque existentem susceptiuam contrariorum: pariter nonnullas similes proprietates asseruit in Prædicamentis conuenire alijs partibus entis, ut ueræ naturæ, aut entia existunt.

Ex quibus quidem uerbis facile intelligi licet, eum concedere, in Prædicamentis aliquas esse proprietates quæ conueniant rebus, ut res sunt: quod ipse paulo post confirmat ad hunc modum:

» Cuius rei non leue argumentum tibi esse potest, quod multas  
» etiam, & longè plures in eodem libello ipsius substantiæ legeris proprietates, quæ non ipsam substantiam, & ut res naturæ, & extra intellectum existat, insequuntur, sed prædicandi ac subiiciendi modum in ordine ad ipsas proprietates, ut sæpius demonstrauimus.

Ergo innuit, aliquas esse proprietates in Prædicamento substantiæ, quæ non referuntur ad subiectum, & ad prædicatum: itaq̃ sunt de rebus, ut res sunt. Quod cum ita sit, patet, hominem à seipso dissentire, quemadmodum paulo antè ostendimus.

LXVII.

Valet igitur mea illa ratio contra eos, quorum opinionem refutauimus, si essent aliqua quæ pertinerent ad res, & aliqua quæ non pertinerent, illam non futuram fuisse unam facultatem. Quæ enim sunt de rebus, hæc non referuntur ad alia, ut ex eis etiam quæ iste dixit, constat. Neque ad rem quicquam faciunt, quæ ita scribit:

Cum considerantur uoces, considerantur res, sed non uarijs distinctisq̃ rationibus, quin immò ex rerum intelligentia uoces esse tales cognoscimus.

Nam loquitur de rebus, quatenus ad uoces attinet, quibus significantur ipsæ res: disputatur autem de alijs rebus, & de alijs uocibus. Sed hic etiam secum pugnat. concessit enim superius (ut ostensum est) aliqua in Prædicamentis considerari, ut sunt res: aliqua uero, ut subiiciuntur & prædicantur. Hic autem dicit, eadem ratione considerari & uoces, & res.

LXVIII.

In eo item à seipso dissentit, quod res & uoces, si nō considerantur uarijs rationibus, considerantur eadem ratione. Sed uoces considerantur

tur

tur primò, ergo & ipse res primò, cōtrà quàm suprà scripsit. Rur- LXIX.  
sus uoces considerantur, ut significatiuæ sunt rerum: ergo & res, ut <sup>siue ipsius</sup>  
significatiuæ sunt rerum: quod quidem & absurdum est, & aduer- <sup>opinionis</sup>  
satur ijs quæ superius dixit. Itaq; cum nihil sibi ipse constet, tum ab- <sup>curtio.</sup>  
surda sunt etiam quæ ex eius dictis insequuntur. LXX.

## SECTIO XXVI.



Etia mea ratio hæc fuit: Si in Prædicamentis essent ali-  
qua quæ pertinerent ad res, & aliqua quæ non pertine-  
rent ad res, ut quidam asserunt, superuacanea esset pars  
illa quæ est de rebus: quod quidem sic ostenditur. Li-  
ber Prædicamentorum (ut isti sentiunt) non modo refertur ad Lo-  
gicam, sed est etiam illius pars: sed Logica ex eorundem sententia  
non est de rebus, ergo nihil atinet in eo libro agere de rebus. Qui-  
dam enim (ut diximus) concedebant, res aliquas principaliter con-  
siderari, quod etiam sequitur (ut ostensum est) ex dictis huius ho-  
minis. Debuit ergo uir iste egregius docere, quemadmodum pète-  
remus principium. quod cum minimè fecerit, haud ille quidem rā-  
tionem meam dissoluit. Neque ea sanè dissolui posse uidetur, cum  
non sumpserim, nisi propositiones concessas ab ipsis, utpote Logi-  
cam non esse de rebus principaliter, librum Prædicamentorum con-  
fectum esse propter Logicam, atque illius esse partem, & in eo agi de  
nonnullis rebus principaliter. Deinde subiungit,

Id me pro absurdò obijcere, quod uerissimum, inquit, ipsi confu-  
temur.

Absurdum hoc autem, ad quod ego aduersarios deduxi, est,  
quod frustra in eo libro ageret Aristoteles de rebus. ergo conficitur  
ipse, pertractationem illam esse superuacaneam: tantum quæ de iudi-  
cio Aristotelis detrahit, ut eum (si dijs placet) temere, frustra quæ  
concedat res tractare: nimirum oblitus, quid in secundo tractatu de  
eius laude scripserit.

Primum est, inquit, omnes Aristotelis libros, siue ad Physicam,  
siue ad Logicam pertineant, mirabili doctrinæ ordine ad inuicem  
esse connexos:

Et quæ sequuntur. Quòd si negat, hoc esse absurdum illud, ad  
quod ego aduersarios deduxerim, haud uidetur sanè quid ego mihi  
uoluerim, percepisse. Hoc ipsum enim esse illud absurdum, cæteraq;  
à me esse dicta, ex quibus id ducerem, facile intelligentij qui meam il-  
lam rationem legerint.

Præterea sic argumentatus sum, si in Prædicamentis sint ali-  
qua de rebus, uti dictum est, aliqua non. doctrina illa non magis ad  
Logicam pertinet, quàm ad aliam facultatem: quod quidem ab-  
surdum est, ac maximè contra eos facit, qui putant hanc doctri-  
nam pertinere tantummodo ad Logicam. Consequentia ita confir-  
matur. Quemadmodū ob eam partem, quæ (ut ipsi sentiunt) nō est  
de rebus principaliter, pertinet ad Logicā, quæ non est (ex eorundē  
sententia)

sententia) de rebus principaliter sic, quod ad illam partē attinet, quæ est de rebus primò, eadem ratione pertinebit ad facultates, quæ sunt de rebus primò, ut iste etiam superius concessit scribens,

» Aristotelem posuisse in Prædicamentis eas proprietates, quæ magis philosophiæ naturali deferuissent.

Ergo sequitur, ut hæc doctrina non magis pertineat ad Logicam, quàm ad philosophiam, & ad alias item facultates, quæ de rebus primò agunt.

Quæ cum ita sint, patet, hominem non recte meam hanc rationē percepisse, cum ita scribit:

» Denique unum ex nostra hac opinione infert, quod inferri profecto nec debet, nec potest: tale est, quod nō essent hæc uoces magis pertinentes ad Logicam, quàm ad aliam facultatem.

Nam ego (uti constat) non loquor de uocibus, sed de ijs quæ tractantur in Prædicamentis: quæ quidem ex eorum sententia, partim sunt de rebus primò, partim de uocibus. Non ergo recte dissoluit rationem meam: neque enim ad rem faciunt, quæ scribit.

#### SECTIO XXVII.



Ed cum ego dixissem, ex eis quæ nonnulli dicerent, illud consequi, ut doctrina libri Prædicamentorum non magis pertineret ad Logicam, quàm ad alias facultates, ne quis ita fortè responderet, cæteras facultates esse de complexis,

hanc autem doctrinam de simplicibus, hæc uerba intuli:

» Neque uerò illud dici potest, cæteras facultates esse de complexis, » hanc autem doctrinam esse de simplicibus. Nam (ut ostendi) cæteræ quoque facultates sunt de simplicibus.

Ad hæc respondens uir iste egregius,

» Tu hic, inquit, unum impugnas, quod nullus unquam concessit, » neque horum quispiam, quibus tu aduersari uideris, argumentum » tuum ulla ui fateri cogitur.

Ego autem illud refutauit, cæteras facultates non esse de simplicibus: contrariumque ex eo ostendi, quod cæteræ facultates complexa propria conficiunt ex simplicibus, quæ item sunt illarum propria.

Quod si nemo unquam concessit id quod à me impugnatur, nemo concessit unquam, cæteras facultates non agere de simplicibus. Id enim ego reprehendi, non quod quis hoc asseruerit, sed quod potuerit asserere. Quod si in scientijs non sunt simplicia, nō sunt etiam definitiones: sunt enim simplices, ut patet ex eis quæ sæpenumero diximus. quod quidem aduersatur Aristoteli, cum multis alijs locis, tū uerò maxime primo Poster. libro. ubi ait,

» *Arithmeticum ponere, unitatem esse indissolubilem secundum quantitatem.*

Et secundo Poster. libro, inquit enim,

» *Definitio quidem ipsius quid est, & substantiæ est, Demonstrationes*

giones autem uidentur supponentes omnes, & accipientes quod quid est, ut Mathematica, quid unitas, quid impar, & alie similiter.

Illud igitur & ab Aristotele discrepat (ut demonstrauimus) & à uero quàm maximè abhorret. Nam uidemus scientias Mathematicas sumere definitiones: ac falsum esset illud Aristotelis,

Dupliciter necessarium esse præcognoscere, &c.

Item illud,

Omniem scientiam esse circa tria.

Huc accedit, quod nulla facultas traderet notitiâ essentiae suae subiecti. Quæ quidem omnia cum falsa sint, falsum est, ceteras facultates non esse de simplicibus: ergo uerum est quod ipsi diximus, errant quique id non concedunt, ac male homo iste negat, hoc sequi ex rationibus meis. nam & rationes, & quæ citauimus Aristotelis loca haud dubie declarant, facultates omnes habere necessario proprios terminos simplices, siquidem proprias habent definitiones, & propria habent complexa. Neque enim satis est dicere, hoc esse falsum, hoc non sequi, sed quod quisque asserit, aut ratione id, aut Aristotelis auctoritate corroborandum est. Quod cum iste minimè omnium faciat, haud sanè probanda uidentur, quæ scribit:

Ad aliam item rationem meam, qua ego idem quod ante ostendimus doctrinam scilicet libri Prædicamentorum non esse de uocibus significantes res, quatenus significantes sunt, cum alia nonnulla, tum hæc in primis scribit:

Voces, inquit, ut significatiue rerum, hic primò pertractantur: res ut uocum significata sunt, considerantur: uocum proprietates primò perquiruntur, rerum nonnulli affectus, uocum tamen gratia, typo quodam, ut sit Logico fuerit, monstrantur, tales uoces ex communi usu sic significare supponuntur.

Quibus uerbis uidetur & à ueritate, & à se ipso dissidere. Nam si proprietates uocum primò perquiruntur, proprietates illæ substantiæ, ut nihil substantiæ sit contrarium, ut substantia non suscipiat magis & minus, ut suscipiat contraria. Item proprietates illæ quantitatis, ut quantitati, nihil sit contrarium, ut quantitas sit æqualis & inæqualis, cōuenient primò ipsi substantiæ & quantitati, ut sunt uoces, non ut sunt res, quæ sic uocantur. Itaque si primò conueniant, cōuenient etiam secundum quod ipsum. idem enim ualet primò, ac secundum quod ipsum, ut primo Posteriorum libro docet Aristoteles. Nihil igitur erit contrarium uoci substantiæ, atque eadem ipsa uox substantia non suscipiet, neque magis, neque minus: rursus suscipiet caliditatem, & frigiditatem. Sed hæc omnia (uti patet) sunt absurda. uox enim est percussio aeris, et accidens: ergo falsum est, has proprietates conuenire primò illi uoci: neque ipse dissoluit argumentum meum. Ex quibus quidem intelligi licet, me non sine causa longius à proposito digressum esse.

Neque uerò ita potest intelligere, uocum primò perquiri propria

H tcs,

tes, id est immediate, non principaliter. Nam præterquam quod hoc eius uerba non significant, præterea sequeretur, ut proprietates ipsæ de rebus inuestigarentur primò, id est principaliter, contrà quàm suprà asseruit.

Sed tamen à se ipso dissentit, nam cum suprà locis toties à nobis datus, posuerit uariam Interpretum opinionem, quid in lib. Prædicatorum tractetur, dixit enim:

„ Alios uoluisse, librum illum esse primò de uocibus, ut significati-  
 „ uæ sunt rerum, in quibus fuit Boëtius, Hammonius, Simplicius: a-  
 „ lios de rebus, ut significata sunt uocum: neutram tamen opinionem  
 „ ab hac sua conclusione dissentire.

Aut uerum est, quod hic dicit, uoces scilicet primò pertractari, ut significatiuæ sunt rerum, itaq; proprietates cōuenire illis, ut tales sunt.

Illud autem falsum, pertractari res, ut significata sunt uocum. Aut ē contrario: hæc enim (ut ipse concedit) inter se pugnant ita, ut si alterum uerū sit, alterum sit omnino falsum. Quocirca dicere, librum illum esse de uocibus significantibus res, quatenus significantes sunt, est negare, illum esse de his quæ nō sunt uoces significantes. Rursus dicere, illum esse de rebus, ut significata sunt uocum: est negare, esse de uocibus significantibus res, quatenus significant. Ergo si cum eius conclusione illud consentit, ut sit de uocibus significantibus, quatenus significantes sunt, non poterit cum eadem consentire hoc ut sit de rebus, quatenus significantur uocibus: de eodem enim non affirmatur, & negatur idem. Cum igitur superius dixerit, neutram opinionem à sua conclusione dissentire, quæcunque sit illa conclusio, necesse est altera illarum opinionū ab ipsa conclusione discrepet, sunt enim contradictoriæ, ut ostensum est, itaq; secum ipse pugnat.

LXXI.  
 sue ipsius  
 opinionis  
 euerfus.

Præterea, si proprietates conueniunt primò uocibus, ut significatiuæ sunt rerum, non possunt primò conuenire rebus, ut significantur uocibus. Inter se enim hæc pugnant, ut concessit ipse. Quare si unum consentit cum cōclusionē, alterum non potest consentire. Sed contrarium suprà dixit, ergo sibi non constat.

#### SECTIO XXVIII.



Præterea sic etiam licet ostendere, illum in hac re à se ipso dissidere. Si summa eorum, quæ sese ait concedere, hæc est, uoces hic primò considerari, ut significatiuæ sunt rerum, liber ille non est de rebus, ut significantur uocibus. Hæc enim (ut ipse dixit) sibi inuicem contraria sunt. Atqui superius in primo supposito secus testatum reliquit his uerbis,

„ Postea res ipsas omnes, ut ab intellectu nostro apprehensas, & uo-  
 „ cibus significatas, in quatuor reduxit modos, ut in substantiam uni-  
 „ uersalem, aut particularem, in accidens uniuersale, & particulare. &  
 „ ex hoc clarè nobis patere potest, non res ipsas absolute, & in pro-  
 „ pria natura, hoc in libro cōsiderasse (Metaphysici namq; hoc munus  
 „ esset) sed in ordine ad intellectum, ut uocibus significantur.

Et



Et initio secundi tractatus:

Abundè, inquit, superius demonstrauius, res ibi considerari, ut significata sunt uocum, ac subtracta secundarum intentionum.

Cum hic igitur dicat, doctrinam illam esse de uocibus significantibus res: superius autem dixerit, esse de rebus, ut significata sunt uocum, quæ item (ex eius sententia) diuersa sunt, secum pugnat. Quoquo modo igitur de hac re sentiat, necesse est à se ipso discrepet.

Eodem etiam loco perspicuè à se ipso dissentit, cū dicat, uoces hic primò tractari, ut significantiæ sunt rerum: rursus tractari res, ut uocum significata sunt.

Neque uerò illud potest dicere, sese ita sensisse, hanc doctrinam esse primò quidem de uocibus significantibus res, quatenus significantes sunt: non primò autem de rebus, ut significantiæ sunt, sed per accidens. nam falsa essent omnia, quæ paulo antè citauimus ex primo eius supposito. Diuisisset enim librum illum, in id quod tractatur per accidens, cum uellet ostendere principalem eius finem: quod quidem dem absurdum esse, planè constat.

Videtur in eo quoque secum dissidere, quod ait, hic primò inquiri uocum proprietates. nam si proprietates uocum hic primò inquiruntur, conueniunt ipsis uocibus, ut uoces sunt, ob eam quam attulimus rationem. Itaque non conueniunt uocibus propter res, quæ significantur. aliter enim non conuenirent illis primò, sed propter aliud, uidelicet propter res, quæ significantur: quod quidem cōtra ipsum facit, quippe qui superius ita scripsit,

Non enim uerum est, substantiam, ut genus, in eo libro considerari, sed istam uocem Substantia, quæ genus appellatur, ut significantiua est rei quæ est substantia, & tibi concederent, illud prædicatum quod est, non suscipere magis & minus, & suscipere contraria, de tali subiecto inquiri. Et licet hæc uox de illa uoce prædicetur, non tamen sui gratiā, sed rei significantiæ.

Si ergo in Prædicamentis ostendatur alicuius rei proprietas, necesse est, uox prædicetur de uoce. non enim possumus asserre nobiscum res. Itaque uox illa prædicatur de uoce, non sua, sed ipsius rei causa. ergo uerè dicitur, substantiam esse susceptiuam contrariorum, propter ipsam rem, non propter uocem. Ac ita quidem non inquiruntur proprietates illæ de uocibus primò. hoc enim fit propter ipsas res. Igitur à se ipso dissidet. atque ex illius sententia sequitur, ut liber ille sit de rebus.

Præterea, si proprietates illæ conueniunt uocibus rerum causa, non conueniunt ipsis rebus propter uoces. ergo secum etiam dissidet hoc loco, quippe qui superius dixit,

Rerum nonnullos affectus, uocum tamen gratiā, typo quodam, & ut sit Logico fuerit, monstrari.

À se ipso item discrepat, quod supra (ut ostensum est) scripsit, nō nullos affectus conuenire rebus, ut res sunt: nunc uerò id negat.

Præterea, si Logica, & per consequens liber Prædicamentorum,

H 2 sit

sit de uocibus significantibus res, quatenus significantes sunt, nō est de secundis intentionibus, adiunctis primis, sed superius ita scripsit:

„ Entia rationis, siue secundas intentiones dixeris, & à Metaphysico, & à Logico considerantur, uario tamen modo. Ille quiditatem earum, si quam habent, considerat, ut omnino à primis intentionibus abstrahunt, aut res ipsas inesse cognito denominant. Contra se habet Logicus: ea enim non sic simpliciter, sed ut primis adiuncta, et res sic intellectas denominantia, quinimmo & uoces res sic intellectas significantes speculatur. id est quod assererat doctissimus Auicenna, uidelicet, Logica est de secundis intentionibus, adiunctis primis.

LXXVII. *sue ipsius opinionis uersio.* Ergo secum pugnat. Consequentiam confirmant ea, quę in tertio supposito scribit, ubi ostendit,

„ Secundas intentiones esse operationes intellectus possibilis, comparantis unum obiectum cognitum ad aliud.

Sed uoces, ut significant, nō sunt (quemadmodū patet) huiusmodi operationes intellectus: ergo nō sunt secundę intentiones. Quod si Logica est de uocibus significantibus res, non est de secundis intentionibus, adiunctis primis. Itaq; secum pugnat, ut diximus.

LXXVIII. Pręterea, si Logica est de rebus, ut significantur, & intelliguntur, non est de secundis intentionibus adiunctis primis: immo uerō de primis, ut substant secundis: ergo à se ipso discrepat.

Pręterea, si uoces eę quę sunt in Prędicamentis, ponuntur tantummodo, ut ex communi usu significant, superuacanea est hæc doctrina. nihil enim aliud est, nisi Dictionarium quoddam.

#### SECTIO XXIX.



„ Aximē item à seipso dissentit, cum ita scribit:

„ In hoc uidelicet libro Prędicamenta, siue Prędicamentum subiectum statuit, quod antequam ad ipsarum uocum affectus explicandos, monstrandosq; Aristoteles se contulerit, potuisset citra notam ueri subiecti docere inductiuo quodam modo, singula earum significare substantiam, aut quantitatem, & reliqua.

LXXIX. Nam si hoc uerum esset, Prędicamenta non essent de uocibus significantibus res, quatenus significantes sunt. Cum enim (ut sentit ipse) agatur in his quę præcedunt ipsa Prędicamenta, de uocibus si significatiuis, sequitur, ut de iisdem non agatur in Prędicamentis: frustra enim id fieret. Itaq; à se ipso dissidet, qui secus toties dixit.

„ Neq; potest dici, in Prędicamentis alio modo de uocum significationibus agi, quandoquidem in secunda commentarij nostri sectione declaratum est hoc fieri non posse, idq; confirmat quod superius dixit ipse, uoces quę sunt in Prędicamentis poni ut ex cōmuni usu significant. quod nihil aliud est, quā docere inductiuo quodā modo, singula eorū significare substantiam, aut quantitatem, et reliqua. Pręterea si Prędicamentum est subiectū libri Prędicamentorū, igitur omnia quę pertinent ad illum librum, considerabūtur sub ratione Prędicamenti, hoc enim perspicuū est, ut sæpe declarauimus. igitur

tur nō potest ostendere affectus uocum, ut significatiuæ sunt rerum. Sed paulo antè dixerat, Voces ut significatiuæ rerum, hic primò pertractantur res, ut uocum significata considerantur uocum proprietates primo perquiruntur. & in uerbis citatis dicit, quod explicantur affectus uocū. Cōsequentiā declaratur, quia considerare uoces, ut prædicantur, nō est eas considerare ut significant res. hoc enim ostensum est. Sæpe igitur in hac etiam re suam ipse euellit opinionem.

Quod uerò citat ex libro Physicorum, cum nihil ad rem facit, non enim est simile, tum falsum est. nam ponit, principia rerum naturalium subiectum esse in libro Physicorum, cum tamen in primo textus eius lib. ostendat Aristoteles, principia esse inquirenda propter res naturales. Quod si inuestigantur principia propter aliud, non tractantur ipsa principaliter: itaq; non possunt esse subiectum, ut ex eis quæ primo libro dicta sunt, facile constat.

Nihil autem ad rem facit, quod ait, in lib. Physicorum demonstrari, materiam esse. siquidem alienū est ab ijs quæ superius ita scripsit:

Antequam ad ipsarū uocum affectus explicandos, monstrandosq; se contulisset, potuisset citra notam conditionis ueri subiecti, docere inductiuo quodam modo, singula earum significare substantiam, aut quantitatem: & quæ sequuntur.

Dissidet etiam cum Aristotele, cum ait, de ea re quæ postea subiectum statuitur, quæri posse, Quid nominis: quia quid nominis non est quæstio, essent enim quinque quæstiones.

Dissent item ab expositoribus, quibus tamen tantum tribuit, cum ait, quæri id quod subiectum statuitur. illi enim de subiecto dicunt in scientia pro certo concessioq; sumi quid, et quia est: neq; docet, quæ admodum exponenda sint ea Aristotelis loca, quibus idem quod Interpretes dicunt, sentire uidetur Aristoteles, ut I. Poster. lib. ubi ait:

*De subiecto in scientia supponit.*

Et VI. Primæ philosophiæ lib. tex. & primo, ubi ita scribit:

*Idcirco patet, tali ex inductione substantiæ, atq; ipsius quid est, demonstrationem non esse, sed quendam declarationis alium esse modum. simili modo, neq; si sit, an non sit, genus id, circa quod uersantur dicere quicquam uidentur, propterea quod eiusdem est mentis quid est, & si est quippiam declarare.*

Ad illud autem respondens, quod ex Græcis expositoribus citauimus, negat sequi, ut Prædicamentorum liber sit de rebus. neq; tamē meum illud argumentū dissoluit, fieri non posse, ut ea quæ non sunt res primò, in rerum notitiā ducant. Neq; rectè negat, uoluisse Aristotelem in eo libro docere, res infinitas redigi ad finitas. nam illi, contra quos ego argumentatus sum, asserunt, ob hanc causam doctrinā illam seorsum esse traditam.

Præterea non intelligo, quemadmodū defendat Boëtium à nostra argumentatione. nam si infinitum accipitur pro indeterminato, Aristoteles autē ita sentiat, nomina esse finita, id est determinata,

H 3 atq;

atq; ob hanc causam necessariò plures res uno nomine significari, falsum est, si res sint indeterminatæ, ipsas uoces esse indeterminatas: res enim nō possunt esse infinitæ. Quod si uoces essent indeterminatæ, non necesse esset, una uoce significare plures res: possent enim tot nomina reperiri, quot res. Nō dissoluit igitur argumentū, neq; animaduertit Boëtii dixisse, necessariò uoces esse indeterminatas: quod aduersatur Aristoteli, qui ponit, uoces esse determinatas.

## SECTIO XXX.



**Q**uod assert etiam, ut Boëtium tueatur, inane est, neq; ulli omnino uim habet: non enim meam illam rationem dissoluit, quòd nullo modo posset hic liber adiungi ijs, quæ tractantur in Prima philosophia, quæ est de rebus primò, nisi etlet ipse primò de rebus.

Cum item responderet ad argumentū meum de fine Logicæ, non modo rationes meas non diluit, sed ne ad rem quidem faciunt quæ scribit. Ego enim (ut id quàm breuissimè perstringam) illud asserui, posse nos finem Logicæ, qui est docere constituere instrumenta cognoscendi, assequi sine cognitione terminorum, qui sunt in Prædicamentis, itaq; superuacanea esse Prædicamēta, & cætera, quæ à nobis in Cōmentario disputata sunt. Ipse autem ait primū, finem Logicæ esse uerum à falso discernere: deinde concedit, esse illum etiam Logicæ finem, quem ego demonstraui. Negat autem id sequi, quod à me dictum est: neq; ullam meam rationem infirmat, & à proposito sine causa egreditur, ut doceat, rationalem artificem, quem ipse Logicum uocat, scire syllogismorum naturas. Deinde subdit, me separare dialecticam à Logica: neq; tamen ad rationes meas, quibus id ego ostendi, quicquā respondet. Falso autem illud addit, scripsisse me, dialecticam esse subalternatam Metaphysicæ: neque enim ego tam stultus sum, tam uel Peripateticæ doctrinæ ignarus, ut id non modo dicerem, sed ne cogitarem quidem.

Multa præterea subiungit, de quibus agitur in Prædicamentis, quæ neq; ad rem faciunt, & falsa sunt, ut ex ijs quæ suprā disputaui-mus, facillè intelligi licet.

Quod uerò citat ex lib. Posteriorum, id contra ipsum facere uideatur. siquidem dicit Aristoteles, primam illam rationem, qua ostēdit, in Prædicatis per se non esse processum in infinitum, non esse propriam illius facultatis, sed Logicam, & communem. Constat autem cum ex alijs compluribus locis, tum uerò ex secundo libro de Partibus animalium, cap. VI. Aristotelem rationes communes appellare Logicas. Inquit enim,

„ *Logicæ quidē igitur, ex his utiq; aliquis credere posset, de eo quod*  
 „ *dictum est. analytice autem manifestum est per hæc breuius, quod ne-*  
 „ *que sursum, neq; deorsum infinita prædicantia contingit esse in demon-*  
 „ *stratis scientijs, de quibus est intentio.*

Quòd si ratio sumpta ex Prædicamentis, non est propria facultas

tis eius quam nos Logicam appellamus, sed est Logica, id est cōmuni-  
nis, Prædicamenta non sunt pars Logicæ. *Reflexio et  
guentia.*

Quod autem ad eam, quam subiungit, rationem atinet, satis, su-  
perq; in Commentario responsum est, ac præcipue cum ostendimus,  
Topicorum lib. & Elenchorum non esse partes Logicæ.

Postremò quiddam scribit, in quo à se ipso dissidet. Cum enim su-  
perius dixerit, ea quæ sunt in Prædicamentis, esse partes necessarias  
Logicæ: hic ait, Aristotelē uocibus illis uti in Logica pro exēplis. Nā  
et ipsi dicimus, uoces illas nō esse partes Logicæ, sed exempla aliunde  
petita. Quòd si ob hæc exempla dicat, Prædicamēta esse partes Logi-  
cæ: fatendū est etiam, cæteras facultates esse partes Logicæ. sunt enim  
in ipsa Logica exempla ferè omnium facultatū. Ergo sibi nō constat, *lx xx  
sue ipsius  
opinionis  
euerfio.*  
cum superius aliter dixerit. Nihil autem cum ad rationes meas re-  
spondisse, faciliè intelligēt ij, qui librum illius legerint.

## ANTONII BERNARDI MIRAN- DULANI APOLOGIÆ

### Liber Septimus.

#### SECTIO PRIMÆ.



Vm satis, superq; iam responsum esse uideatur, ad  
ea quæ Iacobus Iacomellus primo, & II. & III. tra-  
ctatu scripsit: deinde ingrediendū putamus ad ea,  
quæ IIII. tractatu persequitur. Ita enim faciliè (nisi  
mea me fallit opinio) intelligi poterit, quàm iure il-  
le me, uereq; redarguerit.

Primum autem multa præter rem congerit homo, ut id infirmit,  
quod à nobis dictum est, dialecticam scilicet & Logicam esse distin-  
ctas, neq; tamen rationes meas dissoluit. Ac deniq; illud infert, uelle  
se ostendere, dialecticam unā esse ex primarijs Logicæ partibus: nō  
nullaq; ex lib. Priorum recitat, quæ quidem tantum absunt ab euer-  
tenda opinione nostra, ut illā etiam maximè cōmuniant. Nos enim  
illud sæpe cōcessimus. probauimus etiā in procemio Commentarij  
nostri, syllogismum dialecticum, itaq; propositionem dialecticam, ne-  
cessariò pertractari à Logico, quatenus docentur arte constitui. Cō-  
cessimus igitur, quod ostendunt rationes eius. Quapropter in fine  
Commentarij nostri docuimus, partem illam Topicorū, in qua tra-  
dit Aristoteles proprietates syllogismi dialectici, & sophistici, esse Lo-  
gicam: atq; ibi quidem illū suscipere personam Logici, quemadmo-  
dum in Rhetorica, ubi de Enthymemate agit, & de ciuilibus, suscipit  
personam & Logici & ciuilis, huius etiam rei causam attulimus.

Sed, quod etiam superioribus libris fecimus, rationes eius, quasi  
tela quædā contra nos ab illo temerè coniecta, in ipsum repellamus.

Nam si (ut ipse quidem concedit) eadem est Theoria totius &  
partis, Logicus autem pertractat orationem, pertractabit etiam

partes orationis. at definitio, ut definitio, est pars orationis: est enim oratio, qua explicatur quid est. ergo Logicus considerat definitionem, ut est definitio. ita enim probavit ipse, syllogismum dialecticum, & sophisticum pertinere ad Logicam. Sed superius hoc negavit: ergo secum dissidet. De hac autem ratione in quinto libro disputauimus.

Illud etiam contra eum facit, quod scribit, ex his quæ ego concesserim, sequi, ut Logicus necessariò speculetur propositionem dialecticam, quia speculatur demonstratiuam: esse enim ambas species propositionis. Nam sic argumentor: Demonstratio & definitio sunt duæ species orationis, atq; altera, uidelicet demonstrationem (ut ipse fatetur) pertractat Logicus: necessariò igitur & alteram, definitionem scilicet, pertractabit. Sed contrarium supra tam multis uerbis ostendere conatus est. ergo secum ipse magis, quàm nobiscum pugnat: neque tam nostras, quàm suas evertit rationes.

Illud autem assentimur, syllogismos dialecticos, quatenus docentur arte constitui, pertinere ad Logicam: sed negamus, syllogismos dialecticos, cuiusmodi hic est, Si quod minus uidetur fieri posse, tamen fit, multò magis fiet, quod quidē magis fieri posse uidetur: at minus uidetur fieri posse, ut miles capiat castrum, quàm exercitus, & tamen cepit, ergo & exercitus capiet: pertinere ad Logicum, conficiuntur enim ex communibus. Quòd si argumentum eius ita concludat, syllogismos dialecticos pertinere ad Logicam, ut docentur arte constitui, quemadmodum pertinent propositiones dialecticæ: id à nobis quàm maximè facit, tantùm abest ut opinionem nostram quicquam labefactet. Sin autem illud homo sentiat, propositiones dialecticas, id est maximas illas, & communes propositiones pertinere ad Logicam, itaq; syllogismos dialecticos, longè (meo quidem iudicio) fallitur: discrepat enim ab Aristotelis sententiâ, quam ille cum compluribus alijs locis testatam reliquit, tum maximè primo Rhetoricorum lib. his uerbis:

- » *Dico autem Dialecticos & Rhetoricos syllogismos esse, de quibus locis dicimus: hi autem sunt communiter de iustis, & physicis, & de politicis, & de multis specie differentibus: ut locus maioris, & minoris. Non enim magis ex hoc erit syllogizare, uel enthymematizare dicere, de iustis quàm physicis, uel de quibuscunque, etsi hæc different specie.*

Si isti ergo syllogismi, ut Aristoteles sentit, communes sunt etiam illis qui specie differunt, non magis illi quidem ad Logicam, quàm ad alias facultates pertinent.

Hoc idem etiam confirmat Aristoteles primo Elenchorum libro, cap. VI. cuius hæc sunt:

- » *Manifestum est ergo, quoniam non omnium elenchorum, sed eorum qui sunt secundum dialecticam, sumendi loci. nam hi communes sunt*  
ad

ad omnem artem, & potentiam, & cum quæ est secundum quancq; disciplinam, elenchum, scientis est considerare, siue cum non sit, siue cum est, & quare est. cum autem quæ ex communibus est, & sub nullam artem cadit, dialecticorum est.

Quòd si huiusmodi syllogismi communes sunt omni arti, ac potentie, neq; sub unam aliquam artem cadunt, non magis illi quidem ad Logicam pertinent, quàm ad alias facultates. non enim iam communes essent: quippe qui ad Logicam tantùm pertinerent, eaq; ipsa continerentur. Ergo, aut homo iste nihil à nobis dissentit: aut in altera, qua utitur ratione, ab Aristotelis opinione discrepat.

Præterea, si propositiones dialecticæ, ut si quod minus uidetur fieri posse, tamen fit, ad Logicam pertinent, ut ipse asserit, propterea quòd dixit Aristoteles, propositiones dialecticas ad ipsam Logicam pertinere, sic propositiones demonstratiuæ, ut animal rationale est risibile, pertinebunt ad Logicam: eadem est enim ratio. Item etiam, si ad Logicam spectent syllogismi dialectici, propterea quia ad eandem spectant propositiones dialecticæ, cum ipsius Logicæ sint propositiones demonstratiuæ, erunt etiam demonstratiui syllogismi: cuiusmodi hic est, omne animal rationale est risibile, omnis homo est animal rationale, ergo omnis homo est risibilis. itemq; reliqui omnes: ergo omnes scientiæ pertinebunt ad Logicam. Quod cum fieri nequeat, necesse est, aut dicat, propositiones dialecticas & syllogismos dialecticos pertinere ad Logicam, quatenus docentur arte constitui, ut nos diximus, itaq; nostram opinionem comprobet: aut à se ipso dissentiat, qui superius posuit, reliquas facultates esse distinctas à Logica, & Aristotelis sententiam penitus evertat.

Tertium etiam argumentum probat idem, quod nos et proœmio nostro, & alibi sæpe iam ostendimus.

SECTIO II.



Illud autem libri Topicorum, quo suam ipse opinionem confirmari putat, à nobis maxime facit. declarat enim, dialecticam non esse Logicam, atque in ipsis Topicis Aristotelem agere de syllogismo dialectico per accidens, quatenus scilicet personam Logici fulcipit. Nam initio eius libri,

*Propositum quidem negotij est, inquit, methodum inuenire, à qua poterimus syllogizare de omni proposito problemate ex probabilibus.*

Sed methodus syllogizandi de omni problemate ex probabilibus, est inuentio locorum communium, uti docet non modo Aristoteles in Rhetoricis, sed etiam (ut ad confutandas hominis rationes eorum quoque auctoritate utar, quos ipse sequitur) Alexander. In proœmio enim,

Cæterum, inquit, Aristoteles de sic dicta dialectica etiam in alijs libris tractauit, maxime tamen in his qui inscribuntur Topica, quòd nonnulli loci traduntur, à quibus initium facientes poterimus de omni proposito problemate ratio cinari, ut ipse inquit.

Finis

Finis igitur huius facultatis est, inuenire locos communes: sed docere inuenire locos communes in omnibus rebus, non est tradere regulas, quibus conficiantur instrumenta cognoscendi, siquidem loci illi communes, cum nullum habeant definitum subiectum, non minus usui sunt alijs facultatibus, quàm Logicæ: ut ex his patet, quæ suprà diximus. Quare cum finis Topicæ facultatis sit, tradere locos illos cōmunes, non docere constituere sua instrumenta, neq̃ est Logica, neq̃ pars Logicæ. Logicæ enim est, atq̃ eius partiū, tradere rationem conficiendi instrumenta, quibus ignota cognoscimus, ac propterea quidem partes Logicæ (ut ipse etiam in fine secundi cap. I. tractatus concedit) certum habent, definitumq̃ subiectum. Sed Topicorum liber, non habet certum definitumq̃ subiectum, ut in quinto etiam libro ostensum est, ergo non est pars Logicæ. Minor probatur, quia dialectica non habet certum genus: Topica autem, & dialectica, nihil inter se differunt. Maior etiam comprobatur uerbis Aristotelis, cum multis alijs locis, tum primo Posteriorum lib. loco superius etiam citato:

- » Sed dialectica, inquit, non est sic definitorum quorundam, nec generis alicuius unius est. non enim interrogaret propter id, quod oppositorum esse non demonstrat idem.

Et i. Elenchorum:

- » Nunc autem nō est dialecticus et circa genus aliquid determinatū, neq̃ ostensius ullius, nec talis, qualis uniuersalis.

Illo autem libro per accidens tradi syllogismi dialectici proprietates, ex inscriptione quodammodo intelligi licet: inscribiur enim liber Topicorum, quod idem est, ac si inscriptus esset, liber Locorum. Patet etiam ex uerbis Aristotelis, qui primo cap. eiusdem libri, connumeratis syllogismi speciebus, sic inulit:

- » Species igitur syllogismorū, ut figuratim sit completi, sint dictæ. Quæ uerba exponens Alexander, Velut, inquit, descriptione quadam, & non diligenter, exploratēq̃. Sic autem fortē dixit, uel quia non exactam definitionem unius cuiusq̃ tradit: uel potius, quia non hæc elaboratē tractat, cum non sit eius propositum principale de his dicere.

Pōst Aristoteles hæc subiunxit:

- » Summatim autem dicendo de omnibus prædictis, et de his quæ postea sunt dicenda, in tantum nobis determinatum sit, eo quod de nullo eorum exactam rationem assignare eligimus, sed aliquantulum de bis uolumus pertransire, omnino sufficiens arbitantes esse, secundum propositam methodum posse cognoscere quoquo modo unumquodque illorum.

Agit ergo Aristoteles de huiusmodi syllogismis per accidens, quatenus scilicet Logici personam suscipit, quæ his proprietatibus (ut in fine Commentarij diximus) repleta est Logica.

Diale-



Dialecticam uerò nō esse Logicam, patet etiam ex his utilitatibus, quas Aristoteles scribit asserere nobis dialecticam: quas quidem utilitates ex ipsa Logica percipi non posse, nemini obscurū esse arbitror. Ex quibus uidetur omnino constare, Aristotelem uerbis illis,

*Primum igitur dicendum, quid est syllogismus, & quæ eius differentie, ut sumatur dialecticus syllogismus. hunc enim quaerimus secundum propositum negotium:*

Noluisse ostendere, sibi illud propositum esse, ut eo libro ageret per se de regulis syllogismorum dialecticorum (non enim, quæ superius dixerat, ad rem facerent) sed uoluisse id significare, cum propositum negotij esset inuenire methodū syllogizandi ex probabilibus. hoc est, cum sibi propositum esset, inuenire, & conficere syllogismos dialecticos, necessario declarandum fuisse, qui esset ille syllogismus, quem uellet conficere: itaq; docendum fuisse, quemadmodum fieri oporteret. hoc enim in libro uult in primis conficere huiusmodi syllogismum, tradendo locos communes, non tradere eius proprietates, quemadmodum fit in scientijs, quæ conficiunt demonstrationes, quibus probentur passionēs de suis subiectis. Quod autem nōdum docuerat, qui nam esset huiusmodi syllogismus, & quemadmodum conficeretur, antequam traderet locos eum conficiendi, statuit ponere regulas, quibus rectè confici posset. Quare uidetur dialectica cōstare & ex Logica, & ex Locis: sed ex Logica per accidens, ex locis autem per se, ut docuit Aristoteles, Rhetoricam esse compositam ex parte resolutiua, & ex ciuili ea quæ est de moribus. Id autem cur factum sit ab Aristotele, satis uidemur in fine Commentarij explicasse. Ex quo patet nihil illud obstare, quod primo Rhetoricorum libro ita scriptum reliquit Aristoteles:

*Et de quolibet syllogismo Dialecticam, uel uniuersam, uel partem eius quandam considerare.*

Quandoquidem perspicuè loquitur de ea parte dialecticæ, quæ proprietates omnes syllogismi dialectici tradit, illis enim uerbis ostēdit (ut liquet) quo modo quis fiat Enthymeticus, & quomodo persuadeat dicens persuasionem Rhetoricæ esse demonstrationem, quæ quidem non possunt spectare ad lib. Priorum, ut multi perperam (mea quidem sententia) existimarunt.

SECTIO III.



Ræterea, dialecticam nō esse Logicam, uidetur quodammodo ostendere optimus Græcorum omnium Interpretum Alexander, ipsa rei ueritate fortè coactus. Nam in primū Topicorum librum,

Non enim, inquit, sicut unaquæq; scientia circa aliquod genus de terminata, propria illi generi, & quæ per se eidem insunt, ostendit, & accipit per principia propria illius generis, sicut etiam hæc disciplinæ, loquens de Rhetorica, & Dialectica. Nam neque de aliquo rationem faciunt per propria illi, & quæ sunt in substantia eius, ostendunt,

„ dunt, quæcunque demonstrant, sed ipsarum tractatio uersatur circa  
 „ communia. nam dialectici similiter interest de Musicis rebus, ut de  
 „ Medicinalibus, immò de Geometricis, naturalibus, moralibus, ratio  
 „ nalibus, & de omnibus propositis disserere. Nam eius ostensiones  
 „ sunt ex communibus opinabilibus, et non proprijs ipsis propositis.  
 „ Non enim per Medicinæ principia dialecticus demonstrat aliquid,  
 „ ita de cæteris.

Dialecticus ergo cum non possit ex proprijs disserere de rationalibus, non est artifex rationalis, neque pars eius: dissereret enim ex proprijs illius. At rationalis (ut iste etiam concedit) est Logicus, ergo dialecticus non est Logicus.

Hoc idem Alexander ipse confirmat, exponens ea quæ de dialectico scripsit Aristoteles. eius autem hæc sunt uerba:

„ Tertium præterea utilitatis modum ponit, dicendo quòd est uti-  
 „ lis ad eas quæ sunt secundum philosophiam, disciplinas, et ad cogni-  
 „ tionem secundum scientiam, id est ad inuentionem ueri, & cognitio-  
 „ nem. Dixit autem disciplinas secundum philosophiam, scilicet natu-  
 „ ralem, moralem, rationalem, & metaphysicam.

Quòd si dialectica est utilis ad rationalem, non est rationalis: idem enim non est sibi ipsi utile, sed necessarium. Præterea quemadmodum est utilis ad moralem, ad naturalem, & ad metaphysicam, nequæ tamen ulla est ex his: ita non est rationalis: ergo non est Logica, ex Alexandri etiam, quem ipse sequitur, sententia. Quòd autem rationali facultate intelligat Alexander Logicam, ex eis intelligi licet, quæ in eundem Topicorum librum ita scribit:

„ Quæcunque uerò nec ut agibilia quærantur, neque habent per-  
 „ fectam cognitionem ueritatis in se ipsis, sed uelut adminiculatæ sunt  
 „ ad eligibilem & non eligibilem cognitionem, uel ad uerorum &  
 „ falsorum inuentionem conueniunt, hæc sunt problemata rationalia.  
 „ Nam rationalis facultas habet locum organi in philosophia.

Et quæ sequuntur. Quæ quidem id apertissime declarant, quòd à nobis dictum est.

Ex quibus satis patere arbitror, quòd ipse in quarta ratione, quæ contra nos utitur, absurdum esse scribit, id non modo absurdum nō esse, sed maxime necessarium. Neque ex his quæ dixit, illud insequi, ut liber Topicorum sit pars Logicæ: sed omnino contrarium, uti nos ostendisse arbitramur. & eo magis, quòd non dissoluit rationes eas, quibus id in Commentario nostro confirmauimus. quòd quidem illum prætermisisse, mirandum est: quippe qui non deberet ignorare, qui absurda tantum opponat, hunc ex Aristotelis sententia, nec rationes, nec uerisimilitudines dissoluere. Is enim secundo Rhetoricorum libro, capite uigesimo quinto,

„ Nam qui obijcit, inquit, non dissoluit uerisimilitudinem, sed non  
 „ esse necessariam probat.



Is absolutis, consequens est ut respondeamus ad ea quæ Iacomellus II. cap. IIII. tractatus scribit: quanquam ex eis quæ superioribus libris disputauius, satis dissolui possint. Miramur igitur, quid huic homini in mentem uenerit dicere, nos posuisse, dialecticam esse subalternatam Primæ philosophiæ, cum nusquam id omnino dixerimus: immò uerò ubiq; illud, dialecticam neq; habere subiectum proprium, & esse à Logica distinctam. Quin etiam illius usum multo latius patere, quàm Primæ philosophiæ. Deinde ostendens homo, Dialecticam non esse subalternatam, loquitur de Logica perinde, ac si nos illud asseruissemus, utranq; eandem esse. Mirum autem uidetur, cum, cum uellet ostendere, Logicam non esse subalternatam, tacitas præterisse rationes eas, quibus ego conatus sum contrarium probare, ac mihi quidem satis probasse uideor.

Prima autem eius positio falsa est, si intelligat, unam facultatem esse sub altera alio modo, atque operis gratia, ut ostendunt & rationes, & Aristotelis loca, quæ ego in Commentario attuli. Quamobrem ea quæ profert, ut contrarium ostendat, aliena sunt, ac planè commentitia. ut illud, cum rationem reddit, quare species non sint subalternatæ generibus. Vera enim huiusce rei causa colligitur ex uerbis Aristotelis, quæ nos in Commentario recitauimus. Subalternari enim apud Aristotelem nihil aliud significat, nisi, facultatem aliquam considerare operis causa, id quod altera simpliciter & absolute considerat. Atq; illa quidem quæ operis gratia considerat, ei subijci dicitur, quæ absolute considerat: est enim posterior.

Illud etiam falsum est, Aristotelem primo Posteriorum libro tradere, facultatem eam quæ subalternas dicitur, semper explicare propter quid omnium principiorum, quæ sunt in subalternata: nulla est enim ratio illa, hæc facultas sibi hanc subalternat, ergo explicat propter quid omnium principiorum eius. Rectè quidem sic insertur, hæc facultas explicat propter quid huius facultatis, ergo illam sibi modo aliquo subalternat, idq; sensisse Aristotelem diximus.

Præterea, ut traderet Aristoteles, omnem facultatem subalternantem explicare propter quid eorum quæ sunt in subalternata principia: hoc esset intelligendum, ut in pluribus, ob eas quas in Commentario attulimus, rationes. Sed de hac re, cum & in Commentario nostro, et quarto huius Apologiæ libro satis multa disputauerimus, ad illa nos loca rejicimus.

Quod præterea scribit, principia, subiectum, & affectus in omnibus facultatibus congenita esse oportere, & eadem, quod Aristoteles primo Posteriorum libro, Ex quibus, inquit, demonstrare est, contingit esse eadem. hoc ipsius opinionem eucleticam. Nam si principia subalternantis facultatis, et subalternatæ, sint diuersa, ut ipse satis est, subalternans facultas non potest subalternatæ principia ostendere, propterea quia non sunt eadem utriusq; principia. Ergo secum pugnat,

quippe qui contrarium antè dixit. Quod autem subdit, facultatem subalternantem ostendere principia facultatis subalternatæ, quod subalternantis principia sunt simpliciora, subalternatæ autem compositiora, minimè dubitari potest, quin ab Aristotele dissentiat. Ex hoc enim sequitur, ut Arithmetica ostendat principia Geometriæ, siquidem Arithmetica principia habet simpliciora principijs Geometriæ, ut testatur Aristoteles 1. Poster. lib. his verbis:

- ” *Et quæ ex minoribus, ea quæ est ex positione, ut Geometria, & Arithmetica, dico autem ex positione, ut antea substantia est sine positione,*  
 ” *punctus autem est substantia posita, hoc autem est ex appositione.*

Si ergo principia, quæ sunt magis composita, ostenduntur (ut Iacommellus dicit) principijs simplicioribus, Arithmeticæ principijs ostendunt Geometriæ principia. Quod tamè cum perspicue falsum sit (principia enim Geometriæ carènt medio, ac per se nota sunt) & à ueritate et ab Aristotelis sententiâ penitus abhorret, quod homo scribit. Quin ex illo etiâ, quæ citat, Aristotelis loco, sequitur illa esse diuersa principia.

Quæ uerò in altera eius confirmatione sunt, partim nihil concludunt, partim hominis etiam opinionem evertunt. Partim autem nihil concludunt, quia ut principia facultatis subalternatæ redigantur ad principia subalternantis, utpotè ad ea, quæ absolute considerantur: tamen ex hoc illud non consequitur, ut subalternans probet semper ipsa subalternantis principia. Nam (uti sæpe diximus) fieri facile potest, ut principia facultatis subalternatæ sint etiam principia subalternantis: quæ quidem principia ostendere non potest facultas subalternans. id quod accidit principijs Logicæ, quæ item sunt principia Primæ philosophiæ: sunt enim affectus entis. itaque patet, nihil hominem concludere. Partim uerò, ea quæ scribit, ipsius opinionem evertunt. Nam si principia facultatis subalternatæ (ut ipse ait) sint composita, & effectus, subalternantis autem causæ: cum ipsa composita, & effectus, ut ex primo Physicorum lib. constat, sint notiores nobis, causæ uerò naturæ: innata sit autem nobis uia progrediendi à compositis ad causas, principia facultatis subalternatæ demonstrabunt principia subalternantis. Demonstratio enim debet esse ex notioribus nobis, discimus enim ipsi conclusiones per demonstrationem. At contrarium suprâ dixit, ergo suam ipsius opinionem evertit.

In ijs item quæ subdit, uidetur omnino à ueritate recedere. nam cum locum citat primi Posteriorum libri, qui nihil ad rem facit. siquidem ibi non loquitur Aristoteles de facultate subalternante, & subalternata. ait enim,

- ” *Sunt autem, quibus utimur in demonstratiuis scientijs, alia quidem propria uniuscuiusque scientiæ, alia communia. communia autem secundum Analogiam: quoniam utile est, quantum in eo quod sub scientia est,*  
 ” *genere: propria quidem, ut lineam esse huiusmodi, & rectum: communia autem, ut æqualia ab æqualibus si auferas, quod æqualia reliqua sunt.*  
*sufficiens.*

*sufficiens autem est unumquodq; istorum, quantum in genere est. idem enim faciet, et si non omnibus accipiat, sed in magnitudinibus solim, Arithmeticus autem in numeris.*

Tamen constat, ipsam Geometriam, et Arithmeticā, neq; ibi interesse, neq; ulli alij facultati esse subalternatas. Quare locus ille Aristotelis magis labefactat eius opinionem, quā confirmat. Ibi enim Aristoteles, cum mentionem fecisset de principijs, quorū alia essent propria, alia communia, Demonstratio autem constaret ex principijs proprijs, uoluit declarare, quēmodum principia communia se se habent ad demonstrationem.

SECTIO V.



Erūm cū ostensum sit, à ueritate abhorre, quæ à comel  
lus scribit de proprietatibus subalternantis, et subalternā  
tæ facultatis, facile est intelligere, quā ualde probandā  
sint ea quæ ex illis ipsis proprietatibus colligit, quibus cō  
dudit, Logicam non esse subalternatā Primæ philosophiæ. Nos e  
nim dicimus, Logicam subijci Primæ philosophiæ, propterea quod  
ab ipsa Prima philosophia sua petit principia, ea q; tractat operis cau  
sa, cū Prima philosophia pertractet absolutē. Atq; illud asserimus, nō  
modo sufficere ea quæ diximus ad scientiam subalternantē & subal  
ternatā efficiendā: sed non posse rem aliter se habere. neq; enim secus  
unquam apud Aristotelē inuenimus. Nam si quid asseratur præter  
ea quæ diximus, aut insequitur ex his ipsis quæ diximus, aut omni  
no est confictū. Principia enim sunt, quæ constituunt & distinguū  
facultates. Quare illud falsum est, facultatem subalternantem semper  
explicare propter quid principiorū facultatis subalternatæ, ut ostē  
sum est in Cōmentario, & superioribus libris. Ex quo quidem uide  
tur Logica rectē subijci Primæ philosophiæ, quæ tamen Prima phi  
losophia nō explicet propter quid principiorū Logicæ. Quēmodo  
enim ex eo quod omnis homo sit animal, nō sequitur ut omne  
animal sit homo: ita ex hoc, quod facultas omnis quæ explicat pro  
pter quid alterius facultatis, necessariō illam sibi, aliquo saltem modo  
subalternet, illud nō consequitur, ut facultas omnis quæ sibi alteram  
subalternet, necessariō explicet propter quid illius ipsius facultatis,  
quam subalternat. Aristoteles autem x. ii. cap. Primi posteriorū libri  
illam propositionem posuit, non hanc, cōtrā quā iste falso putauit.  
Ex quo quidem factum est, ut in ijs quæ diximus, lapsus sit.

Supra item bellus hic homo pluribus uerbis me reprehēdit, quod  
posueram, dialecticā distinguī à Logica: nūc uerō ait, me plurimū  
errare, qui Logicam, siue dialecticam Metaphysicæ subalternari pu  
tem. quasi ego posuerim, Logicam & dialecticam idem esse. Præte  
rea cum ego ita sim argumentatus, omnes termini qui sunt in Logi  
ca, & omnia principia cōsiderantur in ipsa Logica (ut ostendimus)  
operis gratia, ergo cōsiderantur in aliqua superiori facultate simplici  
ter, & absolutē. At hæc nulla alia potest esse nisi Prima philosophia,

sunt enim affectus entis, ergo consideratur à Prima philosophia, itaq̃ subalternantur ipsi Primæ philosophiæ: quod quidem & compluribus rationibus, & Aristotelis auctoritate cōfirmavimus: Respōdet, me prauè id colligere, ac in multos proinde errores dilabi. Sic nanq̃ omnes, inquit, priuatae scientiæ Primæ philosophiæ subalternantur, cū omniū terminos illa cognoscat: quod est falsum, meo etiā iudicio.

Ex quibus liquidò apparet, eum nihil ad argumētationem meam respondere. Nam cum easdem acceperim definitiones, quæ traduntur in Logica: uidelicet, Genus est quod prædicatur in quid est, scire est rem per causam cognoscere, et quæ sequuntur, Necessarium est illud, quod nō potest aliter se habere, itemq̃ reliqua principia Logicæ: atq̃ hæc ipsa considerari dixerim in Logica operis gratia, itaq̃ in alia scientia absolutè. Quod etiam ratione, et Aristotelis auctoritate comprobari docui, ad hæc ipse non respondet,

Nihil enim illud obstat, quod Metaphysica Logicæ terminos cognoscat, propterea quod omniū facultatū terminos latius cognoscit.

Nam ostendimus Primā philosophiam cognoscere eandem omnino rem, et definitionē, quam Logicam. hoc tantum interesse, quod Prima philosophia cognoscit absolutè, Logica operis modò causa, ut accedit Mechanicis, & Geometriæ, Musicæ, & Arithmeticæ, Medicinæ, & Philosophiæ. Itaq̃ patet, illud non consequi, quod iste opponit, ut omnes priuatae scientiæ subijciantur Metaphysicæ. Nō enim easdem omnino res pertractat operis gratia. Nam etsi exempli causā homo, qui pertinet ad philosophū naturalem, consideratur à Primo philosopho, ut ens, & substantia, eodemq̃ modo reliqua, tamen ex eo non sequitur, ut philosophia naturalis subalternata sit diuinitati etiam, quia non refert ea ad opus.

Item, cum ait:

In superioribus etiam iam monstrauiamus, tam Metaphysicus, qui artifex est amplissimus, & ens, in quantum ens, commune, analogū, reale, ac rationis contemplator, prædicta consideret, non tamē ea ratione, ut in enunciationibus ipsis situatur, aut illas denominare possunt: est enim hoc Logici munus.

Videtur à se ipso dissentire. Nam cum concedat, Primum philosophum ea quæ dicta sunt considerare, Logicū enunciationis causa, sequitur, ut ipse Primus philosophus simpliciter & absolutè consideret. unūquodq̃ enim prius est in se, quàm ad aliud referatur. ergo ex

LXXX

VI. scilicet  
ipsum opus  
monis cur  
fio.

eius quoq̃ sententiā subalternatur Logica Primæ philosophiæ, ob eas quas attulimus, rationes: quod tamē antè negauit. Secū igit̃ pugnat.

Præterea, si Primus philosophus (ut ipse innuit) considerat ea quæ dicta sunt, atq̃ hæc eadem Logicus propositionis causa, Primus philosophus non considerat secundas intentiones, ut omnino à Primis abstrahunt: non enim idem est, secundas intentiones cum primis considerare, & seorsum. sed superius dixit,

Metaphysicum considerare secundas intentiones, ut à primis abstrahunt, Logicum autem simul cum primis:

Ergo

Ergo à se ipso dissidet: isti enim uarij considerandi modi inter se pugnant.

Præterea, cum genus (ut superius ipse dixit) consideretur à Primo philosopho, quatenus genus: si consideratur à Logico, non potest considerari ut genus, itaq; absolute. ergo consideratur, quatenus ad aliquid aliud refertur. Hic autem considerandi modus, uel distinguit Logicam à Prima philosophia, uel contrà. Si non distinguit, Logica non est distincta à Prima philosophia: quod quidem falsum est, & contra eum. Sin autē distinguit, Logica subiicitur ipsi Primæ philosophiæ. id enim respectiue considerat, quod Prima philosophia absolute. Sed contrarium dixit, ergo secum pugnat.

L X X X  
V I I I

S E C T I O V I.



E secundis autem intentionibus cum disputarem cum amplissimis quibusdam uiris, atq; ab ijs quaesissem, ex quibus Aristotelis uerbis eas ipsi elicerent, cum nullo possent Aristotelis loco, quæ dicerent, comprobare, attulerunt hoc Sophisma: Animal est genus, homo est animal, ergo homo est genus. quod omnino negarent dissolui posse, nisi ponerentur secundæ intentiones, quo modo ipsi ponerent. Quod quidem nos minime probauimus, atque illud ipsum sophisma, ut apparet, Commentario nostro dissoluimus.

Id autem bellus hic homo refutare cum uellet, primum exclamans, Bone Deus, inquit, quid audio ab homine in Bononiensi Gymnasio tot annis dialecticam professor

Sed ex his quæ dicemus, intelligent uiri eruditi, illum ne, an magis nos exclamare oporteat.

Quoniam uerò potissimum improbat, quod ego in illius sophismatis dissolutione dixi, animal scilicet in altera propositione uniuersaliter accipi, in altera particulariter, maioremq; fidem habet expositoribus, quam ipsi Aristoteli, recitabimus uerba Auerrois, ut intelligat, non à me solum, sed ab Auerroe illo, cui tantum tribuit, dissentire. Is igitur II. Poster. lib. cum nonnulla ante dixisset,

Hoc autem est, inquit, uerum, quia spongia marina non est animal simpliciter, sed est animal quoddam: & similiter est dispositio singularum specierum, scilicet quod non denominetur per genus, in quantum est hæc species, sed denominetur per illud, in quantum est generis aliquid. Homo enim gratia exempli, non est animal simpliciter, sed est animal aptum recipere rationem: & per hanc aptitudinem distinguitur animalitas, quæ est in homine, ab animalitate reliquarum specierum: & distinguitur animalitas, quæ est equi, ab animalitate, quæ est asini. & similiter est dispositio singularum specierum, quia genus in ipsis diuersificatur per eius differentias.

Sentit ergo Auerroës, cum de homine dicitur animal, non accipi uniuersaliter, sed particulariter. Id autem cum hic homo improbet, ab Auerroe dissentit, à quo tamen sine nefario scelere dissentiri non posse existimat.

Sed quoniam uerum esse existimamus, quod & Auerroës de hac re, & nos diximus, uideamus, quibus hoc ille rationibus refellere conetur.

Quod igitur ad primam rationem attinet, ego non dixi, animal, cū de homine prædicatur, esse uocem uniuersalem, aut particularem: sed animal, quod in se uniuersale est, si de homine prædicetur, non accipi pro omnibus ijs quæ alioqui significat, sed tantummodo pro rationali. Nam aliter falsa esset illa propositio. significaret enim, hominem esse omne animal, quod quanto opere à ueritate abhorreat, nemini obsecrum est. Neque tamen sequitur, ut sit prædicatio æqualis de æquali, sed est superioris de inferiori. prædicatur enim id, quod in se est uniuersale, & superius, et si tantummodo sumitur in eo significatu, in quo est uera prædicatio: quod quidem satis est ad prædicationem superioris de inferiori. Nihil itaque cōtra me. Si tamē hæc mihi aduersentur, aduersantur etiam Iacomello, qui ait, animal, cum prædicatur de homine, non pro uniuersis sensu copulatiuo, sed disiunctiui, uerificari. ita enim uerificatur pro una tantum specie animalis, quia nō uerē prædicat, si plures species significet. Itaque necesse est uenire ad id, in quo uera sit propositio. sed hoc (ut patet) nequit esse aliud, nisi species rationalis: ergo animal, cum prædicatur de homine, accipitur tantummodo pro animali rationali, quod Iacomellus etiam concedit. Quare si eius argumentū contra me faceret, faceret etiam contra ipsum.

Reflectitur  
argumentū.

Altera autem eius ratio facile dissoluitur. nam hæc propositio, homo non est animal, est falsa, propterea quod significat, hominem nec illud quidem animal esse, quod re uera est. significat enim, ipsum hominem nullum omnino esse animal: id quod falsum est. qui enim tollit uniuersale, idem etiam tollit particulare. In negatiua enim propositione (ut dicitur inferius) non ita angustē accipitur prædicatum uniuersale, quemadmodum in affirmatiua. Negatur ergo uniuersaliter animal, itaque falsa est illa propositio. Si tamē hæc ratio meam opinionem labefactaret, contra Iacomellum etiam faceret, qui dixit, animal prædicatum de homine uerificari pro uno significato tantum disiunctiue, quod idem est, atque nos diximus.

LXXX

IX. sue  
ipsius opi-  
nionis euer-  
sio.

Tertia item eius ratio cum ipso pugnat, siquidem animal (ex eius sententia) prædicatum de homine, non accipitur pro uniuersis animalibus sensu copulatiuo, sed disiunctiui. Quod igitur uera sit hæc propositio, homo est animal, necesse est, accipiat animal pro aliquo designato animali, non pro omnibus. At uera esse non potest, nisi pro eo animali, quod est rationale. ergo sentit ipse, uerā fieri propositionem illam eo modo, quo & nos diximus. Ergo à se ipso, non à me dissensit.

Sed quoniam absurdi aliquid asserre, non est dissoluere, dissoluimus etiam uerisimilitudinem, quam habet illius ratio. Negamus igitur locum ab euerfione antecedentis, ad euerfionem consequentis ductum ualere, cum scilicet latius accipitur cōsequens, quam antecedens: quia in euerfione antecedentis, & consequentis, consequens accipitur



accipitur uniuersaliter, ut dictum est superius. negatiua enim est uniuersalior affirmatiua. Non enim (ut ex superioribus patet) idem est omnino, quod negatur in consequente, cum eo quod affirmabatur in priori.

SECTIO VII.



Varta etiam Iacomelli ratio opinionem eius euertit, cum cogatur (ut ostensum est) eadem dicere, quæ res diximus. Sed nullo negotio (nisi mea me fallit opinio) dissoluitur eius argumentum. Negamus enim in hac propositione, omne animal est homo, animal eodem modo accipi, quomodo accipitur in illa, omnis homo est animal: quia subiectum hic (si propositio sit uera) coarctat prædicatum, ut accipiat pro eo animali duntaxat, quod est rationale. Sed in hac propositione, omne animal est homo, accipitur animal pro omnibus ijs quæ significat nulla enim uoce coarctatur. Nihil igitur eius argumentum concludit. Quod si animal in ea propositione, quæ conuertit, sumatur particulariter, uera sit conuersio ad hunc modum: homo est animal, ergo animal est homo. in hanc autem non conuertitur, omne animal est homo.

Quinta item eius ratio (ut ex ijs quæ diximus, patet) contra ipsum tacit. Ex eo autem facile (mea quidem sententia) dissoluitur, quod cum ita dicimus, aliquod animal non est homo, uerum dicimus, quoniam animal irrationale non est homo. At cum inferitur, ergo aliquis homo non est animal, nihil est quod coarctet prædicatum animal. in negatiua enim (ut patet) non coarctatur, sicut in affirmatiua. Quocirca illud significari potest, hominem esse nulum animal. quoniam uerò est animal rationale, falsa est propositio, atq; hanc ob causam dicitur non conuertere particularis negatiua.

Lapsus est igitur homo, quod existimauit, eodem modo accipi animal, & in affirmatiua, & in negatiua: quod quidem aperte falsum est.

Latius enim patet propositionis negatiuæ significatio, quàm affirmatiuæ. Quocirca dicitur affirmatiua, cuius prædicatum sit infinitum, non sequi negatiuam, quæ finitum habeat prædicatum. etenim non ualet, homo non est iustus, ergo est non iustus: ut constat etiam de nominibus finitis, & infinitis.

Sexta etiam ratio, quemadmodum superiores, contra illum facit. Tamen respondemus, uocem tantum, prohibere, quò minus subiectum coarctet prædicatum: non enim idem significat, homo est animal, & homo tantum est animal. uox enim, Tantum, uariat significationem prædicati. ex quo fit, ut falsa sit illa propositio, homo tantum est animal: propterea quia sensus est, solū hominē esse animal, quod penitus falsum esse constat. uera tamen est propositio illa, homo est animal, ob eam, quam diximus, rationem.

Sed quid multa: Quæ homo subiungit, his omnes, quas cōtra nos attulit;

attulit, rationes dissoluit, perspicueq; nostram opinionem comprobabat, itaq; sese redarguit, ac secum ipse pugnat, ait enim:

- » Quod si his conuictus dicas, te hanc enunciationem, uidelicet ho-  
 » mo est animal, ueram fateri, atq; ꝑ animal uocem esse communem, at  
 » que uniuersalem, non tamē pro omnibus suis significatis de ꝑ homo  
 » uerē prædicari, sed pro aliquo duntaxat, uidelicet rationali: Quæro  
 » ergo à te, cur communem opinionem accusas, ac ualentissimos illos  
 » dialecticos insectaris, qui in tali sensu illā cōcedunt: Concedamus igitur  
 » unanimēs, enunciationem illam ueram, atq; ꝑ animal, ut uocem  
 » indefinitam, atq; communem, non terminatam, atq; particularem, li-  
 » cet non pro omnibus suis significatis copulatiuē, ut iam diximus, di-  
 » sunctiue tamen uerē prædicari, siue uerificari.

Ex quibus patet, illum concedere, quod à me dictū est, animal accipi in illa prædicatione de homine pro aliquo duntaxat animali, uidelicet rationali, cumq; dicat, dialecticos quosdam ualentissimos, quos ego insecter, concedere, propositionem illam accipi hoc sensu: idem ait, concedere illos, quod ego concessi. Itaq; falsum est, eos à me in hac re esse reprehensos, ostendendum enim fuerat, ubi nam illos ego reprehenderim. Patet etiam, ipsum, cum dicat, in huiusmodi prædicatione animalis de homine, animal sumi, non pro omnibus significatis copulatiuē, sed disunctiue, significare sumi pro aliquo duntaxat animali, uidelicet rationali, id quod à nobis dictum est. Cum enim diximus, in hac propositione, homo est animal, animal accipi particulare, quid hoc aliud indicat, nisi animal accipi pro aliquo tantūmodo significato, non pro omnibus: Quam quidem rem luce clarius ostendimus, cum diximus, hominem non esse simpliciter & absolute animal, sed animal quoddam. Quæ igitur ille tam multa congescit, nostram confirmant opinionem, suam autem penitus euertunt. Quocirca rectē diximus de paralogismo, illam esse deceptionis causam, quod pro eodem sumitur id, quod non est idem. siquidem animal in uniuersali, & in particulari, non est idem animal.

Bellum autem hunc hominem, ubi respondet ad illum Aristotelis locum, quem ego citauī ex I. Perihēr. lib. mecum planē consentire, ex his quæ sequuntur, illius uerbis licet intelligere.

- » Quod uerō, inquit, ex II. Perihērmentias asseris, pro nostra magis  
 » sententia, quam pro tua stare uidetur. Eo enim in loco respondebat  
 » Aristoteles obiectioni iam factæ, uidelicet quod ad necesse esse, sequi  
 » non poterat possibile esse, quoniam id admittebat possibile non esse,  
 » inquit, Aristoteles, duplex esse ipsum possibile. quoddam, quod iam  
 » actu est: quoddā, quod nō actu, sed possibile est fieri. hoc asserit esse  
 » in solis mobilibus, illud etiā in immobilibus. Sic enim ipse inquit, ip-  
 » sum possibile simpliciter, id est (ut exponit doctissimus Boëtius) pos-  
 » sibile secundū omnē sensum, et pro omni suo significato nō potest  
 » uerē prædicari de necessario, quod illud est, qd nos asserabamus ueri-  
 » ficari. & subdit Aristoteles, cū partem sequitur uniuersale ad necesse  
 » esse, sequit possibile, ergo hic habes ab Aristotele, possibile esse, ut uni-  
 » uersale

uerfale est, lequi partem scilicet necesse esse, licet nō pro quolibet suo significato, de eo uero prædicari possit.

Quòd si possibile, quod est uniuersale præ uoce necesse; sequitur ipsum necesse non pro omnibus ijs quæ significet, acceptum, sed pro aliquo, nihil homo à nobis dissentit. Dicimus enim, animal esse uniuersale. sed cum prædicatur de homine, non prædicari uniuersaliter, sed particulariter, ut scilicet rationale significet. Nos autem concessisse, animal, cum prædicatur de homine, non esse uniuersale, patet ex ijs quæ post Aristotelis uerba sic intulimus:

Concluditur igitur ex his Aristoteles, cum uniuersale quiddam prædicatur de aliquo suo inferiori, non prædicari secundum totū de eo.

Illud itaque sensimus, animal esse uniuersale, sed non accipi uniuersaliter, cum de homine prædicatur. Quocirca la comellus nos redarguens, suam ipse opinionem euerit: quod quidem omnium est absurdissimum. In hac autem propositione, animal est genus, animal sumi uniuersaliter, hinc intelligi licet, quòd non uerè dicitur, omne animal est genus, propterea quia sensus est, hominem esse genus, & asinum, & bouem, & reliqua his consimilia. quod quidem falsum est: quia sic animal non accipitur uniuersaliter, sed pro suis inferioribus. quam sententiam uidetur ostendisse Aristoteles primo Priorum lib. his uerbis:

*Aristomnes intelligibilis est semper, Aristomnes est Aristomnes intelligibilis, semper autem esse non inest Aristomni: corruptibilis enim est Aristomnes. non enim syllogismus fiebat, scilicet habentibus terminis, sed oportebat, uniuersaliter Aristomnem intelligibilem semper esse. hoc uerò falsum, quòd existimabat, omnem intelligibilem Aristomenem semper esse, cum Aristomnes corruptibilis sit.*

Innuir ergo Aristoteles (si rectè eius uerba perpendantur) idem, quod à nobis dictum est. Quam rem declarat Alexander, exponens ea quæ citauimus uerba:

Simili modo quoque si hominem esse animal sumat, & animal genus: non enim homo etiam genus est. in his autem deceptio fit, propterea quod indefinitū uniuersali quàm simile est. Nam quasi infinitum eandem uim habeat, quam uniuersale, cōcedunt homines ea quæ dicuntur, atque admittunt, sed plurimū tamen differūt. nam quod uniuersale est, si indefinitè dicatur, uerū est: quod uero indefinitè uerum est, id nō etiam uniuersaliter necessariò esse uerū. Vnde hanc deceptionem ex eo fieri inquit, quod serè est. Quasi enim serè idem sit, & nihil intersit, siue uniuersalè propositionem sumamus, siue indefinitā, ex indefinita uniuersalè cōcedentes decipiuntur. Ioan. item Grammaticus exponens eundem locū, post multa inquit: igitur apparet syllogismus fieri ob positionē terminorum, sed non sufficit hoc solum, sed etiam oportet prorsus esse propositionē uniuersalem, et hic ambigunt

- » sunt particulares. nam indefinitæ sunt. Quia igitur falsa est uniuersa-  
 » lis, ob id etiã conclusio falsa est. Nam si dixerō sic, Aristomenes intel-  
 » ligibilis est Aristomenes, omnis intelligibilis Aristomenes semper  
 » est: falsam accipi uniuersalem propositionem, quamuis uera sit ea quæ  
 » dicit, intelligibilis Aristomenes semper est. Nam in propositionibus  
 » nō eodem modo possunt articulus, et determinatio. nā quando dixē  
 » ro, Socrates homo, et homo animal, unā speciem hominis significo,  
 » quatenus singuli homines dicuntur. sed quādo dixerō, omnis homo  
 » animal, nō amplius accipio speciem uniformē, sed singulos homines  
 » quibus inest species. Et quod hoc sit uerū, patet ex his quibus potest  
 » dici homo est species, nō tamen dici potest omnis homo species.

## SECTIO VIII.



Dedit etiam Iacomellus, in eo me lapsum esse, quod puta-  
 uerim, deceptionem illam proficisci à figura dictionis:  
 quod omnino se negat apud quenquam inuenisse. Sed  
 ipsi confestim inueniemus apud eius expositores. Egi-  
 dius igitur in eadem fallacia,

- Ad hunc ergo modum, inquit, reduci habet uariatio suppositio-  
 » num, homo est species, Sortes est homo, ergo Sortes est species.  
 » Et D. Thomas in eadem fallacia hæc protulit uerba:

- Et ad hunc modū reducitur omnis deceptio proueniēs ex uariata  
 » suppositione terminorum, ut homo est species, Sortes est homo, er-  
 » go Sortes est species. hic proceditur à simplici suppositione ad discre-  
 » tā, & mutatur quale quid in hoc aliquid. Patet ergo, fuisse qui scri-  
 » pserit, eum paralogismū esse secundum figurā dictionis. quod enim  
 » dicitur de hoc paralogismo, homo est species, Socrates est homo, er-  
 » go Socrates est species: idem etiam dicitur de eo, de quo hic disputa-  
 » tur, ut perspicuum est. Sed cum id ipse negauerit, decipitur.

- Item si ex istorū Interpretum sententia, omnis deceptio quæ pro-  
 ficiscatur ex uariata suppositione terminorum, redigitur ad modum  
 fallaciæ figuræ dictionis: nostri autem paralogismi deceptio (ut ipse  
 concedit) proficiscitur ex uariata suppositione terminorum, ad falla-  
 ciam figuræ dictionis redigitur. Sed hoc homo negauit, igitur à se-  
 ipso dissidet. Maiorem ponit ipse his uerbis:

- Iuniores dialectici non imperitè dicunt, fallaciam esse ob uarium  
 » supponendi modum illius uocis Animal, cum in prima personaliter  
 » (ut uerbis eorum utar) & in secunda simpliciter supponat. Quorum  
 » uocabula tametsi Peripatetica non uideantur, sensus tamen illorum  
 » Aristotelis doctrinæ summè consonus esse uidetur.

- Idem autē, quod de cæteris qui allati sunt, de meo paralogismo di-  
 cendū esse, uidetur cōfirmare Boëtius in Antepredicamentis, ubi ait:  
 Sed fortasse quisquā dicat, minimè uerū esse, quod dictum est. nam  
 » cū homo de Socrate prædicat, Socrates enim homo est, & species de  
 » homine, Socrates tamē species nō dicitur. Et rursus cū animal de ho-  
 » mine prædicet, de animali uerò genus, animal enim genus est, homo  
 » generis uocabulo caret, nō enim dicitur homo genus, sed species tan-  
 tūm.

tum. His dicendum est, quod minus aduerterit, illam esse definitio-  
nem de subiecto prædicationis, quæ in eo quod sit unumquodq, &  
in eius substantia prædicaretur. Nunc autem species de homine, nõ  
in eo quod quid sit, prædicatur: neq, enim si quis definitionem ho-  
minis reddat, speciem nominabit, sed designatiuum nomen est tan-  
tum, utrum de pluribus specie differentibus prædicetur hoc nomen  
quod est Homo, an certè tantum de solis indiuiduis. Nam quoniam  
de indiuiduis solis homo prædicatur, idcirco species dicitur: & quo-  
niam de specie differentibus, animal dicitur. idcirco animal genus uo-  
camus, & sunt quodammodo nomina nomina. Quare neque ge-  
nus de animalis, neq, species de homine, in eo quod quid sit, prædica-  
tur, sed tantum designatiua est illa, quomodo homo, et animal, ut di-  
ctum est, prædicentur proprijs.

Patet ergo ex Boëtij uerbis, ita dicendum esse de paralogismo ijs  
quos diximus. Quod si unus aliquis ex his redigat ad fallaciã figuræ  
dictionis, ut sentiunt Interpretes ij quos demonstrauimus, rectè a nõ  
bis dictum est. Itaq, falso negat Iacomellus, apud quenquã id inueniri.

Confirmatur aut sic. ex uario modo supponendi (ut patet ex Inter-  
pretu uerbis) mutat quale quid in quid: talis autẽ mutatio fit iuxta si  
gurã dictionis, ut docet Aristoteles: ergo est secundum hã ipsam fal-  
laciã. Sed contrariũ dixit Iacomellus, igitur suã ipse opinionẽ evertit.  
XCI. sub  
ipsius opi-  
nionis euet-  
tio.

Præterea hæc mea fuit ratio, cum id quod nõ est idem, interpreta-  
tur ut idẽ, inest fallacia figuræ dictionis. In paralogismo, quẽ dixi, id  
quod nõ est idem, interpretatur, ut idem: ergo inest fallacia figuræ di-  
ctionis. Minor propositio manifesta est ex eo, quod animal in prima  
propositione (ut ostensum est) aliud significat, atq, in secunda, tamẽ  
uidetur idem, propter similitudinẽ dictionis. Neq, tamen in eo para-  
logismo nõ est similitudo dictionũ, quod sint eadem dictiones. hoc  
enim euerteret etiam expositorũ opinionem, quos tamen (ut dictum  
est) sequitur. Id autem quod est idem, simile etiam dict, ostendit Ari-  
stoteles I. lib. de Generatione & corruptione, XLVIII. his uerbis:

*Si simile, secundum quod simile actiuum: ipsum enim seipsum mo-  
uebit omne.*

Si enim quod est, idem nõ diceretur etiam simile, nulla esset Ari-  
stotelis ratio. Et primo Rhetoricorum lib.

*Verum quoniã quod simile, & eiusdẽ generis est, sibi ipse inueniendũ est  
est, idẽ maxime unusquisq, ad seipsum habet, necesse est, oẽs alios plus  
alios, minus seipsos. Nã omnia alia unicuiq, maxime ad seipsũ in sunt.*

Nihil igitur obstat, ex Aristotelis sententiã, quo minus simile dicatur  
etiã, quod idẽ est. Negamus tamẽ ipsi, idẽ esse hoc loco animal in u-  
traq, propositione. sed quoquo modo dicat, quotiescũq, deceptio ali-  
qua ex eo oritur, qd diuersum quippiã interpretatur, ut idẽ, hoc fieri  
dici secundum figurã dictionis. In eo autẽ, quẽ dixi, paralogismo, cũ  
id qd non est idẽ, accipiat ut idẽ, inest illi paralogismo huiusmodi  
fallacia. Quod aut cõtra nos utitur Alexandri testimonio, et in his  
rebus

rebus ipsi Aristotelem unum sequimur, tamen hoc loco assentiri possumus etiam Alexandro, illi scilicet paralogismo inesse fallaciam quoque accidentis, sed alia ratione. Nam fieri facile potest, ut in eodem paralogismo alia ratione alia insit fallacia, quemadmodum idem diuersis rationibus potest numerari in diuersis Prædicamentis, quæ tamen inter se genere differunt, ut testatur Aristoteles in Prædicamentis qualitatibus, his uerbis:

„ *Amplius si contingat hoc ipsum, et quale, et relatiuum esse, nihil est inconueniens in utrisque hæc generibus.*

Quod etiam aperte ostendunt Interpretes, nam Egidius in eandem fallaciam hæc scripta reliquit:

„ In dictione ista quodammodo appropinquat ad fallacias reales, siue ad fallacias extra dictionem, propter quod multi paralogismi peccantes per hanc fallaciam, peccant per fallaciam accidentis, & per fallaciam extra dictionem. immò secundum quosdam, nullus fit paralogismus in hac fallacia, qui non peccet penes fallaciam accidentis, quæ est fallacia extra dictionem.

Diuis etiam Thomas cap. x x. suarum fallaciarum: Et est, inquit, sciendum, quod non est inconueniens, si aliquibus prædictis paralogismorum sint assignatæ prædictæ fallaciæ, scilicet figuræ dictionis, & accidentis, quia secundum quod prouenit deceptio ex similitudine dictionis, est fallacia figuræ dictionis: secundum autem quod prouenit deceptio ex conuenientia rerum, est fallacia accidentis.

Ex his igitur facile constat, Interpretes eos, quibus homo non minorem (ut solitus est dicere) fidem habet, quam ipsi Aristoteli, ostendere, me non ita lapsum esse, ut ipse existimauit.

#### SECTIO IX.



Vod uerò subdit, non debuisse me decipi propter publicam illius regulæ, quæ est in Antepredicamentis, moderationem, cum scilicet aliquid de altero predicatur, ut de subiecto, quicquid de tali prædicato prædicetur, necesse est, & de tali subiecto predicari. Sic enim, inquit, omnes moderantur, si tale prædicatum eiusdem ordinis fuerit, ac seriei prædicamentalis, cuius defectu peccat, quem adduximus, paralogismus.

Minus rectè uidetur dicere: quod nisi sequatur illa conclusio propter eam moderationem, quam adhibet, non sequetur illud etiam argumentum, omne animal currit, omnis homo est animal, ergo omnis homo currit: Socrates est homo, ergo Socrates currit. Ac denique non fiet syllogismus ex omnibus propositionibus de inesse, & ex maiori de inesse, & minori de necessario: quæ omnia cum sint absurda, necesse est, absurda sint etiam illa, ex quibus hæc ipsa consequuntur. Ita autem esse declarant, quæ ipse dixit. nam uox Currit, quæ predicatur de animali, quod est prædicatum de homine, non est eiusdem ordinis, cuius est animal: cursus enim est qualitas, animal substantia. Si ergo non sequatur conclusio argumenti eius quod attuli, propterea quod prædicatum non est

est eiusdem ordinis: syllogismi illi, quos dixi, ita sese habent, ut ostensum est: ergo sunt & ipsi paralogismi. quod quidem est absurdum illud, ad quod nos hominem deduximus. Potui igitur decipi, si quidem ob eas quas attuli rationes, non illa mihi uisa est recta illius regulæ moderatio, quicquid dicant interpretes. Quæ quidem regula uideretur latissime patere, si intelligatur sic. Quotiescunque de prædicato alicuius subiecti prædicatur aliud prædicatum uniuersaliter, prædicatum illud prædicatur uerè de ipsius prædicati subiecto, seruata scilicet recte loquendi consuetudine. Nisi enim hoc ita esset, euerteretur prima figura ex propositionibus de inesse, & ex maiori de inesse, & minori de necessario: quod quidem ab omni ratione penitus abhorret. Sed in paralogismis secus est, propterea quia animal quod est prædicatum in secunda propositione de homine, in prima non est tale, ut genus prædicetur de ipso uniuersaliter, ut dictum est superius. Atque ob hanc quidem causam non sequitur, ut homo sit genus.

Sed quoniam non ad ea modo quæ contra nos scripta sunt, respondere uolumus, sed etiam ubi res ita ferat, de locis quibusdam Aristotelis, qui nobis minus recte exponi uidentur, quid sentiamus ipsi, testatum relinquere, non grauabimur hic nonnullas asserre difficultates.

Dicat ergo aliquis: Quæ à te dicta sunt, ut ostenderes, quemadmodum intelligenda sit positio illa,

Quoties alterum de altero prædicatur, ut de subiecto, quæcunque de eo quod prædicatur, dicuntur, omnia etiam de subiecto dicuntur: uidentur falsa.

Nam si ita accipiatur positio illa, quemadmodum dixisti, sequitur, ut ea quæ sunt in subiecto, prædicentur de subiecto secundum nomen, & definitionem, contra quam docuit Aristoteles in Prædicamento substitutionis. Nam cum uerè sint hæ propositiones, omne album est disgregatiuum uisus, homo est albus, sequetur, ut homo sit disgregatiuus uisus: quod tamen falsum est. falsa est igitur interpretatio tua.

Verum contra hoc sic fortasse licet argumentari. Hic est syllogismus in Darij, ergo necessario sequitur conclusio. Aut igitur neganda est prima propositio, quod minimè sit, cum definitio dicitur de definito: aut concedenda est conclusio. Cum autem perspicuè appareat, fieri non posse, ut negemus ob eam quam diximus causam, sequi conclusionem illam: cogimur dicere, Aristotelem uerbis illis,

Quæ sunt subiecto in pluribus quidè neque nomen de subiecto, neque ratio prædicabitur: in aliquibus autem nomen quidem nihil prohibet prædicari de subiecto, rationem uerò impossibile est prædicari. ut album, cum in subiecto sit corpore, prædicatur, dicitur enim corpus album: ratio uerò albi nunquam de corpore prædicabitur.

Cogimur inquam dicere, his uerbis Aristotelem noluisse significare, definitionem superioris esse definitionem inferioris, hoc est, quæ dicantur de suo inferiori, itaque de subiecto, hæc de illo dici secundum nomen, & secundum definitionem sic, ut illa definitio sit defi-

nitio eius quo de predicatur: ut exempli causa, homo prædicatur de Socrate secundum nomen, & secundum definitionem, propterea quia definitio hominis est aliquo modo in substantia Socratis, ita quæ eius definitio. id quod non contingit eis quæ sunt in subiecto, si spectetur ad subiectum, in quo insunt: quia non possunt prædicari secundum definitionem sic, ut illa definitio sit definitio & substantia subiecti, quemadmodum est definitio & substantia prædicati, ut ostendit exemplum quod attulimus. Nam tamen si disgregatum uisus prædicatur de albo, atque inest in eius substantia, non tamen prædicatur de corpore, ut sit eius substantia: etsi de corpore, quatenus est album, necessario prædicatur disgregatum uisus. Dictum enim de omni (ut docuimus in ea quam scripsimus in librū Priorum, Insuper tione) declarat huiusce rei necessitatem.

Id quod uidetur Boëtius innuere uerbis illis:

- „ Definitio eius quæ est in subiecto, de proprio subiecto nunc prædicatur: ut album, quoniam est in subiecto corpore, prædicatur albi  
 „ quidē nomen de corpore, definitio uero albi ad corpus nullo modo  
 „ dicitur albū, nāq; uel corpus una ratione utraq; definiri nō possunt.

Huc accedit, quod si omne accidens in subiecto inest, substantia autem est subiectu, quæ quidem substantia differt ab accidente, differt etiam definitio ipsius substantiæ a definitione accidentis, quod eadem non potest esse definitio & subiecti, & eius quod est in subiecto. Itaque (ut sentie etiam Boëtius) sic interpretanda uidentur esse illa Aristotelis uerba, uti nos ostendimus: aliter enim tolli uidetur prima figura, ut dictum est. Nam etsi album corpus est etiam disgregatum uisus, tamen disgregatum uisus non prædicatur de corpore sic, ut sit ipsius corporis definitio. etenim quamuis (ut ait Boëtius) disgregatum uisus sit definitio albi, tamen non est definitio corporis.

Ex quibus patet, nihil ob stare, quo minus illa suppositio intelligatur eo modo quo diximus. Multa præterea affirmari possunt contra ea quæ homo scribit: sed quoniam ex his quæ dicta sunt, satis intelligi licet, quantum opore illa probanda sint, ad alia uenimus.

#### SECTIO X.



N quarto & ultimo sui libri capite proficitur, sese dissoluturum esse rationes nostras, quibus oppugnamus secundas intentiones. ac postquam nonnulla dixit, quæ nihil ad rem pertinent, hæc subdit:

- „ Concedimus enim, has intentiones respectus esse rationis, &  
 „ ut à Logico considerantur: primarum intentionum denominatiuas,  
 „ quæ res sunt in intellectu possibili, ut obiecta existentes abstracta lumine intellectus agentis à phantasmatibus rerum singularium, quæ  
 „ sub sensu aliquando ceciderunt: ut uerò uocibus explicantur, denotissimus Boëtius uocabulorum uocabula ea nominauit, denominatur ista uox Homo species, & ista uox Animal genus. Erras igitur,  
 dum



dum putas nihil illis respondere. Pariter assero modos illos necessa-  
riò possibile contingens denominare ipsos conceptus complexos,  
quos prolatos enunciationes appellamus, quibus in re sua significa-  
ta respondere, non est qui dubitet. Quo uerò pacto affectus entis di-  
cantur, & à Metaphysico, & à Logico dispari ratione consideren-  
tur, abundè in superioribus explicauimus.

In quibus, præter ea quæ in eius suppositis adnotauimus, mul-  
tæ sunt difficultates. Nam primùm quidem, si (ut ipse inquit) secun-  
dæ istæ intentiones sunt in intellectu possibili, ut obiecta existentes  
abstracta lumine intellectus agentis à phantasmatibus rerum singu-  
larium, quæ sub sensu aliquando ceciderunt: non efficiæ sunt ex  
collatione intellectus possibili obiecti cogniti cum obiecto cognito.  
consequentia enim manifesta est. At secus dixit in tertio supposito  
secundi tractatus: ergo secum pugnat. ita enim eo loco scripsit,

11. sue ip-  
sius opinio-  
nis euerfio.

Sic etiam apud intellectum suo modo, cum ampliorem quiditatē  
minus amplæ quiditati confert actu, quem diximus, comparatiuo,  
aut etiam indiuiduis per eos sensibiles species in interioribus sensi-  
bus existentibus, necessariò hæc obiecta cognita, & ut inuicem com-  
parata, respectus aliqui, aut etiam relationes insequuntur, qui cum  
in intellectu sint, & per huiusmodi actum collatiuum oriuntur ra-  
tionis non naturæ aut rei esse dicuntur. Hæc igitur, aut relationes ra-  
tionis, aut secundæ intentiones, aut secundi conceptus, aut secundò  
intellecta appellata cum obiecta cognita ut sic insequuntur, & in eis  
ab intellectu sic comparante derelicta fuerint, tales quiditates, siue na-  
turas, siue entitates denominare poterunt.

Ex his igitur uerbis constat, eum uelle secundas intentiones fieri  
ex collatione intellectus possibilis, comparantis unum aliquod obie-  
ctum cognitum ad aliud: ergo à seipso diffidet.

Illud etiam non minorem uidetur habere difficultatem, quod ait:  
Vocem Homo denominari speciem, & uocem Animal genus.

Nam si species & genus in hac prædicatione, homo est species,  
animal est genus, accipiat pro uocibus tantum, falsum est quod di-  
cit. sensus enim erit, uocem Homo esse uocem species, et uocem Ani-  
mal esse uocem genus: quæ quidem tñ absurda sint, neminem latet.  
Quòd si species & genus in illa prædicatione accipiantur nō pro uo-  
cibus, sed pro naturis ijs quas uoces illæ designant, à ueritate etiā re-  
cedit, propterea quod sequitur, quod nobis propositum fuit osten-  
dere. Non sunt enim uocabulorū uocabula, ut uocibus explicātur,  
sed cōceptuum & rerū, ut sunt aliæ uoces, quicquid Boëtius de hac  
re sentiat. Nā si ita dicat, homo est species, sensus est, naturā humanā  
quæ significatur per hanc uocē Homo, in re esse in pluribus differen-  
tib. numero sic, ut in intellectu ponere liceat, hominē pro prædicato,  
ac dicere, Socratē esse hominē, item Platonē, & huiusmodi, ppter ea  
quod cōceptus sunt signa rerū, uoces autem ipsorum conceptuum.

Deinde subiungit, falli me, qui existimem nihil illis respondere,  
quibus tamen ostendi respondere accidens entis. Quòd si quid per

sunt passionēs animæ intellectuæ, non inessent cæteris animalibus: consequens est falsum. nam insunt cæteris quoq; animalibus: ergo falsum est antecedens. Consequens autem esse falsum, patet ex libro de sensu & sensibili, ubi ita scribit Aristoteles:

*Videntur autem maxima, & communia, & propria animalium communis esse corporis & animæ, puta sensus & memoria, & ira, & desiderium, & omnino appetitus, & cum his gaudium, & tristitia: etenim hæc ferè insunt omnibus animalibus.*

Et secundo de Anima, XXVII.

*Inest autem plantis, alteris autè & hoc, & sensitiuum. appetitus quidem enim desiderium, & ira, & uoluntas. Animalia autem omnia habent unum sensum tactum. Cui autem sensus inest, huic & lætitia, & tristitia, & dulce, & triste. quibus autem hoc, & concupiscentia: delectabilis enim appetitus est.*

Sed animalib. inest talis sensus, ergo insunt tales affectus, itaq; passionēs sensus. Sic ex uerbis Aristotelis patet, cōsequens esse falsum. Apertè etiam consequentia elicitur ex libro de Memoria & reminiscencia, ibi enim ostendens Aristoteles, memoriam non esse partis intellectuæ, sed sensitiuæ,

*Memoria autem, inquit, & ea quæ est, intelligibilem est, non sine phantasmate est, quare intellectui secundum accidens utiq; erit. Per se autem primi sensitiui: unde & alijs quibusdam inest animalium, & non solum hominibus, & habentibus opinionem, aut prudentiam. Si autem intellectiuarum partium esset, non utique inesset multis aliorum animalium.*

Ergo si irasci, cōfidere, & desiderare essent passionēs animæ intellectuæ, non inessent (ex Aristotelis sententia) cæteris animalibus. Sed insunt, ut probatū est: igitur nō sunt passionēs animæ intellectuæ. Quocirca falsum est, & cōtra Aristotelē, quod homo iste dixit.

Præterea, scire irasci, & cōfidere, cum ita fert res, est uirtutis moralis: ergo non est passio animæ intellectuæ. Comprobatur consequentia uerbis illis i. Ethicor. lib. cap. ultimo.

*Distinguitur & uirtus secundum hanc differentiā. Dicimus enim illas quasdam esse intellectiuas, quasdam uerò morales: sapientiam quidè & solertiam, & prudentiam intellectiuarū: liberalitatè autè, & modestiam morales uocamus. loquentes enim de moribus, nunq̃ dicimus, quia sapiens, aut solers, sed quia modestus & mitis.*

Et initio secundilibrī,

*Cum uerò duplex sit uirtus, alia intellectiua, alia moralis, intellectiua quidè plurimum ex doctrina generationē habet, atq; augmentum: quapropter experientia indiget, atq; tempore. Moralis autè ex assuetudine fit: unde & nomen habet, parumper à more declinans.*

Quòd si huiusmodi passionēs sunt uirtutis moralis, non possunt esse uirtutis intellectiuae. Distinguitur enim (ut ostensum est) uirtus moralis à uirtute intellectiua, neque una potest esse in passionibus alterius.

## SECTIO XII.



Assiones autem illas esse uirtutis moralis, patet ex Aristotele: nam ex consuetudine existunt. Virtus autem moralis (ut dictum est) efficitur ipsa consuetudine: unde etiam nomen traxit, parumper à more declinans. Compròbatur antecedens uerbis illis,

„ At uirtutes acquirimus operando prius, quemadmodum et in alijs  
 „ artibus. Quæ enim oportet, postquam didicerimus facere, ea faciendo ad-  
 „ discimus, ceu fabricando fabri, et cytharâ pulsando cytharædi. Sic  
 „ agendo ea quæ in cõmercijs hominũ uersantur, uel iusti, uel iniusti e-  
 „ uadimus, agendoq; in periculis, et consueti, metuere, aut fidere, for-  
 „ tes uel timidi sumus. Simili modo in his quæ sunt circa concupiscen-  
 „ tiam, et in his quæ circa iram, alij temperati et faciles, alij intem-  
 „ perati et iracundi, prout hoc, uel illo modo in illis sit.

Sentit igitur Aristoteles, huiusmodi passionēs existere ex consue-  
 tudine: sunt ergo uirtutis moralis.

Confirmatur id ab Aristotele 11. Ethic. lib. cap. v. ubi ait,

„ Post hæc quid sit uirtus, considerandum est. Cum igitur tria sint  
 „ quæ in anima sunt, affectus, potentia, habitus, horum certe aliquid  
 „ uirtus erit. Affectus quidem uoco, cupiditatem, iram, metum, auda-  
 „ ciam, lætitiã, amorem, odium, desiderium, æmulationem, misericor-  
 „ diam, et uniuer saliter illa quæ uoluptas aut molestia sequitur. Po-  
 „ tentias autem uoco, secundum quas illa suscipere apti sumus, ueluti se-  
 „ cundum quas irasci possumus, aut dolere, aut misereri. Habitus au-  
 „ tem, per quos bene uel male ad affectus nos habemus, ueluti ad ira-  
 „ scendum uehementer, aut remissè, male: si mediocriter, bene.

Deinde post multa subsecutus est,

„ Virtus autem omni arte certior ac melior est, quemadmodum  
 „ natura medijs quidem erit coniectatrix. Loquor autem de morali.  
 „ nam ea uertitur circa affectus et actus: et in his est excessus, defe-  
 „ ctus, et medium, ut puta metuere, audere, et cupere, irasci, misere-  
 „ ri, et uniuer saliter lætari et dolere magis et minus, ac utraque  
 „ non bene: Sed quando, et in quibus, et erga quos, et cuius causa, et  
 „ ut oportet, medium, et optimum est, quod profectò est in uirtute, co-  
 „ dem modo est in actibus excessus, et defectus, et medium: uirtus au-  
 „ tem circa actus et affectus uersatur.

Quòd si uirtus moralis consistit in actibus et affectibus, lætaria u-  
 tem,

tem, & confidere, & desiderare, sunt affectus, atque hæc ipsa sunt passionēs animæ sensitivæ, non enim (ut ostensum est) possunt esse passionēs animæ intellectivæ: longè falli videtur Iacomellus, ac decipi, qui aliter sentit.

Confirmant hoc etiam, quæ scribit Aristoteles I. lib. de Anima, textu XLII. In ratiocinativa enim (ut docet ipse) fit voluntas: in irrationabili autem, concupiscentia, & ira: ergo irasci, cum sit partis irrationabilis, non est partis intellectivæ.

Præterea secū pugnat Iacomellus, cum ait, has esse passionēs animæ intellectivæ, et cōmunes, nō proprias, quo modo ipse loquitur. XCIII.  
sue ipse  
opinion  
tursio. Nam si ita sentiat, esse cōmunes omnibus animalib. nō sunt propriæ passionēs animæ intellectivæ: igitur à seipso dissentit. Sin autem intelligat, esse communes, animæ scilicet & corpori, non sunt passionēs animæ intellectivæ, cui neque aliud quicquam cum ipso corpore commune est, neque eius passionēs. Id quod cōfirmat Averroës, qui in tertio libro de Anima, cap. I.

Accidentium autem, inquit, cōingentium animæ, quædam sunt (ut existimatur) passionēs quæ appropriantur animæ, scilicet quoniam anima non indiget corpore in habendo has passionēs, verbigratia, ut in imaginatione per intellectum. Quædam autem reputantur indigere corpore, & quod non complebuntur, nisi per utrumque, scilicet animam & corpore. & hoc intendebat, cum dixit, Et quædam contingunt corpori propter animam, & hæc sunt passionēs attributæ virtuti concupiscibili. Vult ergo, passionēs illas quæ sunt communes animæ et corpori, esse virtutis concupiscibilis, nō intellectivæ.

SECTIO XIII.



Vod autem I. lib. de Anima, text. XII. citat, ut opinione suam cōfirmet, hoc luce clarius cōtra eum facit. Aristoteles enim eo loco nō de Anima solum intellectivam loqui, sed de anima latius accepta, nemo in dubium vocare potest. Ita homo tantum quidē abest ab evertenda opinione mea, ut illam etiam cum maxime cōprobet, tum verò suam penitus infirmet. Ac ne videamur loqui sine ratione, recitabimus verba Aristotelis, quæ hoc satis declarant. Is enim text. VII. primi libri de Anima,

Considerandum autē, inquit, si partibilis, aut impartibilis, et utrū sit similis specie omnis anima, aut non. Si autem non sit similis specie, utrum specie differant, aut genere. nunc quidē enim dicentes, et quæ rentes de anima, de humana videtur solum dicere.

Ex quibus constat, velle eum loqui de omni anima: Deinde cum alia multa dixisset, infert:

Dubitationem autem habent passionēs animæ, utrum cōmunes sint omnes, et habentis, an sit aliqua animæ propria ipsius. hoc enim accipere quidē necessarium est, non autem leve. videtur aut plurimorum quidem nullum sine corpore pati, nec facere, ut irasci, cōfidere,

K 4 desiderare,

- „ desiderare, & omnino sentire, maxime autem assimilatur proprio in  
 „ telligere. Si autem hoc phantasia quadam, aut non sine phantasia, non  
 „ contingit utique nec hoc sine corpore esse.

Quæ uerba ostendunt apertissime, eum loqui etiam de anima  
 sensitiva, cum dicat, & omnino sentire. Idem eodē loco testatur Auer-  
 roës, his uerbis :

- „ Hoc quod dixit, quod plures passionum animæ uidentur habere  
 „ communicationem cum corpore, & quod illæ partes animæ quæ ha-  
 „ bent illas passiones, constituuntur per corpus, ut iracundia, & desi-  
 „ derium, manifestum est per se, & maxime in passionibus attributis a-  
 „ nimæ concupiscibili, secundum quod post dabimus rationem, po-  
 „ stea passionibus sensus, quamuis magis lateat in eis.

Deinde magis hoc ostendens Aristoteles text. XIII.

- „ Videntur autem, inquit, & animæ passiones omnes cum corpore esse,  
 „ ira, mansuetudo, timor, misericordia, confidentia, adhuc gaudium, et  
 „ amare, & odire, simul enim his patitur aliquid corpus.

Quæ uerba exponens Auerroës, cui tantum ille tribuit, sic ait:

- „ Et intendit per passiones animæ dispositiones attributas uirtuti  
 „ concupiscibili, corpus enim patitur cum istis: id est, apparet in eo alte-  
 „ ratio, & transmutatio. omnis enim passio facta cum alteratione &  
 „ transmutatione, est in corpore necessariò, aut uirtus in corpore. &  
 „ cum hæc propositio fuit uera, & etiam quod omnia accidentia ani-  
 „ mæ concupiscibilis fiunt cum transmutatione, concludetur necessa-  
 „ riò, quod hæc anima aut est corpus, aut uirtus in corpore.

Sentit igitur Auerroës, hoc loco Aristotelem loqui de anima etia-  
 am, quæ non sit rationalis, præsertim cum hæc subiungat :

- „ Si autem sic se habet, manifestum, quoniam passionū rationes in ma-  
 „ teria sunt. quare termini tales, ut irasci, motus quidē talis corporis,  
 „ aut partis, aut potentiæ ab hoc, & gratia huius, & propter hæc.  
 „ Igitur iam physici est considerare de anima, aut omni, aut tali.

Quòd si concludit Aristoteles, physici esse loqui aut de omni ani-  
 ma, aut certe de ea, quæ subaudi est cum materia, ut etiam exponit  
 Auerroës: contra la comellum facit, quem citat ipse, Aristotelis locus.  
 Multa præterea contra hominis sententiam afferri possent, sed hæc  
 hæcenus. Illud etiam (uti probauimus) falsum est, affectus bo-  
 nos, uel prauos, consistere in appetitu rationali, itaq; esse passiones  
 animæ intellectiuae.

Deinde hæc subdit :

Neg si circumspectius eam propositionem assumeres, & non ani-  
 mæ intellectiuae, sed potentiæ intellectiuae, dicens iuxta illud Aristo-  
 telis tertio de Anima: De parte autem animæ, &c. propositionem il-  
 lam ueram haberes. quod enim tali parti animæ obijcitur, uniuersale  
 quidem est, cum iam lumine intellectus agentis phantasma illustra-  
 tum, conditiones indiuiduas exuerit, & iam ex materiali immateriale  
 effectum

effectum fuerit, ac per speciem intelligibile repræsentatum. Quo fit, ut falsum sit, speciem talem, quam intellectus possibilis recipit, & quæ ipsius passio dici potest, esse singularis, aut singularium similitudinem, immò rei uniuersalis, quæ licet intellectus agentis actum insequatur, præcedit tamen illum qui est intellectus potentie. Huius rei doctrinam undique in tertio de Anima libello dispersam habemus, nec in libro de Interpretatione oppositum Aristoteles dixit, immò in prologo primi libri oppositum magis asserere uisus est.

His uerbis multa uidetur dicere, quæ (meo quidem iudicio) plane refellenda sunt. Nam superuacanea est illa meæ propositionis conarctatio, nihil enim interest, utrum dicatur anima intellectiua, an potentia intellectiua, præsertim cum antè dixerimus passionem intellectiuas, & citauerimus librum Perihermenias. Constat enim, loqui nos de parte animæ quæ receptiua est, non actiua.

Quod autem subiungit, uniuersale esse id quod obijcitur illi parti animæ; in eo secum pugnat. Nam si id quod intellectui possibili obijcitur, uniuersale est, cum iam (ut inquit ipse) lumine intellectus agentis phantasma illustratum, conditiones indiuiduas excutit, ac per speciem intelligibilem repræsentatum, non fit uniuersale ab intellectu possibili ex collatione obiecti cogniti cum obiecto cognito. antequam enim obijceretur intellectui possibili, erat uniuersale, quippe quod abstractum erat ab omnibus proprietatibus materiæ. Sed superius dixit fieri ab intellectu possibili, postquam perceptum esset: igitur à seipso dissenti.

xcv. siud  
ipsius opi-  
nionis erit  
fio.

Uidetur item decipi, atque adeò se cum pugnare, ubi ait, Speciem quam recipit intellectus possibilis, non esse similitudinem rei singularis, uel singularium, immò rei uniuersalis. Vult enim esse similitudinem rei uniuersalis, quod absque dubio falsum est. Nam ex Aristotelis sententia, similitudines, quæ sunt passionem animæ, sunt rerum similitudines, & earum quidè rerum quæ sunt extra animam. Aliter enim nihil ibi cõcluderet Aristoteles. sed res quæ positæ sunt extra animam, nō sunt uniuersales, quia in re non sunt uniuersalia, ut patet ex VII. Primæ philosophiæ lib. & exprimo de Anima, textu octauo. Ergo similitudines rerum, quæ sunt passionem animæ, referunt singularia.

Id autem cõfirmat ipse II. tractatu in positione II. ibi enim ait, Cõceptus esse rerum similitudines, quæ foris existunt, uel existere fingimus. Sed passionem animæ sunt conceptus, ut ipse etiam concedit: ergo passionem animæ sunt similitudines rerum quæ foris existunt, uel existere fingimus. At res quæ foris existunt, sunt singularia: ergo ex his quæ concessit ipse, sequitur, ut passionem animæ sint similitudines singularium. Quod tamè cum superius negauerit, à seipso dissidet.

xcvi.

Rursus item secum pugnat. nā si passio animæ est similitudo rei uniuersalis, quæ (ut inquit ipse) licet intellectus agentis actum insequatur, præcedit tamè illum qui est intellectus potentie: illa similitudo nō fit ab intellectu potentie, præcedit enim (ut sentit ipse) actum ipsius intellectus, siquidè illa similitudo est, antequam intellectus potentie operetur.

Cum

LXXXVII.  
sua  
ipſius opi-  
nionis eue-  
ſio.

Cum autem ex eius ſententia ſimilitudo ſit ſimilitudo rei uniuerſalis, res uniuerſalis præcedit actū intellectus potentiæ. Itaque res uniuerſalis nō ſit ab intellectu poſſibili, cōtrā quæ ſuperius dixit: ergo ſibi minimè cōſtat. Ex quibus omnibus liquido apparet, falſum eſſe, doctrinam eam quam ipſe poſuit, haberi (ut uerbis eius utar) diſperſam in ter-  
tio de Anima libello, neque ſecus inueniri in libro Perhermenias.

SECTIO XIII.

**E**inde hæc ſubiungit,  
Sed ſi etiā ubi illā gratuito cōcedamus uerā, uide quan-  
tū etiam decipiaris, ac iniuſtè tot uiros egregios redar-  
guas, dum colligis, in eo inſtanti eſt ſimilitudo plurium  
ſingularium, & ex conſequenti uniuerſale, igitur ſuperuacaneæ ſunt  
ſecundæ intentiones. Atque huius rei deceptio prouenit, quòd cum  
multis modis accipi ſoleat uniuerſale, tu perinde illo uteris, ac ſi uni-  
cè diceretur. Quod certe te non latere debuit, qui tam audacter Perri-  
pateticis contradicis, cum uariè ſumi ſoleat uniuerſale, cōplexè ſci-  
licet, quod enunciatio uniuerſalis appellatur, quod tum artis, tum  
ſcientiæ principium eſſe uoluit Ariſtoteles ſecundo Poſteriorum li-  
bro. Quæ ſcilicet ex plurium ſingularium conuenientia, ab intelle-  
ctū potentiæ, fauore tamen facultatum ſenſitiuarum, præuijs expe-  
rimentis, memorijsque plurimis producit. Atque incomplexè, quod  
etiam uariè conſideratur: tu tamen uteris illo, ac ſi unicè diceretur.  
Peſſimè igitur concludis, in eo inſtanti ponitur uniuerſale obiectum  
intellectus potentiæ, ergo fruſtra ponuntur ſecundæ intentiones.

In his, quibus ille meam de ſecundis inſentionibus opinionem re-  
fellere conat, multa ſunt planè ſuperuacanea. Quid enim diſtinguen-  
dum fuit uniuerſale, cum oſendiſſem ego, ut ex Commentario patet,  
loqui me de uniuerſali eo quod prædicatur de pluribus, quodque  
ipſi dicunt fieri ab intellectu potentiæ ex collatione obiecti cogniti  
cum obiecto cognito?

Quod autem ſubdit, me peſſimè ita concludere, In eo inſtanti po-  
nitur uniuerſale obiectum intellectus potentiæ, ergo fruſtra ponun-  
tur ſecundæ intentiones: uidetur concedere antecedens, negare au-  
tem conſequentiam, quam tamen ex illo antecedente ſequi, in du-  
bium uenire non poteſt. Quis enim dubitet eſſi in primo inſtanti, &  
in prima intellectus perceptione effectum ſit uniuerſale, quin ſequa-  
tur, ut non ſingatur in ſecundo inſtanti, neque in ſecunda intellectus  
operatione, quam ipſi collationem uocant, propterea quod illa col-  
latione non fit in primo inſtanti. Nam in primo inſtanti percipit intel-  
lectus obiectum tantummodo, quod obiectum cum uniuerſale ſit,  
non fit ex illa collatione. quòd ſi non fiat ex illa collatione, ſequitur,  
ut fruſtra omnino ponantur ſecundæ intentiones, quæ ex illa colla-  
tione fiant, quippe quæ antè factæ ſint.

Quòd ſi concedit antecedens, cogitur etiam (ut oſtenſum eſt) cō-  
cedere cōſequentiam: qua ſanè cōceſſa, præterquæ quod nō recte dixit,  
cum

cum illud negaret. Præterea ſibi non conſtat, cum ex illo anteceden-  
te, ſequatur id quod prius ipſe negauerat.

Quæ autem inſequuntur,

Quod uerò in confirmatione attuleras, deriderent Peripatetici, &  
deceptionē tuam proueniſſe putarent, quod nō diſtinxeris ſecundā  
operationē intellectus potentia ab eius actu collatiuo, unde ſecūdas  
intentiones, ut ſcilicet genus, ſpeciem, differentiā, prima operatione,  
nō ſecunda, naſci faterentur: nō tamen actu illius primo & recto, ſed  
ſecundo & collatiuo, propterea tua conſequentia abſurdiſſima eſt.

Hæc nihil planè cōcludunt. nam III. lib. Apologiae noſtræ ſatis  
oſtendimus, illā eſſe ſecundā intellectus operationē: ad quem locum  
nos reiſcimus. Tantū addimus, intellectu conferendo inter ſe ob-  
iecta illa cognita operari, cū eſſet in inſtanti proximo operatus. Nā  
in eodē inſtanti nō ſit, & perceptio ſimilitudinis, & illa collatio, ſunt  
enim duo, id quod ex eius quoq; uerbis ſatis cōſtat. Quare cū intelle-  
ctus, obiecta illa inter ſe cōſerendo, ſecundo operetur, illa ſecūda eſt  
operatio, cōtrā quā tamen ipſe dixerat. Quod ſi nō ſecunda eſſet  
operatio, nihil iam inter nos diſſentiremus. nam ratio noſtra illud  
oſtendit, uniuerſales eſſe illas animæ paſſiones in primo actu intelle-  
ctus, hoc eſt in prima eius perceptione, nō in illa collatione: id quod  
nobis ſatis eſt. ita enim ſecundæ intentiones, ſi nō ſunt in ſecūdo in-  
ſtanti, ſunt in primo. Itaq; nō ſunt, quo modo iſti dicūt: id quod nō  
bis propoſitum fuit oſtendere. Deinde hæc inſert,

LXXXIX  
IX.

Poſtrema etiam ratio tua nullam uim habere uidetur. nam con-  
ceſſo, ſecum prius tempore uiuere uita plantæ ac animalis, quā  
hominis, ac etiam prius eſſe animal, quā hominem, & ſic prius in-  
telligi animal quā hominem, & in illo inſtanti eſſe uniuerſale, in  
quo non ſunt ſecundæ intentiones, non ne uides quā malè inferas  
eas obinde ſuperuacaneas: ſunt aut, aliquid prius eſſe, quā factum  
ſit, tales enim conſequentiæ omnino uanæ ſunt, ac te, alioquin uiro  
doctiſſimo, non dignæ.

Videamus, quid his uerbis ſibi uelit. concedit enim antecedens,  
prius uidelicet intelligi animal quā hominem, atque in eo inſtanti  
uniuerſali eſſe, in quo inſtanti non ſunt ſecundæ intentiones, ut ipſi  
opinantur. Ponunt enim, eas fieri ex collatione, uerbi gratia, anima-  
lis cum homine, qui homo in eo inſtanti nō ſumitur pro noto ſic, ut  
nequaquā fieri potuerit illa cōparatio. Deinde ait, me malè inferre, ſe-  
cundas intentiones eſſe ſuperuacaneas, aut prius eſſe quā effectæ  
ſint, quod planè à ratione abhorret. Nam ſi concedit, animal eſſe uni-  
uerſale, anteq̃ cōparetur cum homine, non ſit uniuerſale ex collatio-  
ne eius cum ipſo homine. ergo fruſtra ponitur, uniuerſale ex illa ipſa  
collatione fieri: quod tamen ipſe cum dixerit, ſecum diſſidet. Sequi  
tur etiam, ut prius ſit ipſum uniuerſale, quā effectum ſit. Nam ſi  
concedit, id quod nos oſtendimus, uniuerſale in illo primo inſtanti  
eſſe: Deinde ait, fieri in ſecundo inſtanti, prius eſt quā ſit effectū,  
quomodo quidē ipſe ſingi putat, nam in primo inſtanti eſt, cum in  
ſecundo



secundo instanti fieri oporteat. Non igitur uanæ sunt (ut inquit ipse) consequentiæ meæ, ac me ipso indignæ.

Quare cum minimè uideatur argumenta nostra dissoluere, recte ponemus, uniuersalia illa fieri, quo modo in Commentario nostro docuimus.

#### SECTIO XV.

» **R**ostremò esset, inquit, modo reliquum monstrare, quo  
 » pacto sola nominum ac uerborum cognitione, quam  
 » præstitit Aristoteles in libro de Interpretatione, non po-  
 » tuisse Logicum negotium pertractari, ut tu falso arbitra-  
 » ris. Verùm cum id ex tot à nobis toties repetitis satis manifestum  
 » esse possit, coq̃ potissimum, si spectauerimus, quam ceteri Logici,  
 » partiarj, artifices utilitatem ex Prædicamentorum doctrina conse-  
 » quuntur, quæ de uocibus est, non ea ratione, ut nominum ac uerbo-  
 » rum adhuc rationem subeunt, propterea receptui canens id præter-  
 » ibo, præsertim quòd huius rei causam Græci, atq̃ Latinorum pluri-  
 » mi sufficientem reddiderunt. Neq̃ tu in Commentariolo adhuc fal-  
 » sam monstraues.

Qui rationes eas legerint, quibus ostendi, neq̃ decem rerum gene-  
 ra ad Logicum quicq̃ pertinere, & licere ipsius Logicæ finem asse-  
 qui, sumpro illius discendæ initio à libro Perihermeneias: Qui item  
 uiderint, multas alias allatas esse rationes à me, quas iste præterijt, fa-  
 cile intelligant, nihil aliud homini propositū fuisse, nisi ut & aliquid  
 aliquando tandem id ætatis in lucem ederet, & mecum dissidere ui-  
 deretur. Aliter enim magis profectò conatus esset rationes meas dis-  
 soluere, easq̃ præsertim quibus ego potissimum niterer.

Quod autem ad eius perorationem attinet, qua me acriter repre-  
 hendit, illam quidem ego, quòd præter rem esset, omittendam duxi:  
 præsertim cum sperarem fore, ut qui in Interpretum uerba (quo dini-  
 uo dixi) non iurauerint, sed ipsius Aristotelis doctrinam amplectan-  
 tur, luce clarius perspiciant, paterne filium uerè (id quod  
 proficitur ipse) an filius patrem redarguerit.

Antonij

408

ANTONII BERNARDI MIRAN-  
DVLANI APOLOGIÆ

Libet octauus.

SECTIO PRIMA.



UPERIORIBVS libris responsum est separa-  
tim nonnullis, qui aduersus nostrum Commenta-  
rium scripsere: hoc autem libro, ne res in infinitum  
progredetur, compluribus simul respondendū  
esse, atque Apologiæ nostræ finem faciendum sta-  
tuimus. Ac tametsi ex eis quæ dicta sunt, & in Cō-  
mentario, & superioribus libris, satis facile dissolui possent eorum  
rationes, tamen ne uideremur eos omnino negligere, uoluimus his  
quoq; summam aliquid respondere.

Traditus est igitur nobis libellus quidam in publicū editus, qui  
inscribitur,

Prædicamenta in ueterem auxiliatricis disciplinæ locum seruata.

Is autem qui huiusmodi libellum edidit, quodam loco eius episto-  
la, quam ad nonnullos scribit, quamq; libro illi præponit:

Cum uerò, inquit, accuratius uobis (ut par erat) morem gèrens,  
rem totam acutius inspicissem, leuibus satis rationibus auctore com-  
motum uobis ostendi, dediç operam ut uos magis magisq; in uete-  
rum sententiam confirmarem. Porro autem rationes nostras, quod  
probabiliores uiderentur, colligi conscribiq; efflagitaui.

Quibus quidem uerbis magna de se pollicetur: quid autem præ-  
stiterit, aliorum sit iudicium.

Libet autē is quem cōtra nos edidit, nihil aliud habet, nisi ea quæ  
ab initio Prædicamentorum usq; ad Prædicamentum quantitatis  
tractat Aristoteles. Vult igitur homo, arbitrato suo exponens, ex il-  
lis argumentari, librum Prædicamentorum esse partem Logicæ sã-  
cultatis: quæ omnia declarant, eum non tam accurate legisse librum  
nostrum, quàm ipse in epistola professus est. Nam si diligentius le-  
gisset, reperisset, nos postq; alia multa in eandem sententiam disputa-  
uimus, ita denique inferre:

Cum itaque nomina illa sint eius quod est, quatenus est, affectio-  
nes, facile intelligi licet, subiectum & prædicatum, quibus nomi-  
bus utitur Aristoteles in Prædicamentis, quibusq; illum ipsum librū  
inscripsit, non ostendere hanc doctrinam, ut multi non recte (mea  
quidem sententia) arbitrati sunt, ad Logicam primò, & per se specta-  
re: sed potius declarare, illam pertinere ad Primam philosophiam,  
quandoquidem sunt ipsius entis, quatenus est ens, affectus.

Et quæ sequuntur. Quæ quidem ille si accuratius legisset, aut no-  
stras rationes diluisset, aut certe minus magnifice de se, glorioseq;  
scripsisset. Sed quoniam superius, & quarto & quinto huius Apolo-  
giæ libro ad omnia quæ dicit, respondimus, ostendimusq; omnia illi

L nostræ

nostræ opinionioni fauere, ad eos libros cum reijcimus, ex quibus (ni fallor) poterit perspicere, quàm lōgè à ueritate recedat, multa enim cum dicat, nihil uidetur, aut certe per pauca ostendere.

Quòd si intellexisset, cur Prima philosophia inscripta sit *μὲν πρώτη*, haud tantam fidem habuisset librorum inscriptionibus. Sed ut hic liber etiam inscriptus esset ab ea, de qua in ipso agitur, tamen uelle inferre, cum pertinere ad Logicam, nihil aliud est, nisi ostendere, se aut non legisse Primam philosophiam, aut certe eam non considerasse. Hæc enim ipsa decem genera in Prima philosophia inscribuntur Prædicamenta, ac ne longum faciamus, satis argumento est, quæ v. lib. ipsius Primæ philosophiæ ita scribit Aristoteles:

- ” *Per se autem ea dicuntur esse, quæ Prædicamenti figuræ significant, tot enim ipsum esse significat, quot modis ipsa dicuntur. Cum igitur eorum quæ prædicantur, alia quid est, alia quantum, alia ad aliquid, alia agere, alia pati, alia ubi, alia quando, significat, ipsum esse idem quoque unum quod illorum significat.*

Decem igitur illa genera Prædicamenta appellat, eaq; ipsa prædicari dicit: nō tamen ex hoc inferendū est, Primam philosophiam esse Logicam, etsi appellantur Prædicamenta, quæ ideo sic appellant, quòd præ cæteris quæ prædicantur, magis ipsa prædicantur: nō tamen in Prædicamentis ostenduntur proprietates eorum, ut prædicantur, etsi quod habent huiusmodi potentiam, sic inscribuntur. Sed hoc ob eam quam attuli rationem, non arguit, illa pertinere ad Logicā, tum quia sic etiam inscribuntur in Prima philosophia, quæ non est Logica: tum quia prædicationes quas isti conficiunt, ut hæc, Homo est substantia, Linea est quantitas, non pertinent ad Logicam, ut & in Commētorio, & superioribus libris satis ostensum esse arbitramur. Neq; item recte uidetur homo dicere, ea quæ trahantur in Antepædicamentis, referri ad propositiones, itaq; ad Logicam: unde enim didicit, hæc referri ad propositiones: Quòd si referrentur, nihil tamē (ut iam toties ostendimus) pertinerent ad Logicam. non enim referri possunt, nisi ipsæ propositiones cōficerentur ex terminis ijs quibus sunt in Prædicamentis: sed propositiones quæ fiunt ex simplicibus ijs, quæ ipsi ponunt in Prædicamentis, pertinent ad omnes disciplinas, præterquam ad Logicam, ut ostensum est in Commentario, & superiori libro: ergo si referantur ad propositiones, non sunt partes Logicæ. Ex quibus patet, illum non recte ex eis quæ dixit, inferre, subiectum eius libri non esse ens, quatenus ens, eo modo quo nos superius diximus. Neque uera est ea quam assert ratio, si ens subiectū esset, definiturū fuisse Aristotelem nomē Analogi: itaq; ipsum ens, quod est Analogum. nam falsum est, ens esse analogum. Quarto enim Primæ philosophiæ libro, textu secundo, ostendit Aristoteles, esse ex æquiuocis ijs quæ dicuntur ad unum.

- ” *Id autem, inquit, quod est, dicitur quidem multipliciter, sed ad unum, & ad unam quandam naturam, & non æquiuocè dicitur.*

Et

Et paulo post:

*Non enim solum eorum quæ per unam rationem dicuntur, una scientia est, sed eorum etiam quæ ad unam dicuntur naturam. hæc enim quodammodo una ratione dicuntur. Patet igitur, unius etiam esse scientiæ ea quæ sunt, ut entia sunt, contemplari.*

Idemque confirmat cum lib. VII. tex. I. & IX. tum utro in primis XI. lib. text. IX. Ens autem si est ex ijs quæ dicuntur ad unum, non esse analogum, ex eo perspicui potest, quod I. Ethic. lib. cap. VII. ita scribit Aristoteles, quem locum superius etiam V. lib. citauimus:

*Honoris autem et prudentiæ, et voluptatis, aliæ, atque diversæ sunt rationes, quæ bonæ sunt. Non est ergo bonum commune aliquid secundum unam ideam, quemadmodum ergo dicuntur. neque enim similia uidentur his quæ fortuito æquiuoca sunt, sed uidelicet ex eo quia ab uno sunt, aut quia ad unum cuncta coterminant, uel secundum potius analogiam: ut enim in corpore usus, in anima mens, et aliud certe in alio.*

Ex quibus uerbis facile constat, ea quæ dicuntur ad unum, distinguui ab eis quæ dicuntur secundum analogiā. Quod si ens (ut patet) est ex eis quæ dicuntur secundum analogiam, nullū est igitur hominis argumentū. Quin potius licet contrariū inferre, quia ens est subiectum, Aristotelem definiuisse æquiuoca, propterea quod ea quorum idem est nomen, ratio autē substantiæ diuersa secundum illud nomen, nō modo sunt æquiuoca fortuito, sed æquiuoca etiam quæ dicuntur ad unum, & ab uno, & secundum analogiā, quibus respondet una natura accidentalis, nō substantialis. Vel certe illud dici potest: Si ens esset analogum, quod tamen falsum est, nomine æquiuocorum comprehendisse Aristotelem analogā: id quod uidetur innuere optimus facile inter Græcos interpretes Alexander, in III. Primæ philosoph. lib. Com. II. cum de natura entis loqueretur, cuius hæc sunt:

Sed huiusmodi naturam alio quidem in loco communius sub æquiuocis statuit, hic autem accuratius partiendo, ab æquiuocis discrepare ait, ac discrimen exponit.

Et Boëtius, uti eorum etiam auctoritate utar, quos ipsi sequuntur:

Æquiuocorū, inquit, alia sunt à casu, alia consilio. & ea quæ sunt à consilio, alia sunt secundum similitudinem, alia secundum proportionem, alia ab uno, alia ad unum.

Quibus quidem uerbis duo uidetur Boëtius ostendere. alterum, ea quæ dicuntur ad unum, differre ab ijs quæ dicuntur secundum analogiam: alterum, omnia ista comprehendī sub æquiuocis, si quidem distinguit æquiuoca. Quod si æquiuoca comprehendūt etiam ea quæ dicuntur ad unum, idē ex ipsius Boëtij sententia, illud uidetur dici posse ex eiusdē Boëtij opinione, definitionem eorū quæ dicuntur ad unum, itaque ipsius entis, contineri definitione æquiuocorū. Multa præterea subiungit homo iste, quæ ex eis quæ dicta sunt in Commentario, & superioribus libris, facile constat esse falsa.

**Q**UOD autem in Prædicamento substantiæ sunt quidam termini, quos putant pertinere ad Logicā, in ceteris uero prædicamentis non reperiuntur huiusmodi termini, accipiunt isti solum prædicamentum substantiæ, non animaduertentes, eandem esse rationem in omnibus prædicamentis. Sed quoniam ad ea quæ iste hoc loco scribit, satis responsum est superioribus libris, ac præcipue lib. III. nihil hic præterea dicemus.

Sensum etiam illum, quo uidetur iste exponere uerba Aristotelis quarto Primæ philosophiæ libro, ubi ait,

*Metaphysici esse agere de genere & specie, de priori & posteriori, & huiusmodi cæteris:*

Nullum esse, ex eo intelligi potest, quod Aristoteles scribit, illa esse affectus entis, quatenus est ens, ac propterea pertinere ad primū philosophum. Nam si pertinent ad primū philosophum, quia sunt affectus entis realis (ens enim, ut ens, reale est) uerè sunt entia, ut ipse etiā facetur, & ubiq; aliter enim falsum esset illud Aristotelis, quod iam citauimus. Quod si ubique sunt entia, non tractantur alio loco, ut sunt realiter entia. Nam si alibi ostendit Aristoteles, genera & species non esse substantias: id facit contra eos, qui asserēbant illa omnibus modis esse extra animam, ut qui ponebant ideas. Genera enim & species, ut talia sunt, posteriora singularibus. Non tamen negat Aristoteles, ea aliquo modo esse extra animam, ut quæ sumuntur ab his quæ sunt extra animam, eaq; ipsa significant, non indicarent naturas eorum quæ sunt extra animam, ac scientiæ quæ sunt de uniuersalibus, essent falsæ. Hæc enim propositio, homo est animal, falsa esset, nisi genera & species aliquo modo essent extra animā. Nam ex eo quod res est, uel non est, dicitur oratio aut uera, aut falsa. Voces autem, Genera & species, cum sic inuestigat Aristoteles, intelligere cum hominem, animal, substantiam, lineam, colorem, & reliqua quæ ad quæque scientiam pertinent, in dubium uenire non potest. Voces enim, genus & species, huiusmodi omnia significant, siquidem hæc sunt quæ nominantur genera & species. Nam genus & species (ut scribit Aristoteles) sunt affectus entis. Quemadmodum igitur ens dicitur de omnibus ijs quæ sunt, ita etiam eius affectus qui interfunt aliquo modo in re, ut ipsum ens, etenim ens quoque, ut ens, uniuersale est, est enim subiectum Primæ philosophiæ. Patere igitur ai bitror, si recte considerentur ea quæ & hoc loco, & superioribus libris à me dicta sunt, hanc istius hominis interpretationem, multaq; alia quæ in eandem sententiam scribit, minime esse probanda. Ac quoniam omnia quæ iste disputat, aut iam dissoluta sunt, aut certe ex nostris libris, si diligentius attendantur quæ disseruimus, facile dissolui possunt, ut nostra aliquando terminetur oratio, ad ea quæ scripsērunt alij, ueniamus.

Sectio

## SECTIO III.



Cprimū quidem Vbaldino Bandinello, uiro sanè eloquenti, respondebimus: multa tamē quæ ille probabilitè, atq; oratoris potius quàm philosophi more disserit, omittimus. Nobis enim propositū est, quoad eius quidem facere possumus, rationibus tantummodo demonstratiuis agere.

Quod igitur me accusat, aitq; me à rerum natura, atque à me ipso discrepare, propterea quod in ea epistola, quam ad Alexandrum Farnesium Cardinalem scribo, quamq; meo libro præpono, pollicear, me rationem redditurum, cur in tradenda Logica Categorias omiserim, in proœmio uerò tantummodo mihi propositum esse dixerim, ostendere, doctrinam quæ habetur libro Categoriarum, ex Aristotelis sententia, non esse partem Logicæ facultatis: Tantū (meo quidem iudicio) abest, ut à me ipso, & à rerum natura discrepem, ut etiam rectè aliter facere non potuisse uidear. Nam cum in epistola pollicitus essem, me redditurum rationem, cur in tradenda Logica Categorias omissem: huius autem rei illa esset ratio, quod Categoriarum non essent partes Logicæ, ut rationem redderem, cur in illa ipsa doctrina tradenda Categorias omissem, necesse habui ostendere, ipsas Categorias non esse partem Logicæ. Rectè igitur in proœmio post epistolam dixi, propositum mihi esse, ut (quantum per me fieri posset) ostenderem, eam quæ habetur in libro Prædicamentorum doctrinam, ex Aristotelis sententia, non esse partem Logicæ, ex hoc enim sequitur, ut respondeatur ad id quod amplissimus patronus meus quæsierat. Quod quidem ita esse, hinc facile intelligi licet, quod post exordium hæc intulimus uerba:

His ita cōstitutis, ad id quod quærebatur respondemus, nos ideo nullā fecisse mentionem eorum quæ pertraciuntur in eo libro quem Prædicamenta inscripsit Aristoteles, quòd non sine optimis fortasse rationibus in hanc discessimus opinionem, ut ea ab his quæ in hac facultate traduntur, planè remota alienaq; esse arbitremur.

Luce clarius hoc idem perspici potest ex eis quæ post ipsum epilogum ita scripsimus.

Non ab re igitur interpretaturi nos artem Logicæ, cuius munus est tradere regulas conficiendi instrumenta, quibus instrumentis eorum quæ dubia sunt, cognitionem assequi possumus, à libro Periermenias, omiſsa ea quæ habetur in libro Prædicamentorum doctrina, initium docendi duximus.

Quare si homo iste, quæ à me scripta sunt, paulo diligentius considerasset, haud illi profectò uisus essem à me ipso, & à rerum natura discrepare: in eis præsertim rebus, in quibus tota res aliter breuius commodiusq; expediri nō potuit. Cum enim de me quæsisset amplissimus patronus meus, quare in tradenda illa doctrina omittē librū Categ. ego autē respondiſsem, id à me idcirco fieri quod nō esset pars Logicæ: cumq; hoc esset dubium, pollicerer me ostensurū esse: haud sanè intelligo, quemadmodū rectius ad id quod quæreretur, respon-

deri potuerit. Quancūq; illud prætereo, non addidisse me uocem tantummodo, quam ponit ipse: quæ etiam si addita esset, tamē nihil contra nos faceret, ut ex eis quæ dicta sunt, perspicuum esse potest.

Quod uerò subiungit, minus me reprehendendum fuisse, si Logicam & Dialecticam eandem posuissem: nunc uerò cum tam multis uerbis eas distinxerim, caputq; illud quod exordium appello, totius causæ quasi fundamentum fecerim, satis selemirari non posset: nō uidisse me etiam, si hoc posterius probassem, me tamen neq; promissum præstitisse, neq; officio meo defunctū esse. Nam si quis, inquit, hoc cōcesserit, nō esse Categorias Logicæ partem, nihil tamen erit actum: concedet enim, si libuerit, idem ille, si minus Logicæ, at Dialecticæ partem esse.

Hæc uerba summam mihi attulerūt admirationem. Quid enim cum ponam, Logicam & Dialecticam inter se distinctas esse, cumq; traditurus Logicæ artis cognitionem, Categorias statuam non esse partē Logicæ, etiam si essent partes Dialecticæ: cum dixi, me in Logica tradenda omisisse ipsas Categorias, propterea quod non sunt pars Logicæ, idq; ostendi, non promissum præstiti, & officio meo defunctus sum: haud enim propositum mihi fuit, Dialecticam interpretari. quancūq; existimo etiā me apertissimē ostendisse, Categorias nō esse partē Dialecticæ, cum docui, illas ad Primā spectare philosophiā, & quid esset Dialectica, quos uel haberet affectus demonstrauit. Quod uerò ita subdit,

Quæ cum Logica ita sit affinis, ut uel ipsius Antonij testimonio, & Perhermenias, & Analyt. I. lib. cōmunibus præceptis instituantur, imperitē fecisse, qui res natura copulatas sua præceptione diuellere, ac distrahere conatus sit: Magis ille quidē uidetur imperitē fecisse, qui sine ratione res natura distinctas copulare uoluerit, quàm quicquid illas res natura distinctas diuellere ac distrahere conatus sit. Quod si neget, hoc à me rationibus ueris factum esse, diluendæ ipsi quidem fuerant meæ illæ rationes, quibus hanc ego distinctiōnem ostendi. quod cum minimē fecerit, non ne ipse magis imperitē, quàm ego, fecisse existimandus est, qui quidē id prætermiserit, quod uel omnium maximē necessarium fuit.

#### SECTIO IIII.

**E**inde multa subiungit, quibus conatur ostendere, Categorias esse utiles, neq; omittendas fuisse, easq; oportere præcedere. Atq; in primis contra me uicitur eorū auctoritate, quos superius dixit à me negligi: quos tamē, etiā si tanti facerē, quanti quidē facio, hoc est plurimi, tamen nihil hoc ad rem. nō enim docet, si nō sunt partes, neq; Logicæ, neq; Dialecticæ, cur debeant præcedere: si quidē nō dissoluit rationes meas, quibus ostendi tantum abesse ut eæ maiori sint usui Logicæ, q̃ Primæ philosophiæ, ut minorē illi etiam utilitatē afferant. In Prima enim philosophia sunt omnes definitiones quæ sunt in Logica, eiusq; exemplis frequen-

frequentissimè utitur ipsa Logica: quemadmodum etiam reliquarum artium. Quod si propter utilitatē Categoriæ debent præcedere Logicam, cæteræ item facultates ob eandem causam debent illam præcedere.

Præterea, quod ait Prolegomena non esse omittenda, cum tamē non sint partes illius, cuius sunt Prolegomena, cum uoce Prolegomena (ut ex eius dictis facile constat) nihil aliud possit accipere, nisi procemia, non uideo quorsum hæc spectent. Procemia enim omitti possunt, quippe quæ ea pertractant quæ sunt præter rem, ut ostendit Aristoteles primo Rhetor. libro, his uerbis:

*Quæ cū sic se habet, patet, cū de exordio, narratiōe, cæterisque partibus, quid habere debeant præcipiūt, aliena, remotaque ipsos præcipere. nihil enim aliud ij agunt, nisi ut indicem quomodo cūq; afficiant.*

Possunt ergo omitti procemia. sed ut non omittantur, uideamus quæso, num ex Aristotelis sententia, Prædicamenta sint procemia Logicæ. Is igitur tertio Rhetor. libro de exordio loquens,

*Exordium ergo id, inquit, proprium opus est maxime quam necessarium finem ostendere ipsum, cuius gratia oratio habetur. Quare si patet, ex res parua sit, non est utendum exordio. cætera uero genera quibus utuntur, communia sunt, quæ uel ab ipso dicente ducuntur, uel ab auditore, uel a rebus, uel ab aduersarijs.*

Quod si procemia sunt ea quæ dicit Aristoteles, haud sanè fieri potest, ut Prædicamenta sint procemia Logicæ: quippe quæ nihil corū præstant, quæ scribit Aristot. procemia ipsa præstare. Multa præterea in eandem sententiam disputat Bandinellus, quæ id circo nos omitenda duximus, quod neque uera esse nobis uiderentur, neque ad rem quicquam facere. Non enim ob illam unam causam Categorias omisimus, quod non essent partes eius facultatis, quam nobis in præsentia propositum esset interpretari.

SECTIO V.



Einde me eo nomine reprehendit, quod in procemio ita dixerim,

Cum hoc autem medium, aut instrumentum, ut nemi dubium esse debet, sit definitio, & syllogismus, uel Demonstratiuus, uel Dialecticus: quod hæc inquam dixerim, reprehendit me homo, aitque, hoc neque esse disputare, neque docere, sed imperare, maxime in re dubia.

Verum si paulo accuratius legisset, quæ subiūxi, eaque percepiisset, haud ita profectò exclamasset. Statim enim hæc subdidi:

Omnia enim tribus his omnino instrumentis cognoscuntur: nam quid est definitione tantum discitur: in eo enim non dicitur aliquid de aliquo. Si est, quale est, & propter quid est, demonstratione & syllogismo Dialectico.

Quod si omnia quæ dubia sunt, quæque possunt cognosci, tribus his (ut ostensum est) instrumentis cognoscuntur, non sunt plura instrumenta. nam aut superuacanea essent, cū nihilis posset cognosci: aut



unius rei, quatenus una est, plures essent scientiæ: quod quidē (ut patet ex 11. Poster. lib.) fieri nullo modo potest. Nō ergo dicendū est, sine ratione id à me prolatum esse: quod quidem ratio demonstratiua comprobatur. neq; enim quisquam est qui negare possit, definitione sciri quid est, hoc enim ipsius definitionis definitio declarat. siquidem definitio dicitur esse ratio, quæ explicat quid est: etsi multi existimarunt, non pertinere ad Logicam tradere eius regulas. Illud igitur præter rem scribit, neminem nescire quanta sit controuersia inter homines doctissimos, quatenus definitio ad Logicam pertineat.

Quod uerò de inductione ait, satis ad hoc responsum est uerbis illis:

- » Nam cætera quæ uidentur cognoscendi instrumēta, ad hæc duo  
 » sunt omnino referenda. Id quod cōfirmatur ea quam demonstrauimus ratione. Aut enim superuacanea essent: aut unius rei, quatenus una est, plures essent scientiæ. Quod item cōprobant ea quæ primo Rhetor. lib. scribit Aristoteles, ostendēs nihil inter se differre enihymema, syllogismum, exemplum, inductionem, cuius hæc sunt:  
 » *Enthymema quidem syllogismus Rhetoricum, exemplum uerò*  
 » *Rhetoricam inductionem. omnes autem fidem faciunt demonstrando,*  
 » *uel exempla dicendo, uel enthymemata, & præter hæc penè nihil.*  
 » *Quare si omnino necesse est syllogismo, uel inductione, quodcunque*  
 » *ostendere, ut à nobis in Resolutiuis expositum est, necessario alterū*  
 » *ipsorum alteri idem erit.*

Quod uerò dicit Aristoteles, omnia uel syllogismo, uel inductione cognosci, hoc intelligendū est de complexis, aliter enim præter quod quod falsum esset, præterea ab ijs discreparet quæ alibi scripta reliquit. Nam quid est, neq; inductione, neq; syllogismo sciri potest, ut

- » *Nec sicut inducēs, inquit, per singularia, cū manifesta sint, quoniā*  
 » *sic, nō aliter est. nō enim quid est demonstrat, sed quoniā est, aut nō est,*  
 » *Primo Metaphys. libro,*  
 » *Omnis tamen disciplina per antea nota, aut omnia, aut aliqua sit,*  
 » *& aut per demonstrationem, aut per definitiones efficitur.*

Vult ergo, definitione perdisci aliquid. & lib. VII. text. XLII.

- » *Quod si demonstratio necessariorū est, & definitio ad scientiā at-*  
 » *tinet, fieri q; nō potest, ut aut demonstratio, aut definitio sit eius quod*  
 » *aliter se habere potest, sed est dūtaxat opinio: quemadmodum neque*  
 » *scientia interdum ignoratio esse potest, sed id ipsum est opinatio, pa-*  
 » *ter neq; definitionem, neq; demonstrationem ipsorum esse.*

Cum igitur sentiat his locis Aristoteles, definitionē efficere scientiam, necesse est, uel à seipso dissideat, & 11. Priorum libro, & primo Posteriorum, & sexto Ethicorū, ubi dixit, omnia sciri demonstratione, aut inductione: & in Prima philosophia, ubi addidit definitione. uel hic sit sensus, ut quemadmodū ipsi demonstrauimus, de ipsis complexis intelligatur. Argumētum ergo sic. Omnia siue sint complexa, siue

sive incomplexa (ut i. Rhetoricorum libro tradidit Aristoteles, & à nobis superius ostensum est) sciuntur syllogismo & definitione: igitur necessàriò quæcunque scientiam efficiunt, sunt idem quod syllogismus & definitio. sed inductio non potest esse idem quod definitio, ut docet Aristoteles secundo libro Posteriorum, loco citato. ergo est idem quod syllogismus. Itaque perperam iste nos reprehendit. Quod etià comprobant ea quæ i. Prior. lib. ita scribit Aristoteles:

*Quoniam autem non solum Dialectici, et demonstrativi syllogismi sunt per prædicatas figuras, sed etiam Rhetorici, et simpliciter, quæcunque fides est, et secundum unamquamque artem, nunc erit dicendum. omnia enim credimus, aut per syllogismum, aut ex inductione. ergo inductio quidem est, et ex inductione syllogismus, per alteram extremitatem, alteram medio syllogizare.*

Redigit ergo Aristoteles inductionem ad syllogismum. quod nisi faceret, falsa essent quæ eo ipso loco tradidit. esset enim aliqua fides complexa, quæ non fieret per unam aliquam trium figurarum. ac tametsi principia cognoscantur per inductionem, necesse est postmodum redigatur ipsa inductio ad syllogismum. id quod docet Aristoteles & loco citato, & paulo post his uerbis:

*Est autem huiusmodi syllogismus primæ et immediatæ propositionis. quarum enim mediū est, per mediū est syllogismus. Quarum ergo non est per inductionem, et quodammodo opponitur inductio syllogismo. Nam hoc quidem per medium extremi tertio ostendit, illa autem per tertium extremū medium. ergo natura prior et euidentior syllogismus, qui per medium: nobis autem manifestior, qui per inductionem.*

Constatigitur, inductionem omnino redigi ad syllogismum. Cum uerò ita subdit:

Aut si ea de causa fuit inductio prætereunda, nihilominus definitionem præteriri oportuit, quam læpe uidemus partem esse syllogismi, quia i. Poster. dictum est, definitionem esse principium demonstrationis, uel ipsam demonstrationem positione differentem.

Longè (meo quidem iudicio) fallitur. nam definitio, ut definitio, & ut docet ipsum quid est, non potest referri ad demonstrationem. In Poster. enim tradidit Aristoteles, eam non significare, rem esse, aut non esse: neque ita se habere, ut totum, uel partem: neque in ea esse aliquid de aliquo, quemadmodum in demonstratione. Quod si dicat Aristoteles, illam esse principium demonstrationis, id est causam, quod potest esse principium, postquàm facta est propositio. Sed hanc rem nos & v. huius Apologiæ libro, & in Institutione, quam in primū librum Posteriorū conscripsimus, fusius explicauimus. Si ergo definitio, ut definitio, est instrumentum sciendi quid est, neque potest redigi ad demonstrationem: inductio autem, ut inductio, redigitur ad ipsam demonstrationē latius sumptam, nō sine ratione omisimus nos inductionem, definitionis uerò meminimus.

Qui

Qui ergo posuerunt unum tantum cognoscendi modum, hos errare, perspicuum esse arbitror. tollunt enim definitionem, quæ est oratio, qua scitur ipsum quid est: quod quidem perdisci non posse demonstratione, ex ijs quæ 11. Posteriorum libro disputat Aristoteles, luce clarius intelligitur: & ab Aristotele dissentiant locis citatis. Quod si plures sunt cognoscendi modi, ut quidem sunt, patet eos magnopere esse reprehendendos, qui (ut homo iste) sentiunt, inductionem & definitionem pari causa esse cognoscendi instrumenta.

Præterea ostendi ego, necesse fuisse unam aliquam artem inuenire, quæ doceret conficere instrumenta cognoscendi, quibus conficiendis facile errarent homines. id quod satis ex eo constare uidebatur, quod huiusmodi instrumenta unius essent generis. sunt enim orationes, quibus cognoscimus ignota: ad quam autem facultatem spectat genus, ad eandem spectare speciem, neminem latet. Quis enim est, qui nesciat, ad quam facultatem spectat animal, ad hanc ipsam spectare hominem, & asinum, & reliquas animalis species? Quod si ostendimus, necessario tradendam fuisse artem aliquam, quæ doceret conficere ea quæ memorauimus, cognoscendi instrumenta, atque hæc ipsa instrumenta tacite demonstrauimus esse eiusdem generis: haud sanè dubitari potuit, quin esset una facultas, quæ instrumenta illa doceret. Quod si hoc aliqui dubitauerunt, nihil ad nos, qui eam quam diximus rationem tacite reddidimus. Non enim necesse est in procepijs ponere omnia. etenim quot plerumque silentio præterit Aristoteles, quæ tamè omnino subaudienda sunt: quancumque nos rationem illam non aperte posuimus, quod satis per se illud constare uideretur, unam esse facultatem, quæ horum omnium instrumentorum, quæ quidem eiusdem essent generis, regulas traderet, ut v. huius Apologiae lib. abundè nos ostendisse arbitramur.

#### SECTIO VI.

¶ **Q**uod autem scribit,  
Inniti definitionem intelligentia, demonstrationem  
cogitatione:

¶ Videtur concedere, definitionem esse instrumentum sciendi, quod tamen supra uisus est negare.

Deinde ait,

¶ Me circulo usum esse.

¶ Sed uideamus, quo modo. Ego igitur ex ea qua tenentur homines, cupiditate sciendi quæ dubia sunt, quæque sciri licet, ostendi necessario querenda fuisse media illa, quibus medijs id consequi possent quod uellent. Hæc autem docui, tria omnino esse instrumenta. Definitionem, demonstrationem, syllogismum Dialecticum: quibus quidem inueniendis & conficiendis cum erraremus, ex eo intuli, necesse fuisse, unam aliquam artem inueniri, quæ horum instrumentorum regulas traderet. Quod autem tria erant quæ hac una arte docenda essent, ne quis fortè existimaret, omnia tria illa esse subiectum eius, ostendi

ostendi hanc facultatem habere unum tantum subiectum. Deinde demonstrari, quod nam esset hoc subiectum.

Ostendere igitur, necessariò inueniendâ fuisse unam aliquam artem, quæ traderet regulas trium illorum instrumentorum, quod in his conficiendis facile errari posset: deinde fieri non posse, ut tria illa instrumenta simul sint eius ipsius artis subiectum. illam enim habere unum omnino subiectum, quod est tribus illis commune: non uldeo quomodo hoc sit ostendere in orbem. Ex eo enim quod omnia illa sunt instrumenta cognoscendi, sequitur, ut una sit facultas. Ex hoc autem quod una est facultas, non inferitur, illa esse cognoscendi instrumenta, sed illam ipsam facultatē unum habere subiectū. Non utimur ergo circulo. neq; enim in demonstrando ab eodem ad idem reuertimur, quantū aliquando cōceditur circulus. Sed de hac re nō est hic disputandi locus. Quædam uerò alia subiūgit, quæ quoniam ex eis quæ dicta sunt, apertè dissoluuntur, missa fecimus.

Quod autem scribit,

Me modo enumerasse definitionem & syllogismum, deinde mutata sententia pro syllogismo demonstrationē reposuisse, de quibus modus cognoscendi diceretur:

Ego quidem non mutavi sententiā, cum enim dixi, modum cognoscendi dici de syllogismo, nō potui intelligere de syllogismo simpliciter, quia per illū nihil cognoscit, sed Demonstratio & Dialectico, ut paulo post declaravi. Sed iste quidem facit, Aristotelem mutasse sententiā, cum citat locum illum 1. Poster. libri,

*Siquidem addiscimus, aut per demonstrationem, aut per inductionē.*

Quippe qui lib. 11. Priorum ita dixerat,

*Omnia enim credimus, aut per syllogismum, aut per inductionem.*

Et sexto Ethicorum libro, capite quarto,

*Doctrina omnis ex antecognitis, ut in Resolutius diximus. Nā aut per inductionem, aut per syllogismum.*

Et primo Primæ philosophiæ libro:

*Omnia addiscimus, aut per demonstrationem, aut per definitionē.*

Eo igitur loco quem citavit Bandinellus, cōiungit Aristotelis demonstrationē cum inductione. in his aut quos ego recitavi, syllogismum cum inductione, & demonstrationē cum definitione. Quod si ego reprehendendus sum, qui id fecerim: non minus sanè reprehendendus uidetur esse Aristoteles, qui hoc idem prius fecerat. Sed neq; ego sum reprehendendus, qui paulo post quid mihi uellem, ostenderim: neq; Aristoteles, qui modo loquens de uera scientia, tam cōplexa, q̃ in cōplexa, numerauit cū definitione demonstrationē: modò de cognitione tantum cōplexa, cōiunxit cū syllogismo inductionē, intelligens syllogismū demonstratiuum & dialecticū. syllogismus enim simpliciter nullā tradit cognitionē. Alio loco spectās ad cognitionē necessariorū complexorū, cōnumerauit demonstrationē & inductionem: itaq; alia, cum ad aliud spectaret, enumeratione usus est.

Sectio



Antum uerò abest, ut negauerim ego, modum cognoscendi generatim prædicari, ut planè contrarium asseruerim. Dixi enim, modum cognoscendi tantummodo esse subiectum, quia uniuersaliter comprehenderet omnia cognoscendi instrumenta: prædicari tamè æqui uocè ad unum, propterea quod definitio natura est prior demonstratione. Priori autè & posteriori (ut 1. Ethic. lib. cap. vii. & 1. Primæ philosophiæ lib. docet Aristoteles) nō respondet ulla cōmunis natura substantialis: Cum uerò sic infert,

- ” Erit ergo princeps ex ijs unus, quod per se consideratur, alterum uerò propter illud: hoc esse falsum, intelligent iij qui scient, ens hoc modo dici de decem generibus, & corpus naturale de corpore corruptibili & incorruptibili, & numerum de dualitate & trinitate, & cæteris posterioribus numeris, tamè & cætera prædicamenta, & corpus corruptibile, & cæteros numeros per se considerari, etsi non ita principaliter, semper enim magis principaliter cōsideratur id quod prius est, atq; eius ipsius magis propriè est scientia.

Cum Aristoteles autem 11. Poster. lib. dixerit, definitionem priorem esse demonstratione, & ab ea sumi, ut explicat substantiam, quæ est prior accidentibus, quorum cognitionem tradit ipsa demonstratio, & esse nobiliorem, ex eaq; fieri demonstrationem: cum tamen amiserit naturam definitionis, nullum potest de ijs commune æqui uocum prædicari: neq; item æqui uocum aliquod ex ijs quæ dicuntur fortuitò, horum enim non est scientia: neq; ex ijs quæ dicuntur analogæ. Reliquum est igitur, ut quod prædicatur, æqui uocum sit ex ijs quæ dicuntur ad unum. Itaq; rectè a nobis dictum est.

## SECTIO VIII.



Vod uerò ait,

- ” Me, cum modum cognoscendi æqui uocū statuerim, negare illum definiri posse: equidem satis mirari nō possum. quī enim negarem, modum cognoscendi definiri posse, quem ego definirem: illum quidem dixi non definitum esse in Logica, propterea quod cum statuissem, illum ipsum cognoscendi modum esse Logicæ facultatis subiectum, cumq; scirem illud ab omnibus pro comperto haberi, subiectum cuiusq; facultatis definiri oportere: hoc autem quod ipse statuerem Logicæ subiectum, definitum non esse: dixi, nihil tamen obstare quo minus esset subiectum. Satis enim illud esse, si definitio eius colligeretur ex definitionibus specierum, id quod secundo Posteriorum libro, capite octauo, docuit Aristoteles interdum fieri.

Quod autem dixi, modum cognoscendi esse orationem, acerbius iste me reprehendit, itaq; ait:

- ” Sensus enim, id est ipsa sentiendi actio, modus est cognoscendi, nec tamen oratio, non igitur omnis modus cognoscendi est oratio.

Sed

Sed ipse quidem magis uidetur esse reprehendendus, quippe qui ad pauca spectans, facillimè enunciat. Non enim ego dixi, omnē modum cognoscendi esse orationem, sed eum modum, qui de syllogismo, & definitione diceretur. Quanquam si hoc etiam dixissem, nihil peccassem. nam propriè sensus magis est potentia, quàm modus cognoscendi, quomodo quidem nos cognoscendi modum appellamus, est enim æquiuecus. Sed ex eis quæ dixi, quemadmodum ipse intelligerem, facile constat.

Quod uerò scribit:

Me eam ipsius opinionem confutasse, qui suprà eodem capite, de hoc eodem subiecto loquēs, negauerim, id orationem esse posse: ac cur non posset, rationem attulerim. itaq; sese mirari decem ad sum mum uersiculis, non sentire, me non solum pugnantia, uerum etiam (quod multo maius est) negantia esse locutum.

Vter nostrum magis mirari debeat, iudicent ij, qui uerba mea legent. Nam ego negavi id, quod ostendunt rationes eæ, quas illo ipso loco attuli, orationem simpliciter, quomodo quidem definitur in libro Perihermenias, esse subiectum, deinde statui, modum cognoscendi esse subiectum: qui quidem est oratio non simpliciter, sed qua cognoscimus ignota. Qui igitur dicat, orationem simpliciter non esse subiectum, & orationem, qua cognoscimus ignota, esse subiectum: an is à se ipso dissentiat, eorū erit iudicium, qui sciunt, homines à se ipsis dissensurum, cum de una atque eadem re, quæ inter se pugnent, loquuntur, ut primo Elenchorum libro docet Aristoteles. Oportet autem, qui alios uolunt redarguere, rectè eorum uerba, quos redarguunt, considerent, ac intelligant: quod quidem nisi faciant, maximè ipsi sunt redarguendi. Me uerò ita dixisse, huiuscemodi orationē, qua cognoscimus ignota, esse subiectum, ita perspicuum est ex meo libro, ut nihil clarius fieri possit.

#### SECTIO IX.



Præterea quòd hæc scripsi,

Docere autem constituere orationem, est eam aliquo modo considerare, ut oratio est. non enim hic oratio ita sumitur, ut res significat, sed tantummodo, ut docetur constitui, quo in sensu uidetur aliquo modo à se ipsa distingui, cum scilicet consideratur, ut significat res, etsi ipsa quidē semper est rerū significatiua. Quare hæc facultas iure optimo de sola dicetur oratione.

Quòd hæc inquam ita scripsi, Bandinellus contra me his uitur uerbis:

Tinea, inquit, Placentinus uno uerbo peccabat, hic uerò una sententia, tria. Docere enim constituere, practicæ est: considerare uerò, Theoricæ. Præterea si Theologus ea quæ sunt, ut sunt, considerat, quod Antonius uult considerare orationem, ut oratio est, non Logici, sed Theorici est. Tertium peccatum illud antiquum suum, ut plurima pronunciet, uera, an falsa sint, non laboret.

M Sed

Sed quantum opere ipse peccauerit, qui falso alijs cōplura obijcit, nūc hūc necesse est ostendere, satis res ipsa per se declarat. neq̃ enim facile est intelligere, quorūm spectet, quod primum dicit, docere operari praticæ esse. Ego enim in meo libello asserui, Logicam esse artem, nō scientiam, quod docet operari: quin hoc tanquam fundamentum conclusionis meæ posui.

Quod autem secundo loco scribit, declarat, eum non intelligere, quæ spōtāt ad scientias, quæq̃ à me dicta sint. Longe enim aliud est, dicere, hominem considerari ut homo est, & hominem considerari esse. siquidem hoc ad Primum philosophū spectat, illud uerò ad naturalem. Ego autē non dixi, cōsiderare orationem esse: sed docere constituere orationem, esse cōsiderare eam ut oratio est. quod idem ualeat, ac si dixissem, ut est oratio. Itaq̃ patet, hominem idcirco docere primum esse, quod ego posueram uerbum est pōst, quasi ista propositio non sit (ut uiuocant) de tertio adiacente, si ita proferatur, homo albus est. Quod autem mihi postremo obijcit, an uerum sit, nec ne, aliorum erit iudicium.

Præterea, quoniam dixi, orationem in Logica sumi, non ut significat res, sed ut oratio est, quæ docetur arte constitui, exclamat homo aduersus me. Sed si animaduertisset, quæ à me superius disputata essent contra secundas intentiones, haud ita, credo, exclamaret. Dixi enim, quæ sunt in Logica, esse res, itemq̃ significare res. Sed si cōpararetur oratio, quæ significat res, quatenus docetur arte constitui, cum oratione, quæ significat res, sed nō quatenus docetur arte constitui, primò considerari, ut non significat res, itaq̃ Logicam dici de sola oratione. quod quidem à me ideo dictum est, ut distinguerem Logicam à Prima philosophia, quæ Logica considerat.

Quemadmodū eam 1. Perihermēias lib. definit Aristoteles, idq̃ feci ipsius Aristotelis exemplo, qui 1. Rhetoricorū lib. scribit,

*Dialecticam & Rhetoricam esse solum de sermonibus.*

Quæ tamen sunt etiam de rebus, atq̃ adeò de omnibus rebus, sed præ cæteris facultatibus & scientijs sic eas appellauit, quod non dissenserent de rebus certis, definitisq̃ per necessaria, sed de rebus indefinitis per probabilia. Ex quibus quidem facile speramus constare, inania esse, & nullam planè uim habere ea, quæ Bandinellus de hac re contra nos scribit. Hæc ipsa autē breuitatis causa de procemio sūstulimus, quæ tamen hoc loco attingenda putauimus, ne fortē homo existimaret, nos rationibus eius cōmotos, hæc silentio præterisse.

#### SECTIO X.

**E**prehendit deinde me, quod dixi, facultatem eam, cuius subiectum est oratio, qua cognoscimus ignora, quæq̃ tantummodo est de oratione, sic accepta ut demonstrauimus, appellari posse Logicam. idq̃ propterea facit, quod ait iam pridem ita esse appellatā: non animaduertens me ita loqui, quasi hæc ipsa ars nunc cōstitutata esset. Loquor enim de eius causa, idq̃ propter uarias

uarias de hac re multorum opiniones. Illud etiam minimè prætereū-  
dum uidetur, Aristotelem (quòd ego quidē meminērim) nusquam  
hanc artem appellare Logicam, sed ubiq; hoc ipso nomine uti pro ra-  
tionibus dialecticis, et communibus: sic autem ab ipsis Interpretibus  
uocata est, sed hoc parui refert: satis est, me ita de ea esse locutum, qua-  
sinunc (ut dixi) inuenta esset. Quod si homo animaduertisset, non  
tam multa, credo, uerba præter rem sudisset.

Quòd uerò nullum me reprehendendi finem facit, quòd definie-  
rim, dialecticam esse facultatem perspicendi probabilia in unaquaq;  
re, si ea spectasset, quæ spectare debent, qui uolunt alios redarguere,  
haud profectò commisisset, ut ipse reprehendendus esset. Aristoteles  
enim l. Topicorum lib.

*Propossum, inquit, negotij methodum inuenire, à qua poterimus  
syllogizare de omni proposito problemate ex probabilibus.*

Quòd si methodus illa, quæ quidem est dialectica, docet inuenire  
probabilia, docet etiam cognoscere probabilia: sed perspicere (ut ne-  
mini obscurum est) idem ualet, quòd cognoscere: ergo docet perspi-  
cere probabilia, itaq; est facultas perspicendi probabilia. Cum uerò  
infern, Ergo erit modus cognoscendi: cōcedimus, omnes enim facul-  
tates appellari licet cognoscendi modos, quippe quæ nullam aliam  
ob causam traduntur, nisi ut doceant cognoscere: utuntur enim &  
syllogismis, & definitionibus. Quòd autem infern, Ergo dialecti-  
ca erit subiectum Logicæ: id uerò negamus, quia modus cogno-  
scendi simpliciter, & absolutè consideratus, non est subiectum Lo-  
gices, sed quatenus docetur arte constitui. Quatenus autem simpli-  
citer, & absolutè consideratur, ad Primam philosophiam spectat: est  
enim affectus entis.

Cæteræ etiam facultates, quæ syllogismos habent, & definitio-  
nes, uocantur modi cognoscendi sua ipsarum subiecta. Tamen ne-  
que modus cognoscendi est in illis subiectum, neque illæ ipsæ in Lo-  
gica, quemadmodum etiam, quæ in omnibus facultatibus tranlan-  
tur, sunt entia: non tamen ex eo sequitur, ut cæteræ facultates sint  
subiectum Primæ philosophiæ, cuius quidem ipsum ens est sub-  
iectum. non est ergo dialectica subiectum Logicæ, nisi eo modo,  
quo diximus.

Itaq; ego neq; arbitrato meo definiui dialecticam, sed ut innuit Ari-  
stoteles: neq; usus sum uerbis ignotis, perspicere enim est uerbum usi-  
tatissimum, quo etiam utitur Georgius Trapezuntius in definitione  
Rhetoricæ, quæ essentialiter, ut ita dicam, eadem est quæ dialectica:  
differt tantummodo accidentaliter, ut alibi ostendimus.

Multa præterea Bandinellus scribit, quæ (meo quidem iudicio)  
ab hoc loco aliena sunt. mihi enim propositum fuit, ostendere, Præ-  
dicamenta non esse partem Logicæ: ut ex eo appareret, non illa me  
temerè in tradenda Logica omisisse, quippe quæ ad primam philo-  
sophiam spectarent, id quod proprijs rationibus ostendi.



## SECTIO XI.



Vod autem subdit, Aristotelem non usum esse nomine Logicæ facultatis, neq; artis, & quæ sequuntur, uidetur à se ipso discrepare. Superius enim reprehendit me, qui dixissem, posse illam appellari Logicam, quòd diceret, hoc esse uerbum usitatum, eoq; uti ipsos Aristotelis Interpretes: non sentit igitur, sese, dum me redarguit, & se ipsum, & eos quos laudauit, Interpretes redarguere. Ego enim, qui quantum patitur ueritas, Interpretum opinionem sequor, ostendi, facultatem illam, cum primum inuenta est, appellari potuisse Logicam, illud innuens, si hoc illi nomē postea inditum sit, non sine ratione id esse factum. Præterea, si hæc ipsa facultas docet operari, cur appellari non potest ars, seu facultas: cum Rhetoricam uocari Aristoteles, & artem, & facultatem, ut ex libro Rhetoricorum patet: qui item sæpenumero artes nuncupat scientias, ac rursus scientias artes. Adde, quòd uox *Λύαμυς*, qua utitur Aristoteles, latinè redditur facultas, quæ idem ualet quod potentia, usurpaturq; pro artibus & scientijs, & pro omnibus habitudinibus actiuis. Aristoteles enim lib. ix. Primæ philosophiæ, tex. iiii.

” Quapropter, inquit, omnes artes, omnesq; scientiæ effectiue potentia sunt.

Quòd si Marcus Tullius dialecticam appellet artem, quæ docet proprietates illorum instrumentorum, hoc nihil ad me. ego enim sequor Aristotelem.

Præterea si Aristoteles non usus est nomine Logicæ pro ea arte de qua nos loquimur, sed pro dialectica, dialectica, & facultas illa quam isti Logicam uocant, diuerse sunt. aliter enim cum unam nominasset, & alteram nominatam esse intelligeremus. Itaq; sibi non cōstat Vbaldinus, qui superius statuit, nihil inter illas disferre: meq; reprehendit, qui eas distinguerem.

Cum uerò conatur ostendere, uocem *λογικὴν* ualere *διαλεκτικὴν*, tantum abest ut id contrà nos faciat, ut maximè etiam opinionem nostram confirmet. In procemio enim ita scripsimus:

” Quòd si rationes, quæ sunt ex locis communibus, dicantur Logicæ, sic propterea dicuntur, quia sunt probabiles, et uerisimiles. *Λόγος* enim præter cætera id quoque significat. Quamobrem loci omnes, quos citat, ut ostendat, Logica significari dialecticam, in quibus est ille i. Posteriorum libri, confirmat opinionem meam de distinctione facultatis eius, quam isti Logicam uocant, ab ipsa dialectica. Nam si Aristoteles, cum ostendisset, in Prædicamentis non esse processum in infinitum, dixit, se demonstrasse logicè, deinde uelle demonstrare analyticè, ratio illa Logica non est propria eius facultatis, ut concedit etiam Vbaldinus, & declarant loci ij quos citauit. Itaq; dialectica distinguitur ab ea facultate, quam isti appellant Logicam. non enim de nomine disputamus, sed de re. Nam hæc est opinio mea, facultatem eam, quam nuncupant Logicam, quæ tradit proprietates instrumentorum, aliam esse ab ea quam Aristoteles appellat dialecticam.

Sectio



Voniam uerò dixeram, differre inter se Logicam & dialecticam, cū in dialectica, hoc est in Topicis, agatur etiam de proprietatibus syllogismi dialectici, quæ res propria est facultatis eius quæ tradit regulas instrumentorū, ne quis illud mihi opponeret, quemadmodum Aristoteles dixit, Rhetoricam esse compositam ex scientia resolutiua, & ex illa ciuili quæ est de moribus: ita dico licere dialecticam constare ex resolutiua scientia, & ex locis communibus, occurri tacite huic dubitationi, ac totam rem declarauī, ut patet in procemio. Verū contra ea quæ de hac re dixi, multa scribit Vbalinus, quorū partim nihil ad rem faciunt, partim etiam à ueritate abhorrent. In his illud (meo quidem iudicio) falsum est, nullam partem Analyticorum esse, quæ doceat proprietates syllogismi dialectici. Hoc enim præstat prima pars lib. Topicorum, atq; hæc ipsa dicitur Analytica, quia omnis doctrina, quæ traditur ex cognitione finis, uocatur resolutiua, et analytica, ut patet tertio Ethicorum lib. cap. v. i. atq; ob hanc quidem causam inscripti uidentur esse libri Priorum et Posteriorum resolutiui, seu Analytici, quod ex fine syllogismi simpliciter, qui quidem est concludere necessariō, ostendit Aristoteles eius proprietates. Itemq; ex fine demonstrationis, qui est facere scire, docuit ipsius demonstrationis naturam. neq; enim sic inscribuntur libri illi ob eas causas, quas exponunt Interpretes, quæ quidem causæ magnas habent difficultates. Item etiam cum ex fine syllogismi dialectici, qui est efficere opinionem, doccat Aristoteles, illum esse ex probabilibus, hæc doctrina, etsi aliquo modo non perfectè tradita est, tamē appellatur Resolutiua, et Analytica, ut ibi dixit Aristoteles, & ostendit 1. Rhetoricorum lib. his uerbis:

*Quod enim prius fuimus dicentes, uerum est, quod Rhetorica est composita ex resolutiua scientia, & ex ea Politica, quæ est circa mores.*

Superius autem dixerat,

*Itaq; efficitur, Rhetoricam quasi propaginem esse dialecticæ, & eius negocij quod circa mores est: quod cum de affectibus sit, æquum est ut ciuile appelletur.*

Analyticam igitur scientiam, ex qua dixit esse compositam Rhetoricam, uocat ipsam dialecticam. nusquam enim alibi superius dixerat id, quod se se ait dixisse, Rhetoricam scilicet esse compositam ex aliqua facultate: nisi cū dixit, eam esse propaginē dialecticæ & ciuilis. quod cum dixisset, ita repetit:

*Quod enim fuimus prius dicentes, uerum est, quod Rhetorica est composita ex resolutiua scientia, & ex ea ciuili, quæ circa mores.*

Itaq; concludit idem quod dixerat, simul & mentionem facit de ciuili, ac subdit: Similem esse partim dialecticæ, partim Politicæ, ut aliquis liber habet: uel sophistæ orationibus, ut legunt alij. Ergo rectè

à nobis dictum est. Sed qui pauca spectant, hi nimirum quicquid in mentem uenit, temere enunciant.

Illa tamen resolutiua pars, quam ponit Aristoteles in dialectica, non est per se pars dialecticæ, sed Aristoteles ibi suscipit personam Logici: appellatur tamen dialectica improprie, quia est in ea doctrina, quæ dicitur dialectica, quemadmodum etiam ipse Aristoteles Rhetoricam uocat partim civilem, quæ tamen est pars ipsius Rhetoricæ per accidens, non per se. Nam (ut ipse inquit) Rhetorica loquens de civilibus, induit figuram Politicæ. Fallum est igitur (ut patet) Aristotelem non appellasse hanc partem Analyticam. quod etiam si non fecisset, tamen ex hoc non sequeretur, ut pars illa non esset Analytica. Nam idem Aristoteles III. & V. librum Physicorum non uocauit de motu, qui tamen sunt de motu, rursus VIII. librum nuncupauit de motu, non de natura, qui tamen est de natura.

Nos ergo diximus, hanc quidem esse Logicam, sed ex ea parte tantummodo, quæ locos includit, proprie dici dialecticam: uersari enim inter opponentem, & respondentem.

#### SECTIO XII.



Ed urget ipse, quod neque id ego ostendam, neque quisquam præter me dixerit unquam, dialecticam uocari à Topicis. ego uero ostendi, dialecticam dici partem illam ratione illorum locorum, quia ex his dicitur uersari inter opponentem, & respondentem, ex quo proprie uocatur dialectica. Id quod ostendens Alexander (ut interpretum etiam, quos ipsi sequuntur, auctoritate utar)

» Nomen, inquit, dialecticæ ab ipso disputare proficiscitur, & disputatio fit interrogatione & responsione.

Et paulo post,

» Cæterum de sic dialectica etiam in alijs libris tractauit, maxime tam in his, quæ scribuntur Topica, quod nonnulli loci in ipsa tractantur, à quibus initium facientes, poterimus de omni proposito problemate per opinabilia ratiocinari.

Vult ergo Alexander, ex eo dici dialecticam, quod disputatiua sit disputatiua autem esse, quia uersatur inter opponentem & respondentem. uersari uero inter opponentem & respondentem ratione illorum locorum, quibus nos uti possumus ad opposita. Cum igitur duæ sint partes illius libri, quarum altera est per accidens, in qua traduntur regulæ syllogismi dialectici: altera, quæ tantum habet locos illos: disputatiua autem non possit esse ratione illarum regularum, necesse est ut sit ratione illorum locorum. Itaque rectè à nobis dictum est, eam proprie dici dialecticam ab ea parte quæ includit locos, non ab illis proprietatibus syllogismi dialectici. Cætera, quæ de hac re scribit Vbaldinus, neque ad rem facere, & falsa esse, constat ex eis quæ dicta sunt. ostendimus enim in Commentario, Prædicamenta neque Logicæ partem esse, neque dialecticæ.

Deinde cum ostendissem, differre inter se Dialecticam & Logicam, intulit

intuli id, quod necessariò uideretur insequi, nò rectè eos definisse dialecticā pro Logica, qui dixissent, eam esse artium artem, & scientiam scientiarum, quæ ad omnium methodorū principia uiam haberet. Neq̃ enim dialecticā esse Logicam, intelligendo Logicam artem illā quæ tradit proprietates instrumentorū: neq̃ illam definitionem conuenire Logicæ, quòd Logica non habet aditum ad principia omnium methodorū, quippe quæ solūm tradit regulas instrumentorum: dialecticam uerò hoc præstare per ea probabilia, quæ sunt in unaquaque re. Id quod apertè ostēdit Aristoteles 1. lib. Topicorum, his uerbis:

*Adbuc autem ad primā eos, quæ in unaquaque disciplina sunt principia. nam ex proprijs secundum propositam disciplinam principij, impossibile est aliquid dicere de ipsis, eo quòd prima principia sunt omnium, sed per ea quæ sunt circa singula probabilia, necesse est de illis transire. id autē proprium maximeq̃ peculiare dialecticæ est, cum enim sit inquisitiua, ad omnium methodorū principia uiam habet.*

Habet ergo dialectica uiam ad omnium methodorū principia, ob ea quæ considerat probabilia. quod quidem cum minimè præstare possit Logica, haud ei conuenit illa definitio.

Quod autem dicit, me tribuere hanc definitionem dialecticæ, falsum est. negaui enim solūm, hanc conuenire Logicæ. Quòd si de me quærat aliquis, an conueniat dialecticæ, neq̃ propriè etiam conuenit ipsi dialecticæ, nam dialectica, neq̃ est ars propriè, neque scientia, ut ostensum est ab Aristotele 1. Rhetoricorū lib. neq̃ habitus ullus potest simul esse & ars, & scientia.

Quod uerò negat, me, quæ dicerem, ostendisse: decipitur. rationes enim, quibus docui, dialecticam non esse Logicam, declarant, illam definitionem non conuenire Logicæ.

Quæ uerò assert, ut ostendat, Logicam dici artium artem, & scientiam scientiarum, ea neq̃ Aristotelis auctoritate nitūtur, neq̃ ad rem faciunt: propterea quòd ego negaui, definitionem illam conuenire Logicæ, ob eam quam demonstraui causam.

Multa præterea dicit de dialectica, quæ inter se pugnant. nam apertè ostendit, illam esse distinctam à Logica. At enim, eam definitionē, quam ego redargui, conuenire Logicæ, non dialecticæ: quæ quidem est illa quæ uersatur inter opponentem & respondentem, & de qua ego disputo.

Quod uerò ita subdit,

Nam quod Aristoteles 1. Topicorum ei tribuit, ut de initijs disciplinarum disserat, primū non eam dialecticam intelligit, quam describens Antonius, uersari ait inter opponentem & respondentem: sed de superiori, quæ est species Logicæ:

Perpicuè ab Aristotele discrepat, qui de ea dialectica loquitur, quæ est ex probabilibus, quæ sunt in unaquaque re. hæc enim constat ex locis communibus, & uersatur inter opponentem & respondentem. Præterea quī illud uerum est, Aristotelem, cum dicat,

M 4 dialecticam

dialecticam habere aditum ad principia, intelligere de speciebus Logicis: Quæ enim probabilia considerant species Logicæ, ut possint differere de principijs.

Huc accedit, quòd Aristoteles loquitur eo loco de ea dialectica, quæ est utilis ad disciplinas, quæ secūdum philosophiam sunt. Nam qui potest in utraq; partem disputare, is cernit verum & falsum. Cōstat autem, Aristotelem de eadem facultate loqui, cum dicat, esse utilem ad tria.

Hæc uerò dialectica, quæ potest in utraq; partē differere, est, quæ versatur inter opponentem & respondentem. Perperam igitur negat, intelligi eam, quam ego demonstravi, sed uideat Alexandrum, et ceteros Interpretes, quibus tantum uidetur tribuere: ita facili intelliget, quam aperte non ab Aristotele modo, sed à suis etiam Interpretibus dissentiat.

Constat igitur, eum sine causa à proposito egredi, ut ostendat id quod ego minimè asserui, definitionem illam non convenire dialecticæ. Præterea multa scribit, quæ falsa sunt, ut ostensum est, & à se ipso discrepat. ponit enim Logicam, & dialecticam eam, de qua ego locutus sum, inter se distinctas esse: cum tamen superius me reprehenderit, qui dixerim, eas esse distinctas. Vter nostrum igitur magis reprehendendus sit, iudicabunt alij.

#### SECTIO XIII.

**D** E inde cum ego ita dixissem,  
Facile enim quilibet intelligere potest, eo lib. Aristotelem substantiæ, cæterorumq; generū, quatenus talia sunt, itemq; eorum quæ continentur ipsis generibus, naturā, & affectus, quoad fieri potuit, declarare.

Multis uerbis contra me inuehitur, quòd ait, dixisse me, id esse cognitu facile, quod nemo tamen tot seculis intelligentia consequi potuerit. Ego uerò dixi, id facile quemlibet intelligere posse, qui felicit rationes meas legisset, & percepisset. Quare cum ea omnia, quæ de hac re scribit, uerba sint tantummodo, neq; ullam omnino rationem adiunctam habeant, ad ea nihil attinet quicquam respondere.

Quod uerò conatur id euertere, quod ego dixeram, Prædicamenta non posse aliter describi, ut ipsa sunt: ad hoc satis responsum esse arbitramur, cum cæteris huius Apologiæ libris, tum uerò maximè I. I. libro. Oportuit autem ostendere, alias esse in Prima philosophia descriptiones, & proprietates, quæ cōuenirent eis, ut ipsa sunt. Quis negat enim, Primam philosophiam cōsiderare ens, ut ens est; & Prædicamenta, ut entia: siquidem omnia quæ sunt, ut entia considerat. Sed illam dicimus, præter quàm quòd Prædicamenta considerat, ut entia, considerare eadem quoq; ut ipsa sunt, quemadmodum superiori libro ostendimus. Quod autem subdit,

Licet eadem sint definitiones in Prædicamentis, & in Metaphysica, tamen ex hoc non inferri licere, librum Prædicamentorum esse partem Metaphysicæ, quia in reliquis discrepant.

Id uerò negamus. neque enim in reliquis omnibus discrepant, ut rationes nostrae ostendunt: neque fieri potest, ut in ulla doctrina quippiam sit, quo aliquid concludatur, quod ad illam ipsam doctrinam pertineat, idemque reperitur in alia doctrina: quo item concludatur aliquid, quod huius ipsius facultatis proprium sit, atque eodem modo consideretur. ita enim liceret descendere de genere in genus. Neque id quod ipse ait, ita se habet in omnibus facultatibus. facultates enim inter se distinctae sunt, tum quia res distinctas pertractant, tum quia differunt ipsa pertractandi ratione, modoque, qui quidem modus illas reddit specie distinctas. Ita fit, ut quod ad unam aliquam doctrinam pertinet, id summi non possit, ut aliquid concludatur in alia: quod si sumitur, & non uariat rationem specificam, illa quidem facultas, in qua sumitur, dicitur suscipere per sonam eius facultatis, à qua id sumitur. sed non potest quicquam ex eo concludere illud enim falsum esset, non licere descendere de genere in genus. Sed de hac re III. huius Apologiae lib. satis superque disputauimus.

Quod autem dixi, Aristotelem ostendere in Praedicamentis, species esse magis substantias, quam genera, idque pertinere ad Primam philosophiam, quae item ostendit, formam esse magis substantiam, quam materiam, redarguit me, atque ait, haec longè interesse. Sed decipitur, quia praedicata coarctant subiecta quo ad hanc rem. Quare cum substantia, ut substantia, pertineat ad Primam philosophiam, quaecumque considerantur ut substantia, pertinet ad ipsam Primam philosophiam: quæ ad modum etiam, siquid consideratur ut ens, spectat ad Primam philosophiam. Sed de his & in Commentario, & superioribus libris, satis multa disseruimus. Quemadmodum autem Aristoteles imperfectam rerum cognitionem tradiderit, nisi liber Praedicamentorum sit pars Primae philosophiae, ea ite quae scribit Vbaldinus, nihil rationes meas infirmare, satis ex eis quae superioribus lib. disputata sunt, intelligi posse arbitramur.

Multa praeterea subiungit, quæ (ut ex his patet, quæ superioribus libris diximus) partim sunt falsa, ut illud, quantitatem, quatenus est quantitas, considerari à Prima philosophia: partim nihil ad rem faciunt, ut cum ait, Quis omnino nescit, qui modo Aristotelis nomen audierit, Theologiam, ens, ut ens, contemplari. Et multa alia, quæ hoc loco scribit. Quod idem dicendum est de eis, quibus conatur ostendere, considerare substantiam, ut substantia est, non esse considerare eam ut ens: id quod nos saepenumero concessimus. illum etiam non percepisse rationem nostram, ex superioribus libris constat.

Quod uerò à proposito digrediens multis uerbis conatur ostendere, unam atque eandem rem diuersis modis consideratam, necessariò pertinere ad duos artifices: hoc tantum abest ut ego negauerim, ut etiam quasi fundamentum rationis nostrae secerim, sicuti ex nostro Commentario, et ex superioribus libris patet. Verum ipse hunc laborem suscepit, quod non rectè rationem nostram perceperat. Quoniam uerò superioribus libris, uel nominatim, uel tacite dissoluta essent ea omnia, quæ deinceps ad libri calcem usque scribit Vbaldinus, ne oratio nostra longius progrediretur, ac ne saepius eadem à nobis ratio repeteret, hæc missa esse facienda statuimus.

Sectio



Scripsere item contra nos quidam alij, non modo Itali ho-  
mines, sed Hispani etiam, Galli, ac Theutonici, egregij sa-  
nè viri, quicquid multis, et peracutis argumentationibus usi  
sunt: sed cum illorum argumentationes partim positæ es-  
sent ab eis, quibus singulis separatim respondimus, partim ex eis quæ  
diximus, facile dissolui posse uiderentur, superuacaneum fore existi-  
mauimus, si eorum quæ à nobis scripta sunt, rursus mentio fieret.  
Præsertim cum, si à nobis (ut speramus) ueritas facit rjs in rebus, in  
quibus unum Aristotelem secuti, à communi uulgatæq; cæterorum  
opinionē recessimus: fore confidamus, ut nō modo dissoluta sint ea  
quæ cōtra nos scripta sunt hactenus, sed facile etiam dissolui possint,  
quæcūq; aliquando scribentur, itaq; de hoc toto genere disputandi  
finem iam facien dum esse existimamus: tantum homines bonarum  
literarum studiosos rogamus (quod etiam in exordio fecimus) ut nō  
antè cōtra nos sententiam ferant, quàm libros nostros accuratè per-  
legerint, rationesq; eas, quibus adducti nos in hanc opinionem di-  
scelsimus, diligenti, rectaq; tanquam iudicii trutina examinauerint.  
Quòd si fortè eorum lectione abstinuerint (neq; enim ego id nimis la-  
boro) æquum est etiam à iudicando abstinere. Siquidem nullo mo-  
do fieri potest, ut is unquam rectè iudicet, qui non rationes omnes,  
quæ utrinq; allatæ sint, quam optimè perceperit: ut enim quisq; rem  
maximè cognitam habet, sic optimus est iudex. Reperiuntur tamen  
quidam homines ita malè ad ueritatem affecti, ut cum primum au-  
diant, quæ nunquam antea soliti sint audire, quæq; ab rjs discrepent,  
quorum in uerba iurarunt, statim ea rejiciant, & à ueritate prorsus  
aliena iudicent. Quos quidem certò scio, cum ea quæ à me scripta  
sunt, legerint, ualde reclamaturos esse, magnasq; turbas in me concit-  
atuuros. Sed quid tandem illi sentiant, quid uè cōtra me pronun-  
cient, mihi planè negligendum arbitror: nemo est enim, qui nesciat,  
omnem his ad ueritatem percipiendam obstructum esse aditū, si qui-  
dem qui amant, aut oderūt, quorum uè utilitas agitur, nihil hi rectè,  
sincerè uè diiudicare possunt, sed corū iudicia uel uoluptate, uel do-  
lore omnino deprauantur. perindeq; illis accidit, ac si quis inflexa, ad  
quam dirigat aliquid, regula utatur.


Hæc sunt amplissime Alexander, quæ, ut summorum philosopho-  
rum rationes dissoluerem, quibus opiniones meæ maximè infirma-  
ri uiderētur, scribenda duxi: quæ si eiusmodi fuerint, ut studiosis ho-  
minibus aliquid utilitatis afferant, id omne tibi quidem in primis ac-  
ceptum referri debet. Tua enim potissimum causa hunc ipsi labo-  
rem suscepimus, opusq; ipsum, qualecūq; est, tibi dicauius,  
ut non minus iam tuum illud, quàm meum iure uo-  
cari posse uideatur.

BASILEAE, PER [REDACTED]  
[REDACTED] ANNO SALVTIS  
Humanae, M. CCCC. XLV.  
Mense Augusto.









RESTAURO del LIBRO ANTICO  
Cav. G. DI GIACOMO  
PERUGIA

1973

